





似學編

北京大學《儒藏》編纂與研究中心

圖書在版編目(CIP)數據

儒藏. 精華編. 一八六/北京大學《儒藏》編纂與研究中心編. 一北京:北京大學出版社,2014.5

ISBN 978-7-301-11904-4

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2014)第 088054 號

書 名: 儒藏(精華編一八六)

著作責任者:北京大學《儒藏》編纂與研究中心 編

責任編輯:王應童祁

標準書號: ISBN 978-7-301-11904-4/B • 0590

出 版 發 行: 北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博: @北京大學出版社

電子信箱: dianjiwenhua@163.com

電 話:郵購部 62752015 發行部 62750672 編輯部 62756449

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 44 印張 491 千字 2014 年 5 月第 1 版 2014 年 5 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會 科學 基金 重大 項目 目「十一五」國家重點圖書出版規劃項目・重大工程出版規劃

《儒藏》精華編第一八六册

首席總編纂 季美林

項目首席專家 湯一介

湯一介 靡 樸 死

總

本

册

主

編

嚴佐之

孫欽善 安平秋 (按年齡排序)

儒藏》精華編凡例

爲儒家經典和反映儒家思想、體現儒家經世做人原 則 的典籍的叢編。 、中國傳統文化以儒家思想爲中心。《儒 收書時限自先秦至清代結束 藏

藏 令中 一、《儒藏》精華編爲《儒藏》的一部分,選收《儒 精要書籍

的

寫者一 互見。 已收入入選的個人叢書或全集者,僅存目録 《中國古籍善本書目》,於個别處略作調整。 漢文寫作的儒學著作,編爲海外文獻部類 分類法分類,大類、小類基本參照《中國叢書綜錄》和 土文獻。 三、《儒藏》精華編所收書籍,包括傳世文獻和 律收其釋文文本。 出土文獻單列爲一個部類,原件以古文字書 傳世文獻按《四庫全書總目》經史子集四 韓國、日本、越南 儒學者用 並 凡單書 注 部 明 出

> 編,不改編,保持原書的完整性 四、所收書籍的篇目卷次,一仍底本原貌,不選 和 獨 立 性

勘價值的版本爲校本。 確定内容完足、精確率 五、對入選書籍進行簡要校勘。 高的版本爲底本,精選有 出校堅持少而精,以校 以對校爲主, E 誤 校

外,其他一律省略。 例,進行規範化標點。 六、根據現行標點符號 專名號除書名號用 用法,結合古籍 角號(《》) 標 點通 爲主,酌校異同。校記力求規範、精煉

落。 般不分段。 正文原已分段者,不作改動。千字以内的短文 七、對較長的篇章,根據文字内容,適當劃 分段

出現順序前詳後略 及其他有關情況。 及整理時所確定的底本、校本(舉全稱後括注簡稱 介紹作者生平、該書成書背景、主要内容及影響,以 八、各書卷端由整理者撰寫《校點説明》,簡要 重複出現的作者,其生平事 · 蹟按

九、本書用繁體漢字豎排,小注一律排爲單行。

凡

《儒藏》精華編第一八六册

子 部 儒學類

: 五 五 善 熹	日月川先生遺書》) 宋]朱 熹 宋]朱 熹
太極圖説述解(存目,見《曹月川先生	
書注[北宋]周敦頤 [南宋]朱	
載 〔南宋〕朱	
上蔡語録[北宋]謝良佐 [南宋]朱	熹
延平答問[南宋]李 侗 [南宋]朱	惠
近思録〔南宋〕朱 熹 吕祖謙	日祖謙
近思録集註〔清〕江 永	

太極圖説解

(南宋)朱 熹 撰

目	朱熹後記	太極圖説解	圖解	太極圖 ::	校點説明	目
		解				録
	_	四	_			

明

成

理學的集大成者。

制。 (一二○○)卒於建甯府建陽縣(今屬 關係的 爲二程的四傳弟子,他繼承並發展了二程關於理 軍、提舉浙東常平茶鹽公事、知漳州、官至焕章 南平)。 宋建炎四年(一一三〇)生於南劍州尤溪縣(今福 谷老人、滄州病叟等。 朱熹,字元晦,改字仲晦,别號晦 令、知南康軍、國子博士等。 之濂溪名之,後人又稱其濂溪先生。 北宋天禧元年(一〇一七)生,熙寧六年(一〇七三) 晚年遭「慶元黨禁」,多次離家避難。 因 周 學說,建立 築書堂於廬山蓮花峰下小溪旁,以營道故居 敦頭,字茂叔,道州營道(今湖 紹興十八年(一一四八)進士。 起 祖籍徽州婺源(屬江西)。 個 完 整 後人編有《周子全書 的 理 庵、晦翁、遯 學 曾官郴州郴 體 福 南道縣)人。 系,爲 建)。 曾 慶元 知 翁、 宋代 六年 閣 南 朱 氣 雲 康 建 南 縣 喜 待

> 熹整理,僅二百五十餘字,朱 而具有特 加以發揮,使之成爲宋代理學的 圖式,並作《太極圖説》闡 改繪成《太極圖》,作爲論證宇宙本體及萬物生成 時 唐、宋之際,用圖解來説明宇宙生成 風氣。 殊重要的意義 周敦頭 利用宋初道士陳 述。 熹還作《太極 今傳《太 理論基礎,此 極 摶 圖 的 的 圖説 山説》爲 修煉 原 理,已 書 因 的

述。 儀, 是 頤 也。」(《朱文公文集》卷四十五《答楊子真》)「太極 子因之而又謂之『無極』者,所以大無聲無臭之 聖人謂之『太極』者,所以指夫天地萬物之根也。 朱熹的自然哲學,即以《太極圖說》爲出發點進 兩儀、五行之精,妙合而凝。 的 一個理字」。(《朱子語類》卷 陰陽變合而生水火木金土五行。 他説: 一大 周 敦 極」, 頭 「原『極』之所 提 即 出 程 無極即太極,流轉 所 説 以 的 得 二氣交感,化生 理」; 名 一)朱熹認爲: 蓋 周 取 無 而 敦 樞 極之 成 頭 極 陰 之義。 真, 萬物。 陽 周 行 敦 周 闡 與 只 兩

點 説 明

校

氣」、「五行」, 太極 太極」說與「理氣」說合爲一 一説,就 即二 成了程、朱「理氣」説的 程 所 説 的 體了。 氣」。 菃 先導,换言之, 樣 周 敦 頤 的

公文集》卷八十二《題太極西銘解後》) 讀者由辭以得文意,而 見儒者多議兩書之失,或乃未嘗 予作《太極》、《 論做總結,朱熹刻印了《太極圖說解》,並跋云:「始 墓誌銘》)淳熙十五年,爲了給有關「無極太極」的 示學者」。 學章句》、《中庸章句》外,「又出《太極講義》一編,以 與周敦頤讀 年(一一七九)朱熹知南康軍,治所就在廬山 了探求周敦頤 本中,發現有許多謬誤,和周敦頤的説法不 (太極圖説解》,於乾道九年(一一七三)成。淳熙六 予竊悼焉 太極 (曹彦約《昌穀集》卷二十《梅坡先生彭 圖説 書處 因出 的本意,不使後人誤入歧途, 西銘》二解,未 》在宋代流傳甚廣,但朱熹在各類 鄰 近。 此解以示學 知其 在任期 未可 嘗 間, 敢出 徒 通其文義而妄肆 以輕議也。」(《朱文 使 他除了講 以 八廣其 示人也。 傳, 朱熹作 合。 脚下, 解《大 庶 幾 詆 辩 公 爲 傳 近

> 跋。 印。 氏崇文堂刻本對校,發現它與後者更爲接近 熙刻本。 三書後分載朱跋。」上海圖書館藏有《朱子三書》康 所收,俱全載朱注,厚庵即據以録出,各爲 圖說注》一卷、《通書注》一卷、《西銘注》一卷、《文貞 三書編成的。 三書》,已非黄益能本,而是從《性理大全》中抽出 全集》本,國朝李光地編,宋朱子撰……《性理大全》 卷二十三引朱浚《題朱子三書》)此 注》、《西銘解》,編成《朱子三書》。 前人已經注意到 經與《朱子成書》元刻本、《性理大全》明嘉 南 宋黄益能將 國家圖 周 書館所藏《朱子三書》清 中 朱 孚《鄭堂讀 熹所 清康熙間李光地所録《朱子 撰《太 書記 極 書在明代曾 (《新安文獻 置 》有 説 言 刻 解 本 一卷,於 《太 無序 有 通 志》 此 鄭 極 刻 書

本、 前有劉將 指要》、《周易參同契》、《陰符經》、編《朱子成 銘》、《易學啓蒙》、《家禮》、《律吕新 明景泰刻本、清初抄本。 元黄瑞節輯朱熹所注《太極 孫序。 或 家 圖 書 館 元刻本爲元至正 藏 圖說》、《通書》、《 有 元 書》、《皇 刻 本、 極 明 書》, 元年 初 經 刻 世 西

辛巳(一三四一)日新書堂刊行,不分卷目。

理大全》七十卷,内有《太極圖說解》。國家圖書館 明永樂十三年(一四一五),胡廣等奉敕編《性


藏有明永樂十三年内府刻本。 本書標點,以國家圖書館所藏元刻《朱子成書》

書》明刻本),多校以鄭氏崇文堂刻《性理大全》本 本爲底本,對校以明初刻《朱子成書》本(簡稱《成

(簡稱《大全》本)、明徐必達刻《周張全書》本(簡稱

徐本)。

校點者 黄 珅



太

極

圖

陽

太極圖說解

啚

解

耳。 陰陽 以立也。 用所以行也, 》者,陰之静也,〇之體所 ○者,其本體也。 而陰之本體也。 〇,此所謂無極 而指 ♥,此○之動而 **〕者,**€之根也;(者,)之 其 本 而太極也,所以動 體,不 然非有以 飞者,陽之動 雜乎 陽、 離乎陰陽 静 陰 加 陽 陰 也,〇之 而陽、静 何 也 也,即 爲 言 中

根也。 ,此陽變陰合而生水火

合也。 俄陽稚,故次火,◎陰稚,故次水,⊕沖氣, 木金土也。 \ 者,陽之變也, ☞陰盛,故居右,◎陽盛,故居左, / 者,陰之

〕之爲也,神, €之發也,五性, ® ®

故居 中。 而水火之人 交系乎上,陰根

> 土 時行也。❷ 而金, 陽 根 陰也。 金 而復水,如環 0 水而木,木而火,火 無端,五氣布, , 五行一 圃 陰 四

靈, 也。 性,而萬物一太極也。惟人也得其秀而最 質異,各一其〇,無假借也。少,此無 載 粗 以氣化者言也,各一其性,而男女一太極 陽,五殊二實,無餘欠也,陰陽一太極, 二五所以妙合而無間 無聲臭也。 本末,無彼 則 ○,萬物化生,以形化者言也,各一 所謂 人〇者,於是乎在矣。 此 五行之生,各一其性,氣殊 也; 太極本無 也。 〇,乾男坤女, 極,上天之 極 其

雜 布」下、《大全》本有「而」字。 一《成 書》明刻本作「離」。

10

也,物之終也。

此所謂易也,而三極之道

也,物之始也;

陰也、柔也、義也,所謂

9

之德 以 秀之精一,而有以全乎〇之體用者也。 之象也。 中正仁義,渾然全體,而静者常爲 也、寂也,所謂 1也,〇之體所以 所謂 €也,○之用所以行也,正也、義 通乎寂然不動之中。 凶悔吝所由以生也。● 惟聖人者,又得夫 二動一 也; 静,各臻其極,而天下之故,常感 善惡,男女之分也,萬事 此天下之動,所以紛綸交錯 盖中也、仁也、感也, 主焉。 立也。 萬 而 是 吉 物

則人〇於是乎立,而〇 Œ ⇎

僻邪侈,所以悖此 之戒謹恐懼 地、日月、四時、鬼神有所不能違矣。 , 所以修此 而凶也。天地人之道, 而吉也,小人之放 君子

各一〇也。

陽

也、剛

也、仁也,所謂

(

也。

立焉,

實

則

也。

故

曰「易有太極」,

「綸」、《成書》明刻本作「紜」。

「❷」,原作「❷」,據《成書》明刻本、《大全》本、徐本

太極圖説解

無極而太極。

太極之外,復有無極也。 品彙之根柢也。故曰:「無極而太極。」非「上天之載,無聲無臭」,而實造化之樞紐、

復動 太極 動 而 生 動 陽 静, 動 互爲其根,分陰分陽, 極 而 静 静 而 生陰 静 两 極

立焉。 也。 之者善」,萬物之所資 始,而命之道也。 陰一陽之謂道 太極之有動静,是天命之流行也,所謂「一 誠之復也,「成之者性」,萬物 「動 極 加 静」,「静極復動」,「一動 其動 誠者,聖人之本,物之終 以 也,誠之通也,「繼 始也 各正其性 ; 其静 也

> 陽變陰合, 微者 也。 静, 始。」非知道者,孰能識之? 離 不見其始之合,引之於後,而不見其終之 理,已悉具於其中矣。 時、陰陽不同位,而太極無不 太 極者,本然之妙也; 儀立焉」,分之所以一定而不移也。 動 也。 極,形而 互 而 是以自其著者而 而觀之,則沖漠 生陽」, 爲 故程子曰:「動 其 而生水火木金土。 根 上之道 静 命之所 而 也 生陰」,「分陰分陽 動 無朕 ; 雖然,推之於前 觀之,則 静者,所乘之機也。 陰陽,形而 以 静 流 而 無 五氣 行 端, 動 ·在焉 而 動静 静陰 順 不 陰 下之器 布, 己 盖太 陽 自其 不 陽 也 無 之 司 四 而 两

時行焉。

則 有太 地 加 變 氣行於天者也。 極 一合而 則 動 五 行 静 具。 而 以質而語其生之序, 两 然 儀 五. 行者 分; 有陰 ,質具於 陽

四

之, 者 陽 水, 也 則 無 而 E 則 則 而 水火 滴 静 又無 木、火陽 氣 氣 陰 而 陽 也 而 木 非 、適而: 而 金 陰 語 質陰也,又錯而言之,則 陽 盖五行之變,至於不可窮, 也 其 土,而水、木陽 非 之道。 ,金、水陰也。 行之序, 太極之本然也,夫豈 至其 則 日 (所以 也,火、金 木 又統 火 爲 土 陰 而 有 動 陽 言 金 陰

無極也, 五行之生也,各一其性。五行,一陰陽也,陰陽,一太極也。太極,本

所

虧欠間隔哉

生生而變化無窮焉

物之中 不能 皆 即 極 五 初 之妙 此 不能 行 無 聲 外 具, 而 也。 臭之可言,是性之本體然也。 離 乎 推本之,以明其渾然一體 則造化發育之具無不備矣,故又 乎太極 陰 而 無 陽 盖 極之妙,亦未嘗不各具 五 行 陰陽異位,動静異 至於所以 異質,四 時異氣,而 爲 太極 12,莫非 時 者,又 天下 於 而 皆 無

> 男,坤道成女」,二氣交感,化生萬 無極之真,二五之精,妙合 其性 質 豈 物之中,而性之無所不在,又可見矣。 而 有性外之物哉? 所禀不同,所謂 則渾然太極之全體 各一 然五 加 一行之生,隨 ,無不各具 其性」也。 凝。 物。 「乾道 於 各 其 萬 氣 成

也。 也。 三五 人物 母之道也。是人物之始,以氣 者成男,則父之道也, 緯錯綜,又各以類凝聚 成形也。 氣言,不二之名也。 夫天下無性外之物,而性無不在,此無. 所以 生生變化無窮矣。 氣聚 「真」以 盖性爲之主,而陰陽五行爲之 成形,則形交氣感,遂以形化,而 混 理言,無妄之謂 融 而 無 間 「凝」者,聚也 者也 陰 圃 自男女而 成 而順 形 所謂「妙合」者 也 焉。 者成女, 化而 觀之: 一氣聚 陽 精 生 而 極 經 以 則 則 健 而

六

莫能 見其 男女各一其性 物 無性外之物,而性無不在者,於此尤 分而言之,一物各具一太極也。 極 也 而 (全矣。 ·戴焉,語小,天下莫能破焉。」此之謂 觀之,則 盖合而言之,萬物 子思子曰:「君子語 萬物各一其性 河面 男女一太極 統 體 而 也 太 所 萬 大,天 謂 物 極 可 天下 一太 自 也 下 以 萬

矣,五性感動,而善惡分、萬事出矣。惟人也,得其秀而最靈。 形既生矣,神發知

也。

其心爲最靈,而有以 惡,又以類分,而五 發於陽,五常之性 五 盖人物之生,莫不有太極之道焉。 然陰 此言衆人具 天地之心」而人之極 行,氣質交運,而人之所禀獨得其秀,故 (動静之理,而常失之於動 一感物 性之殊,散爲 不失其性之全,所 也。 而 然形 動 生於陰 而 萬 陽善 事 也 神 陽 盖 陰 謂

> 其序,鬼神合其吉凶」。 故 聖人定之以中正仁義本注云:聖人之道,仁義中正 而已矣。 利 「聖人與天地合其德,日 非聖人全體太極 氣五 害 相攻,人極 而主静,本注云: 行化生萬物,其 不立 有以定之, ,而違禽獸 無欲故静。 在人 月合其明 者又 則 欲 立人極 不 四四 遠 動 如 情 此, 勝 自

쪰 貞 者 盖 其 人 所 生,又得其秀之秀者。 盖人禀陰陽五行之秀 此言聖人全動静之德,而常本之於静也 中 虧馬 (處之也正,其發之也仁,其 也。 酢 ,於此乎定矣。 一動一静,莫不有以全夫太極之道 Ė 事 苟非此 物之變, 仁義,動静 則向之所謂 心寂然無欲 而一天下之動 然静者,誠之復 周 流, 欲 氣以 是以 動 而其動 情勝、 而静 其 生,而聖人之 裁 哉 ¨, 則 利 行之也 也 之也 必 害相 而 亦 主乎 故 何 性 加 中 聖 之 攻 無

專 用有以行。若程子論乾坤 時、鬼神,有 静 則不能直遂,不翕聚則不能發散。」亦 此其 所以成位乎中,而天地、日月、四 所 不 能 違也。 動静 盖必體 而曰:「不 立 而 後

君子修之吉,小人悖之凶。

此

意

爾。

又寡 之,小人之所以凶 敬肆之間而已矣。 此而修之,君子之所以吉也, 正仁義之極,盖不假修爲而自然也。 聖人,太極之全體,一動 以 至 於無,則静 也。 敬則欲 虚 修之悖之,亦在 動直 静,無適而非中 寡而理明,寡之 不知此 而 聖 可 而 未至 學 悖 乎

始反終,故知死生之説。」柔與剛,立人之道,曰仁與義。」又曰:「原故曰:「立天之道,曰[與與陽,立地之道,曰

立也。 聖人作《易》,其大意盖不出此,故引之以 别,而於其中又各有體用之分焉,其實則 陰陽成象,天道之所以立也,剛柔成質, 證其説。 地之間,綱紀造化,流行古今,不言之妙。 知所以生,則反其終而知所以 陰也,柔也,義也,物之終也。 地道之所以立也,仁義成德,人道之所以 太極也。 道一而已,隨事著見,故有三才之 陽也,剛 也,仁也,物之始 死矣。 能原其 此天 始而 也;

大哉《易》也,斯其至矣!

嘗明以此圖示人,是則必有微意焉,學者之。程子之言性與天道多出於此,然卒未之。程子之言性與天道多出於此,然卒未之。程子之言性與天道多出於此,然卒未之。程子之言性與天道多出於此,然至未過盡之,其指豈不深哉! 抑嘗聞之:程

亦不可以不知也。

論 甚,辯詰紛然,苦於酬應之不給 曰 而論之。 ●愚既 爲此説, 讀者病其分裂 也。 故 已

得其 統 言 説,亦皆有理。 中正之分,不當反其 不可言體立而後用 謂 陰陽,或謂不當以太極、陰陽分道器,或 大抵難者或謂不當以「繼善」、「成性」分 體,不可偏指爲陽動者, 一物各具一太極。又有謂體用一 不當以仁義、中正分體用,或謂 一而遺其二也 然惜其於聖賢之意,皆 行者, 類者。是數者之 又有 又有謂 謂 仁爲 不當 一源, 義

釐 外賓主之分,粲然於其中,有不可以毫 夫道體之全,渾然一致,而精粗本末、内 差者。 此聖賢之言,所以或離或合,

> 信同 偏,◎卒爲無星之稱、無寸之尺而已,豈 知夫所謂粲然者之未始相離也。 徒知所謂 或異或同,而乃所以爲道體之全也。 疑 異,喜合惡離,其 渾然者之爲大而樂言之,而 論 每 每 陷 於 是以 今

八

不誤哉!

以此 然性善,形而 人物禀受一定,而不可復易,陰之静也。 陽變化流行,而未始有窮,陽之動也, 夫善之與性,不可謂有二物,明矣。 成之者性」,自夫人物禀受而 繼之者善」,自其陰陽變化 辨之,則亦安得無二者之分哉? 上者也,陰陽,形而下者 言也。 而言也; 然 陰

⁰ 0 一論日 作「附辯」。 二,張 伯 行《周濂 溪先生全集》、董榕《周子全書

哉? 者,誠 之體 中正 陰哉 也。 理完具,不 各具,則亦 嘉之會也,義者,利之宜也,正者,貞 有未安者。 得此意而推之,則庶乎其不偏矣。 須著如 故程子曰:「形而 下之殊哉? 極 陰陽、太極,不可謂 有宗、會之所以有元也 無象,而陰陽有氣 也。 周子之意,亦豈直指善爲陽而性爲 ,同乎一 之復 萬物之生,同 此說 但語其分,則以爲當屬之此耳。 而元亨者,誠之通 也。 相 有可疑者。 然仁者,善之長也; 理者也,而析爲體用,誠若 假借 然器亦道也,道亦器也。」 此其所以爲道、器之别也 是則安得爲無體 不相 上爲道,形而 有二理,必矣。 一太極者也,而 ,則亦安得而 然一物之中,天 陵奪 是則安得 ,此統之所 也; 下爲器 用 中者, 仁義 然太 利貞 無 謂 之分 其 上

既 舉體 有 夫 蓋 所 而 者、是豈漫無精粗先後之可 言事則先顯 理無乎不在也。 面 者,程子之言盖已密· 日 見,是所 者,以至著之象言之,則即事即物 源」者,以至微之理言之,則 四 事 日 謂 後 不識夫偏言之一 曰體立而後用行 萬象昭然已具也;其曰 各具一 ,專言則包四者。」則是仁之所以 有彼矣。 M 者,固未 「專言之而包四者」是也。 「四德之元,猶五常之仁,偏言 用之理已具,是所以爲一 以 理 爲 而後微,盖即事而理之體 哉? 嘗離 所謂 無 言理則先 間 夫偏言之一事 若夫所謂 事 仁爲統體者,則程 ,則亦不嫌於先有此 也 矣。 而 然 可 其 體 「顯微 則 以 言哉? 沖 日 mj 體 所 驟語夫專 漠 後 用 謂 源也 然其言 體 *,亦未 加,盖 無 無 一源 而此 用 朕 間 句 則 況 源 叮

0

暢。 子之心,而無疑於紛紛之説矣。 毋以先入之説亂焉,則庶幾其有得乎周 是書,語意峻潔而混成,條理精密 體用,亦豈爲無説哉? 大抵周子之爲 也。 言一事者言之,而非指所謂專言之仁 所謂未發之中也。仁不爲體,則亦以偏 之爲用,則以無過不及者言之,而非指 之,而昧夫陰陽動静之别哉! 不得爲專言之矣,安得遽以夫統體者言 以中正參焉,又與陰陽剛柔爲類,則亦 言之統體者也。 而義者所以爲仁之質,又可知矣。其爲 讀者誠能虚 對此而言,則正者所以爲中之幹, 況此圖以仁配義,而復 心一意,反覆潜玩,而 至於中 二而疏

當之。 也。 **一
西** 講論 夫。 者。近年已覺頗有此弊矣。 微意者 也。 馳心空妙,入耳出 之者爾。 象盡意,剖析幽微,周子盖不得已 (易傳》成書,深 銘》蓋屢言之,至此圖則未嘗一言及 觀其手授之意,蓋以爲惟程子爲能 謂其必有微意,是則固 敬夫以書來曰:「二先生所與 某既 問答之言,見於書者詳矣。 至程子而不言,則疑其未有能 ,果何謂耶?」某 夫既未能默識於言意之表,則 爲此説,嘗録以寄廣 患無受之者,及《東見 口,其弊必有不勝 觀其答張閎中論 竊 以爲 然。 漢 然所 此 其於 門 張 而 圖 作 謂 敬 受 立

> 子曰: 録》中 望,朱某謹書。● 夫,因記其說於此。 深。」某於周子、程子亦云。 於學者日用最爲親切,非若此書詳於性 若《西銘》則推人以之天,即近以明遠, 而於《易》則鮮及焉,其意亦猶此耳。 而語者也。 命之原,而略於進爲之目,有不 處走,不若且只道敬,則其意亦可見矣。 論横渠 「堯舜之利民 孔子雅言《詩》、《書》、執禮, 「清虚一大」之説使人向别 乾道 也大,禹 癸巳四月既 既 之慮 以 復於敬 可以驟 民 忧 韓

「某」、《大全》本、徐本作「熹」。

0

熹

後

記

太極圖說述解(存目,見《曹月川先生遺書》)

[明]曹端撰

通

書

注

[南宋]朱 熹 注 劉永翔

目録	治第十二 一〇	順化第十一 一〇	志學第十	思第九	幸第八	師第七 七	道第六 七	慎動第五 六	聖第四 六	誠幾德第三 五	誠下第二 四	誠上第一 三	通書注	校點説明		多		
	精蘊第三十二	聖蘊第二十九 一	文辭第二十八 一	勢第二十七	過第二十六 一	師友下第二十五 一	師友上第二十四	顔子第二十三 ······· 一	理性命第二十二	公明第二十一 一	聖學第二十 一	樂下第十九 一	樂中第十八	樂上第十七 一	動静第十六 一	愛敬第十五 一	務實第十四 一	禮樂第十三
	<u></u>	九	八	八	八	七	七	六	六	五	五	五	五	=	三	_	_	_

蒙艮第四十	孔子下第三十九	孔子上第三十八	公第三十七	刑第三十六	擬議第三十五	陋第三十四	富貴第二十二	家人睽復无妄第三十二	乾損益動第三十一
二四	四四	二四	四四	=	1 = 1	1 11	=		<u> </u>

明

通書 注》一卷、宋周敦頤撰、朱熹注。

言

之

年 爲 湖 知 五 南昌。 南 廣 十七。 東 歷 道縣)人,字茂叔,號濂溪,宋代理學的 周 轉 任分寧主簿,調南安軍司 敦頤(一〇一七 運 歷 嘉定十三年,賜謚 合州判官,通 判 官 ,提 點 刑 1 判 獄 一〇七三),道州 虔 元 州。 以 公。 理 疾 多軍,桂陽令,徙 求 熙 寧 知 初 南 康 創始者之 知 誉 軍。 道 郴 州。 一个 卒

方、經世之具,又皆親 氣、五行之分合,以紀綱道體之精微, 程)以傳於世,而其爲 本號 易通」,與《太極 利之取 始」(《宋史》本傳)。 周 氏著《太極 舍,以 振 圖説 起俗學 説,實相表裏。 切簡要,不爲空言。 又著《通書》四十篇,朱熹說: *, 圖說》並出, 之卑 明 天理之 陋。 至 根 大抵推一 程氏(按: 論所以 決道義、文辭、 派源,究 顧 其 萬 入德之 理、二 指二 宏 物 綱 之

校

點

説

明

分而 又說: 大用 子思想的 人所抱的宇宙觀與 述自己對周氏思想 害。」(《四庫全書總目》卷 起當時及後世的爭議 一《通書問》)其實,朱子將二書聯繫起來 深,又非今世 ,皆發此圖之蘊。」(《太極 既 解 「先生之學,其妙具 之, 非 重要文獻之 秦 固 漢 各 學 以 有 來諸儒 者 義 理 人 所 理 但正 一,值得 生 解 能 觀, 的 所 九五《子 驟 合 八於《太 過程中, 如 及 因 圖 而 而 四四 研 通 而也成 窺 解 庫館 而其條理 究者去反 書總 極》一 也。」(《通 之,於本意亦 部 也 . 臣所言 爲 IE 序》此說 儒家類 圖《通 後 表 復尋 之 串 書後 達 人探究 講, 密、 出 書》之 存目》 他 在 無 雖 記 意 引 朱 所 書 本

然猶有所未盡也。」(《太極圖 異。 釋 在精益求精。 繼 傳,據朱熹說、「今春陵、零陵、九江皆 編次了建安本、南康本《再定太極 本(《通 《通書》及《太極圖說》在 長沙本最後出,乃熹所 書後記 淳熙八年(一 朱子一而再、 一八七),他又編出了 編定, 通 朱子未注之前 書總序》)因此他又 視 再 他本最 通 有本,而 而三地 書後序》), 詳 編纂 就 互有 密矣, 有 此 相 注 同 流

27

服膺和崇拜。 二書猶感不足,又繼之以注解,由此可見他對 周氏的

藏書目録》著録《太極通書》三册、清代《國 極圖解》當是後世所傳朱子注本的祖本。 堂書目·儒家類》),其中尤袤所著録的《朱氏通書太 釋本(陳振孫《直齋書録解題·儒家類》、尤袤《遂 補》著録《周子書》二卷、都屬朱子注本。 朱子所編之本,宋代書目僅著録了南康本和注 《明代内 史經 籍 志 初 閣

《朱子成書》及明胡廣等《性理大全》諸本,前 生集》、萬曆三十四年徐必達所刻《合刻周 經眼者有明萬曆二十七年劉 集者、宋有《元公周先生濂溪集》,明、清二代尤夥。 白文本,後二者則爲朱注本。 全書》、《四庫全書》本《周元公集》、清道光二十七 顯鹤所刻《周子全書》本。 今存《通書》諸本,單行者有元刻本《周子通 輯入叢書者則有宋刊《諸儒鳴道集》、元 鄭文等所刻《周元公先 《通書注》编入周 張 黄瑞 兩 ----先生 敦 種 書 頭 爲 訓

鄧

這次《通書注》的整理,以《朱子成書》元刻本爲

(簡稱徐本),并以影印文淵閣《四庫全書》本《周元公 公先生集》本(簡稱劉本)、《合刻周張兩先生全書》本 《性理大全》明永樂十三年刊本(簡稱大全本)、《周元 底本,校以宋刻《元公周先生濂溪集》本(簡稱宋本)、 集》(簡稱四庫本)、《周子全書》本(簡稱鄧本)參校。

校點者 劉永翔

通

書》者,

濂

溪夫子之所

作

也。

夫子

自

之精微 失。 大抵 用 並 指 孟 所 具,又皆親 起俗學之卑 者,亦不可 少 出 夫仲尼、 自 不傳之正 即 推 以 程 獨此 非 學行 獨 氏 秦 決道義、文辭、禄利之取舍,● 理、二氣、五行之分合,以 以 以 漢 得 切 顔子 一篇,本號《易通》,與《太極 陋。 統 河 有 傳 以 簡 而 南 於世, 聞 則其 來 ,之樂, 要,不爲 悉聞矣。 至論所以人德之方、經世之 兩程夫子嘗受學焉, 於世, 諸 儒 淵 偂 圃 所 源 空言。 其爲説,實相 發其 而莫 及,而 因可概見。 所著之書,又多 或 吟風弄 其 顧 知其 條理之密、 其 紀 宏 綱道 月之 然所 師 而 表 圖 綱 以 得 傳 脱影 裏。 體 放 以 大 振 趣 孔 之

若粗 其章句文字之間, 得聞 遠,懼妙指之無 不 編 至于今,●歲月幾何,倐焉三紀。 密、意味之愈深, 以 以 意 能 爲 程 味之深,又非 而 用意 有 其 以 伏讀之,●初蓋 氏 得焉。 句。 説之一二。 既 没, 高 壯歲 遠 而 雖 而 傳, 今世學者所 傳 其 獲 己。 圃 者鮮馬 則有 宏綱 游 竊不自量,輒 比 茫然不知其所謂 不 延平 我 某自 年 以 大用所不 以 欺 實 先生之門, 「蚤歲 來 也 能 其 見 驟 潛玩 知 其 即 顧 慨 爲 而 之者 條 敢 幸得 前 自 注 窺 前 既 知,然於 理之 然後 釋。 始 哲之益 也 久, 其 不 學 其 乃 愈 始 或 遺 過 雖 以 是

叔」九字 夫子」下,宋本、 大全本、 徐本均 有 「姓周 氏名惇頭

[「]放」,大全本、徐本作「散

禄利」,宋本、大全本、徐本作「利禄」。

[「]某」,宋本、大全本、徐本作「熹」。 學」,宋本、大全本、徐本作「讀」。

九月甲辰,後學朱某謹記。● 以俟後之君子,則萬一其庶幾焉。 淳熙丁未知凡近不足以發夫子之精藴,然創通大義,

♪ 「後學朱某謹記」,宋本、大全本、徐本作「熹」,劉本無此

30

誠者,聖人之本。

與《太極圖》相表裏。誠即所謂太極也。 者,無他焉,以其獨能全此而已。 之正理也。人皆有之,而聖人之所以聖 誠者,至實而無妄之謂,天所賦、物所受 此書

大哉乾元,萬物資始」,誠之源也。

本,如水之有源,即《圖》之「陽動」也。 取以爲始者,乃實理流出,以賦於人之 此上二句,引《易》以明之。乾者,純陽 始也。資,取也。言乾道之元,萬物所 之卦,其義爲健,乃天德之别名也。 元,

受爲性。言乾道變化,而萬物各得受其 此上二句亦《易》文。 天所賦爲命,物所

通

注

乾道變化,各正性命」,誠斯立焉。

純粹至善者也

矣,即《圖》之「陰静」也。

所賦之正,則實理於是而各爲一物之主

賦、物之所受,皆實理之本然,無不善之 純,不雜也,粹,無疵也。此言天之所

雜也。

者性也。」 故曰:「一陰一陽之謂道,繼之者善也,成之

之屬也,誠之立也。 道,即理之謂也。 成則物之已成,性則理之已立者也,陰 有所立之名也,陽之屬 未有所成之謂也。善則理之方行而未 所以一陰一陽者,理也,形而上者也。 此亦《易》文。陰陽,氣也,形而下者也; 繼之者,氣之方出而 也,誠之源 也。

元、亨,誠之通,利、貞,誠之復。

元始、亨通、利遂、貞正,乾之四德也。

通者,方出 而 賦 於物,善之繼也。 復者,

各得而藏於己,性之成也。 此於《圖》已

爲五行之性矣。

大哉易也,性命之源乎!

易者,交錯代换之名。 而已。天地之間,陰陽交錯,而實 卦爻之立,由是 理 流

行,一賦一受於其中,亦猶是也。

誠 下第二

聖,誠而已矣。

聖人之所以聖,不過全此實理而已,即

所謂「太極」者也

誠,五常之本、百行之源也

五常,仁、義、禮、智、信,五行之性也。● 百行,孝、悌、忠、順之屬,萬物之象也。

實理全,則五常不虧,而百行脩矣。

静 無 而動有,至正而明達也

方静 謂之無耳; 而 陰,誠固未嘗無也,以其未形,而 及動而陽,誠非至此而 後 有

五常百行非誠,非也,邪暗塞也。

正而已,動有,然後明與達者可見

也。

也,以其可見,而謂之有

耳。

静

無

則

無物」者也。 非誠,則五常百行皆無其實,所謂「不誠 静而 不正,故邪 動 而 不 明

不達,故暗且塞。

故 誠則無事矣。

誠 則衆理自然, 無一不備,不待思 勉

而

從容中道矣。

至易而行難

實理自然,故易,人僞奪之,故難。

果而確,無難焉。

「行」,原作「常」,據宋本、大全本、劉本、徐本改。

四

守之固,則人僞不能奪之矣。 果者,陽之決;確者,陰之守。 決之勇,

故曰:「一日克己復禮,天下歸仁焉。」

克去己私,復由天理,天下之至難 也 歸

仁,果確之無難如此。 然其機可 日 而決,其効至於天下

誠幾德第三

誠,無爲。

實理自然,何爲之有? 即 「太極」也。

幾,善惡。

於人心之微,則天 幾者,動之微,善惡之所由分也。 理固當發見,而 人欲 蓋 動

亦已萌乎其間矣。 此陰陽之象也

曰信。 德 日 仁,宜 日 義, 理 曰 禮,通 日 智, 守

之用,而因以名其體焉,即五行之性 道之得於身者謂之德,●其别有是五者

也

性焉安焉之謂聖。

者,大而化之之稱。 性者,獨得於天,安者,本全於己, 此不待學問 强

復焉執焉之謂賢。

加

試無不立、幾無不明、德無不備者也。

勉,

聖

者,才德過人之稱。 復者,反而至之; 執者,保 此 思 誠 而 研 幾以 持之;

發而不可見、充周不可窮之謂 德,而有以守之者也。 神。

窮,則聖人之妙用而不可知者也 發之微妙而 不 可見,充之周 徧 而 不 可

0 「身」,大全本、劉本、徐本作「心」。

通

書

注

 $\overline{\mathcal{H}}$

/成其

賢

第 四

聖

寂然不動者,誠 也, 感而 遂通者,神 也

未形,有無之間者,幾也。

者,實理之用。 本然而未發者,實理之體;善應 動静體 用之間 介然 而 不 有 測

頃之際,則實理發見之端,而 衆 事 古 X

之兆也。

誠精故明,神應故妙,幾微故幽。

清明在躬、志氣 如神」,精 而 明 火也; 不不

萌,事 ·則未著,微 而 幽 也。

疾而速,不行而至」,應

而

妙

也

理

雖

E

,

誠、神、幾,曰聖人。

性焉安焉, 則精明應妙,●而有以洞其 幽

微矣。

慎 動 第 五

動 而 正,曰道。

動

而

動 之所 以 Ē, 以 其 合 乎

衆 所

共

由

之

道也。

用而 和,曰德。

用之所以 和, 以其得道於身,

而

無

所

待

於外也。

匪仁、匪義、匪禮、匪智、匪信,悉邪 所謂道 者,五常 而 己。 非此,則其 也。

動

也

邪 矣。

邪 動,辱也,甚焉害也 無得於道,則其用不和矣。

故君子慎動。

「應妙」,原作「妙應」,據宋本、大全本、劉本、徐本改。

0

六

動必以正,則和在其中矣。

道 第 六

聖人之道,仁義中正而已矣。 中即禮,正即智,《圖解》備矣。

守之貴,

天德在我,何貴如之?

行之利,

廓之配天地。 順理而行,何往不利?

充其本然並立之全體而已矣。

豈不易簡! . 豈爲難知!

道體本然,故易簡,人所固有,故易知。

不守、不行、不廓耳。

言爲之則是,而嘆學者自失其幾也。

師 第 七

或問 曰:「曷爲天下善?」曰:「師。」曰:「何

謂也?」曰:「性者,剛柔善惡,中而已矣。」

此所謂性,以氣禀而言也。

爲幹固,惡,爲猛、爲隘、爲彊梁。 不達。曰:「剛善,爲義、爲直、爲斷、爲嚴毅、 柔善,爲

慈、爲順、爲異,惡,爲懦弱、爲無斷、爲

邪佞。」

剛柔固陰陽之大分,而其中又各有陰

陽,以爲善惡之分焉。惡者固爲非正,

而善者亦未必皆得乎中也。

惟中也者,和也,莫不中節也,●天下之達道 也、聖人之事也。

「莫不」、宋本、大全本、劉本、徐本無此二字。

七

而言之,如《書》所謂「允執厥中」者也。與《中庸》不合。蓋就已發無過不及者此以得性之正而言也。然其以和爲中,

止矣。 故聖人立教,俾人自易其惡、自至其中而

易其惡,則剛柔皆善,有嚴毅慈順之德,

爲嚴毅、或爲慈順也,又皆中節而無太而無强梁懦弱之病矣,至其中,則其或

過不及之偏矣。

故先覺覺後覺,闇者求於明,而師道立矣。

師者,所以攻人之惡,正人之不中而

已矣。

即《易》之「兩儀」,各加善惡,即《易》之此所以爲天下善也。○此章所言剛柔,

四象」,《易》又加倍,以爲「八卦」。

而

則並行而不悖矣。而人之所見詳略不同,但於本體不差,金、木,而即其中以爲土。蓋道體則一,此書及《圖》則止於「四象」,以爲火、水、

八

幸 第 八

人之生,不幸不聞過,大不幸無耻

必有耻,則可教,聞過,則可賢。

不聞過,人不告也,無耻,我不仁也

改矣。以此見無耻之不幸爲尤大也。而爲賢。然不可教,則雖聞過而未必能有耻,則能發憤而受教,聞過,則知所改

思 第 九

|《洪範》曰:「思曰睿,睿作聖。」無思,本也;

思通,用也。幾動於彼,誠動於此。無思而

無不通,曰聖人。●

睿,通也。無思,誠也。思通,神也。所

謂「誠、神、幾,曰聖人」也。

則無不通生於通微,通微生於思。不思,則不能通微,不睿,則不能無不通。是

通微,睿也,無不通,聖也。

思之至,可以作聖而無不通;其次亦可故思者,聖功之本,而吉凶之機也。

以見幾通微,而不陷於凶咎。

《易》曰:「君子見幾而作,不俟終日。」

睿也。

又曰:「知幾其神乎!」

聖也。

志學第一

聖希天,賢希聖,士希賢。

希,望也。字本作「晞」。

一夫不得其所,若撻于市。顔淵「不遷怒,不伊尹、顔淵,大賢也。伊尹耻其君不爲堯舜,

貳過」,「三月不違仁」。

此言「士希賢」也。

過則聖,及則賢,不及則亦不失於令名。

遠。不失令名,以其有爲善之實也。三者隨其用力之淺深,❷以爲所至之近

▶ 「日」,宋本、大全本、劉本、徐本作「爲」。

❷ 「用力」,大全本作「所用」。

九

胡氏曰:●「周子患人以發策決科、榮

身肥家、希世取寵爲事也,故曰『志伊尹』

能、慕空寂爲事也,故曰「學顏子之所之所志」,患人以廣聞見、工文詞、矜智

之包括至大,而其用無窮矣。」學」。人能志此志而學此學,則知此書

順化第十一

天以陽生萬物,以陰成萬物。生,仁也,成,

義也。

陰陽,以氣言,仁義,以道言。詳已見

《圖解》矣。

故聖人在上,以仁育萬民,●以義正萬民。

所謂定之以仁義。

化,不見其迹,莫知其然之謂神。 天道行而萬物順,聖德脩而萬民化。大順大

天地聖人,其道一也。

故天下之衆,本在一人。道豈遠乎哉!

紨

豈多乎哉!

天下之本在君,君之道在心,心之術在

治第十二

十室之邑,人人提耳而教且不及,况天下之

廣、兆民之衆哉! 曰:純其心而已矣。

純者,不雜之謂。心,謂人君之心。

仁、義、禮、智四者,動静、言貌、視聽無違之

謂純。

●「胡氏曰」至「無窮矣」。原闕,據宋本、大全本、劉本、

❷ 「民」,大全本、劉本、徐本作「物」。

通書注

之用,而言貌、視聽,五行之事也。德不仁、義、禮、智,五行之德也。動静,陰陽

兄、弟弟、夫夫、婦婦,萬物各得其理然後和

論「敬則自然和樂」,亦此理也。

學者不

此「定之以中正仁義

而主静」之意,程子

知持敬,而務爲和樂,鮮不流於慢者。

陰陽理

而後和,君君、臣臣、父父、子子、兄

言信、事不言思者,欲其不違,則固以思 故禮先而樂後。

爲主,而必求是四者之實矣。

心純,則賢才輔。

君取人以身,臣道合而從也。

賢才輔,則天下治。

衆賢各任其職,則不待人人提耳而

教矣。

純心要矣,用賢急焉。

心不純,則不能用賢,不用賢,則無以

宣化。

禮樂第十三

禮,理也;樂,和也。

禮,陰也;樂,陽也。

中而 務實第十四

實勝,善也,名勝,耻也。故君子進德脩叢,

然畏人知,遠耻也。小人則僞而已。故君子孳孳之息,務實勝也。德業有未著,則恐恐

日休,小人日憂。

實修而無名勝之耻,故休,名勝而無實

修之善,故憂。

愛敬第十五

有善不及?」

設問。人或有善而我不能及,則如之何?

日 「不及,則學焉。」

答言。當學其善而已。

問曰:「有不善?」

曰:「不善,則告之不善。● 問:人有不善,則何以處之? 且勸曰: 庶幾有

改乎? 斯爲君子。」

答言。人有不善,則告之以不善而勸其 改。告之者,恐其不知此事之爲 不 善

也, 勸之者, 恐其不知不善之可改而

爲

善也。

有善一,不善二,則學其一而勸其二。」 亦答詞也。 言人有善惡之雜,則學其善

而勸其惡。

子矣。不改爲惡,惡者天惡之,彼豈 有語曰:「斯人有是之不善,非太惡也。」●則 曰:「孰無過、鳥知其不能改?● 改則 無 爲

君

畏

邪? 烏知其不能改!!

有心悖理謂之惡,無心失理謂之過。 之,亦當答之以此,冀其或聞 此亦答言。聞人有過,雖不得見而告勸 而自改也。

故君子悉有衆善,無弗愛且敬焉。

用其愛敬矣。 棄一人於惡。 善無不學,故悉有衆善,惡無 不棄一人於惡,則無所不 不勸,故不

「烏」,宋本、大全本、劉本、徐本作「焉」。

[「]則告之」,劉本作「告之以」。

[「]太」、大全本、劉本、徐本作「大」。

動 而 無静,静 而 無動 物物 也

有形 列則 滯 於 偏

動 而 無動, 神 一則不 静 離於形,而不囿 而 無静 ",神 也 於形矣。

動 而 無動 が静 而 無静 非不 動 不静 也。

物則不通,神妙萬 動 中 有静,静中有動 物。

結上文,起下意。

水陰根陽,火陽根陰。

水,陰也,而生於一,則本乎陽也,火,陽 也,而生於二,則本乎陰也。 所謂「神妙

萬 『物」者. 如 此。

五 一行陰陽,陰陽太極。

此即 所謂「五行一陰陽,陰陽一太極」

通

書

注

時 運

四 行,萬物終始。

者,以「神妙萬物」之體

而

言

五五 此 即所謂「五氣順 了妙合而 凝」者, 布, 以 四 「神妙萬物」之 時行焉」,無

極

用 而言也。

混兮闢兮,其無窮兮。

體本則一,故曰 動 一静, 其 運 混; 如 循 用散 環之無 而 殊, 窮,此 故 日 兼 闢 舉

其體 用 而 言也。)此章發明《圖》意,更

宜參考。

樂上第十七

古者聖王制禮 法,脩 教化,三

百姓

大和

萬物

咸

若。

綱

正,九

疇

叙,

綱,網上 大繩 也。 綱 者,夫爲妻綱,父

爲子綱,君爲臣 綱也。 疇, 類也。 九疇,

=

見《洪範》。若,順也。此所謂理而後

和也。

乃作樂以宣八風之氣,以平天下之情。

以達其理之分,平,所以節其和之流。八音以宣八方之風,見《國語》。宣,所

敗倫,不可禁者矣。

心,莫不淡且和焉。淡則欲心平,和則躁故樂聲淡而不傷,和而不淫。人其耳,感其

心釋。心釋。淡則欲心平,和則歸心,莫不淡且和焉。淡則欲心平,和則歸

之,而後見其本於莊正齊肅之意耳。 一五和,亦主静之意也。然古聖賢之論樂, 以淡者,理之發, 和者,聲之爲。● 先淡後 取

是謂道配天地,古之極也。 優柔平中,德之盛也,天下化中,治之至也。

作「化成」。人作樂功化之盛如此。或云:「化中」當欲心平,故平中,躁心釋,故優柔。言聖

導欲增悲,不能自立。●故有賊君棄父,輕生苦。謂古樂不足聽也,代變新聲,妖淫愁怨,後世禮法不脩,政刑苛紊,縱欲敗度,下民困

賊君棄父。 而至於輕生 困,故其聲不 廢禮敗度,故其聲不淡而妖淫,政苛民 敗 和 倫 加 愁怨。 愁怨,故增悲 妖淫,故 圃 導 至 於 欲

化,今以長怨。 嗚呼! 樂者古以平心,今以助欲,古以宣

不復古禮,不變今樂,而欲至治者,遠哉!◎古今之異,淡與不淡,和與不和而已。

復古禮,然後可以變今樂。

「哉」,大全本、劉本作「矣」。

^{■「}立」,宋本、大全本、劉本、徐本作「止」。
■「聲」,原作「和」,據四庫本改。鄧本作「理」。

祇格、鳥獸馴。 天地和,則萬物順,故神之氣感而太和焉。天地和,則萬物順,故神故聖人作樂以宣暢其和心,達于天地,天地樂者,本乎政也。政善民安,則天下之心和。

氣、天人交相感動而其効至此。之妙,又能真得其聲氣之元。故其志聖人之樂,既非無因而强作,而其制作

樂下第十九

而俗易矣。妖聲豔辭之化也亦然。樂聲淡則聽心平,樂辭善則歌者慕,故風移

通,動直則公,公則溥。明通公溥,庶欲也。無欲,則静虚動直。静虚則明,明則曰:「有。」「請聞焉。」曰:「一爲要。一者,無曰:「可學乎?」曰:「可。」曰:「有要乎?」

矣乎!

心,而日用間自無別用力處矣。知無極之真、兩儀四象之本皆不外乎此煩訓解。學者能深玩而力行之,則有以此章之指最爲要切,然其辭義明白,不此章之指最爲要切,然其辭義明白,不

公明第二十一

人也。 人也。 人也。

通書注

五

此爲不勝己私、而欲任法以裁物者發。

明不至則疑生。明,無疑也。謂能疑爲明,

何啻千里!

理性命第二十二

厥彰厥微,匪靈弗瑩。

此言理也。陽明陰晦,非人心太極之至

靈,孰能明之?

剛善剛惡,柔亦如之,中焉止矣。

此言性也。説見第七篇,即五行之

理也。

是萬爲一,一實萬分。萬一各正,大小有定。●二氣五行,化生萬物。五殊二實,二本則一。

極,而小大之物,莫不各有一定之分也。 物分之以爲體。 也。自其本而之末,則一理之實, 之極。是合萬物而言之,爲一太極而已 之異,本二氣之實,二氣之實,又本一 物而生之者也。 此言命也。 〇此章與十六章意同 二氣五行,天之所以 故萬物之中,各有一太 自其末以緣本,則五行 賦 间 授 萬 理 萬

顔子第二十三

説見《論語》。

夫富貴,人所愛者也。顏子不愛不求,而樂

❶ 「大小」,宋本,大全本、劉本、徐本作「小大」。

乎貧者,獨何心哉?

設問。 以發其端。

愐 天地間有至貴至愛可求而異乎彼者,見其大 忘其小焉爾。

謂「至貴至富、可愛可求」者,即周子之 「至」、「愛」之間,當有「富可」二字。 所 得者人,人而至難得者,道德有於身而

教程子,「每令尋仲尼、顔子樂處,所樂 何事」者也。然學者當深思而實體之,

詳焉。

不可但以言語解會 而已。

則貴富貧賤處之一也,處之一,則能化而齊。 見其大,則心泰,心泰,則無不足,無不足,

故顏子亞聖。

至之名也。」 而化也,齊,齊於聖也, 「齊」字意複,恐或 有悮。 亞則將齊而未 或日 :「化,大

也已! 是以君子必隆師而親友。

師友下第二十五

道義者,身有之則貴且 周子於此一意 而 尊。

師友上第二十四

天地間,至尊者道、至貴者德而已矣。 至難

已矣。

於物欲,鮮克知之。 此略承上章之意,其理雖明,然人心蔽 故周子每言之

求人至難得者有於身,非師友,則不 미 得

丁寧之意切矣。 屢言之,非複出也,其

人生而蒙,長無師友則愚,是道義由師友有之。

此處恐更有「由師友」字,屬下句。

樂乎! 而得貴且尊,其義不亦重乎! 其聚不亦

此重、此樂,人亦少知之者。

過第二十六

人規,如護疾而忌醫,寧滅其身而無悟也。仲由喜聞過,令名無窮焉。今人有過,不喜

勢第二十七

噫 !

天下,勢而已矣。勢,輕重也。

愈重矣。 一輕一重,則勢必趨於重,而輕愈輕、重

極重不可反,識其重而亟反之可也。

重未極而識之,則猶可反也。

反之,力也。識不早,力不易也。

反之在於人力,而力之難易,又在識之

早晚。

力而不競,天也。不識不力,人也。

不識,則不知用力,不力,則雖

識

無

補。

天乎? 人也。何尤!

問勢之不可反者,果天之所爲乎? 若

非天而出於人之所爲,則亦無所歸

罪矣。

文辭第二十八

况虚車乎? 文所以載道也。輪轅飾而人弗庸,徒飾

也,

文所以載道,猶車所以載物。故爲車者

猶爲虚飾而無益於實。况不載物之車、人之愛而用之。然我飾之而人不用,則必飾其輪轅,爲文者必善其詞説,皆欲

不載道之文,雖美其飾,亦何爲乎?

是爲教。故曰:「言之無文,行之不遠。」之,美則愛,愛則傳焉。賢者得以學而至之,文辭,藝也,道德,實也。篤其實而藝者書

此猶車載物,而輪轅飾也。

也,强之,不從也。 │ 然不賢者,雖父母臨之、師保勉之,●不學 │

噫,弊也久矣!.不知務道德而第以文辭爲能者,藝焉而已。

此猶車不載物, 用 矣。周子此章,似猶别以文辭爲 有德者必有言,則 力焉,何也? 而 曰:人之才德,偏 不 徒 待藝 美 其 而 飾 後其 也。 文可 一事 有 或 傳 短 而 疑

> 也。 先務,亦勉於德而已矣。 言者常多,有德 意,但無子厚筆力,不能 則亦不能傳於遠矣。 而已矣。」程子亦言:「《西銘》,吾得 長,●其或意中了了,而言不足以發之, 然言或可 少而德不可無, 而不能言者常少。 故孔子曰:「辭達 作耳。」 有 德 正 學者 謂 而 其 有 此

聖藴第二十九

「不憤不啓,不悱不發,舉一隅,不以三隅反,

則不復也。」

不輕發也。

三聖人之教,必當其可而

「母」、大全本、劉本、徐本作「兄」。

● 「短長」,大全本、劉本、徐本作「長短」。

子曰:「予欲無言。天何言哉? 四時行焉,

百物生焉。」

説亦見《論語》。 言聖人之道,有不待言

而顯者,故其言如此

深乎! 藴,教萬世無窮者,顏子也。聖同天,不亦藴,教萬世無窮者,顏子也。聖同天,不亦然則聖人之藴,微顏子殆不可見。發聖人之

有迹。故孔子之教,既不輕發,又未嘗為,中所畜之名也。仲尼無迹,顔子微

全。● 故因其進脩之迹,而後孔子之藴自言其道之藴,而學之者唯顏子爲得其

常人有一聞知,恐人不速知其有也,急人知可見。猶天不言,而四時行、百物生也。

而名也,薄亦甚矣!

尤耳。然於聖人言深、常人言薄者,深其言此者,正以深厚之極,警夫淺薄之聖凡異品,高下懸絶,有不待校而明者。

則厚,淺則薄,上言首,下言尾,互文以

明之也。

精藴第三十

蕴殆不可悉得而聞。 卦不畫,聖人之精不可得而見;微卦,聖人之聖人之精,畫卦以示;聖人之藴,因卦以發。

凡卦中之所有,如吉凶消長之理、進退也。伏羲畫卦,專以明此而已。藴,謂精者,精微之意,畫前之易,至約之理

形矣。

存亡之道,至廣之業也。

有

桂

則

因以

陰陽有自然之變,卦畫有自然之體,此易》何止五經之源,其天地鬼神之奥乎!

● 「之」,大全本、劉本、徐本無此字。

之中焉。此聖人之精藴所以必於此而地之大、鬼神之幽,其理莫不具於卦畫也。然不止此,蓋凡管於陰陽者,雖天也。然不止此,蓋凡管於陰陽者,雖天

乾損益動第三十一

寄之也。

過而後至。乾之用,其善是;損、益之大,莫君子乾乾,不息於誠,然必懲忿窒欲、遷善改

是過。

聖人之旨深哉

誠之方,蓋乾乾不息者,體也,去惡進善此以《乾》卦爻辭、《損》《益》大象發明思

無所措,故以三卦合而言之。或曰:者,用也。無體則用無以行,無用則體

「其」字亦是「莫」字。

「吉凶悔吝生乎動」,噫,吉一而已,動可不

宗 慎乎!

而禍常多,不可不謹。○此章論《易》,四者一善而三惡,故人之所得,●福常少

家人睽復无妄第三十二

所謂

「聖人之藴」。

治天下有本,身之謂也;治天下有則,家之

謂也。

則,謂物之可視以爲法者,猶俗言

則

例」、「則樣」也。

則,和親而已矣。 本必端。端本,誠心而已矣。則必善。善

可齊。 心不誠,則身不可正,親不和,則家不

❶「得」,宋本、大全本、劉本、徐本作「值」。

家難 而天下易,家親而天下疏也。

親者難處,疏者易裁。 然不先其難,亦

未有能其易者。

家人離,必起於婦人。故《睽》次《家人》,以

一女同居,而志不同行」也。

《睽》次《家人》,《易》卦之序。「二女」以

離上,兑少女,離中女也。陰柔之性,外 下、《睽》彖傳文。 二女,謂《睽》卦兑下

和悦而内猜嫌,故同居而異志。

堯所以釐降二女于嬀汭,舜可禪乎? 吾兹

試矣。

釐,理也。降,下也。嬀,水名。汭,水

北,舜所居也。 堯理治下嫁二女於舜

將以試舜而授之以天下也

心誠之謂也。誠心,復其不善之動而已矣。 是治天下觀于家,治家觀身而已矣。身端, 不善之動息於外,則善心之生於内者無

不實矣。❶

不善之動,妄也。妄復,則无妄矣。无妄,則

誠焉。❷

故《无妄》次《復》,而曰「先王以茂對時育萬

程子曰:「無妄之謂誠。」

物」,深哉!

《无妄》次《復》,亦卦之序。

「先王」以

下,引《无妄》卦大象,以明對時育物,唯

至誠者能之,而贊其旨之深也。〇此章

發明四卦,亦皆所謂「聖人之藴」。

富貴第三十三

君子之道充爲貴,身安爲富,故常泰無不足。

「焉」,宋本、大全本、劉本、徐本作「矣」。 「生」,原作「主」,據宋本、大全本、劉本、徐本改。

加焉爾! 然;擬議者,所以誠之之事也。

之重,而不爲外物所移也。此理易明而屢言之,欲人有以真知道義

丽

銖視軒冕,塵視金玉,其重

無

陋第三十四

之爲事業。彼以文辭而已者,陋矣! 聖人之道,人乎耳,存乎心,藴之爲德行,行

意同上章。欲人真知道德之重,而不溺

於文辭之陋也。

擬議第三十五

後言,議之而後動,擬議以成其變化。」至誠則動,「動則變,變則化」,故曰:「擬之而

之,未詳其義。或曰:至誠者,實理之自《中庸》、《易大傳》所指不同,今合而言

刑第三十六

攻,不止則賊滅無倫焉,故得刑以治。萬民,肅之以刑。民之盛也,欲動情勝,利害相不止則過焉,故得秋以成。聖人之法天,以政養天以春生萬物,止之以秋。物之生也,既成矣,

意與十一章略同。

明」也。 情僞微曖,其變千狀。 者,不能 剛得中」也。 治也。 《噬嗑》曰:「利用獄。」以「動 《訟》卦 苟 日 非 . 中 利 Ė 見大人。」 明達、 果斷 而

乎達。 後 以 中正,本也; 也。 施 非斷 《訟》之中兼 《訟》之剛、《噬 則 明斷, 明 無 用 所 乎正,《噬 也。 用,二者又 '嗑》之動, 然非 虚》之明 明 自 即 則 果 有 斷 兼 斷 先 無

二四

之謂也。

嗚呼! 天下之廣,主刑者民之司命也,任用

可不慎乎!

公第三十七

孔子上第三十八

而脩也。亂臣賊子誅死者於前,所以懼生者一《春秋》,正王道、明大法也,孔子爲後世王者一

功之無盡焉。 於後也。宜乎萬世無窮,●王祀夫子,報德報

孔子下第三十九

道德高厚,教化無窮,實與天地參而四時同,

其惟孔子乎!

道高如天者,陽也,德厚如地者,陰也,作了二至

教化無窮如四時者,五行也。

孔子其太

極乎

蒙艮第四十

「童蒙求我」,我正果行,如筮焉。筮,叩神

此通下三節,雜引《蒙》卦彖、象而釋其也,再三則瀆矣,瀆則不告也。

義。

童,稚也。

蒙,暗也。

我,

謂

師

也。

[乎],原作[爲],據宋本、大全本、劉本、徐本改。

0

亂

則不決。

皆時中也。

初則告,瀆則不告,静而親

則決之,汨而

時中」者,彖傳文,教當其可之謂

也。

慎哉!

其唯一

「時中」乎!

之所 吉凶,以 求於我,以 筮 不告以吉凶,師亦不當決其所行也。 則明,如初筮則告,二三則惑。 , 揲蓍以決吉凶也。 言童蒙之人, 來 行,如 果決 統 發其蒙,而我以正道果決彼 其 者 所 吅 行也。 神以決 叩神求師,專 疑,而神告之 故神 |「艮其背」,背非見也。 静則止,止非爲也,爲

Щ 下出泉」,静而清也。 不静, 惑,不如不告之爲愈也。 善,則告之不足以果其所行,而反滋其 也。亂, 瀆也。 全其未發之善,故其行可果。 汩,再三 山下出泉」,大象文。 亂 則不清。 不決,不告也。 既 汩則亂,亂不決也 不能保其未 山静泉清,有以 蓋 發之 汩 則

不止矣。 其道也深乎!

此一 之道矣。 也。 静則止而無爲。 一有爲之之心,則非止 止於不見之地也。 人之藴」而主静之意。❶ 背,非有見之地也。 節引《艮》卦之彖 〇此 章發明二卦,皆所謂「 止於不見之地則 加 釋之。 「艮其背」者 艮, 止 聖

意」下,大全本、徐本有「矣」字。

0

五五

西 銘 解

[南宋]朱 熹 解義

録	目	西 銘 解	校點説明	目
	録			録

校點説明

《西銘》一卷,張載著。朱熹爲之作注,題名《西銘

思想。

解》。

名。 稱頌此書發「前 三字,卻在宋代理學史上佔有極重要的地位。二程 銘》、《西銘》原是張載題寫於學堂東西二牖的銘文, 翔郿縣(今陝西眉縣)横渠鎮,世稱横渠先生。 學的奠基人之一。 的樂天修養和 爲核心,闡發儒家本則乾坤的仁德原理和宗 左謂《砭愚》,右謂《訂頑》,後程頤以啓争端爲疑改今 並援舊典中天道 張載(一〇二〇—一〇七七),字子厚,宋代 (西銘》以天人一體、物我同 現 聖所未發」而又「意極完備,乃仁之 實關 祖籍大梁(今河南開封),後徙鳳 倫 懷。 理之例,倡喻儒家澤揚 《西銘》全文僅二百五十 胞的 「氣一元」理 法 萬 《東 論 物 體 理

> 與二 揮其義,着重闡釋「天人一體」、「理一分殊」的 學術生涯之始終。 説《西銘》之作。 西銘》開 劉 的 誦 示後學。 習,到 朱熹也十分重視《西銘》,事實上,從 易實前的講 他更通過爲《西銘》作注、作論、發 因之,南宋一朝,程門弟子多有論 授、《西銘》瑜歷 朱熹 理

體」,是自孟子以來儒

家最重要的理論見解,並

以

熹爲正本清源,乃出《西銘解》示門人。 十五年(一一八八)二月,因有人妄議诋毁《西銘》, 續與汪應辰、蔡元定、詹儀之等人書信討論。 後、朱熹一面搜集各家注釋《西銘》的材料,一 行録》和《龜 商榷。乾道八年(一一七二)十月,因新見《尹和靖 草成《西銘》句解和《西銘論》,並函張斌、吕祖謙等人 七〇)四月與蔡元定等人在雲谷山 朱熹注解《西銘》,大約發端於乾道六年(一一 山 語録》,補作《書 1楊時 論議,七月前 西 銘 説 後》。 淳 面 其 熙 繼 言

解》。 流傳。 李光地等奉敕重訂,成《性理精義》。 大全》,收録《西銘解》。 明永樂十三年(一 第之難疑、後來之闡説俱 成 由於《性理大全》「擇焉不精」、「泛雜冗長」,清康熙時 ,朱子成書》本爲藍本,訂正文字,損益《附録》 附録》,「以朱子爲主,他書之互見、同時之講明、 西銘解》保留了《西 書》,刻於至正 》内容。 黄瑞 元代黄瑞節輯 明清士人大抵趨奉二《性理 節在《 西銘 元年(一三四一),其中録有《西 四 銘》及朱注、論, 朱熹十種單行的 解》題目之下、各節之間 五),胡廣等奉敕編輯《性 《性理大全》本《西銘解》係取 附焉」,並參已見出按語。 而 《性理精義》本 一》的 著作爲《朱子 大量裁 朱解爲 汰 而 另纂 《附 成 丰 理 門 銘 而來。

氏師 後學所爲。 集,此本惜不存。 īE 其 承淵 就缺,挈《 西 銘 源論。《 解》亦存於張載集中,這 元代吴澄於張載之書 東西銘》於篇 西銘 現存最早收録《西銘 解》很 首 有 可 而《正 能即於此 「始爲校定次第 種做法當 蒙》次之」,以吴 解》的 時 張載 係 附 程 λ 張 朱 集

臬,對《西銘》獨創性的

闡釋著述很少。

沈自彰、 是明萬曆三十四年徐必 張 伯 行、朱軾、 達 宋廷萼 編 刻 的《張子全書》, 諸本俱 係 覆 刻 徐 其 本 後

參校。 二月以前的 銘説後》,無《題 坊、是現存最早的 本」),並以《張子全書》明徐必達刻本(簡稱「徐本」) 爲底本,校以《性 今亦不取 西銘解義》,有《西銘》句解、《 卷、後集十八卷,約刻於南宋淳熙 此次整理《西銘解》,以元至正刻《朱子成書》本 臺灣故宫博物院藏 黄瑞節《附録》多采朱集、語録而成,今略去。 種稿本。 太極 理大全》明永 朱 圖 熹文集 西 因文字與通行本相差過大 有《晦 銘 解 刻 後》, 西銘 庵先生文集》前集十 樂 本。 刻 當 論》和《書 、紹熙間 本(簡 前 爲 集 淳 , 熙 卷 稱 + 楊 四 福 時 收 五 建 全 年 書 西 録

校點者 朱傑人

乾

陽

坤

陰,此天地之氣,塞乎

兩

間

而

人

物之所資以爲體者也,故曰「天地之塞

乾 故天地之塞,吾其體,天地之帥,吾其 稱 天,陽 天 以始者也 也。 無 地 父,坤稱母,予兹藐焉,乃混然中處。 之所資 禀氣於天,賦形於地,以藐然之身,混 日 乾坤 地 ,陰也,以至 間 乾者 而 而 也, 者 以 位 父母乎萬物者,故指 字中, 「,健而 7,天地 生者 ; 以至 坤者, 順 也。 健 無 子道也。 其 而位乎下,母道也。 而 順 息 形 是 位 體 丽 之謂,萬物之所 乃天 乎上, 也,乾 有常之謂, 然不 而言之。 地之所 父道 坤 一日天 其 性。 以 萬 性 地 世 資 情 合 人 爲 物 而 ,

> 吾其 乾母坤、混然中處之實可見矣。 天地之 (體」。 而 人物 帥 乾健 吾其 之 所 坤 性」。 得 順,此天地之志,爲 以 爲 深察乎 性 者 此 也 故 則

氣

曰

民吾同胞,物吾與也。

其 若人之貴。然原其體性之所自,是亦本 能 己之兄弟矣。 貴焉,故 性 天地之帥也。 者,皆天地之塞; 之天地 命之全,體於並生之中,又爲同 氣之正,是以其 也,不 物並 通 視之也,亦 乎性命之全,故與 而未嘗 生於天地之間,其所 無 日「同 明 暗暗 然體有偏正之殊,故其 如己 物則得 胞。 不 心最 之異。 同 其所 也,故 之儕輩 靈 則 夫形 惟 得以爲性者,皆 我不同類,而 其視之也, 日一吾 而 人也, 氣之偏,而 矣。 有 資 以 與」。 以 惟 得 類 通 司 皆 乎 其 爲 而 不 胸 則 不 如 最 性 形 於 體

若其性、遂其 之間者,若動若植,有情無情,莫不有 文之云。 必至於參天地、贊化育,然後爲功用之 全,而非有所强於外也。 也,故以天下爲一家,中國 惟吾與也,故凡有形於天 宜 焉。 此儒者之道 爲一人,如 介,所 以 以 地 下

其幼。 也。 疾、惸獨鰥寡,皆吾兄弟之顛連而無告者也 大君者,吾父母宗子 尊 聖其合德,賢其秀也。 高年,所以 長其 ,其大臣,宗子之家 長 " 慈孤 凡天下疲癃殘 弱,所以 幼 相 者也。

佐大君 子之家相。 皆天地之子矣。 之高年者,乃所以長吾之長,天下之幼 物,則大君而已,故爲父母之宗子, 乾父坤母而 也,故凡慈天下之孤弱者,乃所以幼 ,網紀衆事,則大臣而已,故 天下之老一也,故凡尊天下 人生其中,則 然 繼 承天 凡 地,統理人 天下之人, 爲宗 輔

> 獨 是兄弟之秀出乎等夷者也。 吾之幼。 地之子言之,則凡天下之疲癃殘 合德乎父母者也;賢者才德過於常人, 、鰥寡,非吾兄弟無告者而何哉 聖人與天地合其德,是兄弟之 是皆以天

于時保之,子之翼也,樂且不憂,純乎孝

而不憂者,猶其愛親之純 畏天以自保者,猶其 做親 也。 之至 也 樂天

惟肖者也 違曰悖德,害仁曰賊,濟惡者不才。其踐形,

不循天理而徇人 賊,長惡不俊、不可教訓者,世濟其凶, 根者,賊殺其 人也,故謂之悖 親,大逆無 德 欲者,不愛其親 戕 滅天理、 道 也,故謂之 自 而 絶 愛他 本

0 「之」,徐本作「所」。

ŝ

性,而有以充人之形,則與天地相似而增其惡名也,故謂之不才。若夫盡人之

知化,則善述其事,窮神,則善繼其志。

不違矣,故謂之肖。

聖人知變化之道,則所行者無非天地之一申孝子,善繼人之志、善述人之事者也。一不

之心矣。此二者,皆樂天踐形之事也。事矣,通神明之德,則所存者無非天地

不愧屋漏爲「無忝」,存心養性爲「匪懈」。

者仰不愧、俯不怍,則不忝乎天地矣。《孝經》引《詩》曰「無忝爾所生」,故事天

其性,則不懈乎事天矣。此二者,畏天又曰「夙夜匪懈」,故事天者存其心、養

之事,而君子所以求踐夫形者也。

惡旨酒,崇伯子之顧養,育英才,願封人之

錫類。

好飲酒而不顧父母之養者,不孝也。故遏人

私也。故育英才如潁考叔之及莊公,則至矣。性者,萬物之一源,非有我之得欲如禹之惡旨酒,則所以「顧天之養」者

所以「永錫爾類」者廣矣。

-生其恭也。

至矣。 之,則亦天之申生也。 故 舜 亦天之舜也。 盡 事天者 事親 故事天者夭壽 盡 之道而瞽叟底豫,其功大矣。 事天之道,而天心豫焉, 申生無 所 不 逃 貮 而 而 待烹,其 脩身以 俟 恭 則

也。 備,亦全而生之也。 啓手啓足,則體 父母全而生之,子全而歸之,若曾參之 况 天之所以 其 與 所受乎親者而歸 故事天者能體 我 者, 無一 善之 其所 其全

私。 之所以 之履霜中野,則勇於從而 子於父母,東西南北,唯令之從,若伯奇 受於天者而全歸之,則亦天之曾子矣。● 故事天者能 命 我 者,吉凶 勇於從 禍 福 而 順令也。 非 順受其正,則 有人欲之 况 天

女於成也。 富貴福澤,將厚吾之生也,貧賤憂戚,庸玉

亦天之伯奇矣。

之貧而不改其樂,其 使吾之爲志也篤。 善也 天也,以周公之富而不至於驕,以 於子,其設心豈有異哉! 富貴福澤,所以大奉於我,而使吾之爲 而弗忘,❷惡之則 輕 3 貧賤 憂 戚, 戄 天地之於人,父母之 而 所 事 無 以 親 怨。 拂亂於我,而 也,愛之則 故君子之事 其心亦 顔 子

> 没,則安而 身存,則其事天也,● 已,没,則安而 孝子之身存,則 是終焉。 夕死,吾得 正 無所愧於天也 而 八其事 無 斃焉者。 所 愧 親也,③不違其 不逆 於親 故張子之銘 其 也。 蓋 理 所 謂 仁人之 而 志 朝 己 以 聞 加

作,意蓋如 孰能合其異而 十百千萬 萬物」,則其大小之分,親疏 乾道, 論曰: 成男,坤 而不能 此。 天地之間, 會其同哉 道 程子以爲 齊也。 成 女,二氣交感,化 不有聖賢者出, 9 理一而已。 明一理 之等,至於 《西銘》之 一面 分 生 然

「剋」、大全本、徐本作「者」。「則」、據大全本、徐本神。

「會」,大全本、徐本作「反」。

也」,大全本、徐本作「者」。

存,吾順事,没,吾寧也

而已矣。

四四

哉 若 者 殊哉 不 知 謂 親 觀其推親親之厚,以大無我之公, 或 以 於「爲我」之私。 親其親,各子其子,則其 理一」也。 分立 一坤爲 如 盡 ? 無 之誠,以 其 貫,則雖親 一人,而不 此 稱物之義,則亦何 可謂一 而 分之殊哉 龜 謂 理 13 而推理一者。❷ 夫豈專表,然後 山 稱物之宜,以 有 同 統 第二書蓋 明事天之道、蓋 言以 志之士,幸相與折衷哉。❸ 餘 而 有 流 疏 愐 也,故 生之 人物之生,血脉之屬 異 於「兼愛」之敝, 萬 蔽之矣。 此《西銘》之大指 情、貴賤異等,而不 殊,則雖天下一家、 且)類,無 愚 欲 一所謂 得 以 平吾 發 分亦安得 知夫所施之平 因 明 物 蓋 無適而 其 之施 稱 此 不 以 説 意, 物 然 乾爲父, 萬 而 T. 云 然言 非 因 殊 而 所 遂 爾。 施 也 梏 中 言 所 事 不 各 謂 而 2

> 殊,猶 爲仁; 物」。 日: 『 然。二乃知 百骸具於一身者,❺體 或 蓋亦未之許 惑』之語 某既爲此解 答伊 西銘》「理一 日 :『如是,則 用未 其分不同,故所施不能無差等耳。 ĴΠ 孟子言『親 知其 先 先生讀之,日: 嘗離 此 生 ●後得 分殊, 也,然《龜 而 論 論 體 所疑第二 分 介西 體 親 也。 殊。 所 尹氏 用 銘〉 圃 也; 以 果 仁民,仁 以 Щ 知 書》有 書云 爲 離 『楊時 語 人 其 書之説,先 義 至其用處 而 録》有 理 觀之,四支 爲二矣。』 民 所 也 釋 楊 謂 而 所 未 然 中 日 以 生 則 愛 文 分 釋 無

「哉」,大全本、徐本作「焉」。「者」,大全本、徐本作「也」。

「某」、大全本、徐本作「熹」。

「支」,大全本、徐本作「肢」。

五

德盛 孟冬朔旦某書。● 山所見,蓋不終於此而已也。 之,以明答書之説誠有未釋然者,而 同,各有歸趣,大非答書之比,豈其 而言,而分已在其中矣。」」此 首不可以加屨,足不可以納冠。 而所見始益精與? 因復表 乾道壬 論 分 蓋即 加 年 别 辰 出 高 異 體 龜

未可 晦 其傳。庶幾讀者由辭以得意,而知其 訶,予竊悼焉。 嘗敢出以示人也。 書之失,或乃未嘗通其文義 翁題。 以 始予作《太極》、《西銘》二解,未 輕 也。 因 淳熙戊申二月已巳 出此示學徒,使 近見儒者多議 而妄肆 廣 詆 兩

「某書」,大全本、徐本作「熹謹書」。

張子正蒙注

[清]王夫之 撰

六 五 八

四四

一七〇

校點説明

在從 尤精 之正學 鄧 深 未之能易」。 救來兹之失, 他 成 居 IE 的 就 切 蒙》 門 鶴 哲學思想,受北宋哲學 哲學層 於經學、史學、文學。 很高,對天文、曆法、數學、地理都 陽之石船山,學 湖南衡陽人。 王夫之(一 一書。 八船 而力不能企」之語 户,以 山 面總結和發展中國傳統 船山 著 宋五子爲堂奥, 如皎日麗天,無幽不燭,聖人復起 以 六一 述 爲 臨終 目録》説 張子之學,上承孔 者稱 明清之際傑出思想家。 九| 前自撰墓銘, 船 足見其 船 王夫之主要貢 Ш 家張 六 先生。 而 山「生平 九二),字而 原 載 對張 本 的 有「希張横渠 的 他 淵 孟之志,下 影 論 有 唯物主 載 一生學術 源,尤 學,以 響最大。 所研 信仰 獻 體 晚 究 之 在 現 年 漢 號

》的 張 形式,來闡 子 Ī 注 述 》是 自己 船 哲 Ш 學思 以 注 想 解 的 張 部 所 重 著《 要 著 Œ

> 作。 書》時 與他本作《乾稱上》、《下》不同。 無異,第十七、十八兩篇作《乾 十八篇,上册八篇,下册十篇。 下」。每頁中縫均有「正蒙」小字。 「王夫之注」。 行,上標書名,下 除上册失去數頁外,餘悉完整。 Ш 石》、《傳家十四 武夷府君行狀》、《顯 鈔 藏本。 手迹無疑。 其傳世版本之源當爲岳麓 從船山十二世孫衡陽王鵬 絲不苟。 鈔本字迹 上册名「張子正蒙」,下册名「正 其 戒》及《噩 其 書 有「朱宏爆 筆 分裝兩册,凡一 正 致與 妣 楷,體勢 譚 夢》等完 太孺 傳世 較 之 端 稱篇》、《可 書社編校《船 前十六篇與 四 每册第 處 行狀 嚴凝 船 全 字 按船 所 百九十一 相 山 獲之船 同當 》、《自 手 重 第二 山 迹《 狀 面 點 此 他本 行 顯 書 第 題 畫 Ш 山 頁 共 署 手 全

+= 家諱 七 年(一六八五)正月二十七 季夏月重 重訂 據此 而 不 時 訂一小字,可知成 鈔本末頁「乙丑孟 避清諱 間 鈔本文字只 爲康熙二十九年六月,時 尚 無其子王敔 避 明代 書時 春 日 下 是 帝 間 旬 於 王 年 爲 J 船 康 名 康熙 亥 熙 成 諱 Ш 船 三十 六 Ш + E + 庚 有 四 午

八年 草堂 熙 半葉九行,每行十七字。 年 副 處,字數每與此鈔本一行十七字相 之太平洋書店本(簡 年之金陵節署本(簡稱 先生書集》五種之一的《張子正 年衡陽 時即跳 四十六年前後王敔據蕉畦副本所刻之《王 臘 所刻之衡陽學 本,簡稱「草堂本」),及往後相沿之道 月 劉 録 氏 行脱落 蕉 鈔録「蕉 畦 副 ,以致其後各本相 本 署本(簡 稱 畦 時 「太平洋本」)等,凡有 「金陵本」)、民國二十二 副 所加 今存衡陽劉 本 稱「學署本」)、同 一時的 按 蒙 語 注 《序論 和 合。 沿 釋》(即 康 脱 氏鈔本 蓋 落 熙 光二 蕉 而 四 畦 脱 船 和 鈔本 無 治 湘 + 從 録 落 年 康 四 西 山 六

合者 個别之校改 有所校勘。 或 删改仍與草堂本、 金陵本之刊 學署本 》之《正蒙》本文「日 ,疑皆出於曾氏或其 衡陽學署本 直 不同 惟 接 刻 作 雖 金陵本 實即 底 云曾得 於 學署本同, 本 劉 付 曾經曾 湘 爲陽 氏 刻, 劉 西 鈔 書局 氏鈔 草堂藏板之補 精, 本 而 或 類疑 並未利 而反 然其質本 人之手。 本, 校閱 其 與 然 係 船 用 其 故故 以 劉 所 山 陰, 如《 鎸 草 手 亦 有 氏 重 參 堂本 故其 鈔 偶 鈔 訛 即 兩 本 有 本 脱

> 排 文「反歸者鬼,而死之前爲鬼者亦多矣」,劉 鈔本合; 學署本「純」均誤爲「絶」,惟金陵本作「純」,與 右行 本、草堂本、學署本「歸」均 歸」,亦與此鈔本合。 印,徒增訛脱,無可述者。 雖緩,亦不純繫於 又如《動物篇》「物之初生」一節 至太平洋 天」,劉 誤 作「鬼」,惟金陵 氏 本則 鈔本及草 全依 船 金陵本 堂 氏 本 Ш 本、 此 作 鈔 注

+ 本 此 記 依衡陽劉氏家 官刻本的清初翻刻本相對 書》爲底本出 本出版繁體 本」),其「《正 署本、 相 餘 作了改、 九七五年 船山手鈔本與中華本相較,仍可發現此 處、二十餘字。 沿之脱文四十 九五六年北京古籍出版 金陵本之長,且有自行 補、 中華 字標 版 蒙》原文與 藏鈔本及衡陽 重 删」,可謂已兼 書 點 新 餘 本(簡 校 局 處、二百四十餘字,訛 人點的 改 (明萬 用 勘,注文 稱 簡 金陵節 一古 學 曆 體字 有劉 署本 年 校 社據太 籍 間 則 改之善。 本(簡 署 氏鈔本、 出 所 參 陝 版 本《船 平洋 作 照 西 稱 社 的 鳳 周 本」)。 中 誤 原 但 衡 翔 Ш 校 調 店 各 藉 府 陽 勘 陽 遺

緊察矣

根據以上情況,此次整理遂以船山十二世孫

之優,各本文字異同均詳爲校記。 主鵬家藏之船山手鈔本爲底本,參以劉氏鈔本、 主鵬家藏之船山手鈔本爲底本,參以劉氏鈔本、 主鵬家藏之船山手鈔本爲底本,參以劉氏鈔本、 主鵬家藏之船山手鈔本爲底本,參以劉氏鈔本、

校點者 夏劍欽

 \equiv

不正,未有能成章而達者也。
功久矣,大矣,而正之惟其始。蒙者,知之功久矣,大矣,而正之惟其始。蒙者,知之明之正遗者,養蒙以聖功之正也。聖

夏曰: 過 軌物,使賢者即以之上達 養蒙,恐未 知化、達天德之藴 用易知簡能之理。而《正蒙》推 書》、《禮》、《樂》,迪之以三德六行,皆日 大學之教,先王所 先王不能望天下以皆聖,故堯、 或疑之曰:古之大學,造之以《詩》、 「有始有卒,其惟聖人乎!」今以 能 一猝响 則 而益 以 疑 其 廣 與《大學》異。 而 疑。 教 中人以之寡 天 極 則 下 夫窮神、 請 耐 釋 納 子 之 之 是

> 造其 之僅 聖,所繇不得不異也。 僅 有吝也。《正蒙》者,以奬大心者而使之希 小子,不强之以聖功而 有太公望 禹 陶,湯 、散宜生,其他則 之 僅 有 伊 尹 俟其 萊朱,文 德其成人, 自 [得,非 Ŧ

道,以 功利苟 邪慝作矣。故夫子贊《易》 然,而性命之正自不言 其逸獲神聖之心,則但 聃、浮屠之邪説,以 之無記誦詞章以取爵禄之科 繇生。《大學》之道,明德以修己,新 本之理,以 思陋測 抑古之爲士者,秀而未離乎其樸, 顯諸仁而藏諸用,而 ,蕩天理,蔑彝倫 且以就功名之術。 極惻隱、羞惡、辭 誘 聰 習於人倫 加 而 明 喻 其尤正者,無 自 孟 果 加 讓、 矜獨悟, ,次之無權 子 闡 毅之士 至 推 是非之所 形 于 物 生 東 理 而 一之當 物 上 周 而 如 之 * 狂 謀 牛 而

序

論

[.]署本、金陵本以下各本均有之。兹據劉氏鈔本補。本文不見於底本及草堂本,至劉氏鈔本始見此序,學

吾道以 不 抉 得。 若登天 拙 矩 五 所 子之世,楊、 得之於志外者也。故孟子曰:「大匠 而 異也 已背 也; 慮 其 知 工. 而志於學。」所志者,知命、耳 人,人道 一改廢繩 未有能得者也。 躍 止至善, 而自漢、魏以 知其然者,志不及之,則雖聖 證其 之霄壤矣。 如 而 之藏,則 不 備 墨,羿不爲 邪,●故 墨雖盈天 可 矣, 則不定,不静,不 使逸 而必 降,儒者 此《正蒙》之所繇 志之摇 可引 獲於企及 故夫子曰: 申之曰「止於 下, 拙射變其彀 而 而 摇者,差之黍 無 不 儒 少也。 所 發以需 者猶 安, ·順 不淫 吾 、不踰 特在 率。」 Y 至 不 而 一,荷 不 不 + 善 其 屑 未 慮 得 米 不 自 孟 爲 有 屈 宜 有 非

引 而 出 之徒,且 伸之, 於 宋自周子 太 極 |岐出以趨於浮屠之蹊徑。 而 陰 實之以静 陽 出 人道 丽 始 生 一誠敬之功,然游、 發明聖道之所 化之終始,二程子 故朱

> 之中; 子以 黨,皆争附焉,而以 之邪説;其究 立、矯枉過正有以啓之也 事之狂妄,流害以相 儒,逐跡 厭棄之,然而 格 物 躡影,沈溺 其 窮 理 遂啓 再傳 也,爲 爲始 姚 而 充其 教, 於訓 江 刑戮之民、 激 後 王氏 而檠括學者 而 無善無 流爲 詁。 相 陽 成 雙峰 故 儒 惡、 爲 白 則 陰 閹 中 沙 於 員 釋 勿 道 賊 誣 起 融 軒 顯 之 不 理 聖 道 ITT

之欲! 爲,下焉者何 有定焉。 寄生兩 乎禽獸,然而吉凶窮達之數,於此於彼,未 善爲惡,皆非性分之所 人之生也,君子而 間, 其 不知 稍 去 有 弗蕩棄彝倫以遂其苟且私 來 所 恥之心 無 以生,不 準 極乎聖,●小 惡 而 固 爲 厭 有 知 贅 焉 所 職分之所 (疣,善 者 以 死 則 人而 則 見 當 爲 利 爲 極

[「]屈」,學署本以下各本作「曲」

人」與下「禽獸」對文,句意更確。「聖」下,羅汝懷編《湖南文徵》收本篇有「人」字。「聖

皆率此 脩,非 鳴 義 吾 動 愐 伸之必然,以 之正 始與 不可 失居,或 信於學 無道,氣之外 礙之邪説 而 生 屈。 ,赫然在出王 生不可 疑 ,皆性所 呼 其 以 其 而 미 無 然 以 不容不懼以終始,惡能釋其惑 所 無 終 、異於 張 卑 以 終歸 所 罔 成,故曰 後 終,神之所化,鬼之所歸,效天 故《正蒙》特揭陰陽之固有, 子之學,上承孔、孟之志,下救 偷 必 沂 見 從 知聖人之存神盡 無神, 逐 一瞬 文 則 聞 有之良能 用 IMI 於無忌憚。 中道, 而 而 其 游衍之中,善吾伸 白 所 又 名 「率性之謂道」。天之外 不 息,一 心 蕞 及 敝 神之外無化,死 ·返之頑 義 之可 佚 然 而 而至當 皆 之 限 加 出 屬 以 聰 爲 猖 宵一畫,一言 爲職分之所 自非究 鄙 明,或 温 有 希 狂 百 性,反 瀑 覬 順之大經 不 爲 乃 聖 吾之 者 窮 見 不 無 其 兩 一功也。 以 ·足憂 大 不 經 縛 究 滅 而 當 聞 所 而 屈 使 地 無 也 無

> 起,未有能易焉 來兹之失, 如 皎 者 H 也 麗 天 無 幽 不 燭 聖 人

> > 復

皆以 之學 之異 之行 安之蕞 水之勝火,一 生 以 當 相 世之信從者寡,故 張子數學於關 學之 死 曉 説 素位隱 時 屠作率 朱 競 程子之道 曾不得與 然大 之狂惑 子 鉅公耆儒 然者,亦 圃 興 興 格 互爲 又二 潤 明, 居 於 盈)廣,而 食 畸 面 宋 悪 不 以 道 白 邵 勝,是以 末 如富、文、 也, 折 虚 能 間 年 中, 正 之 康 繇 道之誠然者不著。貞 傲 丽 童蒙之志於 愐 節 學之教 周子 倀 而 相爲 其門人未 時之英 自推 莫 平 君 之數學相 王 適有定。 不 子 伯安之邪説 羽 司馬諸 得 ",陸子 百年而 争貞 以 翼,是以其 才輻 所 有殆庶者。 程 静、 始, 與頡 獨 公,張子 勝者,猶 使 陸子 子 知 Ŧ 則 張 於 而 浮 道 其 消

邪

൬

而

其

屠

周易》者,天道之顯也, 性 之藏

德而 功之牖 之數準焉,故夫子曰 焉,仁 神行焉 廣業」者也。 也, 義之大 ,禮樂之精微存焉,鬼神之化 陰陽、動 用 張子之學,無非《易》也, 興 静、幽 「彌綸天下之道 焉,治亂、吉凶、 明、 屈 伸,誠 以 生 有 崇 死 裁 之

使

出

而

書而 微而 之小技。 要歸也。 立人,反 法,下同京房、管輅、郭璞、賈耽壬遁奇禽 文王、周公、孔子繼天立極、扶正人心之大 全生 而 遺顯,其教門人也,以《易》爲占筮之 不使之學,蓋亦矯枉之過,幾令伏羲、 安死,則 經研 而張子言無非《易》,立天,立地, 自朱子慮學者之騖遠而忘邇,測 幾,精 往 聖之傳,非 義 存 神, 以綱維 張子 其 孰

功

又豈

非

疏洚水之岐流,

引萬

派

而

嗚

呼

孟 子

,之功

不

在 禹

下,張

子

之

貞

衡 陽王夫之論

即

無

樂》之和、《春秋》之大法也、《論》、《孟》之

非《詩》之志、《書》之事、《禮》之節、

者之繩 不足以 養蒙以 於是 養之未 斯人 則 亂之矣,故曰《正蒙》也。 墨也,射者之彀率也, 去昏墊而履平康 是爲聖功之所 可 熟,見爲登天之難不 至焉,不志於是未 自 定, 之坦 而 有 可 道 雖 邪説之淫 能 企及,而志 力之未 哉 至者也 匠

四

太和篇

即《太極圖説》之旨而發其所函之蘊也。作聖之功,下學之事,必達於此,而後不爲異端所惑,蓋此篇首明道之所自出,物之所自生,性之所自受,而

太和所謂道,

有形器之後,其和不失,故曰太和。害,渾淪無間,和之至矣。未有形器之先,本無不和,既極也。陰陽異撰,而其絪緼於太虚之中,合同而不相悖極也。陰陽異撰,而其絪緼於太虚之中,合同而不相悖本和,和之至也。道者,天地人物之通理,即所謂太

中涵浮沈、升降、動静相感之性,是生絪縕

相

盪、勝負屈伸之始。

輕者浮, 涵,如水中涵影之象,中 重者沈,親上者升,親 涵 下 -者降 者其體, 動 而趨 是生者其 行 者 動 用 也 動

其來也幾微易簡,其究也廣大堅固。

和必有之幾。始則動之幾也

虚也。勝則伸,負則屈

此言天地人物消長死生自然之數

,皆太

"勝負屈伸,衰王死生之成象,其

必然之理勢。勝負,因其分數之多寡,乘乎時位,一盈一

絪縕,太和未分之本然,相盪,其

而赴止者静,皆陰陽和合之氣所必有之幾,而成乎情之

固然,猶人之有性也。

無端。 體。 固,體成而不易毀也。乾、坤有體則必生用,用而還成其 之初動; 體静 來,謂始動而化之初,究,謂已成形體 易簡者,唯陽健陰順而已。 而 用動, 故 日「静 極 丽 動, 廣大,品物流形 動 極 也。 丽 静」, 幾微, 動 堅

起知於易者乾乎! 效法於簡者坤乎!

其所涵之性,有健有順,故知於此起,法於此效,而大用太和本然之體,未有知也,未有能也,易簡而已。而

散殊而可象爲氣,清通而不可象爲神。行矣。

人生而物感交,氣逐於物,役氣而遺神,神爲氣使而迷其不可象者,即在象中。陰與陽和,氣與神和,是謂太和。太和之中,有氣有神。神者非他,二氣清通之理也。

健順之性,❶非其生之本然也

不如野馬、絪縕,不足謂之太和。 敔按: 野馬

者,天之神,烟緼者,天之氣。

行矣。敔按:清通者,心之神,變化者,心之化 化而有滯有息,則不足以肖太和之本體,而用亦不足以 語道者知此,謂之知道,學《易》者見此,謂 氣於神,合神於性,以健順五常之理融會於清通,生其變 此言體道者不於物感未交、喜怒哀樂未倚之中,合

之見《易》。

以成形,神以居理,性固具足於神氣之中,天地之生人 男,坤道成女。」此之謂也。 物,人之肖德於天地者,唯此而已矣。 鼓之以雷霆,潤之以風 見,實證之於心也。《易》曰:「陰陽相摩,八卦相盪」 雨, 健順合而太和,其幾必動,氣 日月運行,一 寒一暑,乾道 成

不如是,雖周公才美,其智不足稱也已。

不足而恃才,雖美如周公,亦不足稱 知無不起,法無不效矣。敔按:知道見《易》,始謂之知, 待其已感,因事而效能者,才也, 智則灼見道體 河

太 虚無形,氣之本體;

於太虚之中具有而未成乎形,氣自足也,聚散變化,

而其本體不爲之損益。 敔按: 理具 (陰陽, 陰 陽具 理 理 氣 渾

然,是爲本體

其聚其散,變化之客形爾。

乘時 `而興、乘時而息, 日月之發斂,四時之推遷,百物之生死,與風 也, 皆客形也。 有去有來謂之 雨 露雷

客。 發斂,謂日月出入之道

至静無感,性之淵源

於物感未交、至静之中,健順之性承於天者,固

失,有本而不窮。

有識有知,物交之客感爾。 識知者,五常之性所與天下相通而起用者也。

而名不能言,事不能成。赤子之無知,精未徹也,愚蒙之 物乃知其名,知其名乃知其義,不與物交,則心具此理,

無知,物不審也。 自外至曰客。

客感客形與無感無形,惟盡性者能一之。❸

- 「氣」,各本皆脱,惟底本有之。 「神爲氣使」,句乃可
- 本同。 「知」,此字及下句「知」字,劉氏鈔本、草堂本及學署 金陵本以下各本均作「智」。

知其

其動 理以 本無間也 而事亦述矣。 異於禽獸之生,則其死也異 貳,修身以俟之」,「不顯亦臨,無射亦保」也。蓋其 形之來去易其心,不以客感之貞淫易其志,所謂「夭壽不 之本體,動静語默一貞乎仁,而不喪健順之良能,不以 誠,盡性者也。 《還造化 心異於下愚之動,充五常百順之實以宰百爲,志 而 萬理 ,存順 皆 無他,人之生死、動静 性盡,則 備, 而没 心 亦 無不 生 寧。 死屈 (於禽獸之死,全健順太和之 正 其静也異於下愚之静,則 伸 動 而 一貞乎 有間 本體不失,意 ,道,而不撓太虚 ,而太和之絪 生 無 緼 繼 也 不

有 事,死生之故,立命之事,而 而通於一 此上二章, ,則一也。 兼動静、 生 死 動 而 一静, i i 動 静 屈 之幾,盡 一伸,理 一所必 性 之

順而不妄。 天地之氣,雖聚散、攻取百塗,然其爲理也

乃其 恒 雜之理。 潛各以其族,必無長夏霜雪、嚴冬露雷、人禽艸木互 依其類。 於亂 (品彙之成各有條理,故露雷霜雪各以其時,動 聚則見有,散則疑無,既聚而成形象,則才質性情 屈 故善氣恒於善,惡 同者取之,異者攻之,故庶物繁興,各成 伸 往來,順 其 故 而 氣恒於惡,治氣恒於治,亂 不妄。 不妄者,氣之清 品 相 植 通 氣 淆 飛 各

氣之爲物

象,不失吾常。氣之爲物,散入無形,適得吾體,聚爲有

形亡之後,清濁猶依其類 常,故有生之後, 爲庶物之生,❶自絪縕之常性, 可復健順之性。 散而歸於太虚,復其絪縕之本體,非消滅 散 而 氣禀物欲相 仍 得 : 吾體 窒 故 非 幻成 相牿,而 有 生之善惡治 也。 克自修治,即 聚 也。 ൬ 不 亂, 失其 聚 而

得已 物 太 虚不 不能不散而爲太虚。 而然也 能 無 氣,氣不能 不 循 聚 是出 Mi 爲萬物, 人,是皆不 萬

施其作爲,俟命而已矣。不可挽之而使留,是以君子安生安死,於氣之屈伸無所然,不能已止者也。不可據之以爲常,不可揮之而使散,然,不能已止者也。不可據之以爲常,不可揮之而使散,

其至矣。 然則聖人盡道其間,兼體而不累者,存神

● 「而」。原脱,劉氏鈔本、草堂本、學署本及金陵本以下

張子正蒙注

之,使與太和絪縕之本體相合無間,則生以盡人道 之經以貫,萬事之治以達,萬物之志皆其所涵。 没寧也。 至德矣。 歉,死以返太虚 爲物欲所遷, 無可 神清 容 一 學 通而 吾 而 作 以聚之,問以辨之,寬以居之,仁以 無累,全而生之,全而歸之,斯聖人之 -爲,聖 不可 象,而 人所 健 存 順五常之理以順,天地 者 神 爾。 兼 體 存者,不 謂 而 存 無 順

彼語寂滅者,往而 不反,

釋氏以滅盡無餘爲大涅槃。

徇生執有者,物而 不化

可長生。 物,滯於物也。 魏 伯陽、 、張平 叔之流 鉗 魂 守 魄 謂

者雖有間矣,

徇生執有者尤拂經而爲必不可 成之事。

 \Box

言乎失道則均 皆不知氣之未嘗有有無而神之通於太和也。 焉

既聚 説正近於釋氏滅盡之言,●而與聖人之言異。 學,發前聖之藴,以闢佛、老而正人心者也。 ·未知生,焉知死。」則生之散而爲死,死之可復聚爲生 不而散 此章乃一篇之大指。貞生死以盡人道,乃張子之絶 散 而復聚,譏其爲大輪 迴。 圃 愚以爲朱子之 朱子以 孔子曰: 人其言

> 歸之府乎? 子散盡無餘之説,❷則此太極渾淪之内,何處爲其翕受消 形者且然,況其 則鬱而不散。 仍歸木,水者仍歸水,土者仍歸土,特希微而人不見爾 積,一旦悉化爲烏有,明矣。 無餘也。 藏於地中,枝葉槁而根本固 象者也。 曰 : 爲生,爲 亦不可毁,器敝而道未嘗息也。 謂之道,形而下者謂之器。」 感而伸,非既屈 一甑之炊、濕熱之氣、蓬蓬勃勃、必有所歸、若盦蓋嚴 者,魂之散而 幽明,而 理 「屈信相感而利生焉。」伸之感而屈,生而死也, 轍 來,爲伸,秋冬爲殺,爲往,爲屈, 器有成毁,而不可象者寓於器以起用,未嘗成 車薪之火,一烈已盡 不日 ,明矣。 又云造化日新而 游於虚也,爲變,則還以生變化,明 汞見火則飛,不知何往,而究歸於 1生滅。 絪縕不可象者乎! 者因感而可復伸乎! 《易》曰 生滅者,釋氏之陋説也。 故曰 「精氣爲物,游魂爲 形而上,即 榮,則非秋冬之一消滅 而爲燄,爲煙,爲燼,木者 不 以天運物象言之,春夏 往 用 來,日屈伸,日聚散 未嘗有辛勤歲月之 其故 又曰:「形而上 所謂清 而秋冬生 止此太虚之 變。 通 爣 地。 矣。 而 如朱 屈 不可 游 而 密 又 有 之 更 魂

- 正」,劉氏鈔本、草堂本以下各本均作「反」。
- 朱子」 劉 氏鈔本 "草堂本以下各本均無此二字。

其

乎! 道 於昭于天」,爲聖人與天合德之極致。 兩 死 盗 而歸之,所以事親。 且 内, 可 跖同 異於異 間 以人事言之,君子修身俟 ,愚不敢 0 適得其體,而 ,斯堯、舜 亦 歸一丘 存神以 何從得 端之邪 知也 周 者, 盡 此 説 性 無盡 妖孽、災眚、姦回 孔 又 者以 使一 ,則與太虚 何 之所以萬年,而 之儲,以 恤 死 此、則謂張子之言非明 丽 而 命,所以事天; 不 消 - 逞 通 終 散無餘 爲 志 古 濁亂之氣不留 一體,生不失其常 縱欲,不亡 趨 《詩》云「文王在 聖賢大公至正 於滅 則 (諺所謂 全而生之,全 愐 不 睿 以 匱 伯夷、 一滯於 所 待 邪 上 炤 之 杰

聚 亦吾體 散 亦 吾 體,知死之不亡者, 口 與

暴者,氣也,養之可使醇,持之可使正,澄之可使清也, 桀、紂之氣,存於絪縕之中,至今而不易。 而 靈, 始得於天者,健順之良能未嘗損也,存乎其人而已矣。 不可見爾,其體豈 不離乎氣而 聚而成形,散而歸於太虚,氣猶是氣也。 相與 八爲體 有不 順 則 而妄者乎! 神 :猶是 神 也。 故堯、舜之神。 然桀、紂之所 聚 神者,氣之 而可 見, 其

盡

知 虚 空即 氣 則 有 無、 隱 顯、 神化、性 命 诵

> 從 來, 無 則深於《易》者也 顧 聚 散、 出 形 不形 能 推 本

所

變化日 虚空而 陰陽。 感而 有, 見不可測焉, 3天地 不容已者,或聚或散,或 陰以成順, 從來也。 蓋陰陽者氣之二體、動静者氣之二幾, 出爲人物則形,散而入於太虚則不形,抑必有所從來 無非理,氣在空中,空無非氣,通 化而寓於神化之中,無迹可見。 妙,然而有迹可見; 《易》之蘊矣。 散則隱,隱則人謂之無。 動 虚空者,氣之量; 新, 不見氣。凡虚 而陰陽 動 《易》之爲道,乾、坤而 ,而六十四卦之吉凶大業生焉。 而陰陽相摩,則生六子以生五十六卦,皆 而成象則静,動静之幾,聚散、出人、形不 一太極之實體,唯其富有充滿於虚空,故 性命者,氣之健順有常之理,主 人物屈 氣爛綸無涯 空皆氣也, 出 伸往 或 入,錯綜變化, 神化者,氣之聚散 己。 來之故盡於此。 若其實,則理在氣 而希 聚則 而 乾六陽以成健, 無 體同 微 顯, 二者也。 不 陰陽之消長隱 顯 形 要以 而 • 則 用 知此者 不測之 異 動 人謂之 則 中, 静 動 坤 聚 持 人見 形 則 氣 神 夫 之 六 之 相 丽

- 止, 氏鈔本、草堂本以下
- 綸」,各本作「淪」,疑誤
- 焉」。各本作「而」。屬下讀。

若謂 絶,入老氏「有生於無」自 有無混一之常。 虚能 生 氣 則 虚 無 窮, 然之論 氣 有 限 不 體 識 用 所 殊

之動静,動則陰變於陽,静則陽凝於陰,一震、巽、坎、離 幻無窮; 二氣,繇動静而生,如老氏之説也 艮、兑之生於乾、坤也,非動而後有陽 男女之情質,其絪縕充滿在動静之先。 陰。不知動静所生之陰陽,乃固有之鰛,❷爲寒暑 圖説》者,❶謂太極本未有陰陽,因動而始生陽,静 而令生氣乎? 有無混一者,可見謂之有,不可見遂 ,其實動静有時而陰陽常在,有無無異也。 老氏以天地如橐籥,動而生風,是虚能於無生有, 而氣不鼓動則無,是有限矣。 ,静而後有陰,本無 然則孰鼓其 動 静者即此陰陽 誤解 而始 《太極 謂 〈彙籥

之说。不相待而有,陷於浮屠以山河大地爲見病不相待而有,陷於浮屠以山河大地爲見病與虚不相資,形自形,性自性,形性、天人若謂萬象爲太虚中所見賢遍反。之物,則物

大中之矩,

形有消長,生於變化,性中增形,形外有性,人不資氣而 火風 本無陰陽,乃 根塵等皆 浮屠謂真空常寂之圓成實性,止 動静所顯之影象,則性本清空,禀於太極 繇 妄現, 知見妄立,執爲 實 光明 相。 藏,而 若謂 太極 地水

差愈於告子「食色性也」、荀子性惡之論爾。此道不明,正由懵者略知體虚空爲性,生而於氣外求理,則形爲妄而性爲真,陷於其邪説矣。

之謂誠。 天即道爲用,以生萬物。 不知本天道爲用,

誠者,天之道也,陰陽

有實

反以人見之小因緣天地。

近世王氏之説本此,唯其見之小也。幻立,事物倫理一從意見横生,不覩不聞之中别無理氣。但見來無所從,去無所歸,遂謂性本真空,天地皆緣

明有不盡,則誣世界乾坤爲幻化。幽明不

能舉其要,遂躐等妄意而然。

不悟一陰一陽範圍天地、通乎晝夜、未能窮理知性而言天人之際,是謂躐等。

極

家,地之形,皆其所範圍也。散人無形而適得氣之體,聚陰陽二氣充滿太虚,此外更無他物,亦無間隙,天之

- ●「説」,各本無此字。
- 「縕」皆作「蘊」。
 ③ 「乃固有之縕」五字、各本置於下句「情質」之後、又

道也。 在氣中,屈 在 m 陰陽之或有或無哉! 爲有形而不失氣之常,通乎生 .天而天以爲象,在地而地以爲形,在人而人以爲性,性 不 見物, 伸 ,則謂 通 於一 一之夜。 一, 而 日出而人能見物,則謂之晝, 裁成變化存馬,此 陰陽之運行,則 死猶晝 夜 也。 通一無二也 不可 晝 夜 踰 者, 之中 日 贵 人

求,多見其蔽於詖 爲 者,不罔於恍惚夢幻,則定以「有 遂使儒、佛、老、莊 窮高極微之論。 而陷於淫矣。 混 人德之途,不 然一途,語天道 知 生 擇 於 無 術 性 命 而

陽

屬,❶則又合佛、老以 侯湛輩皆其流也; 附會之,說愈淫矣。 雖賢而不免, 若陸子静及近世王伯安, 則屈聖人之言以 陷於佛者,如李翱、張九成之流,而富鄭公、趙 若王安石、吕惠卿及近世焦竑、李贄之 陷于老者,如王弼注《易》及何晏、夏 溷聖道,尤其淫 而無紀者也 清 獻

块然太虚

生所謂「生物以 升降飛揚,未嘗止息,《易》所謂「絪縕」,莊 **坱然,猶言滃然,充滿盛動貌。** 息相吹」、「野馬」者與 徧太虚中皆氣也。

、殊質矣。 升降飛揚,乃二氣和合之動幾,雖陰陽未形,而已全 「生物以息相吹」之説非也 ,此乃太虚之流 動

> 息者此也。 洋溢,非僅 生 物 之息 也。 引 ,此者, 言 莊 生所 疑 爲 生 物之

此 虚實、動静之機,陰陽、剛柔之始

生也。 陽也。 陰 間隙 以概之。 言之則辨其異,合體之則會其通,故張子統言陰陽 以陰爲性,雖陽之静亦陰也, 柔者陰之質, 就形而言之,分柔分剛, ,則有動 虚 陰陽分象而剛柔分形,剛者陽之質,而剛中非 一者,太虚之量,實者,氣之充周也。 機者,飛揚升降不容已之幾,始者,形象之所 者以流行, 而柔中非無陽。 則有静者以 就性而言之,分仁分義 動者以陽爲性,雖陰之動 就象而言之,分陰分 凝止。 升降飛 於是 而 揚 剛 静 而 柔 無 者 分 亦 無

浮而上者陽之清,降而下者陰之濁。

乎其 其 引陰以偕升,陰之濁 潛、艸木華實,雖陰陽不相離,而抑各成乎陰陽之體 (昭明流動者謂之清,就其凝滯堅强者謂 中 天地之法象,人之血氣表裏、耳目手足,以至 而未有礙也 挾 陽 以 俱 降 其神之清 之濁; 通者 魚 則 陽之清 貫 鳥 就 雅

0 焦竑」,劉氏鈔本空二格,草堂本、學署本均作墨丁。 |陵本始作「王畿」。

形,山川之融 其 遇聚 散,爲 結 糟 風 粕 雨, 煨 爲 燼 雪 無非 教 萬 也 品品 之 流

明。 帼 著。 者,雖遲久而必歸 、雪霜、 教者,朱子所謂 遇者,類相 感遇則 感者,交相感; Ш 深, 川 聚已 遇, 人物,象之顯藏,形之成毀 (其原,條理不迷,誠信不爽, 陰與 陰感於陽而形乃成,陽感於陰而 〕必散 「示人以理」 八陰遇 ,皆升降飛揚自然之理勢。 」是也。 形乃滋,陽與陽遇, ,屢遷 理 在其中 而 象乃 已結 象乃 風

氣聚,則離明得施而有形;

有形則人得而見之,明也。

不聚,則離明不得施而無形。

47、。 目力窮於微,遂見爲無也。心量窮於大,耳目之力窮 無形則人不得而見之,幽也。無形,非無形也,人之

遽謂之無。 方其聚也,安得不謂之客,方其散也,安得

也,非無固有之實。人以見不見而言之,是以滯爾。無。不知聚者暫聚,客也,非必常存之主,散者,返於虚聚而明得施,人遂謂之有,散而明不可施,人遂謂之

云「知有無之故」。 故聖人仰觀俯察,但云「知幽明之故」,不

八

盈天地之間者,法象而已矣;

明則謂有,幽則謂無,衆人之陋爾,

聖人不然。

示人以可見者,此而已矣。

文理之察,非離不相覩也。

以知明之故。方其形也,有以知幽之因,方其不形也,有

來也。 已矣。 或未有 聚,則幽之中具明之理。 往,則明之中具幽之理, 蓋天下惡有所謂無者哉! 静之形,敔按:成形則静。 有無也。 盡 甚矣,言無之陋也 心思以窮神 ,於理非無, 言有無者,徇目而已,不斥言目 尋 知 水而 化 離其動之用 此聖人所以 方其不可見 則 不得,怠惰而 於物或未有,於事非 敔按: 方 其 可 此即前章形不形之所從 也。 見 知 加 愐 继 知 不求 1而言離 敔 明之故 其 知 按 (必且 其 則 藏用 必 無 者, 有 日 而 相 於動 於事 不言 所 目 感 而 其 以 歸

氣之聚散於太虚,猶冰凝釋於水, 知太虚

即 氣,則 無 無

云:「六經總在虛無裏,方信虛無不是無。」 虚 無有所謂無者。 人之所見爲太虚 敔按: 先子和陳白沙 者, 也,非 虚 也。 「六經總在虚 虚 涵 氣, 無寒 氣 變 一詩 充

故聖人語性與天道之極,盡於參伍之神 易而已。

因 時,居 易,而天人之藴,幽明之故,吉凶大業之至賾備矣。 有 需、訟,隱而未見者爲 形 於明,四 需、訟而二陰參四陽,非陰陽之有缺也。 六陽,坤有六陰, 曰 無,明矣。 而見者爲屯、蒙,其隱而未見者爲鼎、 時而成六十二象。 乾、坤其易之緼邪」,言《易》藏畜陰陽,具足充 性天之旨盡於《易》,《易》卦陰陽互相參伍,隨 其位,成 陽處於幽,需、 其 法 而其交也,至屯、蒙而 象,非所見 晉、 惟其富有,是以日新, 訟之二陰麗於明,四陰處於幽 ,明夷。 者有, 餘放此。 所不見 革,形而見者 屯、蒙之二陽雕 變易而 陽參四 有幽 者無 各乘其 明 也。 陰, 滿 乾 時 丽 以以 , 其 故 爲 至 有 無 變

諸 子淺妄,有有無之分,非窮理之學也

通; 善無惡爲良知者,亦惟其淺 妄則誣有爲無,莊 淺則據離明所得 施爲有 列 m 淮南之流以之, ,不得施 成乎妄也。 爲無,徇 丽 目 近 而 世 以 心 無 不

> 太虚 爲 清 則 無 礙 無 礙 故 神 ; 反 清

> > 爲

濁 濁 則礙 ~,礙 則 形。

下矣。 見,疑其所罔。 己不相爲謀; 成其形也。 其在於人,太虚者,心涵神也, 不能人,不能人物,拘礙於一而不相 象者皆可人於中,而抑可人於形象之中,不行 神以盡性 不 反者,屈伸聚散相對之謂,氣聚於太虛之中則重而 相知,則利其所利,私其所私; 氣之未聚於太虚,希微 復健 礙而不能相通 官骸不相易,而目不取聲,耳不取色, 順之本體 聖人知氣之聚散 同 ,故嗜欲止於其所便利,而 而 於太虚 不可 濁而礙者,耳 無 聰明不相及,則執 見,故清; 恒 知周 通,形之凝 一而神 萬物 通 自 清則 於 而 而 口體之各 至神也 滯 仁 有 故 然也 濁,物 其 物 形 存 天 所 我 有

鄙 凡 陋之殊,其理 天有光風霽月、曀 清則 通 一,香則 也。 陰霾霧之異,人有高明 雍

廣大、

庸

清極則

神。

矣。神則合物我於 不爲形 礙, 則 有形 原,達死生於 者 昭 明 寧 静 以 致 聽 ,絪縕合德, 心 之用 而 死 清 而 極

不亡。

九

驗與!故聚而有間如字,則風行而聲聞具達,清之故聚而有間如字,則風行而聲聞具達,清之

風之有牖即人,笙管之音具達矣。而不爲物欲所塞,則物我死生,曠然達一,形不能礙,如間,形中之虚也。 心之神居形之間,惟存養其清通

不行而至,通之極與!

曠窅之墟,空洞之籟,無所礙而風行聲達矣。於聞見,唯心之神徹於六合,周於百世。所存在此,則猶於聞見,唯心之神徹於六合,周於百世。所存在此,則猶於聞見,唯心之神,故不行而至。至清而通,神之效也。蓋耳目止

此二章言存神爲聖功之極致。

之名。 虚與氣,有性之名,合性與知覺,有心由太虚,有天之名,由氣化,有道之名,合

飛潛 化也。 相與摩盪 而爲萬物之資始者,於此言之則謂之天。氣化者,氣之 和,雖其實氣也,而未可名之爲氣, 爲之名,其實一也。 動植 名者,言道者分析而名, 陰陽具於太虚絪縕之中,其一陰一 ,各自成其條 ,乘其時位以著其功能,五行萬物之融結流止 太虚即氣,絪縕之本體,陰陽合於太 理而 不妄,則物有物之道 言之各有所指,故 其升降飛揚,莫之爲 陽,或動 ,人有人 理 或静, 而 名

> 統於一 性。 道 以道成性,性發 覺乃發。 而義起,習其故而心喻之,形也,神也,物也,三相遇而知 夷,❸此人之所以有性也。 之德存焉,氣化者,一 之道, ●鬼神有鬼神之道,而 而五常百行之理無不可知,無不可能,於此言之則謂之 秉太虚和氣健順相涵之實,而合五行之秀以成乎人之秉 言之,下言性心,則專言人矣。太虚者,陰陽之藏,健 循此以爲當然之則,於此言之則謂之道。 ,以道事天。 人之有性,函之於心而感物以通,象著而數陳,名立 心,繇此言之則謂之心。 故繇性生知,以知知性,交涵於聚而有間之中 知道, ●逆而推之,則以 惟其理本一原,故人心即 陰一 陽,動静之幾,品彙之節具焉。 原於天而順乎道,凝於形氣 知之必明, 順而言之,則惟天有道 心盡性,以性合 ❷處之必當, 此二句兼 天, m 盡心 人物 知 順 皆

道」,原作「通」,據各本改

[「]人有人之道」五字,各本皆無。

本、草堂本以下各本皆作「而知之必明」,五字爲句。「□」,底本此字恰在右下邊角,糟朽損壞。 自劉氏鈔

^{● 「}夷」,各本作「彝」。

溷

也

鬼神者,二氣之良能也。

如此; 陰屈 神自 則神隨形敝,敝而不足以存,復散而合於絪縕者爲鬼。 消散無有之説,❷則是有神而無鬼,與聖人所言「鬼神之 言之,則神陽也,鬼陰也,而神者陽伸而陰亦隨伸,鬼者 乎幽,然歷乎人之能,抑可與 德盛」者異矣。 合,成其往來之妙者也。 而陽先屈,故皆爲二氣之良能。 幽而之明,成乎人之能,而固與天相通, 陰陽相感,聚而生人物者爲神,合於人物之身,用久 學者因所指而詳 察,乃無拘滯之失。若朱子死則 凡陰陽之分,不可執 人相感。 良能者,無心之感 就其 鬼自明 一言者,類 幽 明者 而 返

之目。 聖者,至誠得天之謂, 神者,太虚 妙 應

死 二,是得天之所以爲天也。 虚妙應以生人物之良能 面 適得吾體 至誠 體 太虚 迹有屈伸, 至和之實理,與絪縕未分之道 而 矣。 其所存之神,不行而至,與太 神無損 如 此,則生 益也 而不失吾常 通一不

凡天地法象,皆神化之糟粕 爾

能,執有徇生者據糟粕爲常存,❸其迷均矣。 故形有屈伸,而神無幽明之異。 客形,或久或暫,皆已用之餘也,而況人之耳 日月、雷風、水火、山澤固神化之所爲, 語寂滅者不知不亡之良 目官骸乎! 而 亦 氣聚之

天道不窮,寒暑已,衆動不窮,屈伸已, 0

伸其所屈,群動之變,不能離此二用, 鬼神之實,不越二端而已矣。 殺之用,盡此矣:蓋二氣之嘘吸也。 喜怒之變,盡此矣:蓋二氣之舒斂也。 寒已而暑,暑已而寒,循環而 如 屈者屈其所伸,伸者 相反,四時之行, 動 静 語默、行

- 0 順」。 順」,原作「事」,據各本改。 又按張載 《西 銘 「存。吾 按本書本篇前文正 順 事 吾 作
- 0 無有」。 若朱子 ,死則 消 散 無有之説」,各本作「若謂 死 則 消 散
- 元學案》及王夫之《正蒙注》改。]其所云王注乃金陵 二「已」字,金陵本以下各本作「也」。 存」,各本脱 張載集》均作「(已)[也]」,校曰:

「兩【也」字依《宋

按中華書局版

0

張子正蒙注卷

將成乎鬼以 於在我,與鬼神合其吉凶矣。 形,鬼之屬也,而可以迎神而來, 必 有之幾。 嘘 吸, 往。 則鬼神者,天之所顯而即人之藏也。 屈 舒 伸因乎時 斂,升降離合於太虚之中,乃 而 動 盡 而成用,神之屬也,而 性以存神, 則天命 静以成 陰 立 陽

兩不立,則一不可見,

及,不可得而見也。 陰陽未分,二氣合一,絪縕太和之真體,非目力所

一不可見,則兩之用息。

息也。 其合一而爲太和者,當其未成乎法象,陰陽之用固

之質,其體分矣。 而 則顯,散則 也,行而止之,静亦動也, 彼,往則虚於此, 清 者通 聚 必 成實,實中有虚,一 散,一 濁 微,其體分矣。 者礙, 清 實 聚者聚所散,散者散所聚, 於彼, 其體分矣。 濁 ,則可疑 世。 其 清以爲濁,濁 體 也。 分矣。 太虚之本 使無 而動有動之用,静 而來則實於此,虚 止 虚 固 無有 闻 有 也。 實,一 行之, 清 而何者 動 有静 動 而 也。 聚 於 動

> 體。 所聚 爲 熱可爲湯,於冰湯之異,足知水之常體 0 所散,爲虚爲實,爲清爲濁,皆取給於太和絪縕之實 一之體立,故兩之用行,如水唯一 惟 兩端迭用,遂成對立之象,於是 體 可 則寒可爲冰 知 所 動 所 静

感而後有通,不有兩,則無一。

矣。非有一,則無兩也。 可矣,今既兩體各立,則溯其所從來,太和之有一實,顯所容其感通,而謂未感之先初無太和,亦清濁之實,則無所容其感通,而謂未感之先初無太和,亦 訴合於既感之後,而法象以著。藉令本無陰陽兩體虚實

《易》。 故聖人以剛柔立本,乾坤毀則無以見

即 乎? 聖人成天下之盛德大業於感通之後 陽,坤之六陰,健順之德具足於法象,故相摩相 坤,則六十二象之往來者何所從生邪, 十二卦之變易,以盡天下之亹亹。若陰陽不純 陰陽已分、剛柔成象之體,蓋以繇兩而見 氣和合之體,修人事即以肖天德,知生即以 以養氣,惟於二氣之實,兼體而以時用之爾 聖人之存神,本合乎至一之太虚,而立教之本,必 其 也。 ,而以 何 知 以 備乎乾 盪,成六 見《易 乾之六 合絪縕 因

也。 其成又合陰陽於一也。 兼體者也。 格物者知之。 無陽, 敔按: 其象矣。合者,陰陽之始本一也,而因動静分而爲兩,迨 而六子、五十六象多寡消長之無典要,成天下之至蹟,乃 禽獸,爲下愚; 之化,無擇於施,陰陽老少互相遇 以至於艸木魚鳥,無孤陽之物,無孤陰之物,唯深於 [氣,氣之游行也,即所謂升降飛揚。 紛擾者,無 如氣血魂魄之屬,男女畢具,是陽必具陰,陰必具 時位相得,則爲人,爲上知,不相得,則爲 要其受氣之游,合兩端於一體,則無有不 如男陽也而非無陰,女陰也 而無一成之軌,乾坤立 而非 心 陽

面

其陰陽兩端循環不已者,立天地之大義。

理所從出。 生之神化,聖人應感之大經,概可知矣。 然則萬殊之生,因乎一氣,●二氣之合,行乎萬殊,天地生 守正以待感,物得其宜,爲經常不易之道,此仁義中正之 義者,居正有常而不易之謂。 曰誠, 曰 無妄,曰不息,曰敦化,皆謂 陰陽不偏,循環不息 此 也

日月相 推 而 明生,寒暑相推而歲成。」

《易 繫傳》文。 體 異,故相感而 合, 以成乎不息

神易無方體

游氣紛擾,合而成質者,生人物之萬殊;

方,無體者,無體而 繁傳》云:「神無方而易無體。」無方者,無方而 非 其體,屈伸不異明矣。 非

其

「一陰一陽」

以屈伸而息亦明矣。 而陰陽並建以爲《易》之緼,亦一陰 有辨也。 《繋傳》云:「一陰一陽之謂道。」一一者,參伍相雜合 卦或五陽一 陰,或五陰 陽,乃至純乾純 陽也,則陰陽之不 坤,

陰陽不測」,

之説,亦非「死此生彼,各有分段」,如浮屠之言明矣。 初無定體,非「幽明異致,陰陽分界」,如邵子「四方八段 繋傳》云:「陰陽不測之謂神。」不測者,乘時因 變,

皆所謂「通乎晝夜之道」也。

陽不測,合同於絪縕 晝 人以覩其明,定其歲,而謂之爲方體,實則無方無體,陰 施不得施之别爾。 夜分兩端, 晝夜者,非天之有異,乃日月出没,而人之離明有得 而天之運行 日月寒暑之兩行,一陰 而任其變化,乃神易陰陽之固 生死分兩端,而 一陽之殊建, 神之恒存 然也。

- 一」,各本作「二」。
- 體異」至「之德」十四字注、各本無。

張子正蒙注卷

四四

天道春秋分而氣易,猶人一寤寐而魂交。 氣之屈伸往來,一也。

友也; 瓦交為 悸,萬勿柔 昔,●时火而言,魂交成夢,百感紛紜,對寤而言,一身之晝寤則魂交於明,寐則魂交於幽,神固未嘗亡也。

必

和而

解。

君子無不正之夢而與寤通理。
也。● 書爲生,夜爲死,氣通乎晝夜者,合寤寐而如一,故秋冬斂物之精,適得太虚絪緼之體,故如寤之返於真爲明,生物者客形爾,暫而不常,還原而忘其故,故如夢。爲明,生物者客形爾,暫而不常,還原而忘其故,故如夢。

舊與下通一章,今按文義分爲二章。清,皆隨氣遷流,神不存而成貞淫交感之勢也。清,皆隨氣遷流,神不存而成貞淫交感之勢也。夜於晝,而任魂交之紛紜,故有發無斂,流於濁而喪其晝寤,以春配夜夢。 而下章推物欲之所自出,唯不能通畫寤,以春配夜夢。 而下章推物欲之所自出,唯不能通

氣本之虚則湛一無形,●感而生則聚而

有象。

大生而 也。 虚湛異矣。 而成物我之萬象,雖即太和不容已之大用,而與 言太和絪縕爲太虚,以有體無形爲性,可 湛,澄澈 無所倚,道之本體也。 而静 E 也。 感而 二氣之動,交感而 生,游氣交感 而 以資廣 人資以 生, 本體之 凝滯 生 生

有象斯有對,對必反其爲;,有反斯有仇,仇

生殺,必相反而相爲仇,乃其究也,互以相成,無終相敵以氣化言之,陰陽各成其象,則相爲對,剛柔、寒温、

「順」,原作「寧」,據本篇前文改。

集》亦作「糅」。

● 「寤」,各本作「寐」,疑誤。

■ 「專指寐而魂交於幽而言」,各本作「專指寐而言」,。

「其」下,各本有「所」字。

● 「一」,原作「本」,中華本校記云:「「本」字據改。

變□性情,●其機一也。反而仇,然終不能不取物以自益也,和而解矣。 氣化之則與物爲對,而利於物者損於己,利於己者損於物,必相之理,而解散仍返於太虚。 以在人之性情言之,已成形

故愛惡之情同出於太虚,而卒歸於物欲,

矣夫! 氣所必有之幾也,而感於物乃發爲欲,情之所自 已,陰得陽,陽得陰,乃遂其化,愛不容已, 而生, 相反相仇則惡, 忽 而 成,不容有毫 和 而 解 則 愛。 陰陽 一髪之間,其 異 用, 太虚一實之 生也。 惡 不 神 容

存神以合湛,則愛惡亦無非天理矣。幾,物無不交,則情無不起,蓋亦不疾而速,不行而至也。愛惡之情無端而不暫息者,即太虚之氣一動一静之

造化所成,無一物相肖者,

以是知萬物雖多,其實一物,無無陰大同必有小異。

陽

者

狀 而 (`,全具 毁,既毁而復聚,一 相似 若使但依種性而成,則區 而 絪緼之體 必有異。 而特微爾 足 唯 知陰陽行乎萬物之中,乘時 陰陽之變合,故物無定情。 别 而各相肖; 唯 聚 愐 成,散 ,無定 以

以是知天地變化,二端而已。

子體之,仁義立而百王不同法,千聖不同功。 一氣之中,二端既肇,摩之盪之而變化無窮,是以君

萬物形色,神之糟粕,

存,其究糟粕亦有所歸,歸於神化。生而榮,如糟粕之含酒醴,死而槁,如酒醴盡而糟

「性與天道」云者,易而已矣。

性而合天。敔按"神無方,易即其方,易無體,神即其體 其形色,變易之妙,健順五常之用爲之,故聖人存神以 剛柔、仁義之體立,皆神之變易也。 陰陽摩盪,八卦興,六十四象成,各有時 神之有其理,在天爲道,凝於人爲性。 互 一相易 位 錯 易, 而萬 宗線 變易 而 物 陰 各成 陽 也

心所以萬殊者,感外物爲不一也,

覺殊,亦猶萬物爲陰陽之偶聚而不相肖也。見成乎萬殊者,物之相感,有同異,有攻取,時位異而知見成乎萬殊者,物之相感,有同異,有攻取,時位異而知心函絪縕之全體而特微爾,其虚靈本一。而情識意

■ 「□」,此字在底本邊角,糟朽脱落。各本脱「之變□

水子正蒙注卷一

理則爲聖,從其妄則爲 萬殊,操縱、取舍、愛惡、慈忍, 成形色,並育於其中,❶隨感而 形色之有善惡也 綑緼之中,陰陽具足, 狂,聖狂之分,在心幾變易之間 而變易以 出 唯此 無能 出 陰陽之翕闢 萬萬 越 此 物 不 端。 相 肖 ()順其 人心 丽 各

「天與人交勝」發明其感通。 萬物之妙者與!. 啟按"此節言天人合一之原,故下文以物之所以相感者,利用出入,莫知其鄉,一

之妙。 測之化焉。萬物之妙,神也, 乎物,物人而應乎己,用無不利,皆有不知其所以 神同,❷感之以神而神應矣。 和之一氣,是以聖狂異趣,靈蠢異情,而感之自通 此言聖人存神之妙,物無不相感應之理。 蓋繇萬物之生成,俱神爲之變易,而各含絪 其形色,糟 粕也 其 糟 然而 拍異 出 7,有不 温温太 而 而 然 加

氣與志,天與人,有交勝之理。

嗜惡 之謂。唯天生人,天爲功於人而人從天治也。 因 盡性以保合太和,而使二氣之得其理,人爲功於天而 己志治 攻取以交相競,則濁惡之氣日充塞於兩間 氣者,天化之撰,志者,人心之主,勝者 也。 不然,天生萬殊,質偏而性隱 而 因 人能 相 任 聚 爲 糟 粕之 存 散 有 相 神 功

仍,災眚凶頑之所繇彌長也。

六

儀,志壹之動氣也。 聖人在上而下民咨,氣壹之動志也;鳳皇

敔 屈伸之際,物無不感而 時位而不齊,聖人貞其大常,存神以御氣,則爲功於變化 聖人不能有所損益於太和,而二氣既分,吉凶 用成,而天爲之動矣。 天,不容不動也。地平天成,鳳皇來儀,則聖人勝天之功 聖人憂勤以相天之不足,氣專於偏戾,而聖人之志 全集》以此釋本文,失其旨矣 而異於異端之徇 按: 堯舜在上而下民有昏墊之咨,其 此言氣動志、志動氣、猶言天勝人、人勝天也。 有以私一己,滅有以忘天下之詖辭 人物之生, 天亦不能違之,此聖道之所自立 皆絪縕 時 氣偶不順 一氣之伸聚,雖 、善不善以 今《孟子大 於是 在勝 也

参 兩 篇

此篇備言天地日月五行之理數,理本於一而通極於

◎ 「神」下,各本有「用」字。
 物並育於其中,不相肖而各成形色」。

執據。 是,而以二曜 之言異,太祖高皇帝 萬變,以因象數 唯此爲可疑,善讀者存之以待論可 愚謂在天者即爲理,不可執理以限天。 南北發斂遲 而見理之一原。 『嘗譏其 疾例之, 非。 但所言日月疾 天象高遠,不能定 則陽疾陰遲之説 也 《正蒙》一 遲 與 未可 其 曆 孰 家

以參,一太極兩儀而象之,性也。地所以兩,分剛柔男女而效之,法也,天所

以 以 極之象,合而言之則一,擬而議之則三,象之固然也。 焉,兩者之分不可强而合矣。若其在天而未成乎形 效著以成形也。 陰陽分矣。 而偶,偶則分,奇則合。在天者渾淪一氣,凝結爲地,則 木、禽蟲以至於人,成乎形者皆地之效,而物之法則 為性。 者爲形爲法。 理言,有其象必有其理 有其象,絪縕渾合,太極之本體,中函陰陽自然必有之 '則於太極之中'不昧陰陽之象'而陰陽未判'固即 ,兩儀合而爲太極,而分陰分陽, 天一地二,陽之爻函三爲一而奇,陰之爻得三之二 象者未聚 植物有剛柔之殊,動物有男女之别。 法者,物形之定則。凡山川、金石、艸 而 清 一,惟其具太和之誠,故太極 形者已聚而濁, 生萬物之形,皆秉此 清 者爲性爲神 效者 有 性 太 兩 立

此章引伸《周易》參天兩地之說,而推其所以然之

理。 進退、舒卷各有定經,體無形有象之性 虚 大之神,故存心養性 面 君子因 有形之耳目 ,保合太和,則參兩相倚 官骸,即 物 耐 ,以達天而 盡 其 當 然之則, 存其清 起

物兩體,氣也。

化

而道在其中矣

絪縕太和,合於一氣,而陰陽之體具於中矣。

一故神,張子自注: ●兩在故不測

於陰而在,於陽而 體膚髮之中,皆觸之而靈,不能 神者,不可 測 在。 也。 不滯 其於人也,含於虚 則 虚 測 其 善 (所在。 變 列 而 靈, 行於耳 太和之氣,

兩故化,張子自注"推行於一。

類。 體。 陽中有陰,原本於太極之一,非 酢 萬變之理, 其在 故獨陰不成,孤陽 自太和一氣而推之,陰陽之化自此而分,陰中有 於人,剛柔相濟, 而皆協於 不生,既 義 利 相 生既 陰陽 裁 成 判 道器 離 而 相 各自孳 陰陽又 需 以 成 各 生 其

● 「張子自注」,底本僅「自注」二字,外有黑框。劉氏鈔

此天之所以參也。

盡 化,化不離乎神,則天 一合三於一,陰爻偶,一分一得二, 有陽也,分則與太極不離而離矣。 自其神而言之則 一,自其 而已,而可謂之參。 化 m 陽爻具陰,陰爻不能 言之則 网。 故陽爻奇 神 中 有

地純陰凝聚於中,天浮陽運旋於外,此天

地之常體也。

者也。

者也。

本言天者,天之體也。聚而成形者謂之陰,動而有

以言天者,天之體也。聚而成形者謂之陰,動而有

恒星,三垣二十八宿之經星。此言不動,謂其左旋

者天體也。然以北斗回指言之,抑未可通。

屬天,以七政屬地,乃張子之創説。 并包乎地,言居地之外,與地爲體而同轉。以日月五星逆天而行,并包乎地者也。

地在氣中,雖順天左旋,其所繫辰象隨之,

稍遲則反移徙而右爾;●

所繫辰象,謂日月五星也。七政隨天左旋,以遲而

而順天以旋,則地之不旋,明白易見,竊所未安。見爲右轉。張子盡破曆家之説,未問孰是,而謂地亦動

八

間有緩速不齊者,七政之性殊也。

行,又妄得自行其性? 此亦未安。之,土星最遲。此隨天左旋之説反是。七政既隨地而之,土星最遲。此隨天左旋之説反是。七政既隨地而如曆家之説,月最速,金、水、日次之,火次之,木次

月陰精,反乎陽者也,故其右行最速,

右行最速,左行最緩也。

不純繫乎天,如恒星不動。 日爲陽精,然其質本陰,故其右行雖緩,亦

乎天者,謂并包乎地也。 以外景内暗離卦之象推之,故曰其質本陰。

金、水附日前後進退而行者,其理精深,存

乎物感可知矣。

未詳。

鎮星地類,然根本五行,雖其行最緩,亦不

純繫乎地也。

經星

段,船山注則無「如曆家之説」至「此亦未安」五十字。●「右爾」下,各本《正蒙》本文接下「間有」至「殊也」爲

不純

繫

其健行矣。 不純繁乎地,二十八歲而其行始不及天一周,幾與天同 ,以不及天而行,如左旋之説,則其行於七政爲最 根本五行者,●木、火、水、金皆依 土而生者也。 行 速。 最

緩

微,●故其遲倍日 火者亦陰質,爲陽萃焉, 然其 氣比 日 而

陽萃者,陽聚於外而含陰也。 其遲差日一倍,二歲

惟 而一周天。 :木乃歲一盛衰,故歲歷一 辰。 辰者, 日

月

交之次,有歲之象也。

説與曆 辰,十有二次也,日月交者,一月則易一 家異。 曆家以象起數,此 以理 論數,此其所以 次而交之。

凡圜 爾,不考日月出没、恒星昏曉之變。 自外也。古今謂 轉之物,動必 天左旋,此 有機,既謂之機,則動 直至 粗之論 非

愚 謂在天而運者,唯七 此直謂天體不動 ,地自内園轉而見其差,於理未安。 曜 而 己。

所謂繁乎地而不繫乎天也。 繫乎地 故與 地 偕

> 動 ,遲緩但因其性爾。

中。 恒 星所以爲晝夜者, 故 使 恒 星 河 |漢 因 直 北 以 地 爲 氣乘機 南 日 月 左 因 旋 於

「左」,當作「右」。 謂 地氣圓 ■轉, 與 唇 家 四 游 之説

隱

見。

亦異。

中,虚空即氣,氣則動者也。 太虚無體,則無以驗其遷動於外 太虚,至清之郛郭 固 無體 此義未安。 而 不動 而 块然太 虚之

天左旋,處其中者順之,少遲則反右矣。

未詳 以行遲而不及天,人見其退,遂謂右 敦是 處其中者,謂日月五星。 而與前地旋而見天之左,抑不相 其説謂七曜亦隨天左旋。 轉。 與曆家之説異 通

- 0 謂根本五行者」。 根本」上,劉氏鈔本有「也」字,疑緣上「也」字而行。 作「也根本五行者」。 其他各本則有「謂」字,句作
- 9 明萬曆陝西鳳翔府官刻本之清初翻刻本《正蒙》校正。 ·其」,劉氏鈔本以下各本均誤作「而」,至中華本始據

6 圓」,各本作「圓」。

九

此 異。 虚 歲寒暑之候 天地之間 空曠 也 盈 謂 天 地 相 近 丽 充

近之説 謂 地高近日則暑,地下遠日 則寒,不 用 南 北 陸 遠

至於一晝夜之盈 虚 一升降,則 以 海 水 潮 沙 驗

之爲信;

降矣。 行根本,而水必比地以安,則未可以水之盈虚驗地之升 之升降,皆自此測之。 歲之大升降,又有一晝夜之小升降也。 以潮驗地之升降,謂地升則潮落,地 乃水亦地中之一物,故謂 降則潮生, (調寒 土 暑因 爲 地 四 地

相 然其間有小大之差, 感。 則繫日 月 朔望 一, 其

象以質實測之。 北異候驗之之爲實也。 則非地之升降矣。 此説又與 上異。 不及專家之學,以 水之盈虚 敔按:質測之説出近 一與月相 渾 感, 天質測及潮汐南 Ħ 使 ,曆家謂據法 誠 因 平 此 地 地,物也,天,神 斯有天,若其配然爾。 也; 物 無 踰 神之理, 顧 有

者爾。 亂 以齊於父,徇形重養而 以配天爾。 之生也資地以生,有形乃以載神; 物,成地者天,而天淪浹於地之中,本不可以 無迹而不可測,萬物之神所資也。 天無體,太和絪縕之氣,爲萬物所資始,屈 張子之論韙矣。 謂 知此,則抗方澤之祀於圜丘,伸母斬 越此 而 别 不恤 有也。 義,後世 地不 則就人言之,地之德可 聚 能 一所以 而 越天之神 爲物 淪 乎 相 幽 配。 地 伸變 最之服 其 而 而 白爲 成 但人 最 化

物 地 有升 降, 一氣升降其間 日 有 脩 短。 相從而 地 雖 不已也 凝 聚 不 散之

隨氣而升降,未審然否。 《月令》言「天氣下降,地氣上升」,謂氣也, 此 則 言形

陽 進而 日上,地日降而 上者,盈 也 下者, 虚也; 陽 日 降 地

日

後 冬至以後,地日漸下,去日 漸高,去日 漸 近 而 晝 短; 漸遠 與 日 行 IIII 南 晝長; 北二 一陸之説 夏 至以

日 質本陰,月質本陽,

也 ,水内明而外暗,坎中陽 日,火之精也,火内暗而外明, 也 H 月不可 離中陰也 知,以水火、坎 月,水之精

 \overline{c}

從爾。

離測之。

故於朔望之際,精魄反交,則光爲之

蝕矣。●

與曆家之説異,曆説爲允。謂日精月魄交射,而易其外見之陰陽,故光爲之奪。

虧盈法:

謂月晦朔弦望虧盈之理。

如半璧然:此虧盈之驗也。於外,人視其終初如鈎之曲,及其中天也於於人爲近,日遠在外,故月受日光常在

此説未詳。虧盈之故,曉然易知,沈存中之説備矣。

相望中弦則光爲之食,精之不可以二也。月所位者陰,◎故受日之光,不受日之精,

矣。日月食自以曆家之説爲允,但闇虚之説,疑不可天者理所自出,在天者即爲理,執理以測之,必有所窒不受,坎外之陰不爲陽易也。此以理推度,非其實也。位,謂定位而成質也。不受日之精,精相食則光亦

日月雖以形相物,

因其形而各謂之一物。

考其道則有施受健順之差焉

陰,道取諸此。 日施光而月受之,施者健,受者順也,所以謂日陽

而

月陰,道取諸此。

星月金水受光於火日,陰受而陽

施也。

於日火,以鏡及止水驗之,亦物理之一端而已。見驗之,與月之在畫而暗者異,則説亦難通。金水受光見驗之,與月之在畫而暗者異,則説亦難通。金水受光謂星亦受日光,近天文家亦有云然者。然以太白晝

陰陽之精互藏其宅,則各得其所安,

孤陽,陰非寡陰,相函而成質,乃不失其和而久安。之氣,陰陽渾合,互相容保其精,得太和之純粹,故陽非互藏其宅者,陽人陰中,陰麗陽中,坎、離其象也。太和爲氣母者也。苟非此,則天地之間,一皆游氣而無實矣。爲氣母者

- ●「蝕」,中華本據明萬曆陝西鳳翔府官刻本之清初翻
- 「陰」,各本作「陽」,中華本《張載集》亦作「陽」,疑誤。

故日月之形,萬古不變。

太和通理。天不變,故日月亦不變。 互藏之精相得不舍,則其相生也 不窮,固與太虚之

相求, 若陰陽之氣,則循環迭至,聚散 絪 緼 相 揉,蓋 相 兼 相 制 相盪 欲 一,升降 之而

雷、 性 迭至,時有衰王,更相爲主也。 物雖不得太和之妙,而必兼有陰陽以相宰制 以互人,而主輔多寡之不齊,揉離無定也。 求陽,陽必求陰,以成生化也。 散者之弱,散則游而盪其聚者之滯也。 情區分,不能一也,不能一,則不能 雨雪、飛潛、動 此則就分陰分陽各成其氣以 植、靈蠢、善惡皆其所必 絪緼相揉,氣本虚清,❶可 聚散相 主 一群動 久 盪,聚則成 升降相求,陰必 者言 一氣所生,風 有,故萬象萬 形狀詭異 也。 而盪 循 其 環

此 不 其所以 性命之理,謂之何哉? 屈 伸無方,運行不息,莫或使之,

爲 也。 故 性各别矣。 理 也。 屈 ,變化數遷,無 動 運行不息,則雖不復其故,而伸者屈 伸無方者,生死之所以不恒, 於太虚之中,因氣之純 故自風雷水火以至犬牛蛇虎,各成其 成之法則也。 雜, 以此論之,太和未分 圃 而聚散 理之昏明、强 不 屈 能 大性而自 者必 仍復其 伸

> 者,人也。 不息,能無喪焉,斯聖矣。 之前,初得其 人之所以繼天立 精 者,日 月 也, 極 陰陽 與 成 日月之貞 質 议 後 明 丽 同 能 其 全 其 而 精

日 月得天」, 得 自 然 之 理 也, 非 蒼 蒼 之

形也。

凝而爲精,此日月之所自而能 言之。自然者,有自而 此上二節,皆因《易》「日月得天而能 然也。 久照者,與 陰陽合而各有良能

久照」之義而

氣 推

於無聲無臭之中同其理

故
ひ
む

得

太虚保合太

閨 餘 生於朔,不 盡 周 天之氣

得三百 三百六十五日有奇而 五 十四四 日 有 奇。 不盡 天氣一周,一 者, 氣盈 朔 歲之朔十二,止 虚 也。 置閏者

者爾。 而 世傳交食 法, 與 閨 異 術, 蓋有不 知 脯

作

所以合月於日。

中一下,各本有「者」字。],各本作「數」,疑誤。

諸曆有經朔無定朔,皆不知而作也。此法今曆爲密。之積不差,如穀梁子晦食食既朔之説,及《四分》、《三統》合朔之法,以日月爲朔望之準,用推閏餘,乃使分秒

陽之德主於遂,陰之德主於閉。

地、水火、四時、百物、仁義、禮樂,無不然者。陽之爲而用夫陰,收藏成形,❶皆陰之爲而保其陽。天於物也。遂,發生成物,閉,收藏自成。凡發生暢遂,皆於物也。遂,發生成物,閉,收藏自成。凡發生暢遂,皆

其勢均散。 陰性凝聚,陽性發散,陰聚之,陽必散之,

2

陰亦與之均散而返於太虚。散,陰之性聚,陰抱陽而聚,陽不能安於聚必散,其散也散,陰之性聚,陰抱陽而聚,陽不能安於聚必散,其散也天地之化,人物之生,皆具陰陽二氣。其中陽之性

陽爲陰累,則相持爲雨而降,陰爲陽得,則

飄

揚爲雲而升。

雨降 以 陰累矣。 相 得 ,陽乃通矣。 雨雲皆陰也,陰氣迫 然陽不久困,持於上而使陰不升 則 陽因其緩而受之。 陰氣緩 聚 聚於空 而欲 以其從容漸散 升,與陽不 虚 而 陽不得下交,陽 · 相 ,陰勢終抑 亢,而 而 升,②雲 īfii 爲

> 之所以聚 有陰陽,非判然二物,終不相雜之謂 爲陽,雖含陰氣亦陽也, 含陽氣亦陰也。 而終散 也。 凡陰陽之名義不 此言陰陽者二 其聚於地中與 陰 ,地爲體者爲陰, 綑 緼 亦 有 輕 陰陽 清 不聚

故雲物班布太虚者,陰爲風驅,斂聚而未

散者也。

之太驟,則陰弗能即與相得,而相保以聚,有爲雨之勢,陰氣上升,初尚輕微,無形無象,陽氣欲散之,而驅

是。 「藏」,各本作「斂」。按上云「收藏自成」,則此作「藏」

0

本 失亦恰爲二十字也。 無此二十字,或者劉□□鈔寫時於此跳脱一 字,故其格式似即蕉畦副本之格式。 月二十八日蕉畦副本,丁亥重九後 每行二十字。 本文頂格,船山注文則以同大字體另行低一格書寫, 氏鈔本格式不同,乃半葉十行,行二十一字、正蒙 文均以小字雙行夾注形式緊接《正蒙》本文之後。 聚者爲陽」以爲句。 而升」至「細緼」二十字,各本均 劉氏鈔本源流關係之 又按劉氏鈔本封面破爛處有「壬申 按底本半葉九行,行十七字,注 此 亦爲船山手鈔 證 無,而逕接「輕 一日劉□□小 或者蕉畦本已 本 行,故所 不

之雲也。 飄揚 故曰 [斂聚 而升者 然多不雨 ,倏起旋滅之雲; 彌 久而後交於陽,故 此言班布 太虚 日 [未散。 彌 亘 不 前 散 言

凡 陰氣凝聚

地氣得之相挾以聚,因 衝, 有礙而難散,❶則氣聚於其間,輪屯紛遲,天氣舒緩以人, 氣爲尤厚。 陰陽有定性而無定質也,故獨言陰而不言陽。 凝聚於地上也。 天氣渾淪,人有人無,一 地天之際,人物 互相凝結 ,即陽氣亦以 之區,陰 也,而 聚 陽 人有者以 而 往 來之 成

陽 在内者不得出 ,則奮擊 而 爲 雷霆;

陽於内,雷從地出之象。 内,地中也。陰氣在外錮之,迫而怒發。 震,二陰錮

陽在外者不得入,則周 外,地上空界也。 空而無礙,可恣其游衍周 旋 不舍而 爲 風 旋。不

其聚有遠近、虚實,故雷風有小大、暴緩。 舍,八風相報也。巽,二陽在一陰之上,風行地上之象。

合也。

風大而緩,近則風小而暴, 而 、陰聚也。 陰之所聚,陽所不得而出入也。 虚則 雷易出 m 小, 實則 雷難 遠 出 則

和 而 散 則 爲 霜 雪 雨 露

雨雪則陰降人地中而任陽之出人,和 而散其 不聚矣

> 霜 露又其微而緩者。

不 和 而 散 則爲戾 氣 曀 霾

陽急欲散而

陰之凝結益固,然其勢必不能久聚,激

爲戾氣曀霾而後散焉。 戾氣,雹類

陰常散緩,受交於陽,則風 雨 調 寒暑

候, 而不怙結以成戾,風 陰之必聚,其性然也。 雨時 聚之緩 ,則寒暑有節 而不惜散,則 而正

風 正

雨

應

此章言雷風雲雨之化,精極理勢,於篇中尤醇矣。

天象者,陽中之陰; 風霆者,陰中之陽。

道,曰陰與 實者陰也,而 輕清上浮者陽也,而有象有形,聚者爲陰, (陽) 形 立地之道 無固 形, 日 究 歸於散 柔與剛 爲 非 陽。 判 然兩分而 故 日 出 「立天之 地而 不相 有

雷 霆 感 動 雖 速,然其 所由 來 亦 漸 爾

能 窮 陽風積習於地中,盈而後奮。 神 化所從來,德之盛者與!

0 散」,原脱,各本有此字,今據補。

其所從來者盛也。舜之道,一介無非道義,故一出而伐夏救民,莫之能禦,舜之道,一介無非道義,故一出而伐夏救民,莫之能禦,確盛於中,故神化疾速,於雷霆可驗。如伊尹樂堯、

受。受者隨材各得, 火日外光, 能直而施, 金水内光, 能闢而

大小、昏明各如其量而止。

施者所應無窮,

神與形,天與地之道與!

容光必照,遠而不御。

乎此,則窮神合天之學得其要矣。 無疆,耳目從心,則大而能化,施者爲主,受者爲役。明燭焉,天以神施,地以形應,道如是也。地順乎天,則行燭焉,天以神施,地以形應,道如是也。地順乎天,則行神則內周貫於五官,外泛應於萬物,不可見聞之理無不神則內周貫於五官,外泛應於萬物,不可見聞之理無不

心也。
此上二章,因天化以推心德之主宰,尤學者所宜盡

金曰從革」,一從革而不能自反也。

二德,此云不能自反,於義未安。從者,不易其質,革者,其形可變。能從能革,具斯

不得而制焉。水火,氣也,故炎上潤下,與陰陽升降,

土

降各爲二德,❷此獨就上下釋之。得制者,不受命於土也。炎以散寒,潤以解燥,與上升下於形中異矣。與陰陽升降者,以陰陽升降爲體也。土不於形中異矣。與陰陽升降者,以陰陽升降爲體也。土不

木金者,土之華實也,

本者,土之敷榮,金,土之結而堅者爾。 其性有水火之雜。故木之爲物,水漬則 其性有水火之雜。故木之爲物,水漬則 其性有水火之雜。故木之爲物,水漬則 其性有水火之雜。故木之爲物,水漬則

漬而生,然而不離,惟其中有水火之性也。水火之

- ▶ 「即」,中華本《張載集》作「既」。
- 「降」,各本作「燥」,似緣上「燥」字而誤

水。 所資生,雖不能制 同 交,謂水火之氣與 相 動之機,火既去仍無所耗,若水則終不損金也。 待,謂金有津潤還可生水 而化, 接而成之謂。 相害,謂水火不能毁金,火雖爍金而 木受水火之氣,故浮,金乃水火之精所結 以發生浮華,以此 水濡之,火燥之,土堅實而 陰陽升降 ,自包函之。 燧 知 鏡還 土中具有燥濡之性 融徹 燥者,土函火,濡者,土函 可生火,交相待以 土中 金反 故土感其 成 流。 金。 ,故實。 際者 流者,生 ,爲水火 生 相

體

土者,物之所以成始而成終也

始生於土、終歸於土、神有往來、土受之而 成 形

地之質也,

地一土而已,木金皆其所生,水火依之而成

化之終也。

火之所以升降 二氣變化,至形成而 止

水

故無依空之水,火離土依空則息 火依地而升,水依地 而降 下徹 黄 壚 炎潤之性

兼體而不遺者也

厚生之資, ·皆兼 體而不遺 、火、木、金皆與土爲體,則 故於土但 矣。 《洪範 目 稼穑。 》之言 若 五 萬彙之生, 自天化而 行 以人 言 事 有 :形有 言 土 利 即 用 地

> 爲,而 斯盡人道之所必察也。 地以 之撰也。 也, 冰 非之因感而隨應者。 誠,仁、義、禮 之際氣應所感,非 之所不至,且無有所謂 七曜以上之天,極於無窮之高,入於無窮之深,不特五 星之象,在地乃有五行之形。五氣布者,就地而 地以氣成形,形成而後五行各著其體用。 火生土、木克土者,其陋明矣。 金。張子此論,究極物理,與周子脗合。 水火而生,而水火依土, 水、火、木、金 極,而太極自不雜,在天之極也, 0四四 第 成形 豁然貫通之後,以至誠合天德 圖 陰凝 行所不得伉 第二圖陰陽分左右,而中 而得天以爲性,性麗於形而仁、義、禮、智著焉 ,陰陽二氣,天之藴也 而别無太極,明土爲在地之極也。 土不待 智初無分用,又豈 愐 陽 天體之固 也。 未 然下學上達,必循其有迹以盡所 四時者。 勝 若聖人存神以合天,則渾 木金,土之華實,非土外之有 周子《太極 也 回然矣。 蓋嘗論之,天以神御 然則四時之行,亦地 有 第三 第三圖,五 !惻隱、 人生於天地之際,資 有太極, 固 》第 圖位土於中,周 未可 羞惡 而術家之言 故在天唯 圖 陰陽分體 大太 行順 、恭敬、是 極之本 言。 布,地 然 有 若 謂 得 天 Ŧī. 木 行 太

土」,各 1本脱

伉」,各本作「抗」。

比而不離,一陽在陷,●不能勝陰,終與地爲體而成乎陰。比而不離,一陽在陷,●不能勝陰,終與地爲體而成乎陰,

火者,陽麗而陰未盡也。

光者,其氣陽也。火之炎,人之蒸,有影無形,能散而不能受火之炎,人之蒸,有影無形,能散而不能受陰暗,終不盡失其性,則固繫乎地而不屬乎天。

外浮之氣,悉此理也。 得此旨矣。君子之自居德務保其精,而知人之明不取其之蒸爲炅熱而不知其中之寒。《素問》曰「陽虚故外熱」,之蒸爲炅熱而不知其中之寒。《素問》曰「陽虚故外熱」,氣發於外,故人知日火之炎明而不知其中之暗,知煖氣蒸,謂身之煖氣。陽散陰聚,陽施陰受,精含於内,

城、離其象也,皆以陽爲主,君子詞也。 陽陷於陰爲水,附於陰爲火。

● 「陷」下,各本有「而」字。

一.

張子正蒙注卷一

天 道 篇

求企及之道也 以學聖,非異端 聖,聖希天。」希聖者,亦希其希天者也。 遠,而原生之所自,則非此抑無以爲人。 之學,惟求合於所自來之天而無所損益。 前二篇具明天道,此篇因天道以推聖德, 則 八曲學 而 릲 學者不可 以 周子曰: 大本不立 爲若登 其 言 而 雖 見 天 而 賢 岩 聖 丽 别 欲 希 高 人

天道 生,大德之敦化也,聖人之動,至教之人神也。 動 四 非至德。 時行,百物 夫何言哉 生,無非 至教; 敌按: 參互言之。 74 聖 [時行,百 人之 物

也。 其德,然而學者之所學在此也。 聖言德者,聖人動無非善,非爲立教 天言教者,天之曲成萬物,各正性命,非以自成其德 聖 者 ,極乎善之謂 而設,祇以自 夫 成

> 天體物不遺,●猶仁體 事 無 不 在 也。

有秘密,求之於言語

道斷間

也。

夫何言哉,舊本「夫」作

至,非

聖人之

「天」,今正之。

何言哉,知天知聖者於此學之,自不待言而

心, 故無事不體之以爲心理之安。 之以爲性命。 天以太虚爲體,而太和之絪縕充滿焉,故無物不 也。 敔按: 仁之全體即天,於心見天,故曰天之心,天人 仁以無欲爲體,而視聽言動之節文生焉 天者仁之全體,仁者天之 體

者,復吾心之動而求安,以與事物相 禮儀三百,威儀三千」,無 心所不容已而禮不容已矣,故復禮 順 物 者 也。 斯 而 爲仁矣。 非仁也 敔按:復吾

心之動而求安,所謂「復其見天地之心」也。

昊天日

明,及爾出王, 昊天曰

旦,及爾

游

衍。」無一物之不體 也。 敵按: 禮者,天理之節文也

日明,日 旦,節文於斯顯矣。

無 事之不有體,則 無 物之可 與天建

0 天體物不遺」至 兹據劉氏鈔本補足。 「默而成之。存乎德行」各段、原缺

學,以禮爲鵠,此章其樞要也。者之實務,非憑虚以言存養而與異端相似之比。張子之赤心流出,允矣。而顯仁於體,俾學者有所持循,尤求仁此章合天與仁而言,其全體切近人心,朱子謂其從

上天之載,有感必通;

流動,有可受斯應之。 百物之生,情動氣興,天命即授以成其形性,蓋渾淪

聖人之爲,得爲而爲之應。啟按:得爲而爲之,是

渾然一仁,道無不足,時可爲則如其理而爲之。

以以時制禮

服,誠於此,通於彼,神之道與!天不言而四時行,聖人神道設教而天下

天以化爲德 誠盡於己,與天之行四時者順 觀之象曰「神道設教」,非假鬼神以誣民也,不言而 聖 人以 爲 化化 理 惟 而自然感動,天下服矣。 太 和 在 中, 充實 誠 篤

天不言而信,

而已。

四時不忒,萬物各肖其類之謂信。

敔按:

運於無形,兼天道人道而言

神不怒而威。

聖人神道設教而天下服。

誠,故信;

誠也。無妄,信也。 寒暑化育無不給足,而何有於爽忒。敔按:氣無妄動,理之寒暑化育無不給足,而何有於爽忒。敔按:氣無妄動,难之動,故

無私,故威。

理而隨應之,故天下自服。聖人得理之全,無所偏則無所用其私,刑賞皆如

其

六氣,用陰陽,非人之所能測矣,此神之大用也。而無所缺陷,何私之有? 天之誠,聖人之無私,一也,御天下。聖人喜怒恩威,至虚而靈,備萬物生殺之理,至足人惟託於義理之迹而無實,則據所託以爲己私而思以詘此章申明上章誠此通彼之理而著其所以然之實,蓋

测,天之神也,神而有常,人之天也。 天之不測謂神,神而有常謂天。 敏按:天之不

運於無形之謂道,形而下者不足以言之。幻無恒也,天自不可以情識計度,據之爲常,誠而已矣。天自有其至常,人以私意度之則不可測。神,非變

二九

有形之器而已"故言教有窮,而至德之感通,萬物皆受其以然者不可以言顯,能然者言所不能盡。 言者,但言其此然之用。惟誠則體其所以然,惟無私則盡其能然,所能然之用。惟誠則體其所以然,惟無私則盡其能然,所

鼓萬物而不與聖人同憂,天道也。

爲憂,在天者無不誠,則無不可成其至教也。化之有災祥,物之有善惡靈蠢,聖人憂之而天不以

聖不可知也,無心之妙,非有心所及也。

不能知之。 不能知之。 要人雖與民同其憂患,而不役心於治教政刑以求勝 是人雖是而誠,身正而天下平,故不親不治不答,皆以 之,唯反身而誠,身正而天下平,故不親不治不答,皆以 是人,唯反身而誠,身正而天下平,故不親不治不答,皆以

「不見而章」,已誠而明也:

面,暗中自知其處,不假聞見之知。 「見」,如字。誠有其理,則自知之,如耳目口鼻之在

「不動而變」,神而化也;

有言有教皆動也。神者以誠有之太和感動萬物,而

因材各得,物自變矣。

無爲而成」,爲物不貳也。

妙哉!
於事愈繁,於道愈缺,終身役役而不能成,惡足以知其然事愈繁,於道愈缺,終身役役而不能成,惡足以知其無不成矣。有爲者以己聞見之知,倚於名法,設立政教,無不成矣。有爲者以己聞見之知,倚於名法,改立政教,

已誠而明,故能「不見而章,不動而變,無

爲而成」。

於已也。此至誠存神之實也。 鼓動萬物之理也。不貳,非固執其聞見之知,終始盡誠 敢上章而括之以誠。神,非變幻不測之謂,實得其

無疆之道與!「富有」,廣大不禦之盛與!「日新」,悠久

勿侈博以爲廣大,勿逐物以爲日新。終始不間,則極乎悠久無疆矣。釋《易・繫傳》而示學者化,則廣大不禦矣。日新,非數變其道之謂,體神之誠,富有,非積聞見之知也,通天地萬物之理而用其神

於耳目心思。 天之知物,不以耳目心思,然知之之理,過

天德也。

心思倚耳目以知者,人爲之私也,心思寓於神化者,

帝天之命,主於民心而已焉。天視聽以民,明威以民,故《詩》、《書》所謂

避其怨而逢其欲,已私不可徇,民之私亦不可徇也。利害以與天相忤,理所不在,君子勿恤。故流放竄殛,不應之。若民私心之恩怨,則祁寒暑雨之怨咨,徇耳目之天之神也。故民心之大同者,理在是,天即在是,而吉凶天無特立之體,即其神化以爲體,民之視聽明威,皆

之化可裁,存晝夜之變,則百刻之化可裁。「化而裁之存乎變。」存四時之變,則周歲

「推而行之存乎通。」推四時而行,則能存而不驚,裁因時而不逆,天道且惟其所裁,而況人事乎,而皆豫知其情狀而裁之。存四時之温凉生殺,則節宣之而皆豫知其情狀而裁之。存四時之温凉生殺,則節宣之不變,存,謂識其理於心而不忘也。變者,陰陽順逆事物

當其變必存其通,當其通必存其變,推行之大用,合於 惟豫有以知其相通之理而存之,故行於此而不礙於彼, 故或仕或止 可通於彼而不滯於一隅之識,則夏之葛可通於冬之裘, 心之所存,此之謂神。 畫之作可通於夜之息,要歸於得其和平,而變皆常矣。 會通於一也。 通者,化雖變而吉凶相倚,喜怒相因 或語 推其情之所必至,勢之所必 或嘿,或刑或賞,皆協 ,得失相 而 反,行於此者 不相悖害。 互, 口

神而明之,存乎其人。」不知上天之載,當

存文王。

「默而成之,存乎德行。」學者常存德性,則則天載之神,化育亭毒於聲臭之外者,無不明矣。 文王之德,「不顯亦臨,不聞亦式」,能常存此於心,

而德皆實矣。足者也。常存之於心,而静不忘,動不迷,不倚見聞言論是者也。常存之於心,而静不忘,動不迷,不倚見聞言論德性者,非耳目口體之性,乃仁義禮智之根心而具

自然默成而信矣。

≡

其微,於衆人得其顯,無往而不可用其體驗也。❶性,而物性莫非天載也。天之神理,無乎不察,於聖人得密之神,抑必存衆人昭著之神。天載者,所以推行於物密人之聰明明威,皆天之所降神也。故既存聖人藏

谷之神也有限,故不能通天下之聲,

之,以待物而應,則天下之理不得者多矣,猶谷之應聲不老氏以谷神爲衆妙之門,然就其心量之所及而空

聖人之神惟天,故能周萬物而知。

組一實者相離,而天下之不能通必矣。 或應,惟其虛擬聖人之天載而遺乎物性,則與太虚之絪氏以虚爲神,暫止其躁動窒塞之情,亦能以機應物而物氏以虚爲神,暫止其躁動窒塞之情,亦能以機應物而物者,惟其萬物之理皆得而知四達也。蓋神運於虚,而老者,惟其萬物之理皆得而知四達也。蓋神運於虚,而老者,惟其萬物之理皆得而知四達也。蓋神運於虚,而老

聖人有感無隱,正猶天道之神。

中,感之者各得所欲而無不給,與天之絪縕不息,物感之仁義、禮樂、刑賞、進退之理無倚,而皆備於虛静之

而各成,❸其肆應不勞,人所不能測也

形而上者,得意斯得名,得名斯得象,

不得名,非得象者也。

爲誠也。
爲誠也。
以言其實有爾,非有一象可名之得已而謂之曰誠。誠,以言其實有爾,非有一象可名之所從生,不能以一德名之。而成乎德者亦不著其象,不所從生,不能以一德名之。而成乎德者亦不著其象,不

故語道至於不能象,則名言亡矣。

存之於心者得之爾。

世人知道之自然,未始識自然之爲體爾。

- 1 「可」,各本無此字。
- 了及」,各本無此字。
- 句、「同」字屬下句。 「成」下,各本有「者同」二字。 中華本以「者」字屬上

孩提愛親、長而敬兄,天高 地 下,迪吉逆凶,皆人以

爲自然者也。 自然者, , 絪縕之體, 健順之誠, 爲其然之所

,識之者鮮矣。

有天德,然後天地之道可一 言而盡

存神以存誠,知天地之道唯此爾,故可以一言而

盡。

也。 天地無常數 者,盡於己而示物也。 正明不爲日月所眩,正觀不爲天地所遷。 自誠而明,非目之倚,日月爲明,還爲所眩 「正」、《易》作「貞」,宋避廟諱作「正」。 ,而至誠有常理,不爲所變也。 天地,以氣化之變言。 貞者,正而 治亂吉凶 也。 觀 恒

神 化 篇

宜守,●蓋與孟子相發明焉 窮而下學有實。 此篇備言神化,而歸其存神敦化之本於義,上達無 張子之學所以異於異端而爲學者之所

神,天德,

張子正蒙注卷二

絪縕不息,爲敦化之本。

化,天道;

四時百物各正其秩敘,爲古今不易之道

德其體,道其用,

體者所以用,用者即用其體。

於氣而已。 敢按: 此言德者健順之體,道者陰陽之用

健順陰陽,一太和之氣也。

萬變者,化也。 屈伸、條理必信者、神也。 氣,其所有之實也。 故神,氣之神,化,氣之化也。 其絪縕而含健順之性,以 神之所爲聚而成象成形以 升 生 降

神無方,易無體,

《易》六位錯綜,因時成象,凡體皆體,無一定之體。 神行氣而無不可成之化,凡方皆方,無一隅之方。

大且一而已爾。

得。 禮樂、清和、安勉,道皆隨 有方有體,不足以合神而體易矣。 體斯道也,仁義中正 無所遺之謂大,無不貫之謂一,故易簡而天下之理 時 擴充無外, 而 得中,若夷之清,惠之和。 寬以居之, 仁以行之, 而進退、存亡、刑賞、

「異於」,各本作「别於」。

學以聚之,問以辨之,則所繇至於大且

也

虚明照鑒,神之明也;

無遠近幽深,利用出入,神之充塞無間也。

無不徹,用無不利,神之爲德莫有盛焉矣。 氣之所生,神皆至焉。 氣充塞而無間,神亦無間,明

天下之動,神鼓之也,

神者,所以感物之神而類應者也。 天以神御氣而時行物生,人以神感物而移風易俗。

辭不鼓舞,不足以盡神。❷

而漠然不應,不足以鼓舞,唯其神不存也。不興起焉。若襲取勦説,則仁義忠孝之言,人且迂視之不興起焉。若襲取勦説,則仁義忠孝之言,人且迂視之言。此之所出而氣無浮沮,則神著於辭,雖愚不肖不能言皆心之所出而氣無浮沮,則神著於辭,雖愚不肖不能

鬼神,往來屈伸之義,張子自注:神川者,歸之始,是

往者,來之終。

文 子 申,也 子 下, 人 子 邑 。 始終循環一氣也,往來者屈伸而已。

故天曰神,地曰示,人曰鬼。

夫鬼神之功效者也。利用,皆於是而昭著焉,故曰亓。亓居神鬼之間,以昭示利用,皆於是而昭著焉,故曰亓。亓居神鬼之間,以昭示屈反歸曰鬼,地順天生物,而人繇以歸者也,屈伸往來之天之氣伸於人物而行其化者曰神,人之生理盡而氣

形而上者,得辭斯得象矣。

神化、形而上者也、迹不顯、而繇辭以想其象、則得

其實。

不測者,有其象,無其形,非可以比類廣引而擬之。

神爲不測,故緩辭不足以盡神,

化爲難知,故急辭不足以體化。❸指其本體,曰誠,曰天,曰仁,一言而盡之矣。

● 「欲」,各本無此字。

《張載集》此句亦有「則」字。

● 「體」,各本作「盡」,疑誤。按中華本《張載集》此字亦

作「體」。

三四四

之廣。辭之緩急如其本然,所以盡神,然後能鼓舞天下,皆所必察,不可以要略言之,從容博引,乃可以體其功用化無定體,萬有不窮,難指其所在,故四時百物萬事

氣有陰陽,

使衆著於神化之象

此讀

《易

》窮理者所當知也

足云。

中 雖 屈 謂 以 動 (效動, ,同爲固有之實也 伸、聚散而 之陽,假陰陽之象以名之爾,非氣本無陰陽, 一静、屈伸、聚散分陰陽爲言者,又此陰陽二氣合而 無形之可執,而温 陰陽之實,情才各異,故其致用,功效亦殊。 ●則陽之静屈 始有也。 肅 而散,亦謂之陰,陰之動伸而 故直言氣有陰陽,以明太虚之中 生 一般、 清濁之體性俱有於一 因 若其 動 聚,亦 因時 静 以

推行有漸爲化、合一不測爲神。

其在人也,知義用利,則神化之事備矣。知,陰陽實有之性,名不能施,象不能别,則所謂神也。生,化也。其推行之本,則固合爲一氣,和而不相悖害。其發而爲陰陽,各以序爲主輔,而時行物生,不窮於其發而爲陰陽,各以序爲主輔,而時行物生,不窮於

之所 自發也 知者,洞 見 義 事物之所以 者, 因 事 制 然,未效於 宜 剛 柔有序,化之所自 ~迹而 不昧 其

> 事 也。 也 以 知 知 義 以 義 行 知 存於 心而 推 行 於物,神化

之

德盛者,窮神則知不足道,知化則義不

洋自恣,❸又奚可哉 然使非全體天地陰陽之德,則棄知外義以遯於空虚,洸 陰陽之全德,則可陰,可陽,可 精,大明終始,無事審察,隨時 而 不無凉雨,秋肅而不廢和風,不恃知知,❷不求合義矣。 知所以求窮乎神,義所以求善其化。 陽而 處中而不立矩 陰,可 陰而陽 知之盡,義 則。 ,如春 惟純 之 温 體

非時,則化之名何有,化之實何施!天之化也運諸氣,人之化也順夫時,非氣

爲 云天化, 利 也。 時者,喜怒、生殺、泰否、損益,皆陰陽之氣一闔 用,而物皆受化矣。 惟其有氣,乃運之而成化,理足於己,則隨時 以 非時則己之氣與物氣相忤,而 陰交陽,以 陽濟陰, 非氣則物自生自死,不資於天,何 以陰應陰 施亦窮。 ,以陽 應陽, 乃所以 應物以 一闢之

- 「尹」がよる「尹」の「又此陰陽二氣合」。
- 「恃」。各本作「待」。
- .「自恣」,原脱,依各本補。

性 用其氣而已。 心,自感通於天下。 之健順應固 有之陰 聖人化成天下, 陽 則 出 處 語 默、刑賞治教,道 而 樞機之要,❶唯 運 於

化之」,皆以其德合陰陽 不通也。 中 -庸》曰 | | 至誠 爲能化」、《孟 與 天 地 子》曰「大 同 流 而 無 而

以御氣,則 遺,存之不失,故因天地之時,與之同 惟其健順之德,凝五 用,化之所以咸通也。 至誠,實 誠 至而聖德 有天道之謂; 常 心成矣。 陰陽合爲 圃 無 大者,充實於内, 間, 合二氣之闔 德,不測之神也 流,有實體 [闢,備之無 化之本 則 有實 存神 也

所謂 知之; 氣 也 者, 非 待其 鬱 蒸 凝 聚, 接 於 目 愐

形 也。 者。 陽爲陰累則 養 生 家 用 鬱 此 蒸, 氣 陰爲陽 非 太和 道則 絪 緼 凝 有 聚,此氣之將 體 性、 無 成 成 形 平

之象爾 苟 健 順、 動 止 浩 然、 湛 然之得言, 皆 可 名

之神也 陰之體性也。 健而 ,皆可名之爲氣而著其象。 動 ,其發浩然,陽之體性也; 清虚之中自有此 分致之條理,此 蓋氣之未分而 順 而 止 其 1 、情湛 能變合 義禮 然 知

> 者即 然則象若非氣 神, ,自其 合 不測 指 而謂 何 爲 之神爾 象? 非 氣之外 有 神 也。

有此象也。 健順、動止 浩、 湛之象,爲乾、坤 六子 者皆 氣 也 氣

時 若非象,指 何 爲 時

陽、翕闢、 哉! 時 生殺之候 而起化者,必以 相 應以 健 起 順 用, 動 不 퍄 然, 浩、 又 湛 將 之幾 何 以 爲 與 應 平. 陰

時

道 化,此直 世 神化所同語也 人取釋氏銷 可爲 始 礙 學 哉 入空,學者舍惡 遣累者薄 乎云 趨 爾 善以 贵 爲

神起化之顯 稍懲其狂悖; 鬱蒸凝聚之濁氣以陷溺 性、六識坤順之性爲流 其 從幻起以成諸惡,爲 八所以 釋氏以真空爲如來藏, 死 妄 道 一欲 而仁義無質,忠信無本,於天以太和 固 銷 隕 非 世 障礙真 其 界 所 轉染污之害源。 於惡者,聞 及知 以 爲 如之根本,故斥七識乾 謂 也。 大 太 涅 虚 其滅 之中 槃 昧其所以 "彼亦 盡 此 本 之説 在 無 悪 生 下愚, 能 一, 則 物 則 銷 氣含 健 隕 不 或 挾其 而 知 可 之 氣

而」。各本作「其」。

慎獨,坤道也。 乾健之性、坤順之性者,爲仁由己,乾道也,主敬行恕,要在誠意乾健之性、坤順之性者,爲仁由己,乾道也,主敬行恕,要在誠意「未那識」,華云「我識」,第六識爲「紇哩耶識」,華云「意識」。此言哉,徒有此妄想以惑世誣民而已。● 敔按:釋氏謂第七識爲

變則化」,由粗入精也,

化,不可知爲精,此一義也。 變者,自我變之,有迹爲粗,化者,推行有漸而物自

「化而裁之謂之變」,以著顯微也。

精微之蕴,神而已矣。 精微之蕴,神而已矣。 精微之蕴,神而已矣。

谷神不死,故能微顯而不揜。

矣。二氣合而體物, 無陰,鬼非無陽,《祭禮》有求陰求陽之義,明 谷」,當作「鬼」,傳寫之譌也。 屈 伸 ,神鬼分焉; 神陽, 而同 鬼 陰, 鬼之有陽 此 丽 氣則 神 菲 同

> 揜之邪! 之死滅,則常流動於化中,而察乎人心,微者必顯,孰能異於釋氏之言生滅。 屈伸一指也,死生一物也,無間斷異於釋氏之言生滅。 屈伸一指也,死生一物也,無間斷此理,神非無自而彰,鬼非無所往而滅,故君子言往來

之發露,蓋氣機之流行,有則必著之也。見,不待聲而聞。 一念之善惡動於不及覺之地,若或使見,不待聲而聞。 一念之善惡動於不及覺之地,若或使鬼神無形聲而必昭著於物,則苟其實有,覺不待形而

故君子雖處幽獨,防亦不懈。

後遂無憂,如釋氏心忘罪滅之説也。敔按"此所謂「天奪其之也忽成於一旦,故防之也不可不早,不得謂此念忘而而成乎非僻,不自測其所從來而不可遏抑。蓋神氣者,而成乎非僻,不自測其所從來而不可遏抑。蓋神氣者,而成乎非解,不自測其所從來而不可遏抑。蓋神氣者,非畏其著見,畏其實有之而不能遏也。一念之貞邪非畏其著見,畏其實有之而不能遏也。一念之貞邪

- 「此」,各本無此字。
- 「荷」下、各本有「有」字。
- ③ 「貞」,各本無此字。

二八

其形。 魄」也。 者 神 也 者 形 也。 神 氣既 累 必 動 乎 四 體 而莫揜

神化者,天之良能,非人能;

故大而位天德,然後能窮神知化。見聞之所推測,名法之所循行,人能也。

之化,乃位天德,實體之則實知之矣。
位,猶至也。盡心以盡性,性盡而與時偕行,合陰陽

大可爲也,大而化不可爲也,

不順,非恃其大而可至也。 擴充其善以備乎理之用,則大矣,與時偕行而物無

在熟而已。

故學莫妙於熟,人之所以皆可爲堯、舜也。一其心於道而漸積以自然,則資深居安而順乎時

《易》謂「窮神知化」,乃德盛仁熟之致,非

智力能强也。

不違則熟矣。學者易簡之功,學聖之奧也。擇善固執,熟之始功,終食學者易簡之功,學聖之奧也。擇善固執,熟之始功,終食惡子之言,神化極矣,至此引而歸之於仁之熟,乃示

大而化之」,能不勉而大也,

熟則不勉。

不已而天,則不測而神矣。

誠,不能以所止測之。 與時偕行而神應無方,道在則誠,道變則化,化而一合於不勉而大,而止於其道,有所止則不能極其變,唯若孔子不勉而大,而止於其道,有所止則不能極其變,唯若孔子天之神化惟不已,故萬變而不易其常。伯夷、伊尹

先後天而不違,順至理以推行,知無不

合也。

心之所存,推而行之,無不合於理,則天不能違矣。

雄犬、手呈して上手、手丁力工理者、天之所必然者也。

於未化爾。大幾聖矣,雖然,得聖人之任者,皆可勉而至,猶不害

德,未幾於化,而天理順則亦幾於聖矣。 夏而天下服,放君而太甲悔過,雖所爲有迹,矯時以立便尹自耕莘以來,集義而純乎道,故以覺民爲志,伐

化則位乎天德矣。

鳳鳥不至,河不出圖,而孔子之道自參天地,贊化育,不仁熟而神無不存,則與時偕行,萬物自正其性命,故

大則不驕,化則不吝。

大, ①當勿以小有得 勞,而後吝心不生。 若顔子之勿伐善、勿施勞,竭才以思企及,則得矣。 成物皆成己之事,而後驕心永釋, 此廣大高明之極也。 而 驕; 欲幾 於化,當 因 勿以 物順 學者則 私 應 欲 有 而 至於 己不 得 而

無 我而後大,

土而無不樂,斯乃以爲大人。 我者從之,異我者違之,則意即欲矣。 聞見,倚於理而執之,不通天地之變,不盡萬物之理,同 謂私意私欲也。欲之害理,善人、信人幾於無矣, 心,天下之務皆可成,天下之志皆可 誠者,成身也,非我則何有於道? 通 而云無我者, 萬物 無我者,德全於 備於我,安 唯意徇 我

大成性而後聖,

而無待推擴,斯聖矣。 德盛仁熟,不求備物而萬物備焉,與 聖者,大之熟也 時 偕 行 成乎 性

聖位天德不可致知 不 -可知。 敔按:致知,猶言推測而知 謂神。 故神也者,聖 丽

不可 知 則從心所欲 皆合陰陽 健順之理氣 ,其存

張子正蒙注卷

而上, 於中者無仁義之迹,見 以降所可致知,斯其運化之妙與太虚之神一矣。 堯舜之道,孝弟而已矣」,不雜乎人而 熟之則聖,聖熟而神矣,非果有不可知者爲幻 於外者 無治 教 政 (刑之勞,非大人 於天也 自大人

見 幾則義明,

也

不一。初心之發,善惡兩端而 事物既至,則不但引我以欲者多端,且可 已,於此分析不苟, 託於義 則 明

動 而不爲非義所冒 而不括則用利,

括,收也,滯也。 放義而 行, 如 其 初 4 推之天下

屈 無中止之機,則用無不利矣。 伸 順 理則身安而 德滋

著,物欲未雜,思慮 德日潤矣。 伸,無非理矣。 之,不倚於聞見也。 ,漸長而盛也。 此言學聖之始功在於見幾。 時有否泰而身安,恒一於義, 未分,乃天德之良所發 義明 而推行之無所 蓋 見 撓 幾者,形 唯神能 加 止 心日 或 屈 廣 未 見 或

窮 神 知化」,與天爲一,豈有我所能 勉

則」各本無此字。

哉? 乃德盛而自致爾。

得,況望其德之滋乎!聞見之習俗一入於中以成乎私意,則欲利用安身而不可聞見之習俗一入於中以成乎私意,則欲利用安身而不可化,此作聖希天之實學也。幾者,動之微,微者必著,故存神以知幾,德滋而熟,所用皆神,化物而不爲物

「精義人神」,●事豫吾内,求利吾外也,

起之先,見幾而決,故行焉而無不利。察事物所以然之理,察之精而盡其變,此在事變未

「利用安身」,素利吾外,致養吾内也,

擾,善惡與吉凶交争於胸中,未有能養者也。 義不果,悔吝生於所不像,雖欲養其心以静正,而憂惑相心亦安於理而不亂,故吉凶生死百變而心恒泰。如其行心亦安於理而不亂,故吉凶生死百變而心恒泰。如其行

故崇德而外,君子未或致知也。「窮神知化」,乃養盛自致,非思勉之能强,

豫養,不使其心有須與之外馳,以爲形之所累,物之所而德崇矣,所繇與佛、老之强致者異也。蓋作聖之一於索之於虚,欲知化而不億測其變,惟一於精義而已,義精不能累,唯神與理合而與天爲一矣。故君子欲窮神而不不能累,唯神與理合而與天爲一矣。故君子欲窮神而不外利內養,身心率循乎義,逮其熟也,物不能遷,形

禽判於幾希,閑邪存誠,與私意私欲不容有毫髮之差也。遷,而求精於義,則即此以達天德。是聖狂分於岐路,人

神不可致思,存焉可也,

舍此而索之於虚無不測之中,役其神以從,妄矣。 心思之貞明貞觀,即神之動幾也,存之則神存矣。

化不可助長,順焉可也。

俟命,正己而物正。 德未盛而欲變化以趨時,爲詭而已矣。 順者修身以

存虚明,久至德。

明,以涵泳義理而熟之,不使間斷,心得恒存而久矣。此澄心攝氣,莊敬以養之,則意欲不生,虚而自啓其

順變化,達時中,

一者,所以存神也

仁之至,義之盡也。

● 「精義入神」至《動物篇》序言「可比也」,原缺頁,兹依

存神順化,則仁 無不 至、義 無不盡

性矣。 知 微 知 不舍 而 繼 其善, 然 後 可以成人

動

性者,天之神篤於生而爲性,其化則動植之物,故曰「唯 成乎性而神化在我, 豈致思助長者之所可 而 達 也得其秀而最靈」。 時中也。 知微知彰,虚 成性者,成 明而 知 乎所性之善,性焉 幾也。 不舍 圃 繼 其善, 安焉之聖也 擬哉! 久至德 言人

聖不可 口 而 知之。 知者,乃天德良能,立心求之,則不

長者之詫神異也。 不踰之矩爾,非有變幻不測,絕乎人而 出 也 ,熟則自知之。 天德良能,太和之氣健順,動 大人以下,立 心求之,則 止 一時行 不可 而爲理 測,如 不知 其 致 之所自 思助 從 1

聖 聖功,以清虚無累之至爲神人,妄矣。 不 可知 而 不已, 謂 合 神,莊生繆妄,又謂 一於神。 神者, 聖之化 有 也。 神人焉。 莊生 欲

惟 神 爲能變化,以其一天下之動 也。

> 降屈伸; 動皆協 者因其質也。 德之獨至者,爲清,爲任 聖人之神,達天下之亹亹而統之以虚明至德,故 子曰「吾道 天之神,萬化該焉,而統之以太和之升 一以貫之」,存神於心之謂也。 爲和 皆 止 於量 猶 萬物 之

人能知變化之道,其必知神之爲也

御天,特在時位移易之間爾。 於道,不孤其德,神存而順化以協其 變化者,因天下之動也。 可於此以徵神之所爲 其道則不私於形,不執 至常,六龍皆可 以

見《易》則神其 (幾矣。

用,純一不息,隨其屈伸消長皆成乎化。 之六陽、坤之六陰錯綜往來,摩盪以成其變化爾 至一貞天下之動 所爲也,故易簡 易》有六十四象,三百八十四變,變化極矣,而唯 而 ,而隨時處中,在運動之間而已。 行乎天下之險 阻 於 聖不可知 此 丽 知 神 此神之 唯 二之爲 以 乾

斷可 知幾其神」, 識矣。 由 經 正以貫之,則寧用 終日,

於一, 素正 疑,不待終日思索而可識矣。 經 ,則一念初起 而奉義爲大正之經以貫乎事物,則又至嚴 ,即所謂義也。 ,其爲善惡吉凶 事理之宜吾心,有自然之則,大經 張子之言,神化盡矣,要歸 ,判然分爲兩途 而 而 至 無 П

四

聖合轍,而非賢知之過也 而知幾合神, 化無不順。 立天地之大義。 蓋義之所自立,即健 存静養 正其義則協乎神之理 於此,則存神以 过順動 止 此 ,陰陽必然之則; 正蒙 順化,皆有實之可守。 》要歸之旨,所以與往 ,凝神專氣以守) 敔按 此 香心 所 謂

幾者,象見而未形也;

事無其形,心有其象。

形則涉乎明,不待神而 後 知 也

知之已晚,時過而失其中,物變起而悔吝生矣。 吉之先見」云者,順性命則所先皆吉也 已形則耳目之聰明可以知其得失,不待神 也。 然而

禮

也 於此閑邪存誠,一念之動罔非吉矣。 石」,正其經也,「不終日,貞吉」,念 順天地之至常,變化而不渝矣。 精義而存之不息,則所守之大經 ,固性命各正之理, 故《易》曰:「介於 起 愐 即 與吉爲徒

知 神而 後能響帝響親

以爲有,是以山 不知神 而以爲 妖木魅饗之也 無,是不 · 得 E ,則亡乎敬 一而姑 響 之也 則 Ľ TV.

見《易》而 後 能 知 神。

(易)針非錯則綜,互相 往來。 神伸而生, 生則嚮 於

> 末矣。 鬼 是故不 神屈而 聞 死,死則返於神,錯綜往來不息之道 性 與天道 加 能 制 禮作樂 也

른 者兩得其精意 樂所自生,一順乎陰陽不容已之序而導其和,得其 立萬事之節而動人心之豫。 於進反屈伸之間,而顯著無聲無臭之中,和於形聲,乃 樂求鬼神者,從其類也 此章言明有禮樂,幽有鬼神,皆自無而肇有, 天以神爲道,性者神之撰,性與天道,神 ,以鼓舞天下而不倦,故以鬼神興禮樂,以 不知而作 者, 玉帛 而 已 鐘 也。 唯 鼓 精 窮 神 以 意 而

精義入神」,豫之至也

事 庸 至而幾先吉,非立一義以 》以明善爲誠身之豫道 義精則與神同其動止,以神治物,冒天下之道,不待 待 事 期必之豫也,

過 徇物喪心,人化 化,忘物累 而順 物 性命者乎 而 滅 天理者 1 乎 存

神

怒生焉。 色臭味,雖皆神之所爲 陰陽之糟粕 心本神之舍也,馳神外徇 ,聚而成形 ,而神不存焉矣,兩 ,故内而 ,以從小 爲耳 目口 體 相 體 而 攻 趨 取 外 合於 而 而 爲

恒 以爲心累,則物過吾前而吾已化之,性命之理不失而 不 一爲主。 溢喜,不遷怒,外 物 則 神 舜之飯糗茹草與爲天子無以異,存神之至也 去心 丽 心喪 物之順 其 主。 逆, 如其 知 道 (分以應之,乃不 者凝心之靈以 存 留 神 神 滯

敦厚而不化,有體而無用也,

用也。 體 物而物不我釋,神亦終爲之不寧,用非所用 靖,物已安,可以忘之而不爲累。 子之於物,雖不徇之,而當其應之也 矣。 敦厚,敬持以凝其神也; 敔按: 莊子所謂 「其 神凝而物不疵 化,因物治之而不累 若有體 必 厲 順其 者 而 無 而 蓋 用 理 體 有 西亦失其 則 則 也。 體 欲 事 而 卻 己 君

化而自失焉,徇物而喪己也。

而己以喪矣。敔按"此言管、晏之學。 必欲事之靖,物之安,則事求可,功求成,馳情外徇,

大德敦化,然後仁智一而聖人之事備。

則

大

而化之矣。敦者仁之體,化者智之用。大德,天德也。敦,誠以存神而隨時以應,化

性性爲能存神,物物爲能過化。

自 物, 存 ,因物之至,順其理以應之也。 性性 物物 ,於所性之理安焉 則 應 物各得 其理 而 雖 成乎性,不爲習 有 性性,則 違 順 全體 而 無 **於天德** 遷 留 也。 滯 而 自 累 神 物

> 以 聖者見幾精義以不違於仁,動 以 致用,庶幾别於異端之虚寂、流俗之功名矣。 與 物競 感感 通 自 順 mj 無 不化矣; 而不 此 括以 聖人之天德 利用其 智, 也 立 學

無我然後得正己之盡,存神然後妙應物

用。 通, 己以無所累而恒 取聲色,唯我私之自累,役於形 ,非存神,未有能過化者也 而應之失其 過化之用即用存神之體 此言存神過化相爲 理。 Ē 故惟 存神,則 體用 無我 也。 mi 貫 而不以 則 通 存神者即 徇物 萬理 因 物 神 喪己者,拘 而 治 用,則物有 所以善過化 曲 物 盡 過 其過 者 耳 化 所 自 之 丽 不 以

於静,既不能存夫神,又不能知夫化矣。「範圍天地之化而不過」,過則溺於空,淪

知 生,非化則神何所存! 健順之實,以卻物而遁於物理之外。 '守静」,皆以 ,喪己而 範圍天地者,神也,必存之以盡其 不 能感物,此 神化 爲 無 有 非精義以 一氏之愚也。 而思超 入神 越之。 釋言「真空」, 誠,而不可舍二氣 則存非存, 非 神 則 化何從 知非 老言

「旁行不流」,圓神不倚也。

四

圓者,天之道 也 屈 伸 順 感 而 各得, 神之圓 也。 不

倚於形器,則不徇物而 流

百姓日用而不 知二 滅於流 也

則

止,違於神而趨於鬼,終屈而莫能伸也。 百姓日所用者皆神, 作息飲食,何莫非神之所爲,氣動而 丽 徇 物以忘其理,故如 理 水之流 即 在 其 而 中。 不

義以 反經爲本,經正則精,

隨事察察之爲精也。 止此倫物,而差之毫釐則失其正。 經者,人物事理之大本,反者,反而求乎心之安也。 無不 Ė 則 無 不

一以敦化爲深,化行則 顯。

顯。 顯者,顯其所敦也,故《易》曰「顯諸仁」。 敦厚以體萬物之化,乃盡物性 而合天行,而 之用

義 人神,動一静也, 仁敦化,静一動 也。

息,非 仁,而義爲之幹,以此,張子之學以義爲本。 吾思哉? 敦化,則 動 而施行者皆中存之天德,非因事求義而專於動 存諸中者爲静、見諸行者爲動。 虚 寂爲仁而專於静也。 寂然不動之中,萬化之理密運 存大體以 精其義而敦之不息爾。 敦化者豈豫設 義精 於心 而 面 動 人神, 無 變 静 合 化 也 以紛 念之 則 所

仁敦化則無體,義入神則無方。

此也。 之德至矣哉 方,異於名、法之動 用,義非外襲而 微體, 魔所顯而皆仁,六位時 《易》曰: 無孤立之體,異 義之精者,體 「神無方而易無體。」仁函萬化以敦其全體 圓 行以 (於老、釋之静; 陰陽、屈伸、高下之秩敍而 無體者 不 成、《易》之所以冒天下之道 流, 所以妙合無方之神。 神之所以藏諸用者 無方,無滯 於 此也。 其神 隅之 者

張子正蒙注卷三

動 物 篇

可比也。 人相 亦寓其間,其 繼之妙,形器相資之用,蓋所以發知化之旨,而 此 篇論人物生化之理,神氣往來應感之幾 八言皆 體 驗而 得 之,非 部 子執 象數以 觀 以 物之 存神 明天

動 、物本諸天,以呼吸爲聚散之漸

而日散。 來在呼吸,自稚至壯,呼吸盛而 動物皆出地上,而受五行未成形之氣以生。 形以神而成,故各含其性。 日聚,自 壯 至 老 呼呼 氣之往 吸衰

植 物本諸地,以陰陽升降爲聚散之漸

而 陰 升,則聚 植物根於地中,●而受五行已成形之氣以長。 而 榮; 陽 升 而 陰降, 則 散 而槁 以 形 陽降 加 受

> 氣,故但有質 而 無性

反 物之初生,氣日至而滋息; 而游散。 物生既盈,氣

日

此論顯然有徵,人特未之體貼耳 濁善惡,與氣俱而游散於兩間,爲祥爲善,爲告爲孽,皆 矣。 人物之氣所結,不待死而始爲鬼以滅 日 厲 生, 反歸者鬼, 而未死之前爲鬼者亦多矣。 ,非獵殺、斬艾,則亦無頓 方來之神,無頓受於初生之理,非畏、厭 有形則有量,盈其量,則氣至 滅之理。 而 盡無餘也。2 不能受, 日 生者 神, 所行之清 以 溺 漸 而 敔按: 性 非 丽 亦 疫 散

至之謂 神, 以其伸也, 反之爲鬼, 以 其

歸

也。

子盡人以合天,所以爲功於神也。 而後可謂之歸也,故曰歸者人之能 條,而善吾生者即善吾死。 用則伸,不用則不伸,鬼而歸之,仍乎神矣。 伸者天之化,歸者人之能,君 敔按:全而歸之者,必全 死生同

氣於人,生而不離,死 而游散者謂魂; 聚成

- 0 「中」,各本無此字。
- 始」,各本無此字。

形質,雖死而不散者謂魄

爾。● 魄雖不遽散,而久亦歸於土,化其餘氣,❷上蒸亦 嗜欲之性,皆魄之所攻取也,但魂離之則不能發其用 文所謂不散者,非終不散也 返於虚,莫非氣之所聚,❸則亦無不歸於氣也。 可以受聰明覺了之靈者,魄也,其不可受者,形也。 敔按:本

生之説。 其存其亡,海不得而 海水凝則冰,浮則漚,然冰之才,漚之性, 與馬。 推是足以究死

焉,散而亡,則才性仍反於水之神。 乎氣之凝浮,海不能有心爲之也。 失其常爾。 虚之中,君子俟命而不以死爲憂,盡其才,養其性,以不 冰有質,故言才,漚含虚,故言性。 伊川程子改「與」爲「有」,義未詳 凝聚 此以喻死生同於太 不得 丽 生,才性 而 與,謂 因 成

有息者根於天,

息,呼吸也。動物受天氣之動幾

不息者根於地。 植物受地氣之静化。

根於天者不滯於用

視聽持行可以多所爲。 天氣載神,故靈。

根於地者滯於方,

離土則槁矣。地氣化形,故頑。

此 動植之分也。

人者動物,得天之最秀者也,其體愈靈,其用愈廣。

生有先後,所以爲天序,小大高下相並 面

言 相 無所逆。 而不能喻; 形焉,是謂天秩。 小大,以才量言,相形而自著也。● 秩序,物皆有之 少長有等,老穉殊用,别於生之先後也。 人之良知良能,自知長長、尊尊、賢賢,因天而 高下,以位

天之生物也有序,

其序之也亦無先設之定理, 而序之自天在天者即

- 化」,各本無此字,句連下作「其餘氣上蒸」。 魂」、各本作「魄」。
- 所」,各本無此字。

著」下,各本有「者」字。

物之既形也有秩。

小大高下分矣,欲踰 越 而 不能。

知序然後經正,

用矣。

經即義 也。 敬長爲義之實, 推 加 行之,義 不 可 勝

貢

知秩然後禮 行。

,故博文約禮爲希天之始教 秩序人所必繇,而推之使 尊尊、賢賢之等殺,皆天理自 通 然,達之而 辨之使精 禮 則 無不 存乎學 中

凡物能相感者,鬼神施受之性也

平,亦惟其固有可感之性也 物者也。 磁石引鐵,不知其所以然而 施,受者樂得其受,所以同聲相應,同氣相求,琥珀拾芥, 而神氣之往來於虚者,原通一於絪縕之氣,故施者不吝 魄麗於形,鬼之屬,魂營於氣,神之屬。 魄主受,魂主施,鬼神之性情也。物各爲一物 感。 聖人感人心而天下和 此鬼神之在

不能感者,鬼神亦體之而化矣。

爾。 及其誠之已盡,亦無不同歸之理。 成形成質有殊異而不相喻者,❷亦形氣偶然之偏戾 蓋其始也皆

張子正蒙注卷三

惡、聖頑相治 壘而崇降,不已於誠,物無不體矣。 來於一致也。 之伸,其終也屈 而況不能相感者乎! 而 存神者與鬼神合其德,則舞干而苗 而歸於虚 相亢,誠 息 ,不相悖害,此鬼神合萬彙之往 而 神不存 如其驕吝未化,以 ",则 可 感者且 [格, 因

物 之,則雖物非物也。 無孤立之理,非同異、 屈伸、終始以發明

得用 成用。 離之,消之、長之,乃成吾用。 mj 而終同,比類相觀,乃知此物所以成彼物之利。 或伸而神,或屈而 者,如水之寒、火之熱、鳥之飛、魚之潛之類。 大過、中孚小過之相錯,餘卦二十八象之相綜,物 成器,木受鑽而生火。 錯者,同異 非物矣。 凡物,非相類則相反。《易》之爲象,乾坤、 或同者,如金鑠而肖水、木灰而肖土之類; 也, 小,或伸而大,或始同而終異,或始 綜者,屈伸也。 惟於天下之物知之明,而合之、 不然,物各自物,而非我所 萬物之成,以錯綜 或屈而 坎 金得火 か離り 或 而 頤

自天」,各本無此二字。

喻」,金陵本以下各本作「踰」。

四 七

其成,不見其成,則雖物非物。事有始卒乃成,非同異有無相感,則不見

物非其物矣。 濟,事雖幸成,且不知其何以成,而居之不安,未能自得 而 同則不能異,而 簡之德業興焉。 於逸,始於難者終於易,始於博者終於約,歷險阻而後易 「尺蠖之屈以求伸,龍蛇之蟄以全身」。若不互相資以相 .後散之廣,能無者乃能有,不諱屈而後可允伸。 事之所繇成,非直行速獲 一理散爲萬事。 故非異則不能同,而百慮歸於一致, 而可以永終。 能有者乃能 始於勞者終 無 ,積之厚 故曰 非

生焉」。故一「一」當作「曰」,傳寫之譌。 「屈伸相感而利

愐 俟命而利修身之用, 相治,以 可以伸彼,知其所伸,而伸者必有其屈, 以成乎多寡、小大、吉凶、善惡之形,知其所屈,而屈 有陰陽,事亦如之。其爲同爲異,❷各有所屈,各有所伸, 善用物者也 凡天下之事物, ①一皆陰陽往來之神所變化。 制器而利天下之用,以 存乎神之感而已。 應事 前 利攸往之用,❸以 神者,不滯於物 以同相輔 物物 ,以異 此者

獨見獨聞,雖小異,怪也,出於疾與妄也,

共見共聞,雖大異,誠也,出陰陽之正也。

陰陽必然之撰,曉然與天下後世正告之而無思不服。爾。放君伐暴,成非常之事,制禮作樂,極非常之觀,皆體非常之甚矣,而共見共聞,陰陽之正,運於太虚,人不能察非常之甚矣,而共見共聞,陰陽之正,運於太虚,人不能察非常之甚矣,而共見共聞,陰陽之正,運於太虚,人不能察非常之甚矣,而共見共聞,陰陽之正,運於太虚,人不能察非常之甚矣,而共見,與則學以其,雖事所可有,而以且皆則空中生華,風眩則蟬鳴於耳,雖事所可有,而以

育人出,國將昌,子孫才,族將大。

人之有息,●蓋剛柔相摩、乾坤闔闢之

●「事」,各本無此字。

亦沿誤。
■「爲同」至「多寮」十七字,各本皆脱。按此十七字恰

●「息」,金陵本、太平洋本及此前各本均誤作「思」,中國「攸」,各本均作「彼」。中華本依文義改,與此本合。

(正蒙》校改爲「息」。

内也。 乾坤剛柔之體,而後闔闢相摩,猶有氣而後有呼吸。 不息 寤,形開而志交諸外也,夢 ,此陰陽之動幾也。 屈 伸,交相爲感,人以之生,天地以之生人物 動 而成乎 一,形閉而 動 一静,然必先有 氣專平 而

寤 内而志隱,志隱則神亦藏而不靈。 所以 開 開者,伸也, 則與神化相 知新於耳目 閉者,屈也。 接,耳目 ,夢所以 爲心效日新之用, 志交諸外而氣舒,氣專於 緣舊於習心。 神隨志而動止者也。 閉則守耳

目之知而困於形中,習爲主而性不能持權。 故習心之爲

累,2烈矣哉

醫謂飢夢取 於五藏之變,容有取焉爾。 飽夢 與,凡寤夢所感, 專 語 氣

而結爲 形閉而神退聽於形,故五藏之形有欣厭,心 妄, 形滯 而 私 故 也。 形 爲神用則靈 神爲形用 亦隨之

則妄。

者,形 而相 氣 迫曰軋。 相 車 而 成

> 兩 氣者,谷響雷聲之類 鋭往之氣與空中固有之氣相觸

而

成也

兩 形者,桴鼓叩擊之類

則亦無非氣也。 兩形相觸也。 聲之洪纖異者,形之厚薄疎 然運桴而氣亦隨之,迫於鼓 密異,氣亦 而發 聲

殊感。❸

形軋氣, 羽、扇、敲矢之類

敲,音雹,鳴鏑也。三者形破氣,氣爲之鳴

氣軋形,人聲笙簧之類。

氣出而唇舌、匏竹斂之縱之以激成 響,氣發有洪

體有通塞之異,而氣之舒疾宣鬱亦異。 是皆物感之良能,人皆習之而 不察者

速。 良能,自然之動幾也。 不感則寂,感則鳴,本有可鳴之理,待動而應之必

形也,聲也,臭也,味也, 六 者莫不有五行之别,同異之變,皆帝則 温凉也, 動 静 也

志隱」,各本無此二字,疑緣上 而脱

爲」,各本無此字。

聲之」以下十七字,各本作「聲之洪纖者,形之厚薄 密,其氣亦殊感」。

張子正蒙注卷三

爾

之必察者與!

物,以 則多泥而不通。 窮理之異於術數也。 而利用,●天理之當然得矣。若一一分析以配合於法象, 化,則於六者皆得其所以然之理 察之,條理具,秩敍分焉,帝載之所以信而通也。 者,散寄於聲色臭味氣體之中,人資以生而爲人用; 温凉,體之覺, 本御 末也 ,觀物象 張子約言之而邵子博辨之,察帝則以用 動静,體之用。 以 推 道 而 循 宗末以 精吾義,然亦得 五行之神未 測本也,此 知天之 成 格 其 平 精 物 意 丽 形

誠明篇

獸也。 父子之道,亦率虎狼之性爲得其道 物之性者、盡物之理而已。 謂之道,汎言性,則犬之性,牛之性,其不相類久矣。 性,而不可謂有道,道者人物之辨,所謂人之所以異 「率性之謂道」,則專乎人而不兼乎物矣。 性」,爲人言而物在其中,則謂統人物而言之可 發,性之蘊於人所受而切言之也。 前篇統人物而言,原天所降之命也;此篇專就 故孟子曰 「人無有不善」,專乎人而言之,善 虎狼噬人以飼其子, 而 《中庸》曰「天命之謂 可 哉? 物不 禽獸 也。 可 而 謂 而 又曰 人而 於 謂 無 道 盡 後 禽 無

> 者也; 惡爲良知者,其妄亦不待辨 該之以誠明,爲良知之實,則近世竊釋氏之藩,以無善無 性之道爲人物偕焉者,❷得失自曉然易見, 能,同歸殊塗,兩盡其義,乃此篇之要旨。 材 ·而篤,物得與人而共者也。 一而謂萬物之一源,切指人性 ,所宜服膺也 草木,無性者 也, 唯 命, 而 張子推本神 則天無心 自 而謂 闢。 盡性者不以天能 無擇之良 者欲 其視 化、統 而抉性之藏 知 程子以 性以 動 能 植 爲 存 於 因

誠明所知,乃天德良知,

仁義,天德也,性中固有之而自知之。無不善之

非聞見小知而已。

謂良。

見一物之機,遂自以爲妙悟,小知之所以賊道。行所不逮,身所不體。心所不喻,偶然聞一師之言

天人異用,不足以言誠,

理,天也,意欲,人也。理不行於意欲之中,意欲有

- 「用」下,各本有「而」字,屬下讀。
- 「物」下,各本有「之」字。

時而踰乎理,天人異用矣。

天人異知,不足以盡明。

一源,則其明自誠而明也。見者證之,知以人也。通學識之知於德性之所喻而體用見者證之,知以人也。通學識之知於德性之所喻而體用因理而體其所以然,知以天也,事物至而以所聞所

義命合一存乎理,

義之所在即安之爲命,唯貞其常理而已。

仁智合一存乎聖,

好察,智也,隱惡揚善,仁也,合於一矣。仁非柔,大智非察,兼體仁智而無仁智之名。如舜好問天德本合,徇其迹者或相妨也。聖人與時偕行,至

動静合一存乎神,

可測。離乎静之存,静而皆備其動之理,敦誠不息,則化不離乎静之存,静而皆備其動之理,敦誠不息,則化不動静異而神之不息者無間。● 聖能存神,則動而不

陰陽合一存乎道

性與天道合一存乎誠。太和所謂道,陰陽具而無倚也。

知其合之謂明,體其合之謂誠。 誠者,神之實體,氣之實用,在天爲道,命於人爲性性與天道。但一有乎調

天所以長久不已之道,乃所謂誠。

仁人孝子所以事天成身,不過不已於仁孝氣化有序而亘古不息,惟其實有此理也。

慕,終食之無違,信之篤也。 實知之,實行之,必欲得其心所不忍不安,❷終身之 而已。

故君子誠之爲貴。

之熟而自無不誠矣。
而欲致其誠者,惟在於操存而勿使間斷,己百己千,勉强而欲致其誠者,惟在於操存而勿使間斷,己百己千,勉强有不誠,則乍勇於爲而必息矣,至誠則自不容已。

- ●「動静」,劉氏鈔本同,草堂本、學署本以下各本作「静力」。
- . 據周調陽《校勘記》補。其他各本脱。

Ħ.

此章直指立誠之功,特爲深切著明,尤學者之所宜

加

勉

誠有是物,則有終有始;

僞實不有,何終始之有! 故曰「不誠 天道然也。生之必成之,四時序而百物成。

無

「自明誠」,由窮理而盡性也;「自誠明」,由必忒。物,謂事也,事不成之謂無物。人爲之僞,意起而爲之,意盡而止,其始無本,其終

存養以盡性,學思以窮理。

盡

而窮理也

性者,萬物之一源,非有我之得私也。

以求勝於物,逐流而忘源矣。一體,如源之分流矣,恃靈明之知發於耳目者爲己私智,養立焉。隨形質而發其靈明之知,則彼此不相知而各爲義立焉。隨形質而發其靈明之知,則彼此不相知而各爲

周知,愛必兼愛,成不獨成。惟大人爲能盡其道,是故立必俱立,知必

彼自蔽塞而不知順吾理者,則亦末如之能安其所處爲立,各效其材以有用爲成。

何矣。

交相爲功,異 來,秩敍分焉。 不同,所謂順 愛之必有區別 之,②而日立, 己也。❸ 己私成,則雖有至教,不能移矣。 此章統萬物 (於墨、 理 ,理一分殊,亦存乎其中矣。 曰成,則 也 知其 於一 釋之漫滅天理之節文而 雖周知博愛而必順其理,蓋自天命以 源,溯其 源,則 專乎人之辭 必知 、始而言之,固 其 爾。 (分流, 知之必有詳 故 親疎貴賤之 合人 謂 窮 會萬物於 理盡 物 耐 性 略

天能為性,人謀爲能。

用也。天能者、健順五常之體也、人謀者、察識擴充之

大人盡性,不以天能爲能而以人謀爲能,

- 雨官刻本之清初翻刻本《正蒙》改作「末」,兹從之。●「末」,各本皆作「莫」,中華本據明萬曆年間陝西鳳翔
- 「釋之」下,草堂本、學署本以下各本有「教」字。

實,而必於闔闢動止神運以 敬、自然之覺,必擴而充之以盡其致,一如天之陰陽有 大人不失其赤子之心,而 成 化,則道弘 非 孤 守 其 而性之量 惻隱、羞惡、恭 盡矣。

蓋盡心爲盡性之實功也

故曰「天地設位、聖人成能

天地有其理,誠也,聖人盡其心

,誠之者也。

非己之私得

盡性,然後知生無所得。

則死無所喪。

之生,明道焉爾,行道焉爾,爲 理明義正而道 而神無損也。 不缺,氣 正 天效動 一神清 而 死 全歸於天,故君子 則寧焉

喪其耳目口體

未嘗無之謂體、體之謂性。

存邪? 爾 後可用 `雖無形迹而非無實,使其無也,則生理以 無則不可爲體矣。 ,以此體爲仁義之性。 仁之於父子,義之於君臣 人有立人之體,百 ,用也, 用者必有 姓 何爲 日 用 體 而 體 而 不 而 得 知

天所性者通極於道

故仁義禮智與元亨利貞無二道 非二曰通,此外無雜曰極。 天所命人而爲性者, 即 以 人生莫不有性,皆天道也 其 陰 陽之道 成之。 即

氣之昏明不足以蔽之;

蔽也。 故「乍見儒子」之仁,「無受爾汝」之義,必發於情 禀氣有昏明,則知能有偏全,而一 曲之誠即天之誠。

天所命者通極於性,

性,即予之以順受之道,命不齊 命者,而富貴、貧賤、夷狄、患難 命以吉凶壽夭言。以人情度之,則 而性無不可盡 ,皆理之所 有 厚於性 察。 也 子 而 之以 薄 於

遇之吉凶不足以戕之;

不免乎蔽之戕之者,未之學也 性存而道義出,窮通夭壽,何至戕其生理。

任其質而不通其變,惟學有未至,故其端發見而不

充,吉凶雜至而失其素。

性 通乎氣之外,命行乎氣之内。

氣

無

内

外 ,假有形而言爾。

靈而皆備,仁可 至焉,故可立内外之名。 人各有形,形以内爲吾氣之區字,形以外吾之氣不 以 無 不達,義可以無不行,氣域於形,吉 性命乎神,天地萬物函之於虚

蔽 凶 禍 而 福 命之戕性,惟不知其通極於性 止乎 其身爾。 則 命者私也,性 也 者公也,性 太 無

於命。 故思知人不可不知天, 盡其 性 然 後 能 至

遇而不可盡吾性之道。 命我,吉凶無心而無非順正者同 德,乃知人性之善,明者可 知人,知人道也; 知天, 繇是 誠 而 知天性 而 知 香皆可 其化矣。 命之通 也。 朔; 極於性,與 知性之合於天 性盡,則 天之 無所

知性知天,則陰陽、鬼神皆吾分内爾

者矣。 理。 感,陰陽、鬼神之性情皆 知性知天,則性與天道通極於一,健順相資 知性者,知天道之成乎性, 吾所 有事,而 知天者,即性而知 爲 吾 職分之所 (), 屈 天之神 當修 伸相

物 天性在人,正猶 也; 水性之在冰, 凝 釋 雖 異 爲

注中。 謂冰水之喻近釋,以朱、張論聚散之本體不同 聚於形中爲人之性,死則 釋,氣不損益,理亦不雜,此所謂 未生則此理氣 在 太虚爲 此 天之體 理 氣 通 仍返 極於道 性,0 於 也。 太 也。 Ē 虚。 説詳《太和篇 生 敔按: 則 形 此 有凝 、朱子 理 氣

受光有小大昏明,其照納不二也

所謂氣有昏明不足以蔽之。 致,濁者可澄,其道本能受也 爲性,人以通理爲性,有小大昏明者,氣禀爾 此亦以水喻性。 形之受性、 ,在學以明善 ,猶水之受光。 而 復 水以 初 而 曲 爾 受光 者 此 可

注 天良能 明天人之本無二。 本吾 良 能 顧 爲 有 我 所 喪 爾 張 子自

以 氏之學,舍能而孤言知,宜其疾人於異端也 其 德,非但恃其空晶之體, 聖人以盡倫成物爲道 子言良知良能,而張子重言良能。 虚靈之悟。 心從小體,而執功利聲 體天之神化,存誠盡 故知雖良 圃 性,則 色爲己得, 能 不逮 п∫ 備萬物於我。 ,猶之乎弗 蓋天地以 則 迷而 知 神化 喪之爾。 抑 有我 足運行爲 非 近 世 但 者 恃 E

上達反天理 反天理,則與天同其神 ,下達徇 化 八欲者 徇 與

不

遠矣。 理氣」各本此處均無 「氣」字,按下文亦理 人欲, 則 其 違 氣並 禽獸

0

則疑各本誤脱。

下句「理氣」同

性其總,合兩也

兩者而互爲體也。 之所宜。 故有聲色臭味以 天以其陰陽五行之氣生人,理 聲色臭味 厚其生,有仁義禮 順其道則與仁義禮 智以 即 寓 智 焉 正 其 不相悖害,合 而凝之爲 德 英非 性 理

命其受,有則也,

者止此,有則而不能過。齊,人各因所遇之氣而受之。百年之內,七尺之形,所受齊,人各因所遇之氣而受之。百年之內,七尺之形,所受摩生之用,有盈有詘,吉凶生死因之,此時位之不

不極總之要,則不至受之分,

則怨尤之所以生也。 壽夭,皆樂天而安土矣。 於正德。 於當然之理。當然而然,則正德非以傷生,而厚生者期 極總之要者,知聲色臭味之則與仁義禮智之體 心與理 · 加 知 吾時位之所值: 若不能合一於 理 道 即 而 吉凶 在是, 窮诵 相 合 感

盡性窮理而不可變,乃吾則也。

之有則,唯所受而不能越也。 行焉,所遇者變而誠不變,吾之則無往而非天則,非若命仁義而無不可盡。唯其於理無不窮,故吉凶生死,道皆

天所自不能已者謂命,不能無感者謂性。

雖然,聖人猶不以所可憂而同其無憂者,这中而皆可盡,此君子之所以有事於性,無事於命也。因其時而受之。然其所受之中,自有使人各得其正之因其時而受之。然其所受之中,自有使人各得其正之因其時而受之。然其所受之中,自有使人各得其正之人,以其之。

有相之道存乎我也。

湛一,氣之本;

也。故其爲體,湛定而合一,湛則物無可撓,一則無不可太虚之氣,無同無異,妙合而爲一,人之所受即此氣

.「「物所」二字依《朱子語類》補。」

見測知也。 學者苟能凝然静存,則湛一之氣象自見,非可以聞受。學者苟能凝然静存,則湛一之氣象自見,非可以聞

攻取,氣之欲。

動而交於物, 即有同有異而攻取生矣。

飲食臭味以該聲色貨利。
其皆爲生氣自然之有,故皆謂之性。生以食爲重,故言其皆爲生氣自然之有,故皆謂之性。生以食爲重,故言以之與神合者,固湛一也,因形而發,則有攻取,以口腹於飲食,鼻舌於臭味,皆攻取之性也。

知德者屬厭而已,

於此,●則如其量以安其氣而攻取息。性有之,不容絶也。知德者知吾所得於天之不專繫

心者,湛一之氣所含。湛一之氣,統氣體而合於一,不以嗜欲累其心,不以小害大、末喪本焉爾。

相違,況外物乎! 小體,末也,大體,本也。不聞香,非其所取則攻之,而一體之間,性情相隔,愛惡故大,耳目口體成形而分有司,故小。是以鼻不知味,口

「非道弘人」也。 心能盡性,「人能弘道」也,性不知檢其心,

人而函於形中,因形發用以起知能者爲心。性者天道,心天理之自然,爲太和之氣所體物不遺者爲性,凝之於

爲,不知制其心也,故心放而不存,不可以咎性之不善。惡之心而義盡。弘道者,資心以效其能。性則與天同其無者人道,天道隱而人道顯,顯,故充惻隱之心而仁盡,推羞

人物之命; 盡其性,能盡人物之性;至於命者,亦能至

莫不性諸道,命諸天。敢按:性諸道,言人物之性莫非道,而茂對咸若其化,人物之命皆自我而順正矣。 選,而殺生皆敦乎仁,立命以相天治。夫人物者,裁成有淫,而殺生皆敦乎仁,立命以相天治。夫人物者,裁成有其而然爾。至於命,則知命以樂天,取於人物者有節不薪,小人之勞力以養君子,效死以報君國,豈其性然哉,

違離。知其皆性諸道,❸故取諸人以爲善,聖不棄愚,觀上智下愚,有昏明而無得喪,禽獸於人,有偏全而無

道,命諸天,言人物之命莫非天。

- ❶ 「動」,各本作「物」,疑誤。
- 他各本脱。 他各本脱。 他各本脱。
- ▲ 「其」,中華本校:「依下文「知其皆命諸天」句補。」

所以體物不遺,與鬼神合其吉凶,能至人物之命也。疎、上下各得其理,節宣時而生育、肅殺各如其量。聖人於物以得理,人不棄物。知其皆命諸天,則秩敍審而親

我體物未嘗遺,物體我知其不遺也。發按:物

體我,猶言物以我爲體。

草木咸若,物無有能遺我者。我之綏以爲來,動以爲和,九族睦,百姓昭,黎民變,鳥獸我之綏以爲來,動以爲和,九族睦,百姓昭,黎民變,鳥獸

至於命,然後能成己成物,不失其道。

自我立矣。所以然者,我與人物莫不性諸道,命諸天,無自我立矣。所以然者,我與人物莫不性諸道,命諸天,無治物,各順其受命之正,雖不能知者皆可使繇,萬物之命己無不誠,則循物無違而與天同化,以人治人,以物

故告子之妄不可不詆。以生爲性,既不通晝夜之道,且人與物等,

無有不善」。犬牛之性,天道廣大之變化也,人以爲性,因形發,形不自性成矣。曰性善者,專言人也,故曰「人息,無所謂生滅也。如告子之説,則性隨形而生滅,是性氣聚則凝於人,氣散則合於太虚,晝夜異而天之運行不氣聚則凝於人,氣散則合於太虚,晝夜異而天之運行不知覺運動,生則盛,死則無能焉。性者,天理流行,

則無所不爲矣。

性於人無不善。

順五常之理。善者,人之獨也。非善也。而就一物言之,則不善者多矣,唯人則全具健非善也。而就一物言之,則不善者多矣,唯人則全具健非善也。而就一級化,各正性命,理氣一源而各有所合於天,無

繫其善反不善反而已;

操存舍亡之幾也。感,不爲物引以去,而斂之以體其湛一,則天理著矣。此感,不爲物引以去,而斂之以體其湛一,則天理著矣。此攻取之氣,逐物而往,恒不知反。善反者,應物之

過天地之化,不善反者也,

其攻取之能而求盈,則湛一之本,迷而不復。食色以滋生,天地之化也。如其受命之則而已。恃

命於人無不正

通禍福,皆足以成仁取義,無不正也。 天有生殺之時,有否泰之運,而人以人道受命,則窮

繫其順與不順而已;

行險以僥倖,不順命者也。之,孔子畏於匡,戹於陳、蔡而無憂。 盡其道而生死皆順也,是以舜受堯之天下,若固有

故必盡性而後可至於命。

五七

五八

形而後有氣質之性,

其類。 爲性 自生 爲性。 拂違 以濁 滋人之生,成人之善,初無二理。 愚所不能滅,而聲色臭味之欲,上智所不能廢,俱可 也,則此與生俱有之理,未嘗或異, 性,故下章詳言之。 而局 大總之性,性則統乎人而無異之謂 夫才之不齊,則均 目鼻之於聲色臭味者 近乎神; 一伸之際,理與欲皆自然而非 「,亦不 一,此 今按張子以昏明强 於形,取資於物以滋其質, 而 "則動以清而事近乎天" 舊説以氣質之性爲昏明强柔不齊之品,與程 氣質者,氣成質而質還 事近乎地。 故耳目口鼻之氣與聲色臭味相取,亦自 而或受於形 有形而始然,非太和絪縕之氣、健 形而 ·可謂 後有者,困於形而固將竭,事 爲 是 非性,而 形而上者,可生死 而上,或受於形 人 而此言氣質之性,蓋孟子所謂 爾。 而 「柔得氣之偏者,繫之才而 差等萬殊 特 蓋 生 不知 形而後有者資形起用,則 性者,生之理 氣 質生氣 繇人爲。 也。 但形而上者爲 有 而下,在 故仁義禮智之理,下 非 天命之良 通晝夜 氣 則同 合 成 故告子謂食色 順 兩 近乎鬼 質 天以 也。 之常 而 . 異 一而常 能 然 則 爲 攻 形 爾。 其 均 天 命伸, 不 子 取 所 而 氣 之所 一之説 各從 則 至仁 謂 山山 聚之 下 凝 固 不 所 事 口 有 滯

善反之則天地之性存焉。

而已。 之攻取,而仁義之良能 此氣質之性,如其 氣質之性亦初不相悖害 制之有節,不以從道而 者,類爲聲色臭味之所奪,不則其安佚而惰於成能者也 天 地之性, 太 受命之則 和 絪 奚從乎! 自不可揜。 緼 ,屈伸之間,理欲分馳 之神 而 不過,勿放 健 天地之性原 蓋 順 仁義禮 合 而 其 無 智之喪於己 心 倚 存 以 者 而未去 徇 也 小 體 即

故氣質之性,君子有弗性者焉。

歸之要旨,與程子之言自別,讀者審之。此章與孟子之言相爲發明,而深切顯著,乃張此章與太子之言相爲發明,而深切顯著,乃張

人之剛柔、緩急,有才與不才,氣之偏也。

也。 形 其實才也,非 是而智愚、賢 ,成乎其人,則 而 才者,形 聰明幹 」明、强 性也。 力因之而 柔、 不肖若自性 成 於 、敏鈍 固 無悪 性者,氣順理而生人,自未有形 時 静 有 升降之氣, 圃 通 成 躁 塞 ,故荀悦、韓愈有三品之説 、因氣之剛柔、緩急而分,於 於善, 精粗 陰陽 之别 則耳 目 健 14 順 П 動 之德 體 不 能 本 而 盪 善 有

爲才。 而見 才。 偶 之官。心之體爲性,心之用爲情,心之官爲才 之謂性,成於人之謂才, 耐 謂 美者未必可以作聖,才之偏者不迷其性,雖不速合於聖, 移氣、養移體、氣體移則才化、若性則不待移者也。 有從來,而以才爲性爾。 張子辨性之功大矣哉! **一**,而 安者爲氣質之性,合於孟子,而别剛 氣質之性,才也,非 固 然之幾 性不易見而才則著,是以言性者但言其才而 ·舜之徒矣。程子謂天命之性與氣質之性爲二,其所 一舜則忸怩,性也,舜能養象,楚頵不能養商臣爾。 一不知者遂咎性之惡,此古今言性者,皆不知才性 性之爲性,乃獨立而不爲人爲所亂。❷ 蓋命於天 所 成 也。 性也。 性 1 藉才 静而無爲之謂性,動 商臣之蠭目豺聲,才也,象之傲 敔按:動而有爲之謂才,才,所謂心 張子以耳目口體之必資物 以 成用,才有不善, 柔緩急之殊質者 而有爲之謂 遂 性隱 才之 累 各 其

天本參和不偏。 養其氣,反之本而不 偏

則 盡性 而天矣。

有偏 以 明 而 **參和,太極、陰、陽,三而** 强 才爲性,性終不能復也。 弗友柔克。 天合矣。 而不善,而養之以反其本,則即此一曲之才,盡其 天與性一也,天無體,即其資始而成人之性者 養之,則性現而才爲用, 教者 , 所以 也。 養之之道 裁成 氣本參和,雖因 而矯 其偏。 ,沈潛柔友剛克 不養,則性 若學者之自 形 隱 I爲體 而 面 高 發 唯 性

> 養,則 以爲堯、舜,人皆可以合於天也 所 矯 而 惟盡其才於仁義中正,以 後可 Ē 故教能止惡, 而誠 求 其 明不倚於教,人皆 (熟而 擴 充之,非 待 可 有

性未成則善惡混,故亹亹 而 繼善者, 斯 爲

善矣。

之體現矣,何善惡混之有乎! 之善者不能盡揜 而以偏者歸才,❸則善惡混之説所以疑性之雜而迷其真。 繼之不息,則始終 善者,因性之不容揜者察識 成,猶定也,謂 有時 於善而性定矣。 以性爲體而達 而自見,惟不能分别善者以 而 擴充之,才從性 其 蓋才雖或 用 也。 善端 偏 而 歸 純善 而 見 性 IIII

繼

之者性 惡盡去則善因以亡,故舍曰 「善」而 日 一成

誣 其 性 盡去,謂知性之本無惡,而不以才之偏 也 9 善 悪 相 形 而著, 無惡以 相 形 則 善之名 加 未 養者

0 0 人爲」,各本無「爲」字。

幾」。各本作「機」。

- 0 「而以偏 者歸才」,草堂本以下各本作 者以
- 0 「養」、各本作「喪」。

其性。 習氣重 功可見。 善,反才之偏而恰合於人,以其可欲而謂之善矣。 不殊,而張子以才爲有偏,似與孟子異矣。 蓋陷溺深,則 因事而見,非可以盡太和之妙也。 V 才之有餘,勿諉才之不足也。 ,故《易》言「繼之者善,成之者性」,分言之而不曰 ,故困勉之成功,均於生安。 故孟子又言「爲不善非才之罪」,則爲善亦非 |而並屈其才,陷溺未深而不知存養,則才伸 是才者性之役,全者不足以爲善,偏者不足以 學者當專於盡性,勿恃 抑攷孟子言天之降才 才之 而 性 屈

德 不 勝 氣, 性 命 於 氣; 德 勝 其 氣, 性 命

於德。

善惡混 德不至 形,而 命也。 安焉於德,而吉無不利! 繼善而得其性之所固有 氣即從偏發用者 而吉凶 |而聽才氣之所爲,則任其一偏之爲,而或迪或逆 亦無據矣。 也。 、皆德之所固有,❶此至於命而 以善之純養才於不偏,則 勝氣者,反本而 日 德。 此言氣者,謂偏 化其 偏 性馬 氣 也 成 V.

窮 理 盡 性 則 性天德,命天理,

氣之不可變者,獨死生修夭而已。 與天同德,則天之化理在我矣。

> 故論死 生則 曰「有命」, 以言其氣 也

而顔夭。

氣成

乎形。

體

之强

弱

形,則

凝

滯

而

不

пŢ

變,

故

跖

壽

形氣之厚薄不可變也

語 富貴則曰「在天」,以言其理 也

此 地之中也。 大德所以必受命, 理御氣而可變者也。 易簡 理 得 而

成位

乎天

易簡,乾坤之德,所謂 天德。 成 位乎中 者, 君 師 天下

而參贊天地。

焉; 所謂 之理 也。 天理 也 能使天下悦且通 者,能悦諸心,能通 則天下 天 下 之志 必 歸

與,此天命之實,理固 天之聰明, 自 民能 然也 通 天下 之志而悦之。 人歸 即 天

世 不 之君也。 歸焉者,所乘所遇之不 同 如 仲 尼

與

繼

仲尼不遇 堯、 舜之薦, 無可 乘之權, 故 德 不加 於 天

皆」上,各本有「則」字。

下,民 不 知 歸 耐 繼 世 一之君, 非 桀、 紂 之無 道 尚 能 有

致,非氣禀當然,非志意所與 「舜、禹 有天 下而不 與焉」者, 也 Œ 謂 天 理 馴

至,固 致之, 舜、禹初未嘗受天子之命於初生之氣禀,即唯以 , 窮理盡 無欲得之心,自無或爽之命,理則然也 性 而命即理,於斯驗矣。2 然理 至 而 命 德 自 馴

曰「舜、禹」云者,餘非乘勢則求焉者 也

自我推 此明天子之位、舜、禹能以其德馴致、 有天下而 無求之之心,非與天通理,故可曰俟命而 移,而特非有心爲善以 世之君乘勢而有天下,命乎氣也。 不與,則以 (德馴致 m 徼福者之所能與 無 心, 所 則吉凶 以 不可曰至於命。 湯、 合 也 禍福 武則未嘗 於神化 何不

利 者爲神, 滯者爲 物。

而速; 皆氣之爲也。 及其聚 而 成象, 其本體之清微者, 又聚 而 成形, 無往而不 則 凝 滯 而 通,不疾 難 於 推

是故風 (雷有象,不速於心,心禦見聞,不弘

之境事現於 雷無形而 俄 頃 有象,心無象而 速於 風 雷 矣。 有覺,故一舉念而 心之情才雖無形無象 千 里

> 其象。 所以然者而無不通。 非志意所與; 動之中,萬化賅存,❸無能禦也。 圃 必依 一之誠,皆備者也 性則純乎神理、凡理之所有、皆性之所函、寂 所當見聞 ൬ 能 者以 盡 其性 蓋 爲影 心 ,則物性盡,天命至,有不知其 ~質,見 者翕闢之幾,無定者也; 是以天之命,物之性,本 聞 所 不習者,心 不 能

者也。 智 下 愚, 習 與 性 相 遠 既甚 而 不 山

上

移也。 格而商臣終於大惡,習遠甚 壞,才不逮者染於習尤易,遂日遠於性 終不知有君臣父子之倫、穿窬之可羞者。 氣之偏者,才與不才之分而已, 而 成乎不移,非性之有不 無有人生 一而後 世 不可 教 而下愚,以 衰,風 俗

粗矣。 纖惡必除,善斯成性矣,察惡未盡,雖善必

- 上 初 字,各本無此
- 「驗」,各本作「著」。
- 化」,草堂本以下各本作「象」。

之聖德也。 之聖德也。 之聖德也。 之聖德也。 於鄭聲、佞人致謹也。 為爲戒,爲邦於禮明樂備之後,必於鄭聲、佞人致謹也。 猶加察於幾微,此《虞書》於精一執中之餘,尤以無稽、無猶加察於幾微,此《虞書》於精一執中之餘,尤以無稽、無猶加察於幾微,此《虞書》於精一執中之餘,尤以無稽、無

其天矣。「不識不知,順帝之則」,有思慮識知,則喪

相近而所指者不同,學者辨之。 於天理之廣大,與天則相違者多矣。張子此言,與老、釋此學。天即理也,私意雖或足以知人而成事,而不能通曲學。天即理也,私意雖或足以知人而成事,而不能通思慮者,逆詐、億不信之小慧, 識知者,專己保殘之

「君子所性」,與天地同流,異行而已焉。

者,裁成天地之道,輔相天地之宜,自成其能也。 一於天理之自然,則因時合義,無非帝則矣。 異行

「在帝左右」,察天理而左右也,

無不在之謂察。左右者,與時偕行而無所執也。

天理者,時義而已。

君子之行藏刑賞,因時變通而協於大中,左宜右有,皆理其大常,風雨露雷無一成之期,而寒暑生殺終於大信。理者,天所昭著之秩序也。時以通乎變化,義以貞

也,所以在帝左右也。

述天理而時措之也。 君子教人,舉天理以示之而已,其行己也

誠而已。誠者,天理之實然,無人爲之僞也。小慧所測,記問所得,不恃以爲學誨,所明者一以

其

和樂,道之端乎!

和則可大,樂則可久,天地之性,久大而

厭,教不倦,人皆可學而不能幾,唯其用情異也。體,絪緼太和,是以聚散無恒而不窮於運。孔子之學不而及其至也,則與天地同其久大矣。性,體性也,太虚之以厭苦,則終食無違,終身不去。和樂者,適道之初心,以厭苦,則終食無違,與身不去。和樂者,適道之初心,

以厚人之生而立人之道者也。 耳目口體之攻取,仁義禮智之存發,皆自然之理,天

陽明勝則德性用,陰濁勝則物欲行。

已,馳逐物欲,而心之動幾息矣。 凝滯於物,則怵惕惻隱之心無所礙而不窮於生,貪養不物欲之需,皆地産之陰德,與形相滋益者也。氣動而不物飲之需,皆地産之陰德,與形相滋益者也。氣動而不

領惡而全好者,其必由學乎!

累,日習於理而欲自遏,此道問學之所以尊德性也。獨而動以清剛,則不可以不學。學者用神而以忘形之德,剛健而和樂,陰濁則荏苒而賊害以攻取於物,欲澄其好善惡惡,德性也,領者,順其理而挈之也。陽明之

不誠不莊,可謂之盡性窮理乎?

性之德也未嘗僞且慢,故知不免乎僞慢不莊,皆自謂窮理盡性,所以賊道。釋氏以天理爲幻妄,則不誠,莊生以逍遥爲天遊,則

以不息,何慢之有! 若王介甫之雜機巧,蘇子瞻之好驕性受於天理之實然,何僞之有! 雖居静而函萬化者,未嘗知其性也。

張子正蒙注卷三

體性之誠,心恒存而性顯,則不待推求而知之真矣。實而淌洋自廢之浮氣也。居處恭,執事敬,與人忠,乃以樂,皆自言知性,所知者釋氏、莊生之所謂性也,恍惚無

勉而後誠莊,非性也。

不勉而誠莊,所謂「不言而信,不怒而威」勉强則志困而氣疲,求其性焉安焉,未能也。

者與!

此。 其信威。《中庸》言勉强則成功一,而張子以勉爲非 日。 之道,通於聖功,苟 已於勉强; 其爲誠莊也可繼,馴而致之,聖人之至善合天,不越 誠莊,則學者適道之始,必以和樂之情存誠 似過高而不切於學者。 人爲之僞。❷ 且勉强之功,亦非和樂則終不能勉, 故學者在先定其情 蓋《中庸》所言勉强者,學問思辨篤行之功,固 勉者循其迹,❶不勉者存其神,存神之至,與天地同 而誠莊乃静存之事,勉强則居之不安而涉於 非 其中心之樂爲,强之而不能以 乃釋此篇之旨,先言和樂而 ,而教者導之以順。 而莊莅,然後 古人爲教 養蒙 不

- 「循」、各本作「存」。
- ②「傷」,金陵本以下各本誤作「偏」。

六四

先以《勺》、《象》,其此意與!

生直理順,則吉凶莫非正也。

屈,夭壽不貳,用無不利矣。也,我事不貳,用無不利矣。也,我可以與其屈,天地不息之誠,太和不偏之妙也。人能以所以安其屈,天地不息之誠,太和不偏之妙也。人能以所以安其屈,天地不息之誠,太和不偏之妙也。人能以

「情僞相感而利害生」,雜之僞也。

命之理 至誠 計利,則雖事或實然,而雜之以妄,幸而得利,害亦伏焉。 而即爲,而不恤其非理之實,以事起事,以名邀名,以 (自取, 吉其險幸也。 情,實也。事之所有爲情,理之所無爲僞。 則 一,則所謂吉凶,莫非 順理 而利,僞則不循理而 正也, 害。 逆理 事 則 順 可 N 性 利 爲

> 之本無也。 位而禍延於世,不可以屈伸之數,幸事之或有 者。故比干死 而爲必受之命,逆則雖幸 誠 者,吾性之所必 ΙΠΊ 不與惡來同其誅 盡,天命之大常也。 而得吉,險道也,險則未 ,曹丕、司 順 馬 昭雖 而 之 不 有不 則 竊 恤 雖 理 大 危 M

疑矣。 理之恒,人禽存去之防,其言深切。 應感之端 此章繹《易傳》之旨而決之於義利之分,❸爲天道 決之於幾微, 善惡得 失判 學者近 爲 兩 取 而 驗 吾 所 心 物

性命之正。滅理窮欲,人爲之招也。「莫非命也,順受其正。」順性命之理,則得

然,命之當受,爲利害之感所摇惑而致爾。 其屈而不媿於天。若滅理窮欲以徼幸者,非其性之本性命之理本無不正,順之,則當其伸而自天佑之,當

- 「遇」,各本作「憑」。
- 「所」,各本均脱。

大 心

不得,又學者知止之先資也。 此篇乃致知之要,下二篇乃篤行之實,知之至而後行無 反諸學之所必務,則理不差,君子之道所以大而有實也。 乃言學者窮理精義之功。 此上六篇,極言天人神化性命之理,自此以下三篇。 明乎道之所自出,則功不妄。

大其心,則能體天下之物,物有未體,則心

以 理無不見矣。天下之物皆用也,吾心之理 推其神化,達之於萬物一 可通者,吾心皆有其理,唯意欲蔽之則小爾。 循之而不違,❶則體立 大其心,非故擴之使遊於荒遠也,天下之物相感 一而用 源之本,則所以知明處當者,條 白無窮 其體也, 繇其法象 盡 而

> 以見聞梏其心,其視天下,無 世人之心,止於聞見之狹。聖人盡 一物非我, 性,不

得謂之知能也。 而成。故盡孝而後父爲吾父,盡忠而後君爲吾君,無 之理合,而知其大始,則天下之物與我同源,而待我以 性者,極吾心虛靈不昧之良能,舉而與天地萬物所從 物之不自我成也" 聞見,習也,習之所知者,善且有窮,況不善乎! 非感於聞見,顧名思義,●觸事求通之 應 出 盡

孟子謂盡 心 則知 性知天以此。

之,則偶有見聞,遂據爲性之實然,此天下之言性者所以 其説小異。 朱子謂知性乃能盡心,而張子以盡心爲知性之功 然性處 於静 而未成法象,非盡其心以體認

鑿也。 天大無外,故有外之心不足以合天心。

心不盡則有外, 一曲乍得之知,未嘗非天理變化之

端,而所遺者多矣。

見聞之知,乃物交而知,非德性 天下有其事而見聞乃可及之,故有堯,有象,有瞽 所知

- 而不違」,各本皆無此三字。
- 顧」,各本誤作「觸」。

張子正蒙注卷四

1

傳 即所得以自喻者也。 瞍,有舜,有文、武、幽、厲,❶有三代之民,事迹已著之餘 IIII 反其原 ?聞而後知,遂挾以證性,知爲之梏矣。 ,廓然於天地萬物大始之理,乃吾所得於天而 德性之知

德性所知,不萌於見 聞。

而 知不因見聞 ,不待鏡而悉。 萌者,所從生之始也。 而發。 性誠 見聞可 有而 自喻 以 證於知已知之後、 如暗中自指其口

由象識心,●徇象喪心。

信,則象在而 然必察識此心所從生之實而後仁可喻。 曲 通 而不得者矣。 矣。 而喪心之大全矣。 物之有象,理即在焉。心有其理,取象而證之,無不 若心所不喻, 顯, 象去而隱,且有如齊王全牛之心,反求 故乍見孺子入井,可識惻隱之心, 繇於象,而以之識心,則徇象之一 若但據此以自

知象者心。 미 乎? 存象之心,亦象而已,謂之心

心之知也明矣。 ,則其知者象而已,象化其心而心唯有 知象者本心也,非識心者象也。 聞見所得者象也,知其器,知其數,知 存象於心而據之爲 象,不可 謂 此 爲

> 其名爾。 人謂己有知,由耳目有受也, 若吾心所以制之之義,豈彼之所 能 昭著乎

生,陋矣。 受聲色而能知其固然,因恃爲己知,而 不察知 所從

人之有受,由内外之合也

知; 耳目之受而即合,明矣。 群言雜至,而非意所屬 乃其所以合之故,則豈耳目聲色之力哉! 耳與聲合,目與色合,皆心所翕闢之牖也。 ,則見如不見,聞如不聞 故輿 合,故 其 新 非 過 相

前

知合内外於耳目之外, 則 其 知 也 過 人

遠矣。

妙也。 見之而知之審,不聞不見而理不亡,事即不隱,此存神之 合内外者,化之神也,誠之幾也。 以 此爲 知,則聞之

天之明莫大於日,故有目接之,不知其幾

0 涉下而誤。 初翻刻本《正蒙》改,與底本同。 中華本據明萬曆年間陝西鳳翔府官刻本之清 其他各本作「徇」,

0

一武」,草堂本以下各本誤作「王」。

「幾萬里之遠也」「萬」當作「百」。
大於太虚,故心知廓之,莫究其極也。 啟按:大於太虚,故心知廓之,莫究其極也。 及來,以於太虚,故心知鄭之,其極也,天之聲莫大於雷霆,故有耳萬里之高也,天之聲莫大於雷霆,故有耳

其心, 之使疑爾。 化難知者乎! 其高遠; 至 ,故雖日之明,雷霆之聲,爲 (病其以耳目見聞累 言道體之無涯,以耳目心 太虚寥廓,分明可見,而 心知者,緣見聞而生,其知非真知也。 是知耳 ·目心知之不足以盡 耳 知測 其心, 心 目 知固 所 度之,終不能 可聽 不能 加 性 覩 不 道 度 而 況 務 而 無 究 能 其 徒 其 杰 累 戀 所 窮

盡其心者,盡心之本知。

故思盡其心者,必知心所從來而後能。

足以 自 絪緼之氣升降之幾也。 曲 誠有之而自 門,而 (累其心, 此盡性知天之要也 心所從來者,日得之以爲明,雷霆得之以爲聲,太虚 函其 全於 ,而適爲 喻之,故靈明發焉,耳目 心以爲四應之真知。 獲心之助, 於人,則誠有其性即誠有 廣大不測之神化 見聞皆其所發之 知此,則見聞不 無 其 不達 理

耳目雖爲性累,然合內外之德,知其爲啓

之之要也。

也。 僻也。 辨見聞之小而要歸於此,張子之學所以異於陸 會歸於一,又非徒恃存神而置格物窮理之學也。 非法象不顯。 内者,心之神; 累者,累之使禦於見聞之小爾, 多聞 而擇,多見 外者,物之法象。 而 識 乃以啓發其 非欲空之而 法象非 神不立 王 後 此篇力 心 一之孤 思 無 累 而

知去聲也。 自謂因身發智,貪天功爲己力,吾不知其成吾身者,天之神也。不知以性成身,而

者限於見聞而 以欲爲性,耽空者以空爲性 繇形色而發。 身,謂耳目之聰明也。 智者引聞見之知以窮理而要歸 不反諸 心 據所 形色莫非天性,故天性 ,皆聞見之所測也 窺測,恃爲 真知。 於 盡 徇 性, 之知. 欲 者 愚

目内外之合,貪天功而自謂己知爾。民何知哉? 因物同異相形,萬變相感,耳

而 相 文武之民善,待烏 通有真是,而無待是非之兩立 不因乎 攻取而順逆之見生焉。 形之所發,莫非天也,物變之不齊,亦莫非 聞見,則無恃以 喙之毒 自矜其察矣。 若能 而始知菽粟之養乎? 以相比擬,因天理 知性知天,則一理之所 待 有 幽 天 一之固 同 也; 而 異 始 貫 萬 知 然 兩

變,偷得偷失,不足爲知也,明矣。

體物體身,道之本也,

身,不然,則徇其末而忘其本矣。 之能覺察,皆與道爲體。知道而 萬物之所自生,萬事之所自立,耳目之有見聞,心 後 外 能 盡 物 内 能 思 成

身而體道,其爲人也大矣。

無徇物自恣之身,合天德而廣大肆應矣。 視聽言動,無非道也,則耳目口體全爲道用 而道 外

道能物身,故大,不能物身而累於身, 則 藐

乎其卑矣。

以卑也。 溺不反,從記誦以玩物喪志,心盡於形器之中,小人之所 而爲大人也。不以道用其耳目口體之能 物身者,以身爲物而爲道 所用,所謂 以小體 ,而從嗜 位從大體 欲 以 沈

能 以天體身,則 能體物也 不疑。

可

成 者

也。

故曰學者當知志意之分。

"循物皆得於己,物之情無不盡,物之才無不可成矣。 ,耳目口體無非道用,則人萬物之中,推 天不息而大公, 於神 於理一於誠 也。 己即以 大人以道 盡

> 成心忘,然後 可與 、進於道。 張子自 注 成 心者, 私

意也。

至之境,則可與適道 而隨時得中,學者即未能至,而不恃其習成之見,知 異、强異求同,成乎已私,違大公之理,恃之而不忘,則 所得,未必非道之一曲,而不能通其感於萬變,徇 一善以守之,終身不復進矣。 成心者,非果一定之理,不可奪之志也。 ,而所未至者,皆其可至者也。 萬世不易之常經,通 乍 然 萬變 同 有 見 執 毁 聞

化則無成心矣。

大而化之,則身純 乎 道。 無 方 體之理 白

成心。

因感而生,因見聞而執同異攻取,不可恒而習之爲恒,不 學而終於從心之矩, 意爲成心之謂也。蓋在道爲經,在心爲志,志者,始於志 成心者,意之謂與! 意者,心所偶發,執之則爲成心矣。 一定而不可易者,可

聖人無意,不

以

成者也。

意則

身」,各本作「心」。

無成心者,時中而已矣。

得而與焉。❶ 中無定在,而隨時位之變,皆無過不及之差,私意不

心存,無盡性之理,故聖不可知謂神。②

以我視物,則我大,

以知物之不足而我之有餘,則不徇物以自替其大矣。 可以知物之不足而我之有餘,則不徇物以自替其大矣。 視聽之明,可以攝物,心知之量,可以受物,於是而

以道體物我,則道大。

故君子之大也大於道,大於我者,容不免體道者能以道體物我,則大以道而不以我。
心思耳目,何莫非道之所凝承,而爲道效其用者乎! 唯道,而道爲其體;不但夫婦、鳶魚爲道之所昭著,而我之道,而道爲其體;不但夫婦、鳶魚爲道之所昭著,而我之

狂而已。

亦耳目心思之曠達而已。 卑萬物,不屑徇物以爲功名而自得,乃考其行而不揜,則卑萬物,不屑徇物以爲功名而自得,乃考其行而不揜,則必道無不體,則允實光輝而大矣。狂者見我之尊而

燭天理,如向明,萬象無所隱:

萬象之情狀,以理驗其合離,則得失吉凶,不待逆億而燭天理者,全體而率行之,則條理萬變無不察也。

窮人欲,如專顧影間,區區於一物之中爾先覺。

準,吉凶之感 之靈且從之而困 以 理者也。 陷溺也 形蔽明而成影; 耳困 ,在眉睫 於聲,目困於色,口困於味,體困於安,心 於 人欲者 丽 物,得則見美,失則見惡,是非之 不知 ,爲耳 此物大而我小,下愚之所 目口 體所蔽而窒其天

此章直指智愚之辨,窮本推源,最爲深切,尤學者之

● 「私」,各本無此字。

《張載集》亦有此注,校云"「此非張氏原注。」心爲言也」十六字小注,以下各本相沿。按中華本心爲言也」十六字小注,以下各本相沿。按中華本

宜 知 警 也

釋氏不知天命,而以 心 法起 滅天地

神至而理存者也。 私意起滅之、愚矣哉 滅」,置之不見不聞 天命,太和絪縕之氣,屈 釋氏謂「心 而即 謂之無。 伸 生種 而成萬化,氣至而 種 天地本 法生, 無起滅 J. 滅 種 神 而 種 至 法

妄,真所謂 小緣大,以末緣本, 疑冰者 與 其 張子自注 不 能 窮 夏蟲疑冰 而 謂 之幻 以 其

不識。

之? 太極。 視聽 道體; 所不見而謂 **緼太和之元氣,函** 田 愐 其 聞 本無生。 極 (乍離 之知 爾。 而太極,充滿兩間 小,謂耳目 不 末者, 其 存神以 願實諸 云 則 欲 一但 惟不能窮夫屈伸往來於太虚之中者,實有 之幻妄, 散而之無,疑於滅 但 而 1心知見 見聲色俱泯之爲無 願 所無」, 窮之,則其富有 未 健 空 見夫天理 真 順 諸所有」,既云 皆 聞覺知之限量, (夏蟲不可 五常之體性,故直斥爲幻妄。 若其本無,又何從可 一實之府。 ,故以人欲之妄, 聚而成有,疑於相緣以 而 語 非無者自 極 冰也。 有 特視不可見,聽不 大者,清 矣, 而 不 蓋太虚之中。 我 見。 知 得 惡 概 無 而 虚 **、極之爲** 緣小體 天理 實之? 得 大之 而 之 空 絪 起

> 真,非 氏妄意天性,而不知範圍天用 果有賢智之過,亦愚不肖之不及而 已。

其直指人心見性 ,妄意天性,不知道心, 而 以 惟 危

即其體」也 地之道,博也 之理氣成乎大用 以廣運之,則天之用顯 人心爲性也。 厚也 天用者,升降之恒 也。 ,高也,明也,悠也 天無 而天體 體, 미 用 知矣。 ,屈伸之化,皆太虚 久也 即 其體。 一,正所謂 敔 按:《中庸》云 範圍 「天無體 者, 大心 用

其志於虚空之大, 天 反 地 以六根之微 日 月爲幻妄 因 緣 蔽 天 其用 地。 於一身之小, 明 不 能 盡 則 溺 誣

謂「 私情 惡月明,行 皆畢竟歸空, 驚其所自生以爲温 其云「同 萬化之屈伸,無屈不伸,無伸不屈。 真法界本 以己之利害爲天地之得喪 人惡 而 天地 無 雨 雨 濘之偷 丽 物 天仙 亦 本 合 則 無 心 見爲寶 疑 深湖其 爾。 實有之理氣 其 屈 是蔽其 志以 一、因欲 羅 Щ 歸 刹見爲刀」, 求合, 於 用 空而 無 但 耳 於耳 而 從見 目 則 銷 君父可 心 目 謂 隕 知 乃 病 口 凡 之,遂 之微 體 盗 丽 有 成

0 張子 自 庄 以下十二字,原 無 兹據劉 氏鈔 本以下各

形體可毀,皆其所不恤已。

塵芥六合",其蔽於小也,夢幻人世。 所以語大語小,流遁失中。 其過於大也,

及爲無有,故夢幻人世。 以虚空爲無盡藏,故塵芥六合,以見聞覺知所不能

乎? 謂之無不知可乎? 那之窮理可乎? 不知窮理而謂盡性可

所知,而妄謂無不知,流遁以護其愚悍,無所不至矣。 故其究竟,以無生爲宗,而欲斷言語,絕心行,芒然一無 父可非吾父矣。 則富有日新之理皆可置之不思不議矣。 夢 ,幻無理,故人無有窮究夢幻者。 天理者,性之撰,此之不恤,是 君可 以人世 非 無 爲 吾 夢幻、 性 君 矣。 矣

塵芥六合,謂天地爲有窮也;

蚩適足哂而已。 如華藏世界等説是也。不知法界安立於何所,其愚

罗幻人世,明不能究所從也。

之道 知也; 爲生死之本。 疑無所從 不能 ,惟在遠此二 釋氏之邪妄者,據見聞之所窮而遂 生而惟心法起滅,故立十二因緣之説,以 究所從者,不知太和絪縕之實爲聚散之府, 統而論之,流俗之徇 一愚,大其心以體物體身而已。 欲 者 調 以見聞域 無 也 其 無明 致 介所 知 則

於大。

中正篇

小其志量也。 爲知止之要而求得 極致、《大學》所謂至善也。 之以教者善誘之道。 此篇博引《論 語 焉 》、《孟子》之言以 其云中道者,即 不可疑存神精義爲不可 學者下學立心之始, 堯 著作聖之功, 舜以來 企及 即 相 傳之 以 而 面 此 自 終

中正然後貫天下之道,

其非存大中而守至正,故與道多違。 之道貫於一矣。有成心者有所倚,徇見聞者必屢遷,唯正,則奉天下之大本以臨事物,大經審而物不能外,天下正,則奉天下之大本以臨事物,大經審而物不能外,天下正,則奉天下之大本以臨事物,大經審而物不能外,天下

此君子之所以大居正也。

居者,存之於心,待物之來而應之。

蓋得正則得所止,得所止則可以弘而至

也。以健順之大常爲五常之大經,擴之則萬事萬物皆效所止者,至善也;事物所以然之實,成乎當然之則者

法焉,而至於大矣。

樂正子、顔淵,知欲仁矣。

樂正子不致其學,足以爲善人信人,志於爲物欲所遷者也。知欲仁,則志於仁矣。繇,條理暢遂,無不弘焉,是性命之正,不倚見聞之私,不繇,條理暢遂,無不弘焉,是性命之正,不倚見聞之私,不以此,生則各凝之爲性,而終身率

心,發生於太和之氣,故苟有諸己,人必欲之,合天下之之所然,即二氣之和,大順而不可逆者也。 惻然有動之於仁,抑可以無惡者。 蓋夫人之心,善則欲,惡則惡,情於仁,無惡而已。

 公欲,不違二氣之正,乖戾之所以化也

未極乎高明廣大至善之境,以貞萬物於一原,故未造聖則既志於仁,抑能通物理之變而周知之,具聖人之體矣。則既志於仁,抑能通物理之變而周知之,具聖人之體矣。

學者中道而立,則有仁以弘之。 ●

一者,大中之矩,陰陽合一,周流於屈伸之萬象

之用,道自弘矣。 之中,則天理來復,自然發起而生惻隱之心,以成天下 達之道言之,本乎太和而 則中其體也,和其用也。 體而中其用也。仁者,中道之所顯也, 曰「中也者和也」。《中庸》自其存中而後發之和言之。 而 無偏倚者, 合陰陽 健 順 自學者奉之爲大本以立於四 成 無過不及之節,則 動 静 於 而 静而 皆 和 能 和 涵 故 吾 又其 周 子

無中道而弘,則窮大而失其居,

J中道,則心滅而不能貫萬比矣。 老之虚,釋之空,莊生之逍遥,皆自欲弘者,無一實

失其居則無地以崇其德,與不及者同,之中道,則心滅而不能貫萬化矣。

極至於恤私而蔑君親,縱欲而習放誕,以爲不繫不留,理苟欲弘而失其居,則視天下皆非吾所安之土,故其

成 注 則今句 改書今句於 定天下之大經,爲其所止之規量,則即此弘之,而 四十一字,原 者誤」七字小注。 弘之」下,草堂本以下各本有「「仁」,坊本作「位」 位乎中,合 後復改從「仁」字耳。 Ш 側,字體 次作「位 德於天地矣」,繼 所自改。 船山注文「仁者」至「道自弘矣」 者,規量之謂,以天下之大本 相 同。 蓋 或 先依坊本「位」字作 者 而 同 勾 爲 去,復以小字 山手蹟

此 事皆無礙,而是非不立,與不肖者之偷污等矣。 顔子所以克己研幾,必欲用其極也

地之心。 未至聖而不已,故仲尼賢其進,未得 ●研幾,則審乎是非之微,知動静之因微成著而見天 極,中道也。 克己,則不徇耳目之見聞 顏子知用中道之極以求仁,故仁將來復 而 爲 中 所 加 固

不居,故惜夫未見其止也。

矣。 未見其止者,顏子早夭,故不及止於至善也 不居,未能居也,居之安,則不思不勉而與天同其化

而 大中至正 通。 之極,文必能致其用,約 必 能 感

者也。 不倚於一事一物而各正其性命者也 於用,約以禮,修之於己,無心於物,物無不應。 大中者,無所不中, 皆神化所顯著之迹,陰陽、剛柔、仁義自然之秩敍 文有古今質文之異,而用之皆宜,非 至正者,無所不正。 博辨 貫天下之道 而 蓋文與 不適

像,此顔子之歎乎 未至於此,其視聖人,恍惚前後,不可爲之 1

神化之理,散爲萬殊而 爲文,麗於事物 而爲禮 ,故聖

> 知,亦可以想聖人義精仁熟、熟而入化之妙矣。 ② 化,人莫能測,顏子之歎以此。 處中,其所用以感天下者,以大本行乎達道 者,人心不自已之幾,神之所流行也。 左」之類,亦文與禮之易知易從者,得 人教人,使之熟習之而知其所繇生, 如《禮記 乃所以成乎文與 聖人存神,隨 其 》所 時 中而 一,故 載 拱 錯 且 綜 時 而 尚 禮 不 變 而

可 欲之謂善,志仁則無惡也,

無惡,則不拂人之性而見可欲

誠 善於心之謂信,

有諸己者,誠自信於心

也。

充内形外之謂美,

義理足乎日用,德純 致無疵類曰

塞乎天地之謂大,

以神御氣,則神足以存,氣無不勝矣。 天地之間,事物變化,得其神理,無 不 μŢ 彌綸者。 能

大能成性之謂聖,

安之以成乎固然,不待思勉矣。 大則無以加矣,熟之而不待擴充,全其性之所能 而

- 固」,草堂本、學署 本同 劉 氏鈔本、金陵本作「錮」。
- 想」,各本作「思」。

天地同流、陰陽不測之謂神。

時,而 而 爲所學之實,以中道貫萬理爲至善之止,聖 測之,聖之神也。 駠致者也。 神 無非天理之自然,人不得以動静 :者,聖之大用 故學者以大心正 六者,以正志爲入德之門,以 也。 合陰陽於一 一志爲本。 致,進 剛柔、仁 與 退 (神則 存心 生 一義之迹 殺 其熟 立誠 乘平

蓋顔子之嘆也。高明不可窮,博厚不可極,則中道不可識,

嘆,非 也。 也; 之富有,皆得其 而欲識中道 極博厚者,盡人物之逆順 窮高明則文皆致用,極博厚 窮高明者,達太虚至和之妙,而理之所從 侈心於高堅,所以 (大中之矩以 ,非偏則妄矣。 水中 貫 險阻 道 (萬理。 爾。 則 禮 ,皆能 能 不 顔 窮高明,不極博 感通,而 子 載 彌 之而 高 出 [彌堅之 後 無 無 天下 不知 所 拒

君子之道,成身成性以爲功者也。

性成。 道用 體天,而後其所本成者安之而皆順。 身者道之用,性者道之體。 ,則以道體身而身成; 身與性之所自成者,天也,人爲蔽之而不成, 大其心以盡性,熟而 合氣質攻 君子精 取 義 之性,一 研 安馬 以道 而化 則 爲

期

矣。

其成心,所以爲作聖之實功也。

未至於聖,皆行而未成之地爾。

欲罷不能而未熟,私意或間之也,行而不息,則

成矣。

大而未化,未能有其大,化而後能有其大。

其大矣。 體 為量 與 兴時 偕 而 任之之意,即有思勉、有方體 有任之之意存,則動 行而無不安,然後大無所禦; 止進 退 必有 也。 以 所礙,不能 天地萬物

知德以大中爲極,●可謂知至矣。

知之而必至於是以爲止,知乃至其極也。 大中者,陰陽合德,屈伸合機,萬事萬理之大本也

擇中庸而固執之,乃至之之漸也知之而必至於是以爲止,知乃至其極也。

見聞之人爲雜天理之自然也。固執,動静恒依而不失中庸,中之用也。擇者,擇道心於人心之中,而不以

惟知學然後能勉,能勉然後也。擇之精,執之固,熟則至矣。

日

進

而

不

息

口

❶ 「極」,中華本《張載集》同,其他各本均誤作「期」。

事便休,皆放其心而不能勉: 神化、故或事求可、功求成、而遂生其驕吝、或謂 不知學者,俗儒以人爲爲事 知學,知擇 ,執以 至於中 也; 雖小 不 功,異端以 有得 息, 則 成 间斷 性 窮大失居爲 而失之。 而 知 自 有是 能 化

體 正則不待矯而 弘

能守,則自弘矣。 體,才也,才足以成性曰 正。 聰明强固 知能及而行

不正必矯,矯而 得中,然後可大。

陷於一曲之知能,雖善而隘,不但人欲之局促也。 近而遂相得。 偏矣,不矯而欲弘,則窮大失居,弘非其弘矣。 相狎,則性不可得而見,習之所以溺人者,皆乘其才之相 得中道之一實以體天德、然後可備萬物之理。 故矯習以復性者,必矯其才之所利; 蓋才與習 不然 才既

了,謂變其才質之偏; 化,則弘大而無滯也。 朱子《中庸章句》異,詳後《致曲不貳章》。

故致曲於誠者,必變而後化。

敔按: 此言變化

極 其大而後中可求,止其 (中而: 後大可有。❶

化理 大者,中之撰也,中者,大之實也。 後得大本以隨 時 而 處中,得中道而不遷 盡體天地萬物之 ,則萬化

> 皆繇之以弘,而 用 無不 備矣。

大亦聖之任

聖之任,亦大之至爾。

雖 非清和一體之偏,猶未忘於勉 伊尹耕於有莘,亦夷之清,出而五就 而 大

湯、

五就桀,亦

若聖人,則性與天道無所勉焉。 惠之和,可兼二子,而執義已嚴,圖功已亟 一,皆勉

其時中,不以道自任,故化不可 而大與聖分焉,故辨之。 聖人,謂孔子。 順性而 自止於大中,因天道 測 伊尹之道疑於孔 而自合

清 謂聖者,不勉不思而至焉者也。 無所雜者清之極,無所 "非聖人之清" 勉而和,非聖人之和 異 者和之極。 所 而

清和 也 伯夷、柳下惠體清和而熟之,故孟子謂之爲聖,化於 伊尹大矣, 而有所勉,夷、 惠忘乎思勉 而

0 句及其下船山注文,原無,但 氏鈔本、草堂本以下各本皆 有 有此 圈 以 示有所

七五

七六

功不已,故臻時中之妙,以大中貫萬理而皆安也。大不能化。唯孔子存神而忘迹,有事於天,無事於人,聖乎大。❶ 清和未極其大,故中不能止,任者未止於中,故

勉,蓋未能安也,思,蓋未能有也。

而日與道合。作聖之功,其人德之門審矣。道於外,則非己所固有而不安,存神以居德,則雖未即至未能安,則見難而必勉,未能有,必待思而得之。見

不尊德性,則學問從而不道,

道,謂順道而行。不尊德性,徇聞見而已。

不弘不大,温艰於一己而不備天地萬物之實不致廣大,則精微無所立其誠;

微察幽,且流於幻妄。不弘不大,區限於一己而不備天地萬物之實,則窮

不極高明,則擇乎中庸,失時措之宜矣。

異端之大辨,❷學者慎之。 高明者,皆體物不遺之實,而非以空虚爲高廣。此聖學而與時違。張子此説,與陸子静之學相近,然所謂廣大而與時違。張子此説,與陸子静之學相近,然所謂廣大

絕四之外,心可存處,蓋必有事焉,而聖不

可知也。

「成性存存,道義之門」,非人所易知爾。而寄其心於虛寂惝恍,皆未能有事。聖人豈其然哉,而多其心於虛寂惝恍,皆未能有事。聖人豈其然哉,凡人之心,離此四者則無所用心,異端欲空此四者

不得已,當爲而爲之,雖殺人,皆義也,

不得已者,理所必行,乘乎時位,已之則失義也

有心爲之,雖善,皆意也。

有心爲者,立意以求功也。

正己而物正,大人也,

理氣之大同,感物必通矣。
大人正己而已,居大正以臨物,皆爲己也。得萬物

正己而正物,猶不免有意之累也

政教督責,有賢智臨人之意,物不感而憂患積矣。 以欲正物,故正己以正之,賢於藏身不恕者爾。而

「乎」,各本作「其」,疑誤。

本補「而」、「高廣」及「此」四字。 點,似係表示有闕文待增補之意,兹據草堂本以下各以空虚爲聖學異端之大辨」,「爲」下有斜撇及兩小以空虛爲聖學異端之大辨」,「爲」下有斜撇及兩小

有意爲善,利之也,假之也,

無意爲善,性之也,由之也。 利者利其功,假者假其名,非義也。

率而行之也、《孟子》曰:「繇仁義行。」 性成乎必然,故無意而必爲。繇者, 以其存於中者

有意在善,且爲未盡,況有意於未善邪!

大而虚含衆理,意小而滯於一隅也。 保。故志於仁者,聖功之始,有意爲善者,非辟之原。 誠,故不足以盡善。而意不能恒,則爲善爲惡,皆未可 善者,人心偶動之機,類因見聞所觸,非天理自然之 志

仲尼絕四,自始學至成德,竭兩端之教也。

此也。 過者化矣。 不計功,及其至也,義精仁熟,當爲而爲,與時偕行,而所 意而後三者可絶也。 意、必、固、我,以意爲根,必、固、我者,皆其意也,無 聖功之始基,即天德之極致,下學上達,一於 初學之始,正義而不謀利,明道 而

矣夫! 不得已而 後爲,至於不得爲而止,斯 智

也。 義命合一存乎理,順理以屈伸動静,智斯大矣。 不得已,理所不可止,義也,不得爲,時所未可爲,命

意,有思也

必,有待也 未能有諸己而思及之。

期待其必得。

固 一,不化也;

事已過而不忘。

我,有方也。

四者有一焉,則與天地爲不相似。 一方之善可據而據之。

培傾覆,無待於物以成德,❷四時運行,成功而不居, 天地誠有而化行,不待有心以應物, ●施生 無 方,裁

並

育並行,無所擇以爲方體,●四者忘,則體天矣。

0 注。 此句下,草堂本、學署本以下各本有「無意」之小字夾

注。 此句下,草堂本、學署本以下各本有「無必」之小字夾

此句下,草堂本、學署本以下各本有「無固」之小字夾

注。

注 此句下,草堂本、學署本以下各本有「無我」之小字夾

七七

成德之極 致,四 [者絶 也。

天理一貫,則無意、必、固、我之鑿。

意、必、固、我,一 隨時循理而自相貫通,順其固然,不鑿聰明以自用。 物存焉,非誠也。

鑿者,理所本無,妄而不誠。

四者盡去,則直養而無害矣。

學之存心當絶四者也。 順義以直行,養其中道 ,無私妄以爲之害矣。 此始

妄去然後得所止,

意、必,固、我,皆妄也,絶之,則心一於天理流行之

實而不妄動。

得所止,然後得所養 而進於大矣。

於大。 養其所止之至善, 則知此心與天地同其無方而進

無所感而起,妄也

皆緣之以成也。 天下無其事而意忽欲爲之,非妄而何! 必、固、 我

感 而通,誠也;

> 計度而知,昏也,不思而得,素也。 神存 而誠立,誠則理可肆應,感之而遂通

義精,則可否應違,截然分辨,皆素也。 有之形以料其然,是非之理不察者多矣。 萬事萬物之不齊,善惡得失二端而已。 計 度 大經正,大 而知,設未

事豫則立,必有教以先之,

明善乃可以立誠,●教者所以明也。

盡教之善,必精義以研之,

皆誠明矣。 以義爲大經,研其所以然,則物理無不察,所立之教

見下卷《作者篇》。 艾」亦然。凡此類,註皆如張子之意而通之,不襲程、朱之旨。 斯立」、「斯和」,與《論語》本文小異,後以《能問不能章》解「私 此言

竭兩端之教,所以中道而立,無貶道以徇人之理。 之所自别,則矯其偏而立斯立,動其天而自和樂以受裁 得物情事理屈伸相感之義以教人,而審其才質剛柔

0 「可」,各本作「所」。

七八

不失和矣。 志道則進據者不止矣,依仁則小者可游而

爲德 理。 爲真得,愈進而 依仁,則藝皆仁之散見,而知合於 ,游小而忘大也。 進而據者,德也, 愈可據。 志道,則壹其志於性天之理 小,謂 藝也。 和者,萬事一致之 貫 (,明非據 其 事 得

志學然後可與適道,

强禮然後可與立,

而

强者力制其妄,敦行其節,動無非禮,則立身固矣。

不惑然後可與權。

伸通一而皆齊,可與權也。不驚,時異而行之有素,位殊而處之有常,輕重、大小、屈不驚,時異而行之有素,位殊而處之有常,輕重、大小、屈理一而有象,有數,有時,有位,數賾而不亂,象變而

博文以集義、集義以正經、正經然後一以

貫天下之道。

惑,則無往而不得其經之正。此强禮之後,立本以親用申明不惑可權之義。言博文而集義之,蕃變無所疑

之學。 明 學》之序,以知止爲始,修身爲本,朱子謂本始所先,則志 道强禮爲學之始基,而非志未大,立未定,徒恃博文以 之功在能立之後,與朱子以格物爲始教之説有異 所自定,而反經合權之邪說愈不足立矣。 貫之之象,隨時移易而皆得 趜 不同 善,亦明矣 而皆仁 經正則萬物皆備,而 也。 權 者,以 其平也。 天下之道貫於經之一, 銖 兩 而定 明 無 於方之重. 此,則權 抑張子以博文 即 Щ 經之 故其 大 以

深且習察,吾不知其智也。將窮理而不順理,將精義而不徙義,欲資

也。 則理 愚民而已,奚其智 蔽於所不及見聞,言僻 之見立而理逆矣。 自 盡其微,則楊之爲我,墨之兼愛,所以執一 得,則本立而應無窮, 明。 徙而不執,乃得其隨時處中之大常,若執 理者,合萬化於一源,即其固然而研窮以求其 乃舍其屈伸相因之條理 義者,一事有一 而 若即耳目所習見習聞者察之,則 易窮,如釋氏生滅之説,足以 而别求之,則恍惚 事之宜,因乎時 而賊道。 義 至 資深 而 位 幻 妄 求

知、仁、勇,天下之達德,雖本之有差,及所

七九

勇者以困知、以勉行此五者。安行此五者,智者以學知、以利行此五者,以知之成之則一也。蓋謂仁者以生知、以

學利、困勉之差,非必分屬三品也。異,蓋説可通參,各有所本。要之,知、仁、勇各有生安、吳、蓋説可通參,各有所本。要之,知、仁、勇各有生安、朱子之説本此;而以生安爲知,學利爲仁,則有小

下一人而已,惟責己一身當然爾。中心安仁,無欲而好仁,無畏而惡不仁,天

易從而能化也。 下,而責一人之獨至於己,故養先於教,禮先於刑,所爲下,而責一人之獨至於己,故養先於教,禮先於刑,所爲

然,篤之至也。 行之篤者,敦篤云乎哉! 如天道不已而

其不容已,而何已之有!已而然,則仁者之終身無違也。以天體身,以身體道,知已而然,則仁者之終身無違也。以天體身,以身體道,知敗篤者,奮發自强於必爲,勇之次者也。如天道不

達者,通物我於一也。君子所欲者,純乎善而無不君子於天下,達善達不善,無物我之私。

善窮於己,不善矣。 善爾。若善則專美於己,不善則聽諸物,是拒物私我

而

循理者共悦之,

循理者共改之。
「古有善則悦,人有善,視之無異於己,是達善也。

己有過則改,人有惡則反求自盡而化之,是達不循理者共改之。

不

改之者,過雖在人如在己,不忘自訟,

而三自反,所以盡己而感人也。「萬方有罪,罪在朕躬」,非但天子爲然。 横逆不改

共悦者,善雖在己,蓋取諸人而爲,必以與

善以天下,不善以天下,是謂達善達不善。己知之,待人言而行之,歸其功於人,不自有也。

以存心,則亦何遠之有哉!形迹化而天理流行,神化之事也。然學者克去己私

已,「君子名之必可言也」如是。善人云者,志於仁而未致其學,能無惡而

也。無惡之謂善。學,謂窮理精義以盡性之功,名之曰善人,則其實

不踐成法,亦不陷於惡,有諸己也。 善人,欲仁而未致其學者也。 欲仁,故 雖

則踐成法以自文,而不恤其心之安,故自以爲善者皆惡 人,雖欲之相似而實相反。 仁者心之安,心所不安則不欲,故不陷於惡。 鄉原

室也。 「不人於室」由不學,故無自 丽 入聖人之

學而至也。 善人而學,則洗心藏密而入聖人之室矣,聖非不可

惡不仁,故不善未嘗不知,

過前而即知之。 惡之誠則知之明,不善當前而與己相拂,如惡惡臭。

徒好仁而不惡不仁,則習不察,行不著。

司馬君實好善篤而惡惡未精,故蘇子瞻並與游 天理之幾微; 而不知惡。 未嘗取不仁之惡而決擇之,則或見爲當然,狎習之 故窮異端之妄,必知其不仁之所在,然後别 不然,且有如游、謝諸子暗淫於其説者矣。 而不知

> 徒欲善而不辨其惡以去之,則義有所不正, 徒行其

是而不防是之或非,則仁有所不純

好仁而惡不仁,然後盡仁義之道。

自知。 之至。荀彧惟不知此,是以陷於亂臣賊子之黨而 行,習之似是者不能亂也。● 故坤之初六,履霜而辨堅冰 嚴以拒不仁而辨之於微,然後所好者純粹以精之理

「篤信好學」,篤信不好學,不越爲善人信

士而已。 越,過也。

此節舊連下章,傳寫之訛,今别之。 學以充實其所以然之理,作聖之功也。

好德如好色」,好仁爲甚矣。

求必得也

惡 見過而内自訟,惡不仁而不使加乎其身, 不仁爲甚矣。

不容有纖芥之留也。

「似是」下,各本有「而非」二字。

張子正蒙注卷四

是故徒善未必盡義,徒是未必盡仁;

道雖廣而義不得不嚴,君子所以反經而消邪慝也。

八

學者不如是,不足以成身,

人也。 人也。 人也。 人也。 人也。

甚也。故孔子未見其人,必嘆曰「已矣乎」,思之

者,未足以開來學、立人道也。 此謹嚴而後可與立。彼託於春風沂水之狂而陶然自遂決之便。先儒或病其已迫,乃誠僞之分,善惡之介,必如決之便。先儒或病其已迫,乃誠僞之分,善惡之介,必如之言而重嘆之,張子之學所爲壁立千仞,而不假人以游之言而重嘆之,張子之學所爲壁立千仞,而不假人以游

孫其志於仁則得仁,孫其志於義則得義,

惟其敏而已。

而無須與之違也。 敏」之義,明孫非柔緩之謂,乃動與相依,静與相守,敏求而不違,則不能自已而進於德矣。此釋《説命》「孫志時而不違,則不能自已而進於德矣。此釋《説命》「孫志時相依孫,順也。順其志者,●志於仁義而不違。志與相依

而去。博文約禮,由至著入至簡,故可使不得叛

文者,禮之著見者也。會通於典禮,以服身而制心,

寂恍惚以爲簡,叛道而之於邪矣。 所謂至簡也。不博考於至著之文,而專有事於心,則

虚

温故知新,多識前言往行以畜德。

温故知新,非以侈見聞之博,多識而力行之,所得者

皆可據之以爲德。❷

繹舊業而知新益,◎思昔未至而今至,

緣舊所見聞而察來,即所聞以驗所進。

據所聞,以義類推之。

皆其義也。

皆博文之益也。存神以立本,博文以盡其蕃變,道

相

輔而不可偏廢。

責己者當知天下國家無皆非之理,

亦是也。堯以天下與人而丹朱之傲不争,若殷之頑民稱人雖窮凶極惡,亦必有所挾以爲名,其所挾之名則

- 「者」,草堂本以下各本作「也」。
- ② 「所得者」,各本無此三字。
- 《張載集》據《宋元學案》亦作「益」,兹據改。

而已。 詎不可,而己亦有歉矣。 亂不止,亦有情理之可諒。 大其心以體之,則唯有責己 倘挾吾之是以摘彼之非,庸

故學至於不尤人,學之至也

求己以必盡之善,則誠至而化行,乃聖學之極致 學以窮理而成身,察理於横逆之中,則義精而仁弘

聞 中人之德也 而 不疑則傳言之,見而不殆則學行之,

得禄之學。 以求合於道,可以寡過,非心得也,故夫子亦但以爲可 傳言,述之爲教也,學行,模仿以飾其行也。 資聞見

而

未見之仁也。

聞斯行,好學之徒也;

不闕疑殆而急於行,好學而不知道。

見而識其善而未果於行,愈於不知者爾 此尤不足有爲者,愈於不知而妄作者爾。

世有不知而作者,蓋鑿也,妄也;

慧巧者則爲鑿,粗肆者則爲妄。

夫子所不敢也,故曰「我無是也」。 聖人且不敢,而況未至於聖者乎

> 日充。 欲明明德於天下,知止至善以爲本始,則見聞不叛而 同,而後養聖之功以正。大學之道,以格物爲先務,而 故學不廢博,而必以存神盡心爲至善,其立志之規模不 乃聖人之所深懼。蓋存誠以燭理,母則聞見廣而知日新 矣。然廢聞見而以私意測理,則爲鑿爲妄,❶陷於大惡, 急於行、怠於行者,尤無德之可稱,則聞見之不足恃 此章言恃聞見以求合,雖博識而僅爲中人之德,若 志不大則所成者小,學者所宜審也

以能問不能,以多問寡,私淑艾以教人,隱

其曲成萬物之仁,隱於求益自成之中,教思無窮,愈隱而 得者,因問而思所疑,堅所信,則亦求深於道而不自己, 愈至矣。此大舜之德而顔子學之也。 愚不肖者,則教行乎其間矣。 私淑艾,謂取人之善以自淑,非以教人,而所以獎 蓋以多能下問 則 荷有 進

爲 互鄉之進也。 山 平地,此仲尼所 以惜顔回未至,蓋與

爲鑿爲妄」,各本作「爲妄爲鑿」。

誠」,各本作「神」。

成,一簣之差也。聖人望人無已之心如是。志於善則不可量,故不拒童子。顏子殆聖而聖功未

則易,苦難則止。學者四失:爲人則失多,好高則失寡,不察

而 知其失而矯之,爲人而反求諸己,志高 知其難者,憚難而置之則怠。 自用而不能取益於衆。● 知慎 爲人,求諸人也,失多者,聞 ,知其難而勇於爲,然後可與共學。 易於爲者,不察而爲之則妄。 四者,才之偏於剛柔者也 見雜 而 而 不精。 取善 好高 者

民一致,所事不踰衣食之間、燕遊之樂爾。學者捨禮義,則飽食終日,無所猷爲,與下

謂人莫悲於心死也。節之詩,無其志與識而效之,則其違禽獸不遠矣,莊周所恬淡寡過,不知其爲賤丈夫而已。學者讀陶靖節、邵康恬淡寡過,不知其爲賤丈夫而已。學者讀陶靖節、邵康甚言其賤也。困其心於衣食之計,暇則燕遊,自謂

彼爲不思而得也。以心求道,正猶以己知人,終不若彼自立

以心求道者,見義在外,而以覺了能知之心爲心也。

合者終不得合,用力易而盡心難也。 之,非求合於大舜,吾有君而吾忠之,非求合於周公, 如飢而食,渴而飲,豈待思理之當然哉! 人,飢飽寒暑得其彷彿爾。 於吾心之良能 性 PK 於心而理備焉 而著,心所不及,則道亦不在矣。 ,即心 而盡 若彼自立彼,人各有所自喻 其量 ,則天地萬物之理 吾有父而吾孝 以己知 皆

考道以爲無失。 考求迹合以免罪戾者,畏罪之人也,故曰

何畏之有! 無失者,僅免於罪。以誠心體誠理,則光明剛大,行於憂患生死而

儒者窮理,故率性可以謂之道。

之以爲性,故率循其性而道即在是。

仔圖不知窮理而自謂之性,故其説不可推

釋氏緣見聞之所不及而遂謂之無,故以真空爲圓成

뻾

行。

● 「用」,草堂本以下各本作「困」,疑誤。

自

得

知,而近世王畿之流,中其邪而不寤,悲夫!菩提道場」,其窮見矣。性不可率之以爲道,其爲幻誕可終不可滅,又爲「化身無礙」之遁辭,乃至云「淫坊酒肆皆實性,乃於物理之必感者,無理以處之而欲滅之,滅之而實性,乃於物理之必感者,無理以處之而欲滅之,滅之而

致曲不貳,則德有定體;

不貳,無間雜也。定體,成其一曲之善而不失。

體象誠定,則文節著見,

也。● 所行者一,因其定立之誠則成章而條理不紊。體象,體成而可象也。誠定者,實有此善而定於心

一曲致文,則餘善兼照;

當然,推之而通,行至而明達矣。餘善,未至之善也。心實有善而推行之,則物理之

明能兼照,則必將徙義;

而已爾。動而曰徙義者,行而不止之謂動。知及之則行必逮之,蓋所知者以誠而明,自不獨知

誠能徙義,則德自通變,

徙義以誠,其明益廣,其義益精,變無不通矣。

能通其變,則圓神無滯。

偕行,大經常正而協乎時中之道矣。 此釋《中庸》之義,至變與大常合而不相悖,以神用而不以迹合,與時

脈絡次序,唯實有其德者喻之,非可以意爲想像也。而歷序其日進之德,蓋張子自道其致曲之學所自得

有不知則有知,無不知則無知;

「忠恕而已矣」,❷豈聖人之獨知者哉!静、剛柔皆統乎中道。其曰「吾道一以貫之」,而曾子曰聖人無不知,故因時,因位,因物,無先立之成見,而動聖人無不知,故因時,因以爲是,而不知有其不知者在也。

是以鄙夫有問,仲尼竭兩端而空空

者,夫子以之而聖,鄙夫以之而寡過,一也。空空,無成者,夫子以之而聖,鄙夫以之而寡過,一也。空空,無成者,夫子以之而聖,鄙夫矣。竭兩端

《易》無思無爲,受命乃如響。心,無定則也,事理皆如其應得爾。

全體乎吉凶悔吝之理,以待物至而應之,故曰「《易》

兩端而告之。聖人之知無不通,雖鄙夫有問,必竭廣矣大矣」。聖人之知無不通,所以合於鬼神。

「善」,各本作「理」。

-) 「而曾子曰忠恕而已矣」九字,各本脱。
- 3 「應」,草堂本以下各本作「意」。

八六

物理之廣大皆協於一,而一言可盡,非以已所知之一言 凡事之理,皆一 源之變化屈伸也, 存神忘迹, 則天道

强括天下之理也。

然問者隨才分各足,未必能兩端之盡 也

盡,有所受益 非獨鄙夫爲然,顏、閔以下,亦各不能 而自據 爲知 ,所以受教於聖人 體其言之所 一而 不 能 至

教人者必知至學之難易,

皆可使之易。 有初學難而後易者,有初學易而後難者, 因其序則

知人之美惡,

剛柔、敏鈍之異。

當知誰可先傳此,●誰將後倦此。

若灑掃應對,乃幼而遜弟之事,長後教之, 必倦弊。 年强氣盛則樂趨高遠,而使循近小,雖强習必倦。 惟聖人於大德有始有卒,故事

無大小,莫不處極。

聖人合精粗、大小於一致,故幼而志於大道,老而不

遺下學。

今始學之人,未必能繼,妄以大道教之,是

誣 也。

繼而不倦; 繼,謂純其念於道 故習其志於專謹,且以畢小德而不俟其倦。 而不間 也。 若灑掃應對,則 可 相

知至學之難易,知德也

行焉而皆有得於心,乃可以知其中甘苦之數。

知其美惡,知人也。

曲盡人才,知之悉也。

知其人且知德,故能教人使入德。

順其所易,矯其所難,成其美,變其惡,教非 概之

施也。

仲尼所以問同而答異,以此。

理一也,從人者異爾。❸

蒙以養正。」使蒙者不失其正,教人者之

- 0 有,按中華本《張載集》亦有此字,兹據補。 此」,底本與劉氏鈔本均無此字,草堂本以下各本均
- 入」,金陵本以下各本作「人」,誤 .概之施」,各本無此三字。

功也,盡其道,其唯聖人乎!

知,由問乃有知。洪鐘未嘗有聲,由扣乃有聲,聖人未嘗有

問焉而無不竭。 洪鐘具大聲之理,聖人統衆理之神,扣焉而無不應,

而施之,「有如時雨化之者。」當其可、乘其間如字。

不待彼有求有爲而後教之也。可者,當其時也,間者,可受之機也。

有求則疑,有爲則成乎過而不易救。

志常繼則罕譬而喻,言易入則微而臧。

而無不盡善。此言教者在養人以善,使之自得,而不在喻,不待廣譬也。遜志而敏求,則言易相入,但微言告之學者志正而不息,則熟於天理,雖有未知,聞言即

事,未官者使正其志焉。「凡學,官先事,士先志」,謂有官者先教之

以達於道。
所謂當其可也。即事以正志,即志以通事,徐引之

志者,教之大倫而言也

教者尤以正志爲本。 大倫,可以統衆事者。正其志於道,則事理皆得,故

道以德者,運於物外,使自化也。

物者,政刑之迹。

故諭人者,先其意而遜其志可也

之,豫養於先,使其志馴習乎正,悦而安焉,則志定而意未有事而豫定者也。意發必見諸事,則非政刑不能正未有事而豫定者也。意發必見諸事,則非政刑不能正

雖不純,亦自覺而思改矣。

蓋志意兩言,●則志公而意私

爾。

未有事,則理無所倚而易明。惟庸人無志爾,苟有

●「言」至下文《正蒙》本文「故孟子教人,雖貨色之欲,

草堂本補。

不争於私之已成,而唯養其虚公之心,所謂「禁於未發之不)等之正否而但責之意也。教人者知志意公私之别,不問志之正否而但責之意也。教人者知志意公私之别,故志正而後可治其意,無志而唯意之所爲,雖善不固,惡故,自合天下之公是。意則見已爲是,不恤天下之公是。志,自合天下之公是。意則見已爲是,不恤天下之公是。

仁智以「舉直錯諸枉」。能使不仁者仁,仁之施厚矣,故聖人並答

「仁智合一」之説本此。

四、丘未能一焉」者也,以責人之心責己則盡道,所謂「君子之道

責人則明,責己或暗,私利蔽之也。去其蔽,責己

自嚴。

不願,亦勿施於人」者也, 以愛己之心愛人則盡仁,所謂「施諸己而

以衆人望人則易從,所謂「以人治人改而君子之自愛,無徇私之欲惡,無不可推以及人。

大倫大經,民可使由之,雖不可使知之,而勿過

求焉。

術者,道之神妙。 此君子所以責己、責人、愛人之三術也

類難相爲類。 有受教之心,雖蠻貊可教;爲道既異,雖黨

而已。 君子道大教宏而不爲異端所辱者,當其可、乘其間

大人所存,蓋必以天下爲度。

念之所存,萬物一源之太和,天下常在其度内。

天下而後已。 故孟子教人,雖貨色之欲,親長之私,達諸

達,大人體道,❶故無所不可達之於天下。 天下之公欲,即理也,人人之獨得,即公也。

道本可

子而 孚化之,

子,禽鳥卵也, 孚,菢也。有其質而未成者,養之以

● 「大人體道」,各本無此四字。

和以變其氣質,猶鳥之伏子。

衆好者,翼飛之,

則吾道行矣。習飛也。志學已正而引之以達,使盡其才,猶鳥之教習飛也。志學已正而引之以達,使盡其才,猶鳥之教

師道立,善人多,道明則行。

張子正蒙注卷五

至

也。 爲天,人之所以爲人,聖之所以爲聖,無待他求之矣。 之於父子君臣之間,以察吾性之所不容已,則天之所以 皆存神知化之理所一以貫之者,所謂易簡而天下之理得 篇內言易簡、知幾而歸本於大經之正,學者反而求 此篇推前篇未盡之旨而徵之於日用,尤爲切近,然

至當之謂德,百順之謂福。

居之安而志無不遂, 事無所逆之謂福 當於理則順。 於事至當,則善 1協於 無不順

德者福之基,福者德之致,無入而非 百 順

故君子樂得其道。

堯水、湯旱而天下安,文王囚、孔子戹而心志適,皆樂也 以德致福,因其理之所宜,乃順也。 無人而不順,故

樂則福莫大焉。小人以得其欲爲樂,非福也

循天下之理之謂道,得天下之理之謂

得之,非若異端孤守一己之微明,離理氣以爲道德。 理者,物之固然,事之所以然也,顯著於天下,循 而

故曰「易簡之善配至德」。

然易知而簡能,天之所以行四時、生百物之理在此矣。 至德,天之德也。 順天下之理而不鑿,五 倫百行,

大德敦化」,仁智合一,厚且化也;

化也,故化而不傷其厚,舉錯而枉者直,此理也。 化無不行,智皆因仁而發,仁至而智無不明。化者,厚之 「小德川流」,淵泉時出之也。 敦,存仁之體也,化,廣智之用也。 大德存仁於神 敌按: 此言用 涵 m

體,體著於用,小德大德,一誠而已。

於

小者不器矣。 大德不踰閑, 淵泉則無不流,惟其時而已,故德以敦仁爲本。 小德出入可也」,大者器,則

「居之安而志無不遂」,各本脱此八字。

前

日

之 所

浩然無害,

以理御氣,周徧於萬事萬物,而不以己私自屈撓,天

無偏繋,則

៣ 知美,無所私也,如日月之明矣。 以 理 燭物 ,則順逆、美惡皆容 光 必 照 好 丽 知

天 地同 流,則 四時合序;

於至一,故任讓、進退、質文、刑賞,隨施而可

小德如川之流,禮有損益,義有變通,

運而不

滯

而

者,有成之謂。

仁成而純乎至善,爲不踰

之矩

則

之過化而日新 因天之時,順 也 地之理,時行則 行,時 止 則 止 四

時

酬 酢不倚,則鬼神合吉凶

可以非道悦 善禍淫無成心者,此爾。 應天下以喜怒刑賞,善善惡惡各如 故鬼神不可以淫祀禱,君子不 其 理,鬼神之福

方體,然後能無我 天地合德,日月合明,然後能無方體, 能無

凡體 矣。 無方體者 而皆其可立之體,則私意盡而 方體,以用言,我,以體言。 ,神之妙;無我者,聖之純 凡方而皆其可行之方。 廓然大公,與天同化

禮 器則藏諸身,用 無不 利。

0 繁鮮精義》(《古逸叢書》本)作。 過而不有,凝滯於心,知之細也,非盛德日新。 日日 ,是謂盛德。」然船山注文固依其所據之本。 新」至「細也」,各本同。中華本《張載集 「日新之謂盛 》依《 《周易 H

九二

也。全乎不一之器,藏於心以爲斟酌之用,故 以爲體,故曰 文,因其理之當然,隨時位而變易,度數無方而不立所尚 器,禮運曲 「禮器是故大備」,●言盡其變以合於大常 禮之要。 禮器於多寡、大小、高下、 無不協 其 質

成也。 禮運云者, 語其達 也; 禮 器 云 者, 語 其

宜

,而至當以成百順

事物而各成其事也 酢於人事者也。❷ 運云者,運行於器之中,所以體天地日月之化而 達 ,謂通理而爲萬事之本,成者,見於

達 與成,體與用之道合,

達也。 達以成而成其所達,則體用合矣。 禮運 體 必有用,顯諸仁也。 ,體也,禮器,用也。 達 用 則無不可成,成者成 即 用 其 體 用 也

體 與 (用,大人之事備矣。

達,大人宰制萬物、役使群動之事備矣 體」上脱「合」字,傳寫之闕。❸ 體 無 不成,用無 不

義。 禮 器 不泥於小 蓋大者器,則出入小者,莫非時 者,則 無非禮之禮 非 中 義之 也

時而侈、貴寡有時而陋、貴高有時而亢、貴下有時 禮器備而斟酌合乎時位,無所泥矣;不備,則貴多有 而屈

> 之運 可出可入,用無不利。 子夏謂「大德不踰閑,小德出入可也」,斯 自以爲禮義,而非天理之節文,吾心之裁制矣。 ,而合吉凶 、高下以不踰於大中之矩,故度數之小 達 乎禮

之謂 爾。

之矩,非謂小節之可 出入,損益也。 以 雖 自 有損益,不 [恣也 踰 天地 日月運行各正

禮器則大矣

以天理之節文合而爲大器,不倚於一偏者也。 能備知禮器而用之,大人之事備矣。 蓋禮器 ż 者

修 性而非 小成 者 與

也。● 修性而不小成,所以盡吾性之能而非獨明其器數 性,謂理 之具於心者,修,如修道之修,著其品

- 運則化矣,
- 0 是故」,原作「然後」,據各本改。
- 以」下,各本有「爲」字,疑行。
- 體上」至「之闕」、金陵本以下各本逕於《正蒙》本文 與用」上加「合」字,遂删此句。
- 著」上、各本重「修」字。

能體

達 順而樂亦至焉爾。

此理而已。蓋中和一致,中本於和而中則和,著於聲容 故禮器以運爲本。 敔按"中本於和,謂時中本於太和。 原於神化, 文之損益,曲暢人情之安矣。 通達大順,得中而無不和,則於多寡、大小、高下、質 陰陽均 而 動 静以時 律吕之高下,人心之豫悦, ,所謂 「明則有禮樂」也

萬物皆備於我」,言萬物皆有素於我 也

所得之辭。 素,猶豫也,言豫知其理而無不得。 此孟子自言其

反身而 誠」,謂行無 不 慊於心,則樂 莫

皆順,故樂莫大焉。 知之盡,則實踐之而已。 實踐之,乃心所素知

,行焉

孚天下。 未能如玉,不足以成德, 未能成德,不足以

如玉,表裹純善 而 無疵 也。 放道 圃 行, 非 誠 有 其得

張子正蒙注卷五

於心者,則所行雖善, ●不足以感人。 修己以安人」,修己而不安人,不行乎妻

子,況可愾於天下!

而通天下之志,如其不然,刻意尚行,矯物以爲高,妻子 愾,氣相感也。修己之盡者,成如玉之德,無私

無欲

不可行也。德至則感通自神,豈以己之是臨物之非哉!

正己而不求於人」,不願乎外之盛者與!

正,則自無外願也。盛,謂道之大者。 君子之不願乎外,非恬淡寡欲而已,隨所處

仁道有本,近譬諸身,推以及人,乃其

方也。

而已。 心備萬物之理,愛之本也。 推以及人,於此求之

聖人之才,能弘其道。 必欲博施濟衆,擴之天下,施之無窮,必有

用之大者因其才,性其本也,性全而才或不足,故聖

0 「則所行」,各本脱此三字。

九三

而必居

九四

不以才之不足爲患。人不易及。然心日盡則才亦日生,故求仁者但求之心,

己則異矣, 必物之是者,己則非矣。制行以己,非所以同乎人。必物之同者,

此節舊分爲二,今合之。人之不善,唯嚴於責己而已。人之不善,唯嚴於責己而已。人之不善,唯嚴於責己而已。

人而無我,故和平天下,莫盛於感人心。能通天下之志者,爲能感人心。聖人同乎

申其義,見聖人之化天下,唯無朋從而光大故也。 和。敢按"《易・咸卦》彖曰"「聖人感人心而天下和平。」張子引得其道,小人樂得其欲,無不可感也,所以天下共化於達於太和絪縕之化,不執己之是以臨人之非,則君子樂達於太和絪縕之化,不執己之是以臨人之非,則君子樂及,真非道之所許。故不但兵農禮樂爲所必務,即私親、原,莫非道之所許。故不但兵農禮樂爲所必務,即私親、原,莫非道之所許。故不但兵農禮樂爲所必務,即私親、原,莫非道之化天下,唯無朋從而光大故也。

道遠人則不仁。

而寡恩。相通,則一身以外皆痿痹也,發而爲已甚之行,母必慘薄相通,則一身以外皆痿痹也,發而爲已甚之行,母必慘薄爲而爲人所不能爲者,且老、釋是已。己與天下殊異而不

仁者,己與萬物所同得之生理。

倚其偏至之識

才

可

易簡理得則知幾,知幾然後經可正。

安利,舍此則妄揣冥行,事蹟而志亂,吉凶悔吝莫知所禮、作樂,全此五者而已。 五者豫立,則推行萬事,無不終身所行,自此五者而外無事也。 仁民、愛物、制

- 「而爲」。各本無此二字。
- 「發」下,各本有「焉」字。

君臣、上下,然後禮義有所錯」。性天經,然後仁義行,故曰「有父子、

義也。 義私,冥行而鮮當,刑名、法術之所以違天、拂人、戕仁無不行矣。禮義,仁義之用也,舍五者而泛施之,禮僞而之爲性,安焉而無所勉强也。能然,則愛敬之用擴充而之爲性,安焉而無所勉强也。能然,則愛敬之用擴充而

仁通極其性,故能致養而静以安,

養於性,静存不失。始有,性之藏也。人能心依於仁,則不爲物欲所遷以致始有,性之藏也。人能心依於仁,則不爲物欲所遷以致仁者,生理之函於心者也,感於物而發,而不待感而

義致行其知,故能盡文而動以變。

之明,知之良,因而行之,則仁之節文具而變動不居,無義者,心所喻之物則也,知者,仁所發見之覺也。誠

此章言義所以成仁之用,行無非義,則盡仁而復

張子正蒙注卷五

所往而非仁矣。

性矣。

義,仁之動也,流於義者於仁或傷,

其静之所函,而屢顧以求安。 物審處,則於本體之所存有相悖害者矣。故處物必不忘也存而必動,以加於物,則因物之宜而制之。然因

仁,體之常也,過於仁者於義或害。

則於事幾之變失矣。故必静存萬理、化裁不滯之圓神,體之常者,貫動静而恒一也。● 乃方動而過持以静,

曲成萬物而不遺。

此章言仁義之相爲體用,動静、剛柔以相濟而不可

偏也。

立不易方,安於仁而已乎!

於仁者,動而不失其静之理,故雖遇變而恒貞。 乎,歎美之辭。隨所立而不易其方,義也。然唯安

章,互相發明仁義合一之理。蓋道之所自行,德之所自此章言仁所以立義之體,仁熟則義自正矣。以上三

- 「皆」,草堂本以下各本脱。
- ❷ 「一」,各本無此字。

意而舍迹可也。 在天,在地,在人,理同 義配陽,釋者紛紜,唯此以 迹,則或致兩妨,故學者以存神爲要。《易》以仁配陰,以 則義不流,仁不過,而 和,初未當分而爲兩; 立,原其所本,則陰陽 也,剛柔也,仁義也,當其 天下之理無不得。 盡性合天者,得其合一、兩在之神 而撰 、異, 静 初不可 動爲言,發明特 畫然分屬,讀者 若徒襲仁義之 切。 .而 得 太

物被常愛也。安所遇而敦仁,故其愛有常心,有常心則

之心,不必澤及天下而後爲仁也。 遇不安,則苟可以愛而仁無所吝,一言一介,無遷就規避而利於物者恐傷於己,仁不容不薄矣。若得喪安危,無其愛者,境遇不齊而心爲之變,心爲境遷,則雖欲敦愛,其愛者,境遇不齊而心爲之變,心爲境遷,則雖欲敦愛,

大海 物 者 也。 有 無潤, 恩。 樂 因 天 暍 安 者有潤, (土, 所 至仁無恩,因不足 居 而 安,不 累 於

之渴而有水也。君子自存其仁,不爲境遷,則物不能累無恩者,非以爲恩於物而施之,愛猶大海,非爲潤人

沾沾然以爲恩於物爲功,則必需勢位以行愛而愛窮。己,而己亦不致爲物之累,則因物之利而利之而已。若

四海之廣,古今之變,順逆險阻,無不可行矣。則資安處以置之。不擇地而安,蓋所達者大矣,能保其身則不擇地而安,張子自注:不能有其身,愛人然後能保其身;張子自注:寡助則親戚叛之。

大達於天,則成性成身矣。

安身利用,下學而上達矣。與爲天子一也,孔子之困厄,與堯舜一也。通乎屈伸而矣。無所遇而不安於性,以成身也。故舜之飯糗茹草,大而化之,仁熟而無土不安,合於天德之無不覆,聖

此章之指,言近而指遠,尤學者所宜加省。

己則不尤。● 上達則樂天,樂天則不怨,下學則治己,治

理之自然,富貴厚吾生,貧賤玉吾成,何怨乎! 治己則上達於天,屈伸之理合一,而不疑時位之不齊,皆天

●「不光」,中華本《張載集》作「無光」。

尤矣。聖之所以合天安土,敦仁而已。 去物之累,以責人之心責己,愛己之心愛人,不見人之可

不知來物,不足以利用,

不利矣。 境遇而執之也,若知將來之變不可測而守其中道,則無境遇而執之也,若知將來之變不可測而守其中道,則無來物,方來之事也。人之所以不利用者,據現在之

不通晝夜、未足以樂天。

所以善萬世之伸,天之所命無不可樂也。成夜,夜以息畫。故堯舜之伸必有孔子之屈,一時之屈成夜,夜以息畫。 故堯舜之伸必有孔子之屈,一時之屈屈伸往來之理,莫著於畫夜。畫必夜,夜必畫,晝以

成之於天爾。 聖人成其德,不私其身,故乾乾自强,所以

足以繁其念哉! 累於太虚,非以聖智之功名私有於其身,所遇之通塞何其德,以共天職,而歸健順之理氣於天地,則生事畢而無其德,以共天職,而歸健順之理氣於天地,則生事畢而無

能,蓋所以爲能也。君子於仁聖,爲不厭,誨不倦,然且自謂不

仁聖之道,乾乾不息而已。

能不過人,故與人争能,以能病人,

リテカステ感,目で見ま、おう。 少有所得,則其氣驕,廣大無涯,則其志遜。

時行物生,豈以今歲之成功自居,而息其將來之化哉大則天地合德,自不見其能也。

君子之道達諸天,故聖人有所不能,

成,而不能放其资大。業,古今互成而不迫,生殺並行而不悖,聖人能因時裁業,古今互成而不迫,生殺並行而不悖,聖人能因時裁道通於天之化,君子之所必爲著明,而天之盛德大

成,而不能效其廣大。

夫婦之智淆諸物,故大人有所不與。

婦能之而大人弗爲,大人貞一以動也。 虎狼之父子相雜。故自經溝瀆之信,從井救人之仁,夫虎狼之父子相雜。故自經溝瀆之信,從井救人之仁,夫

非能自立人道,天使之然爾。 匹夫匹婦,非天之聰明不成其爲人,

聖人,天聰明之盡者爾。

擴大而誠體之,則盡有天之聰明,而視聽無非理矣。天之聰明,在人者有隱有顯,有變有通,聖人以聖學

九

物,天之道然。大人者,有容物,無去上聲物,有愛物,無徇

不違道以干譽,皆順天之理以行也。大人不離物以自高,不絶物以自潔,廣愛以全仁,而

天以直養萬物,

靈蠢、清濁,撓其種性,而後可致其養,直也。 萬物並育於天地之間,天順其理而養之,無所擇於

道矣。 代天而理物者,曲成而不害其直,斯盡

物以孤立,而徇人以示愛,違天自用,不祥久矣。義皆行焉,非有所必去,有所或徇也。若老、釋之徒,絕下之物無不可用,愚明强柔,治教皆治焉,聲色貨利,仁道立於廣大而化之以神,則天下之人無不可感,天

久」,又曰「日新」。 「富有」,。志久則氣久、德性久,故曰「可志大則才大、事業大,故曰「可大」,又曰

終,一以其志爲大小久暫之區量,故《大學》教人,必以知之篤,則氣從其志,以不倦而日新,蓋言學者德業之始志立則學思從之,故才日益而聰明盛,成乎富有,志

以茶其氣而自棄其才也。感通之事,下學雖所不逮,而志必至焉,不可泥於近小,感通之事,下學雖所不逮,而志必至焉,不可泥於近小,止爲始,孔子之聖,唯志學之異於人也。天載物,則神化

清爲異物,和爲徇物。

清之過,和之流也。

金和而玉節之則不過,知運而貞一之則

不流。

不可知,其涵養德性者密也。智能運物,而恒貞於一,則至和而不徇。孔子之所以智能運物,而恒貞於一,則至和而不徇。孔子之所以是堅玉白,而養之以和,節之以潤,則至清而不異

此章上二句舊分一章,「金和」以下連下章,今正之。

道所以可久可大,或乾不息而不離則可久。 道所以可久可大,以其肖天地而不離也,

與天地不相似,其違道也遠矣。

也。「道二,仁與不仁而已」,天與人之辨焉耳。習而不通於神化,以自畫而小成、邪正雖殊,其與道違一老執一己之生滅,畏死厭難,偷安而苟息,曲學拘聞見之老執一己之生滅,畏於所知而不恒,非天理之自然也。釋、

之純者,一以貫萬。 之理,故富,大,非故爲高遠也。兼之富者,合萬於一,一 不雜以私僞,故純,久,非專執不化也。 一故神,兩在故不測,下學而上達矣。 窮天地萬物

大則直不絞,方不劌,故不習而無不利

情皆得,故無不利。 六二,以柔居剛,●剛柔合德,純 大則通於萬理而無不順,直不傷激,方不矯廉,坤之 一而大,天下之理皆伸而

易簡然後能知險阻

之阻,其道簡。 不恤天下之險,其道易, 心有險阻,天下之險阻愈變矣。以乾之純於健,自强而 有以治之矣。 以險阻之心察險阻,則險阻不在天下而先生於心, 險阻萬變,奉此以臨之,情形自著,而吾 以坤之純於順,厚載而不憂天下

易簡理得,然後一以貫天下之道。

險阻可通,況其大常者乎!

易簡故能説諸心,知險阻故能研諸 慮

而 自 精。 道在己而無憂,故悦,悦而憂惑不妄起,則所慮者正 不然,在己無大常之理 ,物至情移, 愈變 而

張子正蒙注卷五

迷矣。

理然也。 知幾爲能以 以貫久大之德矣。《乾》之「知存亡進退而不失其正」, (者,動静必然之介。 以屈爲伸,則善吾生者善吾死,死生不易其素 屈 爲 伸。 伸必有屈 ,屈所以伸,動静之

坤》之「先迷後得」,所以平天下之險阻也。

君子無所争」,彼伸則我屈 陰陽、柔剛,迭相爲屈伸,君子小人各乘其 知也; 一時,

知

知此,則量自宏矣。

彼屈則吾不伸而 自伸矣,

又何争

彼屈則我自伸,不待鳴其屈以求伸。

屈亦無争,伸亦無争,保吾大正

而已。

伸矣。

無

不容然後盡

屈伸之道,至

虚 則

無

所不

於人有君子小人,於世有治亂,於己有富貴、貧賤、夷

0 以柔居剛」,草堂本以下各本作「居中得正」。

九九

00

敬,雖之夷狄不可棄也」,利害於我何有焉!尺蠖之伸在屈,浩然之氣,亘今古而常伸。「言忠信,行篤人我如影響,交感於太和之中,而神不損。龍蛇蟄而全身,能盡屈伸之道者,遇屈則不能容也。至虚,則古今如旦暮,能盡屈伸

「君子無所争」,知幾於屈伸之感而已。

屈伸必相感者也,無待於求伸,而又何争!

之變,斯盡之矣。 焉,利莫大焉。 「天下何思何慮」,明屈伸「精義入神」,交伸於不争之地,●順莫甚

無不容也。

此章舊分爲二,今合之。

勝兵之勝,勝在至柔,明屈伸之神爾。

兵以求伸者也,而勝以

柔,屈伸相感之神,於斯見

剛,與至虛能容之誠相違遠矣。讀者當分别觀之。窺見其幾而已。老氏遂奉此以爲教,欲伸固屈,以柔勝矣。善爲國者不師,至於用兵争勝,非能全體屈伸之神,

敬斯有立,有立斯有爲。

焉,❸奉此以有爲而仁義行。有我之立於兩間,不因物而遷矣。 有我而備萬物之誠存有我之立於兩間,不因物而遷矣。 有我而備萬物之誠存莊敬自持,而後耳目口體從心而定其物,則卓然知

敬,禮之輿也,不敬則禮不行。

下孚之。 敬者,禮之神也,神運乎儀文之中,然後安以敏而天

道之極也。「恭敬、樽節、退讓以明禮」,仁之至也,愛

斂情自約以順愛敬之節,心之不容己而禮行焉,不

■「萬物」。草堂本以下各本均無「物」字。■「神」。此承「屈伸之感」言。《精義》依《易》文作『信」。申「伸」。各本作「神」。中華本《張載集》校云"「王注作

178

成矣。 己不勉明, 則人無從倡,道無從弘,教無從

以及天下後世也。 既明其理,尤詳其事,君子之所以耄而好學,有餘善

禮 ,直斯清,撓斯昏,

直也。敔按:《濮議》及《興獻帝謚説》,行乎一 折之乃不亂。 心,故曰「曲而不直 順天理自然之節文爲直, 歐陽修、張孚敬皆成乎一 衆論起 而撓之,奉吾直 説,惟: 時 而理不順乎人 其 曲 一而不 而

和 斯利,樂斯安。

言禮。 而撓之! 順心理而直行,和於人心而己心適矣"安而利,孰得 退讓爲節, 直 清 爲守, 合斯二 者而 後 可以

將 致用者,幾不 可

惑之矣。 心之初動,善惡分趣之幾,辨之於早,緩則私意起而

思進德者,徙義必精;

進此而研之以充類至盡 辨其幾,則已取義矣,而義必精而後盡理之極致,故

此君子所以立多凶多懼之世,乾乾德業

不少懈於趨時也。 義精,則有以處凶懼 而無不正矣。趨 時者

而不息,宵晝瞬息,皆有研幾徙義之功也。 ,與時行

動静不失其時」,義之極也

之大經,合於時之中道,●研幾速而徙義精, 動静,以事言,謂行止進退也。不失其時者,順天下 於正也。

極則光明著見,

曉然可以對於天下後世而無不白之隱。

唯其時,物前定而不疚。

?,事也。前定者,義精而誠立,因時必發而皆當。

有吉凶利害,然後人謀作,大業生, 此 屈伸相感之幾也。 故堯有不肖之子,舜有不順之

0 道」,各本無此字。

張子正蒙注卷五

世,皆惟其時而精其義,歸於大正。親,文王有不仁之君,周公有不軌之兄,孔子有不道之

若無施不宜,則何業之有!

敦仁於不息矣。無施不宜,所遇皆順也。知此,則不怨不尤,而樂天

舊本分爲二,今合之。 妄作,皆與時偕行之精義,非以己意思慮之。 所謂天下有道不與易也。處變則不怨尤,處常則不

景美。知崇,天也,形而上也,通晝夜而知,其知知

無間、《易》曰「知崇法天」,法其不息也。知其恒運之理,知合於天,崇矣。時有屈伸而君子之神人用爲晝夜,神則不息,通晝夜而無異行,略屈伸之迹而人用爲晝夜,神則不息,通晝夜而無異行,略屈伸之迹而知崇者,知天者也,知形而上之神也。 化有晦明而

知及之而不以禮性之,非己有也。

即此視聽言動之中,天理流行而無不通貫,乃以凝形而也。形而上之道,有形而即麗於器,能體禮而安之,然後也。形立見於事爲,形而下之器,地之質也。性,安

故知禮成性而道義出,如天地位而易行。上之道於己,否則亦高談性命而無實矣。

一,以成乎乾、坤之德業,聖學所以極高明而道中庸也。知極於高明,禮不遺於卑下,如天地奠位而變化合

知德之難言,知之至也。

尚辭爲聖人之道,非知德,達乎是哉? 難言」、《易》謂「不言而信,存乎德行」,又以難言」、《易》謂「不言而信,存乎德行」,又以 五子謂「我於辭命則不能」,又謂「浩然之氣 所得而暢言之,則非德矣。知已至,乃知其言之難。 所得而暢言之,則非德矣。知已至,乃知其言之難。

立誠」,言其所自知,非中人以下所可與聞也。故以尚辭爲道之極致。「性與天道不可得而聞」,「修辭與以尚辭爲道之極致。「性與天道不可得而聞」,「修辭

「闇然」,修於隱也。●

人德以凝道。

「的然」,著於外也。

附託於道而不知德。

●「隱」,草堂本以下各本作「德」,疑誤。

作者篇

訓詁家拘文之小辨。讀者就其異而察其同,斯得之矣。指,而學者躬行心得,各有契合,要以取益於身心,非如朱異者。蓋聖賢之微言大義,曲暢旁通,雖立言本有定朱異者。蓋聖賢之微言大義,曲暢旁通,雖立言本有定此下四篇,皆釋《論語》、《孟子》之義,其説有與程、

湯,制法興王之道,非有述於人者也。「作者七人」,伏羲、神農、黄帝、堯、舜、禹、

之非聖誣民,皆妄作之過也。既盛,則道在述而不容更作。若嬴秦之壞法亂紀與異端既盛,則道在述而不容更作。若嬴秦之壞法亂紀與異端

爲難,故不輕變未厭之君。 以知人爲難,故不輕去未彰之罪,以安危

及舜而去之,

張子正蒙注卷五

虔其始。 堯君德,故得以厚吾終,舜臣德,故不敢不

時中。
君以容蓄厚載爲德,臣以行法無私爲德,所以皆合

之善。 读而旁求衆論也。聖人之德,一於無我,至虚而受天下諫而旁求衆論也。聖人之德,一於無我,至虚而受天下

者與!「別生分類」,孟子所謂「明庶物、察人倫」

昆弟、夫婦、朋友,親疎上下各從其類者分矣。 於其同而荄,則艸木鳥獸之與人,其生别矣。 人之有君臣、父子、人物同受太和之氣以生,本一也,而資生於父母、根

●·「不」下,各本有「知」字。

見萬物 爲善也,隱惡也,所覺者先也。 察及此,則繇仁義行者皆天理之自然,不待思勉矣。 象憂亦憂,象喜亦喜 體之仁,於其異 (而見親 」,所過者化也,與 親、仁民、愛物之義、 敔按: 所過者化 明

而莫禦,於天下且然,而況其弟乎! 心,大公無我,唯至仁充足,隨所感通 必疑其爲僞。 象憂亦憂,象喜亦喜」之心,誠信之不可 約略言之,想見其心有此四者。蓋聖人之 即 沛然若決 測 者 也 江 故 河

謂感人以誠,所覺者先,謂察理獨精

無事也,過化也,不藏怒也,不宿怨也 爲善」,「象憂亦憂,象喜亦喜」,皆行其 好問」, 「好察邇言」,「隱惡揚善」,「 與 所 人

而惡日遠,誠養心之要也 不加乎其身,所以養吾心之善氣而泯惡於無迹,善日滋 則惡稱人之惡而勿攻,若其惡不仁雖至,乃唯以自嚴 去,如天地雖有不祥之物 復留於胸中以累其神明,惡去而忘之矣。善則留 聖人之心,純一於善,惡之過乎前,●知其惡而已,不 而 不 以累其生成。 學者 知 ,惡則 此 丽

均矣。 舜之孝, 湯武之武,雖 順 逆不同,其爲不 幸

> 瞍 底豫,順也; 桀放 、紂誅 逆 也

明庶物, 察人倫,然後能精義致用,性 其仁

而 行。

之。 終至於底豫,所謂性之也。 之間,無非曲盡其爲子之義。 舜惟一 天下將歸 率其所生之性而審於親疏輕重之辨。 ,皆不足以易其 故坦然行之,無所憂疑 不無慕 · 而 言 動 故人悦 舉 前 念

如是。 湯放 桀, 有 德 而 不 敢 赦,執 中 之 難 也

權衡難定,故雖決於奉天討罪,而慚終不釋。 乎天,而於己君臣之義有所不安,擇於二者之中, 欲赦之則可無慚,而負上帝求莫之心,欲不 ·赦則 重之 順

天下有道而已,在人在己不見其有間 也

至於不幸,雖聖人難之矣。 己私而可無慚於天下,曲折以合於義,所謂反之也。 無道爲有道,與天下之賢者共治之,而昔之致討 立賢無方」也如是。 乃其得天下以後不以己意行爵賞,明其本志唯在 明物察倫以安於仁,

有罪,非

化

「乎」。各本作「於」。

之理

所

以

配

至德,非湯武之所幾及也

「立賢無方」,此湯所以公天下而不疑,

義而己私勝也。 位之心,故天下安之。漢誅功臣,宋削藩鎮,皆昧屈伸之位之心,故天下安之。漢誅功臣,宋削藩鎮,皆昧屈伸之

舊注:「周公」上疑有「坐以待旦」四字。周公所以于其身望道而必吾見也。

皆不可揜,惟帝擇而命之,己不敢不聽。赦,既已克之,今天下莫非上帝之臣,善惡「帝臣不蔽」,言桀有罪,己不敢違天縱

武王。 不倚親臣 君,其公天下之心如是。 湯放桀而不即自立 爲 藩 衛 如周 之監 ,欲唯天所命、民所歸而戴之爲 所以既有天下之後,立賢無方, 一般,張 子以此 獨 稱 湯 愐

之臣故爾。 文王之生所以縻繫於天下,由多助於四友「虞、芮質厥成」,訟獄者不之紂而之文王。

縻繋,謂爲人心所繫屬,●文王無求天下歸己之心.

以杞包瓜,文王事紂之道也。乃四友之臣宣其德化,而天下慕之爾。

杞,杞柳爲筐也。瓜易壞者,包槭而藏之,使

厚下以防中潰,盡人謀而聽天命者與急壞。

及與 矣。 願也,斯其所以爲仁至義盡,而 敢動,厚集其勢,防中潰之變,所爲盡人謀 文王受西伯之命,以 必天命之不可延而後武王伐之,天之命也,非己所 紂之無道極矣,周 德威鎮天下,故文王不興師,天下不 雖不伐,天下必 執中無難 有 非 起 以 湯武之所 而亡之者。 延商者至

冥契天德而萬邦信悦。上天之載,無聲臭可象,正惟儀刑文王,當

者也。天之聰明自民聰明,故萬邦作孚爲契天之驗。文王之德,天德也,故法文王即合天載,求諸有可效

心存文王之所以爲文,則神明之德在矣。故《易》曰:「神而明之,存乎其人。」

不以聲色爲政,不革命而有中國,默順帝

·「謂爲人心」,各本作「爲人」,疑有脱誤

則而天下自歸者,其惟文王乎!

民志者,皆積中發外,因時而出,天下自悦而信之。動無不誠,●而不於號令施爲求民之從。其順帝則以孚動無不誠聲色爲政者,非廢聲色也,有其心乃有其事,則

焉而已。 可願可欲,雖聖人之知,不越盡其才以勉

爲,人道盡而帝則順,屈伸因乎時也。越,過也。聖人之願欲廣大,而不過盡其才之所可

願有欲,不能窮其願欲。衆,修己安百姓,堯、舜病諸。是知人能有故君子之道四,雖孔子自謂未能,博施濟

有願欲而欲窮極之,墨、釋所以妄而淫。

富,衆也,賢才出,國所以昌。 一周有八士」,記善人之富也。

婉則譎,直則正,故君子之道恒剛,小人之道恒柔,重耳婉而不直,小白直而不婉。

剛以自遂,柔以誘人。

遂併壞其法,故必再變而後至於道。 魯政之弊,馭法者非其人而已,齊用管仲

者,先王禮樂刑政之大經,如《中庸》所謂「九經」是也。理不熟,既變其法,又待其人,必再變而後習而安之。法法存則待人以修明之而已,法壞而欲反之於正,條

而獨不智於仲尼,非天命耶!
孟子以智之於賢者爲有命,如晏嬰智矣

於不智,宜矣。山奚藻棁爲藏龜之室,祀爰居之義,同歸

●「動」,各本作「物」,疑誤。

之所在,則與祀海鳥之愚同。龜雖神物,而神非以其形也,媚其形器,不足以知神

母,不害使之義。禮樂不興,僑之病與!使民義,不害不能教當作養。愛猶衆人之

有君子之道,言已得其道而惜其未成也。而化之道,則禮樂之興達此而行爾。病而未能,故謂其而化之道,則禮樂之興達此而行爾。病而未能,故謂其

勢而利其有,然後能忘人之勢。獻子者忘其勢,五人者忘人之勢,不資其

所求,則見有道而已。 人之勢於己何有,而不忘之,必其資而利之也。無

賤矣。 若五人者有獻子之勢,則反爲獻子之所

己忘之而人顧不能忘,此流俗之所以可賤也。

諸侯祀境内山川,而社稷爲群祀之主,則顓臾必供中矣,雖非魯臣,乃吾事社稷之臣也。❷嗣臾主祀東蒙,●既魯地,則是已在邦域之

川」,則作「祀」是。「祀」,草堂本以下各本作「事」。按注「諸侯祀境内山

0

0

於魯」,故爲「事社稷之臣」。各本脱誤。「事」,草堂本以下各本無此字。按注「顓臾必供祀事

校删去。「明矣」上,草堂本以下各本有「可」字,中華本已據周

一0七

八八

張子正蒙注卷六

篇

三十器於禮 非 强 立之謂 也

其用之謂器,無動非禮 ,則立人之道 盡

四 十精義致用,時 措 而 不 疑

禮之所自出,義之當然也,精之,則盡變矣。

五十窮理 盡性,至天之命,然不可 自謂之

至,故曰知。

受於天者盡,而天之神化,吾皆與其事矣。 神而爲吾性之所固有,窮極其至,一本而 一人自謙之辭。知 義者因事而措 理,則 ,猶與聞 其合一之原也。 萬殊 理 不 原於天化之 可謂至者 ,則吾之所

六十盡人物之性,聲入心通。

合天之化而通之於物理,則人物之志 欲 情 理 知

入心通,不待形見而早有以應之。

其所自

而 隨 感即

通,

處之有道矣。

物之相

感

也莫

如

聲

七十與天同德,不思不勉,從容中道

誠,此所以異於 非理之所昭著。 成形成色、淪浹貫通於形色之粗,無非氣之所流 學而上達,知我者其天乎!」天之爲德,不顯於形色, 以精其義,萬事萬物無不會通於至一之變化,❶故曰「下 道 察、行不著也 自成,則以執禮精義爲上達之本。 相爲體用之實也; 窮理盡性之熟也。 異端之虚而 聖功以存神爲至,而不舍形色以 而形而上之道麗於器之中 聖功之極致,與天合德,而 無實 ,自謂 蓋禮,器也,義,器 神 而 實則 行 則即 則 習 盡 其 所 其 無 與

常人之學,日益 而 不 自知 也。

0 [一],金陵本以下各本作「誠」。 此則見突兀矣。 形成色「無非氣之所流行 言理「則其合一之原」、理「一本而萬殊」,此段又言成 本,則此「誠」字殆金陵本編者之臆補。 於板片邊角,漶漫不可辨識, 萬事萬物無不 通 於至 ,則無非理之所昭著」,皆與 之變化」一致,「誠」字於 而金陵本所據者 按學署本此 又按上注文 字 或 即此 適 位

,則必有益矣; 聞見之力忽生其心,故不自 知 其 所

以益。

仲尼學行習察,異於他人,

誠於得而明自誠生也。● 自然合道,而所志者天德,聞見日啓而不恃聞見以知,皆 學則行之而無所待,習則察其所以然,是其聖性之

盛 故自十五至於七十,化而知 者與! 裁,其德進之

習皆上達之資,則作聖之功當其始而已異。 得失不能自保,而以天德爲志,所學皆要歸焉,則一學一 盛,殆繇此與! 習,而參伍以盡其變,故不執一德而 誨之不同,學者辨之。 學而行,無滯於行,則已行者化, 蓋循物窮理,待一旦之豁然,賢者之學, 裁成萬理, 習而察,則不執所 此張、朱學 德進之

重 耳 窮 順 天地之化,從心而不踰矩, 理盡性,然後至於命, ; 與天地參,無意、必、固、我,然後 盡人物之性,然後

日升,聖學以窮理爲之基,而與天地參者,灼見天地之 :,窮理之至也。 命,從心,不踰矩,聖德之效也。 有聖學而後聖德

老而安死,然後不夢周公。

王在上,於昭于天」,此之謂與「 化於天,無不安者,屈伸自然無所 此七十以後聖心之妙也。 範圍天地之化,則死 庸其志也。 《詩》日 而歸 文

從心莫如夢。

物無所感,自然而如其心之所志。

夢見周公,志也,

志則非時位所能爲而志之。

不夢,欲不踰矩也,

矩,天則也。範圍天地之化,屈伸行止,無往而不在

帝則之中,奚其踰

不願乎外也,

無往而非天理,天理無外,何踰之有!

順之至也,

於天皆合,則於物皆順。

老而安死也

順自然之化,歸太和絪縕之妙,故心以安。

「得」,各本作「德」。

一〇九

故 吾衰也久矣」。

衰將屈 神將伸也。

木 者之常也 而不 知變, 民斯爲下矣; 不待困 面 喻 督

未當處困 而屈伸動静之變有不察者。 而能喻乎道,賢矣。 然 因 常 而 常 則 喻 其

木 有德慧術知者存乎疢疾」,以 一之進人 也,爲德辨,爲感速,孟子謂「人 此

不待困 故曰其 困 不能速辨。 而後辨之,人情物化變而有常之理,亦惟困 困 而喻者,知其大綱,忘其條理 之中必有通焉,窮則變,變則通。不執一之道,惟 辨。 心 極於窮,則觸 變而即 ,因循故常, 通, 故 行其 「而後辨之。 感 感亦

自古 德日 孔子之聖 故 困 躋,必有人所不及知 日 於 内 而下學於 莫 無 我 如舜,困 知 也夫」,「知 困 ,則其蒙 於外 加 無 天獨知之者 如 難正志, 我 孔 者, 子。 其 聖 以

無生安之可恃而 不倚於學, 迫其神明以 與 道 合,下

> 研幾 感, 者以下 聖 聖 則處常而 啊。 學之事 功在是。 也 於極 義日精,仁日熟 情 也。 所知,唯 一意之發,嚴持其心,臨深履薄而 深而盡性 無所困 正志 故 知不 天屈伸聚散,運行於太和之中,●具 者, 者,將如之何? 待 於至隱,則 ,則從心不踰,困之所得者深矣。 正大經 困 而 喻 也。 者,雖賢於人,終不可至於 安利之境,不忘困勉之心, 境雖 變 mj 通 反於大經, 而 不使馳驅,以 一事一物之 此 非 理

立 動 斯立 神 而化也。 道 斯行, 綏 斯 來, 動 斯 和 從 欲

風

曲 容已者矣。 成 萬物者通 存禮樂刑政之神而達其用。 理 則民有不自知其 以 所以然, 盡 人物之性,與天之 丽 感動 於不

仲尼 可 忘爲東周之意, 使其 知 生於周,從周禮,故公旦 繼周 而 王,則 一法壞, 其 損益 寐

0 和」,各本作「極」。

周人則志周禮,繼周王則且必變通之。禮隨時爲損益,義之所以精也,中道也,大經也。爲

述集溺之意,所言亦近是。滔滔忘反者,天下莫不然,如何變易之?

隱者,道不遠人,且聖人之仁,不以無道必「天下有道,丘不與易。」知天下無道而不

天下而棄之也。

人之耳目,自盡其化而已。 忍棄之。天不以嚚訟而奪小人之口體,不以淫邪而奪小月而魯大治,非孔子與以所本無也。即不我用,聖人不月而魯大治,非孔子與以所本無也。即不我用,聖人不

貧,無從以得之。 矣,及德備道尊,至是邦必聞其政,雖欲仕矣,及德備道尊,至是邦必聞其政,雖欲仕仲尼少也國人不知,委吏、乘田得而食之仲良,不以事事,「雖有粟,吾得而食諸!」仁者先事後得,先難後獲,故君子事事則

「今召我者而豈徒哉」,庶幾得以事事矣,

人不能不食,雖聖人必以事食,不能不食,則不能而又絶之,是誠繫滯如匏瓜不食之物也。

心,則飽食終身,爲天地民物之累,亦尚知愧乎?事事,故急於事,不輕絶人。 此言雖淺,而學者以此存不能不食,雖聖人必以事食,不能不食,則不能不

先,謂未備物而急於行,後,謂備物而後行。禮樂不不待備而勉於禮樂,「先進於禮樂」者也,

可斯須去身,故急於行者不待物之備。

之極。君子、野人,以位言。治定制禮,功成作樂,聖人而在天子之位,乃建中和備而後至於禮樂,「後進於禮樂」者也。

謂「不願乎其外」也。終不可得而行矣,故自謂野人而必爲,所仲尼以貧賤者必待文備而後進,則於禮樂

189

素位行道,而無所待於大行。

功業不試,則人所見者藝而已。

功,●道不行則人但見其藝。功與藝有大小,而盛德之光藝,六藝也。聖人之德,非人所可測,道行則人見其

● 「道行」二字,各本脱。

輝不可揜,則一也。

至,則夫子之文章知其已矣。鳳至圖出,文明之祥。伏羲、舜、文之瑞不

不因隱見而損益,文章則不可見也。文章,謂制禮作樂、移風易俗之事。聖德默成萬物,

借人以乘習。魯禮文闕失,不以仲尼正之,如有馬者不

不曰禮文而曰「史之闕文」者,祝史所任,可乘,喻魯君不能正禮樂,當假夫子修習之。借,猶請也。謂馬未馴習,必假請善御者調習之乃

任之,「今亡矣夫」,嘆其終不可得而正矣。 淺近易知者且闕失之,況其大者!「猶及」,謂力能

儀章器數而已,舉近者而言約也。

師摯之始」,樂失其次,徒洋洋盈耳而

已焉。

有聲無律,則其音濫。

夫子自衛反魯,一嘗治之,其後伶人賤工

聖人俄頃之助,功化如此,「用我者期月而師以下,皆知散之四方,逾河蹈海以去亂。識樂之正。及魯益下衰,三桓僭妄,自太

可」,豈虚語哉!

聖人順大經而存神,故感人心之速如此。

「與與如也」,君或在朝在廟,容色不忘向

君也。

「君召使擯,趨進翼如」,張子自注:此翼如,左右在與與,相授貌。心盡乎君,則容色不貳。

宜自爲容。 向君而趨,如兩翼之夾身也。知非張拱者,近君不

君也。

「没階,趨進翼如」。張子自注:張拱而經

「進」字衍文。文同而義異,上以向君,下以自飭也。

賓不顧矣」,相君送賓,賓去則白曰「賓不

顧而去矣」,紓君敬也。

上堂如揖,恭也, 敬無所施而過於恭,則自辱

致 生於主, 君當盡其恭。 上堂如揖, 恭也;

下堂如授,其容舒也。

財以成用,當其可則義精矣。
冉子請粟與原思爲宰,見聖人之用財也。受命於君,己執圭而反於次,敬可少舒矣。

至,教之在我爾,不爲已甚也如是。聖人於物無畔援,雖佛肸、南子,苟以是心

自表異。
之性,在我者無不誠,不倚於物,故不爲已甚,絶惡人以之性,在我者無不誠,不倚於物,故不爲已甚,絶惡人以一畔援,君子必與君子爲類,交相倚也。聖人盡人物

中國之陋爲可知。「子欲居九夷」,不遇於中國,庶遇於九夷,

九夷之陋陋於文,中國之陋陋於心。

欲居九夷,言忠信,行篤敬,雖蠻貊之邦可

行,「何陋之有」!

聖人之化不可測,而大經之正,立誠而已矣。

栖栖者,依依其君而不能忘也。

疑微生畝之言,因孔子遲遲去魯而發。

固,猶不回也。

執一往之念, ●去則不可止。

仲尼應問,雖叩兩端而竭,

即下學之中,具上達之理。

以其知變化也。然言必因人爲變化,所貴乎聖人之詞者,

而施之教,未嘗不竭盡上達之旨矣。所自蔽,因其蔽而通之,變化無方而要歸於一,是其因人所自蔽,因其蔽而通之,變化無方而要歸於一,是其因人

惲卑以求富,求之有可致之道也,「富而可求也,雖執鞭之士,吾亦爲之。」不

此小人之設心則然。

曲論小人,使知返而自安於命。 然得乃有命,是求無益於得也

愛人以德,喻於義者常多,故罕及於利,

D.「一」下,各本有「必」字。

聖人之徒,正義而不謀利,無庸復與言利。

盡性者方能至命,未達之人,告之無益,故

不以亟言;

仁大難名,人未易及,故言之亦鮮。 求道於天,而不求道於己,無益於進德。

言之,則倚於一曲而不全。 盡天下之理,皆吾心之惻然而動,不容已者, 執事以

復行」, 顔子於天下,「有不善未嘗不知,知之未嘗

因人之不善以自警,則終身不行 誠立而幾明,則自 知審,而即以驗天下,無不 ·知也;

故怒於人者不使加乎其身,愧於己者不 貳之於後也。 輒

學之實。 日不遷。 人有不善,則怒之矣,己不效尤,不使人將怒己,故 貳,猶復也。 此顔子力行之功,故夫子許爲好

顔子之徒,隱而未見,行而未成, 未仕,故道不達,早亡,故所求之志未竟。

故曰「吾聞其語而未見其人也」。

所以知此爲顏子之類言者,以用行舍藏知之。

龍德而隱,故「遯世不見知 用則行,舍則 藏,惟我與 爾有是夫。」顏 丽 不悔」,與聖

者同。

學,故道同於聖。 學,見龍之德也,可 學以聚之,問以辨之,寬以居之,仁以行之,顏子之 以利見,而時在潛則潛。 所學者

龍德,聖修之極也;

顏子之進,則欲一朝而 修之極而聖德純,則屈 伸一 至焉,「可謂好學也 致 而 六龍可 御

已矣」。

善; 近小自期,非學也

所謂大其心則能體天下之物也。

大學之道,止於至

「回非助我者」,無疑問 大其心而正大經,則雖所未知,而聞言即貫,無疑 則

也

0 下文「用則行,舍則藏」,知底本爲佳。 「以用行舍藏知之」,各本作「以用舍行藏知之」。

者矣。 有疑問,則吾得以感通其故而達夫異同

曲盡教思之無窮,然非學者進德之實益。 待教而喻,雖達異同,其所達者猶有方也。聖人因問而待教而喻,雖達異同,其所達者猶有方也。聖人因問而

必教之,惟損益三代,蓋所以告之也。「放鄭聲,遠佞人。」顏回爲邦,禮樂法度不

但告之損益而已。皆現成之辭,是其度數文章,顏子皆已知之,不待詳教,皆現成之辭,是其度數文章,顏子皆已知之,不待詳教,「三」,當作「四」。言行,言乘,言服,《韶》舞言則,●

人能使爲邦者喪所以守,故放遠之。法立而能守,則德可久,業可大,鄭聲、佞

可久可大之道,純王之德也。

之純一,而淫邪之微疵必謹,則君心一,百官正,風俗醇,慮而姑置之,終爲盛德之累,且潛移風會而不知。唯守慮而姑置之,終爲盛德之累,且潛移風會而不知。唯守

天下有道則見,無道則隱」,「君子疾没世

張子正蒙注卷六

而名不稱」,

二者疑於不相通。

蓋「士而懷居,不可以爲士」,必也去無道,

就有道。

去之。春秋之世,諸侯之國皆可仕,故不當懷土重遷而必

道,然後窮居獨善,不見知而不悔,遇有道而貧且賤,君子恥之。舉天下無

夫子所以周流列國而後反魯以老。

顔回「唯我與爾爲有是」也。 《中庸》所謂「惟聖者能之」,仲尼所以獨許

無我之至,龍德而時中,夫子聖而顏子以此爲學。

子路所友,必其賢也,樂人之善,外見之仁也。仲由樂善,故車馬衣裘,喜與賢者共敝,

美」,是「則」爲實詞,猶言「法」也,當以底本爲是。底本同。按《論語》「樂則《韶》舞」,朱註「取其盡善善則」,而以「則」字屬下爲句,未知所本。其他各本與則,而以「則」字屬下爲句,未知所本。其他各本與

0

顔子樂進,故願無伐善施勞,

仁也。 仁也,不見有可伐可施,樂己之進無窮,內修之

聖人樂天,故合內外而成其仁。

無非天,顏子所欲進者此,而未逮爾。者至,老安,友信,少懷,外及於物者弘。合人於已而已天者,理之無間者也。安之,信之,懷之,内盡於己

爻卦盛德,適能是而已焉。《易》所謂「利用折獄」、「利用刑人」,皆非然諾,言爲衆信,故「片言可以折獄」,如子路禮樂文章,未足盡爲政之道,以其重

就,皆非盛德事。 噬嗑齧而合,非天理之自然,蒙三未出乎險,聖功不

業於戰國之世,●此所以潛見之不同。 顔淵從師,進德於孔子之門,孟子命世,修

犂牛之子雖無全純,然使其色騂且角,縱因時爲位,無成心以執一,所以爲善學。 由此,世無人而己任責於天也。二子皆學孔子,而

不爲大祀所取,

大祀謂郊廟。

次祀小祀終必取之,言大者苟立,人所不

棄也。

司、赦小過」意同。 大者,大節不失也。此教仲弓以用人之道,與「先有

有 德 篇

身心之用,誠學者所宜服膺也。此篇亦廣釋《論》、《孟》之義而開示進修之方,尤切

而不亡。 言以垂世立教,興起天下而天下賴之,聖賢所以「有德者必有言」,能爲有也;

死

「志於仁而無惡」,能爲無也。

不以己私累天下,天下無所損,安而忘之。張子此

● 「世」,草堂本以下各本作「際」。按中華本《張載集

亦作「際

是人類之狼蠆也。言,以警學者至矣。縱欲趨利,則天下求無其人而不得,

行修言道,則當爲人取,

道,順於道也。取,取法也

不務徇物强施以引取乎人,故往教妄説,

皆取人之弊也。

往教之弊,終於妄説,枉己者未有能正人也。不可與言而與言,必姑屈其説以誘使企及,成乎妄矣。君子之教,思無窮而道在己,則有志者自來取法,若

徑信其小者。 「言不必信,行不必果」,志正深遠,不務硜

反大經則正,達天德則深,循大常則遠。

解取達意則止,多或反害也。

身被困辱,不徇人以非禮之恭,寧孤立無君子寧言之不顧,不規規於非義之信,寧

禮節之也。助,不失親於可賤之人。三者知和而能以

以節和而不流。也。以禮節之者,以禮立身,雖不與世侮而終不枉己,所也。以禮節之者,以禮立身,雖不與世侮而終不枉己,所也。以禮節之者,以之辱。不擇人而與親,所以和天下

之。他皆放此。語》、《孟子》發明前文,義各未盡者,皆挈與上有子之言,文相屬而不相蒙者,凡《論

挈,相引而及也。

德主天下之善,

歸,偏見自得之善,非德也。● 主,所要歸也。 德得於心,而必以人心之同然者爲

善原天下之一。

者矣。用者也。若隨其偶感之幾,立異同以成趨尚,則有不善用者也。若隨其偶感之幾,立異同以成趨尚,則有不善道自然之化,陰陽相感,剛柔相劑,仁義相成,合同而利原,所從出也。天下者,萬事萬物之富有,而皆原天

D·「德」,各本作「善」。

七

善同歸治,故王心一 ş

定也。一者,括萬理而貫通之。 期於善天下而已。張弛質文,善不同 而同治,王心

言必主德,故王言大。

執見聞以爲我,私偏尚而流於霸功也。 物之理、全備而貫通之、故隨時用中,一 法則。此言王者之心,本於一原而散於萬有,體天地民 之同得,則言約而可以統博,推之四海,垂之百世,咸爲 政教號令,因時因事,而皆主於心之所得以感人心 致而 百慮,異於

言有教,

言皆心得而可爲法則

動有法,

動審乎幾而 不踰乎閑

晝有爲,

日用皆察著而力行之。

宵有得,

静思以精義。

息有養,

物無時不相引,而静正以養之,勿使牿害。

瞬有存。

逸輕安,流入於釋、老之虚寂, 逮其下流,則有如近世 其太迫。然苟息心以静,而不加操持嚴密之功,則且放 之實修,特著之以自考而示學者。其言嚴 心易出而外馳,持理勿忘以因時順應。此張子自 切,先儒 或 王

必當以此爲法。

畿之徒, 汩没誕縱, 成乎無忌憚之小人。故有志聖功者,

君子於民,導使爲德而禁其 於愚者之道與禮。 謂道民以言,禁民以 爲非,不 大望

行,斯之謂爾。

禁,但修之己者,言可法,行可則,以示民而感之使善。 文義未詳,疑有闕誤。大略謂不過望愚民而嚴爲之

無徵而言,取不信、啓詐妄之道也 以意度之,以理概之,雖其説是而取人不信,且使許

妄者效而造僞説以誣世。❶

杞、宋不足徵,吾言則不言, 得其大指,可以義起,而終不言。

0 「效」下,草堂本以下各本有「之」字。

周足徵則從之。故無徵不信,君子不言。

修)辭立其誠」也。 言天者徵於人,言心者徵於事,言古者徵於今,所謂

便僻,足恭,善柔,令色,便佞,巧言。

作「辟」。 莫善於勝己。 無識者取友,取此而已。故君子擇交,莫惡於易與 己不逮而惡人之驕,自棄者也。「僻」,當

節禮樂,不使流離相勝,能進反以爲文也。

節自著,故樂之不厭。 成章,習其數,●精其義,得其合同而化之,神斯須不去而 之,則無隨物以靡、往而不復之傷。蓋禮樂互相 於爲善,然必反以爲文者,收斂神情,如其自得 則無强制不安而難繼之憂。樂主乎盈,以舒志氣而使樂 使不過,然必進以爲文者,鼓動其懽忻暢達之情以行禮 流於彼,則離於此矣。禮主乎減,所以裁抑形神而 者而樂 爲 節 而

、樂,侈靡; 宴樂,宴安。

安,安則愈不知戒懼。 其氣驕者其用物必侈,侈則愈驕; 其心好樂者必偷

言形則卜如響,

言形,謂可明言所疑,❸使卜人正告鬼神,無暗昧 不

可言之隱。 是知蔽固之私心,不能默然以達於性

以

與

天道。

明若昧,無繇測性天之實也 拳、竪拂同其詭閥,蓋弗能洞開心意以通極乎天則,故若 言者,卜而神不告也。陸、王之學多所秘藏,與釋氏 性天之廓然大公、昭示無隱者相違,亦猶懷私而不能 天違之隱,不得已而託於默以自匿,是其求明之心,早 利欲所蔽,雖有測度性天之智而爲所固隘,必且有意 性者,神之凝於人,天道,神之化也。 蔽固者爲習氣 與 與

人道知所先後,

謂篤親不遺舊。

- 安」,各本脱 習」、各本脱。
- 言之隱」,則以「明」爲是。 明」。各本作「名」,雖亦可解,然觀下文「無暗昧不

九

而歸厚矣。則恭不勞,慎不葸,勇不亂,直不絞,民化

通,而義各有指,不可强合,此則張子之小疵。說,而於文義未安。❶ 蓋聖賢之言,推其極無不可以貫說,而於文義未安。❶ 蓋聖賢之言,推其極無不可以貫大經正則自得其和矣。 合二章爲一,亦挈前文之

膚受,陽也,其行,陰也。

象生,法必效,故君子重夫剛者。以膚受激烈明愬,其迹陽也,陰而隱,其情陰也。

象,此陰陽之序,善惡之幾,君子所必審察也。矣。必言象法者,以凡人未有事而心先有其始終規畫之成爲。必言象法者,以凡人未有事而心先有其始終規畫之成爲。必言象法者,以凡人未有事而必先有其始終規畫之成爲。必言象法者,以凡人未有事而必失,心柔則事必不剛也。

歸罪爲尤,罪己爲悔。

言寡尤」者,不以言得罪於人也。人歸罪於己爲尤,己既失而追自咎爲悔。

己所不欲,勿施於人」,能恕己以仁人也。

恕己,猶言如己之心。

· •

在邦無怨,在家無怨」,己雖不施不欲於

反仁,反禮而已。此仁者存心之常定也。人,然人施於己,能無怨也。

敬而無失」,與人接而當也,

親疏尊卑各得其分誼。

恭而有禮」,不爲非禮之恭也。

恭以自靖,非徇物也。

「畜君者好君也」。 聚百順以事君親,故曰「孝者畜也」,又曰

」「文」,各本無此字。

❷ 「養君」,劉氏鈔本作「養親」,草堂本以下各本作「引君」。

事父母「先意承志」,

則承之以行而無違。 意將動而先知之,則順其美而幾諫其失, 志之所在

故能辨志、意之異,然後能教人。

已,意則無定而不可紀。善教人者,示以至善以亟正其 持其志以慎其意,聖人純乎志以成德而無意。蓋志一而 可易者也。庸人有意而無志,中人志立而意亂之,君子 可從分矣。意者,乍隨物感而起也,志者,事所自立而不 所就而不肖者莫知所懲,教之所以不行也。 之已發,或趨於善而過獎之,或趨於不善而亟絶之,賢無 志,志正,則意雖不定,❶可因事以裁成之。不然,待其意 因禮文而推廣之。於意言先,於志言承,則可從不

藝者,日爲之分義,涉而不有,

過而不存,

得不居功。

不恃才而數爲之。

故曰「游」。

所依者仁而已。 藝者, 仁之迹。

身不徒出,道隨以行。

天下有道,道隨身出,

不見有身。

天下無道,身隨道屈

道不可行,身必隱也。

此謂愛身以愛道、見有道而

懷則有所從違而不安。

「安土」,不懷居也;

有爲而重遷,無爲而輕遷,皆懷居也。

於一往而去之。

有爲重遷,爲利所縻也, 無爲輕遷、非義所當去,激

述,老不安死,三者皆賊生之道也。 「老而不死,是爲賊。」幼不率教,長無循

欲寧神静氣以幾幸不死。原壤蓋老氏之徒,修久視之術 生,不屈則不伸,故曰賊生。 屈伸,自然之理,天地生化之道也。欲干天化以偷 率教、循述,以全生理,安死,以順生氣。老不安死,

樂驕樂」則佚欲,

0 「定」,各本作「立」。

凡侈皆生於驕也。

「樂宴樂」則不能徙義。●

偷安則以義爲繁難而外之,莊、告是也。

「不僭不賊」,其不忮不求之謂乎!

平,則動皆無咎。 不忮,則不越分而妄作,不求,則不損物以利己。心

之,不可勝用。 也。惻隱,仁也,如天,亦仁也。故擴而充也。惻隱,仁也,如天,亦仁也。故擴而充不穿窬,義也,謂非其有而取之曰盜,亦義

遺,知天性之在人,大而無外,知人之可達於天。 仁義之全體具足於性,因推行而有小大爾。 小者不

自養,薄於人,私也;

厚於人,私也;

欲希衆而要譽。

有意忘物。

當作「財」。

隨其等,無驕吝之弊,斯得之矣。

厚人者驕,自厚者吝。君子之用財,稱物平施,心無

繁焉爾。

罪己則無尤。

引過自責,盡仁盡禮,尤之者妄人而已,不足恤也。

困辱非憂,取困辱爲憂;

以取困辱爲憂,則困辱不足憂矣。

榮利非樂,忘榮利爲樂。

有道則若固有之。

事客可虛略? 「勇者不懼。」死且不避,而反不安貧,則其

勇將何施耶? 不足稱也,

以死而受萬鍾。勇之所施,施於所欲而已。勇莫勇於自人有氣誼所激,奮不顧身,而不能安貧者,不受嘑蹴

「仁者愛人。」彼不仁而疾之深,其仁不足

制其欲。

● 下「樂」字,各本作「安」。中華本《張載集》同。

必内篤其仁而後愛以溥。❷可疾惟其不仁,而我疾之甚,則自薄其愛,人將疾我矣。 思死與貧之孰重孰輕,則專致其勇於義矣,思彼之

者反乎爾」,理也; 擠人者人擠之,侮人者人侮之。「出乎爾

不仁、無理者所應得。

勢不得反,亦理也。

自盡容物之理。 反則成乎相報無已之勢,自反而無難於妄人,君子

克己行法爲賢。

退,行法之事也。 不以榮利失自守之道,克己之事也。審其宜而進

樂己可法爲聖。

自有其樂,進退屈伸因時而不累其心,皆得其中,允

爲行藏之法。

聖與賢,迹相近而心之所至有差焉。 「辟

世」者依乎中庸,没世不遇而無嫌,「辟地」者也是有不同。

「賢者」、「其次者」爲異,故曰迹相近而心無難道,樂以忘憂,則見幾自明。故曰「知幾其神乎」!
純乎道,樂以忘憂,則見幾自明。故曰「知幾其神乎」!
解世辟地,雖聖人亦同,然憂樂於中,與辟世辟地,雖聖人亦同,然憂樂於中,與於世路時時,雖是人亦同,然憂樂於中,與於明天,「辟路」者遠恥於將形,「辟路」者

賢者未免於憂,自克而已,聖人樂天,雖憂世而不以

爲悶。

君慎於進賢,非各也,士慎於自進,非驕也。天位天有序,易進而難退則亂也」相表裏。意,與《表記》所謂「事君難進而易退則位「進賢如不得已,將使卑踰尊,疏踰戚」之

● 「率」,各本作「卒」。按底本先亦作「率」。

「鶯」字而重「篤」字。

非 所得私,君臣交慎 ,則天理順 而人能畢效矣。

職

慤而後智能焉。」不慤而多能,譬之豺狼不 「弓調 而 後求勁焉,馬服 而後求良焉,士 必

恒 心也,小人之誤國而賣友者 君之取士,士之取友,以此求之則不失。 唯無恒 而已。 慤者,人之 可近

谷神能象其聲而應之,

谷之虚而能應者曰神。象其聲,無異響也。

非 謂能報以律吕之變也, 虚應物而能象之,彷彿得其相似者

以

律吕之變,不能合同於異,盡情理之微也。

謂 同聲相應」是 也 猶

卜筮叩以是言則

報

以

是物

而

已、《易》所

神之有方者,非能變者也

王 弼 謂 「命吕者 律」, 語 聲之變,非此之

謂 也。

清濁洪細之不同,合異而同, 命,猶倡 也。 律倡之, 吕和之, 而聲之變乃備。 變乃可盡。 故孤陽不生,獨 律吕

> 也。 量不宏,以谷神爲妙用而不以誠也。 取友之無黨,高明沈潛之相濟 大中之理,仁義不倚。 陰不成,至清則隘,❶至和則不恭; 若應所同而違所異,則小人之道矣。 君子之道,出處語默之不齊,命官 ,中道之矩,神化之所以行 太和之氣,健 惟其中 順 不 偏

行前定而不疚」,光明 也。

前定者,非執一而固必之,正大經以應天下 ",昭

人喻之。

大人虎變,夫何疚之有?

大經正而萬變皆載其威,神行 不 同而 心則 , 所 以

不疚。

而已。

不能窮

不患爲政難,患民 言從作义,名正,其言易知,人易從。 難 喻

之筆削 立誠,聖人有其難其慎者,詳則多疑,略 德禮之精意,民不能知,挈其要以定大經。 ,游、夏不能贊一辭 ,以此。 則 不 喻 故修辭 春

秋

0 健順不偏,大」十七字,恰爲底本之一整行。 至」下,各本皆脱「清則隘,至和則不恭,

有 司 篇

有司,政之綱紀也。 素習其事,則大綱具悉。

始爲政者,未暇論其賢否,必先正之,

正其職掌。

求得賢才而後舉之。

緩也。 病、我既習知、人之賢否、無所混匿 任有司而徐察之,知其賢不肖而後有所取舍,則事之利 心,而新進浮薄之士驟用而不習於綱紀,廢事滋甚。惟 爲政者迫於有爲,急取有司而更易之以快 此遠大之規存乎慎 時之人

爲政不以德,人不附且勞。

張子正蒙注卷七

善而拂人之性。■

勞,爲民擾也。

不本 諸

心得之理,非其

至當,法

欲之物賞子,使竊其所不欲,子必不竊。 民盜,能使無欲則民不爲盜。 「子之不欲,雖賞之不竊。」欲生於不足則 假設以子不

欲,而盜必息矣。

故爲政者在乎足民,使無所不足,不見可

已足而無妄欲,即養以寓教,民不知而自化矣。 田疇易,税斂薄,則所可欲者已足,食以時,用以禮

不倦。 爲政必身倡之,且不愛其勞,又益之以

民偷。 以乾乾夕惕之心臨民,則民化, 以無爲清静自逸,則

天子討而不伐,諸侯伐而不討」, 自合六師曰討,奉詞合衆曰伐

0 「法」,各本無此字。

故雖湯、武之舉,不謂之討而謂之伐。

奉之命,必正告諸侯,衆允而後連師以伐。 「伐夏救民」,「燮伐大商」,皆曰「伐」,是也。雖無可

陳恒弑君,孔子請討之,

聖人於名必正,不輕言討,必有所據。

胡氏曰: 先發後聞可也。 此必因周制鄰有弑逆諸侯當不請而討。

定乎! 湯十一征,非賜鈇鉞,則征討之名至周始孟子又謂「征者上伐下,敵國不相征」,然

授,故使什而自賦其一也。使自賦」,郊門之内通謂之國中,田不井「野九一而助」,郊之外助也。「國中什一

境矣。 也。郊,近郊。滕地方五十里,三十里外之遠郊,非其也。郊,近郊。滕地方五十里,三十里外之遠郊,非其也。郊九一、賦什一者,助則公田之耕具種饁,❶皆上給

> 已爾。 如是則 愛人,❷使民以時」,言能 道千乘之國」,不及禮樂刑政, 法不徒行,禮樂 如 刑 是則 政 亦 而云 法 制 不能?,不能 「節 數 而 用

刑不濫,制數皆藉此以行。慈儉存於心,萬化之原也。③節用,禮之本,愛人,樂之本,使民以時,則政簡而

事得其理曰治。國不治,雖富而國富而不治,不若貧而治,

「必危。

大而不察,不若小而察。

- ●「具」,劉氏鈔本、草堂本、學署本同,草堂本、學署本原具」,劉氏鈔本、草堂本、學署本同,草堂本、學署本
- 此字。
 此字。
 此字。

6

必

不附。

報者,天下之利,率德而致。

自有德於人,不求報而自致。

善有勸,不善有沮,皆天下之利也。小人

私己,故利於不治,

治,明辨也。德怨不報,苟利目前而已。

君子公物,利於治。

德報怨爲小人之術。 使天下樂於德而憚於怨,與人爲善之公也。 此明以

大 易 篇

鬻術射覆之俑者迥異,❶切問近思者所宜深究也。以流於術數,則與邵子自謂得伏羲之秘授,比擬分合,爲相爲發明,而窮神達化,開示聖學之奧,不拘於象數之末詁,而皆必合於道。蓋張子之學,得之《易》者深,與周子詁,而皆必合於道。蓋張子之學,得之《易》者深,與周子計,而皆必合於道。蓋張子之學,得之《易》者深,與周子

《大易》不言有無,言有無,諸子之陋也。

無所謂無,而人見爲無者皆有也。 爲真空之藏,猶瞽 恒伸,而成乎形色者有屈。 滅也, 自明而之幽爲屈, 自幽而之明爲伸, 運於兩間者 適主,化無定則,不可名之爲極,而實有太極,亦以明 和而富有日新之無所缺也。若周子之言無極者,言道 以爲緼,明以爲表也。 無陽,陽處於幽也,剥、復之陽非少,夬、姤之陰非微,幽 備而錯綜以成變化爲體,故乾非無陰,陰處於幽也,坤非 而決言之曰無,陋甚矣。《易》以乾之六陽、坤之六陰大 之力窮,而非理氣之本無也。老、莊之徒,於所不能 明有所以爲明,幽有所以爲幽,其在幽者,耳目見 者不見有物而遂謂無物, 故曰「《易》有太極」,乾、坤合於太 彼以無名爲天地之始,滅 屈伸者,非理氣之生 其愚 不可 見 夫 聞 杰 無

惡也。《易》語天地陰陽,情僞至隱賾而不可

神化雖隱,變合雖賾,而皆本物理之固然,切生人之

. 據周校補此七字,然將「爲」字誤作「有」。 「爲鬻術射覆之俑」,草堂本以下各本均脱。中華本

利用,故不可厭惡。

諸子馳騁説辭,窮高極幽,而知德者厭

故言爲非難,使君子樂取之爲貴。

益於學,則君子樂取之。可以通天下之志,成天下之務,盛德大業資焉,而有

柔,質也,而謂之地,仁義,德也,而謂之人。《易》一物而三才:陰陽,氣也,而謂之天,剛

隱而陰陽分,有奇有偶而剛柔立,有得有失而仁義審,體一動,則人所以體天地而成人道也。《易》備其理,故有見有類,剛柔具體可以待用,載氣之清濁柔强而成仁義之用凡氣之類,可養而不可强之以消長者,皆天也,凡質之凡氣之類,可養而不可强之以消長者,皆天也,凡質之凡氣之類,可養而不可强之以消長者,皆天也,凡質之不如。故心,載其神理以善用,則爲仁義,皆太極所有之才也。故心,載其神理以善用,則爲陰陽,在質則爲剛柔,在生人之德而陰陽分,有奇有偶而剛柔立,有得有失而仁義審,體一數,則人所以體子如而成人道也。《易》備其理,故有其理,以以成乎用者也。一物者,太和絪縕合同之體,含

名,而無實不能有名,無理不能有實,則皆因乎其才也。物以盡三才之撰也。「謂之」云者,天、地、人亦皆人爲之

《易》爲君子謀,不爲小人謀。

若《火珠林》之類,有吉凶而無善惡,小人資之謀利,

朱子取之, ❸竊所未安。

故撰德於卦,

其餘乎! 貞雖或凶,未有言利不貞者也。 不但言吉凶,而必明乎得失之原,乾且曰「利貞」,況

雖爻有小大,

及繫辭其爻,必諭之以君子之義。陰過爲小,陽勝爲大,失其時位,則得失殊矣。

五,陰僭之極,而告以「貫魚」之寵,●《姤》之九二,比匪有小人之爻,而聖人必繫以君子之辭。●《剥》之六

-) 「朱子」,草堂本以下各本皆作「君子」,疑因諱而改。) 「歸」,各本作「終」。
- ●「繋」下,各本有「之」字。
- 寵」、《姤》九二「不利賓」、「及」當作「利」。告以「不及賓」」十六字。按《剥》六五「貫魚以官人●「貫魚」下,各本脱「之寵"、《姤》之九二,比匪之甚,而

惡也。計功,盜賊可以問利害,乃小人徼幸之術,君子所深計功,盜賊可以問利害,乃小人徼幸之術,君子所深人知懼,不徇其失而以幸爲吉。若《火珠林》之類,謀利之甚,而告以「不及賓」之義。或使君子治小人,或使小之甚,而告以「不及賓」之義。或使君子治小人,或使小

道,性之立也。 象之成也,剛柔地道,法之效也,仁義人一物而兩體,其太極之謂與! 陰陽天道,

也。 化言之,則陰陽因動静而著,若其本有爲所動所静者,則 以 陰陽各有其體,而動 而爲性,則有仁有義, 侕 :非從呼吸之一幾測理之大全也。 函陽,動則陽氣伸以盪陰,陰陽之非因動静而始有,明 故曰兩體,不曰兩 故謂「太極静 成而爲象,則有陰有陽,效而爲法,則有剛有柔, 而生陰,動而生陽」。 静者乃陰陽之動静也。 皆太極本所並有,合同而化之實體 用。 此張子之言所以獨得 自其動幾已後之 静則陰氣聚 其 1/.

三才兩之,莫不有乾、坤之道。

至健,又有其至順,並行不悖,相感以互相成之實。三才各有兩體,陰陽、柔剛、仁義,皆太和之氣,有其

陰陽、剛柔、仁義之本立,而後知趨時

應變。

而已。 陽而至健立,純乎陰而至順立,《周易 謂天開於子而無地,地闢於丑而無人,則無本而 盡三才之撰以體太極之誠,聖人復起,不能易也。 以可日新而不困。《大易》之蕴,唯張子所見,深切著明 屯、蒙幽,六十四卦,六陰六陽具足,屈 陽、有陽無陰之氣,無有剛無柔、有柔無剛之質,無有 無有先後,天地一 而滅,正與老、釋之妄同,非《周易》之道也。 無、明有而幽無之理,則屯、蒙明而鼎、革幽,鼎、革明 無義、有義無仁之性,無陽多陰少、陰多陽少、❶實有 地之時,則無有有乾 三才之道,氣也,質也,性也,其本則健順 故小人有性,君子有情,趨時應變者惟其富有 成之象也。 而無坤、有坤而 無有地 無乾之道,無 並並 而無天、有 伸幽明各以 建乾、坤 也。 生,有待 有陰 天而 於首 邵子 其 而 平. 時 而 虚 無

故「乾、坤毀則無以見《易》」。

雜以異端之小慧,見乾則疑無陰,見坤則疑無陽,見夬、乾、坤非有毀也,曲學之士,執所見聞偶然之象,而

■「陰多陽少」。底本與劉氏鈔本俱無此四字,草堂本以「陰多陽少」。底本與劉氏鈔本俱無此四字,草堂本以上。

位之錯綜,何據以趨時應變哉 疑其無,則是毁之矣。 姤則疑無剥、復,見屯、蒙則疑無鼎 毀乾、坤 、革,因幽之不可見而 位之實體,則六十二

也。

六爻各盡利 而 動,

所以順陰陽、剛柔、仁義、性命之理也。 極矣,而後武王可行其燮伐,德未盛而變,則妄矣。 富有不能日新。 筮之策,老則動而變,蓋道至其極而後可以變通,非 堯仁極矣,而後舜可用其竄殛,文王

則何屈非伸,而天下之理無不得。 咎,善用之者皆可以盡天道人事之變而反其大經。 損於太極之富有,其理固然,則雖凶而無悔,雖吝而 順性命而變不失常也 頑而有至孝之子,國亡而有自靖之臣,極險阻以體易簡. 温肅,在地之質有利鈍,在人之性有偏倚,化不齊而究無 其動也有大有小,有當位有不當位,蓋在天之氣有 《易》之爲君子謀者 故父

(日「六爻之動、三極之道也」。

天、地、人所必有之變也。

陽 **编體衆陰,衆陰共事一** 體者,爲之幹而達其情以治之也。 陽,理也。 事,順而承之也。

是故二君共一民,

理人欲,從心不踰,則爲理之大宗,無所容其亢抑矣。

此因時之變而言之,震、巽、坎、離、艮、兑,皆乾、坤之變

若《易》之全體,乾、坤合德,君子小人同歸於道,天

争亂之端。

民事二君,

立心不固。

説以反約,斯君子之所尚。 而任其便以張弛,皆小人之道。 此而推,心無定主,而役耳目以回惑於異端,氣不輔志 上與下皆小人之道也, 上無讓德,下有貳心,亂世之道,小人之時爲之。 明體適用之學,於此辨之 而忠信以爲主,博學詳

君而體二民,

而已。

容保者大。

一民而宗一君, 大一統。

上與下皆君子之道也。

上不泄忘,下無異志,治世之道,君子之時爲之。

吉凶、變化、悔吝、剛柔,《易》之四象 (與!

以

二,荷合其加一倍之法,立無名無象無義之卦,則使因倍 巽、離、兑之一陰,老陽所變,故曰「四象生八卦」。 有老有少,而四象備焉。 數有六八,於是而四象成。 二,道本如是,非判然一分而遂不相有也。 情,因乎地之質也,皆自兩儀而生。 而 乃畫奇耦各一之象爲兩儀,增爲二畫之卦爲四象,又增 在陽有老少,在數有九七,在地有剛柔,在陰有老少,在 地,而天有陰,地有剛,又各自爲陰陽,二而四,四 也。 加 一畫之卦爲四畫之卦凡十六,又增爲五畫之卦凡三十 吉凶、天之命、陰陽之變化也、悔吝、剛柔、贏 ,極之萬億而不可象,非所謂致遠恐泥者與 天地之四象,陰陽剛柔也,《易》之四象,則吉凶悔吝 震、坎、艮之一陽,老陰所變; 故《易》一爻之中,有陰有陽: 純陽爲天,純 在天有陰陽, 不足之 邵子 陰爲 而 合

尚辭則言無所苟,

理之幾微,尚之,修辭皆誠矣。 尚,謂尊信而效法之。《易》辭本陰陽之定體以顯事

尚變則動必精義,

之,隨時而求當,義必精矣。 少不變,以循禮之中也,老變,以達事之窮也,尚

尚象則法必致用,

推陰陽、剛柔、動止以制器,其用必利

尚占則謀必知來。

之理而順之也。 因其時義以定吉凶,君子之謀與神合,知屈

伸自

四者非知神之所爲,孰能與於此!

惟張子乎!
惟張子乎!

問,《易》非天下之至精,則詞不足待天下之

也。此言尚辭。 楊簡之詞盡之,問者各得焉,惟精於義而不倚形象之粗易簡之詞盡之,問者各得焉,惟精於義而不倚形象之粗

非深,不足通天下之志;

● 「朱子」,草堂本以下各本脱,疑因諱而删。

通天下之志,所以窮理也。此言尚變。●

非通變極數,則文不足以成物,象不足以

制器,幾不足以成務,

非 司 知 兼 體,則其,神不能,通天下之故,不於用。❷ 此言尚象。十四,變通而有極,故言而有物,行而有制,制器而足適乾、坤之策止於三百六十,卦止於六十四,爻止於三百八乾、坤之策止於三百六十,卦止於六十四,爻止於三百八

疾而速,不行而至。非周知兼體,則其神不能通天下之故,不

之鄙倍乎!●

立鄙倍乎!●

立鄙倍乎!●

或錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合六十四卦之德於乾、坤,而達乾、坤之化於成錯綜,則合八十四卦之德於乾、坤,而達乾、坤之於,則合八十四卦之德於乾、坤,而達乾、坤之化於,則合八十四卦之德於乾。

示人吉凶,其道顯矣;

知來藏往,其德行神矣; 直妄得失,吉凶必應其則,示天下以可知也。

以詔天下於德者,其用神也。
吉凶未著,從其貞妄之性情而早知其變之必至,所

語蓍龜之用也。

用,所以前民而正其行也。

顯道者,危使平,易使傾,懼以終始,其要

無咎之道也

之幾,能戒懼以持其終始,則要歸於無咎,其道至約而昭吉凶之變,危而可使平,易而或以傾,得失争於善惡

示無隱,所謂顯也,乃已成之象占也。

神德行者,寂然不動,冥會於萬化之感而

莫知爲之者也。

俟時至事起而謀之,此不測之神因乎誠者也。者,《易》已早知而待之。惟其達乎屈伸動静之妙,故不其理於陰陽未剖之先,豫以應天下之感,人之所不能知其雖縣於象占,而其所繇然,不待事幾之至前。設

- 「非深」至「尚變」兩行,原脱,而於上段末作雙圈記號
- ② 「足」,各本無此字。
- 「倍」,金陵本以下各本作「俗」。

受命如響,故「 可與 酬

天道人事本通一 而相 酬答也。

曲 盡鬼謀,故「可以 佑神」。 0

著其忠告,是贊助乎神也。 佑,助也。 鬼神之謀,莫能喻於人, ●而《易 曲 盡以

故 曰「藏往」。

開物於幾先,故曰「知來」,

明患而弭

其故

遠也。 弭 患於前而效著於後,每《易》之戒占者,其貽謀久

極數知來,前知也。

而萬變皆盡,來者無窮,莫之能踰也。 前 知者,非偶因一數之盈虚而測之, 盡其數之所有。

前知其 變,有道 術以通之,君子所以措於

民者遠矣。

用安身。 所自積,則民 變無常而道自行乎其中,勸進其善之利而 咸 可 喻於君子之義,而天下 -萬世 共 戒以惡之 繇 以 利

潔静精微」,不累其迹, 知足而不賊, 則於

> 者,因數 微者,察其屈伸消長之理 者,不以私利瀆亂而潔清其志,❶静以待吉凶之至也。 則可以寡過,以占筮,則知懼 利計功、徼幸於吉之先見以害正 理設,不執於象也。 志於吉凶者,固不足以與於《易 此釋《禮記· 而知象,數爲象立,不泥於數, 經 知足不賊者,止於義之所可,而不謀 解》之言而示學《易》之法。 而研於義之所宜也。 而無咎矣。 业。 命 也。 因象而窮理,象爲 如 彼執象數而 此 以學《易》、 不累其 潔 静 役 迹

天下之理得」,元也

萬事萬物皆天理之所秩敍,故體仁 則統萬善。

會而通」,亨也;

理無不通,故推而行之皆順

説諸心」,利也,

天下之動」,貞也 利合於義,則心得所安。

大經正,則隨所動而皆不失其正,此推本而言之,謂

以」,各本均同。

按《易。

繁辭》作「與」。

「莫」,各本作「奚」。

而」下,各本有「後」字。

利」,各本無此字。

乾具 不疑,則亨、利,用 變而心常安。 於事通而於心説。 彖》則大亨 爲因 此 ,元、貞,體也; 四 ,故以 丽 乃必 利 Œ 也 備 通平事 一,其 貞 二萬善 而 亨、利 者,貞於其元。 義 抑爲體。 而 而 協於 也。 ,用也。 理始咸得,説乎心而後居 孔子之《易》,曾何異 故《文言》分析四 也。 惟元統天下之理,故 惟貞於仁,故通 四 分 而 體 用 於 萬 正 自

乾之四 德, 終始 萬 物, 迎之隨之,不 ·見其

故曰「天德不可爲首」,有首有尾,則運窮 絪 隨 殺爲春秋,其春榮而冬落者,艸木之凋者而已。 轍 運 組 迹。 矣。 .時而用,物亦隨所受而見爲德,此見爲義者彼見爲仁, 而無截然之限,以大化而言,●循環往來,無有顯著之 天德之生殺,本無畛域。 氣之中,不倚 非春果爲首,冬果爲尾。 理 以 爲先後,唯用之各得而已。 以 以萬物 歲而言,春夏秋冬, 而言,各以其生 於小成而 蓋 有間 四

不以元配坤。 然後推本而言,當父母 ,故不得不以元配乾, 一萬物。 坤其偶也,故 彖明萬 不 物 · 得 資

> 資始資生者,就物之生,借端而言之爾。 説,貞下起元之偏辭,不足以立矣。彖之以乾元坤 仁;四德互相爲緣起。❸ 因次亨、次利,待貞已竟而後復起元也。 之始,即爲一物之元,非天地定以何時爲元而資之始 資,非初生之生理畢 而繼其生,則萬物日受命於天地 之, 寂感者,乃知元亨利貞統於乾、坤之妙,而 義以成仁; 言,則仁義禮信初無定次。 地即成之,❷故資生之德元爲首。 其父母萬物 當其復禮,則禮以行仁,當其主信,則 者而 賦於物而 言之, 此惟明於大化之渾淪與 故求仁爲本,而當其精義, 後無所益。 則資始之德 ,而乾、坤無不爲萬物之 然未生而生,已 在人之成德 四德分配 且. 元 爲 物 首 心 信以 有 元言 之滯 源之 天 則

此章舊分爲二節,❶今合之。

蕉畦副本鈔寫時跳 按底本每行十七字,脱文中「而言」二字, 春夏」至「而言」十七字。劉 而言」之「而言」二字,在底本中前後行並 行脱落,致以下各本亦相 氏鈔本以 下各本 與上 沿 一文「以 均 而

- 地即」,各本互乙
- 節」,各本作「章」。

」,草堂本以下各

本脱

此字。

之利,信一天下之動。 仁統天下之善,禮嘉天下之會,義公天下

以周行乎四德而聽四德之用。 以知德,仁而不愚,禮 其曲流委順,遇員而員、遇方而方之詭隨也。 失其信」,則君子之取於水者,取其不舍晝夜之誠,非取 者正而固; 精矣。張子之知德,迥出於諸子之上,於此信矣。 知之艱,惟行之艱,行焉 信,明矣。 之用在一事,而能周乎天下哉! 惟其會於一原,故時措之而無不宜。不然,則 即以木火金水言之,《坎》之《彖》曰「行險而 循物無違,正也,終始不渝,固 而不僞,義而不執,信而不諒,智 而後可爲德、《易》之言貞 智,知也,四德,行也。 先儒皆以智 也,則 1配貞 君子之智 貞之爲 (;立義 m 匪 德 可 不 貞

和而利且貞也。 六爻擬議,各正性命,故乾德旁通,不失太

貞矣。 「「「「」」」。不然,因時蹈利,則違太和之全體而非所以利貞也。不然,因時蹈利,則違太和之全體而非而皆不違乎太和之理,則無不利而不失其正,此純乾之及之道,自潛而亢,各有性命之正,時位不齊,應之異道,

顏氏求龍德正中而未見其止,故擇中庸,

全體,顏子之所欲幾及而未逮也。 得渾淪合一之理,則隨變化而性命各正,合太和之

等之, 乾三、四,位過中重剛,庸言庸行不足以

濟之,

雖大人之盛有所不安。外趨變化,内正性九二得中,故庸言庸行足濟。

命,故其危其疑,

艱於見德者,時不得舍也。

乎! 見,時爲之也 正,必旁通於危疑,德 可舍而舍矣。乾之三四,雖大人之庸德可 舍,止也。 舜以「不得乎親不可以爲人」爲危疑,而後庸 以庸言庸行爲可據之德,止 不易見,安 能 遽 自 行,而 而 信 不 而 疑 大經之 則 其憂 德 時

● 「遽」,太平洋本作「據」,疑係誤植,古籍出版社本、中

九五,大人化矣,天德位矣,成性聖矣,

自順之而聖德成矣。 用以神而不以迹,居德熟而危疑不易其心,及其至也,物人之德,非於大人之外别有神變不測之道,但誠無不至,人之德,非於大人之外别有神變不測之道,但誠無不至,爲天下所利見而天下化之,大人之進乎聖也。蓋聖

其正,何亢之有!' 「亢龍有悔」,以位畫爲言,若聖人則不失

也, 通乎變也; 乎龍德。九二之學問寬仁,其本也,三、四之危疑,所以 虚 以致之。 正 也。 , 況窮困乎! 相 上九之亢、聖人之窮、亦屈伸之常理、非聖人之亢有 因 而 知進退存亡之必有,則安死全歸 九五之利見,變而通也;上九之亢,屈伸之常 互 成,此乾道之旁通 位畫所值,聖人何疑焉! 而 無不利者,不失其 乾之六爻,純 mi 道合於太

疑而成性,九五之德也。 仁熟則不待勉,義精則下學上達,不顯其大,歷乎

危

大人望之,所謂絶塵而奔,峻極于天,不可

大人閑邪存誠而後光輝達,故不能測聖之藏。 階 而 升 者 也。 ■

《乾》之九五曰「飛龍在天,利見大人」,乃

大人造位天德,

造,七到反,至也。位,臻其域也

以乾道保合太和,歷危疑而時乎中,大人義精仁成性躋聖者爾。

若夫受命所出,則所性不存焉。而至乎聖,此孔子耳順、從心之候也。

時至則聖人不違爾。

「大人君矣」而曰「大人造也」。故不曰「位乎君位」而曰「位乎天德」,不曰

德則日躋而聖,若位則乘時以登,無漸升之理。 以爲自乾體本六陽純成,而自爻言之,有漸造之象焉。 惟

▶ 「者」,原無,中華本依《張載集》補,兹從之。

神器,皆大人矣。《易》不爲小人謀,故必以言德者爲正。潛而見,歷危疑躍飛而有天下,則是曹操、司馬懿之妄干

於是者溥矣,
庸言庸行,蓋天下經德達道,大人之德施

溥,周徧也。明倫察物,無所遺也。

秩敍明則禮樂興。

天下之文明於是著矣。

禮之禮,非義之義,然非窮變化之神以時措之宜,則或陷於非

三、四之危疑,而始得時中,以造飛龍之天德也。 貞其大常,而後成己成物無有不化,此乾道之所以必歷人物之性,善惡、吉凶達乎天之并育並行不相悖害者以一時變而執其常,則不中而非禮,不宜而非義。 唯盡

其極,未敢以方體之常安吾止也。此顔子所以求龍德正中,乾乾進德,思處

善也。 得九五之安止。方體之常,庸德之大綱也,拳拳服膺之得九五之安止。方體之常,庸德之大綱也,拳拳服膺之額,所未

惟君子爲能與時消息,順性命,躬天德而

誠行之也。

忌憚之迹 若大經未正而急於乘時 萬物皆備於我 相 似 丽 實 而會屈 相 遠 ,則性命不順 也。 伸於一 誠行之者,無非 致,乃能與 ,聖德之時 一時 中,與無 Ö 消息。❶ 理之

實然。

時措則利,保合則貞,●而聖功唯在精義,義精則精義時措,故能保合太和,健利且貞,

入神。3

乃利貞。」其此之謂乎!以御天。乾道變化,各正性命,保合太和,《易》曰:「大明終始,六位時成,時乘六龍孟子所謂始終條理,集大成於聖智者與!

大明者,智之事也。天下之變不可測,而不能越乎

■ 「時」,各本作「物」,疑誤。

作「合」。 此字草堂本以下各本均作「和」,惟中華本據周校改述「合」,原作「和」,據劉氏鈔本及所注《正蒙》文字改。

3·「義精」,各本互乙。

三七

皆屈 剛健 以天之渾成言乾,乾爲天而卦非徒言天也。 而不言天,天無爲而運行有序,聖有功而成章始達,不得 象言之,天之純乎乾,無漸者也, 義而抵乎大明之效也。 智之事,非徒聰明之察,乃剛健不息,歷變知常,❷力行精 焉。 大經。 奇以至於十八變,純乎奇而得乾,有漸者也。卦言乾 ,惟其不貳,是以不測,天德聖功,一而已矣。 伸之常,天德之誠不息,則無屈不伸而萬物皆覩 故庸德之修,進而歷危疑以盡變,具知萬變之不齊 大經之法象有常,而其本諸心之不貳者,變化 故乾卦閱潛、見、躍、飛而終始乎 以卦之數言之,筮者自 以卦 是 該

成性則躋聖而位天德。

謂九五。

乾九二正位於内卦之中,有君德矣, 治也 而非

F.

未能盡萬物之性,以達其變而使之化也。 庸德盡於己,則秩敍正,可以君天下矣。 非上治者

造 捨曰 九五言上治者,言乎天之德,聖人之性,故 也。 君 而謂之天。見大人,德與位之皆

君德正己以正物,天德正己而物自正。 位,謂德效

之成。

大而得易簡之理,當成位乎天地之中, 舍而不受命,乾九二有焉。 時

足以言之。 及夫化而聖矣,造而位天德矣,則富貴不 矣而不欲受命,知前之有危疑,必乾惕而不可止故也 乾以易知,而兼言簡者,九二以陽居 陰 也。 君 德 成

聖; 兀 一夫行天子之事,非徒富貴也。 聖則無疑於受命,時出則有天下而不與,時 善世而不伐,欲罷而 不能,加 位天德者,德即其位也 以乾乾夕惕, 未 乃 出 買則以 造 於

無所求於外。 樂則行之,憂則違之」,主於求吾志 而已,

此聖功之始,闇然爲己之修也。

0 誤作「起」,中華本依文義改作「超」,亦非原字。 知」。各本作「而」。 草堂本以下各本至太平洋本、古籍出版社

故善世溥化,●龍德而見者也,

若潛而未見,則爲己而已,未暇及人

者也。❸

「成德爲行」,德成自信,則不疑所行,日見爲己可以及人,然必成章而始達。

乎外可也。

乎九二也。 誠有諸己而充實,無疑於見之行矣。 此初九之馴至

足以終其業。乾九三修辭立誠,非繼日待旦如周公,不

歷事敏,業乃可終。故九二立本,九三趨時,成章而事賾而變不測,事變之興,不易以達吾之義,惟處心危而德成而可見之行,九三則修應世之業。業因物而見功,修辭所以成天下之務,立誠所以正在己之經。九二

九四以陽居陰,故曰「在淵」,

達也。

心隱而不能急喻諸物也。

能不忘於躍,乃可免咎。

含德自信而不求物之喻,可静而不可動,無以化天

下,故必不忘躍。

「非爲邪也」,終其義也。

義者,因時大正之謂,終其義,歷險而成乎易也。非以失己,大人於此有密用焉,❹達此則可造乎天德矣。然其不忘於躍,乃義之固然,變而不失其中,及物而

至健而易,至順而簡,

『不卷,❸則建順至矣。 反天下之大經,無所間雜,故易簡, 天不能違,化

而不倦, 5則健順至矣。

心純乎理,天下之至難者也,見聞之知,勇敢之行故其險其阻,不可階而升,不可勉而至。

不足以企及之。

■「溥」,原作「博」,據各本改。

》「溥」,原作「博」,據各本改。

草堂本以下各本作「未及人也」。 「未暇及人者也」、《張載集》同、劉氏鈔本脱「者」字、

「大人於此」,各本無此四字。

「不」,各本脱。

一三九

仲 尼猶天,「九五飛龍在天」,其致一也。 聖功熟則不測而天矣。

坤至柔 剛乃可 而 動 以 載 也 物, 剛」,乃積大勢成 地 之載 必 積 廣厚, 故 而 然也。 日 地 勢坤

順理之至,於物無撓,非老氏致柔之説 乱也。

乾至健無體,爲感速,故易知

應,可以御萬理而不窮,故無所遲疑,洞 乾,氣之健也。 無體者,至健則不滯 達明示而易知。 於 事 隨方即

坤 至順不煩,其施普,故簡能 坤,情之順也。 以

乾、坤之德言。 功,而乾之所至,隨效法焉, 順天而行,己無專見之能 故不勞而 功能 自著。❶ 煩擾 此以 争

坤 先迷不 知所從,故失道, 後能 順 聽, 則得

其

八常矣。

終」也 則 先無適從,而有所順聽乃得大常之理,所 以順爲德者,無必 臣 道也 ,婦道也,下學之道 爲之志,而 也。 聽乾之生, 君子之學,以乾爲 謂 因 無 愐 成 成有 之,

> 造化之功,發乎 動

後循循以進,斯善用坤而不迷。

主,知之而後效,

故大學之始,必

知

止

至善以立大經,

而

不動則不生,繇屈而伸, 動之幾爲生之始,震也

畢 達乎順,

動而

順

其

(性,則物各自

上達,

巽

也。

形諸明。

畢達則 形 發

養諸容, 行而神 見 矣,

離 私也。

不息其長養, 惟其厚德能容也 坤

也。

載 遂乎説,

能容則物各自得 而欣暢, 兑也

潤 勝乎健,

潤」字疑誤。 自 得則堅勝而成質,乾也。

不匱乎勞, 歷險阻而各

有以自成,坎也

終始乎止。

0 「不」下,各本有「言」字。 也;

生,昧於造化之理而與鬼爲徒,其妄明矣。 以無爲爲化原者,終而不能始,屈而不能 則以明夫不動不止而歷至於止,皆以善其動而爲功。彼 也。此釋「帝出乎震」一章之義,而以動爲造化之權與, 成則 心止矣。 止者,即止其所動之功,終始一,則艮 伸, 死而不能

之體。 健、動、陷、止,剛之象,順、麗、人、説,柔

體,謂體性。 此言八卦成能之用,故不言陰陽 而言

柔剛。

巽爲木」,萌於下,滋於上, 陰弱爲萌,陽盛爲滋,益盛也。

爲繩直」,順以達也;

陰不違陽,故順而直。達者,順之功效

爲工」,巧且順也,

陰不亢而潛伏,巧也。順者,順物之理。

爲白」,所遇而從也,

爲長,爲高」,木之性也,「爲臭」,風也,入 遇藍則青,遇茜則赤,陰從於陽,無定質也。

射覆之賤術而已矣。

必然之效。

然可以理通

而不可以象測,執而泥之,則

成,故《説卦》略言之以通物理,而占者得其事應,皆造化 物之形體才性,萬事之變遷,莫非陰陽、屈伸、消長之所

人於險阻,故勞。 血經營身中,勞則溢 坎爲血卦」,周流而勞,血之象也;

爲赤」,其色也。

血亦水穀之滋,得勞而赤。

離爲乾卦」,「於木爲科上槁」,附且躁也 ·躁」,當作「燥」。 一陰附於兩陽,熯之而燥

「艮爲小石」,堅難入也; 陽止於上,下有重陰不能人。

益」,草堂本以下各本作「滋」。

下「因」字,原無,據各本補。

臭因風而入,鼻不因形而達。❷

·於人爲寡髮廣顙」,躁人之象也

陽亢於陰,故躁。凡言爲者,皆謂變化之象也。

萬

四

爲徑路」,通或寡也。 止則寡通。

兑爲附決」,内實則外附 陽盛,陰雖附之,必爲所決絶 必 ?決也;

爲毁折」,物成則上柔者必折也

陰孤立於上,不能 自固

「坤爲文」,衆色也,「爲衆」,容載廣也。●

色表著曰章, 衆色雜成曰 文。 坤廣容 物,多受

雜色。

乾爲大赤」,其正色,

爲冰」,健極而寒甚也。 此取乾南坤北之象。

隨所見而測之,皆可爲方,故曰「神無方,易無體」,無方 又取乾位西北之象。於此見八卦方位,初無定在,

士之説爾。 而非其方,無體而非其體也。 分文王、伏羲方位之異,術

震爲萑葦」,「爲蒼筤竹」,「爲旉」,皆蕃

鮮也。

勇,花也。 蕃盛鮮明,動則榮也。

爲離。 陷溺 而不得出爲坎,一 附麗而不能去

主,扶陽抑陰之義。 爲主於内,二陽交附之。 ,奇畫,讀如奇。 坎,陽陷陰中,人于坎窞, 二卦皆以陽取義,不使陰得爲 離,陰

止也。 艮 陽爲主於兩陰之上,各得其位 《易》言光明者,多艮之象, 而 其

著則明之義也。

卦有艮體,則繫之以光明。

微,坎之陷也匿。 陽見於外爲著。 陽明昭 示而 無所隱,異於震之動也

0

陵本以下各本移於「衆色也」之下,兹從之。 「爲衆容載廣也」六字,原在注文「多受雜色」句後,金

亨也。 蒙無遽亨之理,由九二循循行時中之

立,不使之迫於小成而 致,敷五教以在寬而黎民時變,循 乃通天之中也。 慧,故靈於萬物,取精用物,資天地之和,漸啓其明, 亨也。 天之生人也,孩提之知識,惟不即發,異於雛犢之 中,以陽居陰,循循漸啓其明, 大學之教存乎時。」 初生始蒙,其明未著, 聖人之教人,不能早喻以廣大高明之極 養之以正,聖人之中也。 無 能 則 遽 隨 文禮以善誘而 時 通 乎 而 萬 養以中道 事, 惟 故曰: 高堅卓 九 ,所以 而知 得

不終日貞吉」,言疾正則吉也。

仲尼以六二以陰居陰,獨無累於四,故其善惡之幾,決於一念,濡遲不決,●則陷溺不振。

 介如石;

雖體柔順,以其在中而静,何俟終日,必知

小人之誘君子,聲色貨利之引耳目,急與之争,必將

幾

而

正矣。

然勇爲而無非正矣。欲故静」,静則欲止不行,而所當爲之義以静極而動不勝,惟静以處之,則其不足與爲緣之幾自見,故曰

無

沛

其所當爲,泰然處之而已。 正不撓,直行而無憂疑,忠臣孝子之所以遂志而濟險,行正不撓,直行而無憂疑,忠臣孝子之所以遂志而濟險,行

之理。 而出焉者。蓋孚者覆乳音焉之象,有必生中孚,上巽施之,下悦承之,其中必有感化

者,養道也,必信乃能養也。 之一術也。 敔按: 孟子曰:「中也養不中,才也養不才。」中孚伏子,有必生之理,光武所謂「以柔道治天下」者,亦治道中孚二陰在内,疑非施信之道, 然以柔相感,如鳥之

- ■「遲」,各本作「滯」。
- .《張載集》有「雖」字。

四三

物因雷動,雷動不妄,

以其時出,則固不妄。

則物亦不妄,

雷出而物生必信。

故曰「物與無妄」。

其誠。皆天理物性之實然,無所增損也。動,神化不測,出人億度之表,而乘時以應天,天下自效非有誠然,陽氣發以應天,自與物候相感而不忒,聖人之非有誠然,陽氣發以應天,自與物候相感而不忒,聖人之重之動也,無恒日,無恒聲,無恒處,此疑於不測而

静之動也,無休息之期,

其心儳焉,此存心窮理盡性之學也。 其動也亦發邇而不忘遠,及遠而不泄邇,終身終日不使不顯亦臨,不諫亦人,其於静也無瞬息之怠放而息,則不願亦臨,不諫亦人,其於静也無瞬息之怠放而息,則子於物感未交之際,耳目不倚於見聞,言動不形於聲色,

故地雷爲卦,言「反」又言「復」;

動也。地,静體也,雷,動幾也。反,止於静也,復,異於

終則有始,循環無窮。

事物有終始,心無終始。天之以冬終,以春始,以亥

説,小道之泥也。 謂十一月一陽生,冬至前 復之爲卦,但取至静 終,以子始,人謂之然爾, 前 含動之象, 一日無陽者, 運 行循環,天不自 豈 有 董仲舒之陋 時 哉 知 終 始 也。 也。

八,指其化而裁之爾; ●

蓋誤。 之以神而節宣其化,入者所以出也。「入」,坊本作「人」, 入,非收視反聽,寂静以守黑之謂也,化之未形,裁

深,其反也;

極深以窮其理,反求之内也

幾,其復也;

幾,動而應以所精之義,復於外也。

反而具復之道。

故曰「反復其道」,❷

其人不忘,故其出不妄,動静 又曰「出入無疾」。

致,

而静

不偏

枯,

不凌競矣。

■「裁」下,各本有「成」字。中華本《張載集》與底本同人於竟多

載集》補足《正蒙》本文,仍無前行船山注文。

幾動」至「其道」,各本脱此兩行文字。

中華本據《張

益長裕而不設」,益以 實也

卦,皆自否、泰而來,故曰「益者否之變」。 蓋益者否之變,益之以陽,所以消 有之實而益人,故施之可裕,而 益,損外卦四爻之陽以益初爻,使群陰 非 否。 所 不 敔按: 可 損 得 二陽三陰之 者强與之。 主,陽以富

達

妄加以不誠之益,非益也。 非 所當得而益之爲不誠

《易》者之歎與! 井渫而不食」,强施行,惻然且不售,作

莫知 以歎也。 者,謂周公。周公盡心王 所深惻也。 ,聖賢且無如之何。 强施行,不忍置也, 惻然,不食而情愈迫也。 其後孔子於魯,孟子於齊,知不可 |室而成王不受訓,心懷耿憂,所 故竭忠盡 教 而人不寤,君子之 而爲之,世終 作

闔户,静密也; 關户,動達也;

闢户者,乾之德健而發,施於陰者無所吝,而動則無不達 施 ,闔而納之,處静以藏動也。 陰爻耦,闢象也, 而言闔户者,坤之德順 陽之爻奇,闔象也; 以以 受陽之 而言

> 也。 質之所偏,此乾、坤之互爲質性,而不爽夫太和也 陰陽,質也,乾、坤 ,性也 闔闢之體 用 互用,不

形開而目覩耳聞,受於陽也

爲道 交言,而以《易》闔其闢之義通之。 則陰函陽而閟之於内,陰之效也。 離乎静,動以動其静,則静者 也。 形,陰之静也。 雖陰魄發光,而必待開於陽,故闢者陽之功能 **敬按: 莊子曰: 「其寐也** 開者,陽氣動而開 亦動 一魂交,其覺也形開。」張子蓋 而 静以居動,則 靈 此 之, 覩聞乘 闔 闢 加動者不 其 所 動 而

辭各指其所之,聖人之情也。

辭》非但明吉凶,而必指人以所趨 成人之美、遠人之惡者,其情於辭 象,人所攸往之善,存乎性而視其所趨。 指,示也,所之者,人所行也。 響。 而 吉凶 見。 存乎 聖人正 故《易》之《繫 命 天下以 而 著 V.

道 指之以 也。 趨 時 盡 利,順 性命之理,臻三

極

之

立之,而人極立,贊天地 能率吾性之良能以盡人事,則在天之命,順者俟之,逆者 因 時擇中,日乾夕惕 指示占者使崇德而 也, 而參之矣。 盡利, 廣業,非但告以 ,精義 而行 蓋 一事之微,其行其 則物 吉 Ż 也。 無不 趨 利 也。 時,

君子謀,初非以趨利避害也 象,因事明占,而昭示顯道,無 言笑以至生死禍福之交,皆與天道 止,推其所至,皆天理存亡之幾。 而 精 非 義以 相 性命之理。 爲 時中, 陟降。 則 《易》爲 因爻立 自 寢 食

能從之,則不陷於凶悔矣,

因所占以進退精義,則無不利矣。

然爻有攻取愛惡,本情素動,因生吉凶悔變動,謂占者玩占而徙義,利者,利用而合於義也。所謂「變動以利言」者也。

吝而

不可變者,

非天數之固然,攻取愛惡所釀成者漸也。之不同,性情動於積素以生吉凶悔吝,旦夕莫可挽回者,起不同,性情動於積素以生吉凶悔吝,旦夕莫可挽回者,

乃所謂「吉凶以情遷」者也。

十年有凶,非理無可復,情已遷則不可再返也。惡積而不可揜。故履信思順,則天祐而無不利,迷復則君子之情豫定,則先迷而後必得,小人之情已淫,則

能

深存《繫辭》所命,則二者之動見矣。

過,惟深察乎《繫辭》,則自辨其所之矣。情也。情遷者,君子安命而無求,利告者,君子盡道以補情也。情遷者,君子安命而無求,利告者,君子盡道以補命,告也,爻所告人者也。二者,盡利之道,遷變之

又有義命當吉、當凶、當否、當亨者,

則退藏以聽小人之利,當亨則大行而司衮鉞之權。則退藏以聽小人之利,當亨則大行而司衮鉞之權。當吉則居富貴而不疑,當凶則罹死亡而不恤,當否

擊明示以凶而不爲謀趨吉之道,貞勝則凶不避也。 聖人不使避凶趨吉,一以貞勝而不顧。

如「大人否亨」、

雖否而亨。

「有損自天」、

過涉滅頂凶无咎」、

雖凶無咎。

《損》《益》「龜不克違」,

及「其命亂也」之類,

福至非其所欲而不能辭。

雖吉而非正命。

三者情異,不可不察。

所以與術數之説喻義喻利之分也 之必有,貞勝 之,否亨、凶無咎,則決於赴 有隕自天不克建,則慎所 而不爲所 動,聖人之情 難而 以處之; 不懼。 亦見乎辭 其 三者,天數物情 命 亂 ,此《大易 則 必去

助平内,害凶乱平下。 因爻象之既動,明吉凶於未形,故曰「爻象

動乎内,吉凶見乎外」。

而成敗著見,故曰外。心,故曰内,,吉凶因象數而成得失之繇,在人爲事起物應心,故曰内,吉凶因象數而成得失之繇,在人爲事起物應爻象以理而生象數,在人爲善惡得失之幾初動於

富有」者,大無外也,

行者,乾道也。 神行於天地之間,無所不通,天之包地外而并育並

「日新」者,久無窮也。

坤道也。順受陽施以成萬化而不息,築枯相代而彌見其新,

顯,其聚也,隱,其散也。

聚則積之大而可見,散則極於微而不可見。

隱且顯,幽明所以存乎象,

於其象而觀之,則有幽明之異,人所知也。

聚且散,推盪所以妙乎神。

也。以《易》言之,乾陽顯而陰隱,坤陰顯而陽隱,屯、蒙、其聚其散,推盪之者神爲之也,而其必信乎理者誠

現矣。 殊塗,萬化不測 有衰王,維之盪之,日月、雷風、男女、死生、榮謝 乾、坤並建,而大生廣生以備天下之險阻,位 鼎、革、剥、復、夬、姤之屬相錯而 而必肖其性情,神之妙也,非象所 迭爲隱 顯, 聚之著 有 去來,時 同 得 歸 也。 而 而

變化之象爲易。驗之於變化之著,故察進退之理爲難,察驗之於變化之著,故察進退之理爲難,察「變化進退之象」云者,進退之動也微,必

非也 則屈 後可進求其所以然, 其必然之理。 易而象成。進退者,推盪而屈伸也,推之則伸而 而退,而變化生焉。 變者,陰變爲陽,化者,陽化爲陰,六十四卦 然學《易》者必於變化而察之,知其當然 王弼「得言忘象,得意忘言」之説 此神之所爲,非存神者不 進,盪 4 能 相 丽 知 之 變

宜存志静,知所動之幾微也。「憂悔吝者存乎介」,欲觀《易》象之小疵,

知之際,以消息其應違,不容不戒懼矣。微之間爾。静察其理,則正而失宜,過不在大,審之於獨微之間爾。静察其理,則正而失宜,過不在大,審之於獨

往之爲義,有已往, 如「素履往」之類。

有方往,

臨文者不可不察。 如「往蹇」之類。

以因占而得所宜。❶ 已往則保成而補過,方往則勉慎以圖功,察其文,可

「因」下,各本有「其」字。

四八

張子正蒙注卷八

樂 篇

此篇釋《詩》、《書》之義。 其説詩而先之以樂,❶樂與

詩相爲體用者也。

樂器有相,周、召之治與!

宣,所以節音之雜亂,周、召之治還醇止亂之道。 相,韋表糠裹。《記》曰「治亂以相」,相之音菀而

其有雅,太公之志乎!

雅者,正也,直己而行正也。 雅」,促樂使疾也,功以速成而定,故曰「太公之志」。 雅,柷類,以木爲桶,中有椎,擊之。《記》曰「訊疾以 故訊疾蹈厲

者,太公之事邪!

敬勝怠,義勝欲,正己而正人,以伐無道,事不得緩

《詩》亦有雅,亦正言而直歌之,無隱諷

譎

諫之巧也。 正雅直言功德,變雅正言得失,異於風之隱譎,故謂

之「雅」,與樂器之「雅」同義。

即此以明詩、樂之理一。

《象武》,武王初有天下,象文王武功之舞, 歌《維清》以奏之。張子自注:成童舞之。

戡黎伐崇,文王之武功。

《武》以奏之。張子自注:冠者舞之。《酌》,周公 《大武》,武王没,嗣王象武王之功之舞,歌

没,嗣王以武功之成由周公,告其成於宗

業, 蔑不成矣。 意於先王之盛德大業,則動静交養,以暢於四支,發於事 學者學詩則學樂,興與成,始終同其條理。 「酌」、《禮記》作「勺」。此明詩、樂之合一以象功。 惟其興發志

廟之歌也。張子自注。十三舞焉。

興己之善,觀人之志,群而思無邪,怨而 止

0 其説詩」,劉氏鈔本以下各本脱此三字。

四 九

其重者也。 禮義,人可事親,出可事君。但言君父,舉

之,天下無非中正和平之節,故不可以不學。人之道,盡於是矣。事父事君以此,可以寡過,推以行人之道,盡於是矣。事父事君以此,可以寡過,推以行

志至詩至,有象必可名,有名斯有體,故禮志至詩至,有象必可名,有名斯有體,故禮

詩以言達志,禮以實副名,故學詩可以正志,可以立體。象,心有其成事之象也。禮,見於事而成法則也。

幽贊天地之化,●非聖人而能哉!

一端也。
詩人謂「后稷之穡,有相之道」,贊化育之於之有神,存乎變合而化可顯,故能助天地而終其用。
凡有其理而未形,待人而明之者,皆幽也。聖人知

神而化其已成之質,使充實光輝者,皆若此。 之能,盡地之利,以人能合而成之,凡聖人所以用天地之者,人之能也。 稽有可豐美之道而未盡昭著,后稷因天天能生之,地能成之,而斟酌飽滿以全二氣之粹美

禮矯實求稱,或文或質,居物後而不可

常也。

他人才未美,故絢飾之以文,莊姜才甚美,事之後,矯之正也。文質各矯其所偏,故不可常。物亦實也,情已動而事且成,乃因時因事而損益之,在情物亦實也,情也,情不足則益之以文,情有餘則存之以質。

乃更絢飾之用質素。

可不學禮以善其後。質之先也。此明因才節宣之道存乎禮,故有其質者,不質之先也。此明因才節宣之道存乎禮,故有其質者,不質已成之後,禮因損益之以致美,無一定之絢在才

施各異,故設色之工,材黄白者必繪以青下文「繪事後素」,素謂其材,字雖同而義

赤,材赤黑必繪以粉素。

●「化」,草堂本以下各本作「道」。中華本《張載集》

餘」上,草堂本以下各本有「有」字。

業欲及時也。「在帝左右」,所謂欲及時「陟降庭止」,上下無常,非爲邪也,進德修

者與!

此朝乾夕惕、存神盡性之密用,●作聖之功,於斯至矣。一於正道。不執一,則存省愈嚴,陟降一心,德業一致,一降,皆有天理之明明赫赫者臨之於庭,則動静無恒而作而有爲,上也,陟也,退而自省,下也,降也,一陟

類 江 行 沱之媵 加 不能喪其朋,故 以 類 行 而 欲喪朋 不以媵備數。 故 無怨; 嫡 以

朋之異,公私之分也。已私,嫡處於尊貴而恃其類,懷私以不能容物,此得朋喪已私,嫡處於尊貴而恃其類,懷私以不能容物,此得朋喪惡私,賴者,貴賤之分,朋,私心也。媵安於卑賤之類而忘

嘯也歌」。卒能自悔,得安貞之吉,乃終有慶,而「其

後能 理之始功也 載有容爲美,而 承天以 自悔,則能 利 Œ 喪其 私心間之,則吝而 婦 私 道 也 而先迷後得矣。 一,臣 道 也。 騙; 下學遜 惟去私以 坤 一之爲 志 遏 德,以 廣 一欲以 容, 存 而 厚

王季、文王之心,豈是過與!者足矣,又思酌使臣之勞,推及求賢審官,采臬耳,議酒食,女子所以奉賓祭、厚君親

德矣。 愛賢任官,王季、文王之德也,后妃以順承之,則乾、坤合愛賢任官,王季、文王之德也,后妃以順承之,則乾、坤合此引申毛傳之旨而廣言之。 盡仁孝以爲本,而推以

不忍傷,卒能使民知心敬而不瀆之以拜,《甘棠》,初能使民不忍去,上聲。中能使民

非善教寢明,能取是於民哉!

繇善教,故仁聲作。

情也。「振振」,勸使勉也,「歸哉歸哉」,序其

先勸君子急公而後望其歸,發乎情,止乎禮義。

《卷耳》,念臣下小勞則思小飲之,

■「朝」,原作「鼂」,避父王朝聘諱也。今回改。下同,

兕觥。

大勞則思大飲之,

金罍。

謁害政之心知其無也。 甚則知其怨苦噓歎。婦人能此,則險詖私

一於正則不邪。

韜之爾。 「綢直如髮」,貧者紒縰無餘,順其髮而直

繞之,帛不足,則裁直條如其髮之長而直韜之,此言儉而繞之,帛不足,則裁直條如其髮之長而直韜之,此言儉而繼以帛斂髮而作紒,古者紒不露髮,帛有餘,則斜纏

保也。《蓼蕭》、《棠華》「有譽處兮」、皆謂君接己《蓼蕭》、《棠華》「有譽處兮」、皆謂君接己

心,君仁臣忠,無所容其間矣。處,謂居之安也。讒毀之人,皆繇君有刻薄疑忌之

《商頌》「顧予烝嘗,湯孫之將」,言祖考來

顧以助湯孫也。

福。敬按"引此亦與「陟降庭止,在帝左右」之意相通。備,而孝思可伸,則在祖考之佑助也。古者以祭成爲大祭者,子孫之心,然必時和年豐,天人胥治,而後禮

鄂不韡韡」,兄弟之見,不致文於初,本諸

鄂,花萼,不,音趺,●花承蔕小莖也。花誠也。

尚文。 《书·而韡韡之生意在中,興兄弟之好一本諸誠,非徒未著,而韡韡之生意在中,興兄弟之好一本諸誠,非徒未著,而韡韡之生。花方含蕊,文明,花萼,不,音趺,●花承蔕小莖也。花方含蕊,文

所譽必有所試,厚之至也。《采苓》之詩,舍旃則無然,爲言則求所得,

心,❷惟輕信人言而不自求諸心。能不因人爲毀譽,則好必試而謂之厚者,人之刻薄賊恩,喜怒自任,類非其本也,求所得,察其何所得當於道。譽必試也,毀則無譽,舍旃,毀之令斥也,無然,無毀也,爲言,揚其美

● 「趺」,各本作「跗」。

類」、各本無此字。

230

簡,略也,無所難也,甚則不恭焉。 難、去聲。於物無所難、以爲不足較也。

賢者仕禄,非迫於飢寒,不恭莫甚焉

故,而謂世不足與有爲,仕於卑賤,不恭之甚矣。 御之强, 能無太簡之譏,故詩人陳其容色之盛,善 簡兮簡兮」,雖刺 孔子爲委吏乘田,免於飢寒則去之。此伶官非以貧 時 君不用,然爲士者不

推其賢以責備之。

與夫君子由房由敖、不語其材武者異矣。 君子陽陽,安分自得,無疾世之意,故無責焉。

爲,徒破缺我斧斨而已; ·破我斧」,「缺我斨」,言四國首亂,烏能有

四國。商、奄、管、蔡。

周公征而安之,愛人之至也。

心,純乎仁愛。 諒其無能爲而不窮兵致討,念其愚而安之,周公之

張子正蒙注卷八

《伐柯》言正當加禮於周公,取人以身也。 屈己而後能下賢

其終見書「予小子其新逆」。

成王終成此詩之志。

可致也。 九罭》,言王見周公當大其禮命, 則大人

應,同氣相求」也。 君臣合德則禮命自隆,大人以道致,所謂 「同聲 相

《狼跋》,美周公不失其聖,卒能感人心於 和平也。

之和平,公心之和平化之也。 大常,静正而物自感,心無私累,則物我之氣俱順。 貶損而免患,若郭子儀是已。 庸人處變而不知自裁以禮,其賢者則改節降志以自 聖人達於屈伸之感而貞其

- 一鮮」,各本作「多」,疑誤。
- 「試坊本作誠誤」,草堂本以下各本無此六字。

<u>#</u>

《甫田》「歲取十千」,一成之田九萬畝,

公取十千畝,九一之法也。

后稷之生,當在堯舜之中年,

舜攝政而使稷教稼穡,在已彊仕矣,●此云「中年」,

爲二王後,而詩人稱帝爾。

而《詩》云「上帝不寧」,疑在堯時高辛子孫

廢弟立,未嘗改姓易服,不得稱「二王後」。此説未安。帝摯之子,生於諸侯廢摯,堯即位之初。摯,堯兄也,兄此謂上帝爲天子之稱,疑者,未定之辭。實則稷蓋

唐棣,枝類棘枝,

未詳。

簡節屈曲,其華一偏一反,

愛,以權宜合義,主在遠者爾。道,反,喻周公誅殛。言我豈不思兄弟之

左右相矯,因得全體均正。

偏,喻管、

蔡失

所繫者家國之大。

《唐棣》本文王之詩,

此一章周公制作,序己情而加之,

以「唐棣」爲「棠棣」,●又云「文王作」,蓋誤。

謂周公增此一章。

仲尼以不必常存而去之。

博學詳説之功多所簡忽,若此類是也。權之比,而張子因之,義多未順。張子之學主於心得,於漢注合上「可與共學」爲一章,以偏反之反爲反經合

日自東而西,微雨自西而東,與日相會合,陰陽和日出而陰升自西,日迎而會之,雨之候也,

則雨。

❷ 「以唐棣爲棠棣」,古籍出版社本及中華本作「以棠棣❶ 「在」,草堂本以下各本無此字。

爲唐棣」。

興勞人之不得息。

喻昏姻之得禮者也;

日西矣而陰生於東,陽迎陰,男下女,以崇廉節也

之,●雨終不成。 日已去而陰逐其後,日

無會雨之心,

雨强

൬

奔隨

喻昏姻之失道者也。

虹也。言虹飲於井者,野人之説。天之淫氣,不知微雨漾日光而成虹,人見之然爾,非實有莫之敢指」,不正之氣也。張子此説爲長。朱子謂虹蜺莫之敢指」,不正之氣也。張子此説爲長。朱子謂虹蜺

鶴鳴而子和,言出之善者與!

善則物必應。

鶴鳴魚潛,畏聲聞之不臧者與!

以言好仁之益、《詩》以示惡不仁之警。故必善其鳴而慎其潛,乃以得臧。取喻同而義異,《易故必善其鳴而聲聞于天,魚潛而或在渚,不善則不可揜也

独時得退而依深林而止也。 「鴥彼晨風,鬱彼北林」,晨風雖驚擊之鳥,

涉波而去,水患之多爲可知也。之負塗曳泥,其常性也;今豕足皆白,衆與《漸漸之石》言「有豕白蹢,烝涉波矣」,豕

水患多則征人勞。

焉」: 言也,動也,行也。 「君子所貴乎道者三」,猶「王天下有三重

故道以反經爲大。
於衆,❷而習之者能贊之,猶籩豆之事,任之有司可也。於衆,❷而習之者能贊之,猶籩豆之事,任之有司可也。道,立其本而中和致,乃可以制禮作樂。若度數文章稽君子所貴乎道,求之身而已,言、行、動皆本諸身之

● 「日無」至「隨之」十二字,草堂本、學署本缺「而」字,

). 「度」,草堂本以下各本作「讀」,蓋音同致誤。

五五五.

五六

鳴 耈 造德 聞 降 ,所以爲和氣之應也 0 則 民 誠當作誠。 和 而 鳳 口 致 故

則物效: 天地 其 人物之氣,其原一也。 和, 德 施 普 降, 和 氣達 民和則天和不干,天和 於 萬民, 而 物 應之不

行; 九疇 次敍: 民資以生,莫先天材,故首曰五

察, 之止 其爲資生之材以闢邪説,韙矣。 醫卜星命之流,因緣附會以生克休王之鄙説 君德也, 及五味,皆就人所資用者言之。 而善用之者君道也; 五事,天命之性以明民,而善用之者 資,厚生利用,需此五者,故炎上、潤下、曲直、從革、稼穡 雜引術數家言,分配支離,皆不明 一於此,亦非天之秩分五者而不相爲通,特以民生所 疇 事 皆切乎民事而言,故曰範,曰疇。 也, 九事皆帝王臨民之大法。 五行,天産之材以養民 於 《洪範》之旨, 五行者,非天化 漢以後儒者不 張子決言 丽

君 天下必先 正己 一,故 次 五 事

正己而後可正人,踐形盡性,所以正己。

己 正 然後 政以節宣五行而立爲常典 邦 得 而 治,故次八 (政;

> 政 不 時舉必昏,故次 五紀;

合於天乃順於人。

Ŧī. 紀明然後時措得中,故次建皇極,

建則隨時以 《處中。

求大中不可不 知權 故次

剛柔正直,各適其宜 權 也

權 必有疑,故次稽 循 常而 行,人謀定則可不待卜筮, 行 權

有

而

後

决

之以鬼謀

可徵然後疑決,故 次

1 ·筮隱而天象 類。 庶徴;

福 極 微 , 然後 可 不 勞 而 治, 故 九 以 繒 勸

終焉。

五爲數中, 刑賞合天則大法行,而非徒恃法 故皇極 處 權 也。 调 中 而

合

義

次敍之説,亦理之一 端。 以 雒 書 證 之, 抑 有 不盡

也

,故三德處六。

0 煮, ,兹從之。 原作「苟」,中華本依《書 君奭》「耆造德不降

親親尊尊」,

周道也。

又曰「親親尊賢」,

周公治魯之道。

其親爲可矣。 義雖各施,然而親均 則尊其尊, 尊均 則 親

親尊互酌而重者見矣。

若親均尊均,則齒不 可 以不先,此施於有

親者不疑。

昭穆亦齒序之推也。❶

若尊賢之等, 則於親 尊之殺,必有權 而

後行。

賢均則以親疏尊卑爲等。

急親賢爲堯舜之道,

親賢,謂親而賢者。

然則親之賢者先得之於疎之賢者爲必然。

先得,急之也,謂先舉而尊之。

堯明俊德於九族而九族睦。

張子正蒙注卷八

章俊德於百姓而 明,顯也,表而尊之,則人皆喻於爲善之榮。 萬邦協,黎民 雍;

九族之賢既舉 丽 後舉庶士。 百姓,謂百官賜

族

姓者。

皐陶 亦以惇敍九族、庶明勵翼爲邇 미 遠之

道;

則九族勉敬之人固先明之,然後遠者可次 庶明,庶士之賢者。 邇可遠,謂即邇以及遠

敍而及。

《大學》謂「克明俊德」爲自明其德,不若孔 周道以親親爲本,一堯、舜之道也

氏之注愈。

義民,安分之良民而已;

俊民,俊德之民也。

僅免於惡而不足與爲善。

俊,大也,德大則所施亦大。

官能,則準牧無義民,

「齒序」,各本互乙。

五七

五八

鄉黨自好者,可使安於野而不可使在官。

治昏,則俊民用微。

能無鄉原,惟置而不用,則不足以賊德。取小善而棄大德,昏主之所以壞風俗也;雖聖世不

五言,樂語歌咏五德之言也。

樂語,所歌之文詞。

「卜不習吉」,言卜官將占,先決問人心,有

疑乃卜,無疑則否。

朕志無疑,人謀愈同」,故無所用卜,理顯於明而故索之幽,徒亂德而已。

必依,龜筮必從,

幽明無二理。

謀己決而欲得吉占,玩神以自快而已。 故不必卜筮,玩習其吉以瀆神也。

衍忒未分,有悔吝之防,此卜筮之所由

作也。

衍忒,數之過也。事非常而過於常數,爲之則悔,不

王禘篇

所以審在己之悔吝,而非爲吉凶也。

之天下而不辭,蹈

白刃

而

不

避,何卜筮之有!

爲則吝,故卜筮以決之。

若吉凶之數適如其

理

則受人

之宜,則存乎人之隨時以處中,而不在乎度數之察也。其大而遺其細。蓋大經有一定之理,而恭敬、撙節、退讓秩敍而精其義者也。張子之學以立禮爲本,而言禮則辨此篇略釋三禮之義,皆禮之大者,先王所以順天之

禮不王不禘」,則知諸侯歲闕一祭爲不禘

明矣。

鬼神

禘,則夏不祭。 謂夏、商春礿夏禘,即於夏季時享行大禘,諸侯不

二享、四祭爲六矣。

至周以祠爲春,以禴

爲夏,宗廟

歲六享,

則

諸侯不禘,其四享與 二享,禘、祫,四祭,祠

四時之祭闕其一,合袷而四。周制,諸侯各以其方

助祭于天子,●故其時不行宗廟之祭。

禘,禘則不嘗」,假其名以見時祀之數爾 作《記》者不知文之害意,過矣。 夏、商諸侯,夏特一袷,《王制》謂「礿則不

爾。 大禘之時而祫祭,非禘也。 察,且疑諸侯之亦禘,害於禮矣。夏、商諸侯,夏時天子 假夏、商時享之名謂礿爲禘,於文未審,恐讀者不 《王制》蓋謂諸侯祠則不礿,礿則不嘗,亦言闕 作《記》者,漢文帝時博士。❷

言爾。 爲秋冬,作《記》者交舉,以二氣對互 禘於夏、周當是「商」字之譌爲春夏,嘗於夏、商 而

秋,要以夏、商之禮爲名,若周,則禘在時享之外。 陰陽二氣之變,故於夏秋之交相對而言,略春冬而舉 言禘以該礿,言嘗以該烝,《禮記》專言禘、當者,以

享嘗云者,享爲追享朝享,禘亦其一爾。

有享禮,以下奉上之通詞,故禘亦可云享。 所自出之帝遠矣,故云追享。朝享者,諸侯觀 王亦

嘗以 配享,亦對舉秋冬而言也。夏、商以

禘爲時祭,知追享之必在夏也

謂夏、商因夏之時祭而行大禘,故以與嘗對舉,嘗言

秋冬,享言春夏。

然則夏、商天子歲乃五享,

謂五祭。

禘列四祭,并祫 而五 也。

以 不王不禘,禘爲大享,故知夏禘之外 不 更 别 行

時祭。

周改禘爲禴,則天子享六;

禘袷二祭,於四祭外别舉之。

諸侯不禘,

袷而不禘。

祭,則給可同時 天子犆礿、袷禘、袷嘗、袷烝,既以 又歲闕一祭,則亦四 而 舉。 而已矣。《王制》所 張子自注: 礿以物薄,而犆 稀爲 時 謂

從舊。

于」,各本脱

時」,各本無此字。

而」,原作「放」,依中華本改。

五九

袷烝,謂隨 \equiv 明其宗也,張子自注:明宗子當祭也

時可并行給祭。

袷禘云者,據夏、商而

言

袷禘、袷賞、

諸侯礿植張子自注:同天子。● 禘一犆一袷,言

於夏禘之時正爲一祭,

不袷也。

特一袷而已。

袷隨秋冬行之。

然則不王不禘,又著見於此矣。

之名也 大禘不得言植言治,諸侯之言禘,非禘也,孟夏時享

又云嘗給、烝給,則嘗、烝且給無疑矣。 秋嘗冬烝,可於時并行,給祭實止一給也。

若周制亦當闕一時之祭,則當云諸侯祠則

不禴,禴則不當。

復釋此,所以申明不王不禘之大義。 禴,不當云礿禘,作《記》者雜用三代之文,故害於意。 反 以夏、商之禮言,故云禘。若以周制言之,則當云祠

庶子不祭祖,張子自注:不止言王考而已。

大夫三廟而上,皆有祖廟祀始受命者。

子,則雖不爲大夫,亦必祭祖

庶子即爲大夫,不得專立祖廟,後世乃可祖之,

若宗

不祭禰,張子自注:以父爲親之極甚者,故又發此文。

上庶子對繼祖之宗子而言,此庶子兼對繼禰之宗子

而言。苟爲庶子,則禰且不祭,況祖乎!

明其宗也。

唯繼禰之宗子乃得祭禰, 庶子貴,以其牲就宗子 侕

行事。

注:此以服言,不以祭言,故又發此義。 庶子不爲長子斬,不繼祖與禰故也。 張子自

得伸。 其不繼禰者,●雖嫡長,但繼己而已,非祖禰之繼,義不 凡庶子皆不繼祖,即有繼禰者,亦不爲其長子斬,況

父之庶。」 「庶子不祭殤與無後者」,注:「不祭殤者,

0 「同」,草堂本以下各本作「如」。 亦作「如」。 按中華本《張載集

「其不」,各本無此二字。

不須祔於己之祖廟。

註,鄭氏注也。 不繼禰之庶子,不祭己之殤。❶

祭之。 蓋以殤未足語世數,特以己不祭禰,故不

繼禰之宗,則殤卑賤不得祭。 此釋鄭註,言殤非父之適孫,不足列世數。 己既非

不祭無後者,祖之庶也」,

祭殤,而不可以祭諸父昆弟之無後者。 二句鄭氏注文。於祖爲庶孫,雖於禰爲適子,可以

己不祭祖,故不得而祭之也。 雖無後,以其成人備世數,當祔祖以祭之,

主焉,己不祭也。 釋鄭注,言己不敢入祖廟而祭,則共其祭物而宗子

祖庶之殤,則自祭之也」,

二句鄭氏注文。己爲祖庶,於禰爲適,則可祭已之

於大宗,從祖而已。

適殤

言庶孫則得祭其子之殤者,以己爲其祖 矣,無所祔之也。

己爲其祖者,己可祭禰, 釋鄭注,言庶子,祖之庶也。己之殤,己之適長殤, 則禰爲殤之祖矣。❷ 無所祔,言

凡所祭殤者唯適子」,

鄭氏注文。此適子,謂殤。

類。故知凡殤非適皆不當特祭,惟當從祖 此據《禮》天子下祭殤五、皆適子適孫之

世數,必袝食乃祭。 釋鄭註。言必有承祖世爵之貴乃特祭之,其他則雖 袝食。❸

「無後者,謂諸父昆弟」,

鄭氏注文。

殤與無後者,如祖廟在小宗之家,祭之如

廟别爲一宗者。 在大宗。● 張子自注:見《曾子問》注: 此引伸鄭注而言。 如在大宗,即祔於小宗家之廟,不必合 祖廟在小宗之家,謂大夫更立祖

一祭」,各本作「繼」,疑緣上「繼」字而誤。

「則禰」,各本無此二字。

當」、各本脱。 按中華本《張載集》有此字。

在」,各本脱。 按中華本《張載集》有此字。

殷 而上七廟,自祖考而下五,并遠廟爲祧

據《王制》而言。

無不遷之太祖廟。 至周有不毁之祖

謂后稷。

則三昭三穆,四爲親 廟,二爲文、武二世

室,并始祖而七。

謂周之親廟止於四世,五世則祧。

謂世室。

諸侯無二桃,

故五。

四親廟,與始封之君而 Ŧį

大夫無不遷之祖,則一昭一 穆,

父與王父。

與祖考而三。

祖考,謂曾祖。 大夫不世官,祀之三 一世而止。

故以祖考通謂爲太祖

注:干給之,不當給而特給之也 若給,則請於其君,并高祖干給之。張子自 名爲太祖,實祖考也,以西嚮之尊,故稱太祖

> 而得行合食之禮。 制。」亦粗及之而不

周

并,合也。干,求也。

大夫不得合祭,貴大夫請於君

孔注:「《王制》,謂

詳爾。

天子諸侯無後,亦不得特立廟也。 廟,當以無後祔食之例祔於祖廟,而 穆,其未立者,非如漢之冲、質,君道未成,則自私 昭穆亂,其說非也。人君無子,則早立繼嗣,必以其 如齊桓公四子皆爲君,則不得祀其祖,且兄弟爲昭穆而 胡氏謂父死子繼,兄終弟及,皆爲一世,則有兄弟踵 侯親廟各四,所謂五世而斬也。 孔注,孔穎達疏。《王制》所云,非周制也。 然二昭二穆必於四世 不 人世數可 . 而輕 知。 天子諸 立 昭

鋪筵設同几」,疑左右几一云。

一几也。 享祖考以妣合食則設同几。 疑者,釋其疑之謂 言同者,以别於左右各

交鬼神異於人,故夫婦而同 几。

在焉。 無嫌,不必别也。 而資生,孝子慈孫以其精意感神於漠,即己之志氣 人道則夫婦有别,交祖考者以神道,神則陰陽合德 己爲考妣合一之身,不得有陰陽男女之異 ൬

求之或於室,或於祊也。

異,知分合聚散之理,然後知禮之精義而入神。無定在也。夫婦同几而不嫌於同,一神兩求而不嫌於成之多方,神於室者,正祭,於祊,繹祭也。一神而求之多方,神

原營。 「祭社稷五祀百神」者,以百神之功報天之

資始之德。無方體,唯天子饗帝然。抑分而使人各効其報,以不忘無方體,唯天子饗帝然。抑分而使人各効其報,以不忘百神,皆天之神所分著者也,隨所著而報之。天德

故以天事鬼神,事之至也,理之盡也。

以鬼事鬼,不當於理,●其黷甚矣。事鬼神而歸本於天,乃窮理以盡人事之至。淫祀者

之爲。蓋以尊統上、卑統下之義。「天子因生以賜姓,諸侯以字爲謚」當是「氏」字

始祖,分族命氏,以明其所出之卑。● 君臣之分,於斯上之。諸侯賜大夫之氏,因王父之字爲氏,不得上統於齊、紀同於姜,本所自出之帝,統於一尊,所以尊諸侯而天子賜諸侯之姓,推原其所生,●故魯、衞同於姬,

著矣。

尊統上之道也。「天子因生以賜姓」,難以命於下之人,亦

文字, 1975年, 1976年, 1976

此章舊分爲二,今合之。

太廟,就藏朔之處告祖而行。據《玉藻》,疑天子聽朔於明堂,諸侯則於

敢自專,待命於尊親。」胡氏曰:「月,王月也。 王者贊天敷治,自己制之,諸侯不胡氏曰:「月,王月也。 王者贊天敷治,自己制之,諸侯不聽朔,頒朔也。諸侯奉朔藏於太廟,每月告祖而行。

此師行之禮,受命宜於尊者,卜吉宜於親者。「受命祖廟,作龜禰宫」,次序之宜。

-) 「理」。各本作「禮」。
- 「所」下,各本有「自」字。
- 「所」下,各本有「自」字。

臣」。」大夫、卿大夫之室老及家邑之士爲「貴「公之士及大夫之衆臣爲「衆臣」,公之卿

老、邑宰,大夫之貴臣。有司、非室老,又非宰邑者也。卿、大夫,公之貴臣,室有司、非室老,又非宰邑者也。卿、大夫,公之贵臣,室

上言「公士」,所以别士於公者也,

家,更不在公室衆臣之列,愈賤而服愈降。此釋《喪禮》之文。别士於公與士於家者也。士於

别士於家者於公之士也,公之士不爲大夫服。下言「室老士」,所以别士於家者也。

衆臣杖不以即位」,●疑義與庶子同。

分卑則不得伸其哀

之通名。「適士」,疑諸侯薦於天子之士及王朝爵命

蓋三命方受位天子之朝,有功而王命之者,皆曰適士。適士,對庶士之稱。

於王朝有班位。

有位於王朝,故謂之「官師」而已。一命再命受職受服者,疑官長自辟除,未

官長,六官之長,諸侯自命者亦如之。

於長者,《禮》所謂「達官」者也。「小事則專達」,蓋得自達於其君,不俟聞

引《周禮》以證《禮記》達官之義。

所謂「達官之長」者,得自達之長也。

天監行人司遥屬禮部,而監正司正又爲之長。官皆統於六官爲之長,而達官又各有長,如今制欽

長必三命而上者,官師則中士而再命者,所謂「官師」者,次其長者也。然則達官之

之長,故以《周禮》推之,知其亦有專達之官,而有長有《周禮》「小事則專達」,天子之官也。諸侯亦有達官

庶士則一命爲可知。

貳,長上士,貳則中、下士,故達官之長,於諸侯爲貴臣。

「賜官」,使臣其屬也。 張子自注:若卿大夫以室老士

爲貴臣,未賜官則不得臣其士也。

明非但諸侯得有其臣,卿大夫既賜官, 亦得 臣 工其室

祖廟未毁,教於公宫

女子許嫁,教之三月。

人焉。 則知諸侯於有服族人亦引而親之,如家

士禮推之,五世内服屬也。 女子既然,則男子可知。 諸侯絕期,而言有服者,以

其争也」,争爲謙讓 下而飲」者,不勝者自下堂 而 而受飲 也。

自安於不能,讓道也。

鵠 侯以布,鵠以革,其不貫革而墜於地者,中 君子之射,以中爲勝,不必以貫革爲 可知矣。

> 鵠,栖皮於布,侯之中也。 布易貫,革難貫,至革而

此「爲力不同科」之一也 墜,中可知矣。

有力則貫,無力則否,先王因材取人而不求備,於

《射禮》見其一。

知死而不知生,傷而不弔。」

傷,哭也。

畏、壓、溺可傷尤甚,故特致哀死者,

畏,兵死,壓,木石壓死,溺,没水死。

不弔生者以異之,

而致其親之死於畏、壓、溺,則不孝慈矣,雖與 雖知生亦不弔,蓋哀致於死者,則不暇及於生者。 相知,絶之

且「如何不淑」之詞,無所施焉。

可也。爲君父戰而死者,非畏也,不在不弔之科。

有故而死,無容問之。 此舊注文,申釋之以明情 與

文之必稱。

博依善依」,永而歌樂之也,

習其音調也。

張子正蒙注卷八

爲

「雜服」,雜習於制數服近之文也。

舍器而無以見道。 近,猶習也。音調文儀,非禮樂之至,然器繇道設,

放曰:「知我者其唯《春秋》: 大要,謂褒貶寓刑賞之權。 之妻也。

《春秋》乎!」
故曰:「知我者其唯《春秋》乎,罪我者其唯

胡氏之説備矣。

「苗而不秀者」與下「不足畏也」爲一説。

張子正蒙注卷九

乾 稱 篇

本。 溪之旨,必 相爲蹠盭,而與釋氏真如 其父而父天,不母其母 行,而乾道成男,坤 之秩敍有不可違。 精爲性,乃以爲日用事物當然之理,無非陰陽變化自 所以明夫人之生也,皆 君子之道,自漢以後,皆涉獵故迹,而不知聖學爲人道之 於墨氏,程子爲辨 以啓争爲疑,改曰《西 人皆天地之生, 然濂溪周子首爲《太極圖説》,以究天人合一之原 此篇張子書於西 有爲推本天親合 而父母特其所禪之幾,則人可以不父 明其 道成 然所疑者,自太極分爲兩儀,運 牖 銘 ,而母 天命 理 女,皆乾、坤之大德,資生資 示學者, 緣起之説雖 地,與 流 分殊之義,論之詳矣。 龜 者,而 行之實,而以其神化之粹 Ш ,題日 一楊氏疑其有 六經、《語》、《孟》之言 後可以合乎人心, 異 訂 而且 頑 同。 體無 伊 ĬII 浜用,近 抑 爲 程 始 Ŧi. 伙 考 子

> 乎天理 於父而知乾元之大也,於母 而企及之,而非有惻怛不容已之心動於所不可 地 中,而氣爲父母之所自分,則即父母而溯之,其德通 者,父母之生我,使我有形色以 物者在是。人之與天,理氣一也, 夫婦之義、君臣之道、朋友之交,則所以體天地 則所以存心養性而事天者在是, 者在是, 盡愛以事母, 則可以事地者在是, 守身以事親 德,則就人之生而切言之也。 物而言之也,《詩》曰「欲報之德,昊天罔極」,德者健 厚載,故稱之曰母。 者其德統天以流形,故稱之曰父,惟 乾,父即生我之乾,别無所謂坤,母即成我之坤,惟 生於天地之德也固然矣"從其切者而言之,則别無所謂 吾母」也:從其大者而言之,則乾坤爲父母,人物之胥生 文 誠 必幾,禽獸 義之精。 祭其立言之奧而釋學者之疑。 也,無有間矣。 而無敝,故張子此篇不容不作,而程子一本之説 且有覺焉, 其日 「乾稱父,坤稱母」,初不曰 若舍父母 故 而況於人乎 《書》曰「惟天地萬物父母」, 而知坤元之至也。 而親天地,雖極其 盡敬以事父,則可以 具天性者也。 推仁孝而有兄弟之恩 而繼之以善,成之以性 竊嘗沉潛 成我者其德順 故 體 「天吾父,地 陰 味。 心以 理在 此其誠之 而仁民愛 玩而見其 陽之 事天 擴大 於天 一氣之 順之 天 生 是故 統 萬 而 我

. 「且」。各本無此字。

也。 敬,而盡致中和以位天地、育萬物之大用,誠本理之至 之成之,即一陰一 天而善吾生? 謂 附之篇中,以明張子學之全體。 後所未有也。 者以立言,而辟佛、老之邪迷,挽人心之横流,真孟子以 繼之理,❶以孝道盡窮神知化之致,使學者不舍閨庭之愛 此以求天地之德,亦照然矣。張子此篇,補周子天人 道 此篇朱子摘出别行,而張子門人原合於全書,今仍 可躐等而與之親, 乾、坤之謂 惜乎程、朱二子引而 誰成 也, 陽之道 我 又曰「繼之者善,成之者性」,誰 而使有性? 而父之爲乾,母之爲坤,不 ,則父母之外,天地之高明 不發,未能洞示來兹 則父母之謂矣。 能 和

乾稱父,坤稱母;

日 生成,則太和絪縕,中含健順之化,誠然而 情,理之同者也。」 母之名立,而 故不忍忘,而推致其極,察乎天地,切求之近以念吾之所 ,所以生名之實也。 「天地者其形體, 謂之父母者,亦名也,其心之必不忍忘,必不敢背 稱 天地 迹之與父母 爲父母, 惟乾之健,故不敢背,惟坤之順 迹 異 異 而 者 理本同 也 不可 乾 也。 坤者其 昧。 朱子 故父

计兹藐焉,乃混然中處。

混然,合而無間之謂。合父母之生成於一身,即合

天地之性情於一心也

故天地之塞,吾其體,天地之帥,吾其性

即與天地無二也。 行之氣、生物之心在是,而吾之形色天性,與父母無二,行之氣、生物之心在是,而吾之形色天性,與父母無二,之心,性所自出也。父母載乾坤之德以生成,則天地運者,氣也,氣以成形,帥者,志也,所謂天地之心也。天地者,氣行充周,帥,所以主持而行乎秩敍也。塞塞者,流行充周,帥,所以主持而行乎秩敍也。塞

民,吾同胞,物,吾與也。

相也。 大君者,吾父母宗子,其大臣,宗子之家

其幼。 尊高年,所以長其長,慈孤弱,所以

幼

● 「周子」,各本脱。

● 「者」,草堂本以下各本無此字。

家之有長幼,必敬而 慈 之,故 心從其 (類, 有 觸 必 一感

此理人皆有之,最爲明切

聖,其合德;賢,其秀也。

也。 希聖友賢,成身以順親,即所以順天。 合德,謂與父母之德合,秀者,父母所矜愛之賢子孫

凡 連而無告者也。 天下疲癃殘疾、惸獨鰥寡,皆吾兄弟之

顛

能充之,足以保四海,苟不充之,不足以保妻子」,生理之 顛連無告而無惻隱之心,則兄弟亦可不恤,故曰「苟

·于時保之」,子之翼也;「樂且不憂」,純 平

孝者也。

明昧而已。

違 日悖德,害仁日 守身以敬親而事天,則悦親而樂天,無小大之異也。 賊,濟惡者不才, 其踐

形,惟肖者也。

從之者爲順。 之肖子,則可肖天地矣。 之蠹矣,故必踐形斯爲肖子,肖乾坤而後肖父母,爲父母 則賊所生之理矣。 從而無違爲順,然有可從、不可從之異,而理則唯 父母繼健順之理以生成,吾所求肖者此也。 不從其善而從其不善,或至於殘害天理 濟惡 而不能干蟲,父母成乎惡而爲天 故舜所踐者瞽瞍之形,而與天 其 親 (善而 志以

合德。

知化則善述其事,窮神則善繼其志。

也。 繼者必神無不存,而合撰於乾坤以全至德。 者,天地生物之心理,父母所生氣中之理,亦即此也。 善述者必至於知化,而引伸之以陶成乎萬物。 化者,天地生物之事,父母之必教育其子,亦此 事 神

不愧屋 漏爲無忝; 存心養性 爲 匪

身而即以昭事上帝矣。 止惡於幾微,存誠於不息,聖功之至,亦止以敬親之

惡旨酒,崇伯子之顧養,育英才,穎封人之

錫 類。

而弘天地之仁。 惟遏欲可以養親,可以奉天,惟與人爲善,則廣吾 愛

不 弛勞而底豫,舜其 功 也

此知天地之變化剥復無恒,而 不可逆者親,而有時不能順,舜盡誠而終於大順,以 大人撥亂 反治 惟 正己立

無 派所逃 而待烹,申生其恭也

誠而可挽氣化之偏

逃之義; 非己自有生而天奪之。故身爲父母之身,殺之生之無可 道盡則安命,而不以死爲憂,蓋生我者乾坤之大德! 德未至於聖,無如自靖以俟命。

體其受而全歸者,參乎

離,全性乃可以全形。 全形以歸父母,全性以歸天地,而形色天性初不相

勇於從而順令者,伯奇也。

女於成也。 富貴福澤,將厚吾之生也,貧賤憂戚,庸玉

驕怨之有! "我母之愛與勞,體此者也。無往而不體生成之德,何德,父母之愛與勞,體此者也。無往而不體生成之德,何 乾坤之德至矣,或厚其生,或玉於成,皆所以成吾之

存,吾順事;没,吾寧也。

所歸,則適得吾常而化自正矣。 於一日。順事以没,事親之事畢,而無擾陰陽之和以善於一日。順事以没,事親之事畢,而無擾陰陽之和以善於一日。即受天地之化

者誠服膺焉,非徒擴其量之弘,而日乾夕惕之心,常有父不容自諉者。若其負父母之生我,即負天地之大德。學事親是也」。事親之中,天德存焉,則精義以存誠,誠有容已之事,而即心以體之,則莫切於事親,故曰「仁之實,必 此章切言君子修身立命存心養性之功,皆吾生所不

蕴也。 其用之至切,蓋欲使學者自求之,而非可以論説窮其不待警而自篤矣。程、朱二子發明其體之至大,而未極母以臨之,惟恐或蔽於私,以悖德而賊仁,則成身之功,

可狀篇

合爲一篇明矣,正之。言出於思也」以下爲《東銘》,今按十七篇之數,則此二篇二氏之愚而明聖道之要。程子改曰《東銘》。舊説唯「戲出、是一明聖道之要。程子改曰《東銘》。舊説唯「戲出篇張子書之東牖以示學者,名曰《砭愚》,蓋以砭

凡可狀,皆有也,

實有其體,故可狀。

凡有,皆象也,

凡象,皆氣也。

剛,而聲色、臭味、性情、功效之象著焉。使之各成其象者,皆氣所聚也,故有陰有陽,有柔有

虚則人萬象之中而不礙,神則生萬變之質而不窮。性,謂其自然之良能,未聚則處,虚而能有,故神。

則神與性乃氣所固有,

與性偕也。 與性偕也。 與性偕也。 與性偕也。 與性偕也。 與性偕也。 與性子,則氣之所至,神必行焉,性必凝焉,故物莫而成乎性矣,則氣之所至,神必行焉,性必凝焉,故物莫理,以定志趣而效功能者則謂之性。氣既神矣,神成理理,以定志趣而效功能者則謂之性。氣既神矣,神成理理,以定志趣而效功能者則謂之神,自其化之各成而有其條

此鬼神所以體物而不可遺也。●

形色色,重濁凝滯之質氣皆淪浹其中,與爲屈 性 有生於無之陋説,而 以窮神,於形色而見天性,所以 包地外而入於地中,重泉确石,天無不徹之化,則即象可 融結,大而山澤,小而昆蟲草木,靈而爲人,頑而爲物,形 能遺之! 也。 鬼神者、氣之往來屈伸者也,物以之終,以之始,孰 此言天下富有之物,❷皆神之所流行,理之所 示 學者不得離皆備之實體以求見 辟 釋氏幻妄起滅 伸。 、老、莊 蓋天

至誠,天性也;

張子正蒙注卷九

睿,子誠能孝,臣誠能忠,誠 至誠者,實有之至 也。 目誠 有是形 能 明 則 耳 誠 有是性 誠 能 聰, 一,此 思 誠 之 能

不息,天命也。

保合太和以爲定體者也

而時雨不能潤槁木,白日不能炤幽谷,命自不息而 息之命,故人得成其至誠之體, 不倦,成功不居,是以聰明可以日益,仁義可以日充。 可以受天不息之命。 在人有學問之事,而所以能然者莫非天命也。 命之者不已。 天之命物,於無而使有,於有而使不窮,屈伸相禪 蓋無心而化成,無所倚 不然,二氣之妙合自流行於兩間 而人能成其至誠之體 而 有 所作止,方 惟天有 非 則 雖 其 不 來 而

命,惟其有形不踐而失吾性也。

人能至誠,則性盡而神可窮矣;

吾身之形,天下之物,形質嗜欲之粗滯,皆神之所不有至誠之性在形中而盡之,則知神之妙萬物也。凡

不息,則命行而化可知矣。

遺者。

天命不息,而人能瞬存息養,晨乾夕惕,以順天行,

- 「可」,草堂本以下各本脱此字。
- 母·「富」。草堂本以下各本誤作「當」。

七二

學未至知化 太和,所以感人心於和平而贊天地之化育者,自無間 變化,萬 則 -象,有意否? 刻 刻 事險阻 與天相 皆 砂降 非真 有百順 而 得也。 受天之命, 至當之理 張子自注: 舍氣, 無 ,隨喜怒哀樂 有 所 遺 於 有 而 凡 象否? 矣。 合於 萬 物

庶物人倫之理,無 以 者,以介然之悟,立 氣之良能而化即在是,此至誠之所以無息。 見知化之學,非索之於虚空變幻之中,即此 不能繼,性之不盡 既言「學必至於知化」,又云「舍氣無象,非象 一義之不精 一幻妄之教,指休歇 而欲至於命,其狂愚甚 無無 一物之不體,則 爲究竟, 彼 形 事 不 形 至 誠 極 無 色色 無 盡 意 港 物 TV.

有無虚實通爲一物者,性也,

聰,目 皆 미 不 虚 I無也, 之體撰爲然也 測,則無也,虚 不實,有而 以 爲 此 之明,心之睿 有, 理 虚 體驗乃知之。 非 也, 不拘, 見見聞聞之所 而 也。 定爲體。 實 麗於事 (而不滯。 至 於有而 誠 ,發爲 者 物者,皆 能 用 逮。 無 可不礙其 故仁義禮 而 ,則皆有: 惟 有 有也,實 性 虚 .則無 未 也, 智 而 有 實者 也, 實 ,求其 無 也。 於 不有,無 也。 ൬ 形 用之 耳之 有 此 nti

不能爲一,非盡性也。

盗

賊

禽爛爾。

於提

有爲妄。 不知無之有, ,自迷其頭 故老氏以 則謂之無; 視之而見, 此正 者, 兩間爲橐 知 功 聽 ,而謂之 彼所謂 效可 虚 之而 之虚 籥 居 聞 盡 徇 釋 則謂 而 性 耳 則 不 氏以 目 謂 可 知虚 之實; 内 之有, 平? 法界 通 一之實 丽 爲夢 頑 外 目 然 窮 於 因 幻 於 寂 心 謂 知 静 視, 實 知 不 有 則 耳 可 之有 目 謂 窮 居 生 之 於

虚 聽

而

而

飲食男女、皆性也;

花

是 诗 丁 或 ? 理皆行乎其中也

是烏可滅?

然則有無皆性也,是豈無對!

特聞見之所不逮爾。 之與氣,氣之與形,相淪貫而爲一體,處者乃實之藏,而之與氣,氣之與形,相淪貫而爲一體,處者乃實之藏,而之與氣,氣之與無在有外,复然無對之孤光爲性,惟不知神

間 之愛爲貪痴,父母 也 莊、老、浮屠爲此説久矣, 女爲妄,而 人緣飾浮屠以莊、老之論,故 圃 浮屠所云真空者 老言虚 廣徒 無,言體之無 爲愛 是衆以 感 聚 ,則亦銷用以歸 所感 食 也, 天 教雖 理 毁 果暢 浮屠言寂 人人倫 終 異 不 而 於無體。 可 真 質同 滅天理, 滅 滅, 理 乎 言 唯 其 蓋 丽 以 以 用 晉、 同 飲 之 孩

宋

食

天包載萬物於內,所感所性,乾坤、陰陽二

端而已,

乎陰,相感以動而生生不息,因使各得陰陽之撰以成體效焉,所性也。有陰則必順以感乎陽,有陽則必健以感陰陽實體,乾坤其德也。體立於未形之中,而德各

異矣。無内外之合,無耳目之引取,與人物蕞然

聞

見爲用。

而又生其感

人能盡性知天,不爲蕞然起見,則幾矣。

嘗無也,此不爲耳目蕞然之見聞所域者也。知其性之無不有而感以其動,感則明,不感則幽,未

有無一,内外合。張子自注:庸聖同。

外,亦不昧其有理,人倫庶物之中,亦不昧其有不可見之雖愚不肖,苟非二氏之徒愚於所不見,則於見聞之

覺,但即此而得其理爾。此內外之合,聖之同於庸也。欲閉內而滅外,使不得合,則雖聖人不能舍此而生其知感必因乎其類,目合於色,口合於食,苟非如二氏之愚,理而不可滅,此有無之一,庸之同於聖也。既已爲人,則

此人心之所自來也。

若聖人,則不專以聞見爲心,故能不專以也,故人於所未見未聞者不能生其心。

之,超乎聞見,而聞見皆資以備道也。 為心故也。昧其有無通一之性,則不知無之本有,而有為心故也。昧其有無通一之性,則不知無之本有,而有流俗以逐聞見爲用,釋、老以滅聞見爲用,皆以聞見

此章舊連下節爲一,今分之。

無所不感者,虚也,感即合也,咸也。

周徧者也,故謂之咸。然則莫妙於感,而大經之正,百順陰陽合而後仁義行,倫物正,感之效也,無所不合,感之生生無窮,而盡天下之理,皆太虚之和氣必動之幾也。一物去而一物生,一事已而一事興,一念息而一念起,以一 至虚之中,陰陽之撰具焉,絪縕不息,必無止機。故

人 萬 勿 云 一,女 一 毕 A T 星 ; 人 主、毕 A T 星 之理在焉,二氏欲滅之,愚矣。

謂之感;若非有異,則無合。以萬物本一,故一能合異,以其能合異,故

合 理 解》曰:「觀其所感而天地萬物之情見矣。」見其情 異,則仁義不行。資天下之有以用吾之虚,《咸 化物之異而適於太和者也,非合人倫庶物之異而 而又各成其陰陽剛柔之體,故 ,則盡性以合天者,必利用此幾而不容滅矣。 惟其異,故必相須以成而有合。然則感而合者,所以 天下之物,皆天命所流行,太和所屈伸之化 一而異。 惟其本 既 乃得其 一,故能 》之《彖 統於無 有 形

天性,乾坤、陰陽也,

良楉、靈蠢,隨其質而皆兼體。 我之性,萬物之性,❶皆不越陰陽健順之二端,純駁、

二端,故有感;本一,故能合。

賢愚,皆吾性相須以合一之誠,不容滅也。太和,感之斯合矣。以知聲色、臭味、君臣、父子、賓主、雄順剛柔,相須以濟,必感於物以生其用,而二端本

天地生萬物,所受雖不同,皆無須臾之不

感,所謂性即天道也。

相感以爲大用,萬物之所自生,即此動幾之成也。故萬天地之寒暑、雨賜、風雷、霜露、生長、收藏,皆陰陽

之情 感之外 萬物即天道以爲性,陰陽具於中,故不窮於感 之聞見而不咸爾,非果感之爲害也。 興,即天理之所自 物之情,無一 蕞然之靈,❷違天害性甚矣。 有養,晨乾夕惕 ,無物非性所皆備 ,别有寂然空窅者以 念之間 以以 出。 趨時 無 耽嗜慾者迷於一 即即 `而應物,則即所感以見天地萬物 無感而非天道之流行矣。 刻之不與物交; 八爲性。 釋、老欲 若君子瞬 往,感以 嗜 卻感以 非陰陽相 欲 有存,息 人其蕞 以之所 蓋 其 然 自

感者,性之神,性者,感之體。張子自注"在天在

人, ③其究一也。

立體 感以動静,則體中槁而 天之生物,人之成能 物不貳,然而陰陽已自成乎其體性 生 陽,是徒知感後之體, 健順,性也, 繇神之復立 動静,感也,陰陽合於太 體 非 ,説者遂謂 不能起無窮之體。 有陰陽之體,感 而不知性在動静之先本有其 初無陰陽, ,待感而 無從生 静 體生神,神復 後 和 乃生陰,動 而 合以起 非 相 容,爲 乘平 用

●「萬物」,草堂本以下各本作

「釋老」,各本作「釋氏」。

亦作「在天在人」、與此本同。 亦作「在天在人」、各本作「在人在天」。 中華本《張載集

惟屈 萬 而 謂之性。 物 伸、動 而 謂之神,通萬物 静、終始之能 加 謂之道, 一也,故 體 所 萬 以 妙 物

能盡性體道以窮神,亦惟不失其感之正爾。 果而終於大同,則感雖乘乎異而要協於一也。是以神無異而終於大同,則感雖乘乎異而要協於一也。是以神無之静躁、剛柔、吉凶、順逆,皆太和絪縕之所固有,以始於屈伸動静,感也:感者,因與物相對而始生,而萬物

不窮。 至處之實,實而不固,至静之動,動而

欲而静,静以應感,無感不通。 賦生而不滯。在聖人無私而虚,虚以體理,無理不實,無賦生而不滯。在聖人無私而虚,虚以體理,無理不實,無

實而不固,則一而散。

天以之并育不害,聖人以之與時偕行。

動而不窮,則往且來。

合天之道,惟在至虚之實,至静之動而已。流俗滯於物天以之運行不息,聖人以之屈伸合一,是窮神盡性,

性而失其神也。以爲實,逐於動而不反,異端虚則喪實,静則廢動

皆

違

性通極於無,氣其一物爾;

神爲之御,理爲之宰,非氣之即爲性也。成形以後形中之氣,足以有爲者也。氣亦受之於天,而無,謂氣未聚,形未成,在天之神理。此所言氣,謂

命禀同於性,遇乃適然焉。

了,若否泰、利鈍,因乎時之所遇,天化之屈伸,不以一人天命之以生,即命之以性,性善而無惡,命亦吉而無

人一己百,人十己千,然有不至,猶難而設,遇之者吉凶殊爾。

性,可以言氣。

神而氣可變化,若恃氣之清剛,則終有所限。在氣則有愚明、柔强之異,而性不異。故善學者

也。故君子言知命、立命而不言安命,所安者遇比于之死,孔孟之窮,非天命之使然,所過行同報異,猶難語命,可以言遇。

也。

以然

遇爲命者,不知命者也。

浮屠明鬼,謂有識之死,受生循環,遂厭苦

張子正蒙注卷九

語

求免,可謂知鬼乎?

鬼者、歸也、歸於太虚之絪緼也。

以人生爲妄,可謂知人乎?

之居者也。

人者,陰陽合德之神所聚,而相陰陽以協天地萬物

天人一物,輒生取舍,可謂知天乎?

顯現而流行,非空之而別有天也。含虚。聲色、臭味、父子、君臣、賓主、賢愚,皆天理之所含虚。聲色、臭味、父子、君臣、賓主、賢愚,皆天理之所天之用在人,人之體無非天。天至虚而實,人實而

孔孟所謂天,彼所謂道。

不可得,而終歸於無道。道,人道也。人道不違於天,然强求同於天之虛静,則必道,人道也。人道不違於天,然强求同於天之虛静,則必道一也,在天則爲天道,在人則有人道。人之所謂

惑者指「游魂爲變」爲輪迴、未之思也。

大學當先知天德,知天德則知聖人,知

天之所以爲天而化生萬物者,太和也,陰陽也,聚散鬼神。

今浮屠極論要歸,必謂死生轉流,非得之神也。聖人,體此者也,鬼神,其聚散之幾也。

不免,謂之悟道,可乎? 張子自注:悟則有義有命,今浮屠極論要歸,必謂死生轉流,非得道

均死生,一天人,惟知晝夜,通陰陽,體之不二。

還天德,其以合於陰陽之正者,一也。假令能免,亦復何爲? 生而人,死而天,人盡人道而天識還爲一人! 若屈伸乘時,則天德之固然,必不能免,不生流轉,無蕞然之形以限之,安得復即一人之神

已爲引取,淪胥其間,指爲大道。自其説熾傳中國,儒者未容窺聖學門墻

爲歆動,或遂譏聖學與爲卑近,或誣聖學與爲一致,❶皆繇其不窺聖學,乍於流俗利欲之中聞清脱之説,意

其俗達之天下,致善惡、知愚、男女、臧獲,

人人著信。

所必然。

士君子不以爲辱而指之爲大道,愚矣哉! 天下豈有男女、臧獲、淫坊、屠肆而可與語上之理:

使英才閒氣,生則溺耳目恬習之事,長則

■「與」,各本脱。

師世儒宗尚之言,遂冥然被驅,

如李習之、趙閲道、張子韶,皆英才也,被其驅而陷

子志,已謂不必事其文。故未識聖人心,已謂不必求其迹,未見君因謂聖人可不修而至,大道可不學而知。

行路絶、迥脱根塵、不立知見爲宗。 近世王氏良知之説正若此,一以浮屠言語道斷、心

僞,下無學以稽其弊。 忽,德所以亂,異言滿耳,上無禮以防其此人倫所以不察,庶物所以不明,治所以

而蒙古興,❸其流禍一也。而求逸獲,故君父可以不恤,膚髮可以不顧。❷ 陸子静出而求逸獲,故君父可以不恤,膚髮可以不顧。❷ 陸子静出教立,而廉恥喪,盜賊興,中國淪没,❶皆惟怠於明倫察物主氏之學,一傳而爲王畿,再傳而爲李贄,無忌憚之

自 氏之門者千五百年, 自信,有大過人之才, 古诐淫邪遁之詞, 非、計得失! 翕然 自 何 非 以 並 獨 正 興,一出 一立其 立 懼 間 ,與之 於佛

精者研幾精求,必求止於至善,惟精而後能一。

既謂之實際,則必實有之而爲事理之所自出,唯:釋氏語實際,乃知道者所謂誠也,天德也。

疣,以世界爲陰濁,遂厭而不有,遺而共其語到實際,則以人生爲幻妄,有爲爲數與天德可以當之。空則不實,莽蕩虚枵則無際。

存,就使得之,乃誠而惡明者也。

矣,則固偽而不誠矣。安有誠而惡明者哉!存! 自欺而謂有得,信爲實而自謂誠,於人倫庶物不明而與世相感,雖厭之,安能離之,雖遺之,安能使之無釋氏之實際,大率以耳目之窮,疑其無有者也。生

255

致學而可以成聖,得天而未始遺人、《易》儒者則因明致誠,因誠致明,故天人合一,

● 「中國淪没」,草堂本以下各本至古籍出版社本均無

義」"中華本據周校改正。 養」"中華本據周校改正。

作「陸子静出而宋亡」。中華本未改,殆由周調陽《校「陸子静出而蒙古輿」,草堂本以下各本至中華本均

一七七

所謂不遺、不流、不過者也。

得,而成位乎其中矣。 精義、力行以推致其極,馴致於窮神知化,●則天下之理之實理,故交相致,而明誠合一。必於人倫庶物,研幾、之實理,故交相致,而明誠合一。必於人倫庶物,研幾、

彼語雖似是,觀其發本要歸,與吾儒二本

殊歸矣。

當同日而語。
當一而已,此是則彼非,此非則彼是,固不得之真空而已。語似是者,謂戒邪淫、殺、盜之類。
其發本也,下愚厭苦求樂之情,其要歸,則求必不可

後世陸子静、王伯安必欲同之。

其言流遁失守,

始以白骨微塵爲觀,不可行則轉曰事事無礙。

窮大則淫,

無量無邊,憑空爲猖狂之語。

推行則詖,

爲人之所不爲,不爲人之所爲。

致曲則邪,

下而以金銀琉璃誘貪夫,以地獄餓鬼怖懦夫,以因

果誘布施,不耕坐食。

求之一卷之中,此弊數數有之。

欲自回互,成其妄説故也。

以晝夜、陰陽累其心,則是未始見易,則能知聖人,知鬼神。彼欲直語太虚,不大率知晝夜陰陽,則能知性命,❷能知性命

來,易之神乎! 為空無所有而已,明則謂之有,幽則謂之無,豈知錯綜往不能深研而體驗之,而淫於邪説。故聞太虚之名,則以不能深研而體驗之,而淫於邪説。故聞太虚之名,則以不能深研而體驗之,而淫於邪説。中國之儒者,抑

未始見易,則雖欲免陰陽、晝夜之累,末由

也已。

累也,見爲累,安能免乎!彼欲免累者,怖死而已,故欲無生。陰陽晝夜,本非

- □「馴至於窮神知化」,各本作「馴致於窮神」,脱「知化」
- ③ 「夷」,草堂本、學署本作「氏」,金陵本作「民」,以下各中華本作「知」,中華本《張載集》亦作「知」,兹據改。② 「知」,自底本至太平洋本均作「一」。古籍出版社本、

易且不見,又烏能更語真際

舍真際而談鬼神,妄也。 ,感之神也。真際,性之體也。

其言鬼神也,無異於淫巫之陋。

所 謂實際,彼徒能語之而已,未始心 解 也。

正蒙》一編,則所以發實際之藏也。

《易》謂「原始反終,故知死生之説」者,謂 子所以直子路之問 原始而 知生,則求其終而知死必矣,此夫 而不隱也。

路原始以知終,非拒其問之不切而不告也 而無則亦不謂之終矣,所自始者即所自終。 終者聚之終,數盈則日退而息於幽。非有則無以始,終 始終,非有無之謂也,始者聚之始,日增而生以盛, 故夫子令子

體不偏滯,乃 夜、陰陽者,物也 可 謂 無 方 無 體。 偏 滯於畫

執物之滯於陰陽、晝夜者以爲有無。 滯於有者不知死,滯於無者不 · 知 生。 流俗 異端 皆

若道,則兼體而

無累也。

之繁而不累於有,能明太虚之有實,乃可知萬象之皆神 以其兼體,故曰「一陰一陽」, 爲主於無聲無臭之中而不累於無,流 行於人倫 庶

言陰陽之均有也。 此以静生陰、動生陽言之。

又曰「陰陽不測」,

静而生陰,非無陽; 動 而 生陽,

非無陰。

又曰「一闔一闢」,

又曰「通乎晝夜」。

陰受陽施而闔,陽施於陰

而闢

闔闢、陰陽雖迭相爲用,而 道貫其中,

語其推行,故曰「道」;

在天爲推行之理,在人則率之以行。

語其不測,故曰「神」,

道爲神所著之迹,神乃道之妙也。

語其生生,故曰「易」;

經,易所以著其錯綜化生之象。 • 不滯於一端而貫通乎終始,故變 易 而 皆以

順 乎大

其實一 物,指事異名爾。

0 所以」,草堂本以下各本作「所」。

一七九

書

夜

也。

道也。 生皆在道之中, 道 函 一神而 神成乎道 而 非 - 滅盡 ,易於此生焉 無餘,幻妄又起 ,則以明 别 大聚散 有 出 離 之 死

大率天之爲德,虚而善應,

其應非思慮聰明可求,故謂之神。 吉凶無成心,故曰虚。

其不測,不知其有定而謂之神。 理有其定,合則應,或求而不得,或不求而得,人見

老氏況諸谷,以此。

而谷無聲之實,天有應之理,則非老氏所知也。老氏見其自然之應,而以谷之應聲比之,亦相似矣。

太虚者,氣之體。

太虚之爲體,氣也,氣未成象,人見其虚,充周無間

者皆氣也。

氣有陰陽。敢按:此二句指陰陽合於太和之氣。

此動静之先,陰陽之本體也。

屈伸相感之無窮,故神之應也無窮,

氣有陰陽二殊,故以異而相感,其感者即其神也。

其教無數,故神之應也無無所不感,故神不息而應無窮。

其散無數,故神之應也無數。

限之,愚所未詳。 既感而成象,漸以成形,靈蠢、大小、流峙、死生之散相肖者,人事之得失、悔吝亦如之。但此陰陽之變化屈其間。無數者,不可紀之辭。性情、形象、色聲、臭味,無其間。無數者,不可紀之辭。性情、形象、色聲、臭味,無

雖無窮,其實湛然;

推兵文·北京一门 T10 非逐物而應之,虚静而含至理則自

雖無數,其實一而已。

無數者,不出陰陽之二端,陰陽之合於太和者,

陰陽之氣,散則萬殊,人莫知其一也。

也;

有形有象之後,執形象之異而不知其本一。❶

合則混然,人不見其殊也。

形聚爲物,

●「執形象」,各本作「執形執象」。

神在形中。

形潰反原。

反原者,其游魂爲變與!

所謂變者,對聚散、存亡爲文,游於太虚以聽天之變化。

聚而散,散而聚,故時存時亡。

身,釋氏之陋說也。
散而反原,無復有形之蕞然者以拘之。即前身爲後非如螢雀之化,指前後身而爲説也。

益物必誠,如天之生物,日進日息,

而物自化亦如之,惟誠斯感而神。矯强,而因材之篤不妄,此天之所以神也。至誠之教育謀利,自見爲不容已,無所吝而不倦也。誠故於物無所謀利,自見爲不容已,無所吝而不倦也。誠故於物無所息,長也。誠者,如其應得之理而予之,不計功,不

自益必誠,如川之方至,日增日得。

非在聞見作爲之間,此存神之所以百順也。原,非少有得而自恃以止也。自益益人,皆唯盡其誠,而以實理爲學,貞於一而通於萬,則學問思辨皆逢其

施之妄,學之不勤,

了一点上流、"推正法"。安也。安也。

明聞

見,而不

存神以

體

實理,其

教人必抑人從

,必成

欲自益且益人,難矣哉!

異端之教學以之。

《易》曰:「益長裕而不設。」信夫!

下學處心用力之實功,示學者以企及,至深切矣。達之旨,而要歸於不妄而勤,所以體自强不息之天德,爲也。蓋誠原不息,息則不誠。張子之言天道、聖學,皆上也。小有所覺,大有所迷,妄而已矣,惟求速獲而倦勤故也。以者,非理所固有,隨意所見,立科範以求益於其中

將修己,必先厚重以自持,厚重知學,德乃

進而不固矣。

忠信進德,惟尚友而急賢,欲勝己者親,無妄而不勤者,必輕佻而驕吝,誠之不存,神去之矣。

如改過之不吝。

動直,氣正而不息,作聖之功,反求諸身心而已也。敔之親而氣不妄動,神乃可存,所學皆天德之實矣。静專感之迹也。改過不吝,反而求之於心之安,則賢者樂與感之成也,成於徇迹而妄動,徇物欲,徇意氣,皆妄

按: 此章釋《論語》「君子不重」章之旨,爲下《東銘》所元本。

戲言出於思也 一,戲 動 作於謀也

敔按:此「思」字猶《易》「朋從爾思」之思 之事,則戲動何自而成! 戲也。心無游泆之情,則戲言何自而生,不謀非所當爲 言動雖無大咎,而非理 凝神正氣,則二者之失亡矣。 所應然,任一時之適者,❶皆

發乎聲,見乎四支,謂非己心,不明也,欲 人無己疑,不能也。

過言,非心也,過動,非誠也 言動,無關得失乎! 見於身則已動其心,加於人則人見其妄,而謂 蘇子瞻之所以淫昵 而召禍 也 偶 然

之實得。 敔按:心者,自盡之心,誠者,實有之理,忠信是也。 欲他人已從, 誣人也。 失於聲,繆迷其四體,謂己當然,自誣也, 而終成乎惡,謂之過。非心者,非其初心, 非物理之應得,任聞見之小辨以言動,雖始非不善 非誠者,非心

求至當,自恃其初心之近道自誣 王介甫之所以怙過而取怨於天下也。❷ 始亦有意於善,而過則終成乎惡矣。不存誠精義以 則未有能强人者也

或者以出於心者歸咎爲己戲,失於思者自

0 怨」,草堂本以下各本誤作「之」。

任

乙丑」至「重訂」,草堂本以下各本無。

誣 爲己誠; 敔按: 出於實心者必不戲,失於浮思者必不誠

命爲君子而成乎妄人。 爲戲,無傷於大義, 誣爲誠,謂可不怍於天人,自

從之思,歸咎其不出汝者,謂心不自盡,歸咎於偶戲 且遂非,不知孰甚焉! 不知戒其出汝者,歸咎其不出汝者,長 **敬按:戒其出汝者,謂** 戒其朋 傲

此終焉。 學而作聖之功在矣,盡己 知豈有復行者乎! 改則無過,瞬有存,息有養,何暇至於戲! 從,則怨天尤人,而不知下學之不立其基也。 謂己戲而人何疑之已甚,謂偶有過而人不相 合天存神之學,切於身心者如此,下 而化物之道存矣,故 過豈 重則無戲 《正蒙》以 有不知 語以信

庚午季夏月重 2 丑 孟 春 月下旬丁亥成 訂

時 之 適者」 氏鈔本作 任任 時 任 事之 適

史張子本傳

弟

訓

戒

知

養

老

酒

食

召

嚴

欲結 究 有名 然自信 虎 極 淹 讀 至,與 其 教 深 皮 其 客取洮 |撤 日 説 書 載,字子厚,長安人。 講《易》京師, 可樂,何事於兵!」因勸讀《中 明《易》道、吾所弗及、汝輩可 見知其遠器,乃警之曰: 坐 1,猶 輟 論《易》。 知 「吾道 西之地 講。 以 無 爲 所 自足,何 未足,又訪諸釋老,累年 得,反 與二程 次日,語人曰: 聽 年二十一,以書謁 從者甚衆。 而求之六經。 語 事 旁 道 少喜談兵,至 學之要,涣 |求!|於是 「儒 「比見 庸 者 師 自 范

> 政 長之義 事 棄 以 異 高 舉 進 敦 學 年 ',淳 本善俗爲先,每月吉,具 會 因 縣 如 爲 問 庭,親爲 也 祁 民 疾苦,及告所以 州 司 勸酬 法 多 使 軍 人

學,神宗方一 善,則人以善歸公;如教玉人琢玉,則宜 王安石,安石問 苟道也。」帝悦,以爲崇文院校書。 見,問治道。 不受命者矣。」 熙寧初, 新 對 御 以 曰:「爲政不法三代者, 白 史中 新政,載曰:「公與 度,思得才哲士謀之,召 丞 吕公著言其 他 有 日 爲 見

261

識之,或中夜 思,未始須 室,左右 還朝,即移疾屏 明州苗振獄 臾 簡 起 息,亦未嘗 編 坐, 起,往治之,末殺其 俯 取 而 居 燭 讀,仰 南 以 須臾忘 Ш 書。 下。 而 思, 其志 也 有 日 罪。 道 得 危 敝 則 坐

附

録

井田 以孔、孟 樂天,安命,以《易》爲宗,以《中庸》爲 漢 氣質之道 蔬 葬祭,率用先王之意而 而 以 不 食 來學者大蔽也。 知天,求爲 與諸 宅里、發斂、學校 爲法,黜怪妄,辨鬼神。 學 生 必如 講 賢人而不求爲聖 學, 聖人而 每 故其學尊禮 告以 傅以今禮 之法,皆欲 後 知禮 已 成 其家昏喪 以 條 又論定 爲 性 貴德, 理成 此秦 知 變化 體,

棺奉 更衣 舊 聖人之遺旨,其論政治略可 准 司 議禮,不合,復以 職,以備諮訪。」迺 取,乞加贈 其 而 吕大防薦之,曰:「載之始終, (喪還。 寝,旦 邮 一而卒。 翰林學士許將等言 詔 賜 、疾歸。 韶知太常禮院。 貧 館 職 無 半 以 中道疾甚,沐 膊 斂,門 '復古, 其 善 宜 信 共買 還 發 與 於 其 浴 有 明

書,使可舉而措諸事業。

爲横渠先生。著書號《正蒙》,又作《西銘》。載學古力行,爲關中士人宗師,世稱

今尊其書。 氣之論 銘 而 》載《 分 同 殊 稱篇》首。 功, 擴 自 前 孟子後蓋未之見。」學 聖 程 所 頤 未 當言 發, . 與 $\overline{\ }$ 孟子 西 銘 性 者 善 明 至 養 理

,封郿伯,從祀孔子廟庭。 嘉定十三年,賜謚曰明公。淳祐

元

年

八四四

上蔡語録

[南宋]朱 熹 輯

目録) 	上蔡先生語録中	目録
----	--	---------	----

偽

,辨其重復,删其訛誤,定爲三卷。

得

胡安國

家寫本二篇。

朱熹將

四篇相

參校,考其

明

記,朱熹删定。 《上蔡語録》三卷、宋謝良佐語録、謝氏弟子所

後 繫 要·上蔡語録》)。 子,爲學以切問近思爲 頭 中靖國初、官京師、忤旨去、監西京竹木場。 酢、吕大臨、楊時並稱「程門四先生」。 蔡(今河南上蔡)人。二程(程顥、程頤)弟子, 進。 問答之語,四庫館臣以爲「其言論 韶獄。廢爲民。 謝良佐(一〇五〇—一一〇二),字顯道,蔡州上 惟才高意廣,不 著作有《論 良佐記問該膽,學有所長,得 語說》行於世。良佐受業於程 要。 無過中之弊」(《四庫 《上蔡語 閎肆,足以啓發 録》係與弟子論 登進士第。 坐口 全 書提 與游 到 程 語 建

本 一篇,後得吴中版本一篇,皆 《上蔡語録》傳者甚 鮮,朱 熹稱 温陵曾恬所記。 初得友人吴任寫 最後

校

點

説 明

> 存世最早的 書館),其後有明正德九年許 刊本是明 IE 德 八年汪 翔 鳳 正 刻 刻 本(藏浙 遞修本(藏 江

《上蔡語録》「當出自朱子定本」(陳來《略論 早的 亦屢見翻刻重印,其中復性書院校勘刊印本較佳。 編·朱子遺書重刻合編》(清光緒十二年刊本)、《正 (清康熙中禦兒吕氏寶誥堂刊本)、《西京清麓叢書 道集〉》、《北京大學學報(哲社)》一九八六年第 修補刊本)。 家圖書館)、明刻本(藏上海醉書出版社)等。 誼堂全書》清光緒中刊本、《四庫全書》本等。 期)。清人翻刻甚多,收録的叢書大致有《朱子遺書》 叢書本爲《諸儒鳴道》本(宋端平中閩 上蔡語録》朱熹删定之宋刻本今已不可得見。 據陳來先生考定,以爲叢書中收 川 へ諸 民國 存世 黄 録 壯 儒 間 正 猷 或 鳴 的 最

中閩 以 明刻本(藏上海醉書出版社。 川 此次校點,以上海圖書館藏《諸儒鳴道》、宋端平 黄壯猷 修補刊本)所收《上蔡語 簡 稱 録》爲底本,校 「明刻本」),明

蔡語録後記》二篇,附録於後。 本」)、《四庫全書》文淵閣本(簡稱「四庫本」)及清《正在上文公文集》補録朱熹撰《謝上蔡語録後序》與《謝上朱文公文集》補録朱熹撰《謝上蔡語録後序》與《謝上生、以四庫全書》文淵閣本(簡稱「四庫本」)及清《正本」)、《四庫全書》文淵閣本(簡稱「四庫本」)及清《正本」)、《四庫全書》文淵閣本(簡稱「四庫本」)及清《正本》、《四庫全書》文淵閣本(簡稱「四連修

校點者 嚴文儒

如有疏漏之處,尚請不吝指正。

上蔡先生語録上

我其

誰?」聽天所

命,未能

合

明

道

云

何? 信然否? 天下人物,各有數矣。 於始,何所付受? 「有止」。 問: 曰 : 而 學佛者欲 是有 太虚決 日 此心有 利 知其 心 免輪 其終, 私 無 止,凡人慮事,心先困,故言 加 盡 口 何 已矣。 "、必爲 ,超三界,於意云 時 間 輪 輪 斷 口。 也? 回之説, 推之 且

不覺耳。 平治天下也。 得與於斯文」,則是文之興喪在孔子,與天 與於斯文也。 何?」於「天之將 孔子曰:「天之將喪斯 蓋聖人德盛 孟子 天之未喪斯文也, 匡 地位未能到此,故曰:「天未欲 如 欲 喪斯文」下便言「後死 ,與天爲 平治天下,當今之世,舍 文 一,出此 也 一,後 人其 死者 等語,自 者 如 不 示 爲 予 得

「天地閉,賢人隱。」察此可 心。」「如何是充擴得 變化草木蕃。」「充擴 斯可謂之恕心?」先生曰: 盡其心」? 曰:昔有人問明道先生:「 孟子言「盡 其 去 不去 心者知 底 以 氣象?」曰: 「充擴 時 見 其 盡 如 性」,如 得 不盡 何?」曰 去則 矣。 「天地 何 爲 何 如 是 恕

段 這漢肚 將道義明出 撑 也。」明道 뻾 始 拄 無害,則塞乎天 得。 胡 敢問 説 、裏有爾許大事。 若是不理會得底,便 故 將 先生云:「只他道箇『難言也」,便 何謂 此 曰「其爲氣也,至大至剛,以 去。」氣雖 事 浩然之氣? 地之間」,「配義與道 難 言,却須教他 孟 子 **E** 識 難 箇 知

偏駮,不足疾也。「然則可變歟?」曰:其本異耳。聖人「不忿疾于頑」者,憫其所遇氣質人有智愚之品不同,何也? 曰:無氣禀

他 持 没,天下學者向外 聽 性 有 人莫敢與之争,又從而信向歸依之。 傳,豈至此乎? 在 佛氏窺見一班半點,遂將擎拳竪拂底 ,手舉 一,安不 手,敢自尊大,輕視中國學士大夫, 足運,見於 可變之有 馳求,不識 作 用者, 性,本 心 自家寶 體 也。 也。 使聖學 自 藏。 目視 事 孟 而 世 把 被 子 耳

誕。 者,從此廣大心中流出也。 學佛者知此,謂之見性,遂以爲了,故終歸 桃仁、杏仁,言有生之意。 推此,仁可見矣。 癢,謂之不仁。 者 斯語矣。」仁,「 動容貌 旦 爲仁,死者爲不仁。今人身體麻痹不 雖不敏,請 聖門學者見 心者何也? 仁是已。仁者 三,三正 顔 操則存,舍則亡」。 事斯 桃杏之核可種而 此消息,必加功焉。 色」,「 語矣。」「雍雖不敏,請事 出 辭 以私 氣 故曾子 何 意發言,豈 生者,謂之 出 也? 故曰: 辭 知 日 氣 妄 活 痛

而化之,合於自然,則正、動、出不足言矣。自點檢,何當正,何當動,怠慢而已。 若夫大「出辭氣」之謂乎? 夫人一日間顔色容貌試

子曰: 爲本。 信,非正行也」,天理當然 知其性,則知天矣。」 之,是爲天之所爲也。 哀,非爲生也,經德不 仁者,天之理,非杜 「克己復禮」,無私心 「仁、人心也。」「盡其心者,知其性也。 回,非 聖門學者大要以 而 撰也。故「哭死 已矣。 干 焉, 禄 則天矣。 也; 當然 言語 克 而 孟 己 爲 而 必

道, 庭抗 恁地 地手脚,也撑拄此事不去。 彰」、「微顯闡幽」之「微」。 顏子「具體而微」,所謂 禮 後車數十乘,從者數百人」,所至 氣象,但未彰著耳。 人之氣禀不同,顏子似弱,孟子 壁立 萬 仞,誰 敢 一具 IE. 微,如《易》「知 孟子强勇,以 一覷着 體」者,合下 雖然,猶 ? 非 有大底 王侯 孟 似 身任 微 來 子 强。 恁 分 知 有

氣 説 象 未 出 來 能 所 消 以 磨 見 得 他 杰 未 不 至 聖 然「藐大人」 一人地位 等 語 言

便「誾 國 巍 孟 德 也 行 然 Ξ, 全 子 禮 君 一盛,自 渾 相 孔 冕者、瞽者,見之便作,過之便趨。 誾 又 怎生 猶 子 别 不 如 自 日 然到此,不是勉 也 與 一當得 參 孟 事 你 較 子「説 , 計 彼 他 「與 君 較 我 聖 盡 下 未未 大 長 一人恁 禮 人則 大夫言」, 短 ,人以爲諂。」當 有合 强做 地禮數,是 藐 與 之, 底氣 出 上大夫言 便「侃 來, 勿 象。 視 氣 他 其 象 蓋 侃 只 時 管 巍 與 其 如 諸

之在 切。 之彌 道 前即 堅」, 「博我以文」, 顔 子 中。 學 無 不 得 限 觀 · 及,「 親 此 量 切 也 使 忽焉 一,以 如 知 段 識 孟 在後」 見聖 即 子。 廣 知 又 人之道 「仰之彌高, 「約我以 顔 蹉 子 却 看 大。 得 禮 以 來 見 歸 鑽 親 聖 瞻

横渠教人以禮爲先,大要欲得正容謹

宿

處

也

節。 别。 識 從 者。 刑 札 教 使學者從 敬 名 他 相 窮得物理, 其意 人。 明 似 度數之間,行 正 就 容 道 上 更没滋 敬 謹 予 先 謂 面 節 問 生 世 人, 做 外外 則 人 却 味,遂生厭 工 何 横 汗 不 從敬 夫 面 得 故 渠 然,先 漫 威 來 教 不 無 儀 然 困 上 同 人 非 其 守 涵 使 ? 以 倦 無 門 養 學 禮 以故其 便 禮 所 人下 謝 出 之本 者 當 爲 見 日 來, 以 先 有 處 梢 學 禮 知 自 既 與 無 如 頭 識 爲 有 明 傳 溺 喫 地 之 木 是 知 於 道 却

成。」 縱 在。」謝子曰:凡恭 勿忘」、「勿 不 明明 恭 所 横 謂 渠 道 恭 嘗 有 如 曰 : 知 助 言 長 識 勿忘」, 二之間 可 吾 須 謹 知 十 是 必 是 五 窮 安 須 勉 學不 年 物 如 子 强 學箇『恭 理 勿 細 不安, 成,有 體 助 只 認 安肆 長」, 如 取 而 多 黄 安 少 必 金 IE. 放 病 不 天

「吾」,原作「五」,據明刻本、正誼堂本改。

0

得天 知知 鍮 疑 至 理 惑 寶 石 至 始 來 然後 先 便 得。 唤 須 執 作 辨 意 不 |黄 所謂 認 誠。 定。 金 得 天 辨 他 所 故 理 認 體 謂 經 者, 不 性 格 日 過 始 自 物 : 「物格 得 然 窮 便 理, 底 生 不 道 疑 然 須 然 理 惑 是 後 被 識 知 纔 無 人 者直 誑 有 罪

至

有

將

下

怵惕 毫髮 父 天 母 理 兄 也 惻 杜 弟 .隱之心。」方乍見時,其心怵惕, 撰。 要譽於鄉 惡其 「今人乍見孺子 聲 而 黨 然一, 朋 友」,「内交於 即 將 人欲 入於井,皆 耳。 所 孺 天 理 子 謂 有 ;

肆 天 存 與 理 人人欲 一分 也 滅 相對 矣。 天 0 理 故 了,有一分人欲, 任 即即 莊 私 子 勝 用 得 日 意 è 一、杜撰 一分人 去 ,即滅却 做 智 欲 事 與 故, 人欲 一分天 所 謂 循 纔 人 天 理 肆 之 欲

作, 理 忘」,又「勿 理 見 矣。 若 切是天。 在 聖 所 助 謂 一人分 Ę 天命有德,便五服五章 天 者 Ŀ, E 當 理 即 恁 而 説 地 己。 循 時 字 自 只 不 家 如 着。 看 視 9 取 天 聽 討 天 勿 動

> 天 不 門學者爲 不然,諸子百家,便人人自生出 衆生。 敢 理』二字却是自家拈 恁 須明 便 地 五 做 識 天理 天之所 刑 大。 得天 五 爲 用 明 爲 理 是自 道 一、然後 故故 渾 嘗 敢 然 不 出 日 能 是 以 底 來。」 道 杜 天 爲天之所 「吾學雖 自 理 撰 處。 ,移易不 做 般見解 作 有 爲。 佛氏 來。 所 得。 却 聖 欺 學

利。 息。 伊 有 西 鑄得一貫,爲 聲色,何 ...曾 ĬΠ 議 盜 日 利多費省 伊 有 解 鑄 川才料 議 鹽 以驗 者息 若增 欲 抄 罷 無利。 之? 欲 私 大, 抄 鑄 權 高 價 銅 鑄 使了 歸 曰 : 其 者衆 錢 伊 公上 賣數 價 ĴΠ 者 大事 只 者 日 議 以 須 非 費 指 增六 論 謂 減 「此便是公家之 利 多 中 官 利 而 顧 便 千 中 鹽 何 薄 而 ? 口 爲 費 集,不 出 盗 見 八千。 既 又曾 鑄 貫 陝 動

0

也。 明刻本、 正誼堂本作「矣」。

着,即 公欲 裹。 公初 低 m 價易之,人人 不能定。 變 使 增 起 三五 韓、 抄 法 肼)價,歲 欲 年不 富 伊 用 在 Ш 食 伊 能定疊去。」未 時 額 使 ĴΠ 鹽 果 人 吾 虧 語 鹽 伊 猶 減 不 之 川 叮 停積 日 以 日 之 成 而 幾變之,果 事。」後 歲 歲 切 帶 人 人 未 累 溢 必 來 人 미 敷 紛 温 去 動 温

宗不允,對 職 出 省便去就自 人,神宗亦不允,又 來 ,作宰相只喫 便乞去,更留不住,平生不 王 荆 公平 日 在。 八魚羹 生 阿 嘗 養 上殿 除 日 得 飯 : 不 氣 得受 進 得。」 阳 完, 也 一劄子 用 爲 又進 除 屈 底 他 不 也奇特 擬 不 得 不 一劄子 受用 除 下 好 做 擬 神 緣 殿 官

處?」 由 自 問:温公所學如 不 日 得 曉 裹, 處 如一 將 闕 謂 强 之。 從 哉 天 矯 何 或 之 ? 語 命之謂 明 謝 類 道 日 0 明 性 日 曾作《中 道 」處 : 笑 闕 便 日 闕 其 庸

> 仁? 却。」 憐 伯 何故 下之理 爲 吾嘗 太 仲 日 悟 吾 看 底 煩 曾 : 因 定 得 須 兄 曰:「公説仁字,正 相 故 碎。 吕 却「近乎仁」?」推此 分 語之曰:「每日早 做 點 弟 日 態 账 只如『力行近乎仁』, 推 : 得。」晉伯甚好學, 明,何勞之有? 只 微 也。」凡 在 中 T 「世人説仁只管 仲 鳴 皆 如召賓客食,亦 ò 從 是這漢 瑟,獨 何 容問 有 不 事皆 如 是 見 ? 且 0 處 對 俗。」 有 酬 明 春 謝 與 恁 晚 道 風 子 尊 吕 展 《易》 地 衙 嘗 詠 人 宿 類 日 才 着愛上,怎生見 須臨 初理會仁字不透 晉 簡 纏 力行 具言之。 不休。」一人有詩 門 日 : 無 作 伯 易 日 覆 他 不 説 詩 時 甚 不 便 關 不 禪一 至諸 改换 詠 「易簡 ·易底道 好 宰 令放者,只 愛 合尚 曾 相 般。」 晉伯 甚 但 侯。 食次。 點 事 而 處 吕 有 理 得 貴 口 因 天 事 微

「底」,明刻本、正誼堂本作「賤」。

立 日 孔 . 學 無 如 一伎,只 元 凱 方 成 傳顔子得 癖 文 到 心 相 齋。 如 反 類 俳。 獨

日 體 説 義 中分體用,人於心 能 詩云:「萬物之中 手段,學者須是天人合一始得。● 人千重雲水身。」此 理 上 屑 欲 用。 道 :昔富彦國 Ш 横 道不虚 知 得大體 造 河廢 秋 邵 無 非 堯夫直 化 又問 多少繫 心得 今 亦是 備於我,肯把天 講 行只在人。」問:此詩 Ħ 求。」又有詩云:「斟有淺深存 竟 日 問 行,但 看 是豪才,嘗有詩云:「當年 悠悠。 經 邵 來 有一身,一身中 不 上起 此 綸。 堯夫 處 人在 甚 免 句 起?」富曰:「一起於 可 經 有 何 鼎中 云 卷 風 羞。 綸。 人别立 病, 故 舒 塵 有 萬 龍 不合説 時 事 天人安有 虎忘 從甚 病? 古興亡手, 節 如何? 到 根。 有一乾坤 ,便是偏 邵 强 看 處起?」 堯 謝 爲 天 守, 中 向 夫 子 終 兩 志 日 有 因 分 出 爕 碁 氣 般 霸 層

得天理 震。」 日 . 兩 邵 説 日 更説甚 都 得。 起於乾。」 震 謂 發 生,乾 問 兩 探 説 本 如 也 何 謝

六

指此 不 不 物 不 終,人之禍 更不施工。 長之理,便敢做大。 ·如其言。 着工夫? 理 同 日 到 問: 屋,便知 問 起 間 伊 處 逼 堯 起。 川 真 福 0 夫所 堯夫精《易》之數,事 然二程不貴其 日: 起於何時,至某年 曰:爲他見得天 何故却不 修 處 如 短 不下工夫, 學 「今歳 堯夫必用 , 第得 如 於聖門下 何 同 雷 ? 來 ? 從 推 術, 便差 無 謝 日 甚 筭 毫 地 日 學 堯 處 月 髮 進 却 物之成 他 . 某 E 夫 起 日 差 退 與 更 也 達 喫 面 錯 萬 聖 何 只 無許 底 不 壞 伊 敗 物 門 故 要 過 多 Ш 始 消 見 却 無 如 却

問」,原脱、據明刻本、明遞修本、正

誼

0

邵

日

一、「公道從

甚

者」,原 脱 據 明刻 本、明遞修本、正 誼 堂本 堂本補。

事 有 做 退 威 大 消 邵 長 衆 即 之理, 人不 天 默 自 然。 敢 處 便 仰 將 邵 視 如 此 精 富 他將 事 於 彦 來 數 國 把 做 知 在 身 小 得 都 掌 兒 天 樣 握 將 地 中 看 相 萬 直 嚴 直 物 是 重 敢 進

不

管

你

也

可

謂

豪

傑

之

士。

問 得,四 不 樂,將謂 明 是 近 在 午 . 豪 風 從 道 點 見 他不 裹。 雲 學者 容 底 天 先 雄 時 簡 變 牛 事 佳 偷 睡 望 是 甚 態 明 在 須 問: 閑 擺 興 覺 花 道 渞 中 般。 鄠 是 學 與 脱 東 隨 理 縣 門 周 胸 少年。」 人 得 窗 柳 作 便 富貴 先 擺 恭 懷 同。 開 日 過 簿 能 生 脱 擺 叔 時 不 又有 所 已 前 只 得 恁 脱 看他 道 ·淫貧 過 爲 紅 開 有 地 得 通 者 立不 詩 詩 開 放 爲 天 胸 賤 化 萬 云: 旁人不 云 他 開 地 懷直是好 樂 住 物 始 所 如 有 「雲淡 静 得 閑 男兒 便放却 謝 形 過 何 識 有 觀 來 日 者 外 ? 子 皆 見 到 無 風 化 吕 心 謝 此 思 自 事 與 心 輕 0 焉

性性 者化; 晉伯 爲 下 能 所 得 存 過 神,物 者化,便 轉 語 物 好 道 爲 能 能 所 所 過 存 存 化 者 者 。」甚 神 神 親 横 便 切 能 渠 所 過

云 得 詩人之意, 章 章 思之意,言「上下 知 感 魚 詩》云: 德 能 句 而 處 解 動]]] 行。 來?」思之切矣。 故 古詩 勿 句 至學《 泳 也。 釋 正 瞻 而 「鳶 即 不忮不求, 言 彼 鳥 但 明 詩》 今之歌 察見 雲飛 飛 日 優 如 道先 戾天, 月 游 此 却 察」也 天 玩 氣 無 悠 生善言《詩 曲 理不 上下 味, 象, 何用 感 悠 ,今人唱 魚 終 動 我 吟 猶 躍 用 周 自 日 不 興 思。 哦上 孟 1然,各 私 王 于 臧。」 發 子 淵 作 意 》,他 曲 處 百 所 道 下, 也 往 歸 謂 得 之 爾 八似之。 猶 V 只 往 便 君子, 云遠 其 于 韓 故 必 使 渾 爲 能 所 Œ 結 有 愈 不 泥 使 也 也 子 悬 事 謂 有 曾 却 人

0 有」 原 作 不」, 據 明 刻 本、 四 庫 本 E 誼 堂 本

八

文云: 莫能 生 巾 得 即 脱 不 破 得 洒 0 君 去。 今人學《 子 語 莫道章 大 詩 天 句,便 \approx 下 將 莫 章 能 將 旬 載 堯 横 3 舜 在 語 横 肚 小 在 裏 肚 天 裏 怎 下

皆所 之息 學 看 E 謝 再, 理。 之期 凡 以 人 作三 是 事 日 元 示 只 調 證 . 以 凡 皆與 之。 不 間 期 如 期 試 ? 見 項 示 胥 得 既 喜 舉 至 爲 開 吾 吏 過 之 始 至 即 謝 怒 政 信 而 説 ? 禀 本,不及 議 時 而 端,只 子 時 不還, 如 逐 事 吾 而 事 某 遂 便 余又問 何 日 未 約 處 人是 煩 言 見 ? 如 () 吾信 消 集,治其罪 其 東者,申 治 本 日 得 繳引勾到人,便令於引 磨, 方, 謝 . 陳 則 其 事 . 吾 狀 子 計 0 罪。 處 只 須 既 每 日 日 因 事 某人 如 要 爲 文 就 月 : 間 何以 不 息 理 之約 今 去 吾 事 償之。 復 一債 過 是被 得 當 L 爲 縱 得 本, 則 而 盡 着 則 縣 不 其 簡 論 言 先 用 要? 凡此 則 又爲 立 某 矣。 夫 不 不 約 信 余 重

須從 薄惡 得 捨我 爲 事 日: 問 他 余 始 顔 行,綏之斯來,動之斯和。」須還這 夫子之得 在。 又問 得。 他 須 子 . 文 任意喜怒,都是人欲, 王 法 、欲變易之, 吾丈 其 是 與天合一,變 始 度上 始 如二 誰, 他 做 余又問:變化 孟 應 聖人 得 邦家 子 是 ^ 做 使 南 云 假 銷 起。 便 孟 * 者,所 吾 去 使 有 子 如 麟 多 變化 化 則 高 恁 得 欲 趾 未 時 在 聲 地 風 志 平 謂 》、《騶虞》之應,須 能 風 手, 俗 如 治 手 立 須 日 俗底事 旬 如 何 段 天 便 之 : 子 察見 何 便 ? 下 做 斯 貢 不 ? 是 此 文 稱 ", 得 天 當 老 曰 遷 罪 方 道 孔 謝 恁 理 今之世 子始得 怒 也 風 過 子 日 涵 地 未 之斯 是 俗 須 : 日 事 是 1 他 此 養 至 又 是

申 涵」,原作「含」,據明刻 作 中 據 明 刻 本、 本、 四庫本 四 庫 本本、 IE IE 誼 誼堂本改 本改。

之悦 何? 言也 日: 理 此 義 「操則 之悦我 我 孟 句 謝 心安得 子 口 一, 淺 子 Ħ 近, 日 存,舍則亡 心 最 有 . 不 親 養 出 真 吾 如「理 切 心 簡 昔 乎 有 莫 猶 亦 ? 滋 芻 善 義 出 曾 味。 於 豢 人 之 問 始 寡 無 悦 伊 然 欲 時 得 我 111 須 先 心 此 是 明 非 生, 體 猶 聖 道 人 先 察 芻 旬 日 之 生 得 豢 : 如

:

當,便 德; 分 失 甚 如 别 一處 不 何 有知 口 ? ? 問 而 唤 易 後 做 曰: 謝 覺 從 底 義 子 識 1 便 只如「 日 失 諸 痛 唤 大 義 聖皆 癢 做 他 都 失 IIII 道 見 只 道 便 有 後 得 是 唤 而 禮 相 體 錯 做仁 後 _, 傳 在 T 德 事 處 是 我 ŝ , 甚 身 失德 那 運 至 余 説 E 裹 用 如 問 一,便 話 而 有 老 處 後 許 皆 唤 錯 子 多 是 做 在 門 自

佛 如 問 何 : 伊 0 莊]1] 周 如 : 何 莊 ? 周 安得 謝 日 比 吾曾問 他 佛 0 莊 佛 周 説 與

> 余問 地,只 大事 理,只 曾 直 事 解 眼 肚 用 私 初 恁地 贵 業 覺 看 裹 做 處 歷 有 弄 舉 時 高 豈 是家常茶飯 不 他 任 將 同 本 乍 余問 佛 妙 不 快 如 便 意 處 只 拈 領 處 説 是 見 子 是 雖 活 管 縱 起 9 00 何 與 路、 做 多 上 作 ? 猫 横 匙 莊 作 故 吾 下 兩 用 把 周 對 冉子 用 不 只 余 將 般 儒 誇逞 東 ? 春 筯 氣 是? 是 又 何 來 同 西 看 風 日 象 本 相 故 謝 問 作 處 吟 用 大 箇 指 似 子 是 領 用 當 謝 問 堯、 詠 底, 甚 日 私 不 天 故 便 T 日 便 是, 説 底 ? 伊 舜、 肚 便 淺 被 : 是 是 他 地, 承 III 爲 裹 他 將 近 日 差 做 湯 謝 當 渾 他 先 怎 曾 此 齊 底 處 孟 没 把 做 消 如 點 事 差 生 不 事 此 大 做 將 横 來 便 窮 却 得 人 日 ் 能 是 小 恁 睡 底 冷 在 天

問 原脱,據明刻本、 原 脱 據 明 刻刻 本 明 īE 遞 趙堂本 修本、 īE 誼 堂 本

懷之。 然。 要做 見做 道 肥 只 點雲 是 理,便是天之所 馬 衣 出 與 老者合當養底便安之,少者不能立 好事底心。 君君、臣臣、父父、子子,自然合做 相 許 天 輕裘 多 理 似 掀 他 合 小,與 天 __. 把做甚 朋 動 ,幾曾做 顔子早是參彼己,孔子 爲,更不作用。 友 地 共, 敝之無 蓋 一麽?● 世底 作 一,横 功業,如太 如子 在 憾」,亦 肚 路「 裹? 底 便 願 空 是 底 便 不 有 乘 中 他

家説大 當了 見孺 何? 却 顔 夫,他却 子猶 便 切 要一 是見 掃 子底,吾儒 余問: 謝子 要 乘 除 切掃 頓 得太高。 切掃除 曰:此是乍 佛説「直 須 教 事 是 除,怎生得? 斯 唤 他 聞 做 語」,●今資 却,那裏得地位 顔、 吾 便 下便是,動念即 心,他便 儒 見孺子已前 悟 雍已上 要就 將 唤 質 且 F 乍見孺子 底 萬 做 如 面 資 倍不 進步? 前 乍 體 底 質 塵 見孺子 事。 乖」,如 認 始 如 妄 底 做 想, 他 佛 心 T 乍

得去? 爲 底 儒者直是放得下,無許多事 生死,豈不是私 自 心 `,生 己 發 佛 出 此 大概 來 心 便有,是自然底 願 ? 是自爲 且 只如要度 看 私心,●學佛 那一 箇 天理 一切衆生,亦是 不 拈 一,怎 者 香禮 欲 生 脱 掃 除

耳。 之,其人不自安,反見殺,隱公失之不早決斷 隱公欲爲休老之計,或勸之即 須觀 事,必先更歷天下之事。 推此類 謝子 古人準則,只讀《左傳》亦 曰: 術者處 可 以見其 事之名,人涉世欲善 餘 事既 可 更歷 真,公以 以 見 不盡 矣。 誠 告 如 必 處

相 别 又 謝 子 年,做得 與 伊 Ш 别 甚 工夫? 年, 往 謝 見 之, 伊 也 Ш 只 是去 日

^{■「}蓎」,阴刻本、王谊堂本作「氷」。

③ 「是自」,明刻本、正誼堂本作「自是」。

喫,●爲甚 方丈」, 恁 處 痛 箇 耳 地大? 盡 切 伊 在這 問 便向 ĬII 渾不關 近 裏。 點 謝子曰:今人做事,只管要誇 思 曰 : 人前 頭 地 者 因 若按伏得 自家 也。 何 喫,只蔬食菜羹,●却去房 語 故 受用 余問: 在 ? 坐同 這 曰 : 事。 箇罪過,方 「矜」字 志者日 子細 有底 檢得 霏 : 人 有 此 過 來,病 食前 耀 人 向 何 裹 别 故 爲 進

否? 將 他 木 做 日 日 要 有 來 T 凡 一夫來。 斬 做 根 何以答之? 游子問 謝 事須 斷,便 甚 雖 子 ? 剪 謂 有 胡子 謝子曰 没事 枝條 必 根。 胡 須 子 謝子 相 有 6 屋 . 日 公於外物,一 用 柱 : 次 E : 如 處 無 可 又 何做 尋討 根 發 實 謂 拆 向 切 工夫? 要用 他 如 問 却 道,就 人 切放 也 便 處 要 倒 病 富 謝 得下 胡 F 根 貴 子 樹 面 子

余 問 死 生之説 謝 子 日 : 人 死 時, 氣 盡

> 得。 魄 來别。 間 也。 婦,今日 能言之。亢一日方與道士圍碁,又自外 題 看 生 又 不 亢欲接之,道士封 一信 目 明 如紫姑神, 知數,便道 ,影響底事 人 謝 道 日: 張亢郡君化去,嘗來 得 (思議) 先生, 這箇便是 日 及 却 有 : ? 信 此便是答底 鬼神 始 如 不 明 不識 待 得, 得。 何 道 道 天地 否? 向 ? 講 日 土 字底把着寫 一碁子 你 乃曰: 説 胡説,我 日 間 道 「待向你 謝子 不 . 語 妙 有 ,令將 濟 附 須是自 用, 來 E : 許多 事 語 又 今後 須是 日 不得,不信 你 道 亢 余當 去問之。 家 時 日 無 但 所 更 將 横 共 看 來,你 去 知 時 不 沉 來 渠 你 得 來。」 做 事 破 魂 做 説 尋 亦 來。 討 底 夫 張 皆 始 滯 笛 得 怎 曾

怎

蔬 作 疏 據明 刻 本、 正 誼

[「]來」,原脱,據明刻本、 原脱,據明 刻本、明遞 IE 誼 堂本 修本、正 誼

滿 有,自 若 知 如 神 把 便 鶻 亦 戒 鬼 水水 是自 突 無 ? · , 所 着 不 武 神 觸 也 之間 則 可, 寫 王 家 武 以 諸 目 家 其 不 伐 要 王 以 格 陰 皆 精 謝 ? 得 商, 無 禱 是 須 爲 「有 陽 子 神 日: 推 便 斷 之者 ,爲 無 四 所 曰 : 廟」, 無 置 此 亦 方上下。 過 他 是 始 得 可 以 不是 不 是天 名 必於《 他 得。 去始 以 此。 可, Ш 意 見 鶻突。 地 大 鬼神 這 思别 雖然 得 矣。 萃》 間 蓋 裹 Ш 妙 是 ; = 在 有 致 與 曰 日 如 用 要 自 虚 妙 禱 ^ 是, 日 祖 家 涣 集 卒 如 理 先 齊, | | 自 要 以 Щ 中 考 此 於 王 家 有 若 爲 11 精 却 五 祭 辟 之。 神 有 精 享 塞 便 是 有 何 H 折

挫

却 晏 就 庭 一駕 E 萬 面 知 見神宗 哲 事 命 下 廟 真 雖 工 嗣 實 淺 夫。 有 位 近 而 命, 太子 余 也 如 初 要 人力計 此 涕 信 及 事 泣 得 第 直 較不 及, 年, 及 不 釋 將 把來 歲 得 褐 來 前 時 做 草 夢 吾 田 草 神 平 人 地 宗 内 生 看

未嘗干 夫, 枉 對 不 及, 日 0 用 風 人, 他 却 吹 安 草 在 閑 能 動 書 心 陶 局 力 便 鑄 生 亦 我, 信 恐 不 得 懼 謁 我 命 憂 執 自 及 喜 有 政。 便 命 枉 養 在 或 做 上。」●若 得 勸 却 之, 氣 閑 不 信 I 吾

我若 有輕 要高 似。 將 見古人就洒 心 力,却 却 天 ·安穩 遠,且 物底心, 下 有吝底 謝 又若行千尺 似 子 與 太 Ĕ (人, 雖 從 瑣 我若 掃 心, 將 屑,不 小 道 應 天 將 大 處 須 對 臺 去 下 是「下 小 邊 看 得 上 展 與 金 不 小心 做 恐 托 人 起。 同 只 懼 與 便 學 如 0 如 底 人 恐 其 加 曰: 將 日 心 懼 如 實 金 上達」始 天下 雖 凡 與 洒 金 行 也 事 履 人 掃 與 平 與 千 相 不 應 得 地 仞之 對 我 必 似 相 若 須 L 不 與

[「]我」,原脱,據明遞修本、正誼堂本補。

母「托」,明刻本、明遞修本、正誼堂本作「拓」

得? 險,亦 此 氣」爲此。 來。 1, 故曾子欲 只 怎 與 洒 古人須要就洒掃應對上養取 行 掃 平地 得 「動 ? 上一般。 容貌」、「正 應 對 不 着 只 此 顔 如 色」、「 心 洒 掃, 怎 不 誠意 應 出 · 着 辭 對

出

者

辭 識 存得「如 如仲弓「出 而 識 心 視、聽、言、動上做亦 示 痛 中 痛 不聞,食而 氣上做亦得。 知 癢。 癢。 流 問: 味 出 見 」,便是 求仁 古人曰:「心不在焉,視 門 大賓」、「如承大祭」底心在,便長 今人 如見大賓,使民 不 如何下工夫? 不仁。 知其味。」「不見」、「不聞」、 出 唱 一喏,不從心 辭氣」者,猶 得,如曾子顔色、容貌、 死漢不 識 如承大祭」, 謝曰: 佛 痛 中 而 癢了。 所 出 不見,聽 如 謂 了,便不 從此 顔子 但 又

不做 ,故孟子將 子路 百 世 之師, 來 與舜 揀 禹 難 作 割 捨底 處舉 要不 ·揚。 做 便

> 横 渠以 禮 教 人, 明 道 以 忠信 爲先

之何包之? 此理,有言下悟者,有數 之至静也。 ,有終身不悟者 近 道 莫 心之窮物 如 静 齋 有盡 戒 以 前 神 天者 明 其 德 無 盡 年 0 丽 天 下 悟 如

敬」,正謂 變而 謝子曰: 答以 或問: 此 心主於敬,則自 常 事至應之,不與之往,非 此耳 存,奚紛擾之有? 吕與 (叔問 常患 然 不 思 紛 慮紛 擾。 夫子曰「 擾, 敬 何 乎 謂 程 1 事 敬 夫子 思 萬

此 而 往 所以爲神道設教。 者 「觀,盤 一,此 也 而 不薦」,潔其誠矣, 孔子不欲觀 何必 「締自 萬也。 既灌

可 也。 食 正欲 敏於事」, 飽,居 正欲安,無 則 如天運 求 而不息,「慎於 飽 求安之心,

0 盡 明 刻 本作

四四

非忘我者不能。言」,則正辭氣而出之也。「就有道而正焉」,

才甚高,顏子之學粹美。 顏子充擴其學,孟子能爲其大。孟子之

見日。 儒 之, 釋氏以性爲日,以念爲雲,去念見性,猶披 以 何異 名 血 氣 釋氏之所去,正吾儒之所當 利 也。 之屬 關 爲 釋氏所 有陰 難 透,釋氏 陽牝牡 謂 性,乃吾 以聲 之性, 色關 儒 m 事 所 爲 釋 者。 難 謂 氏 透。 天。 吾 雲 絶

故蠢動 釋氏 觀 釋氏 不 含靈, 窮 ,疑於無異,然 理 以以 與 我 去念爲宗。 同 性。 ım 不 明道有言: 同 釋氏 指 性 以吾 於天 儒

之養 者? 焉 以其 而 x生則 不 謝 勿 Œ 子曰: 留 E 心以待之,則先事而迎,忘則涉乎去 可,於道有害。」習忘 情 也。 何 吾嘗習忘以養生,明 謂 學道 乎? 則 且 異 於 出 是。 人 口 起 夫「必 以養生者, 道 居 日 寧 無 有 施 事 事

念,助 所 以異 則 八於釋氏 近 於 留 心 情 也 故 聖人 之心 如 鑑

孟

子

也? 乎? 知 生之,故其鬼 人所以神明之也 死 子開 而 動 人以爲神則神,以爲不神 往來不息,神也 而 致生之不智, 不已, 有大臣氣象,不以言色假人。 神,致死之,故 其 神 知死 乎? ; 摧 而 仆歸 滯 致 其 而 死 根, 鬼 則不 有迹, 之不 不神。 鬼 也。 ·神矣。 其 鬼 聖 何 致

語 默 禮者 無 非天 ,攝心之規矩。 也 内 外 如一 循 理 , 則 而 視、 天, 聽 則 言 動作

動,無

非

我

矣。

矣乎! 樂 止 人之事也,止曰「盛德之至」, 具天下之至善, 日 皆 德 有 得 德 可 以易言耶? 謂 爲天下之大惡,止曰 之 有 德。 「動 鬼 容周旋 神 之 失德 爲 中禮」, 德, 故禮 盛

養氣延年,則人勝天矣。曰:不外乎一

氣耳。

以愛兄之道來,誠信而喜之,納婦也。拒,子克家之道也。舜不藏怒宿怨,包蒙也,子克家。」蔽蒙不通者包之,順從者納之而不子克家。」、一一一一包蒙吉,納婦吉,《易》之《蒙》九二曰:「包蒙吉,納婦吉,

凡事只是積其誠意,自然動得。

仲之徒,皆忘却

了。

思所 伊 舊 ĴΠ 日 以 宣 曰 苗 報 .履見伊川,語及一武帥。 力 成國者。 至多,今官高 何自 待之輕乎? 飢 則 八爲用, 加 自愛,不肯 飽則揚去,是以 位 苗曰: 愈 高 則 向 「此人 當 前 ______ 愈

故 申 顏 無 自 可能 謂 不 攻人之過。 可 日 無 侯 無 日不 可。 户 見 或 間 則 吾 其 鷹

犬

自

期

也

謝子曰: 人不可與不勝己者處,鈍滯

不得聞

吾

[過矣。]

庭前 進,只他守得定,不變却 一年。」「何以 處。」「所以 酴醾曰:「此花只爲 或問: 不進者 「劉子進乎?」曰: 見他未 何?」「只爲 有進處?」「不道 ,亦早是好手。 有根,故 未 末 一年長 有 見 根 他 全 盛 因 有 如 不 康 如 進

乎? 悦,則 心 爲 父母所見不同,從父而 母制之不得者矣。 可 曰 奈何耳。 : 心乎? ●親之心或有逆於義理,則亦以 苟 事父母有輕重 若不以 如之何? 盡 矣,或得罪 曰:未論到 所以從兄者,爲 親之心爲心,非 曰:凡人子之所欲 否? 苟欲 於鄉 此,但 母 兩 不悦。 日 黨 愛親 順之, 只盡 州 無 閶 孝 順 也 輕 自 子 獨 則 母 家 重 親之心 故 歸 也。 無 固 而 愛 從 之 親 方 有 父 日 不 此 無 予 便 父

一「予」,原脱,據明刻本、明遞修本、正誼堂本補。

六

推去,至於兼愛萬物。

斷之。 後 氣。 色,9 也,亦 餘 有 絶 、色欲 某 來 年 爲之心多 矣。 間 漸 又 而 以 則 又用 問 有淫 自 漸 斷 助 0 當 别, 輕,至今日於器物 養 此二 色 導引 於 , 欲有爲, 則當强盛 行 初 欲 當 吾 勢 大 十 想 浩 利 色出 作 吐 故 已 然之 來 納 兩 如 做 去 年 之術 於 何 般 I 多 矣。 氣 ? 心, 理 夫, 時 耳。 ",非 會。 曰 : 去不得。 之 揀 所 爲 曰 類置 難 氣 以 方勝 登 打 長 : 强 捨 斷 一徒 透 生如 伊 之, 者 底 則 任 子 此 淫 111 语,故 棄 勝 不 只爲 關 出 當 道 則 却 事 於 好 家 + 初 不

丈莫 日 年。 不 已不 心有 用 問 曾 止 太 當 用 往 一,只 初 否 虚 見 曾 ? 無 爲 伊 發 用 盡 曰 : 川 此 他 Ė 伊 岩岩 未 有 到]1] 被 不用 止 此 日 伊 Ш : 地 則 安 何 近 得 旬 除 止 日 合 壞 是 ? 事 了 聖 ? 人 吾 如

用

却

並

無

健

羨

底

心。

問 念,接 禮 滿 過 會鍛 句 發 須 明 思 不 何 是 ? 以 放 道 却 何 得 轉却 此 時 則 聞 節 開 如 慮 鍊 他 語 日 便 物 某 是 之。 不 夢 此 ? 時 地 得 難 對 有 亦 句救 位 語 如 人 賢 開 放 曰 : 此 應 日 問: 後 説 守 何 0 看 開 理 副 ? 拔,便 如 幾 始 當了 某 此二 只是守 得 何故 T 賢 天 於不 何 初 如 去。 日 又 却 下 ? 進 此 + 終 人 却 却 發 何 自 某 見得 時 須有 禪 年 日 間 遲? 道「 得 開 思 在 速, . 家 . 煞 聞 太早在 何慮 又 這 恰 至 不 如 去 用 見 後 故 近 箇 日: 此 好 此 矣 透 工 知 來 ? 有 於 事 着 未 夫。」 處 却 識 樂 遲 放 如射弓 敢 **†** I 伊 何 伊 經 間 以 却 倒 道 見 夫]1] 當 故 時 Ш 樂之, 故 煞 數 到 也 直 理 初 被 無 當 E 長。 有 後 若 到 年 何 是 他 初

「問」,原脱,據四庫本、正誼堂本補。

原

作

|途|

據明刻

本

īΕ

誼

堂本

删定。 樂即是放開也。 國史不特作《詩》序,凡《詩》皆經其手

開,將來可望。」 明道初見謝,語人曰:「此秀才展托得

上蔡先生語録中

仁是四肢不仁之仁,不仁是不識痛癢,

仁是識

痛

癢

曾氏本此下云:儒之仁,佛之覺。

「不知禮,無以立。」使人人皆能有立,天

上月112、月基高112 年12下有治而無亂。

無以

爲君子,

後放。 射,到 心 顔子善學,故孔子有「見其進」、「未見其止」 了底多。昔有 也。 非謂君子也,謂學爲君子者也 人須識其真心。 學者纔 非 把處 思 而 難 有 一人學射,摸得鏃與把 得 去,半把處 些所 也,非 見孺子將入井時,是真 得 勉 便住,人多易住。 尤 mi 難 中 去,則恁地 也 予 齊,然 嘗 唯 放 學

之嘆。須是百尺竿頭,更進步始得

者如 進」、「未見其止」之嘆。須是百尺竿頭,更 須進步始得。 便是好歇。❷ 唯顔子善學,故孔子有「見其 佛家有小歇場、大歇場,到 有所得便住,人多易住。 摸得鏃與把齊,然後放。 放了者尤多,少有 去,半把處尤難去,到 更須勉力」。 射法具而不滿者,無志者也。」學者纔 登 曾本云:予嘗學射,到一把去聲。 山,平 處 昔日每進語相契,伯淳必曰 孰不 鏃 齊 闊 放者。 把放了底多 步, 因舉伯淳語 伯淳嘗有語: 孟子處 到 峻 人有學射 處 更一住 便住 了,半把 日 處難 小

問:子思曰「小人之中庸」,小人何故有

八

❷ 「住」,原作「作」,據明刻本、正誼堂本改。 ● 「命」,明刻本、正誼堂本作「禮」。

憚 庸 也 中 無定體,須是權]。]今人以變詐爲權 庸 也。 ? 小 人 日 以 君 : 他 子 「小人之中庸」者,小人 安常習故 而 以 時 取 中一, 中。 ,便不壞了權字 無往 處 執中 爲 中 圃 無權 庸 不 自以 中 故 ? 猶 也 無 執 爲 中 忌 中

之則 庸」, 也 中 指 執 時 常習故處 中庸」者,小 知小人何故 庸 -爲中。 所執 扇 中」,無 」,又曰「君子之中庸,小人之中 此 曰 扇日 是否? 曾本 今人以變詐爲權 爲 如 以 中, 往 爲 此 謂扇頭爲中,則扇柄非中也,須是以 - 長 中 m 又却 人 有 須 日 庸, 短 問: 非 自 中 : 權 是權 言之則 中 庸? 不 以 輕 也。 故無忌憚 須 爲 重 君子中 着「反」字。 中 ,便不壞了權字? 以 或曰「小人之反 執 彼 中 庸。 取 爲 無 中 -庸,小 中。 無 中 定 也。 小人 權 體 吴本云: 以 小 以 庸 人 君 猶 輕 因 輕 人 指 他 反 執 重 子 重 Ź 中 言 安 中 所 而 不 之 因

> 中,不 處。 我? 天 窮之乎? 能 爲 知 學者且 天 有我不能 理 思 , 之所 而 便 無 曰 : 得,從容中 是 往 爲 須 我。 圃 知 是 必窮其大者。 窮理,人誰 窮 非 天之所 窮 理。 理 理 道 也。 之至 物 ---爲, 識真 物 窮 日 理 則 皆 理 自 我? 有 與 則 理 然 而 1理,窮 天 是 必 不不 已, 爲 尋 何 物 者 勉 箇 物 理 處 爲 是 而 與 則 而

真 與天 也。 此 理 理 只 我 也 亦 ? 是 爲 窮理 有 曾本云: 尋 格 ---理。 何者爲 箇 是 則 物必至於知至,不 與天爲一, 能 物 學者先須 處。 知天之所爲,知天之所 物 我? 皆有 有 理 我 理, 無 窮 便 不 往 自 理。 是 能 丽 知至,是猶 然之理 我 窮 非 因 理 理 摇 格 人誰 也 扇 物, 也 爲 日 則 天 窮 識 窮

● 「他」,明刻本、正誼堂本作「能」。

理窮,

觸處皆通。恕,其窮理之本歟?

中 日 意 金 者,亦有 安安 誠 從 理 知 容 窮 其 加 理 中 非 已, 之至, 道 鎆 __ 石 處 自 也? 問 理 然 通 示不 理 故 觸 須 思 必 處 物 而 知 皆 至, 得 物 通 窮 不 然 物 否 勉 後 ? 雖 而 能

得。 若只欲彼 釋與吾儒 今之學, 須 善 有 是 非 於 如 同 此 則 飢 非 之 不 不得。 須食、 同 處, 寒之 蓋 作「不可 理之精 須 衣 微 始

細

理

也

處 纔 有 有 私 曾 非 意 本云 同 便 非 支 不 釋 離 同 氏 處,須 了 之與 認 吾 儒 得 理之精 須 認 取 微 精 處 微 處

纔

有私

意

一,便

支

離

7

中矣。 做 克」, 甚 物 底 事 事 問 執 敬則 换 虚 則 敬、 得 如 於 外 慎 執 敬 物 因 盈. 有 有 不 指 功 異 能 慎之至 所 否? 易。 坐 敬 亭子 换 學者 也。 不 日 : 得 日 須 敬 方 執 去 這 貝 其 箇 却 輕 慎 敬 亭子 不 如 在 也 合 其 不

> 卓立 學 説 者 上 須 多 做 者 只 動 中塗,不 中 不 未 唤 動 得 能 做 有 而 白 便 静 工 静 夫 窮 岡 得 者 静 院 也 理 執 少 中 亭子, ,莫須 一,故多 須 有 邊。 就 動 先 却 事 着 省 着 有 + 甚 静 事 此 做 理 否 底 不 T. ? 换 妨 夫 然 得 日 ? 静 如 : 須 或 非 而 日 是 動 事

習,是 説 者。 課 氏 須 賓,使民 不 慎 輕 伯淳 簿, 굸 之 是 能 如 易。 昔 如 至 不 曾 不 以 坐 克」,「 本云: 終 日 顔 也 記 如 可 如 日 學 子 坐 承 日 須 尸 坐 時 敬 如 大祭 用 事 執 臾 問: 如 則 P 言 只 離 虚 斯 泥 坐 , 立 慎 動 也 敬 垂 語 如 塑 時 在 非 與 足 執 -0 人 如齋」、「出 習 其 視、 禮 八、然接 坐,不 曰 盈 慎 吴本有 中 勿言、 同 聽,是禮 立 入虚 矣。 固 異 如 人則 敢 是。 始 ? 動 齋 門 敬 如 盤 得 視視 日: 字。 渾 昔 則 有 足 與 如 非 日 外 是 見 人 立 作 時 大 物 因 鄭 執

恐諸 專 至「多着静不妨」,與胡氏本同。 云: 和 公以 氣,所謂 昔日 謂 用 須 I 得 望之儼然,即之 處 如 甚 此。 多 一,但 昔伯 此下「須去不合做底事」 不 敢 淳先生教予, 也 説 温 與 諸 公, 又

似 予只管 扶 醉 看 漢。 他 救 言 得 語 邊, 伯淳 倒了 日 「與賢 邊,只怕 説 話 人 却

執着一邊。」

然我 笑,徒自欺耳。 未有 或問:或曰 所 得, 此言如何? 我初學問事必不當,人必笑, 須 直 情言 之。 日 . 若 是 掩 也 藏 畏 謂 X 同

坐諸子曰:

亦須切記此語

「嘿而識之」,與書紳者異矣。

也。 與天 唯文王 爲 天,理也,人 我 有 非 純 八亦理 德 我 故 也 也 理 也。 循理 在帝左右 理 則 非 與 理 天 爲 也 帝 一,天 謂

> 文王。 違。」相似 怎安得箇字? 我 有 焉,則與天地不 帝是天之作用 猶自是 \wedge 易》 語 日 處。 相 似矣。 「與天 或日 地 . 曰 : 相 意、必、固 似 然 故 理 不 E

用心過 能 間 如 可 便 耳。 何 以見敬之貌。 ? 問 和 樂, 曰 : 當,便有失,要在「勿忘」、「勿助 曰 : 敬之貌 亦須以和樂養之。 初學莫未 矜持過當,却不是。 問 如 何? 日 . 能 學爲敬, 和 曰: 樂否 於「 ? 不免有 「 儼若 | 尋常 日 思」時 : 長」之 作 矜 雖 持

間 覺勞,是否? 也, 做 始學爲敬,不 曰 耳。 事 如何是敬之貌 於「儼若思」時 曾本云:問:「執輕如不克」是慎之貌 用心過 强有力者,亦須做得徹。 當却 免 日: 有 有失,在「勿忘」、 太矜持却不是。 矜 ? , 미 ;持否? 每 以 遇 見敬 事 尋常 着 之貌 然 J. 是 人亦 一勿 矜 如尋 持 問 否 助 常 甚

量

之説 去。 力, 又問: 太强 日: 佛氏 其 豈 ıĽ, 免 有「不 念 却 起 成 然 怕 狂 念起,只怕覺 妄念 須 識 起也, 得 念 起 且 時。 遲 放

之矣; 又問: 之矣。」初學 和樂,亦須以 「中心 外貌 能 斯 斯 和樂養之,此交相養之道 須不 至 須 此 不 莊不 否? 和不樂,則鄙詐之心人 敬, 曰 : 則慢易之心人 雖 未 能 便 也。 至

敬 則 悠悠思 住 不 得 ,自去。

又問:

静時

'悠悠思多,如何去得?

日

能

合禮? 語 我聽,以 「仁者先 爲 善學,君子之言, 問: 我 日: 難 言、 中,朝夕玩味方可 言, 而 四者皆不可易,易即 動 後獲」。 以 非 我 禮 動 即 也。 所 聽之也 可 謂 以止,視、 又 難者, 日 一萬。 多 聖人以 以 須 聽 非 、我視, 存 禮 如 這 何 慎 箇 以 故 得 言

則 勿視、 本 聽、言、 云 問: 動,若言、 顔子「 請 動非 斯 禮則 語」, 止,甚 非 禮 氣

味

在

胸

也毒 别。 以 獲」。 動皆 分明 悖之心,却是自家不 人。不説與人吳本有「不」字。 看尋常有些自 人,人未必信, 存這氣味 慎言語 視、聽不以我也,胥失之矣。 我 只看 動也。 不可易,易 視、聽 所謂 爲 在 善學,君子之言,聽之 不言 難 仰 如 胸 者,以 何 中朝 況吳本無此 刻 得事在胸 不 面 得 非 語 我視 合禮 **貪**看鳥, 禮,故「仁 是, 夕玩 底人, ? 以 上 須 中, 味,不須 五 티 : 留 回 又曰: 我聽,以 做 字。 是吝, 别 者先 在 頭 得 視、 纔 使 也 錯 胸 出 説 輕 輕 聽、言 中 人 厲 應人。」 難 聖人以 我言 惡 T 生 説 説 而 又 來 與 且 與 須

理來,故不自信,必待人證明然後信 理之至,自然 知我者 問 儒 「其天 佛之辨,曰:吾儒「下學而 見道, 乎 .!.以 與天 天 爲 爲 我 ___ 也 故 佛 孔 上達」, 氏 子 E 從

佛氏 氏只 墳圍 叔視 至 理 來,故不自信,必待人證明然後信 知我者,其天乎!」以天爲我也。 ? 則 自 伯淳 無 從 曰:「吾儒從裏面做,豈有不見? 曾本云: 見 日 然 見 墻 得牢,亦自信 見 處。」吾儒「下學而上達」,窮理之 墳,侍行,問 外見了,却不肯入來做,不 既 道,與天爲一。 見了,自是不肯就 問: 佛氏 语得及。 儒佛之辨。 見得, 故孔子 佛氏 何故 理 故自 不 Œ 不 因 肯就 從 曰 : 叔 可 舉 理 理 謂 佛 指 īĒ.

出來。 問忠恕之别,曰:猶形影也。無忠,做恕 恕,如心而已。 恕,天道也

是當爲人道。

教

地 恕 施諸己而勿願,亦勿施諸人,説得自分明。 忠,做恕不出來。「己所不欲,勿施於人。 如如 變化草木蕃」,是天地之恕。 曾本云: 心而 己。 問 恕,天道也。 忠恕, 曰 猶 伯 形影 淳曰: 一天地 也。 一二天 閉 無

> 賢人隱」,是天地之不恕。」朱問: 不因人,何故人能與天爲 亦 有 不恕? 曰 : 天無意,天因 故 人 天 者 有意、必、 地何 也 故

固、我,則與天地不相似

性盡 者,理也。其曲直者,性也。 便 能 知 窮理,理 命。 因 窮吳本無此 指屋柱 日: 上二字。 所以爲曲直者, 此 木 則 可 便 以 盡 爲柱

命。

理、性、命,一而已。

培 本,然後培養,能成合抱之木。 志,志立則 養箇甚。 門人有初見請教者,先生曰: 有根本。 此學不 人道不教人做,却 可 譬如 將 以 樹 爲 (木,須 善後學爲人,自 若無根本, 誰做 先 人 有 須 先 簡 又 立 根

諸 須 須先立志,志立則有 是先 己,「有諸己之謂信」。 曾本云:二人初見,請 生根本,然後 栽 根 培。 本。 指 教,先生曰:人 因 又 小 日 樹 小樹子 有 須 是 箇 根 有

本 在 始 培 養 灌 溉 能 成 就 爲 合 抱 之木。

미 無 間 將 以爲善後學爲人。此下與胡氏本皆同。 根本,又培養箇甚 視、 聽、言、動合理 |麽? 面 與禮不相合,如 又曰 此學不

以 何? 循 斯 便是復禮 視 日: 以以 言、動 斯 聽, 猶 自 可以禮、視、 然 合理。 合理 聽有甚禮文? 便合禮文,

理

言、 以 外 聽、 斯 面 動 視, 討 猶 本 動只是理 得 以 可 禮 斯 以 文來合? 聽 有 問 禮 ,何故得合禮 自然合理。 合視、 文,視、 循 聽、言、 聽 理 合這 有 ? 便 甚 動 是 曰: 箇「理 禮 處, 復 文? 怎生 禮 視、

有物。 物」? 字便合禮文。 壹 箇 問 曰 : 「敬」字。 言有 妄 敬是 則 物 無 禮 存 物 面 誠之道 理之不可易者也,只是 行 物 有 則 常」, 否? 是 箇 實 如 日 何 存 是也。 是 誠 則 有

須 是體 便見 得

問: 見得 「不誠 有常之謂 何是「有物」? 敬 曾 無物。」「 本云: 是 存 也。 誠 問 物 之 誠 日: 道 則 者,物之終始。」 「言有物 是箇實,存 妄則 否? 無物,是不 日 而 : 行有常」, 誠 須 終 則 是 始 誠 有 體 物。 者 也 如 便

學須是 熟講

人。「學之不講」,「是吾憂 曾本云: 學不講, 用 盡 工夫, 也」。 只是 「仁亦 舊 在 時

立 一則仁 夫熟之而已。」 這 與人之名亡矣。 箇 人與這箇仁相

合爲一,

便

是道

道

日: 是發用 養 性 今人莫不 問: 便是 處,性是自然。 事天 孟子云「知天」、「事天」、 知 處 有 君, 日 : 能 心、性 事 其 何 君 别 者 如 少 何 日 存 别 心 心 ?

又問: 事 知其 所 君父者 曰:不然。且如今人莫不知有君父,能事 日 天又 以 事天工 事夭」。 性,知其 心與性是如何? 本云: 别。 夫 「知天」、「事天」,如 存心養性, 問: 性則知天。 石問: 最 難 知天莫便 周。 孟子所謂「盡其心者 便 曰: 存其心,養其性, 曰:心是發用處 是 事則是不 能 事 事 天處。 何? 天 否? 曰: 達 朱

天地。 理, 無 只爲私 故曰:「知我者,其天乎!」人心與天地一般 與 學斯達矣。 焉 學 心一本作「意」。 須先從 天 丽 已,豈 理 「下學 上學,盡 自 止與天 而 小 了。 上達」,其意 人之理,斯 地 任理因 般,只 盡 物 如 便是 天之 而 此 己

性是自然。

亦自無此理。如今只是學箇依本分。 李泌不娶妻食肉,見他已甚,必不能久,

下之達道三:●智、仁、勇,如斯而已。肯捨去,只是不勇,與「月攘一雞」何異? 天今人有明知此事義理有不可,尚吝惜不

有所偏,且克將去,尚恐不恰好,不須慮

恐過甚。

是心虚氣平也。須於應事時有此 氣中,此是仁否? 問 義重於生則 曾本此下註云: 一日静坐,見 舍 曰 : 生 取 一切 矯揉就中之謂 此只是静 義 生 事平等,皆在我 重於義 氣象方好。 中工夫,只 則當· 也。 舍 和

義取生。最要臨時權輕重以取中。

意。纔有意,便不能與天爲一。 儒之論意。循天之理便是性,不可容些私佛之論性,如儒之論心。佛之論心,如

「道」,明刻本、正誼堂本作「德」。

曾本此下云:

便非天性。

0

蹈 真 聞 知 見 故 之知, 也 真知 非 真 自 知 然行之不 也。 知 水水、 難 火 ; 不 自 然 真 知 不

而

行,未免有意,意有

盡

時

善,但 者依舊在。 可 上 孟子論性善,論之至也。 但非 非性之至。 「觀過 水之性。 斯 如水之就 性雖 知仁。」既是過,那得仁, 可 以 下,摶擊之非 性非不可爲不 爲不善,然善 不 是專。

然仁亦自在

道。 時 賦 體 舉伯淳語云: ,多是尋人意 ,却謂人不 又云: 数在 曾本云: 宅中。 至 可不作 「賢讀書,慎勿尋行數墨。」黎 如 論 不到處,遵天十八遭走,幾 博 楚 學者先學文,鮮 觀泛覽,亦自 州 文,猶且 徐 仲 車 演 所 義 論 爲 有 理 煞 害。 能 作 得 因 詩 中 至

> 遮 云 眼 或 古禪老 以 可 也 誠 爲 有 無 專意。 所得 遮眼 之説 ,所謂 先生曰:誠 4 蓋 皮 有 也 是 所 須 實理,不 得 穿 以 經

好色」,不是安排 人謂至誠,至是謂 曾本 誠 來。 是 專 實 理 不不 如 是專 「惡惡臭」,「 尋常 好

若指鳶魚爲言,則上 下 在。 夫子與點之意。 察」以明道體 知「勿忘」、「勿助長」則知此,知 鳶飛戾天,魚躍 無所 不在,非 面 于 更有 淵 天,下 :: 無 此 鳶 私 魚 面 意。 而 此 更 言 則 有 一 上 也 知 地

點 事在 大才吳本作「賢」。 中,在曾點 有甚事 胸 曾本此下云: 中 纔 看 列 子御 着 着 做不得。 些 E 事 可 季路、冉求言志之事,非 風 笑爾 便 事近之。 不 得 然常懷此意在 學 其 者不 然易 Ę 且 可 做,只 着 道 曾 胸

是 無 心 ,近於忘

敬 是 常 惺 惺法, 心齋 是 事 事放 下, 其 理

不 同

言是 智 或 「養氣」 以 知言、養 是仁。 氣 浩然之氣須 爲 道 事 於 先 心 生 得 日 其 知 正

識 取

問 看不 況 着 相 言也」, 亦 之氣,於心得 心」,或謂多「不」字。 知言是智,養氣是仁。 塞天 氣。 須 養,故下 知言、 ·厭足時,人氣 壯 曾 其 地。 本云 如 是 、養氣 氣 今人有 孟 盛 明 面 子 其 問: 道云「 或謂 論 有 氣 TE. 氣 心, 如 以 此 識 養氣 何? 何 作事否? 索時,安能 取。 氣。 辭 然 曰 : 又問: 氣是 謂 只是 亦 其 又 又曰: 浩然之 慊 須 日 下 是 「行有不慊於 道事。 集 外 : 日 旁 厭 充其 義 志 要識浩然 . 説 面 氣 足之意 與氣交 亦 所 養 大 體 須壯 生, 日 日 他。 綱 難 ?

> 問 是 不配義」。 作 事 無 與元 不是, 可配 能 義 道 不 却 與 相 慊 道 無 似 否? 忌 0 否? 憚 又問: 日 此八字吴本作「有不是事 曰: 如 是氣與神合,只 如今有盛 此 安能浩然 氣

浩然是 無 虧欠時。

與

纔覺 人後 己與 只爲 立 若 事 而 見 禹 無矜伐,更有 物,幾 如此。 他心 或曰: 出 理 時 不 ,是大小大 便克 來, 恥。」許大 矣。 下 時 矜夸爲害最大。 正 無 曰: 將去, 日 好 到 事。 : 甚 得 事 着 「子路衣敝 獨 子路,孔 事。 , 從 與天 工 此 處 夫。 偏 等事 時 稱他 勝處 爲 未 有己便有夸心。 不 子 打 必 緼 先生日 却 處。 不矜」、「不 見 克。 疊 有 袍 可 過 只 此 ,與 欲,却 稱 克己之私, ,不怕 心,多是見 須是克己, 衣 其 舜傳 狐 如 無 伐 此 貉者 此, 立 心 位

則

0 無 明刻 本、 正誼 堂本 因

病 何 I 也 夫 處。 ? 却别有 曰: 日 病 亦 有 有之。 處 人未必 人之 有 所 病 得 却 不一,此 能守本分, 是 賢

有「日 般不 每 有 又思古人有自爲 我與」,皆是有箇夸心。● 子就「宫室之美,妻妾之奉 合有己。 私 客,便要器 便 不免。又云: 能 也。 句 事皆然。 須安排言語 然」字。 便是 此,又須要人知其不伐。 可 曾本 勝 作 得人道 數。 病 簡 去 因 Ш. 根。 先 請 舉 問 有人愛騎好馬,道長人精神 飲饌 生 寫 此 客 孟 日 所 好,於 此 教 衣 如 某 之反事。 如 如 謂 病 . 服 法 有 此 法,教人感激。 根 法 玩 制 我 是 夸心 因 悦 度 病,且. 要 如今老 何 合做底 甚 小 者 人傳 所 予曰:今人亦 欲 加 有 兒家具。 識 先生笑曰 ? ? 以 如 推 玩。 郎 窮 勝 作 此 只 因 家 乏 只 多 亦 者 説 爲 下 推 飯 吳本 簡 小 恐 得 不 此 孟 面 皆 :

> 有己。 必有此 傳位 直如 我。 是夸心。 須説 是好 矜,有其善爲 克者,勝之之謂也。 此,此病在甚處? 有 須是克己,纔覺 「不伐」。 病,稱 尺。 悪 與 此 至 巧。 末 心 立 使然。 禹 若無 冷纔 己 事 有人 好 是大小大 有利害 此四字,吴本 與 如 則 遇 伐,矜伐 做 物, 且 矜伐, 見 事 時 溢 作,説 如 便克 人着 逢 美, 幾 猶 日: 今日 又問: 人 時 且 稱 更有 有 煞 事 此 好衣,便愛着 將去,從 到 話 「如是底」。 」, 只 欲 得 不 害 泥 得 張 以 無 獨 好 心 事 甚 濘 稱 與 筋 意 利 則 便 處 事 他 偏 天 弩 只 氣 害 出 溢 無 又 不不 又 脉,皆 1,須要 是 爲 加 問 勝 惡 不 事 夸 E 此 好衣 Ŧi. 時 處 勝 矜 一、 能 . 寸, 處 克 忘 爲 如 猶 爲 亦 更 舜

^{) 「}箇夸」,明刻本、正誼堂本作「物欲」。

^{) 「}又」,原作「意」,據明刻本、正誼堂本改。

夫處。 置 敝 未 之病不一,此是賢病,人却别有病 守本分,不要夸勝人。 事上做工夫,不怕此 下 一,與 無 緼 必是自家本意,多是爲人。 此 袍 心自爲 又問: ,許大子路,却只 等事,打疊 賞罰。 有 般 得 不見 心因 .過。 人 曰:亦有之。 以 未 事出 可 必 此 又云: 欲,却 有所 稱 티 : 一來,正 他 處。 得 子路 無 亦 只 然 好 須 下 謂 却 能 工 就 衣 人 處 心

者纔 慢 到得窒礙,不能變通乃腐儒 爲者也。 有道理去不得處便住。 或 日 無學之人,好惡直做得 爾。 先生日: 此 十分。 漢 高 真 所 儒 以 儒 不

惡直到十分。 處 許大事,只 便 |尋,是否? 住 曾 本云: ,更前 爲 面 無 問: 意謂儒 學問。 有甚 先生日: 堯 大事 夫 者纔有道理去不 無 論 此亦 ※學問 也 霍 不 光、 一説 ·管,不 人 周 做事 勃做 ·肯 真 儒 得 得 枉 好

> 祖 不 所 到得窒礙處,不能 所謂 慢 駡 者。 「納 約 因 自 舉 牖」,從 張良 通變乃腐 文 人君 太 明 子, 儒 處 爾。 却 納 致 也 此 四 高

之,●發乎情性,止乎禮義,便是法。問學《詩》之法,曰:《詩》須諷味以

得

句證 否? 發乎情性,●止 識 取 誠 上句。 是無虧 六義體面。 云:《小序》亦不盡,更有《詩》中以 曾本云:問學《詩》以何爲 一欠,忠是實有之理,忠近 不可 乎禮義,便 泥 又問:莫須於《小序》中 訓 詁, 須 諷 是法 味以得之, 先,云: 於誠 求 先

烈,便爲未能得別,如舊。謝子曰:使賢當初問:聞見比昔日全別,唯是見義未能決

[「]疊」,原脱,據明刻本、正誼堂本補。

[「]性」,原脱,據明刻本、正誼堂本補。 「味」,明刻本、正誼堂本作「咏」。下「味」字同。

'者亦深。」故伯淳所在臨政,上下自然

四十萬人死於長平,皆命乎? 曰:可知

應。

皆是命,只被人眼孔小。

而中,此神之所爲也。但教每事如此。 【皆本其舊,安能從新? 不見異人,當讀異書。 響見二先生革一革便別,須是有道理革之,不 外

問 者,方其服也,顏色悦澤,筋力强盛。 頭力去,將如之何? 生,見行則學,聞言則 日 日 可謂益友矣。 . 謝子見河南夫子, 何以教我? 謝 尹子反以告夫子,夫子 識。 子 辭 E : 而 譬, 歸。 吾 如 有人 徒 尹子送焉 朝 服 夕從先 旦烏 烏 頭

宰相事業自期。降此寧足道乎! 爲學必以聖人爲之則,志在天下,必以

元承曰:「誠意積於中者既厚,則感動于

上蔡先生 三語録下

心本一,支離而 看文字,須是一 看過領得,方是理 去者,乃意 通。

昔

録

五

經

語

作一册,伯淳見,

謂

日

: 玩物

段

事

,纔録得,轉了一字,便壞了一段意思。

他

這

意

思。

因言一

劉各

録

得數册。

又云:

曾

録

常

存

着

他 這

意

思,寫

在

册

子

上, 失了

昔從

明道、伊川學者多有語

録,

唯

某不

克己須是從性 偏難去處克將去,克己之

私

則心虚見理矣。

言,每思而發,是否? 睿,睿作聖」,思豈 問:思可去否? 可去 曰:雖不中,不遠矣。 日 : 思 陳問: 如 何 去?「思 遇 事 出 好名之故。

以直 節。 理。 礙。 内, 諸公不須尋見處,但 釋氏 然 義以方外,便是 不 義以方外」,然後 所以 可 謂 不 釋 如吾 氏 無 窮 儒, 見 理。 處,但 且敬與 成德, 無「義以方外」一 釋氏却 見了不 故 窮理。「 以理爲 曰「德 ·肯就 不 敬 障

> 喪 志。」

敢讓。」

哥。

若接

引

後學,隨人才而成就之,則不

伯淳謂

正叔

曰:「異日能

尊

·師道,

是一

懷 固 蔽 自欺之心,長虚 驕自大之氣,

皆

悟。 只轉 却一 又曰:●「古人所以貴親 伯淳常談《詩》,並 兩字,點平聲。 不下一字訓詁, 掇 地 炙之也。」 念過,便教 有 省 時

0 「又」,原作「石」,據明刻本、正誼堂本改。

邢

七云:「一日三點檢。」伯淳曰:

「可哀

上蔡先生語録下

孤。

錯了 也 可説,便不得不説 話,伯淳貴之,邢曰:「 哉 可 見 其餘 不曾用 時 勾 工 當當 。」又多 甚 無 事 可 ? 説。」伯淳 逐 蓋 人 傚 面 \equiv H 日 省 説 之 説 般 無

即 書。 伯淳 横渠 云:「子厚却 著《正蒙)時, 如此 處 處 不 置 熟。 筆 硯 得 意

是

人。」

是二字。 古人千言萬語許多模樣,只要得一箇

與

語,直是道得下。

家,則是心須教由自家。 或舉伯淳語云:有四百四病,皆不由自

其 爲之前 己者爲 、所學,爲補 論 及荆公勝流俗之説,人多 流 非 解 於行 不 某謂 細 新法之後。 荆 公此説 起 能 謂 於 荆公 用 方 此 特 以 以 立 有 同 行

俗人 曰 八情 合做便做,不須恤其 問: 毁 患知道 譽 覺 理 得 如 勝 此,不 流 俗之 他。 決 烈 不 説 便 其 恤 做 世俗 好。 常 人情 先 恤 生 世

> 明 又却不是。 特 毁 道率 譽 異 世 固 謝子 俗 好 致 世 范彝叟欲 ,謝以前輩爲辭,明道 俗 人 、毁笑, 人情有不 同 以 二程先生 儒 害事 爲 戲 者, 若故 或 看 曰 斸 生 地 鄙 不 黄 悖 恤 般

伊川與君實語終日,無一句相合。明道明道嘗曰:「天理二字,是某帖體出來。」

不學。 地過 天資,不由講學。 便了 [處。] 盡性 觀洛陽 天下有 有 一般 至 命。 議 人,未必 一般人,不肯爲 論,子厚 論韓魏 因及夏侯節夫,云:「此 便合天理, 謂 公、 范 程 深悪,只 文 纔 正 窮 却 公, 理 是 有 泛 皆是 當 可 泛 開

是公其 其家學修相 舉 心 瑩 中 可 業,云: 道 以 吕 爲 源 相。 明 有之。 只會 申公寡言,在 作 宰相 宰 也 相 石 不 難 中 子 做, 書 植 只

易其 事 君 論 用 須 、教是。 一,衆人議 影初 座 於當時 議 右 成,每篇數千字,後删改極 銘 ,爲君之道 至 當初自 畢, 如 用 然後以一語去取之,人亦不能 洛中上《君道》十篇,不 人,於己分合,除得若干人, 後 無出 此。 簡,可爲人 如 徐鉉《 止 質 미

禮。 説 襴 學 明道 夫。 明道 姦 這底。」或云邢七要學,堯夫不肯,曰:「徒長 必 於李挺之, 確。」 其 差,唯堯 熟, 明道笑云: 云:「邢七二十年裹待做多少事,豈肯學 要學 坐必 云:「待要傳與某兄弟,某 堯夫《易》 謝 拜。 云 須是二十年工 日因 夫不 師 「恨某 欲學 數甚精。 監 「賢却 然,指 禮 試 甚 堯 無事,以 生 一嚴,雖 夫,必 没放 一二近 不 |夫。] 或云 自 早 來 過 亦 在 其 却 事 推 底 如 説 兄弟 常當 辦 事。」 長曆者 此。 野 邢 推 得 店, 第之,皆 面 七好學 伯淳 弟子 那 堯 可 得工 至久 飯 夫 驗。 聞 之 必 初 心

法,以 合。 夫 背, 問 天?」曰: ●「須還 起甚 日 都忘之矣。」因 甚處 伊 曰:「大哥,你 處,伊 出,謂 Ш 此 起,伊 問 知《易》 知《太玄》 明 川云: 堯夫曰:「 道 ĴΠ 日: 云 嘆其心 數 「堯夫怎知? 知理爲知天。」因説 怎 爲 都 加加 「起處起。」堯夫愕 恁 知 堯 不 無偏繫如 地 倍之數 天, 濟 夫之數只是 聰 事。」 知 明 ^ 如 堯 此 某 易 何?」日 伊 夫 便 理 驚][[加 然。 今年 知 爲 撫 謂 他 又 其 知 堯

不 在時,語 聽 其言 便 也 無 厲 力。 須 是 有 力。 某 尋 常 纔

有存主,不逐彼去,是敬之理否。 曰: 先有存敬只是與事爲一,未論得是不是。問: 此

[「]日」,原脱,據明刻本、四庫本、正誼堂本補。《二程》「襴」,原爲墨釘,據明刻本、四庫本、正誼堂本補。

書》卷十二作「堯夫云」。

道 事 子「聞一知十」之才,猶自「請事斯 主,然後視、聽、言、 ,聖人也。」方做一事,忘了其他亦 爲一時便是敬,其 動却汗漫了。 他說各是一 理。 語 且 只 不 認 免。 從 容 取 顔 中 與

所 何 法 有 得 追 預憂; 過 記着 兩 初 遇事多急躁,常自訟之,云:「事之未來,不 傳時, 名五五 悔。 了,又須 以和其 以 如 月便覺其效。 疑 疾, 願。 能 ,晚些有件事 問:多愛記事,如明日有件事,今日 事之方至,不須忙迫,事之過去,不須 平 終之以一毫不立,唯覺 追思,知其 云行之能 元化 一件要如 心也。 之? 先生云: 須有這箇道 氣 答云: 間 喜怒哀樂失其節,❷皆是病。 · □只今不肯放下。 此,又 於事 둜 素 非 問》 ,而無 氣 所病,心疾 無 要如 能 有 凝 法以處之。 動 其 滯。 其 彼。 理 加 説 虚之。 心**,** 已。」然終 也, 某 而 後行 行 和 無 至 而 其 其 某舊 此法 又 如 遍, 法。 氣 氣 日 未 須 每 事

其説。 静坐時 分明。 然,自有一 端立問: 有之,却只是「坐如尸」也 此是敬否? 「事思敬」,「居處 般 氣 暢 象。 論 敬云: **E** 某 嘗 恭、執 不 以 Ē 如執 其 其 事 説 衣 事 敬 行 冠 L 」,若只是 之, 尋, 端端 果 坐 便 更 如 儼

是手忙脚亂 敏是 舉 明道云: 得理之速, 「忠恕」兩字,要除 明 理 而 行, 不 期 箇 而 速 不 非

孝悌按 不 母之過,未至此 睦者甚多,極 與其得辜於州閭 本子做,不 好笑。 不 可 能 諫 以 先生然之。 也。 鄉黨, 義 處 予日 寧孰 却 致 煞有 父 諫」,是 母 兄弟 人 爲 父

慈不孝。事親者亦不可不知醫。」 明道云:「病卧於床,委之庸醫,比於不

0

些 失」,原作「矣」,據明刻 原作 西」,據明 刻 本、 本、四 四 庫 庫 本、 本、 Œ IE 誼 誼 堂本改。 堂 本改。

日 克己復禮,天下歸仁焉」,只就性

上看

矜持 好悦 固 遠者,不爲目前移奪,雖 以毫楮 而 每聞進學甚力,深慰此懷。 已立矣。 爲善者不絶於天下。 過當 ,豈不欲 必 而泛論也。 有 否 不失 事 ? 傾 焉 盡 而 此 日 所知, 勿 心 : 然秦、漢以 近 正 可 心」,是持敬 也。」 之。 是非 顧未 足下若能 識 答季 小有失中,大體 兹承見喻,尤見 來,學雖 所 疑 向 志於大者 否? 安 書云: 在 不明, 難 是 者 欲 以 祈

日 窮理便見得。 或 問: 天 下 多 事不勝窮 少 事,如 理 何 則一也。 見 得是 處?

宅。 子工夫, 深所望於 答胡 朱君聞進學可喜 三二十年不 康 左右,儒 真 侯 百 小簡云: 世軌範,舍此 覺 異於禪,正 行,便 向向 「承進 虚 亦嘗講仁、敬之説 過 應無 7 在 道之意浸 下學。 可 戒 幸 灌 無 如 毋 住 顔

> 當不忘之。遊於河南之門者甚多,不知從 于斯,則見功不遠,行之方可信此語 也

事

關 人少見出 此、幸亮之。《春秋》大約如法家斷例也,折 便血脉不貫,其語不活。 미 便是 待 少 望有入聖域之理,不然休說。」 何足道,能 中道耳。 立得 他。 又答簡云:「蓋如語録,只 小歇處。 住 脱得者,所 非 承諭 做自家 是小 言真 進學加 事, 然 如 物,須 須 以全看不得 鸚 切 藉 鵡 須 功 如《春秋》之説正 窮 也。 (處,甚) 勉 着 理工 之。 如 富貴利達,今 少却三兩 此。 善甚善。 一夫,至 透 難 得 以 邇 好 此 來 名 字, 事 學 如 方 利

箇 甚? 總 老嘗問一官員云:「『嘿 『無人而 不自得」,是得箇 而 甚?! 識 之」,是識

,

灌」,原作「確」,據明刻本、正 誼 堂

2 如」,原作「處」,據明刻 本 Œ 誼 堂 本改

上 語 録

附

録

謝上蔡語録後序

朱 熹

《論語説》行於世 之作序,云得之先生兄孫少卿 家之書,皆温陵曾恬天隱所記,最後得胡文 得友人括蒼吳任寫本一篇,題曰《上蔡先生語録》。 志力行,於從 名良佐,字顯道 後得吴中板本 右《上蔡先生語録》三篇。 遊 學 篇,題 一,而此 諸 公間 於程夫子昆弟之門。 日 書傳者蓋 伋及天隱之子希元者。 《逍遥 所見 先生語録》, 最 先生姓謝 爲 鮮 超 焉。 越。 陳留 熹 氏, 江 篤 初 有 續 子, 十餘章。

雅言》。 時有 多猶 輒 及。 氏之異同者於其下,以備參考。 挈領,指示學者,用力處亦卓然,非他 五章,記文定公問答,皆他書所無有,而 定公家寫本二篇於公從子籍 因 其舊,定著爲二篇,且著曾氏本語及吴 百餘章,然或失本指,雜他書,其尤者 小異,蓋 下篇四十七章,與板本、吴氏 凡書四篇,以 至詆程氏以助佛學,直以「或者」目 損 益 曾氏 相參校。 所記,而 溪先生 胡 獨 氏上 精 本略同,然 板 題 約 無根,非 意近 篇 本 過之。 日 書 - 所增 提 五 《謝 所 世 綱 + 五 子

也。 記異聞之書,而傳者弗深考,遂附之於先生 學佛者私竊爲之,以亢其術。 先生所宜言,亦不類答問記述之體 傳之久遠,疑誤 程氏,而以「予曰」自起,其辭皆荒浪 而曾氏爲得罪 故竊不自知其固陋,輒放 後學。 於先生者, 使先生爲 則 偶出於曾氏 而絶之,雖或 必 得罪於程夫 是書之爲

原載《晦庵先生朱文公文集》卷七十五

謝上蔡語録後記

朱熹

恨焉。比因閑暇,復爲定著此本,然亦未敢脱藁,而或者傳去,遂鋟木於贛上,愚意每遺爲頃年校定《上蔡先生語録》三篇,未及

章,特以理推 自 左驗,亦不知其果出於何人也。 以爲 可 傳 也。 知 其決非先生語,初 因 念往 時削去版 後籍 未嘗 本 五. 溪胡 + 有 先 所 餘

非謝氏之語益以明白。夫江公行誼風節固次序,無一字之差,然後知其爲江公所著,而一篇,讀之則盡向所削去五十餘章者,首尾

生人都,於其學者吕祖謙

得

江民

表《辨道

録

當

世

所

推

高

面

陳

忠

肅公又當

稱

其

論

明

道

先

生有

足

目

相

應之語,蓋亦略

知吾道之可

尊

矣。 乾道戊子四月壬寅熹謹 警,且示讀者 之繆有 公手柬,今并掇其精要之語,附三篇之後云。 而其爲言若此, 所 必 至 使 毋 脯 疑。 不 能 豈 舊傳謝先生與胡文定 已 差之毫 記 者耶 釐 1 因 則 書 夫 千 以 自 里

原載《晦庵先生朱文公文集》卷七十七

延平答問

[南宋]朱熹 編[南宋]李侗 撰

目録	跋	延平李先生答問後録	延平李先生師弟子答問	校點説明	目録	
	三九					

明

庵 朱熹元晦 子撰」, 熹 讀 編 先生所録也」, 書 延平李先生師弟子答問》一卷,宋李侗撰,宋朱 而 志附志》著録 後 編。 清 康熙吕氏 今據實改録如右。 清《四 卷、宋朱熹 云「延平先生李侗愿 寶語堂刻本卷端 庫 全書總目提 撰,朱熹門 要》 則 人 題 逕 中語,而 編。 署 作「宋朱 宋《郡 「門人 晦

靖 徽州婺源(今屬江西)。高宗建炎四年(一一三○)生 子業,從鄉 田 南 (孟》之説,而 宋高宗隆興元年(一一六三)卒,終年七十一,諡文 學者稱 宋哲宗元祐八年(一〇九三)。 絶 世 字愿中,南劍州(今福建南平)劍 延平先生。 故,餘四十年,食飲或不繼,而怡 得伊川、龜 羅 從 彦學,受《春秋》、《中 朱熹,字元晦, Щ 脈之傳。 年二十四 號晦 既 庸》、《 然自 庵。 而 浦 退 棄舉 人,生 世 適 居山 語 居 * _

校

點

説

明

朱熹 李侗 名《延平 其 師 事 於 李 疑問難,授業解惑,主要通過 到孝宗隆興元年延平先生作古,前後不過十一年, 年」,而自此之後,他轉而接續上了伊 之前,朱熹已「出入於釋老」,「馳心空妙之域 亭,終年七十一。 人或稱此爲「逃 者累年,精思實體 簿,始徒步謁李侗 李 ,侗學。 李侗 侗 間師弟子二人相聚論學的 的 南 初以父執事之,及至 開 而學 殁後,由 劍 逃禪歸 端。 州 是他早年學 問問 尤溪。 乃大成」。 光宗慶 答》、《 從 1朱熹 儒」的 宋 禅歸 紹 高 元六年(一二〇〇)卒於建陽 延 李侗與朱熹之父朱松爲同門友,故 親 所造; 於延平 宗紹 興十八年(一一四八)進士, 平 手 顯然,轉師延平先 術思想的 儒」,認爲「朱子從遊三賢, 大關 先 編 紹 興二十三年朱熹初 益 生問 與二十三年赴 訂 而 鍵,是 深」。 成 師事之,「由 書 時 答》、《 帙, 信往 光,更只數月之短 他日 朱熹於 大轉折。 即《延 返。 洛 延 後 生李 淵 T 平 是 這 成 而 任 源,所 答 師 此書 往 爲 因 立之年 同 何, 見李 弟 問 理 者十 來 安縣 爲 | | | | | | | | | 子 答 及 從 當從 IE. 在 以 侗 問 宗 是 訪 此 考 在 而 師 之 主

311

認爲。 總 答問》一書,既是朱熹對乃師學 之所以得爲朱子,實賴是編以 歸。」「先生之能不可見,觀之朱子當見之矣,則 其平日之間,以 答》、《延平李先生師弟子答問 坐,乃反能救文公之幾陷禪學, 結 也 「《延平答問》者,子朱子述其師延平李先生答 同 時給 後 明其傳之有自也。」「延平亦主 世 留下考察他思想嬗 (》等)。 啟之也。」因此,《 術思想的 轉爲大中至 對此,後世 變 與 份 學 紀 澄 朱子 延平 正 術 念和 1 儒 之 傳 静 者

承

的

段

歷史對

話

先生 問 子問答》一卷」,或即最初行世的朱熹原本。 爲一卷,係朱熹 E 八月下旬至九月上旬之間。 據朱熹《與羅多議 答問》輯 書,凡六十九通,後附 》,首起丁丑六月二十日 問答》一卷」、《宋史 熹手訂《延平答問》的具體時間有二說。一 録 書 劄 親 的 書 訂 始 一》透 者。 边 年月, 李 露的 按《郡 藝文志》著録「《延平 何《與劉平甫書》二通,合 書, 信息,考訂在隆興 末 最 推 齋 止 初 斷 讀 一癸未 行世的《延 在 書 隆 志 興 七月二十八 》載 __ 此後,朱 ~ 年 -師弟 平 八元年 延平 3 答 據 __

> 《語類》等處輯 定姑孰 及至明弘治八年,浙江布政司右參政周木,乃據宋嘉 郡 傳 《行狀》等文獻 編、《後録》同刊並行。 熹門人又摭取 不外乎以上三種情況 世。 齋 ,刻本「《延平答問》一卷, 郡 若清錢 齋 本 乃師談論 謙益《絳雲樓書目》收録之宋嘉定姑孰 出 校 ,别爲《附録》(或稱《後録 有 訂 關 重 ^ 文字,補 刊 延平答問》歷代傳 李 於 侗 嚴州 的 又《後録》一卷」, 編《續 語 並從《朱子文集 録 和 録》一卷, 所撰《祭文》、 本的 即是。 内 與正 並 刊

巖 本。 書跋文提及而知的建陽「麻沙印本」。 麻 時 多出於此。 嘉 述姑孰郡齋刊本,朱熹弟子趙師 沙 趙 官 定七年當塗郡 印 師 彦約字 利州路轉運判官 延平答問》在宋代已知曾有三次刊印。 夏致 本」、「録本益昌學 簡 道」,遂 其二,嘉定九年都昌 甫 守北海王耕 淳 校之以 熙 兼知 八年進 咱」。 利州,因 臨 道「 川 士,「當從 其三,即 夏爲之序,後世 鄒 曹 刊之郡 「得當 非 彦約益 道三 熊 塗印 朱 齋 因 宗 昌 種宋版 曹 望 熹 彦 講 學 其 録 本於黄 即即 本 學」, 官 約 諸 均 爲 與 刊 刊 刊 前

寶 拖 編 統 E 刻 校比文字内容,二者與周木刊本系統之正編、《後録》 緒 本 熙 書 年周木 本」之前 並 刻 個 訪 無大 白 今亦已 ·與光 林 譜 是無周 系 不復見,李習本僅殘存《續 間 四十七 ,後世通行,多賴 則 統統。 鹿 堂 熊 賀 當在 異。 瑞 刻《 緒 嚴 洞 都 尚 曾 木 難 年 文知 州 原本」、《四 比 麟刻《西 初 一成化、 朱子遺 見,各 較常 延平 另據 補 張 是 刊本,正 得延平 編《續 與 本堂 其 見 周 弘 周 曜 府 書》本、乾隆《 [京清 館 而 周 木 清代諸 刊 重 木序 一德間 治 郡 録》 所藏 庫全書》本未言 通 元 刊 本 刻 間 庠 麓叢 行。 本、李 等。 的 本。 文刻本, 云, 李 近 多 刻。 放本, ,侗裔孫李習刊本、 復 刻 書》本《朱子遺 爲 他 録 吕 但 康 考 本 光緒 習 》,知 四 清 在 氏 時 熙 Œ 及其 刊 而讀之」。 如 獲 庫 刊本大致可 寶誥 原 至 編 康熙中 本 全 重 本堂本 見 如 明版本來 刻 卷 乾 刻 書》本,以 「宋 今,周 堂 首 本。 乾 隆 脈 本 書名下 嘉 禦 書 隆 間 相 亦不易求 既 號 定 兒 重 另 修 承 分 木 萬 補 源,但 謂 稱 間 吕氏 刊 及 補 爲 刻 的 曆 刻 「近 「重 光 原 系 合 刻 本 印 康 兩 本 間

二卷。 校:「 集,如 裔 文集》。 早佚,但今存有明抄《藝 書中要語 上」。」則所校 孫葆初,更彙詩文一卷附 近 清康熙間 此外,朱熹所 本 而《四 》二卷,而 無「師 「延平 庫 張 全書》存目著 弟 伯 實在 郡 子答問』字, 行輯《正 編《延平 庠 就是 海 近 彙 刻 綴於後,改 誼 本」, 正 答問》還輯 函 録《延平文集》,「乃 堂叢 編 》本《延平先生 而 宜 作一書 書》本之《李延 卷之内容。 即《延 題 此名」。 入李侗 中 平 要 李 要 語 詩 是 先 語 侗 文 平 本 生

早亡佚。

 \wedge

延平答問

》在明代

的

傳

刻,

依次有

弘

治

1

字 對 齋 本」,正是周木 刻 本 校異同, 所校之「元本」,當是宋嘉定 誼 八刊本。 夾注校記,係 堂本)參校。 校本,並酌用《正誼堂叢書》本《延平文集》(簡 本(簡稱光緒 作底本,書名亦仍其 這 次整理校點採 大量 周木 明顯誤字、 雖 序中提到 需作特别交代的是,底本原 循周木刊本舊式,正 本)、明 然 不 滿 用康熙吕氏寶誥 李習 舊 的 無校勘 近 「延 一本」的 七 刊 以 平郡 年 清 本 價 北 光 殘 「承 值 緒張 庠 卷(簡 海 的異字,充斥校 編校記 刊 傳 王 堂《朱子遺 本」、《 耕 其 舛 稱 訛 道 曜延平 有雙行 中 明本)爲 姑 後 的 卻 孰 稱 丁近 録 書 詳 郡 府 小 īE

本」是唯一早於周木刊本的明本,且明顯非出一源,支離的弊端,而且還容易與朱熹原注混淆。但因「近記,且雙行夾校,不僅在觀感上造成文字割裂、文意

是删汰無用之校,二是改夾行校爲頁下尾校,一併歸

入勘記中。

確有參校價值,故仍予適當保留,但作兩項變更,一

校點者 嚴佐之

四

延平李先生師弟子答問●

門人朱熹元晦編

爾。 舊,有不可不應接處,又難 朝夕無 戊寅七月十七日書云:某村居一切只如 事,齒 一髮已 一邁,筋力 廢墮 但 漸 靳 不 靳 - 如昔。 度 日

> 未得力,●頗以是懼爾。 所得於師友者,往來於心,求所以脱然處,竟

易見也,唯微辭奥旨時措從宜者,所難知川先生云:「《春秋》大義數十,炳如日星,所準,玩味久,必自有會心處,卒看不得也。伊

學者無相啓發處,終憒憤不灑落爾。處看如何,積道理多,庶漸見之,大率難得。爾。」更須詳考其事,又玩味所書抑揚予奪之

不即改者,亦當隱忍遷就於義理之中,使事者不待三年。熹以爲使父之道有不幸不可三年無改於父之道,可謂孝矣。」東坡謂可改三年無改於父之道,可謂孝矣。」東坡謂可改問:子曰:「父在觀其志,父没觀其行。

2

^{■ 「}師弟子答問」下,原校「近本無「師弟子答問」字,而作

[「]竟」,原校「近本作「覺」」。

失之。 者,能 者,自 年,而 吾輩 所謂 諫 亦有 體 害,●第 有 變,左氏 則孝子之心何在 H 前輩論之詳 幾諫」事 害 月易過 漸 」,使「人不見其改之之迹」。 事 欲 意 處,自 道 正 有所 意 如 謂 也 者 求 恐 須 是 之 有「官命未 而 一若稍 是認 恐不相類 亦 寡 處 應 耶 不 是 無 人 事只 矣。 心 相 渦 -忍耳。 ? 猶 改 不 即 如此,❷即駸駸然 聖 類 稍 且 可 叮 見 改 有 東 人 類 ? 有 謹 以 也 其改之之迹,則雖不 更思之。 何 箇 坡之語,有所激 所 皆執文泥 改」之 非斯須 不 守格法 如説《春 通 疑, 可 先生日 説 愜 此 與不 行 ,於言外 恐不 意處,即率意改之, 者也。 可 類。 爲 不 見 可 : 迹,有所遷就, 必言「 ·忘、極 秋》者不忍 孝子之心,與 不 而 「三年無改」, 所失 有 此 三年 求意 差 已,若大段 孝 意 也。 處却 而然,是 隱 子之 體 雖 -之中, 乃 待 未 忍 孝 通 多。 幾 道 心 遽 有 遷 \equiv 以

憂。 憂。」 知所 所説 意。 遠遊 之心 求免於 此,而以父母之心爲 恐其有之以爲憂, 戦 問: 以 爲 ,遊必有方」,「不登 戰 慈愛其 熹恐夫子告 舊説孝子 得之,舊説不直截。 先生曰:「父母唯其 兢兢 自求者 虧 孟武伯問孝,子 辱者, 豈 子 ,啓手足 ,惟深切 不妄爲 無 孟 所 則 端 孫 不 餘 心 而 非,惟 之 至 庶 口 後 高 丽 則 一, 疾 意 日 口 知 知 已 :「父母唯其 用 所以 不 不 也。 疾之憂」,當如 疾 聖人之告人, 病 哉 免焉 力也 然。 臨 病 人 -奉 然後 深」,皆是此 爲人子者 所 者 蓋言 此 承 也。 不 曾 遺 使 免,猶 子 體 父 父 疾之 示不 使 H 所 而 知 母 13:

能養。至於犬馬,皆能有養。不敬,何以別問:子游問孝,子曰:「今之孝者,是謂

「雖」下,原校「近本有「善」字」。

孟

子又有「養

口

體」、「養志」之説,似亦説

破

其親 乎?」熹謂犬馬不能自 犬馬 而 敬 者必 有 所 有 不至,不幾於以犬 以 養之,但 食,待人 不敬 爾。 而 馬 食者也。 視 然 其 則 親 養 誠

故

所 然 而 已也。 以 不 視 知 幾 其 人雖 微 親 之間 者,實無 至 愚,孰忍以犬馬視 ,尊敬之心 以異於犬馬 一有不 而 其 至,則 不自 親 者 知 是 ?

退

乎?

敬者,尊敬

而不敢忽忘之謂,非特

恭

謹

明一

例

也。

書歸 然諸 也。 不爲過。不然,設譬引喻不應如是之疎, 聖人之言,警乎人子,未有若是之切者, 生、許止之事觀之,則所謂 家之説多不出 此。 熹 謂 當以《 犬馬之養,誠 春秋 》所 而

養爲 此,孝敬之心一 子警切以告之,使之反諸心 子游之賢,亦不待如此 此一段,恐當時之人習矣而不察,只以 孝, ●雖 孔 門學者亦恐 不存焉,即陷 告戒之也。 未 於犬 也。 免 如此。 馬之養矣。 苟推 故 測 先 至 夫 能 生

> 學者之未察處,皆所以警乎人子者也。 以《春秋》所書之事 不爲過,恐不 須如 觀之,則 此説,歸 所謂 生、許止各是發 犬馬 之養 若謂

有所 處有 所發 類,深玩之可見。 曰:「亦足以發」,前説 者」,豈聖人待門弟子答問 之問,夫子以爲「起予」,亦是 時,夫子察焉而於心有感發也。 「亦足以發」 ൬ 未知,必待顔子而後發。 以默相契合,不待言而 省其私 問:子曰: 在言語之間 亦 是 顔 足 ,而顔子所發 吾 「『非助 子 以 聞 與回言終日 發 似 言 近之、恐與「起予」不 我者」,豈聖人待門 悟 □ 之助 喻 也不 理、 類 也。 如言 乃 耶 心 子夏 一,不 愚。」 也 契 其 然 違 非 熹 所 但子 神受之 非 禮後 如 助 聖 自 竊 愚 夏 生 我 得 謂

0 孝」,原校「近本作「敬」」。

弟子 默 助 也 曉 聖人 答門之助」, 他 八之言 人則不能 便 固 知 見 是 親 如 如 切道 此 此 精 體 微矣。 然 處 亦 非 須 妄意 枝 知 葉 顔 如 之 子

此

氣象,未知如

何

言行 意 以 伊 期 者 既 闕 自 故 經德 未 故 此 ĬII 加 闕 聞 疑 干 之間,意不誠 見以多爲貴。 先生亦 入乎? 殆,而謹言行 問 不 以謹之爲 知 使定其 而於言行有 禄也 回 是 「子張學干 €否? 非 日 然此 心 而 . 以 至。 禄 子 而 干 皆庸 不 其餘。 古 矣,故以 張 然不闕其所未信 不 禄 先 . 有節 禄」, 己 也, 以 生 爲 焉, 在 言 仕 E 利 於内若 夫子告以 庸 其 蓋 與夫子之意 爲急,故夫子告之 禄 闕 則 中 行 不 古 動 之爲 非 矣。 之所 博 人 此,尤、 所 干禄之意 無 恐 善。 多聞 謂 必然,非 未 以 亦 孟 無 安, 致 是此 子 疑 悔 敢 多 也。 約 日 殆 則 見 何 慢 之意。

餘 故 苟 之心不作矣。 回,非以干禄」之語。 而 夫子 ,則反求 未 見 諸 見 以 事 所 多聞 以 爾 諸 求 己也切矣。 伊川 見 之之道 此 而 爲 闕 己之學也 所謂「才有 苟能深體 疑 殆告之,又使之慎其 萌 故 意 孟子 焉 縫 得 然 有「 罅 此 求 則 便 之 外 經 則 走了 有 馳 馳 德 道 矣 外 不

曲 然 見 於所問 此,又安敢默 至言,某何 須 也 灑 然 戊寅冬至前二日書云: 面 處 目之下, 質 足 論 然 默 以 後 難,又看 也。 知之,而吾 爲 聊 得, 以 輒 塞 合 雖 以 命 否, 説 昔 爾 元 承示 得 所 如 晦 行, 聞 何 它 好學之篤 問皆聖賢 者, 日 未 各箋 敢 若 大 以 率 獲 之 爲 須 款 釋 如

● 「言行」,原校「近本作『疑殆』」。

❷ 「而禄」至「干禄也」,原校「近本無『而禄』下二十字」。

非

後世之干禄也。

蓋

胸

中

有

所

藴

亦欲

發泄

H

此

不

用

其「不 來, 之而 於胸 後素」之言, 粹,於聖人 起 : 媳 知 動容之間, 融 予者 一爲證 又未 而未見全不 熹反 事 觸 中 顔子氣 是 問 無 違 如 而 疑 處 如 商 知 然後體 向 覆 蒙 也。 此 夫子 、體段 愚 洞 向 也」之語 以「亦 象與 即 思之,於 批 否 然, 皆足以 日 子 而 諭 (已具, 印 禮 相 會夫子之言「亦 因 子 自 夏 已, 足以發」之義 云 미 後」之意 偶 似 如 夏 有 因 氣象 之意。 此二 發明 退 亦 追 何 處,乞賜 不 條 故 問 憶 省 足 疑 同 聞 理 如 一者, 詩 夫子 以 前 其 而 未 夫子之言,即 何。 先 此 \approx 發 及 私 日 必 故 詳 但 玩 求 此 所 之道,坦 所 如 终日 到 則 足 與 顔 見 喻 味 教 以 問 不 也 子 於 以 有 似有 得 不 言, 起 處 因 更 語 深 發 人 淺 類 子 引 俟 意 繪 然 默 默 潛 氣 先 深 因 但 也 他 不 間 事 由 見 識 淳 與 象 生 之 不 起 H 熹按 之世 字。 皆 爵 滕 何

心

異

日

類

威,故 者,不 并貶 之黨, 是義理之正, 公之喪來 秋》之法果 據。 貶, 也 本 後有人杞、 問: 其 未 稱 再 知 此義 獨 楚是 胡文定以 又 嘗 子 侯 當 朝 紀 ^ 陳、 會 事 孫 春 如 以 皆 侯 似 伊 時 會 楚,但 葬 乎 蔡 秋》 此 何 口 無 勝 以 未 鄧 Ш 猶 ? 否。 説 事, 諸 以 貶 咨 與 謂 爲 威 稱 爲 然 國 危 焉 謀 爲 中 然則 爲 公二年「 傳 子。 正 服 滕 或 急 齊 後 宋 年 朝 皆 屬 熹 自 來 通 役 紀 而 難 威 胡 有 夫 胡 於 此 屬 棄之 竊 爾 侯 而 氏 説 而 滕又遠楚,終 豊 氏 楚」, 來朝」《左氏 滕 不 楚 口 以 來 貶 之 不知 以 又 據。 者, 子 也。 復 爲 之, 説 祖 志 謂 來 果 故 稱 伊 亦 世 亦 伊 不 凡 以 朝 不 侯 貶 川 如 在 有 有 討 未 Ш 朝 知《 》作 此 稱 胡 於 可 罪 至 嘗 别 春 威 亂 0 氏 一杞 春 則 朝 定 貶 秋 按 者 疑 賊 有 愐

威 原校「近 本作「桓」,下並同」。 按 避 宋欽

0

六

朝也。 夫子所 乎。 王所 滕本 矣,後世子 疑 過 矣,恐先儒之説 黨貶,於諸 合於先王之時世朝之禮者,故書皆譏之也 地 朝之,只在於合黨締交,此 世不復稱 (公》、《穀》作 褊 遷 也 小, 鰮 善,又善善長,惡 稱侯,威二年 若如此言,大 秋》,夫子 書討 某 胡文定謂春秋之時諸 者,胡 本 竊 侯,「豈 「紀」字。 孫 家 亂 以 碌 之説 子 之 謂 氏 非。 碌 凡 男 法 從 以 以 無 之 來 所 義 胡 甚嚴,滕 段 祖 爲 先 來喻 聞, 朝 國 爲 書 之説 悪 果 生日 害 世 精。 稱子者,以討 諸 無 心短,不 理。 有 如 以 宋之盟 侯 以 「滕子 此 夷 罪 謂 於理 不 先儒 自見 來 侯 ^ 狄 則《春秋》不 而 以 自 春 應如此, 朝,皆 之朝,皆無 也。 并 此 威之不 道 / 左 秋》 於時,又壤 又 爲長 貶 終 來朝」,考 以 既 與 其 春 亂賊之 不 爲 傳 · 秋之 是 義 子 與 已 人 貶 可 改 孫 作 時 有 其 有 而 觀

棄之。 威,故 人 於時 列 之説,紀侯志 又 見 以 疑 也, 豈聖人之心哉? 難,庶幾 心,必有其善,然後進之。 春秋》之旨不明 來喻 國 洒然處,豈 難 義 不 春 一礙,道 者久矣。● 有 看 而 秋 再 若果. 急 者,蓋 以 發,遽又 朝無 之 或 難 謂 前 得 理 如 紀 其旨。 不 貶 服 爲 能 以 以 此,尤害 侯 在於 常 通,又不 自 以 無 義 則是義 屬 來 而 失耶? 侯 而 人之心 於 伊川 朝 諮 失其 貶之後,夫子 若如 稱 動 楚 威 義 謀 之,無乃 理之正 知 之説 又 理。 若無 齊 指乎? 推 則 事 請 此 如 何 難 測 非 看 何 ^ 迹 貶 俟他日 志 ,考之諸 一可以 聖 ? 所因,是 滕 春 更更 紛 耶 ? 似於後世之 人,未 再 秋 子 不 蓋 紛 俟尋考。 春 書, 之類也 反反 聖 在 然 危 有 處,未 秋 於 復 到 私 人 急 殽 誅 各 **>** 朝 聖 所 意 之 亂 沿 面 而

❶「久」,原校「近本作【同』」。

宋人請

滕

一、欲

以

爲

私

屬,

則

不

·自强

而

碌

碌

真偽。」參考理義之長,求聖人所書之意,庶秋》之法云:「以傳考經之事跡,以經別傳之秋》似此之類者多,如齊子糾,《左傳》只云傳皆有說,胡氏因《公》、《穀》作「紀」字。《春來朝」、《左氏》作「杞」字,後有「入杞」之事,來朝」、《左氏》作「杞」字,後有「入杞」之事,

者也。 生日 不 無 自 禮之道,雖以和 實,從兄是也。」「禮之實,節文斯二者是 之 可 隆 來 孟 嚴 加 行,則禮之體 殺之辨,「知 問:「禮之用,和爲貴」一章之義 故 節文之,則不失矣。 至拘 有子以是語 子 Ė 礙 者, 爲 「仁之實,事親 和 用失矣。世之君子,有 貴,然必須體其 和 而 門人 而 和」於節文不明,是皆 失其節 ,使知其節 若「小大由之」而 者,皆非 是 也; 源流之所 義之 也。」 知 用 禮 先

問:「因不失其親,亦可宗也。」横渠先生

耻辱 爲如 也。 之人不可親也。 名,但言之漸 熹據此,則 有 及義,恭本不及禮,然信近於義,恭 慮其所終,行必稽其所敝之意。 丽 可 圃 不可親者必不可 可矣。」詳 可宗也。 曰:「君子寧孤立無 矣。 親者而 彼 不 也。 何。 信近於義,以言可 亦可宗矣。 失其親 蓋 猶言禮義者不可得見,得見恭信 以 味 因 因之,使彼誠賢,則我 因 禮 一恭信 爲難。 此 先生曰:伊川先生曰:「信 宗 則 重 也、 義 語 也。 亦 立文與上二句 爾。 爲主 則 親 丽 不可宗。 故 其將欲 不 與,不失親於可賤之人。」 也、宗也 所 失親 君子 故 失親,近於禮義,故 復也,恭 因 也 或失其 於 非 有 人之可親者必可宗,其 。皆依 可賤之人, 孤 所 立 相 不 因 近 不審 所 於禮 無 似 失其所親 也,必擇其 倚附 親 。皆言 與之患, 近 尊 以 託之 於 意 本 山 禮 亦 遠 以 必

問:「《詩》三百,一言以蔽之,曰『思無

八

邪。 兩説 思馬 曲 頌魯侯者,偶於形 故三百篇一言足以 取之者,以 於是也。」子由曰:「思無邪,則 吾心者,斷章而 邪」。」蘇 思 折達心之精微,然必止乎禮義。 無 所以 未 而馬應,則思之所及無不應也。 於馬言之者,又有「秉心塞淵」,然後 邪,思 知孰是? 東坡曰:「夫子之於《詩》, 能興起感 此 馬 爾。 斯 言之。頌魯侯者,未必 祖。」此頌 容盛 若不止於禮 動人之善心,蓋 蔽之,只是「思 先生曰:詩人興刺, 德如此,故 魯侯者之意 思 義, 馬 夫子 取 曰「思 無 即 以 而 故曰 其 邪 邪 馬 此 删而 也。」 (會於 有意 雖亦 而 應, 也。 也。 「騋 無 節

知裁。其進德之盛者與!」伊川先生曰:「孔著習察,異於它人,故自十五至於七十,化而生曰:「常人之學,日益而莫自知也。仲尼行也。」「吾十有五而志于學」一章,横渠先問:「吾十有五而志于學」一章,横渠先

牝三千」之意。

也。 「化而 法。❶ 年 年亦只是 達。」兩説未知孰是? 子生而 日孳孳而不倦,是亦 十年乃一進者,若使 以謂聖人之道中庸,立言常以 不達,皆是有力處,更當 先生之説各發明 之漸次,所以警乎學者,雖中才,於夫子之 次者,聖人未必然,亦只 若以 盈科 知裁」,伊川 知之,自十 如 鹵莽滅裂之學而 而 此 後 則是自暴自棄之人爾。言十 進,不 一義, 云「盈 五至七十,進 可以 困 而 可 意 科 深體之可 先生曰:此一段,二 變化氣質而必一進 知 差次,須 、是爲 思 學,積 而 不用心焉,雖 深 後進」,不 中人爲説。 長。 學 德 十年之久, 是 爾。 者 直 横渠 成 立 有 某 成 章 下 許 必 云 章 乃 竊 多

心積慮焉」」。

[「]而不倦是亦」,原校「近本無「而不倦是亦」字,而作「操一五亦作「下一」,今據改。「下一」二字原倒,原校「近本作「下一」」、《程氏遺書》卷

不知更有此意否。 道皆可積習勉力而至焉,聖人非不可及也。

矣 ? EI : 褅 《荀子》「大昏之未發,祭之未納尸,會喪之未 爲證 足證 伊 謝氏引《禮記》曰:「吾欲 者,自始及 審何者爲是? 小飲,一 魯之郊禘又不足觀,蓋傷之也。」吕博士引 뻾 以》皆因 非 不 ĴΠ 「考之杞、宋,則文獻不足,考之當今,則 也。 足證 問: 禮 ,而合此 日 魯之郊禘非禮也,周公其衰矣。」以此 也,周公其衰矣。」以其難 也」解此 郊禘事中之失而 也。 我 禘自既 終 灌 觀 皆不足觀, 以 章 周 我欲觀殷道,是故之宋,而不 降 於上文杞、宋不足證之説 道 與趙氏《春秋纂例》之説,不 灌 先生曰:《記》曰:「魯之郊 神,祭之始也。 ,幽、厲傷之,吾舍魯何 面 往 者,吾 言魯祭之非禮 書,譏魯自在其中。 觀夏道,是故之杞, 不欲觀之矣。」 言,故《春 既 灌 也。」 而 滴 往 9 矣,於天下也何有

今日 爾。 諸斯乎!」指其掌。 不知,又曰: 問,又曰 以至於終,皆不 是顛 「禘自既 原幽明之故,知 倒 失禮,如 不知 則 灌 知其説者之於天下也,其 -足觀 昭 而 夫子之深意 往者,吾不欲觀之矣」, 穆失序之類,於 則非 鬼神之情狀, 蓋 歎之也。 不 知 미 也,只 知 則 矣。 對 灌 燭 是 或 而 理 難 既 人 求 如 之 深 神 則 視 日

不當問 之也 諸掌 欲觀之説,則天下萬物各正其名,其治 之上文,曰:「不知者,蓋爲 ,也。」或以爲 問:「或問禘之説」一章 餘 面 問 如 之,故 伊 Ш 此 説 夫 魯 云。 子 君 以 所 龜 爲 當 魯諱。」「知 一,伊 不 問 Ш 知 引 而 ĴΠ 不問, \wedge 所 以 禮 以 此 夫 微 如 章 或 子 諷 指 不 屬

一尸」,原作「户」,據正誼堂本及《荀子》改

[「]證」,原校「近本作「黴」,下同」。 按,避宋仁宗諱。

以 説不 得而 未 明 將前後數説皆包在其中,似於意思稍盡。 有 君人不全;不能其 禘嘗之義大矣,治國之本也,不 下至 知 其 至 一頭 然 審 知 孰是? 存焉 否。 者君 也。 「指其掌」,看夫子所指意 其爲 也,能其 知此則於天下乎何有?」此數 (義大,豈度數云乎哉? 先生曰: 事,爲臣不全。 事者臣 詳味「禘 也。 ·可不 處 不 非 如 自 明 或人可 何,却 既 其 知 灌 也。 蓋 義 又

如 某嘗聞羅先生 之,日日 交,庶幾享之。 乃弟子記孔子事,又説孔子之言於下以發明 不享矣,雖祭 神 在 問:「祭如 ,不及見之者。」以 「吾不與祭,如不祭」也。 日 若誠心不至,於禮有失焉,則 在,祭神如神在。」熹疑 也何 :「祭如在,及見之者; 爲? 至誠之意與 先 众此二句 生日: 鬼神 祭神

問:「居上不寬,爲禮不敬,臨喪不哀,吾

寬,爲禮敬 無 何以觀之哉?」熹謂 應,若無其本,粲然文采何足 物,無物 臨 則 無 喪哀 以 觀 ,皆其本也。 此非 之也 謂 觀 不足觀, 先 有 生 其 曰 蓋 本 而 居 不 誠 末 H

0

之。 其 自 己 不 主於誠身,其於聖人之日用,觀省 曰 : 子於是默 蓋 曰:「夫子之道,忠恕而已矣。」熹謂曾子之學 得。 圃 可 免疑其 已熟矣。 「唯。」子出 蓋以 也。曾子惟此少許未達,故夫子直以此告之。 問:子曰:「參乎,吾道一以貫之。」曾子 言 故夫子以「一以貫之」之語告之,蓋 則 夫子之道 會其旨 有二也。 謂之忠,自 惟未能即此以見夫道之全體 ,門人問 故故 然用 不 門 其 離 及物 日 人有 乎 力之久,而亦將 H 問 脯 用 何謂 言 之間 而 則謂 而 也?」曾子 以 服習之, 忠 自其 之恕 恕 有 吟則 曾 告 當 以

●「説」,原校「近本作「記」」。

言也

坡

所

謂

П

耳

俱

喪」者亦佳。

至

於

是

領

會

而

有得

焉,

輒

應之曰「唯」,忘其

所

以

雖

故

卒

然問

曰

「參乎,吾道

一以貫之。」曾子

於

自

有

以

見之,恐其未必覺此

亦是一貫之理

答門人之問,只

(是發其心耳,豈有二耶?

若

莫 各正 是 行」者也。 以「違道不遠」者告其門人,使知入道之端, 告曾子,曾子所以告其 面 言「行仁義」,曾子之稱夫子,乃所謂 道不遠」,乃是示人以 恐未曾盡曾子之意也。 而 『維天之命,於穆不已』,忠也。 盡 非 或者以爲忠恕未足以 所 性 以貫之者,未嘗不一也。 己及物之心 大 命』,恕也。」體會於一人之身,不過只 道之全 先生曰: 體 而 雖 己。 變化 入道之端。 伊 曾子 如子思之言「忠恕違 門人,豈有異旨 盡 萬 川先 殊 於 貫之道,曾子姑 然則夫子所以 於事 日 「乾道變化, 生 用 有 如 爲之末, 處,夫子 山由 言 孟 哉 子之 日 . 義 ? 忠恕自是

以謂 所可 遠」,特起此 非聖人不能 源 之支也。 人皆足以知之,但合内外之道,使之 ,顯微無間 告,●姑以 聖人一以貫之之道,其 如 以示 孟 是 」,精 子 忠恕答之,恐聖賢之心 也。《中 人相 稱「堯、舜之道孝弟 粗 不二,衮同 近 庸 處 **>** 精 日 然不能貫之, 忠忠 微 盡 非 是 恕 門人 此 慢體 違 而 不 理, 道 之問 用 已 如 則 不 則 是

啜菽 窒塞 爾。 窶,百事驅 飲水 某村 處 十一月十三日 多。 亦 居 遺不行,唯於稍易 自有餘矣,夫復 每 兀 以古· 坐, 人貧甚 書云: 無 所 爲 極 何言 吾人大率 難 亦 處 堪 處 以 處 之 窘 自 坐 爲 迫 體 此 庶 遇 即 窘 幾

既放,然夜氣所息而平旦之氣生焉,則其來喻以爲,人心之既放,如木之既伐。心

忠恕

爾

^{● 「}其」,原校「近本作「甚」」。

恐不 學者 説。 明 夜 在 萌 好 爾 葉 惡 氣 氣 象自可見。 極 存 猶 須 大凡人禮義之 生 有 若 與 焉 説 則 力。 於 人 心 平旦 則 日 相 既 若欲 猶 晝 近 放、 之 此 有 , 間 氣 木既 孟 木 涵 木 心 不 未 養,●須於此持守 子發此「夜氣」之説,於 之 雖 何 至 與物接之時 既 伐,恐又 當無 性 梏 伐 È, 也 , ●唯持 然 則 恐 ह्य 似 夜 不 露 隔 湛 氣存 用 守之即 所 截 可 然虚 如 滋 爾。 矣, 爾 此 而

何 其 非 如 在敬者」,考《大學》之序則不然。 中 何 禮 勿視 ? 數 處,蓋皆各言其人道之序 又見喻云: 聽 言動 伊伊 伊川所謂 ĴΠ 以 爲 「制之於外, 「未有致 如此 如夫 知

象

自安閑

也

如

而

以 又 要之,敬自 而 所 無 洒 謂 落 但 自 敬 在 得之功, 而 其 不 中也,不必牽合貫穿爲 明 於 意 理 不 誠 則 矣。 敬 特 洒 出 落 於 自 勉 一説。 得 强 氣

> 問 日 見 亦 妨 天之靈,時常只在 心 融 所 益 反 時 奪 爲 釋, 恐懼。 疑 爲 有 處 使 何 會 多, 理 之不 庶 道 心 愧如之! 此 幾 處,亦 吾元晦 所 見 洒 心 縛, 未嘗 有 落 間 心目間,雖 制 殊 爾 乃 之 有 敢 無 不 於外, 識 志 某 進 腦 其 自 也。 步 孤 所 處。 聞 資 持 陋 以 於聖賢之言 敬之 寡 質 師 然者。 聞 今已老矣, 不美,世累 友 之 心 ,遠有質 訓 但覺 理 賴 與

經 書 中,縱未 己 卯六月二十二日 深自得, 書 亦 可 云: 以 聞 驅 不 遣 輟留 俗 累 意 ~, 氣 於

患 在 於 己 卯 未 長 有 至 洒 後 然 冰 日 解 書云: 凍 釋 處 今學 縱 有 者 力 之病 持 ",所

處

不

如此

則失之矣。

由此持守之久,漸漸

地

位

甚

高。

恐

前

數

説

方是言學者下

I

^{● 「}禮」、光緒本、正誼堂本作「理

[「]欲」,原校「近本作「有」」。

[「]深自得」,光緒本作「能純粹」。「如」,原校「近本作「道」」。

不過只是苟免,顯然尤悔而已。● 似此恐皆不過只是苟免,顯然尤悔而已。● 似此恐皆

問,終

日

相

對

静

坐,

只

説

文

字,

未

嘗

及

雜

不足道也。

若 礙。 懼 落 須 廊 E 無 求 正 遂 見,與心會 可 定, 日 是 柱 人 處 道 謂 至 更 1 H 生 書 以以 之心 兼 此 **\$** 多 伊 庚 示 若看 月 · 枝節 日 也 III 辰 間 諭 無 因 此 至 書 語 Ŧi. 人 甚 不 一夜 | 默 處 可 兀 焉 文 尋 存養之功,不至梏亡,即 録 月 敲 能 切 (~)便 告語 夜氣」之説 數 (字,心 坐 求 中 八 氣 氣 存 柱 之, 一,殊 雖 有 是 日 數 養 象 即 説 安安 間 書 疑 記 Œ 慣 之, 也 恐 甚 慮 即 能 得不 云 理。 明 以 憒 有 詳 乃 窺 夜 所 道 : 爲 某 不 亦亦 差。 澄 與 測 氣 若 某 以 嘗 至 未定 快。 曩 然之時 於學 初 晚 何 在 更 只 是 時 大率吾輩 是 默 生 有 景 耶 昔 從 倉 ? 者 數 屢 疑 如 ? 别 時 竟 羅 Ż 即即 數 中 此 夜 無 有 先 略 朋 未 疑 可 ·坐,見 力 數 愈 他 氣 恐 綽 立 友 有 生 此 切 嘆 者 清 合 差 學 滯 志 絶 便 不 洒 唯 可 0

進學 發 何, 恙,不可思索 亦只 語。 之 見未之得 來,奈何! 往 先 有 謂 静 往 力, 中, 生 坐 不 而 極 能 兼 己。 好 未 無 更 亦 切 恐 静 發 補 於 望 是 先 元 坐 時 也。 隨 晦 此 養 生令静 作 某 __ 宜 以 心 何 時 此 旬 攝 親 之要。 氣 未 中 中看 内 旁 養 象。 有 相 求 無 知 勿 去 之, 「喜 元 此 貽 稍 傔 退 晦 静 意 怒 親 侍 遠 人室 偶 哀 念 不 华 樂 有 唯 爲 亦 思 看 未 至 難 欲 如 1 於

禱也。

愛厚, 抱 , 也 0 承 但 不 不曾 惠 敢 蘇《 示 忘 濂 得 語 溪 見 \approx 不 遺 全本, 孟 敢 文 一》説 忘 與 今 穎 儘 乃 邇 有 濱 得 書 口 語 商 向 論 觀 亦 孟 處 曾 殊 俟 見 慰 極 他 卑 荷

-

^{■「}顯」,原校「近本無「顯」字」。

[「]邇書」,光緒本作「遺書」,正誼堂本作「通書」。

落,即 於道 不 日 霽月。」此句 미 見 陵 理方少進。 不 面 作爲盡 周 · 常 論 茂叔,人品甚 之。 存 形容 此 洒落矣。 嘗愛黄 體 願更存養如 段 有道 在 魯直 公高,胸 者氣象 胸 學者至此 中, 作《濂 庶 此 中 総佳。 洒落 幾 溪 遇 雖 詩 甚 事 序》云 胸 如 遠 廓 中 光 亦 洒 風

詩云 句似 黄 得 愜 日 白 來。」又有《獨 邀月臺 襟懷。 者 人意 見 非。 先 亭 録 羅 然茅 「擬把冠纓挂 去。 先 ,嘗妄意 生 坐 賴 》詩云: 將 生 處, 夜 有 屋 《顔 出 一山居詩,某記不全,今只 深 顔 枕 寐榻》、《白雲亭》詩,●皆忘記 望 此 獨 瓢 云 樂 池 見 詩 矮 有 一味 塘。 齋》詩云: 先 作 墻 「先生可改下兩 長庚伴,不 生母 邀 墻 壁,等閒 長。」《池 自 月 垣 知寡與 氏 臺 小 一 山 墳,故名。 作臺 詩 窺影自 畔 . 許 真 染 後 亭日 ,時 庸 嵐 堪 兩 句,不 據 笑,此 光 句 邀 相 濯 取 某 不 明 帶 追 酬。 纓 向 月 其 其 次 日 思

藏 渾 付 然。」 酒 先 杯 生 蓋 别 作此 굸 數絶 也 知 時 鄰 鬭 正靖 非 吾 康 事 間 也 且 把 行

未易可 庶幾 是洒 説辭之,甚佳。 爲 有偏 迫擾擾, 亦 如 미 何? 於理道 倚, 落。 也。 聞 以言此, 召命不 即 何與我事,若於義可 某嘗 即 爲 涉 一貫。 此 此 固 以 心 蓋守之已定,自 至,●復有指 不然只是 説 滯,皆不 謂 廓 者, 若見事不徹 遇事 然 大公, 非 若 可 説 理 能 也。 道 揮。 也 無 行 無 明 彼己之偏 便 中 應如此, 毫 今來 未 髪 審 心未 脱 與 固 亦 然 元 氣 滯 晦 免 縱 執 便 往 以 煎 前

言, 問,彼時 便能 庚辰 用 全不 七月書云: 心静 ·涉世故、未有所入、聞 處尋求,至今淟汩 某 自 少時 從 憂患 羅 先 先 生 生 磨 之 學 滅

至」,原校「近本作「置」」。

[「]榻」,原校「近本作「龜」」。

情

意

帖

帖

無

礙

乃

佳

爾

持守及 甚矣。 往 知 戒 得 各别 有 次 釋 迄 猛 不然,子貢何 者甚多,恐 摩,又有夫子 古人學殊不同 、舉此 也。 于今, 省提 來月 偏 纖 而 而 侍 奸 怠 + 日 意質之。 向 掇 四 下 打 俟他 耶 於 更無 以以 來 用 H 别 五. 訛 ? 於 此 嘗與 事 儘 十年間,每遇 無 處, 以 故 融 Ħ 道 爲 進 元 人,可 有 謂 疑 初 釋 相 之依 全不 步 如孔 晦 渠 夏丈言語 未 亦 見 心未 「夫子之言性與天道,不 而 乃 處 合處 更 乃 脱落 미 劇 望 歸 以 是 門 潛 以 矣。 嘗忘· 論 承 常 釋 心 吾 或或 釋 弟子,群 日 處,非言説 可 信情 欲 切 然 於 儒 氏 間 用 知。 更有 廢 但 静 秋 意 氣 此 之 稍 間 亦須 來 味,旨 涼 坐 不 語 非 無 大率 勿以 相 居 關 間 思 미 否? 不 來 觀 終 處 鍵 來 堪 之, 可 用 相 今人 得 老 感 意 因 未 日 及 處 淘 力 老人 大 邁 相 得 能 疑 只 又 而 也 不 爲 可 與 段 爲 化 終 切 融 於 而 即

> 象,却 體」 可,宜 所云 句,即 不 以 難 是 見《 推 須 認 語 廣 是 得 録 求 理 西銘》 》中有「仁 之。 會分殊 然要 意旨 雖 見 者 毫 渾 所 髪 視 然 見 不 同 路 與 可 物 脉 甚 同

IE.

方是儒者氣

象。

得 此。 某曩 意處 物 幾 但 助 見,聽之不 治,比之龜 『必有事焉』者、『莫見乎隱 未 長 叟 則『必有 段云: 一,才有 與 今此 時 知 」數句,偶見全在 又云因 傳 羅 用 本 得 先 處 毫髮 聞 事 謂 Ш 看 爲 吕 生 却 焉」。 ^ 無 小必 與 相 門,皆 之有物則『不得於言』,謂 解 如 私 聲形 知 叔 何, **>** 意 有 却 『不得 借 事 中 須 接 以 便 日 似 去,亡之已久,但 焉 喫緊 庸 没 乎耳 此 用 枯 而 父交涉。 文字 解 於言』者,視之不 間 燥。 莫顯 Ė 理會這 甚 Œ 非 愐 説 晚 詳。 心 著意 乎 此 可 學 得 微 裹始 勿忘, 意 以 北非不 未 浸 當 道 亦 尚 敢 灌 時 之 也 得 好, 體 無 浹 陳 勿

意,溟 渾 目,不 出 欺、感之而能應者,正惟虚心以 物 見之。」又據孟 不耘」之意,皆似是言道 論 「,髣 來, 而 ,須見到 中 不 髴 體 溟 可道之於言 學者正 可 庸 多 涬 用 "遺』者 而 是 涬 無 執 並要如 心 疑疑 間 如 子説「必有 之隱 也。」「學者見 廣 此 乃 未 體 類 是。 此 語,然有 伙 胖,遇 微之間 窒 但未知 也。 不 礙。 體 事 然, 事一 所 某嘗謂 處。 焉」至於「 不 更望 乎 非 用 謂 求之,則 此 可 著 時 昭 來 洒落 思索,它 求 諭 意 進 如 昭 則 非 之 步 何 乃 助 而 庶 處, 於 不 不 脗 體 長 庶 不 乎 方 得 著 認 平 耳 能 日 合 可 儕 然 那 體 會 會 却 者 存 生

養,知 意 接舉處 只 謂 氣象 又 有 不不 能 云 此 存 便是「日 理,然 覺 又 養者積 打 迥 發 然 日 機 月至 晝 别 久 械 之 也。 亦 間 焉』氣象」一 即 口 今之學者 離 至此,若比之「不 有懈 間 而 焉 差 段,某 雖 矣。 遇 事 能 存 之 唯 應 不

道

理,不

爾只

是

説

也

然 似 無 養 熟 輕 時 後 看 不 理 可 1 在,不 道 進 也 亦亦 明 止日 如 習 不 何? 氣 易 漸 月 忧 爾 至 消 來 焉 鑠 諭 以 道 若 謂 理 如 能 油 此 存 然 眷 而

即 箇 流 融 心 IE 要 釋 與 成 是 浹 承 不不 氣,即 如 也。 氣, 諭 語 此 心 病 即 如 與 到 無 《此,不 勞 不 氣 此 疑。 可。 攘 田 合及所 爾 見所 地,若 若 某鄙 更 不 謂 注 非 意 知 更分别 小字, 氣、所謂 是 可 止 以 是 無 如 形 意 惜 那 容 若 此 心 勁 箇 渾 到 逐 是 論 此 吾 解 理

周 吾 然 茂 與 也 叔 録 點也」之 歸 示 明 時 道 之句 氣 味。 即 絶 可 句, 某 此 尚 便 後 疑 是 所 此 吟 發之語,恐 詩 風 若 弄 月 是 0 初 見 又 有

■「是」,原校「近本作「見」」。

六

若要窮理,亦不 皆渠聰明 過 本,所警多矣。 了」,渠本 人,天地 此 蘇《語》《孟》説,儘 爾。 之發也。 無 間 淵 理 如 源 道 可 來 不過只 自 不論。 但見到 諭 應 云 如 「説 是 有 某所 此 處 如 好 養 也 却 處。 此 氣 謂 有 有時 處 儘 然 病,●學者 蓋渠 皆 得 有 見 惠 商 顛 聰 到 議 此 明 倒

甚佳 此 重本末處之,似少 之。某尋常處事 旁乏人,老人或不樂,即未可,更須於此 ,致千萬意 某兀坐於此, 如 ,每值情 朝夕 此。 悔 吝。 然又不 無一事,若可以一來 意迫切 願 於出 敢 處, 必覬,恐侍 處 即 間 更 以 審 體 輕 處

訥 不 ,發脱道理不甚明亮,得以意詳之可 外,已有 辛巳二月二十四日書云:示下所疑 性 鄙見之説 相 近 也 習相 繼 其 後 遠也。」二程先 矣。 但素 也。 來 極 荷 生 拙

> 謂 究本源 質之説道理如何,爲有力爾。 言,非實有異品 性之本萬物之一源處,所以云近,但 言。」熹按: 如二先生謂此言氣質之性,使人思索 全,不知是否。 性 全,然却似没話 「此言氣質之性,非性 一也,何以言相 ,❸又由習 和靖之意,云「性一也」,則 而 可說,學者 而 相近也。 先生曰: 相遠,政要玩 近 ? 之本。」尹 蓋 無 尹 竊 由 着 和 蓋 謂 習 此 力 靖 此 氣質之性 相 曲 處。 之説 説 和 對 遠 折也。● 體 意 Œ 靖 遠 是言 認 恐 雖 稍 而 云 爲 須 氣 渾 渾 而

欲往者,聖人以天下無不可改過之人,故欲問:「公山弗擾」、「佛肸」二章,程先生謂

0

^{●「}見」下,原校「近本有「不」字」。

生書中要語卷下門人朱熹元晦編』字」。「此意」下,原校「近本此已前分爲卷上,已後多「延平先

[「]賃」下、光緒本、正誼堂本原校「近本無「賃」字」。

[「]政」,原校「近本作『故』」。

疑召 身」之説,氣象不好,聖人定不如是。 此 好,但更有少礙。 日 聖人之不必往,故夫子言可往之理,此語意中 者,即其所疑 意,自然 往者,示人以 往 不同,「 又謂「示人 也,故夫子告以不能凂己之意。 微似竿木隨身之意,不知然否。 不相悖處。不知是否。 不可復往也。 元元 乙易動 l,然終不往者,知其必不 而欲往,乃聖人虚 晦 即 即 而發;終不往 前 非。 其 以 説 疑 而 迹,子路不 就 深 迹」者, 熹未 此乃聖人體用不偏,道並行 而 喻之爾。● 此 測聖人之心,●一箇體 喻之」以下亦佳,「竿木 若使聖人之心不度義, 更下語。❸ 又兩條告子 者,以其爲惡已甚,義 於佛肸,恐其凂夫子 明 喻。 又兩條告子路不 應物之心,答其 子路於公山氏,疑 喻其 能改 居夷、浮海之類。 旨。 也。 不知是否。 元晦 又云 先生 段 公欲 隨 路 甚 同 如 善 更 愐 熹 是 爾 人

謂之「包羞」,誠有味也。 者,蓋有憂樂行違 廓 也。 心迹。6 然明 子路未至此 (達, 據此, 無 所不 確然之不同,無定體 事 一,於所 迹皆 可, 非 疑 可 「示人以迹」,恐只 道大 爲,然又未 處 即 德 有 宏 礙。 者 也 必 龜 不 Щ 能

則不待疑問,若子貢以下,又不知所疑也。 也。 門人而發。 天道不可得而聞也」,方是契此旨趣。 云「夫子之文章可 語 不著處 子貢聞之而 問:「予欲無言」,明道、龜 不 熹恐此句從聖人前後際斷,使言 知 不 未 · 覺 得而 喻, 地 流 故 聞 出 也, 夫子之言性 有 來,非 疑 Щ 問 皆云此 爲 到 門 後 顔、曾 人發 來 語 與 自 爲

熟玩孔子所答之語,求一指歸處方是。●

聖

^{■「}就此更下語」,原校「近本無●「測」,原校「近本作『得』」。●「輸」,原校「近本作『論』。

[「]是」,原交「近本乍「見」。 「就此更下語」,原校「近本無「就此更下語」五字」。

^{● 「}迹」下,原校「近本多「之迹」二字」。

如此説 使言 則 百 物生焉,天何言哉」數語,便見氣 先 「予欲無言」, 語 生 曰 不 只玩夫子云「天何 著 此 處 不 미 段説 知 知旨歸 不 甚佳,但 · 覺 矣。 地 流 言哉,四 出 云前 來」, 味深 【時行 後際 恐 不 長, 焉, 斷, · 消

:

以 云: 其 胡 乃顛隮。』言我舊所言者害子,子若不去,并我得 微子當去,箕子當囚,比干當死,端的 擇於利害而爲所當爲,惟仁者能之。」熹未見 聽,故不復諫。 以二子或去或 箕子告微子曰:"我舊云刻子,王子不 處,不知使三人者易地 此 善。 明仲 論論 「箕子常欲立微子,帝乙不從而立紂,故 問 但 非之曰: 「殷有三仁焉」,和靖先生曰:「 明 不不 仲自解乃云: 亦遠乎? 囚。 比干則 如 蓋 此 居可疑之地,雖 是 無 | 熹按: 而 避 所 「微子,殷王元子, 處 嫌 嫌,●故諫 又 此 疑,度利 如 破 何。 東坡之説 諫 不 而 禍。 出 害也 死。 東 不 可 無 見 我 坡 易 所 是 所説 0 恐 無

之。 意思。 瑩徹耶? 也,後來適然爾 幾感 非有所擇,此「求仁」「得仁」者也。 也。」熹恐此説 天界九 義 以存宗祀爲重,而 去,箕子囚奴,偶不死爾; 酮 君,以 悟。 先生曰:三人各以力量 不知三人者端 疇,以存皇極之法,爲天 存祀、 仁只是理,初無彼 存人臣之義,而非 亦未 贵 九疇,皆後 非背 可 盡 的 相合看,致仁人之心 善善。 或 當 也。 爲 比干即 如 來 此之辨,當理 處,當 要名 領等子 比干,三 事 竭 力而爲之, 也。 以死諫, 而 初 微子義當 如 節 非 無 何 孤,以 箕子 尤 貪 此 以 生 念 求 無 M 不 庶

「嫌」, 原校「近本作「逆」」。

如此

政

是病處,昏了仁字,不可不察。

問

「太極

動

而

生陽」,先生嘗曰:「此只

私心即仁矣。

胡

明

仲

破

東

坡之説

可矣,然

三人

後來

事

相

牽

何

異介甫之説

異?

恐

「動

而

生陽」,即

發處,於此即見天

地之心;

陽」,

即

與《

復》卦

陽

生

而

見

是

理

做

己

發

看

不

得。」

熹

疑既

言

動

而

「二氣交感,化 天地之喜怒哀 天地之心」 樂 就 静 見 先 未 貫 闔 生 樂 人 生 人 何 生 也,就 爲 之,此只要示人無間 出 此 以 消詳之,看理道 拙,又無 凶」,皆其 日 如何。 月合其 此 恐 爲 便 静 此理 段示人,又於初爻以顔子「不遠 是 見 文采,似 有疑, 度内 明, 「動 天 上 地 與 皆 而 爾。 之心, 通 更容他日得 四 收 生 發脱 否 陽」之理。 時 攝 妄測 伊 合其 來,「 斷之意。人與天 不 Ш 度 出 序, 與天地合其 先 如 也。 見劇 此,未 生以 與 然 於《復 元 鬼 論。 爲 神 晦 知 動 合其 可 語 元 復」爲 乃 理一 意 言 桂 晦 見 既 吉 與 發 以

力 誠 以 以 清 謂問學有未 此 辛巳上元日 通 而 和樂之象 己。 愜 適 書云: 見, 處, 即 只求 昔嘗得之師 是 自 諸 得 心 處。 若 友緒 反身 更 望 餘 觔 而

辛巳五月二十六日書云:某村居一切如

不異。

此所

以

於「

動

而

生

陽一,

難

以

爲

喜

怒

哀

樂已發言之,在天

地

只

是

理

也

今

欲

作

兩

節

看

切恐差了。

^

復》卦「見天

地之心」,

先

儒

身上

推尋,若不

於未

發已發

處

看

即

何

緣

知

蓋就

天地之本

源

與

人

物

Ě

推

來,

不

得

達道」處,

又衮同

只

是

此

理。

此

理

一就

人

物上

推

,亦只是此理。

《中庸》以喜怒哀

發已發言之,又就人身上推尋,至於見得「大

也。

到

得

氣

交感

心,化生

萬

物」時

又

闢。

至

一於終

萬

物

始

萬

物,

亦只

是

此

理

日:

「太極

動

而

生陽」,至理之源,只是

動

物之心。

如

此

做

兩節看,不

知得

否

萬物」,即

人物之喜怒哀樂發處,於此

即

 $\bar{\circ}$

不快處 無可言者。 ,2一切消 窘束 釋, 不 爲人事所牽,間 復 能 恤 蓋 日 有 1情意 昃 之

離

,理應如

此

爾

甚善。 理 戾處,便於此 處,今已漸 承諭 思索有窒礙,及於日 近日學 融 致思,求其所以然者,久之自循 釋。 履甚適,向所 此 便是 道 用動静之間 理 進之効, 耽戀不 ·洒落 甚 有 咈 善 静

可以 學者 説 自 輕 五 看。 似 十矣,尚昧於所爲,即大不可也。 少壯至於老耄, 有此意,試一思索看如何。 馴 若 五十知天命」一句,三先生之説皆不敢 致,但 某尋常看此數 循 其理,不爲 聖賢所至處淺深之不同爾。 血氣盛 其所 句,竊以謂人之生也, 使,則聖人之言自 衰消 長自不同。❸ 横渠之 若 0

詳味之,所見皆正當可喜,但於洒落處恐未辛巳中元後一日書云:喻及所疑數處,

免滯 以 來 礙。 訪 就 今此 曲 便速,不 折 處 相 難 暇及之,謹 庶 彼 此 俟 或 涼 有 爽 少 補 可

焉爾。

而定否。辛巳十月十日書云:看文字必覺有味,

發底道 於全 認 爾。 某 肫 其 到 中 某竊 間 此 體 仁,淵淵 承録 理,惟聖人盡性 所舉《中庸》始終之説,●元晦 何 「達天德」之效處,就喜怒哀樂未發 示 以謂 處 不 韋 其 「肫 是 淵 齋記》,追往念舊,令人 | 肫其仁| 以 此 ,浩浩其天」,即全 氣 象? 一能然。 第 下三句,乃 若如 恐 無 此看, 以 一體是 甚 凄 謂 是 氣 未 即 肫 處 體 味

「村」,原校「近本作「閑」」。

「間」,原校「近本作「拘」」。

「自」,原校「近本作「有」」。

「某」,原校「近本無「某」字」。

芸閣 密,然 云云, 來 往 存 養, 地」,恐其失處 而 非 與 政謂 後 至 禮 伊 (蹊徑 見 義]1] 此 此 論 氣 不 爾。 伊 中 象 差。 正 111 説 ~,儘 坐此 大率 以 釋氏 有 吕 謂 ,不可不辨 論文字 地 以 氣 所謂 位 謂 味 也。 殊 循 切 11 性 0 在 超 而 某 直 深 吕 行 嘗 潛 復 9 見 如 縝 書 吕 無

甚。 目 爲 爾 師 尚 某衰晚碌 友 存 捐 初 棄 心 獨 禄只 有端緒之可 學 無 如 舊 助 ,所恨者中年以 又 涉 求,時 世 故 時 見 沮 於 木 來 1 殆 即

若欲 進。 他 所 止 不 了道理。 口 於解 承 及處,●使之脱 進 切 壬午四月二十二日 諭 此 置之度外, 寂 應 學,須是 此乃 處草木 接 小 知覺之效, 暇 盡 惟 即 衣 然 放棄 求 體 食 有 (,●荷 進 書云: 究 自 平 方 此 得 更在 Ħ 學 度 處 知 習氣, 吾 問 始始 此 勉之。 以 爲 歲 儕 前皆 是 庶 月 在 更鞭 道 幾 爲 今 有 是 理 Ħ 爾 可 所 低 15 飭

疑,便中無惜詳及,庶幾彼此得以自警也。

之也。 久之 收攝 便似内外離絕,不 將 壬午 知 覺, 來 五月十四 看是 即 漸 如 相 何 漸 日 該 可 便 書 貫。 就 如 云 道 此 此 承 就 理 病 偏 諭 矣。 可於静坐時 著 處 處 事 更 擾擾 理 望 勉

以 所 所 要體認 心 論 以 字 謂 推 語》 亦 仁 用 測 壬午六月十一 得 處,足 字 心, 難指説,唯認 部, 極 極 庶 難 一分明,方可 幾 只 見日 講説 私 是 説 欲 來 日書云: 只 取 與 進學之力, 沉 發用 看 , 天理 下工夫。 門弟子求 天 處 理 承諭仁 見, 是 統 甚 心。 體 仁字 則 仁 慰。 便 字 之 知仁矣。 二字 是。 方,知 難 某 條 須 更 嘗 陳

^{●「}有」,原校「近本作「得」」。

[「]循」,原校「近本作「隨」」。

[「]飭」,光緒本作「辟」。

得

其

偏

而

已

此

其

所

以

異

也

若

謂

流

牛

自

然之機」,與夫「

無

頃刻停息間

斷

即

禽

人

得

其

秀

丽

最

靈

五五

常

中

和

之

氣

所

聚

雖

禽

木,

生

理

亦

無

頃

刻

停

息

間

斷

者

此

説、恐有礙。

蓋天地

中所

生物,本

源

則

已,若犬之性、牛之性

則不

得

而

云:「人之所

以

爲

人

而

異

平

禽

潤

者,

以

用

相

循,初

無

間

斷。」此

説

推

擴

得甚好。

機

又

無

頃

刻

停

息

情盈

發

洩

觸

處貫

通

涵

其

中

生

氣

無

不

純

備

而

流

動

發

生自

曰:「仁者,人也。」人之一體 不包括,與人指示於發用 曰:「仁,人心也。」心 與焉。」若 言之,人與 謂:「仁是 但 育 皆 禽 是 然 動 但 潤 又 體 之 包 體 其 如 而 發 云 獸之體 缘見 得。 舉 T 仁 丽 出 同 即 了了之體段,若於此 全在知字上用 也。」此説大概是,然細推之,却 一,所以 恐推 處,人道之立 便是「死漢不識痛 仁 分殊 體氣象」一 須體 即 伊 得 體 合宜 川 測 亦 本 以 認到 用 爲仁,知其 所謂 體 自 質之。 源 不 處 認 如 段,語 毫髮之分殊 能 此 便是 處 此 著力 ,正在於此。 兼 理 純 未 舉矣。 蓋 心也。 一不雜 分殊 義 精 若 却 分殊」, 癢了」,仁字只是有知 五 不下 於他 無 以 以下數句,莫不 常 所 爲 病。 此 哉? 謝 工夫令透徹 白 處,方見渾 此 正是本 以 處 E 龜 行 仁之一字,正 理 又云:「從此 爲 便 蔡 Ш 唯 若 似不 無 義」之意,蓋 有 云 語 往 於 源 差 録》云 獨 此 · 曾 而 然 知 也 由此 得 不 其 體 非 與 即 用 覺 推 如 不 認 物 又 兼 7 何 理

心之正

理

能

發能

用

底

箇

端

緒

如胎

亡,則渾是道

理

也

來諭以

便是

天

理

無

所

不

備

具。

若合而

處

求之也。

又

通

有

無

質幽

明

無

要

切

用

力處

也。

孟

子

如

顔

子、仲弓之問,聖

L

所

以答之之語

0 是」,原校「近本無「是」字」。

也。 識, 效。 陽 四 抵學者多爲私欲 德 ,立地道之柔 使之泥滓 若欲於 之元。 更熟思之。 此 而 漸 進 仁 剛, 漸 步,須 所 義一 消 皆包 分,故用力不精,不 去 字, 方可, 把斷 攝 正 在 諸路 如 不 此 立 然 二字 頭 天 亦只 う静 道 爾 之 是 坐 見 説 默 其 陰 大

見有 好渾 路 若 自見問於其徒,所見 者,夫子名德經 昔日得之於吾 即言求道之切,恐非 如「女奚不曰」下 食」者,言其求道之切。 如此 也。 身世之礙,故「不知老之將至」爾。元 然 「葉公問孔子於子路,子路 蓋弟 作 看 仲尼之徒,渾是客 子 氣 形容聖 象 天緯 黨 面三句,元晦 看 中 所 如此,宜子路之不對也。 人,謂 地,人孰不識之,葉公尚 則 人 以言聖人。 見聖人 聖人自道 盛德, 葉公亦 「氣,非 渾 以 有 不對」 所 是道 理中 謂 當 此 所以觀子 「發憤 難 時 三句 理,不 流 言 號賢 章, 出 爾 晦 只 忘

> 居,因 裏,則 節 居 際 更 事 其 氣 以 聖」之意,此亦甚大。 象 此 非 事 乃 ,終是 意 所以言聖人矣。 而 是 推 見 門人推 廣 爾。 難 之 形 看, 容也。 尊 若常 如 其 何 實 如 以 尹 ? 但「不 如 何 不 和 此。 如 居 大 靖 何 其 抵 居其聖」一 以 故 聖 夫 謂 孔 子 横 皆 子 在 不不 肚 不 極

甚有 没 奉 更 「必須有用處尋討 事。」此 聞 加 力。 也。 韜 以今日事勢觀之,處此 晦 渠 語 爲 元 晦 得 可 處 時 更 所,他皆 時 云 切勉之。 要 經 用 心 凡 不 處 忧 敢 病 事 上蔡先生 時, 以 根 必有根。」又云: 姑息自恕之事 唯儉 將 來斬 語 德 ",近看 避 斷 難 便

不 而 家 樂 彼。 人 壬午七月 爲 兄輩 蓋 初 二 十 所 與 家 迫,不能謹守,遂 日日 人約 書 一老 둜 只欲 某 在 往。 在 建 此, 安, 獨 繼 竟

● 「因」上,光緒本有「蓋」字。「事」,原校「近本作「是」」。

矣。 聞 不足 好就 快。 中 處 復 家 所幸比 此 道 緒 此 自 中,亦自不 激發 也。 下工 念 中 所 年一 年來得 某幸 寓 ,恐庶幾於晚境 夫, 而 便,故 看 無 得 安方 病 吾 早 伙 從 痛 不獲 助 元 是 羅 晦 0 在 道 甚 先 已往 相 爲 理 也 處 與 生 一,今乃 世 來,彼 以 講 遊 事 何 學,於 自 驗 慰之如 淟 之,它 如 汩 1 此 此 者 不 頹 時 · 正 惛 皆 甚 甚 粗

背,立 不能 便宜 蓋 已 和 和 爲 不 用 皆 議 名 振,立志不定、事功不成者,正 文,不 爾。 從 持 貼 自 處 爲 封事》熟讀 事 紙 整 兩 或 條,♥又有「事 貼 端 頓 書中論之甚 能 處 是 出矣,更詳 綱 ,使人心 下筆 可 紀,以 更下 爾 數 也。 過,立意甚 數 大義 疑 此 善。 語 之。 迫許 《封 處 也。 以 斷 更 明道 事 見 曉 便 之,以 要之,斷 미 学中 前 之, 宜從 佳。 引 此 坐 語 有 此 如 示 今日 云治 赦 此 事 少 何 天下 然不 こ之語 文 以 又「許 疑 ? 中 道 和 所 處 某 向 可 有 以 在 議

沮

幾

歸

人

漏

舊

於脩 矣。 但 無 己、責 甚善甚善 所 伸 爾 任、求 0 亦可 1 ,賢,《 吾儕 早 發去 封 雖 在 事 爲 V Ш 佳 中 野 此 憂世之心 意 皆有之

諸 略 敗 漸 欲 但兒輩所見凡下,家中 略 近 頹 辛 人 事 佳 道 已八月 敝 脩 終不 處 理。 治,亦 處,氣 便,亦欲 無 七日 他 口 象 須 不 奈 殊 荷 書 敢 何 不佳。 於冷落 完 云 恤 也 口 . 某歸 但 全不 爾。 既 境 味 歸 整 家 界 家人 凡 來, 窘 + 頓 東, 打 猶 不 至 白 叠 豫 亦 免 有 只 有 庶 未 **\$** 如 疎

今已抄得一本矣,謹以 上下工 問 謝 上蔡 一夫,又言 熹 昨妄謂仁之一字乃人之所以爲人 語 極 語 好 只 玩 平 味。 奉 説 内 恐 蓋 尤 渠皆是 亦 見 好 氣 看 味 於 也 深 日用

「伙」,原校「近本作『朋』」。

❷ 「赦」,原校「近本作『數』」。

莫不

具

有

此

謂天

地

生

物

之言思之而

而

異

乎

禽

潤

先生批云:

「有

剩,其一

其本,具

此

有

清

濁

故

言「理一分殊」, 力」,恐亦是此 然則仁之爲仁,人 偏,故雖具此理 而存之,人與 氣之運 理 禀 有血氣者,有無血氣者,更體究此 得 者 理。 本乎 而 而 有 其説 先生不 意 物物 ~,亦 丽 而 先 偏 存之,而 也。 其 龜 不 與 不 生 △,敢* 正。 無 源,人 得 自 物 以 山 先生 頃 體之中, 不 知 以爲 又有「知其理一,知 復求正於左右。 不 爲「全在 惟 刻停息,所謂 見其爲仁; 異。 勾斷批 得 人得 與禽獸草木之生 而無以見其爲仁。 然。 不 故 同 \(\text{\frac{1}{2}} \\ \text{\frac{1}} \\ \text{\frac{1}{2}} \\ \text{\frac{1}{2}} \\ \text{\frac{1}{2}} \\ \text{\frac{1}{2}} \\ 其 即 知字 伊 熹因 正,故 以以 無 ĴΠ 知 處。」 上大概 絲 Ŀ 物 夫子 人之爲 以 仁也。 毫 用 熹竊 得 能 但 先 既 欠 著 其 其 知 氣 生 得 物之不 時看。 證之。 也。 理 即 事乎此之謂 攝 不可名狀, 外爲可。」合而言之, 無時 加 本 流 分 蓋 體 動 不 該,便 ·是此 一理 之機,●以其 而言 殊」也。 理 也。 也。 因 而 此

先生抹出批云: 自有 許多 則莫非 「須是兼本 差 别 此 體已發未發時 理 一,然其 雖 散 殊 中 看 錯 無 合 糅 内

二六

子之説亦無隱顯精粗之間。 其分殊,所以爲義。」此二 必有事焉」之處,而下文兩 孟子之説,若以微言,恐下工夫處落空如釋氏。 而纖微之間 先生抹 此説 分殊」一 知 端 其 包容 極有力。」大 緒 今録謝上蔡 出 理 0 而 批 和 一,所 句, 下 句乃是於發用 云: 同 粹 工夫 . 異 句,即 Œ 涵 抵 恐不須引 畢 一説於後,玩 以爲仁, 如 以 顯, 育 字 其 孟 推 融 所謂 子 孟子 所 正 尋 以 處 所 之 味之 然孟 理 説 處 該 有 知 云 以

微 光 緒本作「毫

言

理之本

外然如

此,

全在性分之内,本體

未

發

川之語

推

測之,竊

謂

理

൬

分殊」,

此

一句

之,它日更用熟講體認。」不

知果是如此否。

又詳

伊

分殊」之説

[「]字」,原校「近本作『者』」。

以 作。 不 爲得之。 各 可 已 有定 知 從 本然之仁義。先生勾斷批 盡 名 乎 此 貌 如 義之内也。 加以涵養,何 故 推 體 義 此 出 固 處 H. 特 分 ~,便 不 則 謂 殊 能 推 之仁。 是 患不見 合宜 出 然則 測 義。 乎仁之外,仁 又還 處 道 「理一 其 只此二字,包括 也。 爲 是 云 中 義,失之遠 甚 不, 自 一慰甚 丽 推測到 然 分殊」者, 慰! 亦不 更乞指 文 此一段甚 理 矣。 前 離 密 人道 此 教。 察, 近 密, 又 乃 乃 本 晦 所

事者? 有力。 念,助 以養 明 使 於釋氏 必有事焉 不 道 先 生 生日 日 則 蓋 者 蓋尋常 1 正 近 也。二上 施之養 不曾如 心 勿 於 以 謝 正何 待 留 其 於静 上 之 情 不 蔡 則 此 則 蔡 留 處 謂 可 云:「吾常 用 録 先 故 情 體 乎? ,於道 功 明 聖 事 也 認 也 道 人 而 下 且出 則 心 迎, 學 此 I 自 有 語,於 道 習忘以養生。 夫, 如 忘 人起 非 害。 鑑 則 則 謝 即 異 於鬧 學 所 涉 居 習忘可 先 、於是。 者 平 寧 生 以 確 處 甚 異 去 無

> 學。」即是 實於 不 夫,或就事上 然只是説也。 於 以 此 日 極 恐明道 用 好 更 思 玩索,近 處 便下工夫,又言 看 便 此 語 下 某輙妄意如此 如 方 亦未 工夫,庶 何 看 ? 必 見 唯 引 如 幾 於 得 此 吾 漸 H 意 出 每 可 如 用 來。 思 就 合爲 何 處 顯 事 如 Ŀ 便 然 此 己物 作工 何 下 語 ? 元 録 夫

要得 故説 積 雖 正,心勿忘 日 盛 蒙 時 求 滿 「持 之, 問 奔 這 曲 裹 折 湊 睟 其 頗 ❷熹又問《孟子》「養氣」一 所 翕 面 勿 面 志 見 聚 存 誨 盎 大 助 主 無 背,便是 向 面 體 長 處 暴 愚 這 分 也」,皆是緊切 其 只 裹 意 明, 氣」,「必 是 來 竟 寒 要 則一 乎 存 未 得 見一 天 之不已,及 身之氣, 心 地 有 氣 總 氣 處。 事 章,向 象,非 合 會 焉 處, 而 其 自 只 而 求 充 近 者 然 是 勿

[「]則」,原校「近本作「所」」。

^{● 「}問」,原校「近本無「問」字」。

二八

之外

也

如

此

則

1

氣

合

,

不

見

其

亦沛

然

行

其

所

無

事

而

르,

何

動

心

日

直

方

大,

不

習

无

不

利

而

敬

義

立

而

德

不

孤」,「則不疑其

所

所

向

氣

隨

之。

雖

加

齊之

卿

相

得

爲得之,見 差,於「知 氣象」, 謂「於田 ,若髣髴 浩 先生曰: 察, 合 是 間 羨之時 行 之有 《文言 行 自 心 道 令分 然 得 與 也。 心 有 言 焉 也 之 此 下 之 地 有 氣 裏,便 之。 此 矣。 神 偏氣 無 不 是 刻 甚 祀,便如 章 不習 此 上 動 理 有 E 而 離 形 體 面 極不 不審先生以爲 無 迹, 問: 元 象 甚 是 動 認 無 下 而 自 及其 有 形 發 晦 是 I 遁 不 **\$** 端 真 揆是與非 見 然 熹近 夫」, 之而 迹 如 精 明 更 利」, 有一 無 得 至 人 既 何 於 顯 審 然 方, 許 却 感 看 正 此 微 此 不 然 物在 人 方可 認 多 自 而 知 無 可 致思 後 無 却 無 中 ,更俟他 道 然 取 如何 明 言 得, 所 間 庸》「 自 不 其 看《易》中 理。 秉 心 達 之説 無 不 看 上下 只 然 只爲 彝 與 疑 雜 通 有 是 鬼 者 之性 參 Ħ 如 氣合之時 其 ·左右。 畏敬 神 乃 前 先 面 至 何 於 濂 方 所 理 所謂「直方大 田 生日 一,才存 會 其 誠 倚 此 溪 行 之心 處 地 商 章 未 貫 衡 翁 亦 某 二此 此 也 量 徹 感 所 可 皆 雖 竊 率 主 理 以 且 可 謂 以 沛 寂 實 著 亦 承 欲 如 謂 忧 然 先 見 静 這 然 於 有 有 祭 鬼 頃 此 如

養氣

大概

是

要

得

心

與氣合,

不

然

心

正

是

此

理。

不審先生以爲

如

何

是氣,不

見

所

謂

集

義」處,

終

不

能

未

必

皆是

正

理

亦亦

心

與

氣

合到

此

此

氣

差

則

所

失

多

矣,

豈

所

謂

處

下

一夫,儘

用

熟

也

謝

上

一蔡多

端

須

從

知

言

處

養

來

乃

不

氣

耶

?

某

竊

謂

孟

子

所

謂

養

氣」者

曉

路

陌

方

是

某尋常覺

得

於

畔

援

歆

理

甚

好

然

心

氣

合

之象

更

用

體

云「亦沛

:然行

其

所

無

事二一

處

元

晦

云

醉

面

盎

背

便

是

塞

乎

夫

地

體 目人 祭祀 得 别 此 自 會心處方是。 見,令學者有 如 理,須 何? 這 認,不可 家要有 貫 甚 思 時爲言者,只 曉 好 箇 慮 會 於 更 便 便 尤 始 滯 引 是 四 有 佳 得 濂 在 方 人 天 謝 0 要 頭 溪 地 八 \wedge -講 謂 隅 無 中 翁 處 間 面 蔡 説 便無 庸 於 也。 爾 所 盡 妙 云: 不 此 皆 謂 用 發 濟 時 但 收 某偶見 鬼鬼 明 事 静 須 更於此數者 鬼神之理昭 更 微 。」又云 神横 無 是 有 體 顯之理 將 而 如 究 來 渠 説 動 此, 來, . 説 有 做 : 鬼 一,於承 令有 如 得 若 然易 箇 作 併 神 來 何 題 看 看 艷

雖 大段 於 咻 此 世 去 無 流 涵 有 壬午八月 不如 俗 養 感 使 遠 韜 衰 焉 此 矣,❷然以全體論之,得 晦 世之公子皆信 者。 九日 當 始得,若一 今之時, 這箇 書云: 風 日 此 荷 俗 厚,須 龃 箇 有 如 龉 氣 修 何 味爲上下相 飭 得 有 如文王 失未 之士 變? 所 去 免 一,須 就 方 某 相

得 驅殘臈變春風,只有寒梅作選鋒 花》詩,直是氣 月明 若 中。」右《渚宫觀梅寄康侯》。 未也, 恐不 味 深 若 長 且 也。 誦 龜 莫把疎 如 山 何 與 英 ? 輕 胡 龜 鬬 文 雪 Щ 定 , 好 詩 藏 梅 清 欲

養深潛 也。 韜 1,定不 如 晦 何 如 事 能 何? 如 嘗 此 **励之**, 書後注 遇 事 極 此 輒 數 難 語 發 矣, 自 非 亦 大 不 段 可 邨 涵

儘 静 「夫仁,亦在夫熟之而 修治之,推測 蓋 有 須 見 有 皆未熟之病 自 處 勞 十月朔日 見 攘 但 得 處 乍 詳 病 自 喧 書云: 痛 也。 可 乍 此 室 見。 静,乍 足 更望 礙 見潛 承 已。」乍明乍暗,乍喧乍 甚慰甚 處,然後 諭 明 勉之,至祝 心 近 乍 體 日 慰 暗 미 認 看 1 進 用 子 仁 至祝 孟子 一字, 力之效。 細 因 點 此 日 撿 ൬ 頗

[「]慮」,原校「近本作「議」」。

失處。 應事 處 也。 時,即於此處,就 將 此,即於道 於求仁,何以 何 不得矣,政 云悔吝已 躬不可 反 不曾 奈何? 純 而 而 脱然 思之,中 熟,漸可 來。 到 癸未五月二十三日 六月十 無,然 此 罪己責 存 若來 顯 境界,須 處 常留 不 理 得 然, 四 否? 見渾 可 極 覺 亦 心不能 恭 諭 躬 日 不 有 此 不 在 如 順 本源 所 固 書云: 0 就 可 然氣象矣。 推 礙,有此 須就 胸 何 謹 謂 不可 此 常留 無 求 中, ^ 畏之心,即 便 處 語 似是於平 愧悔之恨。 理 其 銷 事 推究 却 無 會 在 録》有云:「罪 所以 兼 承諭令表弟之去, 隕 氣象,即 然 是積下 心中 也。 體 涵 得? 勉之勉之! 愧悔 過 用 養之令漸明 隨 某 爲 日 此 下工夫, 自非 道 處 事 胸 竊 悔。」 不 以 團 發 理 中 親 以 去, 往, 見之 私 進 若 有志 事 謂 來 己 責 長 爲 意 又 諭 有 步 如 久

爾。 理,即 者神, 有如此處,只如此提 以如此説,只是提 究得 條 念不 以 時 前日 理 差 及 所答,只是據今日病 採, 不 也。 池 日 禪學者則不然。 所過自然化矣。」更望以 便能 以 道 用 以是爲息滅 爲然,便中示 元晦 理 處 所 不 下 破,隨 過 試 工 進 破,即涣然冰釋,無復凝滯矣。 者化。 更以 夫 者 人分量 看 處説、《語 渠 只 是 殊 報爲 看 私 如 亦有此 爲 思 非吾儒 得 吝 何? 多 如 録 望。 之, 何。 盡 神 学中 有 此二 化 無 病,却 如 意却 坐 若地位高 後見先 就 吾 何 一説於 此 事 軰 即 未 字, Ŀ 境 渾 盡。 只 今 生又云: 底 静默 或體 各 界 是 要 日 所 它所 人 絶 道 有 中 所 存

或以爲逐此 辱之,責以講和 某人之去,傳者以爲緣衆士人於通 人誠 誤國之罪 快 興 論 ", 時 然駡 事 辱之者亦 遂激 而 無行 衢 變。 黒

● 「四」,原校「近本作「六」」。

即

此等固滯

私意,當漸化矣。

又昔聞之羅先

其它,即弘上下之道而氣正矣。 日 何益? 遺,恐使人失上下之分。 之事只爲不曾於原本處 不共戴天,正今日第一義,舉 某竊 理 會 以 末 夷狄所 爲不然,今 流 此 雖 以盛 不 是 知 亦

者,只爲三綱五常之道衰也。

於此。 不是。 充擴之,方見礙者大爾。 七月十三日書云:在此 此微處皆學者之大病,大凡只於微處 若以謂 隨所寓 而安之,即 粗 安,第終 於此 臲 卼 不 便 樂

義,而 皆由 利 差遣之類,緣有此利誘,故人只趍利 溺人心,至今不自知覺。 是致上下之氣間 主於此留 不分。緣三綱不振,故人心邪辟 此 七月二十八日書云:今日三 主 來也。 勢 意二者,苟不 孤 義 此二事 隔,而 利 不分,自王安 中國之道衰,夷 爾 皆今日之急 如前日有旨有 則是「 綱 雖 石 者、欲 有 用 不 不 而 粟,吾 堪 事 狄 振 不 升 陷陷 義 用, 人 顧 擢

|得而食諸」也。

言 之發,亦 明 但 ,講學始有力也。 默 與 坐澄 劉 自 平甫 退 聽 心,體認天理,若見 矣。 書》云: 久久用力於此, 學 問之 道 雖 不 庶 毫 在 幾 私 於 多 漸 欲

力,可見端緒。在勉之爾!坐體究,人倫必明,天理必察,於日用處

又《與劉

平甫

書

大

(率有

疑

處

須

静

著

延平李先生師弟子答問終

=

延平李先生答問後録

人只道 磨 琢之 李 功。 延平 他 是 箇 初 在 間 善善 鄉 人。 也是 若 不 他 異 豪 於 邁 也 底 略 常 人, 人,鄉 不 與 到 人説,待問 曲 後 來 以 上 也 是 底

羅仲素先生嚴毅清苦,殊可畏。

了方與説

李先生終日危坐,而神彩精明,略無隤

墮之氣。

養將去, 書,充養 問: 得 初 延 無 極 平. 異 好 先生言行。 義 ,只是先生 凡 爲學也,不 曰: 一醉面 他 渦 盎背,自 却 是 不 恁 曾 地 著 然 涵

來須是静坐始能收斂。 明道教人静坐, 李先生亦教人静坐。看

此。

蓋

心下

熱鬧

如

何

看

得

道

理

出,須

是

不可及。

延平七柱氣象子。羅仲素都是著實子細去理會。

延平先生氣象好。

生,較説得有下落,更 會尋討,那邊 熹初 爲 學,全無見成 也去 理 縝 會 密 尋 規模, 討。 後 這 來 邊 見 也 李 去 先 理

斷 是那不大段計 難爲駈除。 李先生説 人心 利害乍往乍來 今看得來是如此 中 大段惡 底念 念却 易制 慮 相 伏, 最 不

平先 口。 何。 自 頗覺 只是討要静 何? 然 生静 是時 嘗見李先生説,舊見 是 不甚好,不 或問:近見廖子晦言,今年見 曰 : 静。 羅已死。 這事難説。 坐之説,先 坐則不可 今人都是 知 某 到 心 常 羅 ,只是理 生頗不以 静 浮静 討 疑 坐 之,以 静 羅 理 極後 先 坐 一會得 會 以 生 今觀 爲 道 又理 一説《春 省 然,不 先 理 道 事 自 生, 理 會 不妨 明 得 秋 知 則 是 間 透 不 如 如 如 延

事 方 看 則 得 道 出 理 始 所 出 謂 消 静 理 坐, 既 出 只 ·心 是 打 下 愈 叠 明 得 静 心 矣 下 無

難 時 其 驟三二十 時 每 至 處 去 云終 養 所 及。 叫叫 常亦須起 一,聲不加 得 極 不 固 也 近 勝 自 豪 爲 不 日 如 處 行 之一二聲 是 : 夫問 事 邁 看 無 先生答之,云云。 此 必 別,真 疾 里 物 也 徐 於前 出遠 一若是 不 所 言 頭一看。 行 飲必 李 迴。 勝 遽 (所謂 不至 也。 出遠 先 處 色, 欲 大率若 數 後來 生謂 亦 他 看 不 若先 + 又如 處 則 只 - 盃,醉 爲 真 頃之復日 收得 行 常 聲 則 如 此 箇 事 必 存 生 坐 必 必 此 是 物 稍 處 恁地 則 厲 此 起 則 嘗 如 所 急,先 壁 先 心, 就 不 尋常 好 聞 此 勝 : 間 醇 壁下視之。 然,方其 馳 先 李先 生 者 勿 粹 有字,某 馬 人 生 叫 生 爲 尋 0 之不 後 叫 常 出 所 古 事 生 生 坐 人 以 近 人 涵 物 馳。

問 先 生 所 作《李 先 生行 狀》云: 終 H

> 之,則 别 這 求 危 先生静 人,今終日危坐,只是 處 所 坐, 是 謂 其下工 以 得極了 舊 中 驗夫喜怒哀樂之前 者 日 下 夫 與 得 處 便自 ,又似 伊 語 亦 川 是 太 見 之説若 有些子偏。 重,今以 得 且 是有 收 氣 斂 不 箇 象 在 伊 相 覺 爲 此 川 只是 似 處, 如 之 勝 何, 語 不 被 如 日 似 格 奔 李 丽

發。 日 1 日 此 * , 0 與 便 此 這 間 若 楊 淳問 是 亦 箇 : 氏 已發, 是 亦 : 此 體 以 有 延 體 驗 不 平 此 些病。 於未 若 驗 觀 欲於未發之時 是 觀 觀 著 時 發之前者, 之。 那 意 恁 體驗字 觀 著 意 只 看 觀 恁 是 異 其 平 便 有 日 常 彻 箇 氣 如 是 思 否? 何 己 量 ?

或 問 延平 先 生何 故 驗於喜怒哀樂未

醉, 明 原 本 √校 「元 Œ 誼堂本作「前 本無「醉」字」。

三三

向

如

坐

禪

人

定

平 之 後 之 前 即 是 日 圃 此 求 持守 意 所 謂 若 良 中 久 ? 向 亦 日 這 可 見 裏,又差從 只 未 是 發氣 要 見 象。 釋 氣 氏 象 日 去。 延 陳

.

見 渞 理 李 者 先 生 却 是 真 看 意 聖 思 督 言 纔 著 語 但 心 去 看 踔 看 便 蹉 调 调 便

霆之 凛 清 縷 人 冰 忘 是 戀 析 倫 釋 然 承 通 以 惟 之正 變, 和 並 毫 高 趨 道 發 道 樂 酬 差 喪 風 龜 日 於 是 千 惟 Ш 其 展 浮 王 月 天 資 猗 時 之 載 也大 雲 分 道 機 之 歟 豫 南 之中 太 則 精 兩 光。 先 章 成。 空。 殊 乾 道 義 程 生 端 勃 造 傳 則 爰 婆娑 仁 體 果 興 坤 約 得 與 暨 以 老 用 自 倪 其 俱 Ш 窮 Fr. 友 混 貫 得 宗 有 川 之, 鬼 林 弟 深 圓 師 有 的 秘 極 草 覺 其 世 其 灑 隱 0 微 神 木 莫 簞 其 緒 外 落 題 身 彰 昆 徒 我 無 誠 昭 世 凍 龜 瓢 知 明 融 餘 蟲 風 解 望 兩 Ш

誾 也 獲 學 曷 息 斯 疾 大 有 安 相 春 施 優 不不 重 計 滿 本 誾 小 施 病 來 哉 期 Ш 及 退 大 暑 朝 後 短 摳 游 侃 生 虚 日 乘 命 絶 長 經 深 榮 衣 哉 行 人 侃 之, 未 之 如 丱 是 ? 廓 斂 不 调 見 秋 敢 發 卒 及 綫 角 醫 然 物 融 度 堂 其 我 勵 渝 衽 傳 歲 趨 窮 大 我 是 夜 蔽 以 衡 彌 斯 推 先 拜。 公, 誰 技 程 門 先 昏。 切。 空 殉 嬉 志 生 一身,孰 實 殫 身 得 與 恭 P 返 蹇 即 從 冰 以 税 侯 迨 之, 化 惟 之? 鳴 没, 斾 步 事 游 壺 駕 伯 其 爲 爲 先 既 呼 相 方 即 + 秋 云 聞 季 徒。 君 孰 窮 厚 月 遭 休 年 初 理 先 風 年 合 通 囚 以 生 實 散 古 涼 謂 非 誘 講 擁 德 鞭 無 全。 共 今 屈 秋 公 篲 幽 掖 天 議 盛 繩 而 嗟 已 則 源 伸 己 諄 有 以 不 道 進 惟 1 息 分 掣 端 尊 窮 至 然 派 迎 消 於 熹 未 聖

本同 《晦庵

0

果」,各

萬

存 孰知 有餘 終天 至。 知 最 熹於此 後 鑒此 我 憾。 奉以周旋,幸不失墜。」歸裝朝嚴 有 聲 時 悲? 言 誠 病不舉扶,没不 適 儀刑 長 意。 號, 「吾子勉之: 伏 有 《祭文》。 永隔,卒業無期。 命召。 淚落 哭柩前 懸 間 奉 泉。 飯含。 所宜 凡兹 · 奠以 何 言,反 衆 意 奔 贄。 理,子 墜緒茫茫, 走 斯 後 言 覆教 ,
計
音
夕 不亡者 人,死 所 而 詔。 訣 自

大夫。 朝 也。 寧郡 大夫。 人。 大夫,贈中 議 大 生 先生諱 公、太恭 曾祖 妣 已而 君朱氏。 有 妣 太 清 異 奉大 諱 源 禀, 恭人饒 侗,字愿中,姓 聞 X 幹,屯田 郡 特 郡 夫。 幼 父諱 太 人羅 所 而 夫人 氏。 妣 鍾 穎 郎 **海** 仲素 愛。 永 悟, 朱 中 先 嘉 朝 致仕 李氏 氏 生 少 先生得河雒之學 既 奉郎 郡 長,孝 朝 冠 大君 南劍州 祖 贈 議 贈 遊 諱 公之季 金紫光 鄉 友 胡 纁 右 謹 氏、 校 朝 朝 劍 介有 篤, 子 議 咸 禄 散 浦 講 0

其門 焉。 命中 於龜 會閩 行。 心, 絶俗 間 卒于府治之館舍。 進士,試 游受學,州郡 絶世故餘 頗非笑。 所 庸》、《 郡 盡得 自建安 於是退 疑 帥 雖 弟 山 將 楊文靖公之門,遂往 焉,先生因 玉 子 吏旁郡 其 里人鮮克知之,見先生從遊受業, 學 先生若不聞,從之累年,受《春秋 山汪 語 四 故 官 所傳之奥。 如 + 而 》、《孟》之説,從容潛 人 士 聞 公以 鉛 於 年 屏 子 其 更請 山,訪 居 武 有以 往見之。 名 ·書禮· 是年七十有一矣,隆興元 山 夷潭 瓢 mi 迎養,先生不得已爲 田,結 矜式 羅公 外家兄 招 屢 車 溪之上,倘 空,怡 致 乘 學焉。 焉 茅 少 之, 至之日疾作 來 弟於 水竹 然 迎 或 晚 然 蓋 可 玩 遺 自 羅 以 之間 昭 徉 二公清 有 子 呕 將 適 武 而 子舉 會 稱 弟 相 ·', 遂 歸 過 中 謝 或 與 從 許 于 介

自「南劍州」至「公之季子也」八十六字,明本無。

伯

意

建

左

彙之所 Ļ 喪歸。 年十 若是者蓋 力行、任 樂 從 序 凡 修 喪 之不 攝 道 寧 之學, 府 具 蓋 職 月十 洞 出 未 東 孫 觀 於此 天下之理 男 貫 建安縣主簿 郎 先 無 以 可 發 南 察推 重 以以 四 亂 久之,而 之前 生 化育,以至於經訓之微言, 不 有 講 詣 者 人、 娶 周 五 官 次 誦 極 之 州 雖 大而 司 氣 悉 日 融 女 謝 之 游 鉛 如 郡 無 也。 象 公放 釋 品 知 餘 八 羅 其 Ш 天 吴氏。 不 居 爲 天 節 公,蓋 人,皆幼 縣 友聞 門 地 危 而 數 由 汪 下 如 護 萬 尉 者 之所 各 坐 公爲 是 日 之大本 何 喪 殊 甚 有 終 未仕。 子男三人: 而 信甫 事 泉, 諸 而 日 以 條 曲 人 遣 出 子 求 高 躬 理 折 初 然 真 而 以 一, 如 既 畢 所 厚 萬 左 視 女一人,早 議 己。 有在乎是 驗 語 龜 至,遂 得 修 變, 謂 棺 官 日 其 夫 Ш 細 Ш 其 職 中 友直 斂 莫不 用之 先 E 喜 潛 先 m 流 者。 本, 郎、 生 禮 怒 以 君 品 脉 思 生 倦,隨 聲, 處,食 得其 違。 愛敬,暴悍化 盡 婚嫁,爲之 賓 應 存 小 加 而 祭謹 不忘。 禮 益 物 可 曲 而衆 以 仲兄 折折 懽 酬 固 少 飭 , 心 事 之於 發 涵 租 生 焉。 性 自 必 養 事

既

倡

哀

絡

該

則

也

幾漸明,講學始有力耳。」又嘗曰: 道,不在多言,但 毫私欲之發,亦退 人淺深,誘之各不 飲言笑,終 人於聖賢之域。 者、賤者,接之各 經理,節 剛 理 賦 服。 中 益 此 素 閨 多 必 無無 熟, 默 節 薄 忤 日 門 與 爲 其 坐澄 然 内外, 一聽矣。 油 精 衣 族 鄰 先 接 故 油 不 食 明 婣 里 處 後 牛 同, 其 心, 故 如 之 純 得 以 先。 盡 舊 學答問 夷 事 事 久 體 其 也。 而 其 一,觸 賑 有 故 其 愉 之 親 要以 久 認 言 衷 助 道 親 道。 致 肅 誠 恩 年 用 天 日 之。 戚或 量量 焉。 「學者之病 穆,若 意 誠 孝 處 長 理 反 力於此, 窮 以 「學問 篤 身自 盡 洞 若 者, 人 貧 書 與 左 故 由 厚, 然, 爲 敬 無 右 鄉 夜 是 見 鄉 事 不 得 出 能 泛 之 更 庶 之 無 操

乎其可以言中庸矣。」其 是理,若顏子之歎,卓然 又嘗曰:「今人之學與古人異。 者,爲善形容有道者氣 發之謂中」者,又一 夫子「胸 於胸中,庶幾遇 無遺策矣。 切磨,又得夫子爲之依歸, -可得 己。 庸》曰: 哉? 擴 者多矣,恐於 凍 不然,子貢何以言『夫 篇之指要也。 中 充 而聞 釋處,縱 若此 象。 灑 語《春秋》曰 見其 而 必 落, 「聖門之傳是書, 也」耶?」嘗以黄 往 也體之於身, 然所謂『喜怒哀 嘗 者,恐未足道 一,無 爲 如 事 諷 有 光 力持 如孔門諸子, 所 廓然,而義 誦 融 物而不 風 之, 不通,則 釋 若徒記 霽 「《春秋》 守,不過 而 而 月二云 實 違 脱 顧 也。 見 樂 理 太 子 庶 平 誦 其 落 日 謂 於面 豪邁 徑不 者曰 誦説 勉而 閑泰,自然之中,若有成法。 其開端示人,大要類 學者所以 講解文書,然其辨析精微,毫釐畢察。 身以求之,則凡聖賢所至而 問,答之必極其趣,然語之 邪?」其於《語》、《孟》他經,無 之心推測聖人,未到聖人灑然處,豈 蓋嘗曰:「讀書者知其所言莫非 同,不可 事各是發明 差。 進矣。 目 ,其不爲玩物喪志者幾希。」以 耐 講學切在 拘 色温言厲,神 充養完粹,無 流 若概以 以一 若直以文字求之,悦 於疑 法。 例, 似 理 深 亂真 潛鎮密,然後氣味 而 此。 然所以 如觀 定 復 氣和 不 之説,而 圭 先生姿禀勁 Ш 角。 察 而 吾所 難言者,蓋 水 語 平居 乎 不 不貫達。 徙 精 惰者 其分之殊,此 吾事, 默 其詞義 未至者 步 不自知也。」 恂 動 純 故 而 恂 或寡 之 深長 静 特 嘗語 未 能 而 荷 以 形 氣 嘗 常 即 有 無 勢 爲 吾 間 失 口

群居終

日,交相

苟

免

顯

然

悔

尤

而

在

於

未

有灑

然冰

解

用之間

觀

感

而

化

處,非言説

所及

也。

史稱濂溪周

之言性與天道不

所以

開悟

後學,

少進矣。」其

語《

中

學者曰:

「存此

而

,則亦奚以爲

心目之間

也。

然後

未

若

無

其

口

否,

及

其

酬

截

然

不

미

犯

者。

蚤

歲

若

無

意

於

當

世

然憂 酢 聞 事 道 時 變, 即 論 斷 棄 事 以 塲 感 義 屋 激 一,超 理 一,則 動 然 谏 有 悔」者 將 且. 至。 玩 其 先 蓋 所 安樂 生 所 庶 謂 幾 者於畎 依 焉。 平 中 比 畝 年 庸 之中, 以 遯 來,學 世 悠 不 然 者 見 不 始 知 知 益 老

端 詖 爲先,本 之學, 淫邪遁之所 末 無 備 所 具 人 以 於 然者。 可 其 舉 心 而 行,非 蓋 然 辯 之於錙銖 聞 特空言 其 説 m 眇 則 己。 忽 知 意豈 不 龜 Ш 一之所 徒 然

聞

於

程

夫子而

授之羅公者,至

是

而

哉

不幸天喪

斯

文,

而

先生没

矣。

耻

其

語治道,必

以

明

天理、正

人

心、崇節

義

、厲

廉

而

方伯

連

帥

之賢者,又樂聞

其道

而

邀

致

(之,其

親

而

不

之

之間 同 而儒、釋之邪 友, 雅 敬 重 焉 ĪĒ. 分矣。 嘗 與 沙 熹先君子與 縣 鄧 迪 天 啓 先 語 生 事 以

月

其 益 非 及 後 先 吾 超 八熹獲 絶 曹所及。」先君子 生 一,鄧 從 蓋 日 先 其 生遊 E 愿 達 每一 中 不 深 如 Ė, 以 冰 去 日 壺 爲 脯 新 秋 知 復來 如 言, **警** 此。 项 則 稱 徹 嗚 所 道之。 無 聞 呼 瑕 必

得其

遠

者大者

「, 故

悉

取

凡

聞

見

所

及一二書

詞若

繁

而

不

敢

殺者,

蓋

有

待于

筆

削

云耳。

謹

謂 得 其 銘於作者,將勒 熹 傳 承學之久,宜知先生之藴, 矣。 嗚 呼,痛 諸 妣 哉 堂,以告後世 諸 孤 方謀 使 知 具 窀 其

其言觀 有 以 請 考 焉。 其 行 熹 面 愚 服 不 膺 肖, 焉 不 蒙 爲 被 不 教 詳 育 然 不 爲 未 不 能 有 德 以 聽 者 事

狀。 行 狀

若先

生之道

德

純

備

術

通

明,

求

之當

世

殆

絶

倫

比。

然

不

求

知

於世

而

已,未嘗輕以

語

故

E

之人

既

莫

之

知

丽

學

者

亦

莫

之識

是

以

進

不

獲施之於時

,退未及傳之於後,

而

先

生方

三八

之矣。 今觀此 延平先 事 山 公先生於延平爲通家子。文公幼孤 學,其心造之妙,蓋有先儒之所未言者。 高 先 延平亦莫之許也。文公領簿同安,反復 至於論學,蓋未之契,而文公每 第也 劉 生之學得 公學 延平李先生之學得之仲素羅先生,羅 紀編 則 ,若有所得者,於是 生 始我文公朱先生之大人吏部公,與 問。 與行 李先 一俱 此編所録,蓋同安既歸之後也。 之龜 事 羅 生不特以得於所傳授者爲 :述之所紀,智者觀之,當見 及壯,以父執事 Ш 先生,爲道義之交,故文 楊 先 生,龜 盡 棄 Ш 延平 誦 所學 蓋 其 伊 ",從屏 所 愐 雒 而 聞 已 延 之 師

爲聰 也。 矣。 憑虚 言行布滿天下,光明 異端者,理一分殊也。 小 其分量,有所依據 末兼舉, 以會其同 難者分殊耳。』此其要也。」今文公先生之 餘,以延平之言反覆思之,始知其 天下之理 儱 於不能無疑者, 文公先生嘗謂師夏曰:「余之始學,亦務 致 侗 廣大而盡 蓋延平之言曰:『吾儒之學所以 明 宏 世之學者,其尊信文公之道者,則 蹈空之失者,實延平先 於延平之言,則以 絶世,故其 濶之言, 細大不遺。 ,曲折致詳 而已,心疑 精微,極高明而道中庸」,本 則又以爲其學出於性習之 好 探 而 同 篤 討之微有不可 俊偉,毫釐 而及門之士,亦各隨 而 而惡異,喜大而 守,循 理不患其不一 有 爲 而不服。 以 何爲多事若是, 全其大, 序而 生一 必辨 漸進, 言之緒 不 同安官 及,至 我 耻 所 而 異 , 所 欺 謂 以 無 有 於 於 爲

也,幸貰其僭。 者,其惠宏矣。 悦之,攝郡姑孰,取之刊之郡 間,離合從違之際,其難 師 所聞于後,以告同學者,蓋丙辰夏夜之言 爲容悦之意哉! 此蓋爲千古計也,豈容有 似,得之意好之偏 夏謹識。 嘉定甲戌三月望日後學趙 師夏贅貳于此,因 北海王耕道舊讀此 加 己, 也 丽 一毫曲徇 不 如 知 此 齋, 師 以 荷 弟子之 得 嗚 述其 畀 書而 合相 呼 學

近

思録

[南宋] 朱 熹 嚴然之

> 編著 校點

		目録
		近思録卷之九 七三
		近思録卷之八 ······· 六六
		近思録卷之七 五九
		近思録卷之六 五四
		近思録卷之五 四七
		近思録卷之四 三七
		近思録卷之三 二四
		近思録卷之二 九
		近思録卷之一
		近思録引書 四
		日序
		朱序 一
跋	近思録跋	近思録敘
之十四	近思録	校點説明
近思録卷之十三 九七	近思録	
近思録卷之十二 九三	近思録	目録
近思録卷之十一	近思録	
近思録卷之十 八〇	近思録	

點 説 明

爲 想要 初 學 義 近 者 的 思 理 摘 録》是北 學 録,由吕祖謙與 入門 的 宋理 讀 物。 學 家 朱 周敦 熹共同 頭、二 編 程 著 、張 用 來 載 作 思

梯; 也 歎 泉 未(一一七五)之夏,東萊吕 熹 其廣大閎博、若無津 因共掇取其 却 總 舍。 歸 近 於此 極 六百二十二條,分十四卷。」雖 思録》,四 爲 留 書 止 重 旬 的 視 歸 田, 編 一子之 其 於大 著, 價 相 階梯。」(《朱子 值 涯 與 朱熹在 體 而 讀 曾説 而 伯 周 懼夫初學者不知所 切 子、 恭來自東陽,過 序 於 言 程 四 日 中 子、 子, 用 語 是 説 1類》卷 者, 入門 張子之 六經 「淳 以 讀 之階 爲 予 熙 物 此 寒 λ Z

近 思 録 》自 初 稿 成 後 就 有 刊 本 問 世 朱 惠《 答

校

點

説

明

五

《答張敬夫書》云: To 條。」 九 吕生 吕伯 不 增 並録呈,幸付彼中舊官 此 取周、 説 同。」(同上卷三二)二書 添之意尤佳。 書 儒家 一前即 其時 所 否 舉 恭 書》云: 言 耳。」(《晦 業數段,已寫付之,但不知渠已 程之書 類 有 諸本的不同 條 》著録《近 數與 閩 浙 「欽 關 蓋閩、 朱熹自序有異, 庵 於 __ 「《近思》舉業三段及横渠 夫寄得所刻《近 先生朱文公文集》卷 思録》十四 大 种刊 當是朱熹不斷 浙本 屬 體 正之。 本。 而 所 流 切 説 \Rightarrow 行 於 卷,云: 直 己 爲 或 則 實 思録》來, 齋 更得 廣,恐見者疑 修改 顯 用 書 事。 者六百 是 朱 去, 録 數字 的 另 三四)又 熹、 解 可 緣 彼 語 却 見 説 故。 題 + 版 吕 能 朱、 九 卷 本 祖 其 段 T 添

今藏北京大學 間 的 惟 現 存 的《近 宋 刊本是楊 置 思 書 録 館 》版 伯 本不下四 品 的 泳 齋 + 近 種 思 録 尚 衍 留 注 天 壤

本 類 集 係 解 明 翻 本三 刻 刻 本 南京國 則 种。 分 白 白 子 文本、葉 文 監 本 汪 有 偉 崇 刻 采 本 禎 集 而 九 解 成 年 本 者 張 和 雋 或 周 等 家 公 **B** 恕 刻 分

百

謙

京大學 九年張 圖 刊本,北京大學 集解本有元刻明修本,國家圖 館 書 藏 館 藏。 靖十七年吴邦模刊本,上海 元楨 嘉 · 圖 靖 書 周 六 館 刊本,上 藏 年 公然人分 圖 賈 書館 嘉靖十七年劉 世 海 祥 類 圖 藏 刊 經 書 本, 進 年 館 書 代 近 藏 中 思 館 仕賢 不 或 圖 藏 録 詳 稽 科 書 古 集 刊 明 學 正 館 《解》有 齊刊 刊 本,國 德十 院 藏 本 圖 本, 成 上 四 家 葉 書 圖 年 采 北 化 海 館

藏。

本。 注 庫 東 思 有 兒吕氏 炤《近思録集解》,康 録 清 年 》,此本清代刻印最多,有《四 全書》本、 師 一刊本、 範 集解》, 此 初 清 外,清 大學 刻 寶 代刻本和鈔本中,白文本較 本, 一語 咸 道 圖 今見同 堂《朱子遺 ,桂林培 代 豐三 書 光三年 還 館 出 年刊 藏 治 現 遠 熙五十九年 間 姚氏 堂 T 書》本爲最著。 本,此 茅 重刊《正 一翻 -_-星來 刊 此 刻 本 外 乾隆本、《 新 庫 《近 同 湘 誼 注 全書》本、 光間 江 少,以 思]1] 堂 本 永《近 録 李 全 葉 集注 ,氏刊 望 張 四 書》 采 康 三三益 伯 庫 嘉 思 集 熙 本,華 行《近 全 慶十 李文 録 解 中 本 集 四 禦

> 楚北 鼎 校 崇文 本; 陳 書 流《 局 近 浙 思 江 録 書 補 局 注 皆 曾 稿 翻 本, 刻 湖 嘉 北 慶 省 + 圖 九 書 年 王 館

九年 德 具 白 解本(簡 存, + 張雋刻白文本(簡稱崇禎本)及 文本爲底本,以 本 四四 書 彌 年 的 足 稱元刻葉本)、北京大學 棄采集解本(簡稱正德葉本)。 校 八珍貴。 點 取 此 校 上 本曾 以 海 圖 國 爲 書 家 藏 圖 館 家據宋 書 所 圖 館 藏 元 明 書 刻 所 本校過, 吴 館 藏 明 邦 修 明 所 葉 崇 模 藏 采 批 明 禎 所

語

刻

點謬誤之處,敬祈讀者不吝賜教。

集

正

校 點者 嚴 劉 佐之 永 翔

近 思 録 敘

見矣。 應。 也。 也,無 也, 何? 其 大 官則思,猶目之官則視、耳之官則聽 而 所 三王 能 於聲,視因 亦若是而已矣。 是以先天而 由 何獨至於 録者何? 心之官也。 改聞 如 觸而 病 ıfii 鑑 也 不 矣 效 應 謬,百 則 照, 於 過 心 不因以 同色而 録 色。 天 벢 如 近者何? 而 哲 世 弗違、後 疑之? 廓然而 鐘 無 言 故 以 應響 爲之故爾 以 視, 跡, 同 俟 明 聖 雖 聲 不 天 大公,物來 正 無 心 因 而 慮 人 盡 而 心 古今聖 學 1 聽, 而 奉天 目 而 者之 也。 也 知, 也, 不 或 雖 忧 惑 將 時 於 心之 而 愚 不 無 盡 思 也 也。 學 者 順 思 改 耳 聽

> 亦探 是録 下殊途 是 或 秋季望後仙 張君令吴江 事爲之末 是則近思之説 失其本心。 乎,不因於色矣,將不可得而 聲矣,將不 而 無思,本 序之,思與 以 迎 本之義也 遠 思 也 可或 也。 亦 而 以 也; 過 同 - 可得 留 《繋辭》曰 居林 其猶 時 證 半; 歸 也 同 與哉 思, ,惟取是録,託吴子以傳,其 也 所),或 志共 應麒 而 不然,執 病 謂 通 致 聽 戰 使得其説 耳 近 用 : 而 明其旨云 也; 也 者 思, 予承乏二載,始克 也。」嗚乎,盡 「天下 百 之自 四 猶 「慮。」《 是 抑 者 録 病目者之自 視也。 又遠矣。 鳴 而 何思 思 而 通之, 乎,不 通 之莫 淳熙戊 拘 書 何 拘 此之謂 之矣, 慮 因 則於 希 求 因 也 戌 之 於

淳 此 字 經 剜 改,

近

思

録

敘

朱 序

過予寒泉精舍。 淳 熙乙未之夏, 留 止 東 旬 萊 日 伯 相 與 恭 讀 來 周 自 子 東 陽

子、張子之書。 而懼夫初學者 不 歎 知 其廣大閎 所 人也, 因 博 共 若 掇 無 取 津 其 關

於大體

而

切於日

用者,

以爲

此

編

總

六

百

一十二條,分十

辺

卷。

蓋

凡學者

所

以

求

端

觀

聖

賢

志於學,而 之大略,皆粗 用力、處己治 無 明 見 人之要,與夫辨異端、 師 其 良 (梗概。 友 以 先後之者,誠 以 爲 窮 鄉 晚 得 進 此 有

以以 求 玩 心 諸 致 焉, 四 其 君 亦 博 子之全書,沈 足 而 以 反 得 諸 其 約 門 焉 而 潜 則 反 矣。 其宗廟之美 復,優 如此, 柔 厭 然

後

偂

飫

纂集 安簡 百官之富, 便,以 此 書 之 爲 庶 意 取 乎 也 足 其 於 有 五 此 以 月 盡 而 可,則 得之。 Ŧī. 日 新 非今日 若憚 安朱 煩 熹謹 所 勞, 以

識。

命之説,大氐非始學者之事

祖謙

竊

嘗

與

近思録》既成,或疑首卷陰陽

變化

性

正 ? 容驟語, 苟茫然不識其梗概, 則亦 聞次緝之意,後出晚進,於義理之本原 行之實,具有科級,循是而進,自卑升高,自 望而已。 淳熙三年四月四日東萊吕祖謙謹書。 據,則豈所謂「近思」者耶? 近及遠,庶幾不失纂集之指。 而鶩高遠,躐等陵節,流於空虚,迄無所依 列之篇端,特使之知其名義,有 至於餘卷所載 講學之方、日 覽者宜詳之。 若乃厭卑近 何 用 **冰雖未** 所底 所 躬 嚮

三

吕

序

近 思 録

近思録引書

《明道先生文集》 周子《太極 通

《周易程氏傳》

《伊川先生文集》

《程氏遺書》

《程氏經説》

《程氏外書》

《横渠先生文集》 横渠先生《正蒙》

横渠先生《禮樂説》 横渠先生《易説》

横渠先生《論語説》

横渠先生《孟子説

條

其秀 物。 乾 生陽 中 感 布 陽變陰合,而生水、火、木、金、土。 動 欲 太極也, 故静。 心動,而 其性。 道 四四 Ė 静, 萬物 仁義聖人之道 成男,坤道成女。二氣交感,化 而 濂 動 時 溪先生日: 最 立 善惡分、萬 行焉。 極 互 太極,本無極 生生 無極之真,二五之精,妙合而 人 靈 而 爲 極 静; 其 ,而變化 形 焉 五行,一陰 根,分 一、仁義 既 静 無 事出矣。● 生矣,神發 故聖人與天地合其德 耐 極 中正 也。 生陰,静 無窮焉。 陰分陽, 而 而已矣。 太 陽也, 五 極。 行之生也,各 聖人定之以 極 知矣; 兩 惟 而 太極 復 五氣 陰 儀 人也,得 主 動 陽, 立 一静, 五 生 動 凝。 一焉。 性 萬 順 而 無

> 道,曰 死生之説。」大哉《易》也,斯其至矣 之道,曰仁與義。]又曰:「原始反終, 君子脩之吉,小人悖之凶。 日月合其明, 陰與陽; 四 立 時合其序, 地之道, 日柔 鬼神合其吉凶 故曰:「立天之 與剛; 故 立 知

周 謂 義, 不可窮之謂神。《通 聖,復焉、執焉之謂賢。 理曰禮,通 誠,無爲,幾,善惡。 日智,守日 書》。 信。 德: 發微不可見、充 性 愛曰仁,宜 焉、安焉之

道 中。 者,言「感而 下之大本」。 一。《文集》。 伊川先 中也者,言「寂然不 生日: 下同 遂通」 發而 皆 喜怒哀樂之未 者 中節,謂之和。 也,故曰「天下之達 動」者也,故 發, 曰 和 謂 天 也

心一 也,有指 體 而 言者, 寂然 不 動 是

0

近思録卷之

事 原 作「物 據崇 禎本及元 刻 葉本、 ΙĒ 德 葉本改。

有 見何 指 用 而 耳。 言 者 感 而 遂 通天下之故是也 惟 觀 其

所

如

言之,則以形體謂 之性情。 天,專言之則道也,「天且弗違」是也。 乾,天也。 乾,健也; 天者,乾之形體; ●乾者,天 之天,以主宰謂之帝,以 健 而 無 息 之謂 乾。 分而

夫

四 德之元,猶五常之仁。 偏言則一事, 乾。《易傳》。下同。

功用謂之鬼神,以妙用謂之神,以性情謂之

專言則包四者。

天所 賦 爲命,物所受爲性

理。 爻尚 理 、發明此理,以見陽與君子之道不可亡也。 ,變於上, 存, 上 鬼神者,造化之迹 剥之爲卦,諸陽消剥已盡,獨 九亦 如 碩大之果不 則生於下, 變, 則 純 陰矣,然陽 也。 無間 見 食, 可 容 將 無 有 有 息 上九一 也。 可 復 生之 盡 之 聖

> 其 上 剥 以 或 卦 無陽也。 ,則復生於下矣。 爲 日 坤, : 配月,則坤當十月。 剥 陽來爲復,陽未 盡 則 陰亦然,聖人不言耳。 爲 純 坤 故十月謂之陽 豈 復 嘗 以 有 氣消息言, 盡 陽 也。 乎 月, ? 剥 盡 恐 則 曰 疑 於 陽

天地之心也。 儒皆以静爲 陽復於下,乃天地生物之心也。 見天地之心,蓋 非知道者,孰能識之? 不知動之端 先 乃

仁者,天下之公,善之本也。

也。 有應,所應復爲感,所感復 感通之理,知道者默 天下之理,終 有感必有應。凡有動皆爲感,感則 而 復始,所 而 觀 有 之可 以 應,所以 恒 也 而 不窮。 不 必

⁰ 宋板作 何如」, 如 元刻 何。」 葉本作「如 何 案底 本校 記 何何

² 乾」。底本校記云: 「乾之形體、宋板作天之形體。」

時 恒 久之理 變易 非 非 定之謂 ,乃常道 知道者,孰能 也, 也。 天 定 地 則 識之? 常久之道,天下 不 能 恒 矣。 惟 常 隨

能革 下愚 也。 所 以 威 暴者非必皆昏愚 者絶之 可 語 人者,商辛是 以善自治 知 m 漸 謂 其 仲 其 、性則皆善也,語其才則有下愚之不移。 寡 面 磨 下 人 性 非 罪 尼之所謂 ,何也? 以 而 愚 **%考其** 性之罪 則 進。 ¨; 則 本善,有不可革者,何也? 不 有二焉: 與 爲 婦, 也 無不可移者,雖昏愚之至,皆 惟 X 雖 也 也,往 下愚 同 日 則 自暴者拒之以不信,自 聖人以 聖人與 一: 心 自暴也,自棄也。 誠 也 也。 0 愚 往 雖 惟 也。 其 强戾而才力有 絶 居,不能化 其 然天下自棄、 自絶於善,謂 於 有 既 善道,其 與 日 人 下 同 愚, 人苟 而 日 其 畏 過 自 . 所 之 人 棄

在物爲理、處物爲義。

識之? 動 静 《經説》。 無 端, 下同 陰 陽 無 始 非 知 道 者 孰

能

仁者,天下之正理,失正理則無序而

不

和。

少不盡分處。《遺書》。 理 0 明道 常思天下君臣、父子、兄弟、夫婦,有多 先 生 目 天 下同 地 生 物, 各無 不 足之

如在其 爲道 道 終日 亦器 揜 浩然之 臭」,其體則謂之易,其 謂之神,其 如 ,修道則 對越 形 此 伯 忠信所 夫」。 氣,可 左右」,大小大事而 |得道 而 在 下 謂 命于人則謂 天 徹上 在,不繫今與後、已與人。 爲器,須著 以 謂 之教。 也。 進 盡 德 徹下,不 矣。 蓋「上天之載 」,「終日乾乾」,君 孟 理則謂之道,其 故 子 之性 如 説 去 此 過 只曰「誠之不 神如 其 説,器、 如 中 率性 此。 又 亦道 在 形而 發 則 無 其上, 謂 揮 用 聲 子 一,道 + 可 出 之 則 無

狀。 故止 己。 與己 認 能 得 近 可 故博]相干。 爲己 取 日 仁者,以 以 譬 書言手足 得仁之體。 己 施 口 何 濟衆,乃聖之功 如手足不仁,氣 欲 謂 所 天 立 地 仁之方 不 痿 而 至? 萬 痺 立 物 爲不仁, 也已。」欲令 人,己欲 爲 若 一體,莫非 不有 用。 已不 此 達 仁 諸 貫,皆不屬 言最 而 至 己,自 如 難 達 己也 是 善名 言, 觀 不

凡 不 氏之類。 此 静」以上不容説 而 也 悪。 是也。● 人説性 可 兩 不 物 人生 生之謂 后稷之克岐克嶷,子越椒始生,人知其必 謂之性也。 相 是 一,只是 氣 對 氣 夫所謂 凛,理 禀 而 性」,性 有 生 説「繼之者善 才 也。 然 有 蓋「生 繼之者善也」者,猶水 説 也 善惡, 即 性 有 氣 . 時 自 之 善 然 便已 幼 氣 謂 古 不 也」,孟子言性 圃 即 性 性 是 善, 不 性 也 」、「人生 性 - 是性 然惡 有 生 中 滅若敖 之 自 元 也 流 丽 亦 幼 有 謂

> 惡在 也。 得 將清 濁 損 命 遲 治之功。 多者,有濁之少者。 已 污,此何 而 者不 清。 焉 其 也 漸 就 此 分, 性 來 濁 水之清, 下 及其 爲 中 順 换 也。 則 舜有天下 煩 故用 水也。 有 爲 却 而 教 人力之爲也? 循 清 出 兩 濁 皆 也。 則 之, 物 也 力 而 水 性善之謂 亦 甚 相 敏 如 加 則 也 自 則 不 對, 此 遠, 勇 不 道 清 天 却 是 有 則 與 命 各自 只 濁 也 則 取 方 疾清, 流 焉 是元 以 雖 也。 人 有 出 者 而 有 循 至 出 不 不 濁 所 也。 流 至 來。 於 此 同 初 可 故 用 來 濁 海 教 然 而 水 而 置 不 力 以 未遠, 我 也,不 脩 此理,天 是 緩 在 不 有 終 不 之,各 善 濁 無 怠 加 可 無 隅 與 是 則 澄 以 之 古 加 所

觀天地生物氣象。周茂叔看。

萬物之生意最可觀,此「元者,善之長

也」,斯所謂

仁也

滿

腔

子是惻隱之心。

之、足之蹈之也。

然,非有安排也。 萬物之理,無獨必有對,皆自然而 每中夜以思,不知手之舞

當、直上直下之正理。出則不是,惟敬 中者,天下之大本,天地之間亭亭當 而 無

若三過其門不人,則非中

也

失最盡

心不同 伊 ĬΙ 如 先 面,只是私心。 生曰"公則一,私則 萬殊。 人

洒掃應對是其然,必有所以然 凡物 有 本末,不可分本末 爲兩段事。

也,安排著,則不中矣。 物物上皆天然有 二者之中,不知怎麽執得? 之,此皆是不得中。 楊子拔一毛不爲,墨子又摩頂 箇中在那上,不待人安排 至如子莫執中,欲執 識得 放 則 事 踵 此 爲 事

> 是默 非中,而國之中爲中。 巷,則非中也。 三過其門不入,在禹稷之世 家 則 識 問。 廳 心 時中 中非 通 如何? 居陋 且 中,而堂爲 試 言 巷,在顔子之時爲中, 推此類可見矣。 日 . 中, 廳 中字 爲中,若居陋 則 言 最 中 難 央 或 識, 爲 |則堂 如 須

《中庸》言「至誠無息」,非以无息解誠也。 生日云云。 欺之謂誠。」便以不欺 无妄之謂誠,不欺其次矣。李邦直云:「不 八爲誠。 徐仲車云: 「不息之謂 或以問先生,先

轍 却待人旋安排 葉皆是一貫,不可道上面一段事無 先,已應不是後。 ,却只是一 沖漠無 朕,萬 箇塗 引 如百尺之木,自根本至枝 轍 入 象森然已具,未應 來教 塗 轍。 形無兆, 既 是塗 不 是

近取諸身,百理皆具。 屈伸往來之義,

近思録卷之一

必將既 此。 元不 自 只於鼻息之間 然 斷 不 有生便有死,有始便有終。 續。 息。 屈之氣復爲方伸之氣。 陽已復生,物極必返,其理須 如《復》卦言「七日來 見之。 屈伸往來 只是 生生之理 復」, 理,不 其間 如

處

與 應 加 明 道 已,更有 先生曰:天地之間,只有 甚 事 箇 感

仁? 將聖賢 子曰 愛之謂仁。」非也。 愛爲仁,則不可。 曰仁之端,則不可便謂之仁。 . 問 愛自是情,仁自是性,豈 孟子言:「惻隱之心,仁之端也。」既 所言仁處類聚觀之,體認出來。 仁,伊川先生曰:此在諸公自思之, 惻 隱之心,仁也。」 仁者固博愛,然便以 後 退之言: 人 可 專 遂 以 以 :「博 愛爲 愛 孟 博 爲

生之性便是仁,陽氣發處,乃情也 問: 仁與心何 . 異? 日: 心譬 如 穀種,

> 説者謂 大概 義 研 訓覺、訓人、皆非也。 訓 窮之,二三歲得之,未晚 宜 · 禮 訓 别, 智 訓 知 當合孔孟 仁 也 當 何 訓 ?

後惡; 不善。 也; 先是而後非。 節,則無往而不善。● 凡言善惡,皆 得而後有失,非得何以有失也?」 性即理也。 言吉凶, 喜怒哀樂未發,何嘗不善? 《易傳》曰: 皆先吉 天下之理,原其所自,未有 「成而後 而後 XI ; 有 敗,敗非先成 言是 先 發 非, 善 而 中 皆 而

之水。 西 則可謂之情,不可謂之心。 心本善,發於思慮則有善有不善。若既 義爲理,在人爲性,主於身爲 却 問 謂之流 至 心有善 如 流 也 丽 悪 爲 否? 派,或行於東,或行於 曰: 譬如 心,其實 在 天 水,只可 爲 命,在 也。 謂

「善」下,元刻葉本有「發不中節然後爲不善故」十字。

0

禮

儀

白

威

儀

千

無

物

而

非

也

濁 則 才濁 性 出 一於天,才出於氣。 才則有善有不善,性 氣 清 則 則 無不善。 才清,氣

性 者自然完具,信只是有 此 者 也 故 四

端 不言信。

惻隱之心,人之生道也。 心,生道也。有是心,斯具是形以 生。

形,山 其 始。 未嘗 感 遇聚 止 浮 横渠先生曰: 川 息。 而 之融 結,D 上 一者 此 結 虚 爲 陽之清 實 糟 風 氣块: 動静之機 粕 雨 煨 降 爲霜 然 燼 太虚 圃 雪。 無 下者陰之濁。 陰 非 升 陽剛 萬品之流 教 降 也。 飛 柔之 揚,

殊; 其陰陽 游 氣 紛 兩端 擾, 合而 ,循環不已者,立天地之大 成質者, 生人 物之 萬

下同

天 體 物 不 遺 一,猶 體 事 而 無 不 在 也。 義。

「昊天日 明,及爾出王。 昊天 日 旦,及爾

游

衍」,無一物之不體也

鬼神者, 二氣之良 能 也

之謂鬼,以其歸 氣日反 物之初生,氣日 而 游散。 也。 至 之謂 神,以 其伸也,反

至

而

滋

息。

物

生

既

周 知順吾理者,則 惟大人爲 知,愛必兼愛,成不獨成。 性 者,萬 能盡 物之一源,非 其道。 亦末如之何 是故 矣。 有 立 彼自 必 我 之 俱 蔽 得 立 塞 私 知 而 也, 必 不

也。 之而 所謂 横渠《易説 無 「感 不覺 故神,譬之人身,四 IIII 遂 不不 通」,「不行而 · 待 心 使至 此 [體皆 至,不疾 而 後覺 物, 也。 加 故 速 此 觸

心 须統 性 情 者也

結」, 元刻葉本作「散」。

以有人物之别;由蔽有厚薄,故有知愚之以有人物之别;由蔽有厚薄,故有知愚之以有人物之别;由蔽有厚薄,故有知愚之以有人物之别;由蔽有厚薄,故有知愚之

地

儲精,得五行之秀者爲人。其本

也

真而

近

賢。 不失於令名。《通書》。下同 學顏子之所學,●過則聖,及則賢,不及則亦 怒,不貳過,三月不違仁。志伊尹之所志, 堯舜,一夫不得其所,若撻 伊尹、顔淵、大賢 濂 溪先生曰: 聖希 也。 天, 伊 于市; 賢 尹 耻 希聖,士希 其 顔淵不遷 君 不 爲

111 面 而 爲 行,行之爲事業。彼以文辭而已者,陋矣。 好學。 至 先 通 生日 敷 也,然則顏子所獨好者,何學也? 或問:聖人之門,其徒三千,獨稱 聖人之道,人乎耳,存乎心,藴之爲 夫《詩》《書》六藝,三千子非 學 以至聖人之道也。 然。 學之道如 何 ? 聖人 日 不習 山 顔 天 學 伊 子 德

> 信。 惡、欲。❸情既 静 久而弗失,則居之安,動容周 次必於是,顛沛必於是,出處 行之果則守之固。 誠之之道,在乎信道篤。 養,●然後力行以求至,所謂 性而亡之。然學之道,必先明諸心,知所 愚者則不知制之,縱其情而至於邪僻,梏 覺者約其情 其中動 ",其 形既 未發 而 生矣,外物觸其形 七 也 ,使合於中,正其心,養其 情出焉,曰喜、怒、哀、樂、愛、 Ŧi. 熾而益蕩,其性鑿矣。 性 仁義 具焉, 忠信 信道 日 而 自 旋 語 不 篤 動其中矣。 離 明 中 默 則 禮 必 乎心,造 而 行 禮 於是。 加 之果 是故 誠 性 也。 邪 其

近思録卷之二

[「]子」,底本校記云。 「其」,底本校記云: 「顏子,宋板作顏 「動其中,宋板作動于中。」 **漁**。

樂」。底本校記云 「一作懼。」

底本校記云 作往。」案元刻葉本作「往」。

之也。 《文集》。 至,而 仲 禮 僻 以 化 與 篤學之之道 善未嘗不知,知之未嘗復行 弗失之矣。」又曰: 有 而 矣。 (聖人 之心 至 博 中 尼 勿 於 聞 稱 視 爲學之道遂失。 顔子則必 相去 以其好學之心 無 道 之, 强 後 非 記、 者。 自 人 禮 則 息。 也。 生 不 日 巧文麗辭 勿 矣。 則今之學與 · 達, 聽 思 然聖· 而 「不遷怒,不 以 所未至者,守之也,非化 得 故 非 後 謂 ,假之以 顔 禮 不求諸 爲工 得, 聖 善 子 則 勿 本 所 顔 必 不 也。」此 言 一,榮華 則 事 子 生 年, 勉 思 己 拳 貮 非 所 知 而 而 而 則 拳 則不 過 禮 其 其言 好 後 得 求 日 非 服 勿 、好之、 異 中, 諸 學 不 有 日 膺 動 「,鮮 矣。 外, 勉 其 不 非 口 而 面

不 所 調 動 定者 横 渠 累 先 於 動 牛 亦 外 問問 定, 物 於 明 何 静 道先 如 亦 定 生日 明 無 道 將 先 定 迎 性 生 無 未 能 内

所

悪

於智者

爲

其

鑿

也

與

其

非

外

而

是

是反鑑 自然。 東而 又烏 外。 其 不 朋 不 在 爲 能 窮,不可 無 萬 而 身, 物 能以 從 情。 知 外 適 順 有 道 性 生 爾 可 時 内 苟 應 而 行 一大率 今以 思。」 以 而 於 有 故君子之學,莫若擴然 遽 之 外 無 得 何者 《易》 其 索 語 外 爲 西 無 心 也 而 物 庭 照 惡 苟 定 爲 也 内 除 爲 患 聖人 哉 也。 爲外,牽 外 應 規 外也 且 曰:「貞吉悔亡, 也。 不 在 在 ? 物 迹,用 非 規 以 内? 見 於 《易》曰 之常, 之心 惟日之不足, 於 0 性 夫天 人之情各有 其 自 外 既 爲 己 人。」《 智 私 是 而 誘之除 以 隨 偂 地之常 以 一、一、艮 則 而 有意於絕 内 求 物 從之, 其 用 不 孟 照 外 於 而 情 能 智 憧 外 子 其 以以 爲二本, 無 所 大公,物 顧 將 順 以 是 「憧往 蔽、故 背,不 物 自 其 見 亦 明 萬 則 以 其 外 之地 端 覺 私 滅 事 日 心 誘 當 己 獲 爲 於 來 普 川 不 無 則 其. 性 而 而

之正 也? 烏 怒,以物之當怒。是聖人之喜怒不繫 累哉? 内,不若内外之兩 思過半矣 理之是非,亦 者,惟怒爲 而 繋於 得 無 爲 以 今以自私用智之喜怒,而 如何 事則定,定則 從 物也。 聖人之喜, 外者 甚。 哉 可 ? 是 見外誘之不足惡,而於道 第能於怒時遽忘其怒, 爲 則 非 志 夫人之情,易 (明,明 聖人 以 也 面 物之當 更求 豈 兩 則 不 忘 尚 在 應 視 喜 則 何 發 内 聖 於 澄 應 者 聖 人 而 物 物 然 於心 人之 爲 之爲 喜 而 難 哉 無 是 亦 觀 制 怒 ? 事

則天下 甚 不 雖 ·得已 欲 約 不 制 Ė 也 伊 也 ĬΠ 之理有 得乎? 則 先 後之人 生人之道 蓋 生 有 答 闕 始執 是言, 然 焉。 朱長 其 有 卷,則 包 如 文 不足 則 彼 涵 書 是 耒耜 盡 矣。 以 日 理 天 文章爲先,平 : 明 聖 下 陶 聖賢之言, ; 賢 之理,亦 冶之器, 無 (之言, 是言,

> 没身無 私 所謂 得 所 生 可 所 以 其 闕 心 爲動 厲 也。 欲使後人見其不忘乎善,此乃世人之 要,則離真 ,乃無用之贅言 中人,君子所存,非 善 多於聖人, 可 夫子「疾没 稱 云 失正,反害於道必矣。 爾,非 然有 也。 世 而 謂 之 不 名不 所 疾 止 無 汲 無 贅 所 稱焉 汲 名 而 補 也 己 一者 無 來 既 之 「, 疾 書 靡 不

之始 與 既 條 以 至 存 知 而 居 理者,知之事也」。 義,所 終也。《易傳》。 業 所 後至之,知之在先,故可與幾,所謂「始 内 終,則 也 積 忠信, 謂 知 「終條 力進 所 至 以 下同 至之」,致 而 理 進 終之,守之在 「知終終之」,力行也 者,聖 德 也; 一之事 知 擇言 也。 也。 後,故 篤 求 志 知 此 可 所 所

外 敬 也 文 而 君 内 子 敬 直 主 義 義 敬 既 立 以 形 其 直 丽 其 外 、德盛 内, 方。 矣,不 守 義 義 形 以 於 期 方 外 大 其 丽 非 在

利, 矣。 孰爲疑乎? 德不 孤 也 無 所 用而不周, 無所施而 不

有眚,不利有攸往。」 往則妄也。 則妄也,乃邪心也。 妄之義大矣哉! 動以天爲无妄,動以人欲則妄矣。 故《无妄》之《彖》曰: 雖 既 無 邪 已无妄,不宜有 心, 苟不合正 其 匪 往 无 正

識 之言與行。 而得之,以蓄成其德。 人之藴蓄,由學而大,在多聞前古聖賢 考跡 以觀其用,察言以求其心,

取象。 九 思。」傳曰:感者,人之動也,故咸皆就 擇合而受之,非聖人有感必 日 感之道無所不通,有所私係,則害於感通 四 中無私主,則無感 《咸》之《象》曰:「君子以虚受人。」傳 曰:「貞吉悔亡,憧憧 四 當 心 位 而 不 言咸 不 通。 其 往 通之道 心,感乃 以量 來,朋 而容之, 也。 心 從 人身 也。 其 爾

> 所謂 者不能感也。 以感物,則心之所及者有能感 中無我之謂也。 無 事,豈能廓然無所 不 通、無 悔也。 不應者,亦貞 聖人感天下之心, 以 若往來憧憧然,用 有 係之私 不通 乎 而 心,既 己 ? 矣。 而動,所不及 如 寒 主 貞者,虚 暑 於 其 雨 私 晹 隅 心

之乎? 君子之遇艱阻,必自省於身,有失而致 有所未善則改之,無歉 於心 則加

勉,乃自脩其 德 也。

則

明

無

所

用。

《經説》。下同 雖樂於及人,不見是 説也。以善及人,而 習,重習也。 非明則動無所之,非動 時復思繹,浹 而 信從者衆, 無悶,乃 所謂 故 治 於 可 心中,則 樂 君 子。 也。

之學者爲人」,欲見知於人也 古之學者爲己」,欲得之於己也,「今

伊川先生謂方道輔曰: 聖人之道,坦

以 是。 之不 止 然後不知手之舞、足之蹈、不加 而 治經者亦衆矣,然而買櫝還珠之蔽,人人皆 如大路,學者病不得其 水道 矣。《手帖》。 不及道,乃無用之糟 到 經,所以 也。 ,勉之又勉,異日見卓爾 求人其門,不 載道 也,誦 門耳。 粕耳。 其言辭,解其 由 於 經 得 勉而 有立於前 其 乎? 門, 不能自 訓 今之 無遠

知。

其言 子 大事 若只是脩 居之處,則可 何處下手? 敬以 脩 細 辭 ,,却只是「忠信 一辭,正 理 明 立其 直内、義以方外」之實 道先 會。 飾 誠 爲立己之誠意, 生 言 言 以脩業也。 惟 爲 一辭爲 日 能 立 實脩業處。 脩 誠 所 心,只是 省 脩 纔 以 言 辭 有 進 終 解, 立 可居之處。 德 事。 《遺書》。 乃是體當自家 其誠」,不可 爲 日乾乾」、大小 一爲 便是要 僞 道之浩浩 實下手處 也。 下同 立 若脩 有 誠 미 不

> 若迫 有緩急,不容如 切 伊川 不 先生 中 理 曰: 是之迫。 則 反 志 爲不 道 懇切, 觀天 誠。 地之化 蓋 固 實 是 理 誠 乃 中自 意 可 ;

進 要學得不錯,須是學顏子。 顏子,人聖人爲近,有用 誠 明道先生曰:且省外事, 心,其文章雖 孟子才高,學之無可 不中,不遠矣。 力 依據。 有準的 處 但明 又 學者當學 日 乎善, 所守 惟

培。如求經義,皆栽培之意。學者識得仁體,實有諸己,只要義理栽

約

泛濫

無功

處,所樂何事。 昔受學於周茂叔,每令尋顔子、仲尼樂

事。量力有漸。志大心勞,力小任重,恐終敗量力有漸。志大心勞,力小任重,恐終敗所見所期,不可不遠且大,然行之亦須

朋友 須是大其 講 習 心使開 更莫如 闊 相觀 譬如 ௱ 爲 善工夫多。 九層之臺

須大做脚須得。●

孫 叔敖舉於海」,❷若要熟,也須從這裏過。 明道先生曰:自「舜發於畎畝之中」至

參也竟以魯得之。

道曰: 背,面發赤。 記問爲學,自負該博,對明道舉史書,成篇不遺一字。 學時,録古人善行,別作一册,明道先生見之曰:「是玩 以經語録作 甚不服。 (志。) 蓋言心中不宜 明道先生以記 「賢却記得許多,可謂玩物喪志。」謝聞此語 後來省悟,却將此事做話頭 册。 及看明道讀史,又却逐行看過,不蹉一字,謝 鄭轂云: 容絲髮事。 誦博識爲玩物喪志。 嘗見顯道先生云: 胡安國云: ,接引博學之士。 謝 先生 某從洛 汗 一初以 流 浹 明 物 時

禮樂只在進反之間,便得性情之正。 以

上並明道語

之間。 父子君臣,天下之定理,無 安得天分,不有私心,則行一不義、 所逃於天地

> 殺一不辜, 有所不爲。 有分毫私 便不是王

者事。

論性不論氣,不備;論氣不論性,不

明。 二之則不是。

曾點、漆雕開已見大意,故聖人與之。 論 學便要明理,論治便須識 體

趨向既正,所造淺深則由勉與不勉也 根本須是先培壅,然後可立趨向也。

懈意一生,便是自棄自暴。

敬、義夾持直上,達天德自此。

不學便老而衰。

人之學不進,只是不勇。

學者爲 氣所勝、習所奪,只可 責志。

孫叔敖 須」, 崇禎本、 舉於海」,底本校記云。「宋板作百里奚舉於 元刻葉本

0

内重,則可以勝外之輕,得深,則可以

見誘之小。

董仲舒謂:「正其義,不謀其利;明其

者,坤道也。

居

小,智欲圓而行欲方。」可以爲法矣。道,不計其功。」孫思邈曰:「膽欲大而心欲

安排布置者,皆非自得也。大抵學不言而自得者,乃自得也。有

要識得真與妄爾。 視聽、思慮、動作,皆天也,人但於其中

化,却 其 而已。 行。」只此是學。 其參於前也,在興則 忠信,行不篤敬,雖州 「言忠信,行篤敬,雖蠻 明 與 則 故「切問 道 天 先生曰:學只 也。 地 同 體。 「而近思」,則「仁在其中矣」。 質 美者明 浸其 其 里,行乎 (次惟 貊之邦,行矣。 要鞭辟近 倚於衡也,夫然後 得 莊 哉? 盡 敬 持 查 裏, 養。 滓 立 言不 著己 便 則 見 及 渾

> 業」者,乾 忠信 所 道 以 也 進 ; 德」, 敬 「脩 以 直 辭 内, 立 義 其 以 誠 方 所以

知

事,惟有此二者,餘無他焉。二者,爲己、爲 人之道也。 蠱》之《象》:「君子以 有人治 園 圃、役 知 振 力 甚 民 勞。 育德。」君子 先 生 之

是徹上徹下之道。「仁在其中矣」? 學者要思得之。了此便「仁在其中矣」? 學者要思得之。了此便「博學而篤志,切問而近思」,何以言

居之。《西銘》言弘之道。弘而不毅,則難立,毅而不弘,則無以

高 先 而 後 次序。 己。 伊 Ш 先 常愛杜 今之學者,却只做 生曰:古之學者, 元 凱 語 若 優柔 江 場 海 之浸、 話 厭 説 飫 有 膏 務

高。 澤之潤, 然游夏一言 也。」今之學者,往 如人游心於千里之外,然自身却只在 涣 然冰 事 釋, 却 往 怡 總 以 是實。 游 然 夏 理 爲 順 後之學者好 小,不足學。 然後 爲 得

此應。

此應。

「常人之至於聖賢、皆工夫到這裏、則有命、常人之至於聖賢、皆工夫到這裏、則有

此。

則公平。忠恕所以公平。造德則自忠恕,其致

之用也 所以 體之,故爲仁。 是仁之理,不可將公便唤做仁。 能 仁之道,要之只消道一「公」字。 認,所 以 只爲 能 愛,恕則仁之施,愛則仁 公則 物 我兼照,故仁, 公而以人 公只

不闊 步,及到峻處 今之爲學者, 便 如 登 止 山 麓 須 是要剛 方 其 迤 決果 邐 敢 莫

以進。

子? 意,便是有箇私 知見,一切事皆所當爲,不必待 謂要力行, 心 亦 這一點意氣,能得 只 是 淺 近 著 語 意 人 幾 既 纔 能 時 著

者之學。欲趨道,舍儒者之學不可。焉。一曰文章之學,二曰訓詁之學,三曰儒古之學者一,今之學者三,異端不與

孔門無 文,不專意則不工,若專 喪志。」爲文亦玩物也。 又安能與天地同其大也? 學如元 問:作文害道否? 曰:害也。 凱方 事 丁, 成 癖,文似 輸 顔氏 得 相 吕與叔 意,則 心 如 <u></u> 齋。」古之學者 書》 始 類 志 日 有 俳 局 詩 「玩物 於此 凡爲 云 獨 立

游 觀 自 謂 務 惟 日 爲 夏 成 聖 0 章 務 乎人文以 古者學爲文否? 文 人 旬 稱 養 詞 耳 亦作文,不知聖人 悦 情 章 文學,何也? ,所謂 性 也 耳 化成天下」,此豈詞章之文也 , ? 自 其 且 有德者必有言」也 他 既 如 則 務 觀乎天文以察時 曰:游夏亦何嘗秉筆 不 悦 曰 : 學。 亦 人,非俳優 人見六經, 攄 今爲 發 胸 中 文者, 而 所 便 日 何 變, 藴 ? 以 : 專 ?

等。 道 由 義 爲志,言人便以聖爲志。 者 才如 莫説 差 此 道 等不同,其 説 將 便 第 一等讓 是 自 自 小 棄 與 别人,且 也。 雖 與 言 不 學 做 能 第二 便 居 以

涵

養

須

用

敬

,進學則在

致知

也。

莫是 用 是 敬 涵 中理否? ,不知集 養 問:「必 事 了必 有事 義, 日 有事 却 焉」,當用 是 中 焉 都 理 」,須用集義 在 無 事 事 敬 也。 ,義在心。 否? 又問 日 只 . 知 敬

> 凊 須是 也。 也。 道 當 義 若只守一箇敬,不知集義 知 問 如 且 便 所 如 何,然後能盡孝道 知 敬、 以 欲 有是 爲孝之道 爲 義 孝,不成只守著 何 有 别 非。 ? 一,所以 日 順 也 理 侍 敬 而 奉 ,却是都 只 行 當 是 箇 如 是 持 孝 何 爲 己 無 字。 之 事 温 義

爲 近 名 名 與 學者須是務實, 2不要近名方是。 則爲 爲 利 僞 , 也。 清濁 雖 大本已失, 不同, 然其 更學 利 心 何 則 事 有 意

私意,有少私意,便是不仁。「回也,其心三月不違仁」,只是無纖毫

● 「古」上,底本校配云:「宋板作昔之。」

「易」,底本交引云:「易爲,天反丰是爲。」「是」,底本校配云:「須是,宋板作須要。」

.作「是傷」。

一七

者 先 難 而 後 獲 有爲 而 作 皆先 獲

也。 古人惟知爲仁而已,今人皆先獲 也

有求爲聖人之志,然後可與共學,

而 善思,然後可 與適道; 思而 有所得, 則 可

與立; 古之學者爲己」,其終至於成物, 立而化之,則可 與權

之學者爲物,其終至於喪己。

不日 新者必 君子之學必 日 退,未有 日新。 不進 日 新 而 者, 不 ·退者。 日進 也。 惟

聖人之道 無 所進退,以其所造者極也。 以上

並 **煮**遺 書

明 道 先生日: 性静者可 以 八爲學。

弘 加 不毅,則 無 規 矩, 毅而 不弘, 則 溢

陋。

伊 知 JII 性善,以 先生日 忠信爲本,此先立其大者。 人安重 ,則學堅固

博學之,審問之,慎思之,明辨之,篤

行之」,五 者 廢 其 非 學 也

八

張 思 叔 請 間 其論 或太高,伊川 不

良久曰:累高必自下。

學

明道 先生曰:人之爲學, 忌先立

一標準

若循 循 不已 ,自有所至矣。

西銘》看。

今

尹

彦

明

見

伊

川

後

半年,方得《大學》、

有人説 無 心 伊 川 日 無 心 便不 -是,只

當 云無私 心。

何? 會 則 鍛 是 鍊 有 謝 對曰:天下 得 顯 此 人,説 道 理 一,賢 見伊 了又道,恰好著工 却發 何思 川,伊伊 得 何 太 ĬΙ 慮 早 ? 在 曰: 近 伊 夫 伊][也 日 川 日 直 事 是 是 如

語 伯 謝 顯 淳 Ħ: 道 云: 與 賢説話,却 昔伯淳 教誨,只管著他 似 扶 醉 漢,救得

0 伊 川, 底本校記云。「一作伯淳。」

邊,倒了一 邊。 只怕人執著一邊。 以上《外

之能 求利 吾内也 强 吾外也; 横渠 ; 「窮神知化」,乃養盛自至,非思勉 故崇德而外,君子未或致知也 先生曰:「精義入神」,事豫吾内 ,「利 用安身」,素利 吾外,致養

性 存焉。 形 而 故氣質之性,君子有弗性者焉 後有氣質之性,善反之,則天地之

於德 不可變者,獨死生脩夭而 德 不 窮 勝 理盡性,則 氣 ,性命於氣; 性 天德、命天理。 己。 德勝其 氣 性性 氣之

勝, 則物欲行。 非天也。 領惡 陽明勝,則 而全好者, 德性用; 其必 陰濁 由 學

乎!

則 心 爲 大其 盡 有外。 性 不不 心,則能體天下之物。 以見 世人之心,止於見聞之狹, 聞梏其心,其視天下,無 物有未體,

近思録卷之一

天大無外,故有外之心,不足以合天心。 物非我。孟子謂盡心則知性知天,以此。

我,有方也。 也。 意,有思也; 仲尼絕四,自始學至成德,竭 四者有一焉,則 必,有待也; 與天地爲不 固,不 兩端之教 化也 相

似矣。

行。 也。 其知崇矣。 故知禮成性而 知崇,天也,形而 上達反天理,下達徇 知及之,而 道義出,如天地位 上 不以禮性之,非己 也。 人欲 通 者敷 晝 夜 圃 圃 知,

有 「人有德慧術智者,常存乎疢疾」,以此。 養,瞬有存。 言有教,動 困之進人也,爲德辨,爲感速,孟 有 法。 晝有爲,宵有得。 子 謂 息

0 「矣」, 底本 校記 云: 「宋板無矣字。」

九

有

易

 $\overline{\circ}$

之顧 順 恭 賊。 吾與 吾其 也 而 爲 則 且 連 凡 弱 母 子之家相也。 令者 善 天下 也 底 無 ,所以幼其 耐 貧 憂,純 養 也。 豫 忝,存心養性 述 濟 無 體 予兹藐 横 鸌 悪者 體其 舜 其 告 疲 育英 伯 天 憂 癃 事 先 大君者,吾 者 其 奇 受 乎孝者 地 窮 不才 殘 戚 焉,乃混 也。 生 功 幼。 /材, 之帥 也 而 一作《訂 尊 疾、惸獨 也 神 庸 歸 其 于時 潁 高年,所以 爲 聖,其合德; 則 玉 富 也。 全者,參乎 無 封 匪 父 吾 然 善 踐 汝 貴 頑 解 所 人之錫 懈。 保之,子之翼 母 其 中 繼 形 違曰 **>** 於 福 逃 宗子; 寡,皆吾兄弟之顛 性 處 日 其 惟 澤, 成 : 而 惡旨酒 長 志 肖 . 悖 也。 類。 乾 待 將 民 故 者 賢,其秀也。 其長,慈 德, 烹 其大 稱 吾 天 厚吾 不 也 勇 存, 崇伯 父, 地 同 害仁 於 申 愧 不 也, 八臣,宗 之塞 胞 之 吾 從 知 坤 生 弛 屋 生 物 其 绺 子 漏 化 曰 樂 孤 順 丽 稱

> 子性善、 於兼 之,即 外者也。 不及,不亦異乎! 比 之方也; 分之罪,兼 而分殊,墨 此 事 曰:《訂 乃仁之體也。 雜,秦漢以 正蒙》。 圃 地 3 同之, 愛, 位 涣 没 頑》立 自 養 然不逆於心 何 無 《西銘》之書 楊中立問曰: 天則二 過 别 吾 愛 氣之論 如 來學者所未 别 矣。 而 有 寧 而 學者其體此 心,便達 見 無 迷兼愛 伊 也。 本 處,不 且 義。 同 川 彼 而 功 EÍ. 先 到。 推理 分立 無 明 得 欲 《西銘》言體而 豊 , [1 生 以 使 分。 道 此《中 天德。 意,令有諸己。 第高 墨氏之比 日 又曰: 至於無父之極 先 人推 以 顺 分殊之蔽,私 生 存義, 推 横 庸 極 又曰: 日 理 而 渠 俞訂 遠,恐 》之理 行之,本爲用 立言 念訂 哉 擴 以以 頑》一 不及用,恐其流遂 前 也 游 於 頑 聖 止 其地 ,義之賊 誠 能 酢 道 》之言 勝 篇 所 私 西 有 得《西 水於言 無 勝 而 未發, 銘 過 位 意 失仁, 補 也 之流,仁 1已高 者 》明 極 也。 也。 極 銘》 完 反 理 與 乃 語 醇 備 子 到 無 孟 在 至 之 讀 又 無

動 作於謀 又作《砭 也。 愚 發 **>** 日 於聲,見乎四支, 戲 言 出 於 思 謂 忧 非 , 己 戲

非,

不

智

孰

甚

焉

? 咎

Ĕ

《東

銘

V

以

上

並

Ê

愚

伊

ĴΠ

日

是

起

徐

以

聽

其自適,

非

所

聞

也

戒

其

出

汝者

歸

志

其

也

體

謂己

]當然,

自

誣

也

欲

他

人己從,

誣

勤

歸

咎

爲

己

戲;

失

於

不

非

心

也

過

動

非

誠

也

失

於

聲

繆

迷

其

兀

惡

*

心

-, 不

明

也

欲

人

無

己

疑,

不

能

也

過

賢。 德 乃 下 欲 進 將 豆 勝 脩 而 己者 己 不 一,必 古 親 矣。 先 無 厚 忠 如 重 信 以 改過之不吝。 進 自 德,惟 持 厚 尚 重 友 《横渠文 知 而 學 急

人,病 游 難 1 悟。 浸 横 源 設此 渠 熟,有一 何 先 在 語 生 ? 者,蓋欲學者 謂 H 巽 范 脱 之請問。 然 巽 如 之日 大 寐 存意之不忘, : 先 之 吾 生日: 得 輩 醒 不 耳 及 此 庶 古 非

> 美,然且 疑 講 而 務 之地 何 治 未 時 厭 之 知 敏 敏 ? 不 文 以 然 心 精 水水之。 所以 厥 後 脩 若 惡 講 急於可欲者,求 乃 决 思多之致 治之思,❷莫 今持 江 來 加 以以 不 故 逮之資 疑 雖 利 3 仲 吾 非 既 尼 立吾 往 術 知 之 圃 内 所 才 欲 遜 心 Ì, 之 於 雖 徐 此

易視 之則 明 善 小 爲 ·, 在 本, 人能弘 固 執 之乃 之 加 文 已 擴 充 之 則

此 所 求 義 年 於 今且 亦 間 改得 安得 是 學 只 博 者 少不 不 、將尊 文約 有 長 所 ? 善 德 禮、下學上 背 每 此 性 否 日 德 而 於 須 性 道 求 E 德 問 達 多 之益 性 學 少 有 爲 以 爲 所 心, 讀 此 益 懈 警 書 日 否。 求 策 自 知

_

以 É 底本校記云: 並 Œ 蒙 心,此 Ŧ 字原缺,據底 作 致。」 案元刻 本校記引宋板 葉本作「致」。 補

頃 多 義 閒 識 理 度 前 編 ,逐日似此,三年 言往 書 須 行 理 會 此 問 有 學 所 歸 E 庶 益 著,勿徒 幾 有 也 進 勿 寫 使 過, 有 俄 又

爲天地立心,爲生民立道,爲去聖繼絕

學,爲萬世開太平。

盛 況德性自廣大。《易》曰:「窮神 習,便自然脱 之物,解纏繞即上去。 便除去了世俗 也。」豈淺 載 須放心寬快,公平以求之,乃可 所 以使學者先學禮者,只爲學禮 心 灑 可 也。 得 副當習熟纏 ? 又學禮 横渠《易説 苟能除去了一副當世 ,則可以 繞。 知 譬之延 化,德之 守得定。 見道, 章 則

欺妄人我,寧終身不知。横渠《論語説》。知,故亦不肯下問。從不肯問,遂生百端,又爲人以道義先覺處之,不可復謂有所不又爲人以道義先覺處之,不可復謂有所不

多聞不足以盡天下之故,苟以多聞而

之不測 待天下之變,則道 ,則遂窮 矣。 足 横渠《 以 、酬其 《孟子説》。 所 嘗 下 知 同 若 劫

爲人之弊,卒無所發明,不得見聖人之奧。爲學大益,在自求變化氣質。不爾,皆

文要密察,心要洪放。《語録》。下同

不知疑者,只是不便實作,既實作,

則

心大則百物皆通,心小則百物皆病須有疑。有不行處,是疑也。

苟不忘,則雖接人事,即是實行,莫非道也。

雖

有

功,不及於學,心亦

不宜忘。

۱Ļ

心若忘之、則終身由之、只是俗事。

合内外、平物我,此見道之大端。

害。 德 未 既 成 而 有 先以 意 必 功業爲 穿 鑿 事 創 是是 意, 作 代大匠 起 事 斵,希不 端 也。

^{●「}端也」。底本校記云:「宋板無端也二字。」

足,而未果他爲也。 明者一覽,如見肺肝然,多見其不知量也。 窮源,勇於苟作,持不逮之資,而急知後世。 窮源,勇於苟作,持不逮之資,而急知後世。

吾言無所不説。 不肯言其道義所得所至,不得見底,又非於不,言其道義所得所至,不得見底,又非於

不肯自治,只言短長,不能反躬者也。 耳目役於外,攬外事者,其實是自墮。

學爲已學。 學者大不宜志小氣輕。志小則易足,

近思録卷之二

近思録卷之三凡七十八條

然後能 是非 其 中」,君子不貴也。《文集》。下同 心 「知言」是也。 ",猶 智,雖 伊 辨 JII 不持權 先 是 使 非, 生答朱長 時 如持權 衡而 中, 心不 酌 亦 通於道,而較古人之 文 衡 輕 古 書 以 人所 重,竭其目力,勞 較 티 : 輕 謂 心 重、孟 通 億 乎 則 子 道 屢 所

條

暢

所以 得。 之方也。 賢哲,固多衆人。 矣,惟其不敢信己而信其師,是故求 今諸君於頤言,纔不合,則置不復思, 終異也。 伊川先生答門人曰:孔孟之門, 不可便放下,更且思之,致知 以衆人觀聖賢,弗識 mj 者 豈 皆 後 名

伊川先生答横渠先生曰: 所論大概,

乎? 明 有 識之矣,考索至 室,小出 苦心 睿 更願完養思 所 極力之象, 照 入時有之。 加 者,如 考索 慮 揣 而 至 料 涵 明所 無 此 於 寬 物, 泳 照者,如 故 裕 義 約 意 温 見 理 髣 屢 目 厚 髴 他 所覩,纖 偏 之 爾 日 而 氣 能 自 言 微 無 當 名 非 差 盡

下同。 然未 慮有 有得 嘗有人言:比因學道,思慮心虚 血氣,固有虚實,疾病之來,聖賢所不免, 聞自 ,中心悦豫,沛然有裕者,實 得,心氣勞耗者,實未得也,强揣 欲知得與不得,於心氣上驗之。 古聖賢 因學 而 致心疾者。 曰:人之 得 也 《遺書》。 度耳。 思 盧 思

若於事上一一理會,則有甚盡期? 須只於今日雜信鬼怪異説者,只是不先燭理。

學原於思。

學

E

理

會。

則 默 規 已 識 模 ,欲學之,須熟玩 玩 雖 所 謂 略 索久之,庶幾自 相 日 似 月 至焉」與 其 意 味 味聖人之氣象,不 久 氣 得。 象 而 學者不學 迥 不 息者 别 0 須 聖 心 所 潜 可 見

理

於名上

理

會,如此只

是

講

論

文字。

+ 真 難 事 自 也 非 周 行 是 其 知 時 旋 知 也 然 固 事 難 無 中 了 間 樂 勉 有 纔 亦 解 强 方行得。 知 之 伊 禮 循 不難 知 堯許多聰 釋 忠信進 有多少 也 行者 111 ? 理 得 經 先 一。但爲 是, 如 義 安 生日 性 未 子所言,是篤 德之事 般 若不知,只是覷 便泰 與 致知, 本 明 能 數,煞有深淺,學者 人不知,旋 今無 : · 善 睿智,怎生得 持 然 學 久? 行將 便欲 循 者 異 固 理 固 可 去 誠 當 而 然 安 除 信 勉 也 意,是躐 强 思 排 行 非 勉 而 却 如 然 今日 强 著, 燭 固 堯 是 某 他 守之, 理 學 順 然 致 年 須 便 動 明, 等 是 道 理 容 他 須 知

> 得 意 味 與 少 時 自 别

道。 若只 物 只要積累多後,自然見去。 者,非道盡 既 窮 多 别 理 亦 物 ,然後脱然自有貫 格 多 也 凡 須是今日格 而 其 端 萬 窮了天下萬物之理 是 物 物 或問 理 非 或 便 皆 讀書講 有 通 或 知 格 衆 ? 應 件, 物 理 理 接 明 曰 須 雖 , 明 通 事 . 須 又不道 義 物 處。 物, 日又格 顔 怎 是 理 物 子 得 窮 ; 而 是窮 又曰: 格 亦 便 或 致 處 之, 得 會 其 論 不 其 件, 所務於窮 敢 還 古 貫 當。 理 理 只 今 積 如 通 便 到 格 習 此 皆 人 窮

著 思 這 亦 事 E 不 思日 事 思 通 未 也 [睿], 得 蓋 且 思慮 之 别 知 换 久 識 後 於 事 ~ 睿自 這 思 裹 之,不可 然 蔽 生。 著 若 雖 專 强 守 於

0 焉 下 崇禎 本有「者」字

五

至 則 間 如 之 人 有志 何? 於學, 曰: 只 然 是 知 識 致 蔽 知 固 若 力 智 量 識 不

明

則力量自進。

日 彼 然有覺處 否? 是切於身。 知 先 即即 自 問 一身之中以至萬物之理,但 求之四端 日 曉此,此 不必 觀 然一 物 察 合内 如 草 如 己, 此 何 一木 説。 外之道 ? 還 皆有 因 曰 : 物 理會得多, 見 我 也。 理,須是察。 求 物 之情 反 理 又問 相次自 0 求 性 諸 纏 1然豁 固 致 明 身 又

有 渾水,久後稍 思 日 睿」,「睿作聖」。 引 動 得清者出 致 思如 來。 掘 人思 井, 慮 初

學者先要會疑。以上並《遺書》。❷問:如何是「近思」?曰:以類而推

始皆

溷

濁

久

角明

快

姦 此非難語 横渠 先 生答 顧語未必信耳。 范巽之曰: 所 孟 訪 子 物 所 謂 怪 知 神

> 自見。 怪 智爲物 欲委之無 辨、異端 失,不爲 諭 性 妄必矣。《文集》。 ,亦不待語 知 天,3學 知所從出 昏,交來無間,卒 不 異 窮,付之以不可 端 必攻,不逾 至於 所 而 後 劫 知天,則 下同 知 則物之當 進 期年,吾道 進 諸公所 無 不 知 物 以 Ē, 有當 所 自 則學爲 論 則 從 存, 無,莫不 勝 物 但 出 矣。 圃 怪 守之不 當 疑 溺 不 源 若 須 心 於 源

了悟爲聞,因有是説。 聖門學者以仁爲己任,不以苟知爲得,必以而聞。」既言「夫子之言」,則是居常語之矣。

義理之學,亦須深沉方有造,非淺易輕

^{■「}我」,原作「有」,據底本校記改。崇禎本、正德葉本

③ 「謂」,原作「論」,據底本校記引宋板改。
❷ 「以上並遺書」,此五字原缺,據底本校記引宋板社

不 能 推 究事 理, 只 是 心麓,至如顔子

未至 一於聖 人 處 猶 是心 麄

歷 險 阻 博 . 艱 學於文者,只 難、然後 其 心 、要得習坎心亨,蓋 亨通 人經

間 進 更 中 意 須 也 有 思差 得 所 義 朋 開 理 剜。❷ 友之助 0 有 疑 即 便 則 須日日 劄 濯 日間 記 去 一不思 舊見 如 朋 此 講 友 以 則還 論 論著,則 來 ,久則自覺 新 塞之矣。 意 日 心

爲 不復求。 善學也 凡 致 横渠《孟子説 思 到説 若告子,則到 不得處,始復審思明辨,乃 説 不得處遂已,更

義 ,然後可求 伊 《遺書》。 ĬI 先 生日: 其意。 凡 未有文義 看文字,先 不 須 曉 曉 而 其 見 意 文

者 要自 得。 六 經 浩 渺 下,乍 來 難 盡 曉

近思録卷之二

者也。

下同

之可矣。 且 見得路徑後,各自立得一箇門庭,歸

丽

求

言遠 人理 怎生强要鑿教深遠得? 人之言,自有近處,自 日 曰:「聖人之言,其遠如天,其近 曰:聖人之言,恐不 : 「周道如砥,其 ,甚分明, 凡解文字, 如 天,賢人之言近 如 但易 直如矢。」此 可以淺近 條 其 有 平 心, 深遠 如 揚 坦 自 地。 子 底 見 看他。 處。 日 道 之謂 理。 如 頤 路 地 如 與 聖人之 也 理 **三** 近 改 只 詩 處 之 聖 或 是

之事 理會 會文義者,又滯泥 事君之道如何 ,孟子只取其不背師之意,人 學者不泥文義者,又全背 不 也。 通 又如 如子 萬 濯 章 却 問 孺 須 遠 舜完 就 子 去 爲 上 廩 將 理 面

0

中」下,底本校記云。「心中下(宋板)多 日 間 朋 友論 著則」 此 八字原缺 據底本校記 一苟字。」

井如 浚 之學,徒費心力。 井 何 事 出 孟 得 子 來,完 只 答 廩 他 又怎 大 意 生下 人 得 須 要 來。 理 若此 會 浚

字字 實之謂美」,與《詩》之美不同 相梗。 凡觀書,不 當觀其文勢上下之意。 可 以 相 類 泥 其義,不 如一 爾 充 則

終日 文王 九三 説 易》,子曰:「 經 使。 去,自然是盡。 乾乾,未盡 義,如只管節節推上去, 所以聖,亦只 問 瑩 若謂: 中嘗 終日 乾乾是不已,不已又是道 得 愛《文中子 《易》,據 是箇不已。 乾乾可也。」此 只是理 不如此 此 可知是盡。 * 先生日: 句, 語 或 只 最 間 做 盡 凡 漸 得 夫 學

簡 是 體 無 如 「無 窮。 此, 子 一第二 在川 這 便道了得他 先 裹 生 上 須 F 是 티 : . 自 固 逝 見 是 者如 得。 道 無 斯夫」, 張 窮 繹 F 言道 怎 生 此 便 之

推

是這 墙 不能 讀 四 以 是不曾讀 南》,其猶正墻 亦奚以爲?」須是未 書只: 方,始是讀《詩》。 政,不達; 到 專對; 箇 今人不會讀 讀了 此 人,及讀了 便是 也 後, 既 使於四 讀《詩》後,便達於政 法。 面。 便不 書 後 如 面 須是未讀《詩 「人而不爲《 方, 讀《詩》時, 來,又只是這箇 如 讀 墻,方是 ^ 不 誦 論 能專 《詩 語 》,舊 有 周 不達 對。 三百,授之 驗。 》時 南 能 時 於政 一人,便 雖多 未 大 如 專 召 讀 抵 對 面

當思 其 凡 看文字,如 如 何 作 爲, 乃 七 有 年、一 益 世、百年之事 以 上並《遺書》。 不 下,皆 同

爾。 郊外 凡 書》。 解 經 不 同 無 害,但 緊要處 不 可

焞 初 到 , 問 爲 學之方。 先 生 E 公要

以上並 遺書」,此五字原缺,據底本校記引宋板補。

讀 約 知 玩 書 味,入心記著,然後力去行之,自有所得 爲 多 學, 須 ,如今多忘了。 而 是 不 讀 知 書。 其 約, 書 書 不 肆 須是將聖人言 必 耳。 多 頤 緣 要 知 少 語 時 其

語》、《孟》。《遺書》。 初學人德之門,無如《大學》,其他莫如 下同

孟 論》、《孟 一》,自有要 然見得長短 者先須讀《論》、《孟 影如 丈尺權 約 處, 輕 重 衡 以 相 此 似 觀 ×° 他 以 經, 此 窮得《語 去量度事 其 省 力。

甚 問 若能於《論》、《 一生氣質 ,將聖人答處 讀《論 語》者, (孟》中) 便 但將 作 深求玩味,將來 今 Ė 諸 弟子 耳 聞 自 間 處 然 便 涵 有 作 養成 得。 己

得此 之言語切 二書,切己終身 凡看《語》、《孟 己, 不 可 只 *, 7儘多 作 É 也。 須熟 場 話 玩 説 味 將 只 聖

> 讀了後不知手之舞之、足之蹈之者。 中 得 論 語 兩 旬 有 喜者,有讀 讀 了 後 全 無 了 事 後 者 知 好之者 有 讀 1 後

其

之,中夜而 以 語》、 則聖人之意見矣。 至者,所以未得者。 讀書者當觀聖人所 用心,與聖人所以 《孟子》既 學者當以《論 思之,平其 治, 則 語》、《孟子》爲本。 以 句 至聖人,而吾之所 六經可不 心,易其氣 作經之意 句 而求之,晝 治 與 闕 而 聖 誦 明 其 以 而 疑 所 未 味

讀《論語》、《孟子》而 不知道, 所謂 雖

,亦奚以爲」。

以上並

《遺書

學者須是玩 某始作此二書文字,既 ^ 論語》、《孟子》, 味 若 以 語 只 而思之,又似剩。 言 剩 解 讀著 著,意 便 便不足。 自 意 足, 只

以 上並 遺 書 此五字原缺,據底本校 引宋板

有些先儒錯會處,却待與整理過。《外書》。下

同。

吾道 伊 Ĵη 問: 非如釋 日 : 固 且將《語》、《孟》緊要處看, 是 氏,一見了便從空寂去。 好,然若有得,終不浹 如何 洽 ? 蓋

於《詩》」,是興起人善意,汪洋浩大,皆是此意。中而歆動之,有「吾與點」之氣象。又曰:「興於《詩》」者,吟詠性情,涵暢道德之

念過 便使 渾 不下一字訓 臧?」歸於正也。 之云遠,曷云能 百爾君子,不知 汖 一,便教 -曾章 人有 謝 顯道云:明道先生善言《詩》。 解 得 人省悟。 詁,有時 處。 句釋,但優游 「瞻彼 來?」思之切矣。 又云:伯淳常談《詩 德行。不忮不求,何用 八轉却 又 日月,悠 曰 玩 古人所 味,吟哦上下, 兩字,點 悠我 終 以 思。 他 貴 **※**, 並 日 掇 道 親 不 又 地

> 看《詩》便使人長 明 道 先 生 日 . 格價 學 者 不 可 以 不 看《 詩

三〇

此。 遷就他説,如「有周不顯」,自是作文當如則是文,成句是辭。《詩》爲解一字不行,却則是文,成句是辭。《詩》爲解一字不行,却

書》。下同。 《典》,即求堯所以治民、舜所以事君。《遺不典》,即求堯所以治民、舜所以事君。《遺不知》

遺却末。《中庸》之書,是孔門傳授,成於子思、《中庸》之書,是孔門傳授,成於子思、

時變易以從道也。其爲書也,廣大悉備,將伊川先生《易傳序》曰:易,變易也,隨

□「人」,底本校記引宋板作「之」。

炙之也。《外書》。下同

者,求 予所 辭。 未 變而 矣。 蓋 也 其占。」吉凶 動 <將俾後人沿流而求 失 可 以 而 無 意 謂 通以行 ,至著者象也 有不得於辭 者尚其變,以制器者 易》有聖人之道 順 示 傳者 推 傳 以 至 開 性 玩其占」。 言必 君子居 矣。 矣。 辭 傳 物 命 言 其 之 辭 考 成 自近,易於 予生千載之後,悼斯)理,通 去古雖遠,遺經尚存,然而 典 消長之理、進退存亡之道 ,後學誦 也, 卦, 務之道也。 則 而 禮 觀 得於辭,不達其意者 由 能 可 體 則 其 四 幽 通其 辭 以 用 象 焉 源,此《傳》所以 一明之故, 辭 言 以 知 尚 近者, 而 得 無 而 意者也。 變,象與 聖人之憂患 源 其 以言者尚 玩 忘味, 意 所 , 象 其 不 顯 非 以以 盡 則 辭 微 備 知 自 事 在 文之湮 占 動 ト筮 無 至微者 言者 物 乎人 其 秦 在 故 間 則 作 之情 有矣, 後 辭 而 觀 其 備 者 前儒 也 世 下, 也 晦 學 觀 理 其 中 於 出 以

(文集》。下同。

中矣」。 《易》 傳, 見乎辭矣,則可 則象數 非 流 云:《易》之義本 也。 逐末,術家之所尚,非儒者之所務 自量 因 伊 知時識勢,學《易》之大方也。《易傳》。 必欲窮象之隱 在其 象 Ш 有 精 先 以 理 由 中 力 明 生 圃 日解以觀 未 矣。 答 理, 後 起 衰 張 象。 理 由 有 於數 閎 尚 微、 無形也 象 象, 故 覬 中 以 曰「得其義,則 盡數之毫忽 謂 有 有 書 知 故因 數。 義 象 少 曰 象以明 起 . 進 而 0 \wedge 於數 爾 後 易 得 也 象數 理。 有 傳 其 ·, 乃 來 **>** 在 義 數 理 尋 則 書 未 下 既 其

同。

陰柔 者 所宜 而 大畜 能 深識 止 初二,乾體 也 時 之盛 剛 衰 健 勢之强 而 不 足 以 弱 進, 四 Ŧi.

- 「謂義起於數」,此五字原缺,據底本校記引宋板補。
- 「以」,底本校記引宋板作「而」。

莫善於中,於九二、六五 蓋 四 中 雖 當位 則 諸 不 桂 二五,雖 ,或以不中爲過。 違 於正,正 不 當位, 不 可見。 必 中也 多以 中常 中爲 重 天下之 於正 美 也 理

害。 下同。 貢 義。 爻只作得三百八十四件事便休了。● 則 問: 但不要拘 做 先生云:亦不妨,只看 儲 胡先生 貮 使, 一,若執 一解 九 四 九四作太子, 近 君, 事,則三 便作 如 何 恐不 一百八 儲 用。 漬 《遺書》。 是 + 當 亦 应 不 儲 卦

厚 有 有 聖人自有聖人用,賢人自有賢人用,衆人自 德 君 臣 衆 用 載物,人君安可不用 有用處否? 人用,學者自有學者用, 看《易》且要知時,凡六爻,人人有用 無 所 不 通。 先 生 因 問 日 是 坤 何 桂 君 是 有 無 用 臣 君 一之事, 用, ? 臣 如

易》中只是言反復往來上下。

物,無不合。《外書》。 作《易》, 自天 地 下同 幽 明 至於 昆 蟲 草木微

也。 識 亦不覺多,就上減一德 只就上穿鑿。 隻, 此兀子,若减一隻 今時人看《易》,皆不 亦不知是 若念得不熟, 多。 脚,亦不知 若識, 亦不 識 得《易》 則 ·覺少。 與 自 就 是 添 E 少 譬 是 减 添 何 若 不 如 物 德 得 添 不

Ш 日 : 游定夫問伊 賢是疑了 問 ĬΙ 是是 「陰陽不測之謂 揀 難 底 問 神」, 伊

息 必 分,後人更須自體 有出 ,導之而 伊 伊川先生《春秋傳 ĬΙ 類之才起 以《易傳 生養遂,教之而 究 而 **>** 示 君 門 長之。 序》曰:天之生民, 人, 倫 曰 : 理明,然後人 治之而 只 説 争 得 奪 七

⁰ 「了」。底本校記引宋板作「也」。

道立, 之冕 繆,秦至以建亥爲正,道之悖,漢專以 備。子丑 史視《春 子嘗聞之矣。「行夏之時,乘 不待贊也,言不能與於斯耳。斯道 末,以聖人不復作 人,各因 世。 隨 鬼 ,於是作《春秋》,爲百王不易之大法, ,雖欲倣古之跡,亦 矣,天運 「考諸三王而不謬,建諸 先 神 時 天 儒 豈復知先王之道也? 而 時 道 有 秋》,謂 則《韶 之傳 寅之建正,忠質文之更尚。人道 無 而 作 成 周矣。 疑 順 立 日 地 政。 褒 舞。」 百世 乎 道 善 也 「游、夏不能 聖王 風 平。 暨乎三王迭興,三 ,順天應時之治不復 貶 此 以 氣 私意妄爲 惡 其 俟聖 之宜。 既 而 準 不 帝 天 已,至於經 的 · 復作, 人 人地而 而 殷之輅, 夫子當周 贊 而 不先天 也 而 <u>F</u>, 己。 不悖 不 也,惟 有 後 辭。」 聖 惑 世之 世 服 智 事之 天 重 以 賢 ",質 者 以 周 辭 所 有 之 力 下 既 開 世 顔 其門 學 義

持

者

備

出

謂

也

諸

也

大,炳 大法, 非禹湯,尚可以法三代之治。 能造其微也。 學《春秋》者,必優 權衡、揆道之模 文質之中、寬 奪,或進或退,或微或顯, 時措從宜者,爲難 義,得其意 故作《傳》以 工之神,聚衆材然後知作室之用,於一事 傳》也,雖 不傳。 而欲窺聖人之用 而人矣。《文集》。 如 則不 日 予悼· 星,乃 未 知 い明之。 加 能 也。 猛 後王知《春秋》之義,則 法 夫聖人之志不 極聖人之藴奥,庶幾學 範 之宜、是非之公, 其 易見也。 ^ 知 (游涵 也。 俾後之人通其文 春秋》大義 用,則三代 心,非 也。 夫觀 泳 或 而得乎義理之安 默 上智不 惟 抑 百物 明 自秦 識 其 或 數 미 於 微 心 縱,或與或 + 復 然後 乃 能 後 通, 而 辭 也。 而 制 其 也 隱 世也 下, 者得 識 求 雖 然 事之 義 其 其 德 後 故 化

詩 》、《書》載道之文、《春秋》聖人之

事 伐、盟會之類。 行 病 用 事各求異 事 ^ 深 聖 詩 切著 人之用 × 義。 書 明 V 全 蓋欲成 者 如 但 在 藥 也 此 字 方 書,勢 書, 有 , , 有 異,或 春 重 所 疊言 秋 謂 須 **>** 如 上下 不 如 此,不 者 用 如 文異 如 載 藥 口 征 之 治

也。 律令唯言其法,至於斷例,則始見其法之用 五經之有《春秋》,猶法律之有斷例也。 則

義

須

劒

《遺

書》。

下同

是 爲 識 語 非 理 於此 得箇 ? 時 淮 較 著,故 《孟子》, 而 學《春秋 但 爲中 義 此亦窮理之要。 他 無 理, 窮 如 經 ,若以手 更 理 》亦善,一 中 方 論 讀 爲 庸 可 其 要。 看《春 義,《 足胼 經,然後看《春 欲 嘗 句是一 然他 知 春秋 秋》。 脈、閉 語 中 學者 庸 ***** 經豈 事,是: 因 《春 户不 無 其 且 不 如 秋》 行 秋 先 出 可 非 權 事 讀 以 以 二者 便 何 先 論 是 須 竆 見

> 看如 之間 也。 爲言 此 爲 何。 中 取 只是説 秤 中 ; 錘 當 之義 便 得 閉 不 到 户 是 也。 義,義以上 不 中 出 0 何 若當 物 則 於 爲 更難説,在人自 手足 此 權 ? 爲 胼 中。 義 胝 也 權 則 時 之 於

之事 干 迹 ·時,看《春秋》,黄聱隅問 ,以經別傳之真僞 春秋 傳 爲按, 某如 經 爲 何看 斷。 ,某答曰 程子 文云: 以 考 某

學也 須識 安危 興廢 得 凡讀史,不徒要記事 漢家四 存亡之理。 百年終始 且 治亂 如 迹, 讀 當 須 高 要 如 帝 識 何 紀 其 是 治 亦 便 亂

間 是,敗者煞有是底 便以 成 敗,然後却看。 多 有幸 爲 先生每讀史到 是,敗 圃 成、 者 便以 不 有不合處, 幸 爲非,不知成者煞 而 半,便掩卷思量, 敗。 今人 又更精 只 見 思 有 成 料 者 其 不 其

讀史須見聖賢所存治亂之機,賢人君

子出處進退,便是格物。

此 書,惟 書,三代以 元 印行《唐鑑》一部。 祐 中,客 後 無無 有 見伊 此 議 論 Ш 先生日 者, 《外書》。 几案 間 近 方 無 見 他

《易》。 藴 觀聖人之書,須 斧可知哉! 今欲安置 横 其間 渠先生 雖 無 曰:《序卦》不 横渠《易 遍 物,猶求審處,况聖人之於 極 布 至 細 説 精 密 義,大概皆有意思。 如 是。 ·可謂 大匠豈 非 聖 一人之 以

其規模至大,若不得此 此 事不得。 氏 究,凑合此心,如是之大,必不能 太宰》之職 復 錙銖天地,可謂 忘 天官》之職,須 彼。 若畀之一錢,則必亂矣。 難 其 看 混 ,蓋無許大心胸包 至大,然不嘗爲 混 然襟懷 天 心 下之事 · 欲 洪 大 事 方 事 T, 當 看 得 H 羅 大, 得。 如 又 致 也 則 捕 記 日 曲 爲 龍 得 釋 窮 蓋

書

則

此

心常在,不讀

書則

X終 看

義理不

見。

蛇、 看 搏 止 虎 職 豹,用 也 《語 心 力 録》。 看 方可。 下同 其 他 Ŧi. 官 便

詩道其 之。 見得。 志也。 上道著言語。 見詩人之志? 。今以艱 古人能知《詩》者惟 志。 詩人之情本樂易,只爲時事拂著他樂易之性 夫詩人之志至 今須以崎嶇求之,先其心已狹隘了,則 嶮求《詩 詩人之情性 》,則 平易,不 温厚、平易老成,本平 孟子,爲 已喪其 必 本 爲 其 心 艱 以 何 嶮 意 放以 無 由 求 逆 由 地

《尚書》難看,蓋難得胸臆如此之大。

只欲

解義

汀,則

無

難

也

維 持此 讀 書 心,一時放下,則 少, 則 無 由 考校 一時 得 德性 義 精。 有 懈 蓋 書 讀 以

之。 易 記 不記 書 須 所 則 成 以 思不 誦 觀 書者,釋己之疑,明 起,但 精 思 多 通 在 貫 夜 得 中,或 大 原後,書 己之未 静 坐 得 亦

達,每見每知新益,則學進矣。 疑,方是進矣。 於不疑處有

家長得一格,則又見得别。 六經須循環理會,義理儘無窮。 待自

其言互相發明。以上並《語錄》。● 如《中庸》文字輩,直須句句

理會過,使

作,惟孟子能知之。非理明義精,殆未可 先儒未及此而治之,故其説多鑿。 《春秋》之書,在古無有,乃仲尼所自

,以上並語録」,此五字原缺,據底本校記引宋板補。

近思録卷之四凡七十條

明,明 溥,庶矣乎 有 要乎? 或問 則 無 通 欲 -曰 : , 也 聖 動 《通書》。 可學 有。 無 直 欲 則 乎? 請 則 公, 問 静 公 焉 濂 虚 則 溪 動 先生 日 溥。 直。 一爲要。 日 明 静 . 通 虚 可。 公 則

關。」《易傳》。下同 能 長。 伊川 故《復》之《象》曰 先生日 陽始 生 一、「先王 一甚微, 安静 以 至 日 加 閉 後

形 也 3 動 威儀 息節宣,以 行義, 以 養生也; 養德也 飲 ŝ 食衣 推己及 服,以 物, 養 以

體 事之至近 慎言語」 以 而 養其 所 繋 德,「節飲食」 至大者,莫過 於 以 言 養 語 其

《遺

書》。

下同。

近

思録卷之四

養人也

飲食也。

安 而 不自失者,惟 震驚 百里,不 誠 喪 敬 K 而 鬯」,臨 已,此 大震 處 震 懼 之道 能能

也。

我也。 於止爲无咎也 道。「行其庭,不見其人」,庭除之間,至近 所 物不接,内欲不 也 當「艮其背」,所見者在 欲 而 一,在背景 止乃安。 不見也。 牽於前 人之所 無我則止矣。不能 則 而求其 雖至 「不獲其身」,不 止於所不見 以 不 萌,如是而 近不見,謂 止,不 能 安其 前 口 河則 止者, 得 止,乃得止之道, 不交於物也。 無 見 而背 無 也。 我,無可 其 欲 動 乃背之,是 身 以 故 於 亂 也 艮之道 」,謂忘 欲 其心 止 也 之

明道先生曰:若不能存養,只是説話。

聖賢千言萬語,只是欲人將已放之心,

三七

上達也。約之使反復入身來,自能尋向上去,下學而

之養 有戒,動息皆有 於樂,目之於禮,左右起居,盤 無 敬 事 以直内」,是 心耳。 時 李籲問 如 何 存 但 每 養 存 涵 所 常 得 養意 此 養。 遇事 熟? 涵 今皆 養 即 意 曰: 能 廢 久則自 盂 知 此 古之人,耳之 獨 几杖,有銘 操 存之意 有理義 「熟矣。

蓋 得 不 逐 日 主 暇。 得 中 器 : 此 實 定 吕 有 西 之 蓋 正 與 主 面 又 其 如 則 以 叔 又 如 四 破 實 水 嘗 一人至矣。 虚 面 屋 言 實 置 器 空疏,盗 中 [患思 之水 則 入水, 禦 外 寇, 患 慮 中 水自 左 東 不 固 多, 水 能 易 右 面 何 然 不 人, 前 人,自 能 人。 能 人 後 無 人 驅 來 然 來? 若 緣 驅 除 以 作 未 無 逐

邢和叔言: 吾曹常須愛養精力,精力

事。

稍不 賓客語言尚 足則 倦 可見,况 所 臨 事 臨 皆 大 勉 事 强 乎 而 無 誠 意 接

三八

之,雖不中,不遠矣。 盡 若事 明 道 物 先 之來,不 生 曰: 學 可 者全體 不應。 此 但 心, 隨 分 學 限 雖 應 未

徹下語。聖人元無二語。「居處恭,執事敬,與人忠」,此是徹

得。 由 此二句,循而行之,安得有差? 急迫,當栽培深厚,涵泳於其間 不敬、不正 但急迫求之,只是私己,終不足以達 伊 明道先生曰: 川 先 生 也 日 「思無 學者 須 邪 敬守此 」,「毋不敬」,只 然後 有差者,皆 心,不 可 以自 道 口

心 生 ,亦是太以 今學者敬 而 敬 不 來 自 做 得 事 70又不 得 重 一,此 ·安者, 「恭 只 而 是 無

F

^{●「}自」,崇禎本作「見」。

馳

也

要 容 非 禮 自 入 貌 然 體之禮,是 則 道 勞」也。 必 底 一端、言 道 如 理,故 何 只是 語 自 恭 不 必 然 者 自在 「, 私 天 IE 底 者 理 道 爲恭之 合如 也, 非 理 也。 須 是道 此, 是 恭也。 只 恭 獨 本無私 恭 而 善其 安。 而 禮 不 意 身, 者 今 爲

越

著心把捉越不定

只

是

箇

循

理

而

已

焉」而 則 礙 孤 捨之則亡」,然 ,左右逢其原 IE. 是 今志 德 E 利 之也。 不 于 孤 箇 義 助 理 必有 而 也 亦 之長。 ௱ 持之太 須 心 鄰 Ħ. 不 恁 雖則 安樂 到 去 甚 德 者 如 心 便 盛 此者 是「 後, 操 何 之則存 也? 必 自 只 有 是 無 德 此 室 事

也。 中。 敬 敬 而 不 無 口 失, 謂 中, 便 是 但 敬 喜 而 怒 無 哀 失, 樂 即 未 發 所 謂 以 中 之

司馬子微嘗作《坐忘論》,是所謂「坐

意數之,己尚 伯淳昔在長安 聲言數之,乃 不 疑。 倉 與 再 中 初 數 閒 數 之,不合, 坐, 者 見 無差。 長 廊 不 柱 免 則 以 知 **今**

心者。 有惡 不 志 象? 把他 上 摇, 非 怎生奈何? 中 自 著牀 害心 無須 使氣不能 以爲 然。 這 字。 人心作主不定,正 有 疾 本無二人,此 心 ,便不得思 、臾停。 人 來 之間 君實 此 胸 制縛 又 中 張 亂 自 常若 爲 天 所感 欲爲不 此 謂 祺 亦須 量 中 大可 事。 昔嘗言: 正 有 萬 所 吾得 寄 一交戦 如 端 兩 繋 善 驗。 寓 不思 人 縛, 術 若 在 箇 之驗 又若 焉,欲 要之, 矣, 不 自 且 量 飜 箇 事 約 做 車 中 只 也 有 爲 後, 形 數 聖 亦 管 羞 流 箇 象, 年 賢 惡 何 念 持 須 轉 之 必 其 如 形 笛 皆 强 自 動

明道先生曰:某寫字時甚敬,非是要

字 好 只 此 是學

得 不 精、皆出於養之不完固 今人忘事,以 伊 ĴΠ 先 生 日 其記 聖 人不 事。 記 不 事 能 記 所 事 以 常 處 事 記

博求 事。 起 計 度之 之民間 明道先生在 心。 後因 因 澶 語 出 州 以 日,脩 入,見林木之佳者 戒學者: 橋 少一 心不 長 可 梁 有 必 曾

賊 知 知 天 而 而 下 不 不 伊 無 可 在 III 制 敬 先 物是合少得者,不可 者。 ,不是事累心,乃是心累事。 生 曰: 今人主心 入道 莫 不 如 定, 敬 .惑 視 未 也 心 有 如 能 當 寇 致

人也? 只 有 箇天 理,却不 能 存 得 更 做 甚

定。 止於仁」之類。 要作 人多 得 思慮,不 心 主定,惟 如 能 舜之誅 自 寧, 是 止 只 四 於 是 凶 事、一 做 四 他 凶 爲 16 已 主 作 君 不

> 思,舜 必 則 只 是 是 有 則,須是止於事。 役 攬 從 物; 他 而 事 誅之, 爲物 不能 所役, 舜 使 何 物 與焉? 以上 各 則 .付物。 並伊 是 役 川 人不 於 語 物 物。 各 止 付物 於 有 事 物

不 能 動 人,只是誠 不至。 於事 厭 倦

是 無 誠 處

静 孔子言仁,只 後見萬物自然皆有春意。 説 出 門 如 見 大 賓 使 民

達 聖 育 惟 容 如 人 順之道 周 帝 , E 承 氣 僧己 大祭」。 下 旋 無 中禮 不 一以敬, 於恭 9 聰 和 自 看其 明 然, 敬 以 四 睿 安百 氣 靈 智 惟 則 象,便 皆 何 慎 1姓,篤 天 有 由 獨 地 是 不 便 須 自 出 至 是 恭 心 位 以以 ? 守 而 廣 之之法。 天下 體 萬 此 此 胖 事 體 物 平。 動動 天 信 自

存養 熟 後 泰 然 行 將 去 便 有 進

饗

不愧屋漏 則 心 安 而 體

心 要在 腔 子 裹。

只 外 面 有 此 一隙罅 便走了。

心 常 要 活 則 周 流 無 窮, 丽 不滯於

隅。

中, 明 只是敬也 道 先 生 日 敬 . 天 則無 地 間 設位, 斷 而 易行 乎其

上頭

儘

有商量

毋不敬」,可 以 對 越上 一帝

敬勝百邪

直 内, 敬以直内,義 則 便 不 直矣。 以 一必 方外」,仁也。 有 事 焉 **而** 勿 若 以敬 正

涵 養吾 O 則直

也

有 聖人之心純亦 晝 |夜。』」自漢以來,儒者皆 天德便可 子在川 語 E 不 E 日 道 ė 一,其 : 也。 一逝者 (要月 純 不識 亦不已,天德也。 在慎 如 斯 此義。 獨 夫 此見 不 舍

有 躬, 無 攸 利 不立己,後雖 向 好

> 後,自能 了當得天下萬 物

事

猶

爲

化物,不得

以天下

萬

物

挽己。

己立

寧静,此則天下公病。 伊 ĴΠ 先生 曰:學者患 學者只要立箇心,此 心 慮 紛 亂,不

能

内。 時 甚形影? 以 只是中,既 是動容貌、 出,只爲 是閑邪 尋箇善來存著,如此 來存著。 ん直内し ,其心收斂 也。 存此 閑 主一則既不之東,又不之西,如 邪 則 只收斂身心便是主 涵 誠 今人外面 則 則自然天 ,更着不得毫髮事 誠 養此 便存 整 不之此,又不之彼,如是則 誠 自 思 自 存。 意,直内 開 慮,則自然生敬,敬只 存,不是 理 邪 役役於不善,於不 故 則豊 明。 更著 孟 ·, 非 是 有人善之理? 子言性善皆 主 外 本。 且 學 甚 如 面 者須 而 工 人到 尹 捉 何 夫? 彦明 ___ 神 是將 箇 祠 日 中 是 由 善 只是 是 但 誠 敬 致 只 敬 則 主 惟 内 中 將 有

四

然明。 無 無他,只 有 非 以 僻之干,●此意但涵養久之,則天 閑 爲 邪 、是整 則 難 固 見,不可 遊齊嚴 矣,然主一則 肅 ,則心便一。 下工 夫, 如 不 何 消 ? 言 則自 |開 理 邪 自 ...

以直内」也 尋所寓? 存,舍則亡,出 有言: 只是有 未 感時, 人無 :操而 時,莫知 知 己。 何 所 操之之道,「敬 其 寓 ? 鄉」,更 日 怎 操 生 則

敬則自虚静,不可把虚静唤做敬。

矣。 不能 患其紛 免此 萬 見 「物畢 知 有主則 不交感萬 思 學者先務,固在心志 惟 十照,是 亂 ,則是「絶 是 則 虚 心 (鑑之常,難爲使之不 須 虚,虚謂 有主。 [物,難] 坐 聖棄智」。 一禪 邪不能 入定。 爲使之不思慮。 如 何爲主 ,然有謂欲屏 有欲屏去 人 如明鑑 無主則實, ? 照 敬 在 思 此, 人心 若欲 而 去聞 慮 E

> 實謂 謂 愧於屋漏,皆是敬之事也。 不一則二三矣。至於不敢欺、不敢慢,尚不 焉有此患乎? 爲之主,尚 事 則 者,無適之謂一。且欲涵泳主一之義 物來奪之。 他事更不能人者,事爲之主也 無 思 所謂敬者,主一之謂 慮 大凡人心不可二 紛 擾之患,若主於敬, 用, 敬,所 用於 又

嚴威儼恪,非敬之道,但致敬須自此

٦ ر

之道,不是但嘿然無言。只是主於敬,便是爲善也。以此觀之,聖人只是主於敬,便是爲善也。以此觀之,聖人「舜孳孳爲善」,若未接物,如何爲善?

否? 曰:安有箕踞而心不慢者? 昔吕與問:人之燕居,形體怠惰,心不慢,可

[「]此」,底本校記云。「宋板作上。」「干」,底本校記云。「宋板作奸。

儼 叔 可 令拘 然 六 月中 危 迫 坐 來緱 可可 拘 迫 謂 氏 則 敦 難 閒 篤 久。 矣。 居中 某當 學 者 須 窺之,必 恭敬 但 見 其

嚴 亦 日 此 : 邪 且 思 是 如 慮 也。 在宗廟 雖 多 如 發 則 果 不 主 出 以 一敬 於 時,紛 朝廷 Ę, 然 主 亦 無 莊 無 度 害 軍 雖 旅 否 主 ? E

功? 時,固 之前 也。 之前 與喜怒哀樂一 未發之前 發之前 可 否 又問: 求 ? 則 蘇 當 日 季 之,又却 不 勉 如 日 明 則 可。 於 般。 : 强 何? 吕學士言,當 可, 問 不 喜 裁 纔 口。 又問:學者於喜 怒 抑 若言求中 是 喜 曰: 發 思 哀 便謂 怒哀樂未發之前求中, 於未發之前,當 既 若言 也 樂 思 未 之和,不 既 於 於 求於喜 存 發之前 喜 喜 思 養 於喜 怒哀 即 怒 怒 怒 是 哀 可 哀 哀 已 謂 樂 更 樂 如 怒 一發,思 怎 樂 樂 未 哀 之 何 未 未 中 發 用 發 發 樂 生

> 求 ? 備 之 静? 也。 天 覺,却是動 無 理在 其止,止 謂止,●如「爲 是,然最難。 見否? 樂發自 物 地之心」,皆以 類 遇 是也。 復之卦,下 則 始 或曰: 事 只平日 中 不 得。 其 時 日 節 可,然自 `,各因其 . 所也。」人多不能 也, 賢 莫是於 雖 涵 釋氏 易》之《艮》言 人君止於仁,爲 怎 日 且 面 耳 養 謂 生言静 説 便是。 多 無 有 當 心之所 至 畫 静 動 聞、 言定, 知覺 中 静 時 便 上 之 目 ? 能 是 涵 求 如 時, 處。 無 聖 重 見 人説「復,其 止 止 動 養 静 何 見 人臣 者 人便言止, 天 耳 蓋 久, 之 也 ? 否? E 更 地之心, 義 ,安得謂 無 然 人 . 則喜 日 互 止 聞 日 既 見 萬 日 mj 於 謂 聞 怒哀 物 . 有 目 敬 皆 所 之 見 之 之 艮 古 非 知 無

[「]久」下,底本引宋板有「也」字。元刻葉本同。

[「]所謂止」,此三字原缺,據底本引宋板補。

四四四

之本 季明 矣。 處。 樂未 思 他 静則可, 纔 物,便自不出 慮 事 見 E 與 也。 得 或 發之前 如 學者莫若 日 應事,皆要 這 麻 然静 昞嘗患思慮不定,或思一事未了 須 事 又 敬 是習, 生 重 下 來 何 中 H. 動字,下静字? 便 也 如 須 以 先 求 習 有 何 有 用 理 能 ? 或 這 功? 物始得,這 會 專 事 日 得 曰: : 出 敬 日 先 時便好。 不 : 生 能 若 可,此 莫若主一。 裹 敬 於 能 便 喜 貝 物 不 是 謂 不 怒 各 知 誠 之 哀 拘 此 難 付

固。 深。 如 人 於 夢 夢 寐 寐 顛 間 倒 亦 即 可 是 以 心 1 志 自 不定、 家 所 操 學之淺 存 不

事 人心須要定,使他思時方思乃是。今人都 有 害否? 朕 問:人心所繫著之事果善,夜夢見之, 兆 人 夢 日 者 : 雖 却 是善 無 害,捨 事 ·, 此 亦是 皆 是妄 動。 動。 凡

> 可。 由 心 0 八心自 日 . 由 心 「便放 誰 使 之? 去也 日 : 以 心 使 心 則

否? 是慎言語、不妄發,此却 問:「出 日 持其 : 須是養乎中,自 [志,無暴其氣」,内 辭 氣」,莫是 可著力 於言 然言 外 交相 語 語 上 順 用 養 理 也。 T. 若 夫

校 以受氣之薄,而 盛,四十、五 以其筋 先生謂 骨 於盛 + 釋曰: 吾受氣 而 厚爲 年 後 無 完。 保生邪? 損 也 今生七十二年 甚薄, 繹 夫子默 三十而 先生豈 浸

曰:吾以忘生狥欲爲深耻。

大率把捉不

定,皆是不仁。

外

書》。

下同

「厚次二字。 伊川先生曰:致知在所養,養知莫過

於「寡欲」二字。

言重以

舒;

不

定者,

其

言

邨

以

疾。

明道先生曰:人有四百四病,皆不由

自家,則是心須教由自家。

學。 其 曰 : 謂 八學心 之日 且静坐。 謝 : 顯 口 阚 道 不 畫 從 相 伊川 在 明 應, 此 道 先 相從,只 每見人静坐, 盍若行之? 生於 扶 是學 溝 顥 便歎其善 明 請 言語 道 問 故 焉 日

違 勉勉循 」與「 横 日 渠先生日 循 月 而不能已,過此,幾非在我者。《文 至 一焉」 内 始學之要,當知 外賓主之辨。 三月 使 心 意 不

心少 是。 聰, 進 無 人又要得剛 消 喜 四 也 怒者 如 心清 勇 體不待羈 此 敢 習俗之心未去,而 何 時 則 也 太太 少,亂時常多。 載 又 ? 則 束, 要 柔 比 盖 則人 得 加 他 用 岡川 自 人自 心 於不立。 啊 剛 然恭謹 未熟,客 其清時, 則 是 實 守 勇 心未完 得定不 處多。 亦有人生 慮 其 多 亂 視 而 肼 明 也。 回 ^ 常 語 反 聽

録》。下同

亦是持氣之一端。 戲謔不惟害事,志亦爲氣所流。不

戲

謔

作,則知 自然心正 IE 一心之始,當以 所懼。 矣。 如 此 一二年, 己 心 爲 嚴 守得 師。 牢 凡 固 所

則

動

故《大學》「定」而 求光明? 由光明。 定,然後始有光明。 《易説》。 《易》大抵以 下同 至於 能 艮 若常移易 慮」,人 爲 止, 止 心 多 乃 不 定, 光 則 明 無 何

乎? 之,冥 學之久,不 其 擾 擾,非 動 静, 動 冥悠悠,以 静 關 則 不失其時,其道光明。」學者 見 其 己 道 進 事 長, 乃 , 是終身,謂之「光明」, 而 不 正 所 蔽 以 脩 昧 莫 亦 愐 識 廢 明 動 白 静, 由 聖 今人 見 學 他 必 觀 從 可 時

敦篤虚静者,仁之本。不輕妄,則是敦

聖

後之學

聖

人

者

宜

服

近 思録卷之五凡四十一

古凶 必 善是,❶損益之大莫是過,聖人之旨深哉 懲忿窒欲、遷善改過 悔吝生乎動。 濂 溪 先 生 曰 噫,吉 君 子 而 乾 後 一而已,動可不慎 乾 至。 不 息 乾之用,其 於 誠 然

至於 欲。」 通 聖也。 一千謂 無 濂 溪先 無 養 《遺文》。 則 生 心 誠 曰:孟子曰:「養心莫善於 不 文 止 明 於 寡 通 而 誠 存 耳, 文 蓋 賢 寡焉 也 明 以 寡

乎

!

《通書》。

非 夫 子 禮 日 制 勿 伊 Щ 於外,所 動 手非 先生日: 四 禮 者身之用 勿 以 視 養其 顔 非 淵 中 禮 問 也也 也, 勿 克 由 聽 己 非 顔 平 復 淵 中 禮 禮 請 而 之目, 勿言 應乎 事 斯

近思録卷之五

則支。 語, 思。 哉訓 好。 勿聽 正。 其内。 則。 膺而 發禁躁 「心兮本虚,應 人有秉彝,本乎天性。 卓彼先覺,知止有定。 志 。」《言箴》曰: 蔽交於前,其 辭。」《動 吉凶榮辱,惟其所 勿 所 士厲行,守之於爲。 己肆物忤,出悖來違。 妄,内 克己復禮,久 以 失 進 也。 於 箴》 斯 物 因 静 無 中 箴 日 專。 「人心之動, 迹。 ·則遷。 以 而 哲 召。 自 誠 矧 知 操之有要,視 警。 矣。」《 是 人 閑邪 誘 傷易 順理則 制之於外, 知 樞 非法 物 ^ 幾,誠 機 因言 聽 視 化,遂亡 則 存 一, 興 裕 箴》 箴 誠非 不道, 誕, ,從欲 以 之 戎 爲 傷 日 日 於 之 欽 出 禮 其 安 煩

其」,底本校記云: 「一作莫。」

請」,底本校記云: 「宋板無請字。

四七

惟 聖賢同歸。」 危 造次 克念,戰 《文集》。 兢 自 I持。❶ 習與 性 成

릲 道無 改。 故一 過 義。 顯之過,夫子謂 吉。」《傳》曰:陽,君子之道,故復爲 中,所欲不 而復,則不至於悔 而後有復,不失則 既未形而改,何悔之有? 《易傳》。 故不至於悔,乃「不遠復」也。 有不善,未嘗不 初,復之最先者也,是不遠 他 復》之初九曰: 也, `瑜 下同 惟 矩 其 一是有 其 知 ,大善而吉也。 何復之有? 「庶幾」,乃「无祗悔」也。 不善,則 示不 知 過 3 也。 遠 既 速改以 復,无 既未能 知,未 然 惟 而 其 顔子無形 失之不遠 復 祇 明 學問 從善 嘗 也。 反善 不 悔 而 不 勉而 元 剛 乏 之 澽 失 而

吉,无咎,貞吝。」《傳》曰:人之自治 則守道愈固,進 晉》之上九: 極 則遷善 「晉其 愈 角,維用伐 速。 如上 邑, 九者, 剛 厲 極

> 厲 以之自治 治有功,然非 非安和之道,而 則雖 中和之德,故於貞正之道 傷於厲, 於自 治 加 則 吉 有 且 功 无 也 咎 也 爲 雖 自 嚴 可

四

冗

吝也。❷

害矣。 己。 墙,本於宫室,酒 也。 人欲之過者,皆本於奉養,其流之遠,則 殘忍,本於刑罰; 末者,人欲也。 天下之害,無 損者,損過 先王制 其本者,天 損之義,損 而 窮兵黷武,本於征討 池 不 就 肉 由 中,損浮 林 末 本 之 理也;後 人欲以 勝 於飲 末而 也 復天 食 就 人 峻 流 本 理 淫 宇 爲 酷 實 於 雕 而

夫人心正意誠, 乃能極中正之道,而 充

⁰ 云 自具, 故於」,底本校記云: 「宋板無也字。」 原作 「是」,據底本校記、崇禎本、元刻 「宋板作所以。」「也」,底本校記

未 欲 實 夬,中行无咎。」而《象》曰:「中行无咎, 然於中 之,雖行於外,不失其中正之義 "; 則 (光輝。 光也。」夫子於此,示人之意深矣。 離道矣。 道未得 若心 有所 故《夬》之九五曰:「莧陸 爲光大也。 比, 以義之不 蓋人心 可 以 口 无 有 加 中 夬 所 决

方説 而 止,節之義也

氣。

心

也

至

節 ,如懲忿窒欲、損 節之九二,不正之節也。 過 如有 於行 餘 也 是 以 也 剛 不正之 中 正 爲

明

理

可

以

治

懼。

節

如如

嗇節於用、懦

節

是

《經 之而 難 則 一 説説》。 未 能 可 不知 而 也 制其情不行焉,斯 無克、伐、怨、欲,惟仁者能 其爲仁。● 此 原憲之問,夫子答以 此聖人開示之深也。 亦難能 也,謂之仁 知 之。 其爲 有

看 消 長 明 分 道 數 先 多 生 少 日 爲 7 義 君子、小人之别。 理 與 客 氣 常 相 勝, 義 只 理

> 所 盡 得 者 是 漸 大賢。 多,則自然知 《遺書》。 得 下 客氣消散 同 得漸 少,消

於 暴 或 謂 厲。 人 莫 日: 不 只 知 是 和 志 柔 不 寬 勝 緩, 氣 然 氣 臨 事 反 動 則

其

反

不 能祛思慮,只是吝,吝故無浩然之

治 怒爲 難,治懼 亦難。 克己 可 以 治

忍 與 是 潤之物,若將 性 小人處,爲 得 ,增益預防,如此 他 堯 夫解 箇 麓 礪 他 小 兩 底 人 山之石,可 塊 物, 侵 玉 陵 來 方 便道理出來。 门則 磨 相 得 磨 以 脩 必必 出 攻玉」,玉者 省 畏 磨 譬 避 不 如 一,動 成, 君 1/2 子 須 温

- 「若」,元 刻葉本作「五
- 「仁」下,底本校記云。 「宋板有也字。」

室 中 ~ 率置 目 畏 尖 尖物 物 此 須 事 以 不 理 得 勝 放 他 過 , 尖 便 必 與 不 克下。 刺

明道先生曰: 責 Ê 責下, 而 中 自 恕 也

何畏之有?

豈 可 任職分?

有, 也。 雖 痛舍之,猶 舍己從人」,最 懼守己者固 爲 難 事。 己者,我之所 而 從 人者 輕

九 德最好。

飢 食 渴飲,冬裘 夏葛, 若致些 私吝心

在 ,便是廢 天 職 今 無 此 好。 周 茂 叔

獵

自

謂

日

何

不覺 之易 生年十六七 如前 有喜心。 矣。 也? 時 後十二年因見,果知 好 但 田 此 獵。 心 += 潜隱 年暮歸 未 發 在 田 未 田野間 日 也。 萌 見 田 明 動 獵 道 者 復 先

伊 ĬII 先 生 티 : 大抵人有身, 便 有 自私

> 之理 「宜其與 道 難

罪己 責 躬 不 山 無,然 亦不 當長留在 1

胸 爲 所 悔 欲 不 必 沉 溺 只有 所 向,

便

是

欲

以有過則喜。 明 道 先 生日: 子 路 亦百 世 之 師。 人告之

亦 當習 語言緊急,莫是 ,習到自然緩 時 氣不定否? 便 是

氣

質

變

也

學

曰:

此

至氣質變,方是有

功

之誅 莫是 人有 能? 譬如明 曰:是。 録 》有怒 可怒之事而怒之,聖人之心 四 最 問:「不 日: 鏡 凶 難 甲不 曰: 若此則 ,好物來時,便見是好,惡 只被 怒在 須 遷 遷 是 説 怒, 四 乙之説,是否? 理 得 凶, 會得 不貮 粗 甚 舜 了, 易,何待 因 何 過 諸 Ξ, 與 何 君 焉 不 何 遷 便 本 ? 顔 伊 也 道易, 怒, 物 無 子 蓋 111 ? 來時 怒也 丽 因 先 如 ^ 舜 此 後 生 語

者,能忍得如此,已是煞知義 話 物 怒於室 便見是惡,鏡何當 分陪奉他,此亦勞矣。 人役於物。 能 而未嘗有怒,此莫是甚難。 無怒色否? 而 色於 今見可喜可怒之事,自家著 市 有好 有能 且 聖人之心如 如 惡 怒一 怒 也 ? 人而 理。若聖人 君子役物, 世 不怒 對那 之人 止水。 别 固 因 小 説 有 X

錯了。 能 口 知。 克己,則心廣體胖,仰不愧、俯不怍, 人之視最先,非禮 有息則餒矣。《外書》。 次聽,次言,次動,有先後之序。 而 視,則所謂 下同。 開 其 目 樂 便

來,病 日 有 去箇 向 相别 聖人 謝 「矜」字。 進 痛 子 處。 盡 八貴己 ,與伊 一年,做得甚工夫? 在這 伊 티 : ĬΙ 感][裹。 先 也 點 何故? 處 生 若按伏 頭 别 多,責人 因 年,往見之,伊 曰: 得 語 應也 在 這 謝曰: 子細檢 箇罪 坐 處 同 少。 過 也 志 點 只 111 方 得

曰:此人爲學,切問近思者也。

思叔詬詈僕夫,伊川曰:何不動心

忍

而内自省,蓋莫不在己。 見賢便思齊,有爲者亦若是,性? 思叔慙謝。

見不

賢

不以 欲。 性 也。 小害大、末 横渠 口 腹 知德者屬厭而已,不以嗜欲累其心, 先 於飲食、鼻口於臭味,母皆攻取 生 日 喪本焉爾。《正蒙》。 湛 一氣之本, 攻 下同 取 氣 之 之

纖惡必除,善斯成性矣,察惡未盡,雖

善必粗矣。

後 必 不惡 盡 盡 仁義之道。 義 惡不仁,故不 不仁,則習不 ,徒是未 必 察、 善 盡 未嘗不 仁,好仁 行 不著。 知。 而惡不仁,然 是故 徒 好 徒 而

●·「口」,崇禎本作「舌」。

學 至於不尤人,學之至 者 當知 無天下 也 國家皆非之理,故

使心 也。 故 於舊習耳。 樂得 在 舊習 有潛 於此。 纏 友之來。 心 古人欲得朋 於道,忽忽爲他 繞,未能 惟聖· 横渠《論語説 X 脱 知朋 洒 友與琴瑟簡編 畢 友之取 慮 竟 引 無 去 益爲 益 者 一,但 常常 此 樂 氣

輕警惰。 《語録》。 下 同

朋

有利欲之心,與學正相背馳,故學者要寡 「仁之難成久矣,人人失其 所好」,蓋 人

欲。

中。 高 目 不肯進。「堂堂乎張 至 於 視 :者,人之所常用,且心常託之,視之上下, 瞻 學者先須去其 君子不必避他人之言,以爲太柔太弱 下則 視, 心 亦 柔, 有 節 故 客氣 視 也 視有 或 一,難 君 上下 與 2者,不 其 並 爲 爲仁矣。」蓋 人剛行,終 視 離 紳 高 帶 則 之 氣

> 者,日 見其 一。 信。 其 進 且 欲速成者。」則學者先須温 際,欲其相下不倦,故於朋友之間 以爲氣合,一言不合,怒氣 視者,欲柔其心也。 學。 所 試之,己之敬傲,必見於視。 居於位 益之多 今之朋友,擇其善柔以 人之有朋友,不 相親 《詩》 與,得效最 Ĭ 也,與先 . 温温恭人,惟德之基。」 生並 爲 柔 速。 其 燕 行也,非 安, 心, 三柔,温三 仲 相 相 與,拍 尼 加。 所 則 所 嘗 聽 柔 以 以 求 言 朋 則可以 主 輔 欲 肩 益 其 友 執 佐 敬 下 吾 蓋 敬 之 袂 其 且 其

已 益 而 有 [X] 長 至 物 世 狠 我,不肯 學不講,男女從幼便 死只依舊。 只爲未嘗爲子弟之事, 屈 下。 爲子 病 弟 根 い 驕 惰 ,則不 常 在 壞了,到 則 又 能 於 安 隨 洒 其 所 親 長 掃 居

[「]古人」,底本校記云"「古人上,宋板有是故二字。」

則義理常勝。 去,隨所居所接而長。人須一事事消了病,甚則至於徇私意,義理都喪,也只爲病根不不能下官長,爲宰相,不能下天下之賢。

近思録

近思録卷之六凡二十二條

皆所當爲也。《易傳》。下同。 皆子之孝爲有餘也。蓋子之身所能爲者, 孟子曰:「事親若曾子可也。」未甞以 文,不脩其職而學,非爲己之學也。《經解》。 伊川先生曰:弟子之職,力有餘則學

安能 剛陽之道,遽然矯 子之罪也。從容將順,豈無道乎? 若伸 柔異輔導之,使得於義。不順 之身正 入乎? 相 幹母之蠱,不可貞」,子之於 事治 近 而已。 在 乎屈己下意,巽 拂,則傷恩,所 剛 陽之臣事柔 而 致敗 順 害大矣,亦 弱之君, 相 母,當以 承,使 《蠱, Ë 則

知乃常久之道也

蠱之九三,以陽處剛而不中,剛之過

事親之本也,又居得正,故無大咎。然有小也,故小有悔。然在巽體,不爲無順。順,

悔,已非善事親也。

正倫理,篤恩義,家人之道也

愛失其正理,故家人卦大要以剛爲善。勝禮、以恩奪義。惟剛立之人,則能不以私人之處家,在骨肉父子之間,大率以情

於己,則人怨而不服。子又復戒云,當先嚴其身也。威嚴不先行子又復戒云,當先嚴其身也。威嚴不先行不分,則人之,以為此,以為於,謂治家當有威嚴,而夫

道。世人以媟狎爲常,故以貞静爲變常,不歸妹九二,守其幽貞,未失夫婦常正之

易見,婦難知,所繫甚重,豈可忽哉!《遺世人多慎於擇壻,而忽於擇婦,其實壻

青》。 下同。

人無父母,生日當倍悲痛,更安忍置酒

張樂以爲樂? 若具慶者,可矣。

事, 弟。」 能 切近者言之。然今時非 命者 弟,只是 人便 盡 無 别 不 性 如洒掃 問 有 作 將 識 至命者,由之而 本 《行 性 孝 統 末、 般高 應 命 弟 狀 底事 無 對 别 何 遠 與 作 以 有 就 説。 盡 精 能 ___ 孝弟 性至 粗 盡 般 不知 杰 却 無孝弟之人,而 故舉孝弟,是 事 性 性 也 命, 中, 説 至命,必本於孝 至 被 了。 命 後 亦 便 也 是一 來 可盡 性 ? 人 命、 於 言 統 性 日 性 底 不 人 至 孝

又 日 視 安寢,只不起與十起,便是 同 本是公,才著些心做, 問問 己 自 兄弟之子猶子 一子與 問 謂之私 天性自有 第 兄子有 五 倫視其子之疾與兄子之 如 輕 何? 間 重 ,也,是 一,疑若 否? 曰:不待安寢 便 是 欲視之猶子 티 : 私 有 私 也。 間 也。 聖人 然? 父子 又問 立 ,之愛 與 疾 曰 也 法, 不 不

人也。 是。 避嫌 道 同 是天性? 性 只爲今人以 配,己之子美,必 配,或兄之子 公冶長,何也? 不及南容,故以兄之子妻南容,以己之子 弟之子,甚不是也。 爲手足。 來故爾。 有先後,皆 至公,何更避嫌? 凡嫁女,各量 一天性 一、若君臣、兄弟、賓主、朋 出於父者也。 郭? 如 凡人避嫌者,皆内不 避嫌 也。」此只就孝 己之子與兄之子,所争幾何? 人多以 若孔 示可 只爲今人小看却,不推其 事,賢者且 私 不甚 心看了。 知。 子事, 曰:此 澤其 異 只爲兄弟異形,故 一美,必 形 以孔 又問:孔子以 或 故,親己之子 才美者爲 不爲,况聖人乎 亦以 上説,故言 是年不 孔 子 擇 友 子 爲 其 己 足 之類,亦豈 避 日 相 也。 之私 之配, ·相若, 嫌,則 :「父子之 稱 其 父子 公冶 異 者 才 以 聖 本 心 或 豈 爲 於 而 人 看 兄 所 之 自 妻 弟 是 天 更 求 聖 兄 不

者,可 是己 故有是説。 失節 凡 問 再嫁否? 取 孀 也。 然餓死 婦 配 於 又問: 身 理 曰 : 也。 事 似 極 不 只是後 或 若 小,失節 可 有 取 取 孤 失 世怕 節 孀 如 事 者 何 貧 極大。 寒餓 以 ? 窮 配 無託 日 死, 身,

事親者亦不可不知醫。《外書》。下同。病卧於床,委之庸醫,比之不慈不孝。

叔以告,先生曰:勿陷人於惡。 程子葬父,使周恭叔主客。客欲酒,恭

有所費。 且 已,用二乳食三子,●足備他虞。 死, 然食己子而殺人之子,非道。 買 則 乳 不爲害,又不爲己子殺 若不幸致誤其子,害孰大焉? 牌多 不得 已,或不能 自 人之子 或 乳, 乳母 必不 必 得 但 使 病

子,以 所得俸錢,分贍 先公太中,諱珦,字伯温 均諸 父子 孫 親 戚 之貧 嫁遣 者。 孤 女,必 ,前後五得 伯 母 盡 劉 其 氏 力, 寡 任

> 牧,雖 先公賴 慈恕 汝 之。時小官禄薄,克己爲義,人以爲難。公 以 呵責,必戒之曰: 喜笞朴奴婢。 存視,常均己子。 厚,撫愛諸 人,無日 意,至於 又寡,公懼女兄之悲思,又取甥女以 居,公奉養甚至。 如 事舅姑以 歸 是大 ,教養其子,均於子姪。 加 小 其 剛 不 事 犯 内 時, 斷 察其 庶,不異己出,從 義 未 多謹 助 平 能 甞 理 視 禮 飢 爲 居與幼 專, 小 稱,與 治家有法,不嚴 其女之夫死,公迎從女兄 「貴 則 敬 飽 此 臧 必 尤至。 不 寒燠。 事 獲 賤 禀 假 賤處, 先公相待如 否?」先公凡有所 如兒女,諸子 雖 也。 而 殊,人則 既 後 而 娶侯氏。 叔 惟 行。 左 夫人謙 而 幼 恐有 右 女兄之女 而 姑,夫人 [使 整,不 賓客。 (歸,嫁 一也 或 令之 傷 恕 順 侯夫 其 加 寬 自

❶ 「二」下,元刻葉本有「子」字。

房閣。 食衣服 常 以 不 爲之具。 使從善師 教之使然也。 輩,不得 之, 日:「幼求 乎?」飲食常 人未 歲,行而或踣,家人走前扶抱,恐其驚啼, 可 不 怒,必爲之寬解,唯諸 患其不能屈,不患其 文 日 夜出,夜出 謂至矣,然於教之之道,不少假也。纔 知也。」夫人男子六人,所存惟二,其 章 甞 「子之所以不肖者,由 筆 既 無 不 以 札 夫人七八歲時,誦古 長,好文而 友游 所擇,不 叫 惡言罵之。 傳於 秉明燭。」自是日 置之坐側,常食絮羹,既 責,曰:「汝若安徐,寧 雖 與人争忿,雖 稱欲,長當何如?」雖 (人者) 能惡言罵 居貧, 不 不 則深以 爲 兒 故 或欲 能 辭 有過, 頣 伸。 章 兄 人,非 母 直 爲非。 延 詩曰:「 暮 第平 見世 蔽 則 及 不右 客 則 其 不 稍 性 立婦 不 生 《文集》。 則 過 「, 日 : 長,常 然也, 掩 至 復 女子 於 使 叱 愛 喜 而 也 慈 女 出 而 飲 \$ 止 踣 夫 數 父

矣。《横渠記説

横 渠先 生 事 日 : 事親 奉 祭, 豈 可 使

悦 辦,亦不計家之有 必順之。 近 爲之? 其勉强勞苦,苟使見其爲 人情。 其 親。 舜之事親,有不悦者,爲 《行狀》 親之故舊,所喜者當 若中人之性 凡於父母、賓客之奉 無。 ,其愛惡 然爲 加 不易,則 養,又須 父 極 略 頑母嚚,不 力 無 必

招

致

以

極

力

誉

害

理

一, 姑

下同 似 無 恩不能終。 也。 相 猶矣。」言兄弟宜相好,不要 斯干》詩言: 人情 大抵 不要相學,己施之而已。 患 兄 在 施之不見 及弟 矣, 報 式 厮 則 學 相 《詩 輟,故 好 矣,

人不爲《周 南 》、《召 南 》,其 猶 正墻

0 既 底 本校記、元刻葉本作「即」。

亦

安

使

不

知

著事,向前推不去。蓋至親至近,莫甚於而立」,常深思此言,誠是。不從此行,甚隔

此,故須從此始。

成。 日 掇更謹,則加謹,慢則棄其本心,便習 退,只觀在上者有可 故仕者,入治朝則德日進,入亂 婢僕始至者,本懷勉勉敬 學無 可 學爾。 心,若 朝則 《語 到 以 所 録 德 性 提

近思録卷之七凡三十九條

足 欲自爲 求於君? 人之所 與 有 伊 以 爲 尊大,蓋其尊德樂道之心,不如是不 ĴΠ 也。 必 先生曰: 苟自求之,必無能信 待人君致敬 《易傳》。 賢 下同 者 在 盡 下, 禮 而 豈 用之理。 後 可 往者,非 自 進 古 以

而 而 志 恬 動者,不能安其常也 然若將終身焉,乃能 君子之需 時 也,安静 用常也。 自守,志 雖 雖不 有 須, 進

永 比 悔 日 咎。 :人相親比,必有其道 得元永貞 比》:「吉,原筮,元永貞,无咎。」《傳》 미 故 以 必 常 推 ,則无咎。 久, 原占,決其可 貞, 謂 元,謂有 得 一、苟非其 比者而 Œ 道。 君長之道 道 比之,所 上之比 則 有

> 則无咎也。 下,必有此三者,下之從上,必求此三

者

得其 安履 乃貪躁 道之心交戰於中 既 曰:夫人不能自安於貧賤之素, 得 進 其 其進,驕溢必矣,故往 (履》之初九曰:「素履,往无咎。」《傳》 則 、素,其處也樂,其進 而 有爲 動 求 而 去乎貧賤耳,非欲 ,豈能安履其素乎? 無 不善。 若欲貴之心與行 則 也將有爲也,故 有咎。 則其進 有 賢者則 爲 也 也。

人否亨。」不以道而身亨,乃道否也。人之羣類,身雖否而道之亨也。故曰:「大人之羣類,身雖否而道之亨也。故曰:「大

當專一也。 矣,故《象》曰:「弗兼與也。」所以戒人從正無兩從之理。隨之六二,苟係初,則失五無兩從之理。隨之六二,苟係初,則失五,

君子所貴,世俗所羞,世俗所貴,君子

近思録卷之七

所賤。故曰:「賁其趾、舍車而徒。」

者也 事者 者。 者, 退而 不偶 曰: 事 有清介自守,不屑天下之事,獨 士之自高 於時, 也 所處 自 . 保 雖 之 者; 象》 圃 有得失小大之殊,皆自 E 高 示不 尚,亦非 所謂 有 九 潔自 事 量 日 : 「志可則」者, 王 1守者; 能 一侯,志 不不 道: 度 (分,安 事 有 可則也。」《傳 王 有懷抱道 知 侯, 於 止 進 足之道 不 潔其 高 退 高 求 合道 尚 尚 德 其 身 知 其

安。 於未 安之於漢、晉是也。 將廢,豈肯坐視其亂 而 小利貞」之教。 聖人之意,未 荷 遯 極之間 得 者,陰之始長,君子 爲 之, · '; 强 孔 此 便 聖賢之於天 遽 孟 之衰,艱 加 之所屑 已也,故 不救? 知微, 彼之進 爲 ١, 有 必區 也,王允、 「與 故當 雖 圖 時 品 知 深 行、 其 道 致 戒 力 之 謝 暫

> 子不以 人盡 明不 識 能 明 世俗之見怪 也。 夷 則傷已及而不 初 九 如 是,則 事 未 Щ 世 顯 遲疑其行 能去矣。 俗 而 孰 處 甚 不 疑 艱 也。 怪 非 若俟衆 見 然君 幾

上而 職失守以爲裕,故特云初六裕則无咎者, 聖人又恐後之人不達寬裕之義,居位 日 非 寬裕,無急於求上之信也。 久速唯時,亦容有爲之兆者 進未受命 信於上,苟上未見信,則當安中自守,雍 : :汲汲以失其守,則悻悻 「晉如摧 失其 晉》之初六,在下 職 當 職 如,貞吉,罔孚,裕,无 任 日 故也。 不 可 而 居 若 始進, 也。 以 有 苟欲信之心切 傷 官 然 於義矣。 豈 守,不信於 事 遽能 非 咎。」然 者 深 故 廢 容 見

智者知幾 正道 自 不 E 無 而 而 終 固守。 合,未 睽之理 有 久而 故賢者 不 離 順 者 理 也 而 安行 合以

乎? 不 隕 行吾義而 知命之當 穫 得 於窮戹,所守亡矣,安能遂其爲善之志 免, 君子 則 當 己。 然 命也,當推 从也,则 困窮之時 苟不知命, 窮 塞 既 致 一禍 盡 其 則 患 其 命 恐 不 防慮之道 懼 以 以 於 動 遂 ~險 其 其 難 L, 志 而

苟擇勢而從,則惡之大者,不容於世矣。寒士之妻、弱國之臣,各安其正而已。

不中,故切於施爲,異乎「用之則行,舍之則智而不見用,以不得行爲憂惻也。蓋剛而《井》之九三,渫治而不見食,乃人有才

位

也,况踰分非據乎?

待上下之信,故「已日乃革之」也。 事 矣,位得矣,才足矣,處革之至善者 才德,當進行其道 理,應上則得權勢,體順 《革》之六二,中正則 一,則吉 而无咎也,不 無偏蔽,文明則 則無 違 一悖。 如二之 也 時 進 則 必 可 盡

失可爲之時,爲有咎也。

向。不慎所往,則亦陷於非義。● 故曰:鼎之有實,乃人之有才業也,當慎所趨

「鼎有實,慎所之也。」

當行 也。 則有當拯,有當隨,有拯之不得而 萬事各有其所,得其所則止 而止,當速而 士之處高位,則 君子思不出其位」,位者,所處之分 久,或過 有 拯 而 或不及 無 随; 後 而安。 () 皆出 在下 隨 位, 其

曰:「敦艮吉。」《艮》之上九,敦厚於終,止道之至善也。故或失於終,事或廢於久,人之所同患也。或失於終,事或廢於久,故節或移於晚,守人之止,難於久終,故節或移於晚,守

《中孚》之初九曰:「虞吉。」《象》曰:

●·「陷」。底本校記云。「宋板作蹈。」

從, 有 志 所從 而 未 虞 變 則 也 度)° |≪ 是 所 變 信, 傳 動 **>** 則 ,虞之不得其 日 得 : 其 當信之始, 正,是 正 以 矣。 吉 志 也 未 有 志 所

下, 不 處以不求。 命,是求 必言命。《遺書》。下同 · 乃 以 賢 者 命 無 惟 益 處 若賢者則求之以 知 於得 義 義 如言「求之有 而 _ 已,命 知 命 在 之 道 其 不 ,得之以義, 中, 道 可 一,得之 求,故 中 人 有 自 以

後,却 下,便是無義無命也 念不肯捨, 人之於患難 須泰然處之。 畢 竟 何 只 益 有 有 ? 人遇 箇 若 處 一事 不 置 會 處 則 盡 置了 1 人 謀 心 放 念 之

豐約 夫子貢 故 生曰:汝之是心,已不可 E. 之間不 門 之高 人有居 蔡人 識。曷 能 無留 太 學 甞 而 情 規 欲 耳。 規 》,决 歸 入於堯舜之道矣。 於貨 且 應 科之利也 貧 鄉 利 富有 舉 哉 者 命, 特於 間 彼 先 其

> 謂 乃 而 後 之「不受命」。 留 情 可 語 於其 也 間 多見其不 有志於道者, 信 道 要當 也 去 故 此 聖 人 1/2

及其臨 能。 皆 他 耳聞 若 肯 湯」之心, 此者只是説得,不實見。 説禮義,又如 於所不安。人之一身,儘 是,實見得非。凡實理,得之於心自別,若 不爲,其 避之, 事 此 日安於所不 又不然。若士者,雖 口道者,心實不見,若見得,必 者,只 如曾子 荷 利 他事 是 害, 則自 有「朝聞 實 爲 易簣,須要 則 未必然。 王 見得。 不見 然别 不 公大人, 安也。 知就 道 實 ,夕死可矣」之志, 須 理。 昔曾經 義 至如 如 是 及其蹈水火,則 皆能 何 有 理 殺之使爲 此 有 實 止一日, 却 執 所不肯爲,及 乃 理者, 傷 言軒冕外物 卷者,莫不 見 安。 就 於虎者, 不 富貴。 穿窬 不肯 善 實 須 人 見 不 如 臾 則 能 他 知 至 T 必 得 不 不 探 如

不實見 是 見 重 然學者則 不 人 一於 得 似 成 語 就 義 也 曾 虎 得 郷 一箇是 則 生不安於死 則 得之於心,是謂 須 傷 雖 勉强。 者 烏 而 能 神 尺 己。 如 色 童 古人有捐 此? 攝 子 也 故故 *, 懼, 有 須是 有 至 知 德 殺 軀 誠 虎 實 身成仁,只 隕 不 畏 之 見得 命者 待 之, 可 畏, 勉 是實 生不 1,若 强 終

氏

之學,皆本於利,故

便

不是。

知 也 利 間 當爲不 何 趨 崩 者 只 利 計 只 孟 是 謂 當爲,便是命 那 子 較 而 箇 相 計 避 ? 辨 公與 去 害, 較, 舜、跖之分, 利 不 聖 害者,天下之常情 便 私 甚 人 是 遠, 也 在 則 爲 其 更不 所争毫 有利害, 只 纔 中 在 出 也 論 義 義 利 末 利 一,便 若無 害, 也 爾 之間 以 惟 利 利 義 看 0 害, 皆 義 與 言

存 須 漸 正 ,分别 好 大 凡 儒 善惡 者 未 識 敢 廉 望 耻 深 造 如 於 此 道 等人 且 只 多 得 亦 所

> 也。 可。 ? 聖人以義 如作 趙 日 景 : 平 一事,須 不 問 獨 爲利 財 子 利 尋 罕 之 義 自 言 安處 利, 家 利 穩 凡 便 便 有 所 爲 處,皆 利 謂 利 心 利 便 利 者 如 釋 心 不 何

利

是義 極 狼 理 狽。 問 不 邢七久從先 先生 能 勝 利欲之心,便 日 謂之全 生,想都 無 至 知 如 無 則 此 知 也 不 識 口 後 來 只

行。 求爲 母 湜 日 怒 日 : 爾 人 . 而 謝 將 何 弗 湜 師 何之? 如 許 自 而 ? 試之, 蜀 日 之京 子 . 티 : 吾 E: 必 師 爲此 女 吾嘗 將試 過 非 洛 媼 可 買 教官。 笑 試 加 婢,欲試之,其 也。 見程子。 者 也。」今爾 子弗答。 湜 遂 子 不

部, 云 問 某起 先 不 生 自 支 在 「草萊, 俸 講 錢。 筵, 無前 不 户 曾 部 任 請 索 .曆子 俸。 前 任 諸 曆 舊例: 公遂 子, 初入京 先 牒 牛 户

便當 先 例, 官 今日乃 日 曆 時 生 某當 凛人繼 用 日: 又不 當 下 爲 狀 然 時 只 妻求 爲 粟 出 否? 起自草萊,三 給料 爲 妻 庖 求 人繼 而 封之理? 問: 錢 ,封,范 今士大 曆。 肉 皆以 也。 先 生不 純 夫 遂令户 辭然後受命,豈 爲 甫問 ·請,其 道 本 得箇乞字慣 今人陳乞恩 分,不爲 其 部自爲 意 謂 故 朝 廷 先 出 起 害。 有 生 券 我

必

得之道,是惑也

下 舉 猶 縱 事 爾 强 失志 漢策賢 起之乃 則 若果 亦 則 미 有 就 良 便 尚 日 對。 放 已, 猶 我 曠 是人舉之, 至 心只望 與 若 如 悲 志 後世 愁 富 廷 圃 [貴,0 已。 對 賢 如公孫 良, 欲 則 得 直 乃 弘 言 志 自 者, 天 求 便

,某何當不 伊 川 先 生 教人習舉業也 曰: 人 多 説 ? 某 不 人若 教 人 示 習 習 舉

> 舉 業 業 而 既 望 及 可 第, 以 及第即 却 是 責 已,若 天 理 更 而 去 不 F 脩 面 人 盡 事 力 求 但

六四

君子? 難 是 是 之累,何 己 老,須用禄仕,然得之 不知命, 一事。 必 固 志不勝氣,若志勝,自無 避 可, 問 脩 爲 遇 家貧親老,應舉 無以 若 得喪必動, 可 親 不得,其 以免此? 奈何 爲君子。」 ? 不 如 見 日 得 伊 利 命 求 人 : 爲 川 爲 必 荷 何 仕 此 先 有 ? 己 趨 不 不 累。 命。 生 其 知命, 爲 孔 免 日 親 家 子 何 有 日 貧 見 以 日 也 此 得 : 患 只 爲 只 在 親 失

何?

先生日

此

事

體

又

别。

再

三請益

一,但

云:

其説甚長,待别

時

説

却

動

不

動

又是

乞也。

因

問

陳乞封

父祖

如

不志此,必志 月之中,十日 或 謂 科舉 事 于 爲 業奪 彼。 舉業,餘日足 人之功,是 故科舉之事,不 可 不 爲 學。 然。 患 妨 然 且

不資其力而利其有,則能忘人之勢。

《孟子説》。

録》。下同。 起,不能營畫耳。若稍動得,恐未肯安才短,不能營畫耳。若稍動得,恐未肯安大短,不能營畫耳。若稍動得,恐未肯安

當 馬,食麄衣惡,居貧賤,皆恐人非笑。 生則生,當死 天下事,大患只是 則死。 畏人非笑。 今日 萬 鍾 一,明 不 H 養 不 棄 知 車

近思録卷之七

之,今日富貴,明日飢餓亦不卹。惟義

所

在。

● 「不」,崇禎本、元刻葉本作「無」。

六五

近思録卷之八凡二十五

矣。 育萬物。」深哉 故《无妄》次《復》,而曰:「先王以茂對 善之動,妄也,妄復則无妄矣,无妄則誠 之謂也,誠 天下觀于家,治家觀身而已矣。身端,心誠 本,誠心而已矣,則必善,善則, 也,治天下有則,家之謂 女同居」,而「其志不同 人離,必起於婦人,故《睽》次《家人》,以「二 一女于嬀汭,舜可禪乎? 家難而天下易,家親 濂 溪先生曰:治天下有本,身之 心,復其不善之動而已矣。 《通書》。 行」也。 而天下疏 吾兹試矣。 也。 堯所以釐降 本必端, 和親 也。 是治 而 時, 焉。 不 家 端 謂 已

明道先生言於神宗曰:得天理之正,

集》。 之而 言,察人事之理,知堯舜之道備於己,反身 初 霸者崎嶇反側於曲逕之中,❶ 者,其初不可不 仁義之偏者,霸者之事也。 極 而誠之,推之以及四海,則萬世幸甚。《文 人堯、舜之道。 人情,出乎禮義,若履大路而 而已。 人倫之至者,堯舜之道也, 下同。 霸, 則霸矣。 二者,其道 《易》所謂「差若毫釐,繆以千里」 故誠心而王,則 審 也。 惟陛 王道如砥,本乎 行, 不同,在審 用 下稽先聖之 圃 其 無 卒不可 王矣; 私 復回曲 心,依 假 其 與

納嘉謀、陳善筭,非君志先立,其能聽而用三:一曰立志,二曰責任,三曰求賢。今雖伊川先生曰:當世之務,所尤先者有

❶ 「曲」,原作「由」,據崇禎本及元刻葉本改

之乎? 至誠 遷惑於衆口,必期致天下如三代之世也 信,先王之治爲可必行,不狃滯於近規,不 於天下乎? 行之乎? 三者之中, 一心,以道自 君 欲 君 復以 此三者本也,制 相 用之,非 協 立志爲 心,非 任 一,以 責 賢 本。 任 聖人之 者 宰 所 任 於 輔 事 謂 職 .)訓 其 者用 等其 立 爲 孰 志 可必 能 承 者 也 施 而

其比道 煦 明 道 發 前 從 乃暴其 下之道也。 其 亦 政 煦 而 禽。」《傳》曰: 然 比 已狹矣,其能 施 比》之九 而已。 追,來者 道,天下自然 求 小仁,違道 仁,使天下蒙其 比 如是,天下孰不親 於物。 如誠 五 則 人君比天下之道,當 曰:「顯比,王用 取之也。 得天下之比 干譽,欲以求下之比,其 意以待物,恕己以及人, 若田之三驅,禽之去者 來 比。 惠澤,是人君親 來者 此王道之大,所 乎? 比於上? 撫 、之,固 三驅,失 王者 顯 比 不 顯 若 天 明

> 黨、親 諛逢 意以待之,親己與否,在人而已,不 比 以 令色,曲從苟合,以求人之比己也。 臣於君言之、竭其忠誠、致其才力、 天下之道 君之道也。 其 」之義也。《易傳》。 迎 民 一戚,於衆人,莫不皆然,「三驅,失 ,求其比己也。 皥 皥 如 此,大 圃 用之與否,在 莫知 率人之相比莫不 下同 爲之者也。 在朋友 君 亦然,脩 而 非 已,不 惟 乃顯 可 然。 人 巧言 於 君 身 可 前 誠 鄉 四 其 以 比

進之。 於富 士至 故 之何其可一也? 預於己也。農工 終身居之,得其分也。 皆有定志,而 侈 於公卿,日 古之時,公卿大夫而 士脩其學,學至而 ,億兆之心,交騖於利,天下 志 天下之心可 商賈,勤其 欲其不亂難 於尊榮,農 位 未 下, 君求之。 事而 稱 位各 I 德 0 商 所享有限 後 則 紛然, 賈,日 稱 皆非 世 君 其 自 舉 德 志 如 庶 有 而

《》之九 三日 : 「包荒 耐 用 馮 度 河。」《 廢 弛 傳 庶

其 事 無含弘之度,有忿疾之心,則無深遠之慮 日 施 無 . 爲 人情安肆,則 節 寬裕詳密,弊革事理,而人安之。 治之之道,必 政 舒 有包含荒 緩 法 穢之量 若 則

故曰「 替 在 含寬容,此 君、英烈之輔,不 有暴擾之患。 「包荒」也。 用 由 狃習安逸 馮 一云「用 河 深弊未去,而 自古泰治之世,必 或 能 馮 ~, 因 河 疑 挺 循而然。 上 特 云 奮 則 發 「包 是奮發 近 以 患 荒」, 自非 革 已生矣,故 漸 · 其弊 改革 則是 至 剛 一於衰 斷之 ',似 也 包

相反也。

不知以含容之量,施剛果之用,

賢之爲

也

敬, 日 如始盤之初 君子居上,爲天下之表 則天下莫不盡其孚誠,願 観 ***** 盥 而 勿 不 使 薦,有孚 誠 意 少 儀, 然瞻仰之矣。 散 顒 如如 若。」 必 極 既 其 薦之 傳 莊

> 以 天 不 地之生、萬物 和合者 凡 去 其 天下, 間 離 皆 隔 至 貮 而 也。 由 於 怨隙者, 合之,則 之成 有 若君臣、父子、親 間 或 皆 也, 家, 蓋 合而 無 無 讒邪 間 不 至於 後 則合矣。 和 間 能遂; 且 萬 於其 治 事 戚 間 凡 所 朋 以

盗 也。 之則 也。 原 可 自 噬 而 其要,則 至 友之間,有 未合者,皆爲間 傳》 正 嗑 以 ,民有欲心,見利則動 不 豕,剛 力 能 戢,故不勞而治,其用若「 《大畜》之六五曰:「豶 者,治天下之大用也 曰 : 不假 君子 制也,則察 止 視億兆之心 物 刑 躁之物,若强 若豶 法 有 法 總 嚴 豶 去 攝,事 峻, 豕」之義,知 其 其 猶 機,持其要, 、勢,則 而 心。 有 惡自· 制其牙, 荷不知教 機 牙 會。 止 豕之牙, 道之斯行, 天 雖 也 豶豕之牙」 下 聖人 塞 存 則 之 絶 用 而 且. 而 力勞 古。」 其 惡 操 剛 迫 如 本 得 於 躁 止 不

乎? 脩 饑 寒, 政教,使之有農桑之業,知廉耻之道,「 聖 雖 人 刑 則知 殺 H 所 施 以 其 止之之道 能 勝 億 不不 兆 利 尚 欲 威 之 刑 雖 面 心

賞之不竊」矣。

已,故不能 以 反 法度,進復先代明王之治,是「來復」也 是「无所往」也。 易,乃其 苦,不可復以煩苛嚴急治之,當濟以 體 有攸往,夙吉。」《傳》曰: 之乃吉也。 遽爲也,既安定,則爲可 有攸往, 夙 Œ ,廣大平易。當天下之難 理也。 《解》: 亂既 宜 成 也。 除,則不 「利 當解 自古聖 吉」,謂尚 善治 西 既 則當脩復治道,正紀綱 而 蓋蓋 解 南, 未 復 王 其難,而 盡者,不早去,則將 有 救難定 有 不 无 久可繼之治。 爲, 當 知 西 所往,其 解之事 「來復」之義 南 方解,人始 姑隨 安平 亂 坤 其始· 時維 方。 丁,則 來 無 寬 復 事 坤之 早爲 大簡 持 自 未 離 明 古。 也 漢 暇 謂 艱 而

則吉也。盛,事之復生者,不早爲,則將漸大。

故

夙

能使天下順治,非 其所,得其所則安,失其 君 止 於仁,臣止於敬。 夫有物必有則。 能 爲物作 父止於慈,子止於孝, 萬 所 物 則 則也,惟 庶事,莫不各有 悖。 聖 人 止之各 所 以

於其所而已。

心 君子之道,其 非應人,苟取一時之説耳,非 心,説道之至正至善者也 百姓之譽」者,苟説之道,違道 而説服無斁。● 兑》説而 説於民,如天地 能 貞, 是 以 上 若 順 之施,感之於 君子之正道 不 夫 天 理,下 順天,干譽 「違道 以 應 干

之終,不進而止矣,無常止也,衰亂至矣,蓋天下之事,不進則退,無一定之理。濟

^{●.「}服」,原闕,據崇禎本及元刻葉本、正德葉本補。

聖 舜 其 一人爲 是 道 也 已 故 能通 窮 極 有終 其變於未窮,不 也。 而 聖人 無 亂 至 此 奈 使至於極 何 ? 曰 也 唯 堯

僖公脩 然有 知 如 不 後之人君 爲 秋 行 愛其力。 書。 光 爲 是 罪也,雖 而 政 用 m 風 爲 用 之先 用 二者復古興廢之大事 泮宫、復閟宫,非不 民力之大而 民 俗 民 民力足則 民 美, 立君,所以養之也。 知 力必 時 力,乃 後輕重矣。 此 且 故 書,其 義 義 爲 所當 必書, 則 不 政 生養遂、生 ·書者, (所興 知 以 《經説》。 用 慎 見勞 民 也。 作,不 ·用 力 重 爲 爲 民 爲 於 民 教 養民之道 人 下 養遂則教 用 爲 重 君 力也,然而 之意深矣。 時 國之先務 害義 民 重 也 知 力 事 此 矣。 ^ 一,在 也 春 化 固

創 建 制 立 立度,盡天下之事者,治之法也。 治 治 綱 身 齊家以 分正 百 至平天下者,治之 職 順 天 時 以 制 事 道 至 也 於

> 治天下之道,唯 此 端 而 已

後 世 只是以 明 道 先 法 生 把 日 持 : 天下。 先王之世 《遺書》。 以 道 F 治 天

其親 小。 邦,只在公私之間 知,人其舍諸?」便見仲弓 賢才而舉之?」子曰: 讀 法 推此義,則 ,然後能 、平價、謹 爲 政須 要有紀綱文章,「先 不 權 獨 心 量 爾 親 可 其 皆 軍 以 親 不 喪邦, 可 與 阚 仲 聖 闕 所 弓 有司」、 人 知。 也。 日 用 心 心 爾 미 各 之大 所 焉 鄉 以 知 親 官 風

變則 救則 從 朝 廷,正 本 ·而言, 治道 已,若須救之,必 益 朝 亦有從本 惟 廷 從 以 格 正 百 君 加 官宣。 須變,大變則 心之非」,「正 言, 若從 亦 有 從 事 事 大 而 心 益 酺 以 言 不 Œ

風 唐 綱不正 有 天 下 無 雖 君臣、父子、夫婦 號 治 平, 然 亦 有 其 夷 原 狄 始 之

小

萬目舉,本朝大綱正,萬目亦未盡舉。五代之亂。漢之治過於唐。漢大綱正,唐君,臣不臣,故藩鎮不賓,權臣跋扈,陵夷有於太宗也。故其後世子弟皆不可使,君不

導之敬讓而争自息。《外書》。下同。教人者,養其善心而惡自消,治民者,

意,然後可行《周官》之法度。 明道先生曰:必有《關雎》、《鱗趾》之

哉? 昔者孟子三見齊王而不言事,門人疑 之,孟子曰:「我先攻其邪 亂,繫乎人君仁不仁耳。離是 存焉,則一事之失,救而正之,後之失者,將 於其心」,必「害於其政」,豈待乎作之於外 後天下之事可從而理也。 人之非,知者能更之,直者能諫之。 救矣。 君仁莫不仁,君義莫不義」,天下之治 「格其 (非心」,使無不正,非大人 夫政事之失、用 心。 而 心既 非,則「生 然非心 正 然

其孰能之?

刑政,亦制數而已耳。《正蒙》。下同。●能如是則法行,不能如是則法不徒行,禮樂樂刑政,而云「節用而愛人,使民以時」。言機果先生曰:「道千乘之國」,不及禮

以。聲、佞人,能使爲邦者喪其所守,●故放遠聲、佞人,能使爲邦者喪其所守,●故放遠

以其所不爲 謂孔孟可作,將推其所得而施諸天下邪,將 學、政術爲二事,此 相以父母天下爲王道,不能推父母之心於 横渠先 而 生答范 强施之於天下歟? 正自古之可憂者。 巽之書 目 朝廷 大都 巽之 以 君 道

據元刻葉本、正德葉本補。

^{·「}其所」。底本校記云:「宋板作所以。」

學與政不殊心而得矣。《文集》。 學與政不殊心而得矣。《文集》。 學與政不殊心而得矣。《文集》。 學與政不殊心而得矣。《文集》。 學與政不殊心而得矣。《文集》。 學與政不殊心而得矣。《文集》。

近思録卷之九凡二十七條

今樂, 足聽 刑政 者 是 柔平 淡 樂 能自止。 淡 三綱 矣。 謂 以 H 而 古以宣化,今以長怨。 道 也 (苛紊,縱欲敗度,下民困苦。 和焉。 正,九 宣 中,德之盛也,天下化中,治之至 不傷,和而 濂溪先生曰:古聖王 而欲至治者,遠哉 嗚呼! 一,代變新聲,妖淫 配天地,古之極也。 八風之氣,以平天下之情。 故有賊君棄父,輕生敗 疇敘,百姓 淡則欲心平, 不淫,人其耳,感其心,莫不 樂者,古以 大 愁 和 和 制禮法,脩教化 萬 怨,導欲增悲 **《通** 不復古禮,不 後世禮法不脩, 平心,今以 則躁心釋。 書》。 物咸 倫,不可 謂古樂不 若 故樂聲 乃作 不不 也。 變 助 禁 優

之學。 廉耻 取材 掖激 以往 其次 執事 凡選士之法,皆以 學,太學聚 其學明德尊者,爲太學之師,次以分教天 於聖人之道。 於擇善脩身,至於化成天下,自鄉人而 本於人倫,明 萃於京師,俾朝 俗、得賢才爲 小悉心 (厲、漸 有篤 識 禮 ,脩其孝弟 明道 遜、通 明達、 擇士入學,縣升之州, 先生言 志好學、材 推 而教之,歲 摩成就之道,皆有節序。 乎物 訪 可進於善者,使日受其業。 本。 明學業、曉達治 其學行皆中於是 忠信 有 夕 理,其 於朝曰:治天下 宜 相 性 德 周 先 良 業 行端潔、居 與 論 講 禮 行 充 其賢 教 旋 脩 命 備 禮樂。 自 明 足 者 近侍賢 正 者 小 道 州 學 學。 延延 者 者。《文集》。 家 爲 能 賓 其 洒 孝悌、有 爲 聘敦遣, 師 者 其道 以 興於太 所 儒 其 要 掃 於朝 成 表 可 及 正 以 應 者 下 擇 至 在 誘 對 必 百 風

七三

下

同

七四

役,七曰民食,八曰 官,三日 十日分數。冠昏、喪祭、車服、 明 道 經界 先 生 四 論 日 + 四民,九 鄉 事 黨, 五 日 日 器用等差。其言 貢 山 澤,脩虞衡之 士 一,六日 兵

聖 曰 . 王 一之法 無古今,無 可改。 治 後世 亂, 能 如 生 盡 民 其 之 道 理 則 大 有 治 窮, 或 則

荷 用 愐 或 遂 其 徒 廢 偏 其 知 則 實 泥古而 小 此此 康, 則 此 不 哂 歷 能 儒之見,何足以 代彰灼 施之於今,姑欲徇名 著明之效 論 治 也。 道

亦恐非大有爲之論,而未足以濟當今之極之迹不可復於今,趣便目前,不務高遠,則哉! 然儻謂今人之情皆已異於古,●先王

也

治而 德 有 義 師 不 伊 傅、保之官。 保,保其身體 知 III 正君,知 先 生上疏曰:三代之時,人君 規 師,道之教 過 後世作事 而 不知養德。 訓 無 傅,傅之 本 傅 知求 德 必

> 宦官官人之時少,所以涵養氣質,薰陶德性 某嘗進説,欲令人主於一日之中,親賢士大夫之時多, 在 畏慎之心。 嗜好之過; 焉。 違持養之方,則 經筵官知之。 一經筵。 道, 臣 以 固 欲乞皇帝在宫中,言動 爲 今既不設保傅之官,則此 保身體者,在乎 傅 德 疏 有翦 應時 義 矣; 者,在 桐之戲,則 諫 保 岸 身 平 《文集》。 體 適 防 之法, 見 起居之宜,存 随 聞 服 事 《遺書》云 之非 食,皆使 復 箴 責 無 規 皆 節 聞

制 所 月使之争,殊非教養之道。 私 尊賢堂以延天下道德之士,及置待賓吏 未至,則學 試 補 伊 蓋無 川先生《看詳三學條 ,官召 虚 月。 而 學校禮 教之,更不考定高下。 請 義 制》云: 改試 相 先 之地 爲課,有 舊 制 公 而

^{● 「}已」,原作「以」,底本校記云"「以,宋板作已。」今據

日: [] 才乎? 下。 閑 庠序 其 處。 欲量 道 來者 豐 師 不知教育之道,徒守虚文密法,果足以成人 而 三舍升 而 詳 奔 路,旅寓 後 下 齋, 行 -得以 自 ,未聞 育 留一百人,餘四 密, 長官守 趨 奔湊,捨父母之養,忘骨肉之愛,往來 長 立 然士人各安鄉土,養其孝愛之心,息 補 材 流 貢 檢察 可 利 制 論 之法,皆案文責迹,有司之事,非 浪之志,風 得 立不 循 他土,人心日偷,士 誘 法 其上,此後世所以不治也。或 秀之道。 人 守 士人 之法 而不得 則 得 也。」殊不 善矣。 人之法 增國 行檢等法。 百人 俗 有爲,是以事成於下, 蓋 亦當稍厚。 或非 朝 學 也。 知先 分在 廷 解 授法 額 其 苟長貳 王 又云: 州 風 至 制 人,不若 日薄。 郡 , 必達乎 五 法,待人 又云: 解額 百人。 非人, 自元 今 窄 防

明道先生行狀》云:先生爲澤州晉城

令,,, 爲伍 所以 置,擇子弟之秀者,聚 童 諸 無 無所容。凡孤榮殘 、失所。 所讀書,親爲 鄉皆有校 民以 爲立科條,旌别善惡 事父兄,出 保,使之力役 事 行旅出 至 暇 邑者, 正 時 所 一於其 句讀;教者不 親 相 以 廢者,責之親 必告之以 至,召父老與之語; 助 事 塗者,疾 『,患難 長 而 ,使有勸 教之。 Ŀ 孝 病 相 度鄉 ·善,則 悌 有 皆 戚 恤 鄉民 耻 鄉 忠 有 愐 村 八黨,使 信, 所 姦 爲 遠 爲 社 易 兒 近 僞

格。 致其 性 心 於有廟 至大莫過於宗廟。 也,而可一其歸 。,聖人 然也 \sim 天下萃合人心、總攝 誠敬; 萃》:「王 ,則萃道之至也。 制 《易傳》。 禮以 鬼神之 一假有 成其德耳。 仰, 不 故王者萃天下之道,至 人心莫知 廟。」《傳》曰: 可 度 衆志之道非 祭祀之報,本於人 也 故豺獺能祭,其 其鄉也 加 能 羣生至 致 一,而 一,其 其 能 衆 來

七五

七六

歸 明 初 年 兩 夏 又 古 番 代 者 明 成者, 戍 者 年 役 至 中 皆 春 再 復 在 期 留 遣 疆 而 備 次 圉, 還。 秋 戍 乃今之防秋也。 者。 至 今年 過 每 + 春 秋 暮 與 月 行 冬 而

聖 人 無 事 不 順 天 時, 故 至 日 閉 關

經

説

遺 下同。

韓信 多多 益 辦, 只 是 分數 明

何也? 不 夜驚,亞 飯 、噢,只 濟 事。 伊 JII 亦是未 夫堅卧 如 今帥 先 此 生 者, 千人,能使千人依 日 盡 不 亦能 善。 · 起。 管 轄 有幾人? 不 人亦 起善矣, 須 有 然 嘗 時 法, 猶 謂 及 節 徒 軍 夜 驚 得 嚴 中

不忘 本,須是明 攝天下人心,收宗族, 譜 系,收世族,立宗子法。 厚 風俗 使 人

宗子法壞,則 入不 自知來處,以 至 流 韓 年有

一年工

之。 唐時 四 巨 方, 公之家行之,其 立廟 往往 院、仍 親 未 不 絶 得 不 術 分割 要 相 得 識 了 拘 祖業,使 守 今且 得 試 須 是 以 人主 且 如

不 禮,使骨肉之意常 有 來,亦一爲之。 花樹 相見,情不 凡人家 韋家宗 法, 相 會法 吉凶 接 須 爾 相 月 嫁 通 爲 可 娶之類 __ 取 骨 會 也 肉 以 日 更 合 每 疏 須 有 族。 者 族 相 只爲 古 與 人 遠 人 爲

即當桃 别位。 不 略 養 後方食。 豺獺皆知報本,今士大夫家 相 家 而 似 必 薄於先祖,甚 冠昏 也。 冬至祭始祖 則 有 時 所 主式見《文集》。 喪祭,禮 廟 祭 祭已是别 用 ,庶人立影堂 仲 月 人,大不便。 ,冬至,陽之始也, 不 之大者,今人都 可 止於高祖 又云:今人以影祭,或 也。 廟 必 某嘗 多 月 旁親 有 忽 朔 始祖 主 脩六禮,大 此 必 無後 厚於· 不 ,厥初 薦 高 者, 理 祖 新 生民 祭之 髭髮 以 奉 F

此 凡 禰 上 春祭先祖,立春,生物之始也, ,非一人也。 等事數件 事 也。 季秋,成物之時 死 之禮 無主,於廟中 亦無主,設兩位,分享考妣。 ,雖幼者可使漸知禮義。 一當厚 也。 ·正位 於 奉 忌日遷主,祭於正寢。 設 生者。 位,●合考妣 先祖,始祖而下,高祖 人家能 亭之。 季秋 存得 祭 立 而

慎: 者? 其神 五患者: 池 孝子安措之用心 甚者不以奉先爲計,而專以利後爲慮,尤非 而 1,不爲貴勢所奪,不爲 .拘忌者,惑以擇地之方位,决日之吉凶, 須使異日 靈安,其子孫盛。 土色之光潤,草木之茂盛,乃其驗也。 溝渠,道路,避村落 其宅兆,卜其地之美惡也。 不爲 也。 道路,不 遠 惟 一井、窑 耕犁所及。 然則曷謂 Ŧi. ·爲城 患者,不 郭,不 地 地之美 一本所 · 得 爲 美則 溝 不 謂

亦有 IE 一二人家化之。 叔云: 某家治 喪,不用浮 圖 在 洛

> 又如 然後 聽其 法, 然又有旁枝達而 遠必有正源,亦必有分派處,自然之勢也 有從根直上一幹,亦必有旁枝,又如 以帛書與沛父老,其父兄便能 由不知本也。 勢自尊。 ? ,諸侯奪宗」云。 則人知尊祖重本。 順 命 相 今無宗子,故 且立宗子法,亦是 從 而 如使蜀,亦移書責父老,然後子弟皆 古者子弟從父兄,今父兄從子弟, 從之。 而不亂也。 且如漢高 爲幹者,故曰「古者天子建 只有一箇尊卑上下之分, 朝 廷 若 人既 無 天 無 祖欲下沛時,只是 世 理。 法 重本,則 臣。 以 率子弟從之。 譬 聯属之,安 若 如 朝廷之 立宗子 水,雖 木,必

.「一位」,今據元刻葉本改。 又《河南程氏遺書》卷一八、《河南程氏文集》卷 原作「二」。底本校記 云 位,宋板 作 十並作 位。

0

或

可

七八

練。 究知。 險易, 講,皆造其極。 度文爲,下 者,先生固已默 帝王之治 若先生,可謂通 邢 邊 其吏事操决、文法 和 鄙 ,所以 叔 至行 防 叙 戍 明 外之夷狄情狀,山川 而 博大悠遠,上下與天 城城 師 道先生事云: 識之。 用兵 寨 儒全才矣。《附録 斥 戰陣之法,無 候控帶之要, 簿書,又皆精密詳 至於興造禮 堯、舜、 道 地 樂、 路之 三代 靡 所 同 不 不 制 流

敢 士仁人,爲能識 而 忽忘。 用之,其術見三王方策、歷代簡 横渠先 介甫言律是八分書,是他見得。 《文集》。 生日: 其遠者大者,素求預備 兵 謀 師律、聖人不 書。 郊外 而 得 惟 書》。 志 E 不

死。過此,當念其散之之久。 肉辟於今世死刑中取之,亦足寬民之

然有意三代之治,論治人先務,未始不以經呂與叔撰《横渠先生行狀》云:先生慨

之 然兹 病 遺法,明當今之可行。 禮俗,救菑恤 經界,分宅里,立斂法,❷廣儲畜 畫爲數井,上不失公家之賦役,退以 行耳。❶ 數年,不刑一人而 均,教養 界爲急。 難 鄉。 法之行,悦之者衆,苟 行者,未 乃言曰: 無 嘗曰 方與學者議古之法,共買 法,雖 患,敦本抑末,足以 始 : 仁 不 欲言治 縱不能行之天下,猶 可 以 政 復。所 呕 必 此皆有志未 奪 自 皆 富 經界始,貧 處之有術 病 苟 人之 者 ,興學校,成 而 ,特上之未 推先王 己。 就 田 田 其 一方, 爲 富 世之 私 可 期 辭 之 Œ 以 不

善俗 會 縣 庭,親 爲先。 横渠先 爲 生爲雲 每 勸 以 怬 月 巌 吉 使 令,政 人知 具 酒 養老 食 事 召 大 事 抵 鄉 長之義 以 高 敦 年 本

0

立」,底本校記云

「宋板作正。」

442

^{● 「}之」下,元刻葉本有「人」字。

大 問問 民疾苦,及告所以訓戒子弟之意。《行

横渠先生曰:古者有東宫,有西宫,有 此 禮 亦可行。

相親 古人慮遠,目下雖似相疏,其實如此乃能久 南宫,有北宫,異宫而同財。 蓋數十百口之家,自是 飲 食衣 服 難

子之私也,子不私其父,則不成爲子」。 之人曲盡人情,必也同宫,有叔父、伯父,則 古 爲得一。又異宮乃容子得伸其私,所以「避

愈嚴。故異宮猶今世有逐位,非如異居也。 爲子者何 而當之? 父子異宫,爲命士以上,愈貴則 以獨厚於其父? 爲父者又烏 得

止 是均平。《語録》。 治天下不由井地,終無 下同 由 [得平。 周道 《樂説》。

井 田 卒 歸於封建乃定。

七九

近思録卷之十凡六十四次

其思慮. 舌 誠 後 人亦如是,古人所以 武,悲而擊之則哀,誠意之感 覬 ·感人,不亦淺乎?《文集》。 兩得進講,未嘗 伊 感動於上心。 III 待至 先生上疏曰: **F**. 前,然後善其辭 敢不宿齋預 若使營營於職 齋 戒 夫鍾,怒而擊 而告君 下同 而入 ,戒,潛 説 也 也。 徒 事 ,紛紛 以 思 之則 臣 告於 頰 存 前

公方求 重民 也 百 專 议 姓 不 饑 畏 伊川《答人示奏稿書》云: 觀公之意, 懼之以利 財 惟告君之體當如 且 亂 以 爲 死,丐朝廷 活人,祈之以 主。 害,則將 頤 欲 哀憐,因懼將爲寇亂 公以愛民 仁愛,則 是,事勢亦 特財 以自保。 爲 當 先,力言 輕 宜 財 爾。 古 可 而

> 誠意感動,覬其有不忍之心而已。 財聚衆,聚財者能守,保民者爲迂。惟當以之時,得丘民則得天下。後世以兵制民,以

物,於人必有所濟。明道先生曰:一命之士,苟存心於愛

之義廣矣,若慎交結、明契券之類是也。《易 始,絕訟端於事之始, 知人情有争訟之道。 下同 伊川先生曰: 君子觀天水違行之象, 則 故 訟 凡 無 所 由 作 生矣。 事,必謀其 謀始

師之九二,爲師之主。恃專則失爲下

之道 凡師之道 一, 不 專 一,威和 則 無 並 成 至則吉也 功之 理。 故 得 中 爲 古。

周 皆所當爲也。 得用之禮樂。 公之位,則爲周公之事,由其位 公能 世 儒 爲 人 有)臣 論 周公乃盡 是不知 魯祀周公以天子禮樂, 不能 爲 人臣之道 之功 其職耳。 則可 也 而 用 能爲者 夫居周 人 臣 以 爲 不

也。

之道,故曰「小人弗克」也。 《大有》之九三曰:「公用亨于天子,小人處之,則專其富有以爲私,不知公己奉上之位,有其富盛,必用亨通于天子,謂以其之位,有其富盛,必用亨通于天子,謂以其之道,故曰「小人弗克」

者過 中 也 也 人心 隨》九五之《象》曰:「孚于 (傳》曰 所從,多所親 蓋 心 所説随 隨 以 則 得 愛者 中 不 · 知 其 爲 也。 善 〈過矣。 · 隨 嘉吉, 常人之情 之所 位 防 IE

> 荷以 言,雖 理 ? 愛之則見其是,惡之則 親愛而隨之,則是私 失而多從,所憎之言,雖 故《隨》之初九,出 見其 門 情 加 非。 所 交,則「有功」 與,豈合正 善 故 爲惡也 妻孥之

明處 事 人心 善道 白牖 唯告於君者如 者,率多取忤,而温 其荒樂之非,如其不省何? 必於所不 牗 君者,未有不 且如君心蔽於荒樂,唯其蔽 丁,推 《坎》之六四曰:「樽酒簋貳用缶,納 有所蔽,有所通,通 結於君心,必自 ,終无咎。」《 而告之,求信 能 而及之,則能 如是,則 因 此 其 雖 傳》 爲 所明者 厚 悟 艱 則 教者 日 明 其心矣。 險之時,終得 其所明 易 辨者其 者明 也, 此言人臣 亦然。 也。 也故 故曰「納 處 處 (説多 故 自古 也,當 乃能 公爾,雖 許 夫教必 无咎 以 直 能 人也 蔽 就 約 忠 强 力詆 諫 也。 就 Á 非 勁 之 其 約 其

習非之人也。要在同而能異耳

所 人之 明 所 而 長, 人,然 所長 後 者, 推 心之 及 其 所 餘, 明 孟 也 子 從 所 其 謂 心 「成 之

德」、「達才」是也。

深,是 居下 所 至悔咎者,皆浚恒者也 日 帰 一,而四 ,應初之志,異乎常 知常 浚恒之凶,始求深 恒》之初 爲正 丽 不 六 應。 知 變也。 四以 . 矣。 也。」《 浚 剛 世之責 恒, 居 而 高,又爲二三 傳》 貞 初 凶。」《 望 乃 日 故素 求 望 初 象》 而 之 六

之道也,故 小人,亦不如是也。 妾吉。」《傳》曰: 遯》之九三曰:「係遯, 以 畜 1養臣 係戀 妾則吉。 之私恩,懷 有 然君子之待 疾 小 厲, X 女子 畜 臣

同 同,於世 《傳》曰 .渚,亂常拂理之人也,不能獨異者,隨俗 睽》之《象》 俗 聖賢之處 所 同者,則 世 日 一,在 2 有 時 君 而 理之常,莫 子 獨異。 以 同 不能 而 異 不 大 大

> 絶也 以 故必「見惡人」,則「无咎」也。 凶咎之道也,又安能化不善而 天下以仇 與,然小人乖異者至衆,若棄絶之,不幾盡 能 化姦凶爲善良、革仇敵爲臣民者,由 睽》之初 君子乎? 九,當 如 睽 此 之時,雖 則失含弘之義,致 古之聖王 使之合乎? 同 德 者 所 相

也。 知, 以 臣 故《象》曰:「遇主于巷,未失道 感動 在下,竭力盡 杜 遇 睽》之九二,當睽之時,君 蔽 非 之,盡 惑 枉 以 道 誠 力 逢 誠,期使之信合而 以 其 迎 意, 扶 也,巷非 持 如是宛 之,明 邪 也 義 轉 僻由 心未合,賢 以 理 르 求 以 徑也。 至 其 致 其 誠

也。 日: 不自 《損》 若失其剛 損 之 其 九 貞,而用柔説,適足以損之而 剛 三日: 貞,則 「弗 能 益 損 其 益 上,乃益之 之。」《 (傳

上爲忠者,蓋不知「弗損益之」之義也。已。世之愚者,有雖無邪心,而惟知竭力順

也。」《 任。 事 致元吉,則 事,必能濟大事,而致元吉,乃爲无咎。 无 ,重大之事 《咎。」《象》曰:「元吉,无 不然,則上下皆有咎也 傳》曰:在 益》之初九 在 也。 上者任之爲 曰:「利用爲大作,元吉, 以爲在上所任,所 下者本 不當 知 人, 咎,下不厚 處 己當之爲勝 厚 以當大 事 事 能 厚

甚矣,豈有光也

?

古人所以重改作也。 革而無甚益,猶可悔也,況反害乎?

是 完其己而 子之與小人比 以 順道 漸》之九三曰: 相保,禦 已乎? 也,自守以 亦使小人得 止 其 利禦寇。」《傳》曰 (悪也 正。 不陷於非義。 豈 唯 君子自 君

災。」《傳》曰:志卑之人,既處旅困,鄙猥瑣《旅》之初六曰:「旅瑣瑣,斯其所取

在旅而過剛自高,致困災之道也。細,無所不至,乃其所以致悔辱,取災咎也

光 之盛則有光輝 説之之心不已,而 也。」《傳》曰: 《兑》之上六 既 説 曰:「引兑。」《象》曰:「未 事 極 既 理 而 極矣,又引而長之,雖 强 已過,實無 引之長,其 所説。 無意 味

不 已,於決死,極於惻 死。」《傳》曰: 君子 盡 其忠,而 中孚》之《象》 議 獄 缓 而已。 之於 死,最其大者也。 Ĕ 議 天下之事, 君子 獄, 盡 以 其 議 忠 獄 無 所 而 緩

古。 以小 也? 事 過,爲順乎宜 如 有 (過 恭、 時 而 過 當過,所 良、過 也。 以從宜,然豈 儉,大過 能 順 乎宜,所以大 則 不 可 ·可,所 甚 過

周公至公不私,進退以道,無利欲之防小人之道,正己爲先。

之地 誠 蔽 也 一,蕩 其 而 處 蕩 不 己 焉 失 也 無 其 夔 顧 聖 一夔然 慮之意。 也 存 ^ 詩 恭畏之心 **>** 所 日 以 : 雖 公公 在 ; 孫 其 危 碩 疑 存

膚,赤舄几几。」《經説》。下同。

採察求訪,使臣之大務。

彼 以 謂 爲 我 師 是。 禮 明 果 日 道 7: 能 先 如有説 爲 明 生 我 辨,不有益于介甫,則必有益 與 盡 吴 願往 達 師 諸 禮 復。 介 談 甫 此 介 甫 天下公理,無 我 之 亦未 學 錯 敢 處 自

待之復 自 見 其人盗筍皮,遂治之無 天 如 棋 初 在 ,略不介意。 司竹,常愛用 其 一卒長。 德 少貨。 量 如 此 及將 罪已正 代,

于

我。

《遺

書》。

下同

時, 要他 因 論 頭 也 П 須 將 開 言 口 而 0 囁 如 嚅 荆 云云 軻 於樊於期 若 合 開 須 是

須是就事上學。《蠱》「振民育德」,然

其言也

厲

有所知後,方能如此。「何必讀書,然後爲

幾 處 人 先 事。 生見 日 學者 . 某 非 忙 迫,問 不 欲 周 其 旋 故 人 日 事 者,曷 欲 7

嘗似賢急迫?

「於爲政也何有」? 安定之門人,往往知稽古愛民矣,

則

信矣。 使誠意之交通,在於未言之前 何? 告,則於心有所不安; 告之而 不足,則於人有益,而 門人有曰: 吾與 曰: 又曰: 責善之道, 要使 與之處 而不告其 在 人居,視 一我者無 過 非 則 人不受, 自 誠 其有過 辱 有 忠 言 餘 出 也 則 而 而 而 要 奈 不

職事不可以巧免。

「居是邦,不非其大夫」,此理最

「克勤小物」最難。

欲當大任,須是篤實。

已,豈有

加

也

?

凡 爲 人言者, 理勝則事 明, 氣忿則 招

怫。

度 爲,則何義之有? 論 内 爲 處 治,不爲則已,如復爲之,須於今之法 居今之時,不安今之法令,非義 得其當,方爲合義。 若須 更改 也。 而 若 後

伺察 於不聽,擇其甚者去一二,使足以警衆可也。 治,有所不逮 ~,州縣 今之監司,多不與 專 可 欲 掩 教者教之,可督者督之。 敝 州縣一體,監 不若推 誠 心與之共 司 專 至 欲

世 事 雖 伊 多 川先生曰:人惡多事,或人憫之。 杰盡 是人事。 人事不教人做,更責

感慨 級身者易,從容就義者難 誰

做

不 見 責 或 以 勸 盡 先 禮 生 加 以 責 加 之以 禮 近 加 貴 禮 先生 ? 禮 E 盡 則 何

> 事父兄之道事之,過則歸己,善則唯恐不 不從,奈何 不和,只是争私 或問: ? 簿,佐 曰: 意。 令者也。 當以 令是邑之長,若能 誠 意 簿 動 所欲 之。 爲,令或 今令與 歸

簿

於令,積此誠意,豈有不

. 動

得

人?

量狹。 雖欲 +, 量則 識 有 之量,道也,常人之有量者,天資 量,有鐘鼎之量,有江河之量。 江河之量 者,是識實未至也。 大矣,然有 氣,是氣不平否? 量 量不可强。 處 無滿。 不滿,不 須有限,大抵 問:人於議 得甚好,及因下 人量隨識 涯,有 故聖人者,天地 可 今人有斗筲之量,有釜 得 長,亦 涯 論,多 也 六尺之軀 曰: 亦有時 大凡 蜀 如 有 固 欲直己,無 有功 鄧艾位三公,年七 别 人 [是氣 而 事 之量 ,力量只如 識 (7, 便 滿, 人 高 不 都 動了。 也。 也。 惟 而 ·平,亦 强 含 天 量 得, 天資 聖人 容 地 斛 不 此, 之 亦 惟 是 之 之 謝

八六

同,其 歸,折 安聞 高 恭 然宏大,不勉强 不同,其爲位 益 謹 者,只 謝 八爲 卑 屐齒,强 玄 謙 酒 破 只只 所 益 苻 所 恭 動 終 卑 堅 動 而 也。 便 不 謙 成。今人有所見卑下者, 對 得 是 也。 便 客 動 也。 是 圍 了 又如貴公子, 動了 然惟 碁 ", 更 如 ·, 雖 報 知道者,量自 與放 人大醉 至 與驕 不 肆 喜, 位 者 後 傲 益 者 不 益 及

明道薦才事。 心。 典選,其子弟係磨勘,皆不爲理,此 此不得,自是無人,豈是無 人多言古時用直,不避嫌 人纔 有意 於爲公,便是 時? 私 得。 心。 因 一言少師 後世 乃 昔 典舉 是 有 用 私 人

無

他,亦是識量不

足也

今既 誰 可 出 君實嘗 爲 如 於公口,入於光 者 此 ? 頤 問先 先 雖 生 生云: 有 日 其 : 人, 初若 耳,又何害? 欲 何 除 泛 可 一人給 論 言? 人 オ 事 却 君 中, 可 生 實

終不言。

服。 章,常事也。」頤云: 甚道理?」夷叟云:「只爲正 將爲有甚 奥,客將云:「有一官員 日 者不與,來求者與之,遂致人如此。」持國 「大資居位 頤與持國、范夷叟泛舟於潁昌 先生云: 急切公事,乃是求 ,却不求人,乃使人倒來求己,是 韓 持 或 「不然。 服 上書謁 義 最 只爲曾 知 叔太執,求 不 己。 見大資。」 可 西湖,須 頤云: 得。 有 不 求 薦 便 頭

時 恁 只 事,合行 他 國子監 地。 爲從前 底 便至禮樂不興,是自然住不得 不 先 ·得。 自 生 須 申 因 看 人只計較 係 ·狀,豈 言 吏人押申 聖 臺省,臺 人欲正 今日 一有臺 利害,不 省 轉 供 名 省倒 係 運 虚,見 職 朝 司 計 廷官。 只 申 狀, 較 外司 第 得 事 頤 道名 體 不 外 件 之 直 曾簽 便 理? 司 不 得 有 做 正

家,非我爲 學者不可 則彼爲 不 通 非甲爲 世務。 則乙爲。 天下事 已上並《遺 譬 如

人無遠 慮,必 有近憂」,思 慮當在 事

外。 《外書》。下同

聖人之責人也常緩,便見只欲事正,無

顯 人過惡之意。

産」一事不得爲,其他在 者,患人不爲耳。 伊 川先生云:今之守令, 法度中 唯 甚 制 有 可 民 爲 之

明 道先生作縣,凡 坐 處皆書 視 民 如

傷 四字,常曰: 顥常愧 此 四字。

伊川 每 見 人論前輩之短,則曰: 汝輩

事 者攻之甚力。 且 ,荆公方怒言者 取 他長 劉 安禮云 處。 明道 王荆 ,厲色待之。 先生嘗被旨 公執政,議 先生徐曰: 法改令,言 赴中

- 堂議

荆公爲之媿 「天下之事,非 屈。 二一家 《附録》。 私 議,願 下同。 公平 氣 以 聽

得輸其情。 劉安禮 問御吏,曰:正己以 問 臨 民,明 道先生曰: 使民 格物 各

也。 難。 人。《文集》。 然不能 大抵使人,常在其前己嘗爲之,則 横渠先生曰:凡人爲上則易,爲 爲下,亦未能 使下,不盡 其 下 能 情 則 使 僞

功也」。 避? 凝滯之在前,❶惟 險,苟處之心亨不疑,則 《坎》「維心亨」,故「行有尚」。 所以心通。《易説》。下同 今水臨 萬 知有義理 仞之山 雖 難 要下 丽 必濟, 已,則 即 下, M 外 復 雖 何 往 無 回 復 有 積

人所以不能行己者,於其所難者則惰,

0 記云: 「之」、《張子全書》卷九《易説》作「人」。「在」,底本校 「宋板作於。」

勝。 冒 能,况吾於義理已明,何爲不爲? 之非笑,所趨義 其異俗者,雖易而羞縮。 在,意思龌龊,無由作 然爲之,人亦未必怪,正 死以有爲,於義未 惰與羞縮之病消則有長,不消則 理 耳,視 必中,然非有志概者莫 事。 天下莫能移其道 惟心 以 在古氣節之士, 在己者義理不 弘,則不顧人 病常

人教小童,亦可取益。絆己不出入,一於志不忘逞,照察少不至,則失其幾也。如李德裕處置閹宦,徒知其帖息威伏,而忽力未能動,然至誠在於蹢躅,得伸則伸矣。

壞人之才爲憂,則不敢惰,四益也。

對之必正衣冠、尊瞻視,三益也,

常以因己而

《語録》。

益

也,授人數數,己亦了此文義,二益也,

八八

近思録卷之十一凡二十一條

斷,爲邪佞。 爲嚴毅,爲幹固; 之達道也、聖人之事也。故聖人立教、俾人 柔善,爲慈,爲順,爲異,惡,爲懦 自易其惡,自至其 濂溪先生曰:剛善,爲義,爲直,爲斷, 惟中也者,和也,中節也 八中而 惡,爲猛,爲隘,爲强 止矣。 《通書》。 弱 爲 一天下 梁。 無

辯言鑠於外,欲其純完,不可得也。《文集》。 教之。大學之法,以豫爲先。人之幼也,知思未有所主,便當以格言至論日陳於前,雖思未有所主,便當以格言至論日陳於前,雖思未有所主,便當以格言至論日陳於前,雖思,且當薰聒,使盈耳充腹,久自安習,大學之法,以豫爲先。人之幼也,知

不失所望而化之矣。不可以不在於位故,當自慎。省觀其所生,常不失於君子,則人子雖不在位,然以人觀其德,用爲儀法,故子雖不在位,然以人觀其德,用爲儀法,故

安然放意,無所事也。

《易傳》

既若不可以及,則趨望之心怠矣。 之高者亦不敢易乎近矣。《經説 處之者,不獨使夫資之下者勉思企及,而才 之教,常俯而就之。 也。門人弟子既親 君子之常行,不困於酒,尤其近也。 聖人之道如天然,與衆人之識甚殊 炙,而後益 事上臨 喪,不敢不勉 知 其高 故聖人 而以己 遠 貌

向好著,亦自喪志。如王、虞、顔、柳輩,誠好皆奪志。至於書札,於儒者事最近,然一以經學念書,不得令作文字。子弟凡百玩以經學念書,不得令作文字。子弟凡百玩明道先生曰:憂子弟之輕俊者,只教

妨 生 爲 精 好 力 ,足知喪志 人 則 用於此 有 之,曾 也。 非 見 《遺書》。 惟 有 徒 善 廢 書 下 時 者 同 日 知 於道 道 否 ? 便有 平.

處

數之類。 治道者 胡安定在湖 ,講之於 嘗言劉彝 中, 州 善治水利,後累爲 如 置 治 治 民、治兵、水 道 一齋,學 者 有 利、 政 欲 了,皆 筭 明

無德 者感。 凡 立言, 欲 涵 蓄意 思,不 使知 德 者 厭、 興

水利有功。

人未 邦國 歌 對 歸 事 舞 雎 易 長 教人未見意趣,必不樂學。 一》之類 如古《 日使人聞之。 曉。 之節,令朝夕歌之,似 别欲作詩,略言教童子 ,正家之始,故用之鄉人,用之 詩》三百 此等詩,其言簡奥,今 篇, 皆古人作之。 當 有 欲且教 助 洒 掃 之 應 如

> 語 學 者 以 所 見 未 到 之 理, 不 惟 所 聞 不

深徹,反 將 理 低 看了

成己。 自 舞、射便見 自洒 幼子常視 掃 應 人誠。 對 無 H 誑 一,便可 古之教人,莫非 以 上, 到 聖人 便 是 事 教 使之 以 聖

人事 0

傳 以 小 以 近 者 先傳」、 小,而 近 者, 後不教以遠大 加 後倦」, 後教 以 君 大者 子 教 也 遠 人 有 者 , 序。 非 是 先 先 傳

得。 薄。 説 下 伊川 帷講誦 今一日 學者須是潛 先 説 ,猶未必説書。 生曰: 説書必非古意 盡 心積 只 是 慮 教 優 得 游 薄。 涵 養 至 轉 使 如 之自 漢 使 人 時

易業,既 之養,若士大夫之子,則不慮 可 教 者聚之,不肖者復之農 古者八歲入小學,十五 、學則 不治 農,然後 人大 畝。 土 無 一農判 養 學, 蓋 雖 士 擇 一農不 庶 在 其 才

據守。

子

厚以

禮

教學者最善,

使學者先

有

所

之意,何 自此 學,又無利 五. 之子,既入學則亦必有 誘最害人。人有養,便方定志於學。 仕,然後志定。 入學, 成德。後之人自童稚間 由 至 可趨,則 四 得 + 向 只營衣食却無 善 方 ? 仕 所 广,中間 志可 故古 養。 古之士者,自 知 人 自 已有汲 ,須去趨善, 害 必 有二十五 使 惟 四 汲 利 禄之 趨 + 利 便 年 + 面

其説 以 有 不 師宿 不 至治家 詩》如今人歌曲一般,雖閭巷童稚,皆習聞 歌 得 得 養 ,成於樂」,如 其 詠 興 而 有所 儒 天下有多少才,只爲道不 於《詩》也。 以 皆無法度,是不得立於禮 曉 血 尚っ 其 養其性情 脈 成 不 義 ,今皆無之,是不得成 就。 能 故 曉 今人怎生會 且古者「興於《詩》, 能 其 古禮 ,聲音以 義,怎生 興 起 既 於《 廢,人倫不 養其耳 得? 責 詩 明於天下, 得 也。 學者, 於樂 自 古人 後 明,以 舞 古人 世 立 也 蹈 是 於 於 老 故

古之成材也易,今之成材也難。

得,然 不待 已上並《遺書》。 説,不然,非獨 發,則沛然矣。學者 憤 孔子教人,「不憤不啓,不悱不 後 悱 爲 而 他説 一發,則 他不曉,亦止人好問之心也。 便好。 知之不固,待憤 須是深思之,思 初學 者須是且 發。 悱 爲 而 而 他 不 後 蓋

其 然後告之。 材,不顧安,不由誠,皆是施之妄也。 未 禮」,仁之至也,愛道之極 知 至難,必盡人之材,乃不誤人。 人無從倡,道無從弘,教無從成矣。《正蒙》。 其 誠 喻之,又告之,徒使 (隙,刃 《學記》曰:「進而不顧其安,使人不由 ,教人不盡 横 渠先 投餘 聖人之明,直若庖 生 日: 地,無全牛矣。 其 材。」人未 恭 人 敬 生此 也 撙 安之,又進之, 節 己不 丁之解牛,皆 人之才足以 節 觀 退 目。 可 勉 讓 及 明 不 以 處 則 明

敬。

敬事,便不忠信。故教小兒,且先安詳恭
則兩手奉長者之手,問之,掩口而對。蓋稍
則兩手奉長者之手,問之,掩口而對。蓋稍

注「横渠禮記説」五字,與此條重出,今據原書編例增「下同」,此二字原無。案其下「古之小兒」條末原小字

補二字,並删下條末小注五字。

0

九二

焉。 滅 今人 其 濂 身 溪 有 而 先生曰: 過 無 悟也。 一,不喜 仲 人規,如 噫 由 中喜 1 **《通** 聞 書》。 過,令名 護 疾 而 忌醫, 無

德踰 不失道而喪敗者也。《易傳》。 於禄 伊 ĬП 先生 則雖 日 盛 : 而 德 非滿。 善 日 積, 下同 自古隆 則 福 盛 禄 一、未有 日 臻。

介如 耽戀 미 也 謂 辨之早,去之速也 見 處 石,其去之速,不俟終日,故貞正而 不能已也。 人之於豫樂,心説之,故遲遲,遂至 幾 豫 而作者也。 不 可 安且 豫之六二,以中正自守,其 久也 蓋 中 , 久 İ 則 ,故其守堅,而 溺 矣。 如二 吉 於

人君致危亡之道非一 一, 而 以豫爲多。

近思録卷之十二

能

壞,忘禍亂則釁孽萌,是以浸淫不知亂之至 知 戒 聖人爲 故 狃安富則驕侈生,樂舒 戒、必 一於方 盛 之時。 方 肆 其 則 綱 盛 紀 而

不

也。

无咎」。 티 : 數 危,屢復何咎? 過在失而不在復也。 開遷善之道,與 安於復也。 而不能固者也。 頻復不已,遂至迷復。 《復》之六三,以陰躁處 不可以 復善 頻失而 其 而屢失,危之道 復 復貴安固 而 戒其復也,頻失 危 其 動之極,復之頻 屢失,故 一,頻復頻失,不 也。 云 劉質夫 則 聖 人 厲

處骨 之正 詳 如 明明 人 應,實 雖 肉親黨之間,而 睽極 極則過察而多疑。 有 親 則 不孤 咈 黨, 戾 而 而 而 多 其 難合, 常 自 (才性. 孤 疑 獨 睽之上九,有六三 深猜,妄· 剛 如 也 極 此,自睽 則 生 躁 乖 暴 離 孤 而 也。 不

解》之六三曰:「負且乘, 致 寇 至,貞

吝。」《 若能之,則是化爲君子矣。 能 而 大正 氣 質卑下,本非 傳 則 如 日 何? 小 人 在 曰:大正 而 上之物,終可 竊 盛 位 非 陰柔所能 雖 勉爲 吝 也。 正 也, 事 若

欲。 故莫肯益之,而 自 無侵於人,人亦欲與之。 傳 私 ,求自益 苟公其心,不失其正理,則與衆 日 益》之上九 理者天下之至公,利者衆 以 有擊奪之者矣。 損 曰:「莫益 於人,則人亦 若切於好 之, 與 或 之力 利 人 擊 同 所同 之。 蔽於 争。 利,

易

人

而

可

懼

也

如此

戾,與 能以 薰 而 其中也。 有安裕之理? 舉 心 時, 。」《傳》曰: 世莫與宜 (物睽絶,其 艮》之九三曰:「艮其限,列 而定於 一者,則艱蹇忿畏焚撓其 厲 夫止 危 薫 甚矣。 其 道貴 心」,謂不安之勢薰 (堅强 乎 人之固 如 得 此 宜 則 其夤, 止 行 處 中 世 止 -, 豈 隅, 乖 厲 爍 不

> 此 常 理 男女有 大 也。 率 以 若徇 尊 説 卑 而 情肆 之 動 安安 序,夫 欲 有 唯 不失正 婦 説 有 是 倡 者 動 隨 之 男 禮 牽

雖 舜 之聖,且畏 巧言令色。 説之惑 矣。

面

失其

剛

,婦狂

説

而

忘其

順

則

M

而

無

所

利

欲

豈 而 叙 成,然其 能捨己從人,盡天下之議,則不 () 故其 方命圮族者所能 人心離 治水,天下之大任也,非其至公之心, 自 所治,固 矣,是其 任 益 强,咈 非 、惡益 他 乎? 人 戾 八所及 顯,而 圮 鯀 類 雖 也 益 功卒 九 能 甚,公議 惟 年 成其 不可 其 而 功 功

禮 底 本校記 云 「宋板原作 理。」案《周易程氏

0

卷四

作「禮

也

經

説》。

下

同

成

帰

有

弗

功

君子「敬以直内」。微生高所枉雖小,

而害則大。

人有慾則無剛,剛則不屈於慾。

人之過也,各於其類。君子常失於厚,

明道先生曰:富貴驕人,固不善,學問小人常失於薄,君子過於愛,小人傷於忍。

驕人,害亦不細。《遺書》。下同。

人以料事爲明,便駸駸入逆詐、億不信

去也。

却不知道自家身與心却已先不好了也。一箇身與心却不要好。苟得外面物好時,人於外物奉身者,事事要好,只有自家

莊子言「其嗜欲深者,其天機淺」,此言却最人於天理昏者,是只爲嗜欲亂著他。

是。

蓋方其閱時,心必喜,既喜,則如種下種子。伊川先生曰:閱機事之久,機心必生。

周羅事者,先有周事之端在心。皆病也。疑病者,未有事至時,先有疑端在心;

較事大小,其弊爲枉尺直尋之病。

雖公天下事,若用私意爲之,便是私。小人、小丈夫,不合小了,他本不是惡。

做官奪人志。

上亦不足,於事上亦不足,凡百事皆不足,驕是氣盈,吝是氣歉。人若吝時,於財

必有歉歉之色也。

自視以爲無缺,及既知學,反 至,及其 未知道者如醉人,方 醒也,莫不愧 耻。 其 人之 醉 思前 時, 未 日 知學者, 無 「所爲, 所不

則駭且懼矣。

説 之説錯了,可見不曾用 可哀 心也哉! 般 邢七云:一日三點檢。 話 明道責之。 其餘時理 會甚 功。 邢 曰 事 又 明 ? 多 道 無 可 逐 蓋 先 説。 生日 人面上 倣 三省 明

九五

道 日 . 無 可 説 便 不得不說?

之間、燕遊之樂爾。《正蒙》。 日,無所猷爲,與下民一致,所事不 横渠先生曰:學者捨禮義, 則 踰衣食 飽 食終

能不爲物所移耳。 故孔子曰必放之,亦是聖人經 始感人也,●亦不如是切,從而 惰之意,從而致驕淫之心,雖珍玩奇貨,其 鄭衛之音悲哀,令人意思留連,又生怠 横渠《禮樂説》。 歷 生無限嗜好。 過,但聖人

鄉原大者不先立,心中初無作,❸惟是左右 ,順人情不欲違,一生如此。 孟子言「反經」,會特於鄉原之後者,以 横渠《孟子説》。

看

删。 感」,崇禎本及元刻葉本、正德葉本均作「惑」。 原行「者」字,今據底本校記引宋板及崇禎

本

0 0

8

「作」,元刻葉本作「主」,底本校記云:「宋板作作。」

九六

近思録卷之十三凡十四

也。 韓 所 以爲害尤甚。 陋易見。 疑於仁,墨氏「兼愛」疑於義。● 以 佛、老之害,甚於楊、墨。 佛、老其言近 明 道 故孟子只闢楊、墨,爲其惑世之甚 也。 先 生 《遺書》。下同。 楊、墨之害,亦經孟子闢之, 曰: 理,又非楊、墨之比,此所 楊、 墨之害,甚 楊氏 申、韓 「爲 於 則 我 申、 渗

愛」,不及則便至於 些,商只是不 商也不及」。 於儒者,其末遂至楊、墨。 差,其始甚微,其終 伊 川先生 於聖 及 曰 些。 人 儒者潛 「爲我」。 則不可 中 然 道 而 救。 至 厚 心 師 其過 如 則 正道,不容 只是 如「師 楊、墨 漸 不及同 至 過 於「 一,亦未 也過 於 兼 出 厚 有

必至於是也。至於無父無君,孟子推之便至於此,蓋其

差

莫,則於道爲有間,非天地之全也。彼釋 外」,則未之有 者,其分於道 所以不可須臾離 道,是天地之間, 通者歸於恣肆,此 之學,於「敬 也,無適也,無莫也,義之與比」。 夫婦,爲長幼 父子在所親,即 明道先生曰: 以 ,爲朋友,無 也遠 也。 直 君 無 也。 内」,則有之矣,「義 臣 矣。●故「君子之於 佛之教所以 故 適 道之外 而 然則 而 滯固者入於 君 非 所 臣 道 無 毀人倫、去 爲 在 也。 物, 而 所 爲隘 嚴 非道,此道 若 物 即 、枯槁, 之外 也。 有 以 父 以 適 天 四 至 子 下 疏 方 氏 有 大 爲 而 無

「仁、義兩字,宋板倒。」 「楊氏爲我疑於仁墨氏兼愛疑於義」,底本校記云:

[分],元刻葉本、正德葉本作[戾]。

九七

道 内」矣,然無 易》備 則 不 言之。又云: 然,「率 「義以方外」。 性 佛有一 而 其直内者,要之其本亦不是 己。 箇 覺之理 斯 理 可可 也 以「敬以 聖 人 於 直

僞 先 家 獄之類 也 元不 上 盡 一,若存 生日 教而 達 獨善,便於 其心者, 相 耐 釋 . 氏 人可化乎? ,皆是爲 無 連 心養性 至 屬,但 本怖死生爲 下學,然則其上達處,豈有 誠 知其性也。」彼所 道 貫 有 下 一段事,則 體自不 天 間 根之人設此 地,人尚有不 以上明道 斷 利,豈是公道? 足。 非 無 道 語 謂識 或 矣。 也 怖 日 化, 豈有立 彼 孟 心 令爲善。 釋 固 見 子 是 氏 也? 性 日 唯 日 地 出 是 : 務

彼佞人者,是他一邊佞耳, 邦,孔子既告之以二帝三王之事,而 遠之,不爾,則駸駸然 放鄭聲,遠佞人」,曰:「鄭聲淫 學者於 釋氏 之説, 入其 直 須 中 然 如 矣。 而 淫 於己 , 佞人殆。」 聲 顔淵 美 復 則危 色以 戒 問 以 爲

更不消言常戒,到自家自信後,便不能亂得。只是須著如此戒慎,猶恐不免。釋氏之學,只是須著如此戒慎,猶恐不免。釋氏之學,只是能使人移,故危也。至於禹之言曰:

九八

殻上 道 那 除 故 得,故却厭惡,要得去 氏 身來,都在萬 此 理。 要得 裹來。 是死 以不知此,去他身上起意思,奈何那身不 他 頭 物 所以 如枯 也。 起意,故看 不 人則能推 「生生之謂易」,生則 謂 與 釋氏 有也。 木 萬 物中 物 死 其 灰。 物物 得道 體者,皆有 實 人只 例看,大小大快 然没 盡 是 則 理 一愛身,放不得,故說 根 爲 氣 小 塵,爲心源 此 自 香 T 理,要有 推 私 此 一 時 他 理 不得,不 將 底。 只只 生,皆完 活。 自 ,此理, 不定, 放 家 爲 這 從 釋 軀 可

● 「完」、底本校記云。「宋板作具。」

道

重

乎? 飲 0 「節嗜欲,定心氣」,如斯 有 티 : 語 吾 導 嘗 氣者,問先 「夏 葛 而 生 冬 而已矣。 裘 曰: 饑 君 亦 食 有 而 渴 桁

形 而 上者與聖人同乎? 佛氏 不識陰陽晝夜、死生古今,安得 謂

周

孔

爲之矣。

通言 却 固 E 爲 考之,其設 説 省易 [已有; 取 未 其 心 能 釋氏之説 不 跡之判,便是 心 窮,固已化 有不合者,固 與聖人合。其言有合處, 不 教如 取 ,若欲窮其 其 是, 跡, 而 則其心果 有是 爲佛 亂 |所不 説。 説 矣。 心 而 取 故不若 則 如 去取之, 只且 有 何? 如是立定, 是 則 且 於 跡 吾道 於 則 固 迹 跡 其 王 難 -

問 神仙之説 有 諸 ? 曰:若説白 日飛

> 問 中則 非 以 昇之類, 能 竊 爲 延 揚子言「聖人不 造 此等事否? 易 年 過 化 益 則 壽,則: ,置之密室則 之機,安能 無 , 有之。 若 言 日 師 . 居 延年? 此 仙 譬 難 Ш 厥 是 過 如 林 一,有 天 間 術異也」,聖人 使聖人肯爲, 地 鑪 此 保 間 火, 理 形 也。 置 賊,若 鍊 之風 氣 又

先生。 不是,一 謝 顯道 先 齊差却。 生 歷 日 舉 : 《外書 恁 佛 地 説 同 與 處 吾 雖 儒 多 同 處 只 是 問 本 伊 \prod 領

能 範 盡 圍 ,則誣天地 天用,每反以六根之微因 横渠先生曰: 日 月爲幻妄,蔽 釋氏 妄意 緣 天性, 其 天 用 地 圃 於 明 不 身 不 知

録卷之十三

近

思

版」, 原作「販 據正 葉本改。

有」,原闕,據崇禎本及元刻葉本、正 德葉本

底本校記云: 「宋板作之。

其蔽 미 不 世 乎 知 流 ? 於 窮 明 溺 遁 理 小 塵芥 不 其 失 也, 能 而謂之盡 志 中 究其 六合,謂天地 夢 於 幻 其 虚 所 人世。 過 空之大, 從 性可 於 也。 大 乎? 謂 《正蒙》。 爲 也 此 之 有 所 窮 塵 謂 窮 以 芥 之 理 下同 也 語 無 六 口 乎? 夢 合; 大 不 幻 知 語

《大易》不言有無。言有無,諸子之陋

也。 学到月起,青j我之已,至

知晝夜, 謂 圖 知 知 可 厭 遊 天 天 劇 謂 苦 魂爲 乎? 德, 悟 論 知 求 浮 通陰陽, 道 要 人 免 圖 變 知天 (歸,必 乎? 可 明 孔孟 可 乎? 爲 鬼, 體之無二。 德, 謂 輪 天人 謂 所 謂 知 則 悟 迴,未之思 謂 死 有 鬼 則 知聖人、 物, 天,彼 生 識 有 乎 自 義 之 流 ? 有命 其 轉, 死, 説 所 輙 以 均 知 也 非 謂 受 熾 生 人 鬼神。 死 得 取 生 生 傳 生,一 道 大學 一,惑 道 舍, 爲 循 中 天人,推 妄 環, 或 不 當先 今浮 者 可 免 指 謂 遂

> 學以 所以 興, 倫所 迹; 者 立不 不學 遂冥然被驅 則溺耳目恬習之事,長 愚、男女、臧 指 立其間, 未 爲 未見 懼,精一 稽 亂 以 而 大 容窺聖 出 其 不察, 知 道 於佛氏之門者千 與之較是非 君 弊。 異言滿 子志 學 ,因謂聖人可 獲,人人 故未 乃 自信,有大過人之才, 庶物 自古 門 其 耳, 己, 識 墻, 俗 所 詖 聖 、計得失哉? 、著信。 L 達 以 謂 已 人 淫 則 無 之天 不 不 爲 心, 邪 五 禮 不 師 明 必 引 百 遁 以 脩 世 使英 7,治所以 事 下 已 取 年。 之 防 儒 而 其 謂 辭 致 至,大 其 才間 淪 崇尚之言 文。 不 善 僞 胥 何 翕 必 向 忽, 惡 下 氣 其 以 此 求 非 然 道 間 德 Œ 獨 並 其 知 無 可

●「千」,底本校記云。「宋板作已。」

生而 湯武 似 /如此 堯舜 便别。 知之,湯武是學 明 说,只 道 ,禹之德 先 孟子言「性之」、「反之」,自 生 (孟子分别出來,便知得堯舜 日 則 . 似 堯 而 湯 與 能之。 武。 舜 更無 要之皆是聖人。 文王之德,則 優劣,

古

無

是

及

至

化 秋 仲 Ш 仲尼,天 如愚」之學於後世, 者 殺 尼 巖 無 巌 也;孟子 盡 仲 跡,顔 之氣 見。 尼,元氣 (地也; 仲 象 子 則露 尼 顔子,和 也, 微 也 無 有 其 有自然之和 所 顔子,春生也; 跡 觀 材,蓋 二、孟 不 其 風 包; 言,皆可 慶雲也; 子其跡著。 亦時 顔子 氣,不言而 然而 示「不 見之矣。 孟子,并 孟子,泰 孔子 己。 違

道?

息矣。 已差。 儘 後人雖有好言語,只被氣象卑,終不類道 會文字,只看他氣象極好,被 其不至聖人? 是明快人, 顔子儘 傳 曾子傳聖人學,其德後 經 聖人之學,若非子思、孟子,則 道何嘗息,只是人不由之。 爲 難。 如言「吾得 如聖人之後 豈弟,孟 正而斃」,且休理 來 子儘 纔 他所見處大。 不 百年,傅之 可 雄 道 測 辯 安安 非亡 幾 乎 知

荀子才高 0 其 過 多; 揚 雄 才 短, 其 调

少。

也,幽

厲

不

由

也。

遺書》。

下同。

失; 揚子 荀子 雖 極 少 偏 過, 駁, 只一 然己自 句「性惡」,大本 不 識 性 更説 其 已

董 一仲舒 日 「正其義,不謀其利, 明 其

子 ,底本校記 云: 「宋板作卿。」

0

思録卷之十四

道,不計其功。」此董子所以度越諸子。

然 狹 見 矣。 道 漢 不 儒 甚 如 毛 分 明。 茛、 董 下此即 一仲 舒, 至 最 揚 得 雄, 聖賢之意, 規 模又

見 他 著書 林 希 ,便須要做 謂 揚 雄 爲 禄 他 隱。 是, 怎生 揚 雄 做 後 得 是? 人 只 爲

得

如

此

分明

孔 取 此 天 不 明 地 而 之 興 必 可 孔 求 劉 爲 無 明 有成 氏 也 私 有 1 可 王 若劉 焉 也 佐之心,道 面 行 取 表子琮, 劉 不 璋。 義 則 將 聖 丽 未 人 得天 爲 盡 寧 曹公所 無 下不 王 成 者 爲。 并 耳, 如

諸葛武侯有儒者氣象。

孔明庶幾禮樂。

議 論 文中子 附 會 1成書。 本 是 其 隱 間 君 極 子。 有 格 世 言,荀、 人 往 往 揚 得 道 其

韓愈亦近世豪傑之士。如《原道

学中

不

到

處。

求 不 醇。」●又曰:「 語 者, 詳。」若不 雖 有 才見此 病,然自孟 是 人。 他 荀 與 見 子 得, 揚 至 而 擇 如 後, 豈 斷 焉 千 能 曰 : 而 餘 將 不 年 許 精, 孟 後 大 子 便 見 語 能 醇 識 焉 斷 乎 尋 而

是蹈 若 如 倒 無 日 學 了 所見,不知言所傳者何事 襲前人,又 學本是脩德,有 7,因 軻之死,不得 學文, 非鑿空撰 日 求 德 其傳。」似 所 然 未 得 後 至, 有言。 出 遂 必 此 有 言 有 退之却 所 語 所 非

政 精 密 周 嚴 茂 恕 叔 胸 務 中 盡 灑 道 落, 理。 如 《通書》 光 風 附 録 霽 月。 其 爲

資 如 禀 良 既異,而 玉 伊 Ш 先 寬 生 而 充養 一撰《 有 制 有 明 道 道 和 先 而 純 生 不 粹 行 流 如 狀》曰: 精 忠 金 誠 貫 先 温 於 潤 生

^{●「}子」,崇禎本及正德葉本作「氏」。

端

害之

興

起

斯

未

有

臻

難

辨

?,言有: 於老、釋者幾 聞 孝 一諸己 昔之 也。 文 之 悌 於庶物,察於 求道之志。 生 之 懷 之 斯 汝 悌 行 爲 非 温 洞 無 理 物 南 通 惑 昔之 窮神 三任 ¬, 不 然 己, 11 際 周 而 開 於 聽其 徹 人 動 茂 欲 内 百代未 神 害 極 知 謂 世 + 有 視 未知 弗 主 叔 明。 言 其 化 其 近 孟 年,返 人 常。 無 於 論 施 乘 言 德, 而 子 其 倫。 間 敬 明 由 視 道 於 其 其 日 易 没 人人也 先 之惑, 遂 美言 通 其 (要,泛 求 人。 迷 知,今之害深 而 而 知 生 測 色, 於 暗 諸 聖學不 道之不 厭 行 盡 爲 其 居廣 禮樂。 蓋 六 之以 如如 秦 濫 科 其 性 學 藴 今之人人 經 不 自自 漢 至 於諸 舉 接 足 居 時 則 命 而 一之業, 傳 恕, 明 而 物 辨 而 以 後 + 浩 雨 家, 下, 也 而 異 以 異 必 得 形 之 Fi. 見 行 平 序。 其量 於平 傳 及 不 所 易 進 蕪 聞 目 不 下 理 開 間 以 易 耳。 也。 明 , 物 醉 溺 天下 窮 感感 輕 知 也 病 成 天 深 世 自 而

大道

善若

出

容。

先

若

滄

溟

潤

胸

如

春

陽

金

石

之。

明

出

慨

然

有

六

時

本於

孝

端

似

是

也 將覺斯人,退 ,聖門之蔽 之學,非 因 其 生夢 ,賢愚 先生教 其辨 先生之門,學者多矣。 務; 高 下 邪 - , 洒掃 之學者 極 大而 明。 能 淺 死, 誕 於 析 微 言 塞 陋 通 皆獲 妖 污 人, 精 卒 爲 應 將明之書。 不 自 ,闢之而 固 而 異 捨 微 濁 無 自 教 對 自 謂 滯 無 其 不 之 近 得 稍見 致 人 至 覺 之 益 不 可 説 雖 則 而 也 而 於 知 窮 如如 也 周 以 後 趨 必 高 競 人易 至 於 窮 神 遍 人 遠 可 入於 起 先 才 羣 世 理 於 不 知 是 堯 以 明 生 飲 從 處 知 先 者 幸早世 化 杰 實 皆 塗生 舜 此 智 接 ,怒人 生之言, 性 於河,各 下 止 ,學者之 則 正 道 之 而 物 面 外 循 誠 路 膠 民 渞 自 不 一,皆 闚 加 辨 意 先 之 於 之 道 於 循 足 高 而 有 充 平. 所 未 蓁 見 耳 之 天 至 牛 倫 以

寬厚 色。 難 法 病 先生爲 誠 不 而 密之際,未嘗從衆 斥,退而省其 於拘 度 , 和 怨 而 不求 及 一人可效 設 方監 雖小人以趨 慢 先生爲 賢 也。 政,治惡 礙 施之際,有所 者 愚 司 物 《文集 圃 致 善 競 而 私,未有不 其 而 先 之 惡 爲 爲也。 以 生處 物 恭 沛 向 嚴 寬, 咸 應, 爲 之異, 然。 急之時 聞 得 之綽 應 賴焉。 處 風 未 至其 其 文 煩 雖當倉卒,不 施信 以 者 顧 心 然。 逃 而 先 誠 道之而 於 0 責 先生 其 裕。 生爲 ௱ 服 利 待 衆憂 狡 之事 民 害,時見排 僞 一所 先 覿 當法令繁 信 從, 君子 生 以 者 德 爲 則人 動之 動 人皆 獻 緇 率 爲 者 也。 皆 聲 其 條 其

間 如 之,云:「 此。 明 道 遺 先 與 生 自 下同 日 家 意 周 思 茂 叔 般 窗 一子 前 草 厚 不 觀 驢 除 鳴,亦 去

可

張 子 ·厚聞 生皇子, 喜 甚; 見 餓 学者, 食

> 便 不 美

人 則 不 渾 伯淳 謝 知 是 顯 舊 道 嘗 日曾有甚 重 굸: 與子 和 明 氣。 厚 道 在 《外 人於此 先 興 書》。 生 或 坐 寺 下 處講 如 同 講 泥 論 此 塑 終 事 人, 日 ? , 接 ൬

覺 休 初 人 河,顧 見伊 日 矣。」及出 侯 謂 「光庭・ 師 川 日 聖 了; 伊 : 門,門外之雪深一 云: 在 「賢輩 川 春風 朱 瞑 尚 公 目 中 在 掞 而 坐 此 坐, 見 了 乎 明 二子侍立 ? 尺。 道 箇月。」游、 於汝, 日 既 晚, 歸 且 既 楊 謂

體 之氣 從先 特立之才, 究,察倫明 其造於約 生三十年,未嘗見其忿厲之容。 盎 吕 劉安禮 與 於 面 叔撰《明道先 物 知大學之要, 背, 云: 也, 極 樂易多恕,終 明道先生德 其 雖 所 事 止 變之感不 生 一, 涣 博 哀 文 然 詞》云 日 性 强 心 怡悦。 充完, 識 釋 知 先 躬 《附録 洞 立之 粹 應 見 行 生 和 以 道 力 負

身而 官 吾志 不 欲以 也。 遇 移 是 充浹,見於聲容,然望之崇 欲以 事 有 了聖人復 心 自足。 所 可 而 優爲,從容 其自任 善 不 行,不苟潔其去就; 不窮 時之利爲己功。 屑 成 起 其 名; 3 而 之 雖 致 不 重 不迫,然誠 寧以 於 天下之理至衆, 與 也 也, 易。 寧 學 物 其養之成 異端 深,不 吾義 其 聖 不 心 自 被 懇 人 並 信 澤 惻, 所安,雖 而 可 立 知 之篤 爲己 未至,不 也 慢 反 而 弗之措 之 也 和 不 也, 病, 吾 能 小 氣

之曰: 知 足 讀 謁 兵 学中 ,於是又訪諸 無 范文正公。 時,先生年十八,慨 所 吕 庸 「儒者自有名教, 得 與 * 叔 反 先生讀 撰《横渠先生行狀》云: 圃 公知其遠器,欲 求之六經。 釋、老之書 其書,雖 然以 何 事 功名 愛之,猶以 累 嘉 於 祐 年 成 兵?! 自許,上 初, 就 盡 之, 究其説 康 見程伯 因 乃 爲 定 書 未 勸 責 用

斷

事

精

豫

淳、正 事 既 聞 亦未 坐, 俯 移 自信 成性、變化氣質之道,學 近 横渠徹去虎皮,曰: 説 棄異學,淳 到 《周易》,聽從甚衆。 得 者 疾 ÷ 而 深明《易》道,吾所弗及,汝輩可師之。」晚自崇文 西 莫 嘗須臾忘 於 取 讀 叔 一一一吾 歸 不 心 燭 於京 無 仰 横 動 以 如 失,吾乃沛 則 書。 渠,終日 而 心 師 也 道 修 思, 也。 「吾平日 有進。 共 自 其 其 尹 足, 有 夕,二程先生至,論《易》。 彦明 學者 志 語道學之要。 辭 危 得 爲 3 道 何 然。 嘗 云: 諸 坐一室, 則 命 精 必 有 事 謂 公説 横渠昔在 識 辭 思 如 問,多告 旁求?! 門 未 者皆亂 之, 無 義 聖人而 人 差, 人神者, 左右簡編 始 日 或 京師 先生 道。 須 然 中 以 於 後已, 臾息 坐 有二 後 吾 夜 是 知 涣 次 虎 禮 起 日 學 斷 盡 然 程 皮

弗」,崇禎本及元刻葉本作「勿

起坐」, 底本校記 云 宋板作坐起。」

人,人未之信,反躬自治,不以語人,雖有未居,久而日親。其治家接物,大要正己以感而已矣。」先生氣質剛毅,德盛貌嚴,然與人

非其義也,不敢以一毫及之。

便脱

諭,安行而無悔。故識與不識,聞風而畏,

「脱」"崇禎本作「锐」。

言,懼贅也。延陵後學吳邦模題時❶

近

思

録

跋

若名 此也。 道 也。 知所法也。 是書也,先生其身之矣,讀者當重嘉先生而 源之漸,若今律吕史綱之解之纂 綸之略,牧愛之方,清修之節,而實推於淵 書也,抑不寧彌文爾矣。 愧不肖不足以窺先生之盛心,而 所以尊主庇民者,端有賴焉。 進道之基,不寧取給於身心,異時 無 精粗,其致一也。 我玉泉張先生令吴江,以是書爲士 編之意, 近 庸表而 思録》者,朱、吕二夫子之所 謹載 則 出之,俾讀 二夫子之序具存, 拜稽首,而爲之跋云。 屬命邦模復新諸梓。 者庶 雖然 蓋 ,嘗觀先 幾有益 事 竊疑其 居官任 口 有本末, 不敢 考焉。 爲 生 而 人 復 經 在 政 編 廼 是

「時」下"疑有脱文。

一〇七

近思録集註

〔清〕江 永

校 撰點

目 録	近思録卷之十 一六二	近思録卷之九 ::::::::::::::::::::::::::::::::::::	近思録卷之八 一四一	近思録卷之七 一三一	近思録卷之六 一二四	近思録卷之五	近思録卷之四 九二	近思録卷之三 六九	近思録卷之二 三一	近思録卷之一	近思録集註審定及校勘姓氏 八	近思録集註凡例 六	近思録書目原序 三	近思録集註序	校點説明			目 録	
																跋	近思録卷之十四 一九二	近思録卷之十三 一八五	近思録卷之十二 一八〇

近思録卷之十一 ……………………… 一七四

校點説明

其然; 之林,心遊科舉之外」。 令特往起之,稱病且老而謝之, 十五年(一七五○)特詔薦舉經 年(一七三〇)檄升太學,因家計艱難而未赴,乾隆 學》而熟玩儒先之言,於程子「致知功夫在格物」深 始讀書,其父以《十三經註 婺源縣)人。生於康熙二十年,自幼家境貧寒,六歲 尤精三禮,兼擅音 館授徒 年八十有二。江永生朱子之鄉,讀朱子之書,而於 科舉陋習,少即厭之,不得已而隨行逐隊,身側科舉 一七六二),字慎修,號慎齋,徽州婺源(今江 近思録集註》十四卷,清江永撰。江永(一六八 康熙 爲業,並潛 四十年歲 韻、 心學術,專 試,補 鐘律、步算之學,不祇 故其一生未嘗出仕,第以坐 一疏》口授之,十八歲讀《大 婺源學弟子員; 意著述。 乾隆二十七年卒。終 明行修之士,婺源 他 邃於經學, 發揮 雍正 漢 縣 1 信 西 四

《禮 其傳詳見《清史稿》、《清儒學案》。 學門人弟子衆多,其中戴震、金榜、 收入《四庫全書》者十三種、《四庫存目》三種、《續 集註 經史考據卓聞於世,師弟子薪火傳承,遂成樸學皖系 聲切韻表》、《數學》、《考訂朱子世家》等四十餘種,凡 理考實》、《群 然爲當世大儒。 學,精擅考據,且能深 庫全書》七種。 派。 記 》外,并有《周 訓義擇言》、《禮書綱目》、《儀禮釋例》、《春秋地 是以江永於清代學術史,實有創新開派之功。 經補義》、《律吕新論》、《律吕闡微》、《四 著 江永長年處居鄉 禮 書 疑 布海内,累數百 入宋儒奥愛,研悦而羽翼之,卓 義舉要》、《儀 程瑶田諸人,皆以 里, 健户授業, 從 禮 卷,除《近思録 釋 宫增 注

校

點

説

明

與門 問 不敢輕下已見,並不敢雜以他儒之議論,俾後之學者 解》以下注釋者數家,惟 注朱子之書,至爲精切」,「比類發明,條理精密,不特 入,稱之「引據頗爲詳治」,「亦具有體例,與空談尊朱 江 此,江永《集註 大非寒泉纂集之舊,後來刻本相仍,幾不可讀」。 章,破析句段,細校原文,或增或 流行之明 近思録集解 氏《 绿》次 意遵朱 異也」。 人講 語 註 重 類》中,其 第,恢復 周 而不惑於多歧」云 儒林學界,并多贊譽,謂之「輯朱子之 刻 》既 公恕輯 多及此 再 》却「採朱子語甚略」; 出 》的特點。 造 傳世, 舊貌; 言有相 成 本,乃「以己意别 書」,可以 爲 即 清 此 二是「凡朱子《文集》、《或 爲編修《四 發明者,悉行採入分注」。 中 最 是仍《朱子遺 云, 為善 期 「與此 以降 以 複, 本」。 爲 二來是因爲 相發」,而 且 立 最 庫全書》館 「自葉仲圭《集 一復脱 爲 條目,移 是以 書》原本《近 流 行 漏 宋 後世歷 的《近 譌 近世世 葉果 語 臣收 置 舛, 以 故 篇 系

刻 光緒 本系 院刻本、光緒二十五年浙江書局刻本等,是别成 光 治 重 學 刻 大梁書 源洪氏刻本」,與吴棠刻本互校,并附 抄 慶十二年婺源李承端 刊 記》一卷,於江 本。 統(參見程水龍著《〈近思録〉 本、光緒二十七年文瑞樓石印本等,則 緒 四 爲 王鼎以己藏舊本,與李氏京師新 本等,遂自成一 印 統。 + 刊 十五年掃 年吴棠望三益 ,皆不得其詳。 後世 四年廣雅書局刻 刻,頒發郡縣學宫。 院刻本、咸 繼 一據此 而 葉山 蘇書 同 治八年,江 重 版本系統。 豐三年刻本、光緒十五年金陵 齋 房 局 刻 惟 刻 刊印。 刻 者 京 知 本、 師 本、光緒十五年長沙 本、光緒三十年蜀 現 計 刊本, 蘇藩 存最早的 同治七年 後世據之重 有 後世據之重 另嘉慶十九年,江 道 版本 臺 該本源出 光二十 應 刻 與 寶 崇文書 本「合而校 刻 傳 王 時 印本, 刻 又成 播 四 一刻 炳 者,計 一出 東成 年 朱 研 撰《校 者 局 少坡 究》)。 是 張 珪 舊藏 計 刻 版本 善 之一, 西 書 家 清 H 本 版 堂 勘 婺 司 督 晸 藏 嘉 有 局

庫》寫本之前有否 印本,而應寶時本嘗取吴棠本對校,已兼合王鼎本系 於嘉慶李承端所刊 爲存世 最早之江 永

思

録》注本。

江

永《集註》初

刻於何時《四

=

校點既畢,是以爲記。

校點者 嚴佐之

近思録集註序

掇 子嘗 極 於學者心身疵 萊先生晤於寒泉精舍,讀周子、程子、張子之 觀 平」,其功 四卷,凡義理根 心,爲生民立道,爲去聖繼絶學,爲 其 切 而 ,蓋自孔 關於大體 約 有宋諸大儒起而昌之,所謂「爲天 道 其 在 取 「四子,六經之階梯,《近思 閎 、玩索 偉矣。 天下,亘古長存,自孟 博 、曾、思、孟 無 病 原,聖學體用,皆在此編。 而服膺者也。 切 涯 其書廣 應 一、恐始學不得其門。 於日用者,爲《近思 接乖 大精微,學者 而後 ·違,言之尤詳,箴之 ,僅見此書。 昔朱子與 子後, 録》,四子 萬 所 世 録》十 綫 因 吕 地 當 開 其 共 弗 朱 東 博 立 太

既 是書 沈潛 讀。 大非 句段。 録 之薈萃者。 原本次第, 衰輯朱子之言有關 因葉氏注,以己意别立條目,移 見《文集》、《或問》、《語類》諸書,前人未 或指摘瑕疵,又或因 書,或解析文義,或闡 注不顯。考朱子朝夕與門人講 救人病者」,則 之階梯」,又謂《近 庸》, 豈尋常之編録 行 集解》,採朱子語甚略。 反覆 案 永自早歲,先人授以《朱子遺書》原本, ,原書破 寒泉纂集之舊,後 頭 細校原文,或增或複,且復脱 有年。今已垂暮,所學 默自 宋淳祐間 碎,朱子精言,復 此 省察,以 書 思録》所言,「 直亞於《論 他事及之,與此 哉 平 發 來刻 當 奥理,或 巖葉氏 近世 其 嚴 本 , 閒義旨淵微, 非 師 》、《孟 多 此 相 無 置篇章,破析 有 刊 采 無 仍,幾 辨 論,多及 録者,悉 周 不 竊 落 進《近 成,日置 相 别 漏 公恕者 》、《學》、 切人身、 病 譌舛 發 同 不可 有 因 近 此 思 爲 散 本 仍

備。 自勖,且公諸同好,共相與砥礪焉。 鄉,取其遺編輯而釋之,或亦儒先之志,既 釋蔽,於讀者不無小補。 則此注又當爲此録之牡鑰,開扃發鐍,祛 出 間亦竊附鄙説,盡其餘藴,蓋欲 入注,朱子説未備,乃採平巖及他氏説補之, ,味之無窮。 由是尋繹 乾隆壬戌九月丁巳朔婺源後學江永序。 本文,彌覺義 竊謂 此 録 既 晚學幸生朱子之 爲 旨深遠,研之愈 四子之階梯, 昭 晰,不厭詳 以 疑

婺 须 後 學

江水集註

横 横渠先生《禮樂説 災渠先 生命論 語 説

横渠先 横渠先生《語録》● 生《孟 子説

淳熙乙未之夏,東萊吕伯 恭 來 自 東

皆粗 懼夫初學者不 亦足 無 二條,分十四卷。 大體而切於日用者,以爲此編。 子、張子之書,歎 過予寒泉精舍。 處己治人之要,與夫辨異端,觀 明 見其梗概。 以 師 得 良 其 友 門而人矣。 以 知 先後之者,誠 以 其 留 所 蓋 爲窮鄉 入 廣 止 凡 大閎 也。 旬 學者 如此 日 晚 博,若 因 所 相 得 進 然後求諸四君 共掇取其 以求端用力, 與 此 有 聖賢之大 總六百二十 無 讀 圃 志於學,而 玩 津 周 心心焉, 涯 子 關 陽, 略, 程 於 而

明道

先

生《文》

集

周

子《太極

通書》

伊

ĬΙ

先生《文集》

0 原作「説」,據局本改。

近 思 録 横

渠先

生《易説

横

渠先

生《文集

横渠先生《正蒙》

程氏外書

程氏遺

書

程氏經

説

周易程氏傳

四

足於 也。 其 子之全 而 有 反 此 諸 Ŧī. 以 月 書, 盡 而 約 焉 Ŧi. 得 口 沈 日 則 之。 潛 則 新 其宗廟之美, 反 安朱 非 若憚 復, 今日所 · 熹 謹 煩勞,安簡 優 柔 識 以 百官之富 厭 纂 飫, 集 便,以 此 以 書之意 致 爲 其 庶 取 T. 博

等陵 之篇 幾不 四 有 語 之説,大抵 至於餘 緝之意,後出 近 科 日 ,荷茫然 思 点端,特 失纂 級。 東 節 近 者 卷所 萊吕 思 流 集 耶 循 非 録 不 使 於空虚 之指。 衵 是 - 1 載 始學者之事。 影既 晚進,於義理之本原, 識 之 謙 而 講 覽者宜詳之。 其 知 謹 進,自卑升 成,或疑首卷 學之方,日 若乃 其 梗概,則 識 迄 (名義, 無 厭 所 卑近 亦 高 祖 依 有 用 何 陰 淳 謙 據 所 躬 自 丽 所 熙 陽 竊 行 繒 鶩 近 則 = 雖 低 嘗 變 之實, 望 及 高 豈 年 未 與 化 止 遠 遠 丽 四 所 容 聞 性 躐 庶 具 月 謂 列 驟 命 次

朱子《答吕 伯 恭 ĕ E 近 思 録 向 時 嫌 其太高, 去却 數

> 張先 於此 李子 也。 之謬。 以 遠 卷 喻 家,直在第 段, 舊 呈,恐有未安,却望見教。 之,須更得老兄數字,附於目録之後,致丁寧之意爲佳,千 乃得其序。 論 勿吝也。 也。 來 本增多數條。 尾 爲 擇其言之近者,别爲 ,而近世紛紛所謂 如 首 用 能 生兩家之書讀之,至今四十餘年, 所增,已附入卷中矣。 ○《答宋深之》曰 太 力, 人而已。 ○《答汪 家儀鄉儀 Ē 却 極 〇又曰: 非專 及 九卷,亦似太緩。 自 卷中添却數段,不 程 明 然 先 論道 易 道 此 如買 然非用力之深者,亦 道》 生 論性 亦 心 《近思 有補 説 體,自合入第二卷作第三 文章議論者,殆不足復 常 槓 曰:《近思 之類者,今看得 一書,名《近思録》,幸 熹自 存,衆理 涵 還 於風 》數段已補入逐篇之末。 養 珠之論 所欲移第六卷者可否,亦望早垂 〇《答宋澤之》曰: + 今欲别作 須 知於尊 教。 29 是 自 録 Ŧi. 敬 , 尤可 业 著 幸 時 進 - 勿以 無以 意 似 但覺 H 間 得 以 學 如 卷,令在 用 不 書 河 警今 則 信 爲空言 何。 口 應 過 其 坊 南 細讀之。 在 段。 其 無。 接 眼 義之深, 别 程 「致知」, 《近思録》比 必 H 此 信乎 先 刊 出 各 然 而 學 書 又 如 得 生 處之前 今以上 岩 事 輕 有 者 也 以 ○≪答 若只 指之 1欲行 親居 孟 讀 横 用 本 顔 萬 E 之 子 1

⁰ 原 作 據局

數

語

以

載

於後

厂; 正

謂

也。

若

看。 較較

近

思

首 此

卷

難

看。

思録 在。

 $\stackrel{>}{\not=}$

語甚有切身處。

曰

〇《近思録》一書,無不

大學》、《論

切。

直

熟 録

名。 十四

如

第十卷亦不可以

一辭受之義,八治國平天下之道,九 [得浹洽通曉,自當推類旁通以 ○修身大法、《小學》備矣、義 一教學之道,十二改過及人心疵病,十三異端之學, 徧觀諸先生之書,故掇其要切 語》、《孟子》皆平易。 ○《近思録》大率所録雜,逐 看《大學》了,即 篇綱目 「處事」目之,以其 子,六經之階梯; 善、克己復禮,六齊家之道,七 切人身、救人病者。 ,何暇盡 善。 1只讀 聖 ○答或人日 此 某所 讀《論 事。 賢說得語言平,如《中 近 近 此 道 案頭 以 思録 致其博。 體,二 思 ○《答寶 理 》、《孟 與 則 録 者 一精 邊 道 伯 制 有人教 使使 談説 所載之書而 微,《 是近 理 恭 度,十君子 爲學大要,三 卷不可 近 得近世 》,《近思 孤 商 若看得未熟 有 近思録 文 足録》, 〇或言《 近思 入道 來 單 卿 量 小小童 人説 以 教 學 如 日 録 之漸 録 庸 本 處 悉觀 頓 他 四 問 話 **近** | | | | | 又 段 事 子 兵 做 事 出 爲 規 知 得多後 書。 此。 續 吉 書 同 所載。」問: 後,又却只是 面 如? 久後 看 堅 録 近道」 體 一城之下。 恁地説 《近思録 甚者皆 子細看來看去,却自中 看第 晁 ○《東見録 ,義禮智信皆仁也 日: Ħ 氏客語 道 段甚好 ,後面又不是恁地,這 如 所疑甚多。 不 理 》,若於第 卷,則 却 今書已 如 叮 自 不如 曉。 》卷中, 箇道 通 崇 何?」曰: 常收 徹。 漸 ·, 明 一儘多了,更有却 理。 語 近思 曉得。 張思 日: 卷未曉 道 0 一云云極 人《近 因 伊 日 録 孟 「公須自見。」意謂 今猝乍 叔 ĬП 間 論 學 0 》只是 》所載皆易曉 記 有箇 得,且 思 近 云,窮 好 問 裏説 者 程 録 思 先須 ,當添入《近思 -看 先 路 ¥. 看不辯 録》 運豊 從第二、第三 得 生 陌 這文字也 鋪 畫 如此 識仁,仁 語 卿 曰 説 推 横 是 者。 굸 《近 去, 渠 尋 《易 那 思 不 可 語 Ħ 通 思録》看 是 0 者渾 欲 録 當 [窮得 得 裹又却 以 録 難 一卷看 傳》已自 因 格 編 用 四 游 論 有 關 物 然 五 盡 Ļ Q

之乎?

只此數 若已看

卷之書,尚

不能

曉

會

物窮

理

四

存養,

五

一改過

遷

梯。

○《近思録》逐

○《近思録

影

看。

四

之方,十

聖

賢氣象。

進退

學者

不能 痛 四

病

親

切 時

更

能

兼

看 此 四

亦佳。 意甚 卷

H

誦

書

時 影前

省

察

起 得

久

+ 不 時

傳

窮 條 如 前 何 近

思

録

專

説

遺 物 成

與

近 陜 則

> 方 固

六

近 思録 集註 凡例

坼也。 可讀。 皆非 以 或漏 世周公恕,分出 刊本仍之,題作吉水李振裕、宛平 所引書爲先後, 本 其實。 落 文作分注,以 是 淳祐中葉采進《集解》,尚仍原文。 ,或妄增,大失朱、吕之意。 録 其間譌繆益多,有節去本文,有 原 細 本六百二十二條, 一條或及數事,全文不可 葉注 目,移 作本 動本文,破碎 文者,此書遂不 高裔重編, 各卷 新安朱氏 糾 中 紛, 近 破 以 此不備

朱子嘗言「逐卷 如第一 、原本十四卷,各爲 今悉遵《朱子遺書》原本,以還其舊。 卷題 示 云《道體篇》,亦 可 以 一事 事類, 名」。 非其舊。 而 近 無篇 本 題 目。 篇 今

目

首 此 本《語類》「《近思録》逐篇綱目」一條,注 録之法,彙爲綱領, 俾各篇有總領,仍不失朱子之意 、朱子《文集》、《語類》,言編此録及讀 列於書目、原序之後 一於卷

《通書》、《西銘》附注之例,凡朱子説悉採入, 有數條文異意同者從 問》等書者甚夥,今做《性理大全》、《太極》、 、朱子之説,散見《文集》、《語類》、《或 略

俾

讀者知其大要。

朱子 本 一、所引《太極》、《 .解。 其他説甚繁,自有《性 通 書》、《 西 銘 理 全 書 惟 載

載。

别之。 葉氏 足之。本文已詳明 説補之,葉説 一、朱子説 是書原有本 有 有 不 ,可不煩注釋者從 注者,加「本注」二字以 備 未安或未 則 採 先 盡 儒 則 諸 略 家 附 説 鄙 及 説

書非爲幼學設,不必一一訓詁,讀者自能經史雜書,閒釋一二,其原文不盡載。蓋是一、諸條有字義姓名當釋者釋之,所引

詳之。

説太多,讀者易生厭倦也。 人注,各自成書。此不能旁及,亦恐後儒衍,孫薛敬軒、胡敬齋、羅整菴、高景逸四家語録採薛敬軒、胡敬齋、羅整菴、高景逸四家語録不可、近世新安汪氏佑,每篇增入朱子之一、近世新安汪氏佑,每篇增入朱子之

近 思録 集註審定及校勘姓氏不及次序

青陽王 **歙縣鮑勳茂樹** 宗誠 蓮 府 堂 懷寧汪

德

鉞

鋭

齋

休

寧汪

滋

畹

蘭

畬

婺源李

承

端翼堂

桐

城

昊貽

詠

種

之

涇縣朱 合肥黄 鳴 **菁雅** 傑 季侯 亭

黟

縣

孫

士梧翠庭

歙

縣

葉

世

灃

魚

Ш

涇

縣

朱

格

齋

涇

縣

朱德

懋

澹

菴

涇

縣

朱

珔

蘭

友

近 思 録 校 勘 姓 氏

定遠 舒城 婺源 桐城 旌 歙 德 縣 劉 方 高 汪 江 洪 際 福 敏 琪 盛 伸 桂 田 薌 曙 恬 純 藕 倬 園 林 菴 亭 洲 甫

八

源後學江永集註

婺

朱子曰:此卷道體。

濂

溪

先生日

0

無

極

而

太

極。

朱子曰:

「上天

者性」,萬物各正其性命也。 者聖人之本」,物之終始,而 之有動静,是天命之流行也,所謂「一 動 極而太極」,非太極之外復有無極也。 之載,無聲無臭」,而實造化之樞紐,品彙之根柢也,故曰「無 互 静 繼之者善」,萬物之所資以始也。 爲 極 而生陰」、「分陰分陽,兩儀立焉」,分之所以一 静,互爲其根」,命之所以流行而不已也。「動而生陽」, 其 而 根,分陰 静 普 而 分陽 生 陰 命之道也。 「動極而静」,「静極復動」,「一 静 兩 極 儀 其静也,誠之復也,「成之 立焉。 復 陰 太極 動 其 陽之謂道」。「誠 動也,誠之通也, 朱子曰: 動 動 而 定而 生 太極 静, 陽 不 移

分; 布,四 也。 之生也,各 又錯而言之,則 之離也。 雖然,推之於前 之,則動静不 形 具無不備矣。 然無適而 水,而木火陽也,金水陰也。 水木陽也,火金陰 識之?」陽變陰合,而生水火木金 者而觀之,則沖漠無朕,而動静陰陽之理,已悉具於其中矣。 也,陰陽,一 極之本然也。 而氣行於天者也。 而上之道 有陰陽 蓋太極者,本然之妙 時行焉。朱子曰"有太極, 故程子曰: 非陰陽之道,至其所以爲陰陽者,則又無適而非太 也; , 則 同 故又即此 夫豈有所虧欠間 動陽而静陰 · 時,陰陽不同位,而 陰陽,形 其性。 太極也; 而不見其始之合; 變一合而 也。 以質而語其生之序,則曰水火木金土,而 「動静無端,陰陽無始,非知道者 以 而推本之"以明其渾然 而下之器也。 也 氣 朱子曰: 也。 Ŧi. 而語 又統而言之,則氣陽而質陰也。 太極 行具。 動静者,所乘之機 隔哉? 蓋五行之變,至於不 其行之序,則日 本 太極無不 引之於後,而不見其終 E. 然五 行 則 是以自其著者 無極也 !具,則 五行,一 行者,質具 士。 動一 在 造 馬 體,莫非 木火土金 静 化發育之 五 而 自 陰 氣 五 於 「孰能 可 其 而 兩 地 行 陽 順

近思録卷之一

所謂 之物, 乾道 之始,以氣化而生者也。 者成男,則父之道也,陰而順者成女,則 萬 則 性,而男女一太極也。 陰陽五行爲之經緯錯綜,又各以類凝聚而 「不二」之名也。 在,又可見矣。 生,隨其氣質而所禀不同,所謂 言,是性之本體然也。 而皆不能離乎太極。 極之妙, 而 **共質,四** 、渾然太極之全體,無不各具於一物之中,而性之無所不 人物生生,變化 物生生,而 一物各具一太極也。 「妙合」者也。 而性無不在 成男,坤道成女。二氣交感,化生萬 太極 【時異 而 無極之妙,亦未嘗不各具於一物之中 也。 氣,而皆不能外乎陰陽, 無 凝者聚也,氣聚而成形 蓋 變化無窮焉。朱子曰: 夫天下無性外 無窮矣。 ,此「無極」、「二五」所以混 真以理言、「無妄」之謂 極之真,二五之精 合而言之,萬物 至於所以爲太極者,又初 白萬物 天下豈 所謂天下無性外之物,而性無不在 氣聚成形,則形交氣感 自 而觀之,則 男女而觀 |有性外之物哉? 「各一其性」也。 統 體 陰陽異位,動 也。 母 萬物各 之,則男女各 一之道 也 太極也 成形焉。 ,妙合 蓋性爲之主,而 融而無間 止也。 也。 無聲臭之可 ,遂以形化, 精以氣言, 一其 各一其性。 然 静 而 五行之 蓋五行 分 是 陽 八性,而 異 者也, 人物 物。 凝。 丽 丽 一其 時, 言 健 也義。 秀者。 也。 其吉凶。

地

合其德,日

月合其

(明,四

合其序,

鬼

神合

朱子曰:

此言聖人全動静之德,而常本之於

蓋人禀陰陽五行之秀氣以生,而聖人之生,又得其秀之

是以其行之也中,其處之也

正

,其發之也仁,其裁之

蓋

動一静,莫不有以全夫太極之道而無所虧焉,

則

勝 主 以 其在人者又如 之理,而常失之於動也。 動 其 能載焉; 者,於此尤可以見其全矣。 又以類分,而五性之殊,散爲萬事。 然形生於陰,神發於陽,五行之性 最靈,而有以不失其性之全,所謂「天地之心」,而人之極也 然陰陽五行,氣質交運,而人之所禀,獨得其 利 静,〔本注〕無欲故静。 中正仁義、「本注」聖人之道、仁義中 而 秀 害相攻,人極不立,而違 善惡分, 而 語小, 最 靈。 此 天下莫能破焉。」此之謂 萬事 ,自非 形 既 聖 出 蓋人物之生,莫不有太極之道 人 生矣, 矣。 子思子曰 立人極焉 全 一禽潤 體 朱子曰:此言衆人具動 太極 ,感物而動, 神 不遠 蓋二氣 發 有 也。 矣。 以 君子語 知 故 Ė 定之, 五 秀。 矣, 惟人也, 行 而已矣。 聖 而 聖 化 陽善陰惡 大,天下 則 故其 人定之 五 人 生 欲 (與天 性 萬 八心爲 動 圃 物 焉 得 感 情

原 也

其

分始

丽

知所以生,則反其終而

知所以死矣。

此天地之間

,剛也,仁也,物之始也,

陰也,柔也、義也、物之終也。

之别,而

於其中又各有體用之分焉,其實則一太極也。

陽 能

可

義成德,人道之所以立也。 陽成象,天道之所以立也,

道

而已,隨事著見,故有三才

剛柔成質,地道之所以立也,仁

又曰:「原始反終,故知死生之説。」朱子曰:

陰

論乾坤 知此 E. 散」, 文 直,而聖可學矣。 而已矣。 蓋不假修爲而自然也。 時 而 事物之變,而 之復而性之真 總之所謂 其 、鬼神 |地之道,曰柔與剛,立人之道,曰仁與義。| 聖人太極之全體,一動一静,無適而非中正仁義之極, '而悖之',小人之所以凶也。 修之悖之',亦在乎敬肆之間 亦此 動也必主乎静。 動 敬則 意爾。 欲動 静,而曰 有所不能違也。 也。 欲 情 天下之動哉? 勝、利害相 寡 故 君子修之吉,小人悖之凶。 「不專一則不能 苟非此心寂然無欲而静 而 É 此其所以成位乎中,而天地、 理明,寡之又寡以至於無,則 未至此而修之、君子之所以吉也、不 蓋 「立天之道,曰 攻者,於 必體 故聖人中正仁義,動静 立而後用有以行。 直遂,不翕聚則不 此乎定矣。 ,則又何以 陰 然静 與 日 若程子 静 陽, 月、四 者,誠 周 朱子 能發 虚動 酬 流 酢

> 之,其旨豈不深哉! 出 綱紀造化,流行古今,不言之妙。 朱子曰:《易》之爲書,廣大悉備。 此,故引之以證其說。 大哉《易》也,斯其 聖人作《易》,其 然語其 至極,則 至矣! 大意蓋 此 圖 不

「大而化之」之稱。 也。 以成其德,而有以守之者也。 明,德無不備者也。 焉之謂聖,朱子曰:性者獨得於天,安者本全於己,聖者 反而至之,執者保而持之,賢者才德過人之稱。 有是五者之用,而因以名其體焉,即五行之性也。 矣,此陰陽之象也。 蓋動於人心之微,則天理固 充之周徧 通 '窮之謂神。《通書》。 |日智,守日信。朱子曰:道之得於心者謂之德,其 幾,善惡。 誠, 而不可窮 無爲, 朱子曰: ,則聖人之妙用而 此不待學問 朱子曰: 復焉執焉之謂賢。 德: 愛日 〇朱子曰:發之微妙而不可 當發見,而人欲亦已萌 幾者動之微 實理 發微 勉强,而誠無不立,幾 仁,宜日 自 不可知者也 然, 不可見,充周不 ,善惡之所 何 義 爲之有 朱子曰: 此思誠研 理 性 由 乎 即 馬 分 復者 無 禮 其 太 也 安 幾 不 别

已自 也。 遂 説,不但欽夫。 問: 也。 之大本」。 往往守此説。 中書》説亦如 蓋所以爲寂 通」,言其用 謂之和。 無所偏倚,故謂之中。 中」,中也者,言「寂然不動」者也,故曰「天下 感 如如 通 伊 達道者,循性之謂,天下占今之所共由,道之用 下同。 汩 而 何得 南軒言伊川 也,「寂然不動」,言其體則 惟聖 ĴΠ 亂 遂 寂然不 J, 大本者,天命之性,天下之理,皆由 言「喜 如 一人能 感也。 則 通」者 〇朱子曰: 聖人中節? 「發而皆中 此。 思慮紛擾 然 某看來 自 怒哀樂未發謂之中,中 也。 之,衆人却不然。 動 五 此處有小差,所謂喜怒哀樂之中,言衆人 今載 觀 一者,聖· 峰 也,故 中中 「言」字、「者」字,可以見其微意矣。 「寂然不動」,衆人皆有是心,至 發 發皆中節, 《近思録 喜怒哀樂,情也。其未發,則性 此論 -和以 〇天命之性 人之道 寐顛倒 節謂之和」,和也者,言 日 ,某自是曉不得。 情 如如 「天下之達道」。 性言, 然也。 心。 情之正 蓋衆人雖 ,曾無操存之道, 何? 又南軒《辯吕 純粹至善,而具於人 0 也 和,情也,「感而 也。 寂感以心言, 曰 : 者, 具 此出,道之體 無所 (此心 寂 前 今湖 然不 輩 乖 至 南學者 多 與 也。 戾,故 感 動 中 感 發 如 叔 **文** 币 發 時 而 此 論 是 0 和 遂 0

> 所以節之,則人欲肆,而達道有所不行矣。 而不知所以存之,則天理昧,而大本有所不立矣。動而不知心者,其體用之全,本皆如此,不以聖愚而有加損也。然静

DП

圓無 也。 也。 以其可見而謂之有。 渠「心統性情 情是動,心則兼動静而言,或指體,或指用 無而動有」,静不是無,以其未形而謂之無,非 静,還是静中有動意? 故横渠云「心統性情者也」。伊川此説最爲穩當 静時,動之理已在,及動時,又只是静底。 病。 有指 惟觀其所見何 心一也,有指體 問: 用而言者,〔本注〕「感而遂通天下之故 」相似。 心本是箇動物,不審未發之前,全是寂 ○「寂然不動」是性,「感 横渠 曰:不是静中有動 如 「心統性情」之説甚 而言者、「本注」「寂然不動 耳。 朱子曰 ○伊川此語 隨人所見。 意。 伊 而遂 因 川 周子 動 此 通 性 而 語 謂 後 是 方其 甚 然 有 丽 是 渾

情。 之則道 乾,健 乾,天也。 也,「天且弗 也, 健 天者乾之形體,乾者天之性 愐 違 無 息之謂 一是也。 乾。 分 而言之,則 夫天專言

■「情性」,局本從洪本作「性情」。

之用 此,必 宰。 天。 是性 情? 道也 下同。 同 也。 弗 性情是寒,天之性情則只 日 上 息。 謂之「性情」 鬼 以 否? 達」是也」,此語 帝 性 神 形 是。 日 二,此是説道 情,天地是皮殼。 二以 便是天之情。 蓋天是箇至剛 ,降衷于下民」,此是謂帝。 〇「性情」二字 健而 有爲之主宰者。 以以 體)問: 〇朱子曰:《程易 日 ○問: 下數句 謂之天, 知 不息,非性何以 妙 以 鬼 該 性 用謂之 功 神之神 以 .則 體 ,皆極精。 加用、 用謂 某亦 知 静 至陽之物 所謂「天之蒼蒼」,此是形體。 主宰謂之帝」,孰爲主宰? 常常 天」, 動 以 之鬼神 專 相 未敢以爲然。 這樣 此神字 神, 静 是 翼 主 參。 |便是性,「動直」便是情。 「天專言之則道也」,所 能 0 此 而 -説道 處 宰 天便 此? 「乾者天之性情」,指理而言也。 以 言 箇 自 情 以 要人自 説 也。 謂 健。 〇「天專言之則道 性情 然 便 妙 理 得 是 0 角 如 是 之 處, 粗 〇火之性情是熱,水之 専 「天且弗違」,此只是上)健之體便是天之性,健 健故不息 謂 此 性之發,非 見得, 帝 如 謂 轉運 之神」,二「神 言之則 如 之乾。 此章、天專言之則 《繋辭 以 非 不 功 語 息。 惟健乃 日 道 謂 所謂 》言 言 性 用 8 也,『天且 天 者 何 自 所 所 謂 字 命之 以 能不 傳》。 神 否? 乾 能 以 有 惟 之 木 主 皇 坤 有 也 如 杰 言鬼神 者妙 0 0 有屈 妙 説造 妙 亦 藏 用

漸次形 情狀」,此 此,又如彼 用言其 不 ,皆鬼神之功用,此 近化。 離於鬼 萬物 伸往來之迹 也 迹。 崱 妙 所謂 理 神 而 ,使人不可 也。 在其中矣; 神,只是 神則忽然如此,忽然不 用以其 爲言」,此 功 功 ,如寒來暑往 用 用 精 無 謂之鬼神)測知 皆可 者言 所謂 是 迹可 析而言之,則鬼神者 有 見也。 迹 其 妙妙 見。 鬼 底 妙不可 神之妙 用 目 也。 〇勉: 妙 謂 往 忽然而來 如 用 月來 之神 〇功 齋 測 此, 用 是 黄 也。 無 無 春 用 也 氏 0 迹底。 其 兼 日 忽然而往 生夏長 功 0 言 粗 箇 用 精 鬼神 蹤 致 合而言之。 言其 粗 知 由 而 神 ,秋斂 是 鬼 鬼 方 言,是 要之 神者 神之 有 笛 如

處看 爲冬,皆自此 仁,當就初處 專言則包四者。 便是仁。 四 德 之元, 生 看。 如 出 春夏秋冬,春爲一 2 如 所以 猶五 **乾** 元亨 謂仁 ,利貞, 彖》傳。❶ 常之仁。 包 四 而 歲之首 德 元 者,只 〇朱子 爲 四 偏 曲 德 緣 言 是 Ė 之 四 而 首 則 箇 要 爲夏爲秋 是 就 理 會 初 事 箇 牛 得

- 「彖」,原無,據局本補。
- ②「初」,原作「粗」,據局本改。

只是

〇問:

則死矣,何處更討義、禮、智來?

○須是統看仁如何包得

四

箇生意。

四時雖異,生意則同。

劈頭是春生,到夏長

養,

長養那生底

秋成遂,是成遂那生

底

冬堅

實

亦是堅實

那

生

、禮、智莫非善,這

箇

却是善之長。

又 曰 :

義、

、禮、智

無仁

氣。

〇問: 仁包四者,就初意上看,就生意上

明年又從春起,

渾然只

是一 看?

箇發

生

日:

統

是 之 便 地

之元,利之元、貞之元。 仁如何包四者? 箇 元,却 有 元之元、元之亨、 曉得此意, 《易 》便説得好,「元者善之長」, 則仁包四者,尤明 元之利、 元之貞,又有 台了。 亨 爲秋,消縮便爲冬。 只 醒 是 底 在 箇 裏面 「春氣,發生之初爲春氣。 便

也

不

知

羞

惡 不不

知

不

知

是

非

如

六

發 解

生得 遜

透便爲

夏,收

斂 天

箇 者,又却分看禮 思 盡 ,智是收斂無痕迹底意思。 温 和 知發於剛果處亦是仁,發於辭遜是非 底 意思,義 義、 是慘 智、信如何 烈 剛 斷 性中有此四者,聖門却以 底 亦謂之仁。 意 思, 禮 是 大抵於仁上見 亦是仁。 宣 一著發 揮 〇仁是 求仁 底 意 得 底。

只是箇生意。

當惻隱

而

不惻隱

便無生意

,便死了

羞

惡

至當辭遜

而

失其

解

遜

當當 當

是

草木未華實,去摧折他,生意便死了。

仁、義、禮

爲急。

緣仁是四

者之先

,若常存得温厚

底

意

思

宣

著

一發揮

時便自然會宣著發揮

,到剛斷

時便自然會剛斷

到 到

收斂

~時便

又却 以 自然會收 包四者 看春 也。 斂。 ,夏氣又熱,亦非生物之時,惟春氣温厚,乃見天 如 何 包得 若將别箇做主, 〇且就氣上 時。 四 |看,如春夏秋冬,看他四 時之氣,温涼寒熱。 便都對 副 不 著了。 涼與 此仁之所 l 時 界 寒既 限,

不能

生物

生物之心,到夏是生物之長,①秋是生氣之斂,冬是生氣之

禮

也。

〇問

仁何以能包四者?

E.

人只是

箇

心,就

若春

無生物之意

後

面

時都無了。

此仁所以包得

義、

地

裏

面

一分爲

四

者。

且以

惻

隱

論之,本只

是

簡惻

隱

遇

當

解遜,不

安處便爲羞惡,分别處便爲是非。

若無

箇 辭

動 孫

底 便

> 「專言之則包四者」,亦是指生物之心而言 四 日: 之事。 特爲衆善之長,雖列於 通貫周流於四者之中,須得辭遜 而 而無羞惡,這生意亦死了,以 仁之所以 仁,而又别有 德 失其是非,心便死,全無那 但 ,猶冢宰之統六官。 看羞惡時 ○問: 爲妙 主 也。 仁可包義、禮、智 自 事之仁也。 〇偏 有一 四者之目 言則 般惻怛底 〇仁乃天地生物之心而在人者,故 活 日 惟 一、斷制、 底意思。 愛之理 是 惻 意思 即 而 隱如 此 四 是非三者,方成得仁 專 者 ,便可 事 何可包羞惡三端 〇仁是生底意思 。 非 不 言則 便 别 能 見。 包 有包 外 日 四 焉。 〇仁之包 心之德 四 此 者 所 謂

0 物」,局 本從洪本作「氣」。

○偏言、 遂,貞者生理之正也。仁者人心之生理也,禮者仁之節文, 葉氏曰: 是兩人也。 箇人,此偏言也,及專言之,爲九州安撫,亦是這 箇小底仁,又有箇大底仁,不知仁只是 專言之仁,所謂偏言之仁亦在裏面。 執事敬,與人忠」,「仁,人心也」,此是説專言之仁。 愛上説,此是説偏言之仁。 面。 偏言底,專言底便在裏 人言仁處,或就人上說,或就事上說,皆是這一箇道 (者仁之裁制,智者仁之明辨,信者仁之真實也 雖是相關,又要看得界限分明。 專言,亦不是兩箇仁,小處也只是大裏 元者天地之生理也,亨者生理之達,利者生理 故明道謂義、禮、智皆仁也。 面 至説「克己復禮爲仁」、「居處恭, 説著專言底 如孝弟「爲仁之本」,就 〇偏言、專言,恰似 窗。 若見得此理,則 則 偏言 如 面。 知福州是這 一箇人,不 底 便在 理。 然雖説 0)説著 之 0 聖 裹 有

物言之,謂之命, 順 焉,猶命令也。 所從言之地頭不同耳 命於人,人禀受此理則謂之性。 〇朱子曰:天以陰陽五 五常之德,所謂 天所 賦爲命,物 於是人物之生,因各得其所賦之理,以 以人物 性也。 之所禀受於天言之,謂之性。 行化生萬物,氣以 ○命猶誥敕,性 所受爲 〇 理一 性。 也,自天之所賦 猶職任。 成 形, 天以 愐 理 風與萬 亦 其 此 爲 實 理 健 賦

日: 似樹 此是 無迹矣。 霆風雨,皆是也。 爲厲,此豈亦「造化之迹」乎? 地之間,只是此一氣耳。 然又去那裏討鬼神? 鬼神者,造化之迹」,朱子曰: 得 説道 而見 迹可 上忽生出花葉,此便是「造化之迹」。 鬼神者,造 無又有,説 得而 於其氣之往來屈伸者足以見之。 見? 但人所常見,故不之怪。 道有 又曰 化之 〇 如 來者爲神、往者爲鬼。 汉無。 : H 迹 視之不 月星 風 也。 日: 雨霜 物之生成,非鬼神 辰風雷,皆造化之迹。 皆是也。 · 見, 露,四 乾・ 聽 又如空中 之不 文言》傳。 時 〇造化之妙,不 微鬼神,則造化 代 若 〇問: 論 闡 謝 ıE 忽 而 何 又問 理, 〇間 伯 何? 也? 有 天 則 雷 有

上 爻尚存,如碩大之果 理 L 以 則 九亦變則純陰矣。 生於下,無間 剥之爲卦,諸陽 見陽與君子之道不可亡也。 可容息 不見食,將 消 然陽無 剥 已盡,獨有上九一 也。 미 盡 有復 聖 一人發 之理,變於 或曰: 生之理 明此 剥

0 彖」,原無, 據局本補。

可

月却 積累 説得甚 明道 子,做 子曰: 下矣。 面 腔子,做 復相因,畢竟須經由 則 \Box 來 盡 亦然,聖人不言耳。 陽 剥 盡 爲 坤 則 ❷冬至方是 成 消 到 尚 與 當 爲 復、陽未 心臨卦。 存 凡陰陽之生,一 分,下面 一精。 人,故令人做一 長之意。 那 畫 嘗 得 故十月謂之陽月, 一十月。 純 復 細推 復一 未成。 處, 且以 坤, 畫 之,這 成。 便 陽已生 方 結 推 復之一 〇問: 以萌芽 然此 豈 算那 成 嘗 一配月, 以氣 [坤,坤 坤 復有陽乎? 盡 件大事看。 爻當一 亦不是甚深奥事,但伊川 陽。 ,坤純陰,陽氣闕了三十日,安得謂之 挂 陽不是頓 ①冬至子之半,如 陽不是 分, 也。 則 非 陽,冬至以後又漸 * 《爾雅》「十月爲陽」。 消 消 剥九月,坤 是 Ė 純 息言, 無陽 月,須是滿三十 時 恁地 面 剥 陰無陽, 亦 剥 然便 恐 ○「陽無可盡之理」, 盡 如 生出 二分,下面便萌芽二分, 陽始生甚微, 疑其 此。 於 則 生, + 曰 如此陽 月,復十一 Ŀ 陽 纔立冬便萌芽,上 乃是 何是 . 但 無 生 伊 剥 以 Ė, 成 則 陽 自 III 當時 有 卦 爲 ○問: 未滿 方滿 坤 陽 説 復 斷 也 陽 坤 月。 配 卦 不 滅。 方 欠 生 幾句 中 過 生? 伊川 曾 那 得 月, 剥、 於 陰 陽 剥 積 那 朱 分 腔

> 耳。 息間斷 人? 惡,用君 言者,這便是一 時 不特如此,木之冬青者必先萌芽,而後舊 始 日 生 生也。 、天地無時 ○「陰亦然」,以夬、乾、姤推之亦可 但有聖人壓在上面,不容他出而 分,上 豈 子而退小人,此理自是 解一 以 面 不 此便見天地無休息處。 箇參贊裁成之道。 趲 月 變,不惟月變日變, 得 無陽? 分,下 且 面 如 泛恁地。 便 木之黄 生一 蓋 而 抑陰 分,到 有爲耳。 雖 〇天運 時 落 見。 堯、 亦 而進陽,長 時, 葉方落。 有變,但 + 舜之世 但聖人 流 萌芽已 行,本 月半 若 所 豈 人 生 以 論 不 而 了。 小 消 覺 變 陽 不

皆以 朱子曰:天地以生物爲心者也。 之心也。 地之心,則亘古亘今,未始有毫釐之間斷 生於内 静 爲 陽復於下,乃天 聖人以爲於此可 非 見 天 知 地之心, 道 者,孰 以「見天地之心」焉。 蓋 地 能 雖氣有闔闢 生 識之? 不 物之心 知 也。 動 之端 《復• 物有 故陽極 也。 蓋其復者 盈虚 乃 於 》傳。❶ 天 先 外 而 地 儒 而 天

「〇」,原無,據局本補。

0

- 「曰」,原無,據局本補。
- 「復彖傳」,原無,據局本補。「生」,局本從《語類》作「成」。

來。

且

月三十

白

以

復之

陽分作三十分,從小雪

後

便

乎? 倪可 始可 字,却云「動之端 動之頭緒於此處起,於此處方見天地之心也。 循 這歸宿處,便也無這元了,惟有這歸宿處,元又從此起,如此 天地之心,流行自若。 不是天地之心,只是見天地之心。 者而言之也。 之極也,一 也,其所以復者 環 見。 見。 心無窮。 此則 惟 ○十月陽氣收斂,天地生物之心固未嘗息,但無端 絶而不復續矣,尚 「動之端」者,乃一陽之所以動,非指夫一陽之已動 十月萬物收斂,寂無踪 陽 〇問:伊川以 則 」, 動 有自來矣。 則 動而物未生,未到大段動 元、亨、利 生意始發露 「動之端」爲天地之心。 何以復生於內,而爲闔闢之無窮 向非天地之心生生不息 貞,貞是結實歸宿處。 如十月豈得無天地之心? 跡 出 到 ,乃始可 陽 動 見端緒也。 處。 〇不直下「動」 處,生物之心 凡發生萬 若無 則 動 亦 陽

故曰「天下之公」。四端萬善皆統乎仁,故曰「善之本」。渾淪,只恐人理會不得。○葉氏曰:仁者以天地萬物爲一體,子曰:伊川此説,説得渾淪開闊無病。○此説固好,然説得太子曰:伊川此説,説得渾淪開闊無病。○此説固好,然説得太

,都從這裏起,豈不是天地之心。

應,所應復爲感,所感復有應,所以不已也。有感必有應。 凡有動皆爲感,感則必有

般。 德 此 如 在,如何學者用不得? 事,又生出 感通之理,知 0 〇朱子曰:)問: 理。 也」,亦是這道理。 雨便感得暘 〇因 感應之理,於學者工夫有用 如父慈則感得子孝,子孝則感得父愈慈,其 這 第三件事,第二件 凡 件事,又生出 來,暘已是應,又感得 在天地間,無 道 者 默 精義人神以致用也,利用安身以崇 非 而 一件事,便是感與應。 事又是感,第三件事又是 感應之理 觀 之可 處 雨 否? 來。 也。 造 日 寒 化 暑 與 此理無乎不 咸 書夜, 人 理 因 巡 事 第二件 亦只 皆 九 是 非

子曰: 得。 變通 而復寒,若一定則不能常也。 之理,非知道者,孰能識之?《恒·彖》傳。 去,皆隨時變易,故 飲水,可以仕則 變易,乃恒道 恒非一定之謂 父子固是親親 乃能 恒非 天下之理,終而 不 窮。 定之謂,故晝則 任 也。 如 可 也, 可 ,然所謂 君尊臣 以 以 爲常也。 止 天 一定則不 |則止,今日道合則從,明 卑,分固 地常久之道,天 「命士以上,父子異宫」,則又有 復始,所 必夜,夜而復晝 其在人,冬日則 ○所謂不易者。 不易,然上下不交也 能 恒矣。 以 恒 飲湯 寒則 而 下 亦 惟 H 心暑, 不 夏日 須 不 常 隨 〇朱 · 合則 窮 有 久 時 以 則

0

變焉 所以 能 爲 常而 用 之變 其 不已 如 此 ,所以能變,及其變也 用之變, 所以 爲 乃 恒。 所 以 論 其 爲 體 體 臣之常。 則 ,常亦只在其中。 終 是恒 0 能 ,然體之常, 常 而 伊 後 川 能

却

·説變而後能常

非

是

其 也。 日 則 聖 愚 謂 不 自 謂 而 人 爲, 性 誠 進 治 下 也,往往强戾而才力有過人者,商辛是 「下愚」也。 心 以其自 惟 愚有 愚 則皆善 雖聖人與居,不 則無不可移者, 雖 其 惟自 也 性 絶 二焉: 有 本 於善道,其畏威而 暴者拒之以 善 絶 也 與 既 然天下自棄自暴者,非必皆昏 於 人同 曰「下愚」,其能 語其 有 自暴 善,謂之「下愚」, 不 所 才則 口 能 也 雖 革 以 化而 不信 ,自棄也。 昏愚之至,皆 有下愚之不 者, 知其 人也 寡 ,自棄者 何也? 非 革 罪 性 然考 仲 面, 則 人苟 之罪 尼 絶 미 移。 與 何 日 其 之所 以 也? 之以 漸 人同 . 也。 也 歸 善 所 語 磨

之善人。 各不同。 不同。 人之言 同。 移了。 夫子説底只是 得七分,不説到底。 戾如商辛, 之理。然人性本善,雖至惡之人, 者,柔惡之所爲。 而絶之以不爲,自 非而拒之以不信, 之降才爾 須説到氣禀方得。 之説小異。 下愚」,而其所以至此下愚者,便是氣質之性。 以 〇以聖人之言觀 〇如堯、 程子之言考之,則以其不肯移,而後 人之氣質,實 ,本皆以氣質之禀 殊」, 夫豈有終不可移之理? 如 亦有可移之理是也。 后稷岐嶷,❶越 孟子只見得是性善,便把才都做善看 如 語 舜之不可爲桀 此。 意不同。 自賊害也。 ○習與 棄絶也。 程子説得較密。 《有如 孟子却只説得性善。 伊川 之, 而 性 則 此者,如 朱子 却又推 言其 椒知 一成, 日 ○自暴者, 吾身不能 「不移 而 品 紂 日 〇孔子説 其必滅若敖,是 其説, 至於 何必說變得? 第,未及乎不肯不可 當從伊 桀、 日 〇言非禮 孟子之説, 而 加 相 居仁· 須 紂 剛惡之所 已,不 能 遠 之不 川之説 「不移」,便定 其 知異 不 從 由 (所言 則 可 善 義,以 義,自 日 白是 伊 可 移耳。 而 固 氣 , ,不知氣禀 所以 不害 爲。 示 爲 地 則 JII 有 禀 頭 與 堯、 禮 却 謂 爲 不 謂 미 如 之辨 蓋聖 各自 是不 義爲 其 謂 可 自 程 只 雖 不 移 此 之 H 强 子 移 棄 能

0

革》上六傳。

〇問

語其才則

有下愚之不移」,孟子「非天

[「]如」,原作「知」,據局本改。

也。 拒 氏曰:《史記》稱紂資 其 而 ·諫,言足以 (禀賦甚異而不肯移,非以其禀賦之異而不能移也。 程子之言,則以人責 絶於善,要其終,真下愚耳 飾 非, ,則其 辯 天資固 捷 敏 其 不 材 可 非昏愚者。 力過 移 也,而 人,手格猛獸, 徐 究其 然其勇於爲惡, 本焉 知 足以 0 則 葉 以

自

日 此 宜 家處置合如此 宜 如 頓 愈言「行而宜之之謂義」,若只以義爲宜,則義有在外意。 一,所 (事物, 程子言 雖若在外,然所以制其宜則在心。 凡 句,則後 調義 物皆有 在 我把 物 「處物爲義」,則是處物者在 也。 爲 他如 人恐未免有義外之見矣。 理, 便是義 理,處物 此用 理 理不外 是在 便 便是義。 此物上便有此理 乎 有箇區 爲 事物之間。 義。《艮・ 處。 ○揚雄言 程子曰「處物爲義」,非 如這 心 而 是非 非 棹子於理 義是於此物上 彖》傳。 「義以宜之」,韓 外也。 岢 否處 〇朱子 〇事之 可以 之得 須 安 自

事。 推 始」,説道有,有無底在前 識之? 而下之,以至未來之際,其卒無終。 ○動之前有静,静之前又有動。 動 静 《經説》。 無端, 下同。 陰 陽 ,説道 〇朱子 無 無,有 始。 E 有底在前,是箇 推 : 非 C 而上之,其 如云「太極 動 知 静 道者, 無 端, 始 陰陽 動 循 孰能 無 而 環 端 生 物 無

> 人道 總合 ○「動 陽亦無始,則人蓋未始離乎天,而天亦未始離乎人也 端,陰陽無始」,天道也。 自 陽」,不 理 元不生於元,而生於貞。 〇仁爲四端之首 那動 固然也。 也。 [無間。 静無端, 處 成 然陽復本於陰,静復根於 説 動 起。 仁智交際之間,乃萬化之機 以 程 前 陰陽無始」, 子 便 若論著 而智則 所 無 謂 静。 動 始於陽,成於陰,本於静,流 動 蓋天地之化,不 能成終 程子 看 以前, 静 來只是一 無 日 成 端, 又有 始。 (動,其 動 陰 静 静, 簡實 軸。 猶 陽 無端」, 翕 動 元 静 無 静 理。 聚則 此 雖 始 以 亦 理 四 前, 蓋 無端 不能 0 德之長,然 者, 循 此 又有 環 動 亦 此 發 於 不 其 静 是 動 也 陰 無 且

和? 全德。 仁體。 和。 若此心一放,只是人欲私心放出 之正理。 0 朱子曰:「仁者天下之正理」,只是泛説,不 仁者天下之正理,失正 〇此説太寬,如義亦可謂天下之正理,禮 人若本然之良心存而不失,則 永 〇程子説得自好,只是太寬。 按 此 釋「人 而 不 仁 來, 如 禮 所作 安得 理 何, 須是説仁者 則 爲 人 有 無序 自 序? 而 亦 有序而 不 是 可 仁. 安得 本 謂 以 而 如 心之 天下 此 和 不 説 有

0 放」,局本作「做」。

何也

則。 盡 故君子貴精察而力行之也。 父子、兄弟、夫婦, 常思天下君臣、父子、兄弟、夫婦,有多少不 分處。《遺書》。 天之生物,理 明 道 先生日: 無虧欠,而 毫不盡 下同。 天地生物,各無不足之理。 其 人之處物,每 ○葉氏曰:分者,天理當然之 心, 不當乎理,是爲不盡分。 不盡 理。 如 君 臣

終日 得 此 其左右」,大小大事,而只曰「誠之不可 道 臭」,其體則謂之易,其理 而 然之氣, 謂之神,其命於人則謂 心,修道 道在,不繫今與後,己與人。 下 夫」,徹上徹 ·爲 對 忠 器,須著 可謂 信 則謂之教。 越 所 在天」也。 盡矣。 以 下不 如 進德」,「 此 過 故説 孟子 説 如 蓋「上天之載, 器器 此。 之性。 終日乾乾」, 去其中 神「如在其上, 則謂之道,其 亦 形而 道 朱子曰:此是因解 率性 一,道 又發 上爲道 亦 揮 則 無 君 器 掩 用 聲 子 如 出 謂 但 形 如 在 浩 之 則 無 當

> 理也。 此 出 甚事都離這箇事不得,上而天地鬼神,下 説了,可 説,及説到性 化之理,則謂之道,其功用著見處 無間斷,●便是「終日乾乾」,不必更説「終日對越在天」。 分段言之,便有古今,以血氣支體言之,便有人己,却只是 太虚 健者,便是人之乾。 是解箇「終日乾乾」。 分别,又却只是一 只是解「終日乾乾」,故説此一 面 之「形而上者謂之道,形而下者謂之器」。 乾 無聲無臭」,其闔闢變化之體 理, 此,故曰 説「上天之載 字,遂推言許 ,升降飛揚,未嘗止 形 ○此段只是解「終日乾乾」。 谓盡矣,故説神「如在」。 而下者,有情 「徹上徹下,不過如此」。 道、教、是就人身上説。 」云云,便是説許多事 箇實理。 多名字。 「其體則謂之易」,便是横渠所謂 在天之剛健者,便是天之乾,在 有 息」者。 狀是 誠者實理之謂也。 只是一 此 段,從「上天之載」説起。 則謂之易,然所 器。 自此而 又皆是 ,則謂之神。 理,而 忠信 形 然有 都只是 上下説 而 下, 進德 而 此 各有 E 皆是實理 此 者,無 器 萬 理 雖 得 修 事 分 顯 有 則 此 箇天。 0 如 以 萬物, 許多 著之迹,看 解 有 别 形 皆 此 能 此子 此 文 以 無影 人之剛 就 闔 雖 誠 闢 0 段 天 雖 細 時 各 下 是 此 便 要 然 只 有 不 上 變 是 節 有

●「便」,局本從洪本作「更」。

是簡

旦無始

無終 人事有

底

意。

〇北溪

陳氏曰:

道不

離乎器

道 道。

只是

器之理。

形狀

處,都

謂之器,人事中之理

便是

所

以

明

道日

道

亦器

器

亦

道

〇葉氏

日

大小猶多少也,不

〇此一

段皆是明道體

驀然而出

,花時都花

,實時都實,生氣便發出來,此

便是神。

|無乎不在,名雖不同,只是一

理

發

出

爲陰陽,爲古今,乃是此道

闢。

聖人便於六十四

桂

一只以 理。

陰陽奇耦寫

出來。

至於所以

及至忽然生物,如花木之類,

○易是陰陽

伸,

隨

時

變易。 亦是 經緯 也。

大底古今只是大闔闢、

小闔

化

不測者是

也。 屈

言體

則

形而

下者

其

理

則

形

而

E

者也。

風 心 静

也 而

道道

猶 動

性也

神

-拼

情

錯

如如

陰陽書

一夜,雷 易 爲

動

而

静,

是所以爲易之體

也。

○就

人身而言

猶

(水火,反復流

轉,

,縱橫

而不已也。 易者變化

人心 深線

則語

默動

静變

是

該體用而言。

如

強陰陽動

静

之類,畢

竟是陰爲

體

陽

用 似

謂之易」,言易爲此理 來,而實理流行其間 陰陽交錯,而實理

之體質也。

〇「體」字與

「實」字相

陽錯綜,交換代易之謂

,如寒暑晝

一夜、闔闢往來。

天地之間

流

行,蓋

與道

爲

體

也。

寒暑晝夜、闔闢往

非此

則

實理

無所頓

放。

故曰

「其

體

則

今與後,己與

八人」。

〇體

是體質之體

,猶言骨子

也。

易

者,陰

理。 繋猶 不拘 也

此

有此器,未嘗

相

離,

却不

是於形器之外

别

百

古 理

亘 則

一今,萬事萬物,皆只是這

箇

,所以説

「但得

道 有

在 所

示 謂

係

狀。 異。 譬 得 티 : 所 覺上說。 不識痛癢爲不仁,又以不知覺、不認義理爲不仁,又却 得仁之禮。 E 故 己 是 此 以 體」,此即人物初生時驗之可見,人物均受天地)相干。 博 可謂仁 :「己欲立而立人,己欲 爲己,何所不至? 水。 不 同 上蔡説覺,纔見此心耳。● 施 仁者以天地萬物爲一體,莫非己也 醫書言手足痿 須 問 體 朱子曰: 如 濟衆,乃聖之功用。 他從初時 以兩椀盛得水來,不必尋討 ,如人兄弟異形,而皆出父母 如手足不仁,氣已不貫,皆不屬己。 之方也已。」欲令 問:《遺書》中取醫家言仁,又一段言醫家以 覺是覺於理。 ,只今便 痺 若不「有諸己」, 是 爲 〇問: 問 不仁,此言 體。 達 與 仁至 如 而 猶之水 「仁者以 這 上 胞 是 達 蔡説同 胎 椀是這 觀 人,能 難言,故 ,所以 江 天地萬 之氣 最 自 加 足裏酌來 皆當愛。 池 善 不 而生 可 近 沼皆 物爲 從 E 名 與 以 取 止 認 知

0 見」,原作「是」,據局本改。

近 思 録 集 註

地 之心如此,故求仁之術必如 截説仁之體,下 段,程子全做仁 之方」。 摸 以 以 此 日 合而言之,上下 曰 此 至」,認 處説得 體 那 淪 即仁之體 其 無所 上説 氣 ,若只就自己説,此又使不得。 「氣已不貫」, 某説非 亦 同 箇 椀 均均 是,只 此處 《易傳》「偏言」、「專言」,又云「仁者天下之公」,此兩 是 屋子,某 他那 得箇什麽? 極平實,學者當精看此等 體 不 受此 也。 愛。 那 欲令如 破程 也。 見 裏 無私 物事自是愛,不是同體了方愛。 理 酌 所以愛者,以 得 〇「仁者以天地萬物爲 句似 血 所 説如屋 之體, 子之説 能 來 是觀仁,可 意 人 截 脈 以皆 八與己 ,既都是水,便是同 不相應,不若分作兩 説仁之術 都 近 夫仁者己欲立便立人,己欲達便達人, 理 取譬」, 先 在 便 下分間架爾。 當 相 程子之説却 這 生 流 愛,便 以其有此 此 關 氣字上。 却 以 通。 也。 則 甚 得仁之體」, 分 而 處。 是不 然此處 切,便 是推己之恕,故 程 别 蓋此是仁之發出處 〇間 心 子乃 箇 也; 〇問 如 兼得某説。 〇「認得爲己,何所不 〇問 體 外此。 體 體 是 也是己對 截 合 於此 二, 説 所以 用, 生 看。 如 而 這 意 説 言。 便 愛 集 博 處却好 惟 可可 得太深, 無所不 相 然惟 X 有 施 其同 注 日 八與物均 人説 程 字 貫 以 用 濟 炭 可 、得仁之 其仁 説 處 不 看仁。 愛者 力 體 若未 謂仁 便 否? 似 無 程 E 在 處。 渾 妥 恁 者 子 捉 所 同 氣,是未分别 雜 得 項

我同 發之前,只一 體、心 爲私意所隔 無私 念之私,便是不仁。 敝 截 疾 則 痛 則 自 疴 形 然 癢 骸爾汝之分,了 愛 而 皆 公矣,所 **示相** 〇葉氏 關 謂 此 曰 四 無交涉。 仁 體 也。 天 之不仁 地 荷 萬 譬 是 物 也 如 理 與 手 不

性。 發明告 性命形 之性。 也。 既生 無有 明,而 性與氣混合者? 原至善者 也。 足痿痺,氣不相貫 亦未 看詳。 便不是理底性了。 不 ○此章内「性 朱子曰:天之付與萬物者謂之命,物之禀受於天者 則即此所禀以生之氣,而天命之性存焉。 善 盡。 子「生之謂 而上者也, 然天命流行。 「性即 生之謂 〇「生之謂性」一 而言。 形 「生之謂 氣 而下者 氣即 須且分別 氣則 性」, 日: 性 」字,有指其墮在氣質中 必 性 性」,這 則 」之説, ○問: 有 形 紛 氣 此 而 性 是 此 條難 紜 氣 下者也。 £. 生下 而 且 即 雜揉 爲 一行交感 字,令分明 以 性 説 是 人 氣, 來 「性即 即 滾 須子 善 唤 説 即 氣 形 凝 氣 I 惡有 做 理 氣, 氣即性 細 聚, 丽 性 即 性 具 不差,方 者而言,有 看。 所分 E 氣即 然後 於 底 便 性,生 者,一 身, 是 便 一, 此 此 此 矣。 性 理, 能 可 方 有 條 程子 理 生 者 可 言 氣 程 子 指 故 之 物 渾 禀 言 所 便 謂 人 子 其 人物 細 然 謂 也 之 生 夾 説 本 之 以 逐

説。

其

實

理

無

氣,

亦

無

所

附。

0

問

告

子

之

禀 汨。

事

如

何

説

一惡

不是言氣禀之性。

E

如

水爲泥

沙

所

亦不可不謂之性」,却是言氣禀之性,似與上文不接。 焉,故非性中本有二物相對 蓋氣之流行,性爲之主,以其氣之或 善惡,然不是性 越椒始生,人知其必滅若敖氏之類。 何必排之,則知其 云理當如此,只作「合」字看。 所禀之氣,所以必有 不謂之性也。 蓋言性本善,而今乃惡,亦是此性爲惡所 程子之言, 善,有自 或不及,便如此。 混,不 〇「人生氣禀,理有善惡」,此 也, 既言性善,下却言 無害 亦 中元 ·成不 不 也。 然惡 先生又曰: 亦是認告子語脈 幼 可 《發端固非矣。 前 唤做水。 不謂之性 然氣之惡者,其 而 有 渠 亦 善惡之殊者,亦 意 恶,[本注]后稷之「克 此 直 蓋天下無性外之物, 不 兩 純純 是 善惡皆天理 0 可 〇不是兩物 「善固性也, 或駁 物 指 問: 人生 不 氣爲 相 小人差。 日 性 謂 惡 而 是 對 「理」字不 性 氣 亦 專 善 性 既 之性 氣 而 無不 1惡分 果 然惡 相對 謂之 之理 是 是 日 與 禀 生 氣 氣 如 程 子推 性 哉? 問: 便 禀惡 聖賢論性,無不因 言 也。 未發,但於此可見天性之全,非真以静狀性 言 可默識矣,如孟子之論四端是也。 流 今定是不錯,只著 工夫子細 説,乍卒理會未得。 這便是惡德,這唤做性却不是。 謂 生而 不容言」者,亦無體段之可名矣。 下可 偏 濁 「無極而太極」, 而 性 了。 「惡亦不可不謂 其 亦不可 便也 故善言性者,不過即 就下 善是 凡人説性,只 静」以上不容説 弊 到 如 牽引得 不謂之水。 人渾身都是惻隱 也。 無 也。 父 心而發,若欲專言之,則是所謂 處,這便 那 朱子曰: 某初看亦自 之性」,疑與 性 不好。 〇他 是 性則理 説 看。 m 原 蓋 頭 無 性 〇「人生而

也。

,故惡亦不可

也

朱子

i E

有

然

也

善

固

性

岐克嶷」,子

也

有自

幼

而

理

有

本皆 惡者

1善而 本非

流於惡耳。 恶,但或過

是説實理

而

生

,蓋言性善也。

問

知,觀性之發而必善,則性之韞善亦可知也。 程子又言「人生而静」以上不容説 夫所謂「繼之者善也」者 其發見之端而言之,而性之韞 是「惡亦不可不謂之性 ,才説 疑,但 (孟子 如墨子之心,本是 繼之者善也」, 處都 蓋 羞惡 觀水之流 只是搭附 而已矣,何言語之可 性時 「生之謂性」,「人 牴 都是 是善 看來看去自是分明 悟。 便 差思 而必下,則水之 因氣禀偏 在 日 已不 氣禀上 ılı 這 也 惻 〇周子 般 猶 孟 是 隱。孟 所 這 惻 形 處 隱 水 子 性 蓋 固 0 性 以

此説

則

孟子

子之意不

同

日

言,若果如

程

先生之説

亦

也。

〇「人生

而

,只是

「無極」

面

六

性,便是人生以後,此理墮在形氣之中,不是性之本 未發時,以上即 是人物未生之時,不可謂性。 體矣,然 才謂之 不善

容説。 静者固其性,然只「生 蓋此道理未有形見處,故才説性,便須帶著氣質 」字便帶却氣質了,但 「生」字以上又不 八無

其本體又未嘗外此。

要人即此而見得其不雜於此者耳。

0

能懸空説得性者。

○「人生而静」以上,天命之本體也。

Ė

0

便是 形氣之中 天命之性,不雜氣禀者而言爾。 只説箇天道,下「性」字未得,所以云「夫子之言性與天道」, 人物未生時,只可謂之理,説性未得。 如 此。 而謂之性。 所謂 天命之謂性」者,是就人身中指出 才是説性,便已涉乎有生, 〇人有此形氣,此理始 〇「人生而静」以 而 兼乎 這 具於 箇 是 氣

面 質,不得爲性之本體。 性」,此「性 然之性,有氣質之性。 ,見得本體元未嘗 」字是雜氣質與本來性說, 離, 然性之本體,亦未嘗雜。 人具此形體,便是氣質之性。「才説 亦未嘗雜耳。 「便已不是性」,此 〇程先生説性 要人就 有本 一性 此 F

字是本然之性。 是兼了情? 〇「凡人説性,只是説『繼之者善也』」,便兼氣質了。 」以下,方有形體可說。 日: 才説氣質底,●便不是本然底。 情便兼質了。 〇如説善,即是有性了方説得善。 ○這 「繼」字主於人之發 「人生而 問: 用 恐

> 井,皆有怵惕惻 説,故謂之善。 閎闊,不拘本文正意,如此 如此,所以人性發見亦如此。 流出而見其清,然後知其本清 人便是一箇小天地也。 上,各以流出處言,明道 孟子言性善,亦是就發處説。 繼之者善」、《易》與程子之説異。 易》謂「繼之者善」,在性之先,此所引在性之後,天道 ,猶循流而 〇性之在人,猶水之在 知 隱之心 其 源 〇「不容説」處,即 也。 則假彼以 0 處, 處多。 孟子説性,便是從中間斡 《易》以 指以 〇問 因其發處之善,是以 也。 若執其 明 示 티 : 所以 :《易》與孟子,就天人分 天命言 、此耳。 人,便知性之本 山 明 孟子只就見 性之本體。 方而 ,其清不可 道先生之言, 1,程子 日: 論 然。 則 知 人言 流孺子人 出 所 0 如 其 圃 高遠 問 水 不 流 好 本 也 見 行 底 無

遠,方有 清 之爲也。 皆水也,有流 只是水 通者,不但此句而已。 濁 雖不同 别 著 所 有流 濁。 字不得。 ,然不可 而 而 至 有濁 未遠,固已漸濁; 海、終無 至謂之善 以濁者不爲水也。 之多者, 所汙,此 則 性之發 有 濁之少者。 如水之下矣。 何 有 出 煩 如 而 力 此 其

處言之。

○《易》説

天命

流

行 處

明 道

却將來就人發處

説。

言水之下與水之清

亦

是兩 相

意

須 這

細

去

與

一就

下

一不

續。

處

只

哉? 隅

此

段引譬喻

亦叢雜。

如

《説「水

也。

如

此則其

本善而已矣。

性中豈

以 初 而 水

性

未嘗不在其

特謂之性,則

非 雖

,惡亦不可

不

謂

之性

也

然則 駁有

X

不離

是。

以

其

如 中。

此,故人不可

以

不

而

清者存 勝氣,則

,故非

將清來換濁;

復還

Z

性 性 那

水

雖

數

+

京

師

日

是

也。 也。

有多少,氣之昏明純

也。 出

流

而至海不污者,氣禀清明,自

來。

朱子曰:

其天者也。

流 而

遠

而

己

流

既遠

方濁 未

者,長

而

見異

物

而

遷

也

故

不是善與惡

在性

一中爲

出

濁

來

置

在

隅

也。

是

元

初水

也,不

是

冷將

清

來

换

疾

清

,用力緩

怠

則

遲

清。

及

順

水之

去

流

水之就

則

人

不可

以

不

加

澄

治

之

功。

、知此性渾然,初未嘗壞,所謂 此又以水之清濁譬之。 濁者,氣禀偏駁之甚, 既清則本無濁,故非 水之清, 淺深也。 幼而 分别。 有 其本然, 認 加 爲氣所 却 其 流 兩 活, 故 兩物 得 澄治之功。 而 「元初水」也。 善、聖 濁,亦 清 水之清者,性之善 物 不可 則 大 失其赤子之心者 就下」了,又説 用 0 意 對 昏 也 相 謂之非 性 自幼 力 猶 以濁者不爲 人性之而 可 文 ,流於不善, 對 善 取濁 水流 不 敏 也 而 則 惟 而惡 並 各自 之 是 性,則 却 勇 置 雖濁 能 而 行 謂 只 取 則 其 題 者 就 從 也 全 是一 如 番 也 泥 理 也 可 説。 F 臭,想也未至污穢。 人會洗水,將沙石在筧中,上 愚不移底人,却是那臭穢 近之别? 就下以後,是説氣禀否? 性,然不謂之水不得。 下,是喻性之善。 而 然之性,亦不 後有 此。 污了。 段,當作二節看,有言天命者, 「,便漸如 減得些分數。 終 以 也」,這下更欠言語 ,便是水本來清,陰陽五行交錯雜揉 有 節,「水流 物譬」,明道以 到得説水之清 病。 氣質之性,善反之,則天地之性存爲」,將)問: 昏濁可 故。 日。 只 是 此 就 是不以這 問: 此是夾習説。 在 舊時 以 下」是 如 外 節是説人變化氣質, 水喻 復清者 却 問: 下愚恐他自不肯去澄治? 孟子 面 人裝惠山 ,須爲 依舊是臂 這 添 箇 性、還 物 底水。 便是 節 得。 所 若説氣禀,則生下已定,安得 三, 比 更 他 「清濁」又是 謂 推不去,却 面 〇問 元前 又不 曰: 因 有 作 過 泉去京 傾水從筧中下去,如此 喻。 問: -文補 有言氣質者。 面 病 他 顙 是 母 能 否? 「惡亦 以 也 0 如此。 在 這 得 子 師,或 然變了氣質 而 水)問: 清。 須 Щ 裹始 似那 分曉。 有 譬 不可不謂之性」之 日 口 節。 : 昏 性,天道 先生嘗云 以 雖 〇「生之謂 得。 時臭了。 臭泥。 日 濁 若比來比 澄 不 此 日 0 生之謂 横 治? 兩箇 問 是 蓋 然 便 渠

那

F 被

曰

是

水

純

然 有 水

性,孰爲氣質之性,則其理自明 字分别。 自「生之謂性」以下,凡説「性」字者,孰爲天地之 矣。 此理,天命也 順

教也。 則是純指 故以舜明之。 非天命之本然,非人私智所能爲也。 該始終本末而言也。 氣不得。 而 「有天下而不與焉」者也。 循之,則道也。 而今講學用心著力,却是用這氣去尋箇道理。 E 自天命以 面天理而言,不雜氣説。 ○問:「此理天命也」,這處 修道雖以人事 至於教,我無 循此 而修之,各得其 朱子曰: 而言,然其 日 然非聖人有不能盡,❶ 固 方提 加 是。 「此理天命也」, 損 起以 介所以 又曰 焉,此舜 此 修者,莫 分, 理 理 説 則 0 離

説出 子「觀天地生物氣象」。 來示人。 觀 天地生物氣象。〔本注〕周茂叔看。 而今不成只管去守看生物氣象。 朱子曰 他也只 、是偶 !然見 ○問: 如 此,便 程

所引舜事,非

《論語

》本文之意。

只些子仁,得見時却好看。 也 看,及榦成葉茂,便不好看。 一斯所謂 萬物之生意 仁 也。 朱子 最 미 到得發政 如 日 觀, 赤子人井時 物之初生,其本未遠 此二元者善之長 施仁,其仁周 ,怵惕惻隱之心、 廣, 便看 固 好

> 斂藏 則爲萬善之首,義 不見得何處是仁。 之長,亨、利、貞皆是那裏來。 淳粹未散,尤易見耳。 ○萬物之生,天命流行,自始至終,無非此 生物皆能發動 自較和柔,及至夏間長茂,方始稍堅硬 ,然四時生氣無不該貫。 ,②死物則不能 、禮、智皆從這裏出爾。 〇仁是箇和柔底物事。 如元、亨、利、貞皆是善, 仁、義、 如程子説 如穀種 禮、 秋則收 「生意」處,只是説似 烝殺,則不能生也 智 理。 亦皆善 譬 但 結成實,冬則 如 丽 物之初 初生之際 元則爲善 也, 而 生

意隔 語。 痛 箇物事出來,大感則大應,小感則小應。 無内外之分。 指出此理充塞處,最爲親切。 隱,痛之深。 **子間隔** ,只如針子略 了。 「滿腔子」只是言充塞周徧,本來如此。 滿腔子 癢疴疾痛莫不相 0 問 所謂不忍人之心也。 〇滿這箇軀殼,都是惻隱之心, 挑此 是 心 所 惻隱之心。 血 發者不 出 駶 也便痛。 纔是有些子不通 若於此見得,即 便説惻 故日 ○腔子猶言軀 朱子 I 用 所 隱 恰似大段 如 日 當應 何 纔觸 萬物 便是 惻 此 接 痛傷 著便 就 日 殼,是 傷 被些 人身上 更 體 之 是 惻 無 固 更 切 私 此 隱 是

0 盡 原 無 ,據局 本

0 只」,原作「非」, 據局本改。

:

事物物常是這箇心,便是仁,若有一事不如此,便是不仁了。 惻隱之心。 子,亦豈無此 之心,渾身皆是,無處不發。 心,滿腔子是是非之心,彌滿充實,都無空闕處。 曰:如今也恁地 ○不特是惻隱之心,滿腔子是羞惡之心,滿腔子是辭遜之 問: 心 看。 處事物亦然否? 〇問: 事有箇不穩當處,便自覺不穩,這 此莫是人生惻隱之心具足否? 如見赤子有惻隱之心,見一蟻 曰:此心應物不窮。 若事 便是

對,蓋金木水火是有方所,土却無方所,亦對得過 謂之器 日 此。 清濁之類皆是。 好笑。〇問:對是物也,理安得有對? 死,皆是相反而相對,天地間物未嘗無相 之,足之蹈之也。朱子曰:東西、上下、寒暑、晝夜、生 土故也 然,非有安排也。 太極便與陰陽相對。 所以有對者 如天之生物,不能獨陰必有陽,不能獨陽必有陰,皆是 天地萬 」,便 湖南學者云善無對 2對過, 物之理,無 是, 有高必有下,有大必有小,皆是理必當如 却 理 是 人横對 合當恁地。 每中 此是 了。 ,不知惡乃善之對 「形而上者謂之道,形而下者 夜以 獨 如 〇間: 必 土 有對,皆自 便與金、木、 思,不知手之舞 曰: 對者。 太極便對 如高下、小大、 ,惡者反乎善 看得來真箇 ~; 四 水、 物皆 甚 然 火 底? 而 資 相

> 只是一 問之, 曰: 之意可以推之而無窮矣。 者也。〇一便對二,形而上 中之氣、嘘則爲温 對夫三百六十路者云爾。」其言深有會於予意,知此 中間只空一路,若似無對,然此一路對了三百六十路。 自爲對。 又自有對。 一對萬,道對器也。 簡道理。 雖 「棋局之中一路者,孰爲對乎?」其人曰:「是所以 且如眼前 説無獨必有對,然獨中又自有對。 如人行出去是這脚,歸亦是這 吸則爲寒耳。 〇程子謂惟道無對,予嘗與人論 物,便有背面、上下、内外。二又各 便對形而下。 〇天下之物,未嘗無對,然又却 然就一言之,一中 如棋盤 脚。 譬 則 末梢 此所 如 此 程 子 口 而

謂

最 直上直下之正理,出則 哀樂未發之中也 之和,不可謂之中矣。 體段如此。 下之意也。 盡。朱子曰:亭亭當當,此俗語也,蓋不偏不倚、直 中者天下之大本,天地之間,亭亭當 ○亭亭當當,直上直下,皆是形容中之在我,其 「出則不是」者,出便是已發,發 ○「敬而無失」,只是常敬,便是喜怒 不是,惟 敬 而中節,只可謂 而 無 上直 當

0 知」,原作「如」,據局本改。

不同 如 伊 ĬП 面 先生日 是私 心。 公則 永按:義理之正,人心所同, 一,私 則萬 殊。 人心

故「公則一」。

也。 末也, 也。 自 則 灑埽應對之理,所以然也,形而上者也。 埽 應對? 理會那本。 有本末者,其然之事也。 不足於彼也。 然」之説。 1
夫
形 八灑埽 應對 ○問: ○須是就事上理會道理,非事何以 凡 而上者言之,則初未嘗以其事之不同,而 應對之理,「精義入神」,本末精粗 〇治 是其 物有本末,不可 義人神」,本 朱子曰 「所以 又不可 ,則理 心修身是 **三** (然,必 然 也 物有本末,而本末不可分者何 説這末便是本,但 」者是 灑埽應對 理無精粗 也。 本,灑埽 有所 不可分者,以其悉具所以 如 不 何? 可 分本末爲兩段事。 以 之事,其然也, 應 本末,皆是 説 然。 對是末, 曰 這 箇 學其末,則 若無 識理? 是 問:「其然」、「所以 不可 自 末,不 皆其然之事 形而 誠 貫 形 意,如 同 ·足理 灑埽 有餘 而下 下 也? 日 本便 丽 者 然之理 何 應對, 於此, 而 者 會,只 語 在 灑 터 : 中 矣。 言 也。 灑 埽 此 尋討。

之,此皆是不得中。 楊子 一毛不 爲, 至 如「子莫執中」,欲 墨子又摩 頂 放 踵 執 爲 至於所以然

安排 物上,皆天然有 此二者之中,不 著便不中矣。 箇 知 怎 中 朱子曰:「子莫執中」,正是 在 麽 執 那 得。 上,不待 識 得 人安排 則 事 事 安排 也 物

中爲 非 默 非「爲我」。 似墨氏。 廳 陋 在 中 識 巷,在顔子之時 禹、稷之世爲中,若居陋巷,則非中也。 中 問: 也。 中, 非 心 要之禹、稷似 通。 中 推 時 朱子曰: 前 此 中如 堂 且. 類可見矣。 試言 爲中,言一 居陋巷,則似楊氏,三過其門不入,則 何? 「兼愛」而非「兼愛」,顏子似 爲中,若三過其門不人,則 廳 曰:中字最 則 或 如三過其 中 則堂 央 爲 非中 難識。 中 「爲我」 而 國之 家 須 居 則 是 而

謂聖人爲不欺則不可。 日云云。 (中庸 不欺之謂誠」,便以 》言「至誠無息 无妄之謂誠,不欺其次矣。〔本注〕李邦直 〇朱子曰:无妄者,聖人也 一, 非 不欺 問: 以無息解 爲誠。 此所謂「誠者天之道 徐仲 誠 也。 車 謂 云「不息之謂 聖人爲无妄則可 或以問先生,先生 ,思誠者人 誠 Z

之道」。 理,不欺是 猶是兩箇物事 非 〇无妄自是我无妄,故誠。 无妄故 日: 能誠,无妄便是誠。 就 然。 一邊説。 相 對。 无妄是自然之誠,不欺是著力去做底。 〇无妄兼天地萬物所同 問: 不欺者對物而言之,故次之。 不欺是就人身説否? 无妄是四方八面都去得,不欺 得底渾淪道 日: 然 0

事物之時 是一 琿 却只是元君臣之理 ○「既是塗轍 所 先,却只是後來事,已應固是後,却只是未應時理。 已 在裏面。 父子之理。不成元無此理,直待有君臣父子,却旋將道 〇此言未有這事,先有這理。 人旋 是一貫,不可道上面一段事 由之路。 應 箇塗轍。 安排引人 不是後。 沖 〇未應是未應此事,已應是已應此事。 ,此理已具,少間 漠無朕,萬象森然已具,未應不是先, 貫, 如父之慈,子之孝,只是 ,却只是一 元 無 來教 也。 朱子曰: 如百尺之木,自根本至枝葉皆 兩樣。 箇塗轍」, 人 應處,只是此理。 〇是這一 今人只見得 /塗轍 此一段只是説 如未有君臣父子,已先有 如 箇 既 無 事,便只是這 既 有 條路, 前 君 形 是 面 君 無 所 無兆, 塗 從 臣 謂 段 極 源 轍 塗轍 未應 臣 事 而太極」。 底 頭 〇未有 無 却待 却 下來。 塗 即即 箇 理人 君 形 固 户 轍 是 道 臣 無 在

是塗轍,却只是一箇塗轍」,恐是記者欠了字。釋氏便只説空,老氏便只説無,却不知道莫實於理。○「既兆,將謂是空蕩蕩,却不知道沖漠無朕,萬象森然已具。如

如此。 續。 不息。 果齋李氏曰: 自然不息」也。 既 生 環 將既屈之氣復爲方伸之氣 只於鼻息之間見之。 云「只是理」,何也? 生便有死,有始便有終。問: 生之理 屈之氣,氣雖 而不已,乃道 陽 近取諸 ,自然不窮,若以既 Ē 如《復》卦言「七日來復」,其間 陰 復生,物極 往而屈 也。 〇此段爲横渠 屈,而物亦自 陽之謂道」,陰陽,氣 身,百理 ○氣雖 朱子曰: 者,其氣已散; 心必返, 皆具。 有 屈 屈之氣復爲方伸之氣,則是天 「形潰反原」之説而發也。 屈 其 面生出,此所謂「生生之理 伸往 「伸,❷要之方伸之氣,自 所以 其 也 來 屈 屈 屈 生 來 ,其所以 理 而 伸往來,氣也, 伸 伸往來之義 生之理,自 只 伸 須 往 :者,其 是 來者,是 如 理 陰 此。 元 氣方生。 不 程 陽 理 必 有 斷 然 循 必 子

「只是元」,局本從《語類》作「是元有」。

0

❷ 「雖」,原作「須」,據局本改。

明 常有變也,但學者不可以 地 原」之説,固爲正論, 乎 間 此, 只有許多氣來來去去,造化之理不幾於窮乎? ,所以 有 輪 迴之説。 一而人物間有投生者,又别 以此溺其 ○永按: 心 爾 程子 破 有理。 張 子 形 理 釋氏不 潰 固 有 反

感? 應 所以不已也。 成,情僞之相通,事爲之終始, 丽 譬如 已,更有甚事? 明道先生曰: 氣 不專是内感,固 聚 〇事 則 風 事物物 止 風 天 有自外感者。 止 朱子曰:陰陽之變化 皆 地之間,只 則 有 氣 爲感則 感應, 復聚。 寤 寐 爲應, 0 有 問 語 默 循 ,萬物之生 感 箇 環相 只 動 感 是 静 代 與 内 亦

聖賢 言 曰:不可便以愛爲仁,此正謂不可認情爲性耳 可便謂之仁。 自是情,仁自是性,豈可專以愛爲仁? 日 者 "惻隱之心,仁之端也」,既 所言 固 問仁,伊川 惻隱之心,仁也。」後人遂以愛爲仁。 博愛, 處 然 退之言 先生日 類 便 聚 以 觀 博 「博 之,體 愛爲 此在諸公自思之, 愛 之 仁 日 認 謂 仁之端, 則 出 仁, 不 來。 非謂仁之性 可。 非 則不 孟子 孟 朱子 也 將 愛 子 0

他見伊川言博愛非仁也。 體 不發於愛之情, 有人會問,必説道愛是仁之情,仁是愛之性 ,愛便是仁之用。 而愛之情不本於仁之性也。 〇仁離愛不得。 伊川 也不是道愛不是仁。 上蔡諸 ,如此 公不把愛做仁 〇仁便 方分分 是 若當初

=

種 會治病,此是藥力,或温或涼,便是藥性,至於喫了 同 理不存? 實,冬收藏,生意依舊包在 穀種論,●則包裹底是心,❷有秫種,有稅 之性便是仁,陽氣發處乃情 禮 若要見得 證 而 這 這 沒生。 便分明。 克去己私 便是情。 便是性。 問: 分 ○問: 明, ○穀種之喻甚善。 仁與心何異? 若更要真實識得仁之體,只看夫子説 〇以穀種譬之,一 心是箇發出底,他只會生。 只 如何 仁者生之理 看程 便 唤仁? 先 裏面。 生 説 而動之機。 若有這 日 티 : 心 粒穀春發生,夏成苗 每箇穀子 譬 若如 耳。 如 種 心 榖 , 種 此 種 日 譬 朱子 種 裏有 又如 看 在 · 隨 如 川則 這 這 生 那 日 穀 服 自 裹 之性 有 程 種 箇生 藥 是 何 種 一克 字 ري. 發 温 難 己復 便 患生 秋結 喫了 性 所 證 出 意 説 生 是 以 涼 不

● 「性」,原作「相」,據局本改。

裹」,原作「裹」,據局本改

之性」便是愛之理。 竟裹面是箇甚物事。「生之性」也只是狀得仁之體。〇「生了公」字愈覺親切。曰:公也只是仁底殼子,盡他未得在,畢

之義 覺自是智之用。 訓字多用諧聲,苟識得大意,則人字未嘗不可訓。 則不可。 覺決不可以言仁,雖足以知仁,自屬智了。 説 當何訓? ,大概研窮之,二三歲得之,未晚也。 者 、朱子、心之德」、「愛之理」二言盡之矣。 謂 訓 〇永按: 訓 朱子曰: 不必須用一字訓,但要識得大意通透。 宜,禮 覺 仁統四德,故仁則無不覺。 訓 命中 訓 庸 皆非 》以人訓仁,猶之以宜訓義。 别 智訓 也 知, 當 合孔、 仁當 〇仁是愛之體 然便以覺爲仁 孟 何 要之仁字 問: 言 訓 古人 ? 仁

恶; 也 則 愐 後 無 得 非。 言吉凶,皆先吉 喜怒哀樂未發,何嘗不善? 耐 往 後 即 ௱ 有 [本注]《易傳》曰 理 失,非 不善。● 也,天下之理,原其所自,未有不 得 何 以 凡言 而 有失也?」〇朱子曰 成 後 善 X 而 思, 後有敗,敗非先 言是非,皆先是 皆 發 先 而 善 一性 中 而 即 成 節 後 理 者

> 問: 也」,在心唤做性,在事唤做 用 性之綱維,然其中無所不包,更詳味之。 孔子後惟伊 人見得到此 撲不破,實自己身上見得出 事,所以有善而無惡。 所謂理者、仁、義、禮、智是也,不知是否? 川説得 ,亦自古無人敢 盡。 這 來。 如此 理。 句 道。 〇「性 便是千 〇「性即 0 即 萬 性 理 理 〇未發之前,氣 世 也 也 即 説 理 性 自孔 日 也 語 根 直 四 孟後 四 基 字 者 是 固 自

耳,翻 謂之流也。 羞惡,便不是。 心之所爲,雖放僻邪侈,亦 水,至如流 可謂之情,不可 本善,發於思 爲理,在人爲性,主於身爲心,其實一也。 問 轉便是惡,只安頓不著,也便是不 心有善惡否? 朱子曰: 而 問: 慮 爲 心之用雖 則 派,或行於東,或行於 謂 之心。 疑此段微有未穩處。 有善有不 是 有不善, 心之爲 E : 譬 也。 亦 如 善善。 在天爲命,在 不 水,只可 善 善。 可 悪 若既發, 謂 蓋凡事 但 之非 如 當 如 西 1 反 惻 謂 莫 覆 圖 却 則 義 而

■ 「善」下,局本從洪本有「發不中節然後爲不善故」十字。

既 情,不可謂之心」,此句亦未穩。 故 從心生,心若善,思 兩 自 日 箇,只不善便是不從天理出來,便是出外 日 端間 1發出 發不可不謂之心,但有不善,則非心之本體 有不善。 然。 ιĽ 是 [是,然畢竟從思慮發者,也只在外 來者,有因 貫徹上下,不可 〇問: 問 0 [外誘 看來不善之發有二,有自 「既發則可謂之情,不可謂之心」, 慮因何有不善? 然後引 .只於 動 處 又曰: 此 看。 思 曰: 慮 是亦記者之誤。 底了。 來底。 者。 〇「既 思慮以交物 思 日 慮 發則可 天理 上不 〇問 . 謂 知不覺 如 渾是 發 愐 謂 何? 思 處 蔽, 0 之 慮 有

爲,但 以 性」是也。 其發於性者言之,故以爲才無不善。 朱子曰 濁 者 蓋 言之,則人之才固有昏明强弱之不同矣。 不不 無省察矯揉之功,學者所當 氣質所禀,雖有不善 則 理 如 才濁。 性 程子之備。 與 程子此説「才」字,與孟子本文小異。 出於天,才出於氣。 二説雖殊,各有所當,然以事理考之,程子爲 氣分爲 才則有善有不 兩路。 日 ,而不害性之本善,性雖本善,而 然則 又問 才亦 深玩 程 禀於天乎? 也。 善 子 程子專 氣 謂 〇孟子論才 清 張子所謂 性 才禀 指其 順 則 於氣 蓋孟 日 才 無 (發於氣者 清, 不 是本 子專 如 皆 氣質之 何? 天所 善。 不 密。 氣 指 伙 可

> 者。 皆 醇 殊,其類不 Ш 性。 明 者言之方備。 他氣禀有善惡,故才亦有善惡。 渣滓至濁者也。 出於天,何故便至於此? 曉了者,其氣清矣,而所爲或未必皆中 説,考之經典,却有此意。 煞,故有後來荀、揚、 出 才之所以有善有不善 日 性 ·論才,所以云「有善有不善」者,蓋 於性,程子自其異者言之,故以爲禀於氣。 : 也。 作元后」,與夫「天乃錫 達 相近,習相遠」,孟子辯告子「生之謂性」,亦是説 氣亦天也。 近 形 於 世被 理 人有謹厚忠信、 而上者全是天理 則是其氣之不清也。 濂溪拈掇出 · 非 只緣孟子不曾說到氣上,覺得此段說 〇問: 但 〇一般能爲謂之才。 清 韓許多議 濁二字而已。 ,以其出於氣 、事事平穩者,其 性之所以無 來 形而 王勇 日: 如《書》云「惟人萬物之靈」,「 ,横渠、二 論。 下者只是渣滓。 知」之説,皆 性是形而上者,氣是形 孟子自其同者言之,故以爲 推 也。 此類以求之,才自見矣。 ○氣質之性 不善者 主此 程始始 今人 才之初,亦無不善,緣 氣醇 於 要之性 元言 有 有 理 此意 以以 氣質之説。 ,則 聰明 矣 也。 要之須兼是二 出 其 至於形,又是 ,古人 也。 是 丽 通 於天 出 其 所 ○氣禀之 於天 達、 孔 雖 話 知未必 氣之不 氣質之 氣氣 此伊 事事 子 無 脯 亶 不 也 謂 膕 曾 結 亦 下

^{● 「}問」,原作「明」,據局本改。

土,非 信 ? 寄王焉,其理亦猶是 水火金木無不待是以生者。 ○「四端」之信,猶五行之土,無定位,無成名,❷無專氣,而 誠實此四者,實有是仁,實有是義,禮、智皆然。 隱,羞惡真箇羞惡,此便是信。 端」不言信。 '義、禮、智,❶皆真實而無妄,故信字更不須説。 日: 土不足以 性者自然完具,信只是有此者也,故「四 其中真箇有此理。 問「四端不言信」,朱子曰 載四者。 也。 〇五行非土不立,而土無定位。 又如土於四時,各王十八日。 故土於四行無不在,於四時 〇信是箇真實無妄底道理,如 曰 : 此却是已發時,方有這 如惻隱真 如五行之有 〇信是 箇 Ŧi. 則 惻

Ξ: 隱之心,在人亦爲生道也。 生物之心是仁,人之禀賦接得此天地之心,方能有生。 生道也」,謂天地以生物爲心,而人得之以爲心者。 是張思叔所記,疑有欠闕處。 惻隱之心,人之生道也。朱子曰:「心生道也」,此句 如何敢不載? 心,生道也。 但只恐有闕文,此四字説不盡。 有是心,斯具是形以生。 〇「心生道也」,心乃生之道 問: 何故人在《近思録 〇天地 〇「心 学中? 故惻

> 「惻隱之心,人之生道也」,乃是得天之心以生,生物便是天 有一 也? 我在。」疑非定説 之心。〇上面「心生道也」,全然做天底也不得。 箇渾然底,人與天地混合無間。 條云:「『有是心,斯具是形以生』,是心乃屬天地,未屬 所以生者也? 曰:是人爲天地之心意。 〇問:「生道 ○永按: 一者是本 蓋 理只 又 然 是

所謂 日 子曰: 聚結,爲風 浮而上者陽之清,降而下者陰之濁。 嘗止息。 氣,但人不見耳。 空即氣 融結,糟粕 以有無言。 Щ 「氣坱然太虚,升降飛揚,未嘗止息」,此張子所謂 横渠先生曰:氣块然太虚,升降 也。 川之融結,糟粕煨燼 此 蓋天在四畔,地居其中,減得 煨 雨,爲霜雪,萬品之流形,山 及至「浮而上」、「降 虚 此是未成形者。 燼 實 無 動 非 静之機,陰 教 ,即是氣之渣滓。 也。 問: 而下」,則 《正蒙》。 虚實以陰陽言否? 陽 一尺地,遂有一尺 剛 已成形者,若 下同。 要之皆是示 柔之始。 飛揚,未 其感 川之 〇朱 「虚 遇

常非信不有,而信

非

端。

故曰:

「誠者物之終始,不誠

無

物。」亦可以觀矣。

- 「仁」,原作「信」,據局本改。
- ② 「名」,原作「性」,據局本改。

人以

理。

是説氣,理 不見耳。

二六

柔資此氣以爲始,可 也」,教便是説 與静便是陰。 〇問 下文「虚實動静」二句,此正是説陰陽之兩端 、霜雪、 自在 EI : 飛 「升降飛揚 静 氣块然太虚」,此是言天地未判之時 始」字之義,曰: 揚 理。 只是統説,只今便如此。 其中。 言「機 一兩句,欲 流形 一者是游氣之紛擾否? 此等 但 否? 、融結 |虚實動静 」,所以生人物者,「未當止 言「始 云虚實動静乘此 言語,都是 箇 日 却 動 只是説如箇生物底母子相似, 」,莫是説理 此 正是説游氣之紛擾者也。 是言其用 箇静,便 兩句 經鍛 只 問: 日: 錬 是 氣以爲機 否? ,陰陽剛柔是言其 般, 底 機 「升降」者是陰 此只是説陰陽 語 處。 ,實與 日 止息」。 ,爲復亘古 須 「無 ,陰陽剛 熟 動 此 本只 便 念 非 但人 0 是 到 教 細 其中有知 極之體 其 段 者,指其所 其陰陽兩端循 液將 四 粗有細 以 賦 與

今如

此? 〇問:

看。

得爲

雨露

「虚

實動

之兩端。 陽之兩端,

陽,虚

體

而

E

問

萬物都從這裏生出去。

上文説「升降飛揚」,

便

含這

虚

實動

例。 是道 底都 這 静 「升降 一兩句 理發見 從粗 ○問: 飛揚 在 底 裏面了。 「無非教 E 」者爲之,非兩 發 見 也」,都是道 所以 道 理 都從 「虚實動 般 氣 也。 理在上 上 静 流 至 」、「陰陽剛柔」者, 行 浮 面發見。 雖 而 至 上 粗 者 日: 底 」兩句 物 然。 便 便是 無 精 非 是

游 氣 紛擾,合而 成質者,生人物之萬 殊

> 陽之循 循 質,此氣「合而成」之也。 相 者,「乾道變化 其散出紛擾者,便是游氣以生人物之萬殊。 此段是説氣與理否?● 氣、陰陽,陰陽即氣也,豈陰陽之外復有游 立天地之大義」,此説氣之本。 生人物之萬殊」,言氣到此,已 盪 環如磨,游氣紛 (邊只管撒出,正如天地之氣運轉無已,只管生出 ,鼓之以 環 未嘗不存也。 出來者,❷固自若也。 也。 雷霆,潤之以風 ,故人物有偏有正,有精有粗。 「乾道 也。 擾如磨中出者。 萬物。 環不已者,立天地之大義 一成男, 「合而成質」者,「各正性 ○晝夜運而無息者 朱子曰: 雖是如此, 坤 道成 雨,日 物各得 亦猶 是 ~女」, 上章亦 此段專是説氣,未及言 論 月運行, 《易 ~ 渣滓 丽 太極物 此游 所謂 箇性 $\stackrel{>}{\exists}$ 是 ,便是陰陽之兩 粗濁者 氣? 發 氣之紛擾 陰 命 物皆 命, 陰陽兩端 正 明 寒 ○「循環不已 陽 如 也。 便 所謂 此 去生 1有之, 相摩、八卦 有 暑」,此 意。 ○陰陽 人物。 人物 相 一成 箇 而 問 似 陰 游 \bigcirc 太 片 形

將」,原作「然」,據局本改。 否」,原 作「合」,據局 本改。

得稍支離。 物之萬殊,立天地之大義。 會言之,「陰陽兩端循環不已」,是指那分開底説。 若是生物 物底氣,游亦流行之意,紛擾者參錯不齊,既生物便是游 生物時 已,中間帶得 氣只管渾轉,望不知不覺生出人物。 是散殊。 固 」底 是 節。 ,扇出 物。 常運 只合云陰陽五行循環錯綜,升降往來,所以生人 ○游氣自裹面底,如 比 水灌 風來便是「生人物」底。 行 如 横渠言「游氣紛 水 而不息者,二氣初無增損也。 上溉所 車 在 上一下, 便是生人物之萬殊。 擾,合而成質」,是指 扇相 只 似。 〇游氣是氣之發散生 管滚轉, 即他這箇斡轉,便是 扇便是「立天地之 便是 0 天地之間, ○横渠説 游 循 陰陽 氣 環 氣 交 陰 不

做骨。

子。 本 有 片説出 衍」,無 「昊 禮 是言物以 箇 〇天體 天理。 天 儀三百, 天 來,荀、揚豈能到? 日 體 天爲 體 明, 在 物之不體也。 物 事謂事事是仁做出來。 物上,仁體 體 威 及爾 不遺,猶 事以 儀三千」, 出王,昊天 在事上 仁爲體 〇體物猶言爲物之體也, 朱子曰:此數句是從赤心片 ,猶言天體於物,仁體於事。 體 緣須著從上說,❸故 無 事 凡言體,便是做 日 耐 物 且 無 面 不 非 及 在 蓋物 爾 如 他 也 也 游 此 骨 物

> 在」,曰: 下 來游衍, 理會得。 語。 ○體物猶言幹事,「事之幹」也。 無非 只是未理會得仁字,若理會得這 ○「禮儀三百,威儀三千」,須得仁以爲骨子。 是理。 無 一物之不體」, 猶言無 〇問 一字了,則 物不將 體 事 到 而 0 處 無 往

功用。 便見有箇陰陽在。 之良能」。 乃理之自然,非有安排布置,故 伸看, 氣自然能如此。 鬼神者,二氣之良能 ○伊川謂「鬼神者造化之迹」,却不如横渠所謂「二氣 程子之説問好,但渾淪在這裏。 伸去便生許多物事,一 〇問: 鬼神是功用良能 曰「良能 屈 也。 來更無 朱子 張子之説,分明 0 日 物 日 屈 : 7,便是 伸 往 但 往 來 以 來,是 屈 良 伸, 能

鬼,以 日 反而 物之初生,氣日 其歸 游散。 也 至之謂 朱子曰: 至 神 造化之妙,不 而 滋 以 息,物 其 伸 可 也; 生 得 既 而見,於其 反之謂 盈, 氣

0

6

[「]比」,原作「此」,據局本改。

[「]渾」。局本從洪本作「運」

[「]緣」,原無,據局本補。

二八

屈, 耳。 之息。 氣之往 事 渠「物之初生」一章,尤説得分曉。 然雷風 死 ,萬物,只是箇 如 .便是歸,❷「祖考來格」便是伸。❸ 此 人有 日 處要錯綜周 Щ 來屈 澤亦有神,今之廟貌亦謂之神, 魄是 然。 伸者, ①足以見之。 也, 陰陽 〇横渠言「至之謂 徧 屈中有 消 而觀之,伸中 息 屈 伸, 伸。 如 微 横 鬼 鬼神。 ·有屈 〇問: 神」,「反之謂鬼」, 渠 而 將 有 :靈是 ,則造 屈 屈 亦以方伸之氣爲言 伸 此「息」字 中 也。 -有伸。 説 化 得 無 貫 迹 〇天下萬 是生息 通。 伸 矣。 固 中 是是。 0 有 横

是; 愛必 大人爲: 朱子曰: 性者,母則亦末如之何矣。 非惟人有 (兼愛,成不獨成。 性者萬物之 一源, 所謂性者,人物之所同 能 盡 是,而物亦有是。 其道,是故 彼自 文 非 ○永按: 得。 必 有 問:性爲 非 蔽 俱 我之得 惟 塞 立 「自蔽塞」謂惟知 :己有是, 而 「萬物之 知 私 不 必 知 也。 加 周 人亦 順 源」。 知, 吾 惟 有 有

謂 之而 「感 無 而遂通」,「不行而至,不疾而速」也 故神。 不覺,不待心使至此 譬之人身,四 而 體 後 皆 覺 也 物, 此 故 觸 所 横

我之私也

耳。 不能化,惟 故不測」。 全載,故後來不曾與他添得。 得極好。 才動,這氣即敷於外,自然有所感通。 共只是一團物事。 極 端 渠《易説》。 上下,以至於行乎什伯千萬之中,無非這 兩 用 又生陽,所以神化無窮。 在故 説得極精 處不同。 不測 但《近思録 只是一 兩 〇問 0 而後能 譬如陰陽,陰中有陽,陽中有 ,須子 物, 兩故化」,注云「 所謂鬼神者,只是自家氣,自家心下 故神」,朱子 `細看 化。 却周行乎 》所 載,與 雖是 ○發於心,達於氣,天地與吾身, 「一故神」,横 本書不 兩 事 j E 箇 推行乎 物之間 ,要之亦是推行乎此 同。 〇「一故神」,横渠説 是 如如 當時 陰,陽 箇 渠親注 箇 陰 物事 凡 道 陽 緣 天下 極生 理 屈 伯 所 云 恭 伸 却 ·思慮 以 往 兩 不 有 謂 肯 陰 來 在 兩

子 티 : 説 「心統性情」,語 心許 小 多,皆未有似 統情 性者 最精 此 也。 密。 語 端 〇横 的。 横渠《語 渠 子 細 此 録 看便見 句,乃不易 下 ,其他諸子等 同。 之論。 0 朱子 孟

^{● 「}歸」,原作「鬼」,據局本改。

[「]伸」,原作「神」,據局本改。

^{● 「}性」,局本從洪本作「理」。

不由 藏許 主。 云云。 智識念慮處皆是情 如心之田 統如統兵之統,言有以主之也。 統 也 仁、 身之主宰,性便是許 猶 皆 動 此。 多道 〇凡物有 義 兼 I無依 者情也。 7、禮 也 以此見得「心統性情 [地,充此中虚,莫非是 此所以爲人心之妙與。 理 、智根於心」, 稀 〇性 ,彌綸天地,該括古今。 似 心, 0 此。 是體 性 而 ,故曰「心統性情」。 其中 〇一心 者心之理,情者心之動,❶心者性情之 情是用 多道理,得之於天而具於心者,發於 惻隱四 必虚,人心亦然。 統 性 性情皆出於心, 理 情 端是情, 仁、義、 心之中,自有 而已。 理在人心,是之謂 」,二程 推廣得來,蓋天蓋地 禮 〇先生取《近思 孟子曰 心 却 只這 智是 是神明之舍,爲 無 動静 故心能 「惻隱之心 性, 虚 句 處 似 ,孟子曰 ,静者性 性。 此 統之。 便 切。 録 奠 性 包

人 物之别 凡 物 莫不 由 蔽 有 有 是 厚 性, 薄 由 故 通 有知愚之别 蔽 開 塞 所 以 寒 有

字,亦先制得「心」字,性與情皆從「心」。

大有功,始尋得箇情字著落,與

孟子説

般。

又曰

古 知

人

制

發則情

也。

딛

是此意。

○舊看五峰

一説,只

將心對性說,

心統性情」之語示學者,或問

日

心之未發,則屬乎性

既

箇情字都無下落。

後來看横渠「心統性情」之説,乃

此

語

耶 ? 稍靈 蠢了。 無不全。 有許多,故其理亦只有許 有昏明厚薄之異,若在物言之,不知是所禀之理 性」云云,至「薄者開之也易」,是也。 者可使之明,只偏塞者不可使之通。 源,何以 蔽 開 者 之理以爲性 横渠之説。 曰:「蔽有淺深, 此似欠了生知之聖。 開 之也易 牢不可 草木頭向下,所以 ,爲他頭有時也似人,故稍向得上。 亦是緣氣禀之昏蔽故如 塞,横渠與吕芸閣説 本乎天者親上,本乎地者親 有異? 日 ,皆受天地之氣以爲形,若人品之不 看來塞中也 開 謂 開 之全亦 日 故爲昏明, 則 厚 達 者 人之性 〇此段 最 可 有通 於 可 無知, 多。 孰 調 天 以 蔽 一論明 處, 之偏 又問 此耶? 爲親切? 有開 不 道 開 如 禽 如 與與 暗,物之性 獸 下。 猿狙 亦 塞 吕與叔分别 加 横渠言「凡物莫不 可 物 頭 ,故爲人物。」〇 〇間: 日: 聖 開 物 横 之性即 如 〇問 曰 : 具 人一 以 之也 人頭向 惟其所受之氣只 所以 一太極,則 理言之,則 只 人 與 靈 八叔倒 物皆 是偏 無 得 人物之性 同 難 上,所 猪 便 知 分 朱子 問 塞。 則 曉。 有 禀 分 問 薄 無不 是 不 是 天 有 猿 以 全 明 日 者 理 全 吕 地 是 暗 狙 最 然 似 通

●「心」,局本從洪本作「性」。

 \equiv

之人,便在人與禽獸之間,所以終難改。 之人,便在人與禽獸之間,所以終難改。 之,好有后人與禽獸,亦是此性,被他形體所拘,蔽隔之甚,無可通之之,若在蔀屋之下,則有見有不見。在人則蔽塞有可通之之,若在蔀屋之下,則有見有不見。在人則蔽塞有可通之之,若在蔀屋之下,則有見有不見。在人則蔽塞有可通之之,ぞ在蔀屋之下,則有見有不見。在人則蔽塞有可通之之,便在人與禽獸之間,所以終難改。

近思録卷之一終

婺源後學江永集註

朱子曰:此卷爲學大要。

朱子 爲所至之近遠。 也。 名。《通書》。下同。○朱子曰:三者隨其用力之淺深,以 希賢」也 志伊尹之所志,學顏子之所學,朱子曰:此言「士 周子患人以發策決科,榮身肥家,希世取寵爲事也 E : 于市。 伊尹 濂 希,望 溪先生曰: 朱子曰: 過則聖,及則賢,不及則亦不失於令 恥 顔淵「不遷怒,不貳過」,「三月不 其 也,字本作「睎」。 不失令名,以其有爲善之實 君 説見《書》及《論語》,皆賢人之事也。 不爲堯舜,一夫不得其所, 聖希天,賢 伊尹、 希聖,士希賢。 顔淵,大賢 也。 〇胡 氏 故

行,行之爲事業。彼以文辭而已者,陋矣。 聖人之道,人乎耳,存乎心,藴之爲脩 此書之包括至大,而其用無窮矣。

德

(事也,故曰「學顔子之所學」。

人能志此志而學此學,則

「志伊尹之所志」,患人以廣聞見,工文辭,矜智能,慕空寂

敷? 好學。 子曰: 欲人知道義之重,而不溺於文辭之陋也 静,其未發也五性具焉,曰仁、義、禮、智、信。 五行中, 不言陰陽也,❶蓋做這人,須是五 之精聚,故能生出萬物。「得五行之秀者爲人」,只説五 精,得五行之秀者爲人。朱子曰:天地儲蓄得二氣 生曰:學以至聖人之道也。聖人可學 通也,然則顏子所獨好者何學也? 或問:聖人之門,其徒三千,獨 曰:然。學之道如何? 所以周子云「五行一陰陽也」。 夫《詩》、《書》、六藝,三千子非 行方做得成,然陰陽便 其本也真 日 稱 天 伊 顔 不 而 地 Ш · 習 子爲 行, 而 儲 先 至 丽

● 「也」,局本從洪本作「者」。

近思録卷之二

明 明 矣。 朱子 篤,信道篤 是,「往」與「行」字相應。 力行以求至」,便是詳此意。 養其性 正其 智、信者、未發之藴,而性之真也。 至於邪僻, 梏其 妄作,去傷了他耳。 上如何說鑿? 愛、惡、欲。 静,只是疊說。 初未感乎 静便是未感。 力行」、「求至」,踐 諸 而 Ė 其 心 誠 心 」,方是大綱説。 ,養其性,愚者則不知制之,縱其情 中 「其本 也 知 動 未發 ○真、静 則 所 朱子 也 情 形 朱子曰: 丽 真 行之果,行之果則守之固。 往 既 既 履之事也。 即 j 而 七 是故 ,然後力行 性而亡之。 熾 静 静 生矣,外 兩字不同。 情 「學之道,必先明諸心,知所往 0 三,是説 性固不可 之謂,五 而益蕩,其性鑿矣。 「覺者約其情使合於中,正其心, 於覺者 出 「明諸心,知所往」,窮理之事 一本作「知所養」,恐「往 一焉, 誠之之道 未 物 性即真之謂。 發,真便 真指本體而言, 静但言其 約 〇五性便是真,未發便是 鑿,但人不循此理,任 曰喜、 以求至,所 觸 然學之道,必先 其情使合於中, 其 是 形 怒、 在 不雜, 而 仁、義、 哀、 乎信道 動 謂 無 問: 性 其中 ,然後 人僞, 」字爲 懼、 一自 禮 也 仁 而 意 遷? 年, 不思 善 焉 勉 行 禮 故 安 是」, ___ 義 所 而 則 出 後 動

化者,則已便是尺度,尺度便是己。 箇,顏子則疑於遷貳與不遷貳之間。 守之也, 怒,不貳過。」「有不 勿言 忠信 也。」此其好之、篤學之之道也。 顔子所事 其未化 則拳 聖人無過,何待於不貳? 謂守之非化之也。 而得,不勉而中,顔子則必思 不 中。 非 容 處 不 非 拳 日 者 周 語 離 禮 化之也。 服 如 其 而 旋 乎心,「 則 默 人操尺度量物 勿動。」仲尼稱之, 化矣。 膺 與 中 日 必 而 聖 禮 於 ○問 弗 善未嘗不知,知之未 人相去一息, 「非禮勿視, 是, 造次必於 朱子曰 以其 失之矣。」又曰 圃 守之非化之,日 所以不遷不貳者 邪 久 用 僻 好學之心,假之以 之尚未免有差。 面 顏子未化,若化則 〇「大而化之」, 聖人無怒,何待於不 之心 弗 是, 則 非 失, 所 無 而後得,必 日 禮 然聖· 顛 聖 則 未至者 自 勿 猶 沛 「居之 生矣。 聽, 若至 有 理 則 不 嘗 人 必 便是 與 意 無 遷 則 復 非 於 於 這 存

裹做 同。 仲尼 0 這 諸 得 學,别無可 道 聞 而 這道 簡説 心上。 此 者。 强 爲 朱子曰: 也。 T 論説得 學 記、巧文麗 夫。 理 或謂人不知性,故怠於希聖之學,而樂於希名慕利 話 之道 蓋先明 高,見世間 則今之學與顔子 後 便 做 ◎好 條 是所 ,只得 人 不是他 理 遂 不 諸 只 以 學 失。 向 心了,方知聖之可 達 依 萬般皆 爲學之本。 辭 論 那 樂於希名慕利之學,是他不 此學 爲工 裹去,因 是 以 不 *,便 程子 低。 謂 求 樂 可 故這一 + 所好異 諸 惟 日世上萬般皆下品 以 本 八 、終其 華 己 知 歳 學,有 生 所 其 而 段緊要處,只 時, 本, 身 知 矣。 言 求 也 己 然 下手處, 諸 非 後 做 鮮 《文集》。 外 學 得 可 知聖 有 這 以 方就 山 在 至 爲學。 文好。 以 若見 一之可 先 至 於 博 F 這 明 之 之 理 亂 日

,

定者, 外 以 動 何 者 也 外 ,猶累於外物, 爲 物 横 動 渠先 在 且 爲 亦定, 内 以 外, 生間 ? 性 牽己 爲 静 是 於 何 隨 亦 有 圃 明 如 物 定, 意 從之,是以 道 於外, 於絶 先 無 明道 生 將 外 則 曰 迎 先 . 誘 當 己 無 定 生 其 性 而 内 日 性 在 不 爲 外 未 : 外 知 所謂 有 能 時 性 内 荷 不

不

嘗

否? 定? 心; 日 語定 子之學,莫若擴 性」字當作「定心」看。 旻天」,「象憂亦 物各有當止之所,知 聖人定處,日 日 無 識 不定也。 5 出 定於中 於内外」。 無 「子哭之慟」, 此 當應便應 而 心 當 朱子 聖人之常, 티: 哉 内 是當應而 矣。 周 應 於事 外 悪 偂 而 曰 〇 勉 不 夫天 物 也。 事 不 : 隨 問 事自外 有許多分數 來不 應 ネ 是。 憂, 物 應、當應 知 齋 何以見其爲定? 能 則 而 IŁ. 既 黄 地 象喜 得 感,這 聖 以 惑 曰 然 往,不 又是 而 若以 氏 來 則 以 也。 之 0 人 其 而 后 而 日 此心自不爲物 侕 亦 此 動 内 常 死 有 來,便 情 先物 應 : 應 裹 1 大 理 喜 是 亦 定」,只 外 便是 了。 自 此 以 定 有内外 惡 公, 順 定, 理,理 爲 以 書 而 於中 ,當此 不 有 物 萬 定定。 0 分七 動 接。 静 許 其 來 物 日 看 西 事 不 多分數 亦 即 故 感 時 本 若 静 心 山 動。 此 來 段 定, 此 目 而 事 日 時 惟 時 不當 真 讀 何 普 事 是 而 句, 定 未可 則 無 無 固 氏 所 日 以 善 當 應 順 萬 此 即 將 定 應 : 謂 日 又 情 見 物 抑 便了 應也。 這 語 首 而 應。 理 迎 物 善 定 動 其 則 烏 裹自 定, 段。 定 也 應 者 悪 號 得。 時 爲 如 故 性 可 而 是 亦 亦 泣 來 問 故 理 便 定 何 定 君 遽 無 定 萬 問 且 于

當如何? 公,賢人自有賢人大公,學者自有學者大公。 模也是恁地,只是除却私 箇天地之心耳。 人,便是不公,便逆了這 普及萬物,人得之遂爲人之心,物得之遂爲物之心,只是 大公」、「順 普萬物」,莫是以 有 有尾説話,大公是包説,順應是就裏面 通 「擴然而大公」,是「寂然不動」。 懂了 見 憧 物 此第二段。 所謂 無 滅 往 事 來 0 順 於 ,自家見得道 窮 來 「無心」、「無情」者)所謂 便 EI: 應,是不累乎物。 應」,學者卒未到此,奈 是私 東 不可 朋 也是要存得 此書大意不過 丽 今須要知得他 普 意 心 從 生 萬物」、 周 爾 得 於 理是 擴 徧 道 然大公便不是 思 而 西 意 而 理 這箇在,克去私意。 恁地 即即 無私 順 ,事物之來,順 除 也。 不能 《易 萬 此一句: 苟 「物來 有心處,又要知得 也 否? 却 事 規 「物來 非 順 何? **>** 有 一者,即 日 而 朱 應。 規 箇 朱子 惟 順 子 擴 憧 細説。 偏 而順 於 日 日 應 聖 H 然大公是不絕平 他 憧 Ė 曲 擴 貞 一之謂。 外誘之除, E 人 之不足,顧 底 道 雖未 然而大公」之 應」, 自 往 這 理 物 八吉悔 ○勉齋黄氏 意 天 他 來 來順 兩句 學者 應之。 有 思要爲那 地 是「感 到 無 不 聖 〇問: 以 心此,規 心 -合著 ,是有 大公 入大 應 此 處。 便 且 而 1 段相 用智 也。 然一。 如 私。 今以 也。 寂 端 티 : 爲爲應迹」; 以 適 上段之意。 不 而 絶 此 是 ,下不累 索 有 道 憧 反。 滅外 然。 説。 日: 〇問: 朋 朱子 惡 照 爲 憧 從 但 物 外 爾

謂。

遂

物;

目 頭

其

將

憧

爲 是常人之自私。 爲應迹」,故求絶乎 「則「不能以明覺爲自然」,亦自説得 一、大率 此説 問: 自私便是求 也。 爲 於物欲。 日 「貞吉」 所 則累乎物矣。 也 用智則 程子謂釋氏自私 . 物之心 應 思 謂 得 是。 患 問: 反 然。 較闊 _ 然細思之,如 迹, 自 鑑 在 若 則 0 私 自 0 一、「索照」,亦是説絶 ()應 不 於 物 絶乎物 用 勉 廓 兼 虚)勉齋 뻬 能 私 一, 而 自 齋 兩意。 然大公, 用 智 中 則 物 迹謂 人之情各有 不 黄 智 ·無我, 黄 來 不能 私 求 則 ,用智 能 氏 二,如 行自私 氏 順 ,先生嘗以此 應 而 也 照 不 日 以 日 應,所 擴 物 事 不絶乎物,而 是見横 用 . 則 是反累乎 世 明覺 然大公,所以「不 無 能 來順 物之迹,若 此 此 智。 人 一不 物 以 第三 以「不能 第 煞,恐只是釋氏之自 爲 外物 能 應,便 之地, 渠説 等 四 明 所蔽 自然」 以 段 段 自 自 物。 嗜 覺 而求定之意。 有 私説 悠 得 私 只 上 心 以 引 爲爲 亦不累乎 爲 不 故 也 有 示 則 明 故 是反 《易 是 則 這 得 能 是 自然 反累 未 覺 淪 能 與 應 不 不 較 》以 以 前 於 迹 如 嘗 爲 以 粗 能 鑑 能 平 故 有 空 異 動 自 有 結

背不能 尚 聖人恐無怒容否? 非,而更求 是則聖人豈不應於物哉? 怒。是聖人之喜怒,不繫於心而 人之喜,以物之當喜; 者爲非,只 其 中只是説 兩忘則澄然無事矣,無 也。」與其 見 易》以結上 行語 其 外應不鑿 何 ,是此意,伊川 《易》曰:「艮其背,不 ,則不「以明覺爲自然」,故「不若內外之兩忘也」。 應 人。」《孟 物之爲 「艮其止,止其所」。 得 圃 文。 止於背,是止得其當止之所。 非外 否? 隨 視聖 在内者爲是也? 理 艮「不獲其身」則無我,無我則不自私 子》亦曰: 順 累哉 E : 説却不同。 而 朱子 應。 人喜怒之正 是 是。 Ħ 0 内,不若内外之兩忘 勉 大抵不可 朱子曰:「艮其背」云云、《易 怎生 人之四支百骸,皆能動作,惟 事則定,定則明,明 ○問: 「所惡於智者 聖人之怒,以 齋黄氏 獲其身; 無怒容? 烏得以從外者爲 爲 今以自私 日 以 内外兩忘,是内不自 何 在 明 此 内者爲是,在 如 繫於物也。 道《定性書》舉 行其庭,不 第 合當怒時,必 哉 五段, ,爲其鑿 物之當 用 ,用智 問 也。 亦 則 智 聖 引 外 0 邊 則 則 時

不當怒。 當其時 若見其直而又怒,則愈甚。 之情,易發 亦形於色。 理是非 言於怒時且權停閣這怒,而觀理之是非,少 如孟子所謂「我必不仁也」,「自反而仁」,「其横逆由是也」, 理之是非,才見己是而人非 不足惡,而於 第六段,以聖人喜怒,明其擴然大公,物 如水漸漸 ○血氣之怒不可有,義禮之怒不可無。● 恐涉忿怒之氣否? 然未嘗 遽忘其怒,而 此亦妄人而已矣」。 亦須怒。 則 歸 蓋怒氣易發難制 不怒,則 未至於聖 港。 如要治那 丽 但 ○勉齋黄氏 道 難 當怒而 是大公。 人,而於道思 亦 觀 制 人之罪,自爲笑容 日 思 理 者,惟怒爲 〇若知其理之曲直不必校却好 怒便 〇此明道爲學者 過半矣。 天之怒,雷霆亦 如 之是非, ,則其争愈力。 日 文公舊説 水之澎 中節,事 此第七段、未嘗無怒、而 過 半矣。 漲,能 朱子 亦可 甚。 過便消 則 來順 則 〇勉齋黄氏曰: 間 兼大公、 此 不 後來看不如 震。 權 理 пŢ 日 應 段專説 自然見得 見 停閣 未 第能 也 T 甚明 舜 外 舊 曰: 更不 這 誅 順 時 誘 於 夫 怒,則 四 底 當怒 應 謂 如 應 説 積 凶 之 奴 人 此 觀 此 而

■「禮」,局本作「理」。

三六

應

天地之所以爲天地,聖人之所以爲聖人,不以其定 「物來而順應」者,義之所以爲用也。 〔總論〕 定則動 真也。 故 法子子 静 「擴然而大公」 如 夫豈爲是急於外 Ė; o O 定性者,存 而内外 一者,仁 仁立 無 渾淪 也不解 看理. 怒,便是擴然大公,觀理之是非,便是物來順 其怒,而觀理之是非」,一篇著力緊要,只在此 句,其他引《易》、《孟子》,皆是如此。 如 ,子細看節節有條理。 何。 如 此。 此 篇 外 誘如 大 綱 何除得? 只 在 〇明道意,言不惡事物 擴 然 有當應者, 而 末謂 大公, 第 物 也 應。 能於怒時 來 只 句。 得 而 明 、 亦 ァ 順 順 道 遽 應

乎?

君子之學,亦以求定而已矣。

義行,則性定而 之所以爲體也,

天下之動

矣,所謂

誘之除,而反爲是憧憧

世哉?

然常人之所以不定者,非

其

性

事物。

今人惡則全絶之,逐則又爲物引將去。

惟

不

拒

不

流

不 言 忘 遽

語 其 忘 兩 便

間矣。

養之功至,而得性之本然也。

惟

言,蓋以

「遽忘其怒」爲大公也。

「艮其背」則不自私矣,「行所無事」則不 不知自反以去其蔽,顧以惡外物爲心,而 自私以賊夫仁,用智以害夫義,是以情有所 , 益以 用智 憧 憧 反求 矣。 而 不 照 蔽 於 内 自 而 都不 荷只静時能定,則 以爲須是內外合一,動静皆定,則應物之際,自然不累於物 泛應曲當,則善矣。蓋横渠有意於絶外物而定其內,明道意 · 見 一 箇 下手 處 動時恐被物引去矣。 ,或云擴然大公兩句, ○《定性書》一 是下工 夫 處 篇中 否?

得這箇在? 理皆背馳 這是説已成處。 如 日 : 何得順應? 也不由你存。 今人私欲萬端,如何得大公? **E** 這 這須是見得,須是知 便是 先生 前 日 所 謂 得 所 也 天下 一須存 見與

細看 自私 是此 中間自 一句 、用智,此書首尾只此兩項。 意。 有脈 引《易》是説大公,引《孟子》是説順應,忘怒是 絡貫串將去。 大公、順 明道文字多只成片説 應,自 後 許多 話 去,

0 惟, 局本作「性」。

日

初學

然此説

地位高者之事,在初學恐亦不得不然否?

哉!

○問:

《定性書》是正心誠

上夫否?

티 :

是

正

涵泳完養之功

少,故不能

無疑

於此。

程子 工

以

是

發之,其旨深

夫張子之於道,固非後學所敢議。

然意其强探力取之意多,

誠

意以

後事。

間

定性

》所

か論

固 意

是

不可

有

意於除外

誘 心 也。

忘怒則公,觀

則

順二

者所以

爲

自反

侕

去蔽之方也。

之理

,都著

毫私意不得方是,所謂

知

止

耐

后

有

定」也。

而

順應,天理之極

也。 理

衆人之喜怒,自私而用智,人欲之盛

外 知

兩忘,非忘也,

循

於理,不是内而非外

也。

不是内而

非

,則大公而

順

應,尚

何事物之爲累哉?

聖人之喜怒,大公

也。

無物之地,亦見其用力愈勞,而燭理

愈味

憧憧耳。 之本然也。

在後逼 声。 字説得詫異,此 應大公,觀理是應 **=** 逐 他 然。 相 〇間: 似,皆寫不 性 順應。 |字是箇「心」字意。 此書 ○明道此書,自 辦。 難理會。 直卿云: 曰 : 明 此所謂 胸 道 也不難。「定性」 中 言語甚圓轉,初 瀉 「有造 出 如有 道 物 之

(未曉得,子細看却成段相應。此書在鄠時作,年甚少。

乎? 爾 見其不忘乎善,此乃世 真失正,反害於道必矣。 之贅言也。不止贅而已,既不得其要, 之人始執卷,則 則生人之道有不足矣。 下之理有闕 於聖人,然有之無所補,無之靡 不得已也。 疾没世 非 伊 然其包涵 謂 川先生《答朱長文書》曰 加 疾 名 無名 焉。 蓋有是言則 不 以文章爲先,平生所爲,動 也。 稱焉」者,疾没身 盡天下之理,亦甚約也。 如 彼耒 名者可以 聖賢之言雖欲已,得 耜陶 是理 人之私 來書所謂 冶之器,一不制 明,無是言則天 厲中人,君子 所闕,乃 : 聖賢之言, 心 無善可 也。 欲使後 夫 則 無 稱 後 子 多 離 人 用 云

所存,非所汲汲。

到這 是未到那裏, 先見得 臭,如好好色」,「至之」便真箇求到其地。 以直内」、「義以方外」之實事。」○「知至至之」,全在知字, 明道云: 辭」,「篤志」是「立誠」。 ○「内積忠信」是實心,「擇言篤志」是 積在此而未見於事之意。 信」,積字説得好。某「實其善」之説雖密,不似積字。 此學之始終也。《易傳》。下同。 故「可與存義」,所謂「終條理者,聖之事也」。 「所以居業也」。 行」也,既知所終,則力進而終之,守之在後 謂「始條理者,知之事也」。「知終終之」,「力 知所至而後至之,知之在先,故「可與幾」,所 知終終之」,在著力守之。 |處了,如何保守得,便終保守,此是「終之」。 内 「修省言解」、「正爲立己之誠意,乃是體 積忠信,「所以進 箇事幾 「知至至之」,「致知」也,求 ○伊川「擇言篤志」,説得來寬,不如 〇一言一動,必忠必信,是積 〇「知至」是真實知得,「 一可可 與存義 德也」, 擇言篤志 實事。 〇朱子曰:「内積 便是守得箇 「知終」是知 擇言 當自家『敬 可可 ... 如 與 得 思 見 也。 修 進 得 忠

在。 至之」,「進德」之事; 主知,「知終終之」主行。 固是如此,然細思,恐「知至」與「知終」屬「致知」,「至之」、 終之」屬「力行」,二者自相兼帶。 忠信所以進德,修辭立其誠所以居業. ○問: 知至至之」是「致知」,「知終終之」是「力行」, 「知終終之」、「居業」之事。 然某却 疑似亦不必如此説,只將 曰:程子云:「知至至之」 」説,自得。 ○「知至

<u></u> 無敬 得其宜。 外方」, 曰: 若欲以敬要去直内,以義要去方外,則非矣。 不孤來解「大」字。 前,不可得而移易之意。 也。 立而 利,孰爲 德 「方」是割截方正之意,是處事皆合宜,如 不孤」也。 則 敬 内直 君子主敬以直其内,守義以方其外。 無本何以爲義? 義 〇此《坤》六二之爻,以敬解「直 疑乎? 義是 一義形 既立,其 心 若敬而無義 頭斷 無所 丽 朱子曰:「直」是直上直下,無纖毫委 事,心斷 外方。 〇敬立而内自直,義形 德 皆是孤也。 用 盛 而 則 矣,不期大 於内, 義形 不周,無 做 出 須是「敬義立」,方「不 而 事來必錯 外自 於外,非在 ,以義解 〇問 方正,萬物各 所 物四方在 而大矣, 7 而外自方。 施 義形而 只 「方」,將 加 外 敬 不 愐 面

> 之言與行。 之應事,有不出於意欲之私,而 何? 正理,則妄也,乃邪心也。 乾,天也。 之惡言而不敢辭一者,正謂 陷於不正者多矣。 氣人欲之私,然只此亦是不合正理。 物處,理當如彼,而吾所以應之者乃如 當應,而此心頑執不動,則此不動處便 合正理一者,該動静而言。 有告,不利有攸往。」朱子曰: 往,往則妄也。故《无妄》之《彖》曰 之義大矣哉 又如賢智者過之,其心豈 人之藴 動 以天爲无妄,動 故 曰「動以天爲無妄」。 蓄, 考跡 董子所謂 葉氏曰: 由 以 此耳。 如燕居獨處之時,物 觀 而 其用 「以善爲之而不知其義,是以被 以 震下乾上爲无妄,震 大, 但以 有邪? 如 人欲則妄矣。 既 雖 所謂 在 「鬻拳强諫」之類是也 不 既不合正理,非 察言以求其心, 非 (此,則 已无妄,不 無 是義理之當然, 多 却不合正 E 邪 雖 理。 聞 雖 無邪 心,苟 二、「其 前 有來感, 未 又如 理。 古 必 心一而 邪妄 出 動 應 聖賢 无妄 匪 宜 不 理 於 事 正 有 丽 血 接 所

> > 526

是」,局本從洪本作「見」。

孤

三八

識 而 得之以蓄 成 其 《大畜 象

也

刑之。 感之道 之謂 合 則 不 謂 取 思 其 便是不虚了。 應,不想契者則不應。 目 寒,熱則徧天下皆熱,便是有感皆通。 心無私主,也只是公,善則好之,惡則惡之,善則賞之, 象。 。」傳 九 通 悔 而受之,非聖人有感必通之道 思之所及者有能 只是克去己私,便心無私 中無私主, 也 也 無 此聖人至公至神之化,如天地一般,寒則徧天下 四 咸》之《 不 四 曰: 無 曰:「貞吉悔亡,憧憧 若 聖 當 應者,亦貞 所 0 感者人之動 往 人 心 不 葉氏日 象》 位 來 感天下之心, 通 則無感不通 〇以 憧 ,有所私係 而不言咸其 日 感 憧 有 而已矣。 量 : 圃 主。 然, 量 一而容 也,故《咸》皆就 動 必 君 有限, 若心有 用 1, 隨 子 所不及者不能 如寒 其 問: 則 我量之大小以容人, 以 以 貞 心,感乃 往 有合則必有不合。 私 害 私主,只 量 心無私 虚 者 來, 也。 於感 暑 心以 加 受人。」 虚 容之, 雨 朋 朱子曰 是 主量 中 暘 通 感 心 相 從 無 難? 悪則 物 也。 契者 傳 身 感 我 無 所 爾 擇 皆 得 味。 廓 行 私

底往 心中 月寒暑往來,安得爲心中之往來? 解經,只要依訓詁説 謂」、《本義》云貞者 來,感應之常理 爲主,而思慮之所及者朋從,所不及者不朋從矣 未 然 若曉得 備。 來,只是加一 憧憧然,猶言往來於懷否? 無 以 所 往 有 來自還他自然之理,惟 正 不 係 圃 通 之 是自然之往來。 固 箇忙迫底心,不 正 乎 私 字。 則 ? 而 虚 心 如貞 中 固 問: 一,不 無 既 作 我 《易 Ì 同 亦在 Œ 能 曰 : 此憧 何 於 傳》云「貞 Œ 而 順 伊 也? 静爲主。 固 自 ĬII 非 裹 憧 一, 也。 面。 然之理。 説 一者,是 隅 朱子 微 細 下文分明 倒 0 者 玩 至 加 問: Ė. 虚 10 事 索 於 私 中 自 某 憧 意 往 無 伊 贵 説 尋 我 川 不 來 有 憧 往 能 之 好 常 則 説 H 是 滋

致之乎? 勉,乃自修其 以處險阻之道 君子之遇艱阻 有 (徳 所 也 未 善 必必 蹇・象》傳。 則 改之, 思自省於身,有 無 ○葉氏 歉 於 日 心 此 則 失 教 加 而 人

明 初 而已。 不 九 傳。 行 非 則 〇朱子 明 明 則 無 所 動 Ė 用 無 空明 豐 所 明 而 以 E 動」,以 非 動 徒 行不明 則 明 明 心 應事 無 則 所 打 物 無所 用 也。 向 豐 冥 徒

四

0

所見 外面 言語 者衆,安得不樂? 以及人。若己能之,以教人而人不能,多少可悶。 也。 吾之意,至於信從者衆,豈不可樂? 知己之有得,亦欲人之皆得。 言,極有 説 樂於及人,不 如傳得師友好説話、好文字、歸與朋友、亦是及人。 了,則不肯告人,持以自多。 稍濕,裹面 下同。 思 以 習,重習也。 深意。 量透徹,乃有所得。 善及人, 〇朱子曰: 〇己既 依前乾燥,必浸之久,則透内皆濕。 · 見 〇間 是 而 有得, 時復思繹, 「浹洽」二字,宜子 信從者衆, 而 初學將自謀不暇,何以及得人? 無 臂之浸物於水,水若未入,只是 何待人之信從始爲可 然信從始但一二人,亦未能 君子存心廣大,己有所得 悶,乃 〇大抵私小底人,或 浹 治於中, 故 所 ,細看。 謂 可 君 樂 凡於聖 今既信 子。 也 樂? 程子之 則 《經 足 説 雖 須 從 有 愜 賢

學者爲人」,欲見知於人也。「古之學者爲己」,欲得之於己也,「今之

大路 不 到 也。 伊川先生謂 ,學者病 求入其門, 不 得 方道 其 門耳。 不 輔 由 日 於經乎? 得 聖人之道 其門, 今之治 無 遠 坦 之 如

> 티 : 手之舞足之蹈 道,及 他 以此書示學者,曰: 經者亦衆矣,然而 勉之又 經所以 買櫝還珠之論,尤可 兩字也不得 〇方元案字道 無 載道 勉,異 用 之 也, ,要改動 糟 日 他只恁平 不不 誦 輔。 見 粕 買 其 他 卓 耳。 以警今日學者用心之謬。 加 買櫝還 言 .櫝還珠之蔽,人人皆是。 爾 勉 旬 鋪無緊要説出 辭, 覬 有 也不行 而 珠 足 文 解 不 事 一於前 下 其 見 能 訓 由 《韓子》。 自 來,只是要移易 經 詁,而不及 止 然 矣。 後 求 〇朱子 0 不 朱 道 知

辭,正 是 可 手? 内,義 是修 細理會。 「忠信 以 修業 飾 明道先生曰: 惟 爲 以 言 文 立己之誠 所 方外」之實 言能: 也。 辭 誠 以 爲 纔 進德」 修 有 心 終 省 意,乃 可居之處,有可 日 修辭 只 言辭,便是要立誠, 爲實下 事。 乾乾」, 是 是體當自 爲 立其 道之浩浩, 僞 手處,「修辭 大小大 也。 誠」,不可 家 居之處, 若 事 修 何 敬 若 不子 立 却 處 其 以 其 只 則 直 只 下

則可 何? 尚 被汨没動蕩,立不住了。 辭,便是要立得這忠信。 好色」,常常恁地 德爲實下手處,如是心中實見得理之不妄,「如惡惡臭,如好 道之浩浩,何處下手? 之實事,便是表裏相應。 是體當自家「敬以 辭,只是如 經爲傳道居業之事,居常講習只是空言無益,質之兩先生 誠 !可欺人,辭不可掩,故曰「言顧行,行顧言」。 後爲修辭、是爲居業。 '以修業,修業便是逐日底事業,似 爲實修業 朱子曰: 「非禮勿言」。 季 ,②則德不期而進矣。 處。 明是横渠門人, 直内,義以方外」之實事」,便是理會敬義 《遺 惟立誠 〇問:何不説事,却説辭? 「若修其言辭,正爲立己之誠意,乃 若口不擇言,逢事便說,則 「敬以直内,義以方外」,便是立誠。 明 書》。 道與 方有可居之處,有可居之處 下 説 祖横渠修辭之説 同。 (易))上修辭,不恁地修 日課一 誠便是忠信 〇問 般。 蘇季明以 ,修省言 以以 忠信谁 忠信亦 日 立言 治 事 如

急,不容如是之迫。 切不中理,則反爲 答劉子澄 第理 伊 有得 川先生 》云:學者正欲胸中廓然大公,明白四 力處。 曰:志道懇切,固是 今乃追咎往昔,念念不忘,竊恐徒 不 觀天地之化乃可知。 誠。 蓋 實 理 誠 中 達,方於致 意,若迫 自 有 朱子 自 緩 煎

計近功 熬,無復義理悦心之味也。 不誠」,正慮此耳。 ,則終必有至矣。 升高自 下,陟遐自邇,能 程子所 謂 「迫 切 不遺 不中 寸唇, 理 則 反 圃

不 爲

己做工夫,所以學顔子則不錯。 子説話,便可下手做,孟子底,更須解説方得。 他才高,自至那地位。 子,入聖人爲近,有用力處。 禮」,「克己復禮」,「不遷怒,不貳過」,皆用力處,就務實切已 者有用力處。 見識自高。 學之無可依據」。 處盡説與人,終不似夫子立得根本住,所以 孔子體面大,不用恁地說,道理自在裏面。 得不錯,須是學顏子。 養氣處, 豈得爲 孟子才高,學之無可依據。 顏子才雖未嘗不高,然其學却 孟子終是粗。 無可 ○「孟子才高,學之無可依據」,爲 依 若學者學他 據? 日: 〇孟子説得粗,不甚子細 [本注]有準的。 ○勉齋黄氏日 孟子皆是要 ,或錯認了 又曰: 細膩切 程子謂 孟子多是就發見 學者當學 他意思。 (用,顔 〇問 學者 〇朱子曰 實 如 其「才 所 博文約 他 子 要學 ,只是 若 元來 須 如 以 顔 就 説 顔

●「似」,原作「以」,據局本改。

② 「地」,原作「他」,據局本改。

下功,所以人聖人爲近。

即便意 只管將 與龜山言,便不著地頭了。 學者用心不近裏,故以此説教之。 章是威儀制度。 即省之,所不可省者亦强省不得。 矣」,便是應 濫 誠 心」,是且理會自家切己處,明善了,又更須看自家進 人鞭辟近裏,明 中來 無 1 功。 ,其文章 明 來玩味 初見 誠,善才 道先 問: 那「省外 則 一程時 生日: 善是致 明 「所守不約,泛濫無功」,説得極切。 雖 道 「且省外事,但明乎善,惟進 说說話 理自然都見。 事」 誠 不 知,誠 中 且 便 句否? 〇「且省外事,但明乎善, 蓋横渠多教人禮文制度之事 進。 省 不遠矣。 心是誠意 外 間: 又曰: 然只可 事 善只是那每事之至理,文 日 意否? 丁,但 「其文章雖不 然。 所守 施之與叔諸 明 這段是日與 外事 朱子曰: 平 誠心」,只 不約,泛 . - 所可 气,惟 中 惟 這 人,若 是 不 誠 進 叔 般 省 知 他 進 自 遠 至 教 心 誠 處 者

有是得之。 寶有諸 學者 如 求 若只識 經 識 己」,識得與實有,須做兩句看, 義 得 得,只是知有此 仁 皆栽 體,實有諸 培之意。 物 己, 却 朱子曰: 須 只 實有 識 要 得是知之, 諸 「學者 義 己 理 方 識 栽 實 是 得

物事樣

,道是簡公共底道理

但

是安頓不能得恰好。

顔 有

子

向 箇

事分明

在面

前

其

八樂自

不能

已。

日

也

不

要顔

説

得

似

0

○或説顔子之樂云:

天理

流行

渾融貫通

子見得

這

箇物

與未。

己物也。

切。 理昭 矣。 是孔 約禮之誨 仰不愧,俯不怍, 來淺了,要之説樂道亦無害。 樂何事? 〇間: 深思而自得之。 處所樂何事。 復禮,致謹於視聽言 樂,求之亦甚難? 去自家身上討。 ○問: 融,自 日 、顏與道終爲一物。 昔受學於周 顏子所樂何事,周子、程子終不言,不審先生以 然。 ,以至於欲罷不能而竭其才,則庶乎有以得之矣。 日: 1然無 孔 頃之復曰: 人之所以不樂者,有私意耳,克己之私則 顔所樂何事? ○問: 今亦不敢妄爲之説,學者但 其樂可 毫緊累耳。 朱子曰: 日 動 茂 且 之間 孔、 知,有息則餒矣。」〇問: 要之孔、顏之樂,只是私意浄盡 程子云: 就 叔, 顏之樂,若但以爲在於樂道 程子之言,引而不發, 聖賢著實用功 ,久久自當純 曰: 日: 日 : 每 然。 「人能克己,則心廣體 令尋 觀周子之問,其爲學者甚 不要去孔、顔身上問 但今人說樂道 熟熟 顔子、仲 處求之。 當從 充達 事 蓋 孔、 向 二欲學者 如 於博 尼 説 F 爲 克己 顔之 胖 一,只 去。 樂 得 天 則 所 文

前見不得底今見得,向前做不得底今做得,所以樂,不是抱

這一箇物事來恁地快活。❶

跂望之勞,亦終不能以自達矣。 忽於近,慕於大而累於細,則無漸次經由之實,而徒 朱子曰:學者志道,固不可不以遠大自期。 量 力有漸。 所 見 所 志大心勞,力小任重,恐終敗 期,不可不遠 且大,然行之亦須 然苟悦其 有懸 遠 事 空 而

朋友講習,更莫如「相觀而善」工夫多。

學記》「相觀

而善之謂摩」。

須大做脚始得。朱子曰:心只是放寬平便大,不要先須是大其心使開闊,譬如爲九層之臺,

有

私意隔礙便大,心大則自然不急迫

子曰: 了,方認得許多險阻 也不識所以堅牢者。 過」,人須從貧困艱苦中做來方堅牢。 百里奚舉於市」,若要熟,也須從這裏過。 明道先生曰:自「舜發於畎畝之中」,至 只是要事事經歷 去處。 似一 過。 條路,須每日從 若素不曾行,❷忽然 ○問: 「若要熟,也須從 曰 : 上面 若不從這 往來,行得 且 撞 惠過, 這 行 熟 朱 將 裏

去,少間定墮坑落塹去也

但却是上好底病,他却是得這箇魯底力。 不如他。 及。 曉得處,便説道理止此,更不深求。 些小便休。 是不肯放過 不解,便理會得,故著工夫去看,遂看得來透徹,非 事看未透,真是捱得 分,半上落下,多不專 有一等伶俐 參也竟以魯得之。 ○魯鈍之人却能守,其心專一。 ,直捱到透徹了方住。❸ 樣敏底見得容易,又不能堅守,鈍底 人,見得雖快,然只是從皮膚上 到 透處。● 所以竟得之。○緣 ○非説須要魯 朱子曰: 惟曾子不肯放舍,若這 不 似别 曾子魯鈍 明達者每 ,魯是他 人只 略 略 捱 過, 他 他 綽 事要人 得 般病 所以 人 質 到 見 所 鈍 略 得 只

從洛中學 是玩物喪志。」蓋言心中不宜容絲髮 (本注)時以經語録作 明 道 時 先 録 生以 古人善行別作 册。 記 誦 鄭轂 博 云 册。 識 爲 事。 嘗見顯道先生 明 道 胡安國 玩 先生見之,日 物 Z 喪 三: 志 謝 先 某

[「]抱」,局本作「把」。

[「]曾」,原作「會」,據局本改。

[「]透」,原作「達」,據局本改。

[「]透」,局本從洪本及《語類》作「盡」。

明道 能。 做 道 誦 良佐字顯道,上蔡人,程子門人。〇朱子曰: 甚不服。 浹背,面 II 矯枉過 爲 初以記 「玩物喪志」之説,蓋是箴上蔡記誦博識 ,則可見也 渠得 日 〇「玩物喪志」之戒,乃爲求多聞 若明道看史不蹉一字,則意思自别。 「玩物喪志」,蓋謂其意不是理會道理,只是誇多關 [發赤。 其 此 後來省悟,却將此事做話頭,接引博學之士。 問爲學,自 賢却記 Ē 矣。 明道 及看明道讀史,又却逐行看過,不蹉 得 觀其論曾點事,遂及列子御風,以 謂 向埽 許多,可 負該博,對明 「與學者語,如扶醉人」,真是如此 蕩 謂 直要得 玩 道舉史書 物喪志。」謝 曠然 而 不切己者發。 無 此正爲己爲人之 而不理會道理之 成篇,不 明道以上 聞此 毫所累 語 遺 字 爲 則 〇明 汗 0 靡 蔡 字。 謝 易 可 爲 記 謝 流

正也。

主其 制 悦 樂之體本如此,進 收 、舒散、 、收斂底意思,是禮之體本如此。 〕以上並明道 減 而進,以進爲文, 却 、快滿底意思,是樂之體如 樂只 欲進一步向前著力去做。 如 語。 在進反之間,便得性情之正。 [原 此則得性情之正。 反是用 〇問 樂盈而反,以反爲文。」恐減與盈是禮 功處 《記》日 否? 此。 問: 進者力行之謂。 朱子曰: 樂主其盈,却 「禮主其減 如此 反者退斂之謂 則 減是 禮 ,樂主其 須 退 盈是 相 退 讓 爲 斂 盈。 撙 用 禮 和 節

> 矣。 此,必至於流蕩,故「以反爲文」。 主於盈者,以反爲文,中間便自有箇恰好處,所謂 猛 力進始得,故 日 然。 ○禮主於撙節 以 進爲文」。 退遜、檢束,然以 樂主於舒暢、 〇主於減者,以進 發 越 其 難 性情 行 爲 文 向 須 如 勇

得私。 事。 之間 一不辜,有所不爲,有分毫 朱子曰:天分,即天理也。 父子君臣,天下之定理,無 安得天分,不 有私 父子君臣各安其分,則 心,則 私, 行 便 所 一不義,殺 不是王 逃於天 者 地

智是性 此。 塞、 所不明。 所不備。 然不以氣質而論之,則不知其 論氣不論性 之則不是。朱子曰: 剛柔强弱之不同,而不知至善之源未嘗有異,故 若不論氣。 論性不論 世間却有 須是合性與氣觀之,然後盡。 徒論氣質之性,而不自本原言之,則雖 ,則無以 這道 生出 氣不備,論 見 理便不周 來便 義理 論性不論氣,則 之同。 無 匝。 有 狀 底, 昏明開 若只論 氣 〇本然之性,只 是 不 如 〇如只説仁、 塞 論性 何? 無以見生質之異 剛 柔强 知有 只 不 是 明,二 是 香明 其 故故 至 論 如 有

思,却 性善 有功。 争。 程,極 明 却 性惡與善惡混。 本原處,下 說得也是,但不曾分明説是氣質之性。 便是「二之」。 以 性不論氣,孟子言性善是也。 程子「論性不論氣」云云,所以發明千古聖賢未盡之意 備。 有 不能杜絕荀 韓 「,雖説得好,終是欠了下面 氣質底意思。 愈也説得好 ,却無安 故張、程之説 |有功於聖門,有補於後學。 不論那 「二之」正指上兩句,「論性不論氣」,「論氣不論性」, ○論氣不論性,荀子言性惡,揚子言善惡混是也 面却不曾説得氣質之性,所以有費分疏。 何頓 ○問: 揚之説。 原 處 使張、程之説早出,這許多説話,自不用分 ,只是少箇 處,這 立,則諸子之説泯 程子之論,又自《太極圖 如 氣質之説 道 〇不備則少欠耳,不明則大害 勺 理又却不明。 水,非 「氣」字。 〇孟子論性不論氣,但只認說 ,始於何人? 韓退之《原性 截。 有物 矣。 ○須是兩邊都説 ○孟子終是未 孟子説性善,但説得 盛 〇天命之性,若無 ○周子《 之, 》中見出來。 日 則水無 一学中 此起於張、 《太極 説三品, 諸 備 歸 ,甚爲 子説 圖 理 事。), 所 著。 方 論 問: 勢,合當去姦惡而 體。

黨。 事理合當做處,凡事皆有箇體。 、勸農 如 論學便 爲大吏 抑 ,便須求賢才,去贓吏。 要 末作。 明 理 如 論論 朝 廷 治 便 如 須 便 作 除暴斂, 開 荊 須 言 縣 識 路 便合治告託, 體 均力役。 通 下 朱子 情 消 這 日 箇 朋 除 :

> 門自守,躬廉退之節,又却向前 子近臣,合當蹇諤 是定底格局,合當 今人議 論都是如此,合當舉賢 不去,而日不爲已甚 正直,又却恬退寡 如此做。 ○只怕人傷了那大體。 要做 事。 才 欲,及至處 而 這 不 適便 舉 郷里 而 都 日 傷 ,合當閉 我 如 了 那大 爲 遠 天 權

是如 父子、仁義、忠孝之理,雖已見得如此,却恐做不盡,不免或 若已見大意,而 〇「大意 爲是, 殺不得。 索而見其意。 ○《答曾擇之》曰 有過差,雖是知其已然,未能決其將然。 斯」字「信」字上。 何? 如何是「已見大意」? 規模 」便是本 開 點 日 只説得 大, 若見得曾點意 漆 若 不下手做工夫,亦不可。 初 則工 雕 推其極,只是 漆 處。 一句,如何便見他已見大意? 「斯」是許多道理見於日用之間。 雕語 開 夫卒 若不見得大意,如 己 意深密難尋 朱子 ·難了。 見大意,故 則 i E 漆雕之意 「惟皇上 是他見得大了,便小合 所 而曾點之言,可 以 〇間: 帝,降衷于下 規模小 ,亦見得矣。 自 何 聖人 謂 下手做工 「大意」畢竟 「未 底,易 工夫只在 與之。 能 君 夫? 民」。 信 且 以 自 臣 以 看 玩

● 「是」,局本從洪本作「足」。似是。

點天資甚高,如一 見大意,却做得 又曰 未見得,却又不肯做工夫。 然無毫髮之累,則點賢於開。 處做工夫,覺得極辛苦不快活,便漸見好意思也。 想象聖賢胸襟洒 點之從容,然其功夫精密 處,自覺有未盡處耳。 程子説「大意」二字是何意,二子見得是向 云曾點高,今看來却是開著實 ○論其資禀之誠慤,則開 謂開有經綸天下之志,則未必然,正是已分上極 有欠缺 落處,却 箇大屋, 雖其見處不及點之開闊 開見 了,則恐點有所不 未有益。 但見外 如邵康節見得 得 然開之進 優於點 點頗動 不如 面 須就自家下學致 牆圍周 點 蕩。 透 則未已也。 速也。 恁地 語 徹 甚處,如 其見 ○點開 匝 而 ,只管作 裏面 然今日 得 趣 用 處未 0 何見 超 闊 功 間 舊 知 却 詣 弄。 架却 點已 看皆 力行 開 只 至 親 密。 得。 脱 深 欲 如 切

先從實上培壅 涵養持敬,便是栽培。 亩 既 正,所造淺深, 根本須是先培壅,然後 一箇根脚,却學文做工夫去 〇此段只如 則 由 勉與不 「弟子人則孝」云云之意。 可 立 勉也 趨 向 也。 朱子曰: 趨

夾持,要放下霎時 是他説 敬 義 「夾持」兩字好。 夾 、持直上,「達天德」自 也不得 只只 敬主乎中,義方於外。● 得 直上去,故便「達天德」。 此 朱子 日 0 相

者,無許多人欲牽惹也。又曰:不爲物欲所蔽,❷無到東來表裹夾持,更無東西走作去處,上面只更有箇天德。○直上

懈意一生,便是自棄自暴西之謂也。❸

晚年 能用 何會長進? 朱子曰: 只這一句說盡了。 只 心於學問底,便會長進,若不學問 不學 恁 地 闙 便 日見昏了。 也是後生 靸 老 10 而 或 衰。 時都定了,便長進也不會 引 有 程 人後生氣盛時,説 或云: 先 生日 人之晚年, 人「不 ,只縱其客氣底 學 盡 便 知 二萬千 老而 識 多。 却 道 衰」 然而 亦 會 理 如 長

人之學不進,只是不勇。

此也。 科舉作館廢學自咎者,朱子曰: 工夫耳。 學者爲 若志立 伊 川 則 日 氣所 「學者爲 無處 無口 勝, 氣 習所 夫。 派所勝 〇爲學大端,在於求復性 不然,只是志不立,不曾 習 奪 所奪 只 只 口 可責志」, 責 志 或以 Œ

「蔽」,局本從洪本作「聚」

2

0

③ 「無到」,局本從洪本作「而倒」。

日漸 學力不足以移其習俗之纏 ○葉氏曰: 之本然,求造聖賢之極 我之志只是要做箇好人,識些 消靡 立志不大不剛,則義理不足以 程子云: 「學者爲 致。 繞 須是立 氣所勝 道 志如 理便休 ,習所奪,只可 此,便做去始得。 勝其氣質之痼蔽, ,宜乎工夫不 責 (志。」 進 若

之小。葉氏曰:道義重則外物輕,造理深則嗜欲微。 内重則可以勝外之輕,得深則可以見誘

日:

是如此。

又云: 欲大」, 曰: 道 在先,明道在後否? 是道中之細分別,功是就道中做得功效出來。 朱子曰: 江都易王 道 千萬人吾往」處,天下萬物不足以動其心,「貧賤不能移,威 ,便不是「惠迪吉,從逆凶」,然惠迪亦未必皆吉。 不計其 智欲 微有先後之序。 董仲舒謂: 屈 道義是箇體用,道 語。 」,皆是膽大。 圓 彼 丈夫也, (功。」 思 而 邈,隋、唐間 行 孫 欲 티 : 我丈夫也,吾何畏彼 事 方。」 心小是畏敬之謂,文王「小心翼翼」, IE 思 成之謂 未有先後,此只是合掌底 是大綱説,義是就 工其義, 貌 人。 口 日 利 以 0 : 不 ,❶所以 問: 爲 謀 膽 法矣。 道 欲 其 哉? 有義,功成 義 ○問: 大 利 事 如 何 此 而 0 ; Ŀ 〇問 一种舒對 膽大是 一説 分 意 明 心 别? 則 Œ 思。 其 欲 膽 是 義 義

問: 則卑 미 ? 方能 曾子「戰 也。 ·陋,心 ○智是對仁 爲 曰 : 智欲圓轉, 一赳 戦兢兢」是也。 圓而不方則譎許, 不小則狂 赳武夫,公侯干城」之事。 若行不方正合於義, 、義、禮、 妄。 信而言,須是知得是非,方謂之智 江西 「膽欲大而心 方 諸 而不 人,便是 圓 則將流 則 欲小」,「戰 執 膽 問 丽 大而 於 不 四 權 通, 心不小者 者 戰 謀 膽 缺 兢 譎 不大 兢 不

自得? 排 久,浹洽於中, 布 置者 大抵學不言而 ,皆非自 熟而 悦 者 得 自得 也。 也。 安 永按: 者,乃自 排 布 置, 不言自得者,用 勉 得 强 也。 而 己 有 力之 安 安

如 要識 慮 乎天理者也。 天理,其順發出 「善固性也」、「惡亦不可不謂之性」之意。 動 作 得 視 發 聽 真 得 與 雖是妄,亦無非天理,只是發得 思 不 妄 來,無非當然之理 中 慮 爾。 節 是 動 安? 朱子 作, E 曰 皆 ,即所謂真,其妄者却 天也, 言視聽、 妄是私意,不是不中 思 人但 〇問 慮 不當地 動 於 視聽 作 頭 其 ,皆是 是 中 思 恰 反

●「之」,原重,據局本删。

字是緊要處,要識得時,須是學始得。問:此是顏子之所謂非禮者? 曰:非禮處便是私意。○識

處是查滓。 之精英。 便是心在己, ●是有七八分仁了。 鞭督向裏去。 也。 天 此 前 行 忠信 是查滓,復禮便是「天地同體」處。 而近思」云云,何嘗有一 已,故「切問 是學。 地 不篤敬,雖 也,在興則 問: 明 同 ,行篤敬,雖 明 道 查滓是私意人欲之未消 體。 道常説 鞭辟」是如何? 曾子言「不忠」、「不信」、「不習」,是曾子查滓處 先生 質 今人皆不是鞭督向裏,心都 美 而 其 見其 「學只要鞭辟近裏,著己 州 日: 者 近 次惟 里 蠻貊之邦行矣。 思」,則「仁在其中矣」。 明 旬 倚於衡也,夫然後行。」只 行乎哉? 學只要鞭辟 得 説做外面 莊敬持 朱子 盡,查滓 曰:此是洛中語,大約是 「有不善未嘗不知」,不善 者。「克己復禮爲仁 〇「天地同體 養,及 去。 立則見其參於 前外。 便渾 而已」,若能 近裏,著 〇問 言不忠信, 入 其 至 」處,如 「博學篤 化, 下言 則 却 己 如 「切問 「言 義理 此 忐 與 而 要

> 徹,查滓處都盡化了。 擦去教盡。 ○所謂 「持養」, 若未 亦非是作意去穿鑿以求其 到 此 須 當 莊 敬 持 旋 明, 旋 磨

只此心常敬,則久久自明

云云。 業」者,乾道也。 坤道也。 思,坤所言只是作得持守。 只簡静循守,是順之義。 發用,朴實頭便做將去,是健之義。 賢之學,其歸如何? 坤言賢人之學,故曰「敬以直内」云云。 忠信所以 朱子曰: 進德」,「修辭 日 乾言聖人之學,故曰「忠信所以 「敬以 大率乾是做 歸無異。 〇忠信 直内,義以 進德 但乾所言便有自 敬以 坤 立其誠,所 是守。 直 修 内 解 義 問 方外」者, 立 誠 以 方外 是 然 既 以 進 流 底 分 德 居 意 聖

力處。葉氏曰:始學不知用力之地,則何以爲人道之端?凡人才學便須知著力處,既學便須知得

既學而不知得力之地,則何以爲造道之實?

蠱》之《象》「君子以振民育德」,君子之事,有人治園圃,役知力甚勞。先生曰:

^

❶ 「已」,局本作「已」,屬下讀。

漆雕開言「未能信」,皆是有些査滓處。

只是質美者見得

透

治人,濟得甚事? 〇葉氏曰:振民,謂興起作成之。育德,道也。朱子曰:役智力於農圃,內不足以成己,外不足以惟有此二者,餘無他焉。 二者,爲己、爲人之

者狹陋。《西銘》之道,能實體之,渾然與物同體,弘之至也。

謂

正養己德。

箇道 行而爲仁也。 徹下之道。朱子曰:四者皆學問思辨之事耳,未及乎力 之道一,此是深説也恁地,淺説 仁底道理,便是徹上徹下之道。 在其中矣」? 「仁在其中矣」。 心不外馳而 理,深説淺説都恁地。 博學而篤志,切問 所存自熟」之意? 然從事於此,則心不外馳,而所存自熟,故曰 〇問: 學者要思得之,了此便是徹上 「學者要思得之」,莫便是先生所謂 也 〇問:「了此便是徹上徹下 曰: 而近思」,何以言「仁 恁地否? 然。 於四者中見得箇 曰:是,只是這 學也。

間 常人無以異。 毅,强忍也。 都没頓著處。 [本注]《西 弘 加 不毅 〇弘而不毅,如近世龜 毅而不弘,如 〇永按: 銘 ,則難立; 弘之道。 胡氏門 弘而不毅」者縱弛,「毅而不弘 毅而不弘,則無以居 〇朱子日 人,都 山之學者,其流與世之 恁地撑腸拄 弘,寬 廣 肚 也。 小

> 言一事,却總是實。 潤,涣然冰釋,怡然理順,然後爲得也。」今之 後次序。 學者,往往以 而 《春秋左傳序》中語,本謂學《春秋》當如是, 心於千里之外,然自身却只在此。 已。常愛杜元凱語:「若江海之浸,膏澤之 伊川先生曰: 古之學者,優柔厭 今之學者,却只做一場話説,務 游、夏爲小不足學,然游、夏一 後之學者好高,如 永按: 程子借 飫,有先 人游 以 杜 言 預

公平。朱子曰:進德則自忠恕,是從這裏做出來。其致則命,常人之至於聖賢,皆工夫到這裏,則自有此應。葉氏曰:明學聖賢者,當真積力久而得之也。

■「恕」。原作「怒」、據局本改。

五〇

所以謂「其致則公平」。致,極至也。公平,言其極則公平也。○忠恕是工夫,公平是忠恕之效,

此語 之,非因公而後有也,故曰「公而以人體之,故爲仁」。 理,公是仁底道理。 之私,則不能盡其體用之妙。 心,而慘刻不恤者。 公則仁行不得。 此體渾全,此用昭著,動静本末,血脈貫通。 而愛之本。 仁之名義,於後一言,可以知其用力之方矣。 所以體仁,猶言「克己復禮爲仁」也。 之,故爲仁。 只爲公則物我兼照,故仁,所 也。朱子曰:程子之言,本末甚備,今撮其大要,不過數 能恕,所以能愛。 「公而以人體之」。 仁之理,不可將公便唤做仁。公而 蓋曰: ,却是人字裏 仁之道,要之只消道一「公」字。 仁者生之性也,而愛其情也,孝弟其用也, 因其性之有仁,是以其情能愛。 〇仁是本有之性,生物之心,惟公則 面,帶得仁字過來。 伊川 故公則仁,仁則愛。公却是仁發處,無 須公而有惻隱之心,此工 自 恕則仁之施,愛則仁之用 謂 不可以公爲仁。 惟克己復禮,廓然大公,然後 學者於前二首,可 〇非以公爲仁 〇仁是愛 但或蔽於 〇仁者性 夫却 世 公只是 有 以 在 以 人 人字 公爲 底道 公者 有我 之德 須 細看 能 以 以 體 是 識 體

> 行。 其曰 Ę 生理 也,如 也。 便見得仁也。 便流矣。 法,人是仁之材料。 心元來自有這仁,今不爲私欲所蔽耳。 便帶得來,只爲不公,所以蔽塞了不出來,若能公,仁便流 〇仁是本有之理,公是克己功夫極至處,故惟公然後能仁。 言去其壅塞,則水自流通。 定説,當以後答陳安卿 又别討箇天理來放在裏面。 如「克己復禮爲仁」,能去己私,天理便自流行,不是克己了 「公近仁」。蓋這箇仁便在這人字上。 有病,然若真箇曉得,方知這 ,若無私意間隔 鏡之明非自外來,元來自有光明,今不爲塵所昏耳。 「公而以人體之」,則是克盡己私之後,只就自身上 如溝中水被沙土 蓋人體之以公,方是仁。 「體物不可遺」之體,非體 又非是外面 ○公猶無塵也,人猶鏡也,仁則猶鏡之光 有此人,方有此仁。 則 壅塞了,故水不流,若 别將水來放溝中,是溝中元有此水。 人身上全體皆是仁。 條爲正。 然便謂無壅塞者爲水,則不 〇永按: ○「公而以人體之」,此 一句説得好。 用之體。❶ 〇朱子曰: 你元自有這仁,合下 此數條重人字,恐非 蓋 董銖問 日 有形 能 所以 體字便 公之爲仁,猶 擔去沙土,水 公是仁 程 便具 句 作 體 子又曰 本微 體

「用」,局本從洪本作「認」。

0

體公。 則此 謂有 體。 之體 也 箇公理,仁是人心本仁。 又問: 日 理 此 亦不妨。 蓋 流 人則 仁字説得 人撑起這公作骨子,則無私 行 先 具此仁,然人所以 即 生 此 調 認 人而 是了,但 者是將此身去裹面 作 體 仁在矣, 認之體亦 人而不公,則害夫仁,故 認體字 不仁者,以 非是公後 未是。 不妨」、銖思之未 心而 體察,如 其私 仁矣。 體 又要去 一者乃 也。 體 是 體 蓋 能 群 公只 、達。 必 以 認 無 臣」之 體 尋 人 私 竊 此 是 耐 討 心

天地 盡己私。 同,不必重看,緊要都在 之意,人字只是指吾身而言,與《中庸》「仁者人也」之人自 看方是。○陳安卿問: 公在人身上以爲之體,則無所害其仁,而仁流行矣。 生物之意常存。 至於此心豁然瑩浄光潔,徹表裏純是天理之公,則 此 先 所以 .體字上。① 生謂緊要在人字上,淳 能恕 能愛。 公如何 日: 體? 此説得之。 亦不過 :竊 謂 作 此 如 克 示 段 此

也不能 也。 底,愛是恕之所推者。 無那愛,又推箇 公則能仁,仁則能 、愛,皆所 〇問 『親親」、「仁民」、「愛物」,只是自愛而已。 以 施 言仁 甚 與 麽? 恕能愛。 用 |者 如 也。 若不是恕處 何 如 分? 開 公在仁之前 〇仁之發處自是愛,恕是推那 溝 日 相 似 推 恕 愛, 那 之所 愛,曾也 恕與愛在仁之後。 水 施, 也, 開之者, 施 不能及 若裏面 其 愛 耳。 物 愛 元

恕與愛本皆出

於仁,然非

公則

安能

恕?

安

能

愛?

〇公、

地。 事 不恕,則 極當細看。 如 如水之流。 水之流」,退 ○「施」、「用 ,説。 桶水,愛是 愛如水,恕如水之流。 推己當 雖有愛而不能及人也。 日: 而思,有所不合。 |兩字移動全不得,惟孔 恕,❸ 水, 説得是,昨 恕 恕是 是 分俵 從 日説過了。 陳 己 竊謂 淳問 此 流 出 水 施是從這 去 何 先 孟 如 及 處 0 生謂 能 水 那 恕是 如此 物 愛 杓, 愛 分俵 如 流 下。 故 如 水之潤, 出,用 是 謂 那 水 此等處 才 之 愛底。 恕 調 是 施 就 如 恁

忘食 進。 闊 步,及到 ,樂以忘憂」,是什麼精神! 朱子曰: 今之爲學者,如登 爲學 峻 處 - 須要 便 剛 止 毅果決, 山 須 什麽骨力 麓,方其 是 悠悠不 要 剛 濟 迤邐 事 決 果 如 敢 莫 不 憤

知 便是有箇私 見 人謂 一切事 要力行, 心。 皆所當爲, 這 亦 點 只 不必 意 是 氣 淺 待著意 近 能 語 得幾 時 纔 既 7 意 能

「都」,局本從洪本作「却

0

「處」。局本從洪本作「去」。

③「當」,局本作「爲」。

何? 問: 近 時 他 一事,惟知爲上,知最要緊 ,皆是當 力 、見聖賢所爲,心下愛,硬依他行,這是私意,若見得道 日 行 如 久時將次只是恁地休了。 恁 何 地 是淺 行。 近語? 間 「這 朱子曰 點 意 不明 〇伊川謂説力行是淺 氣能 道 得 理,只 幾 《時了」 是 硬 是 行 如 理

是,豈有不得道理? 古人此箇學是終身事。果能顛沛造次必於古人此箇學是終身事。果能顛沛造次必於之。

學也。 古之學者一,今之學者三,異端不與焉。 古之學者一,今之學者三,異端不與焉。 古之學者三,與明語之學,三曰儒者之學。欲趨道,舍儒者之學不可。朱子曰:此切要學也。

文亦 與天 成 不專意 癖,文似相如始類俳。 地 玩 問:作文害道否? 曰: 物 則不 同 也 其 大 工,若專意則志局於此,又安能 吕 也? 與 叔 \sim 書》 有 詩 日「玩 獨立孔門無 云: 害也。 學 物喪 如 凡爲文 志」,爲 元凱方 事,

天下」,此豈詞章之文也? 也? 「有德者必有言」也。 目。 其 賢文章,皆從此心寫出,文便是道 之枝葉。 理,豈特欲使文辭不陋 且如「觀乎天文以察時變, 不知聖人 文,務悦人者,外而已,可 志,當自發越 存諸中者,必也光明四達,何施不可 人。〇朱子曰:貫穿百氏及經史,乃所以辨 文否? 曰:人見六經,便以 只 他 輸 既務悦人,非俳優 則 顔 曰:游、夏亦何嘗秉筆學爲 惟其根本乎道 不學。 氏 / 亦 攄 不凡 得 心 μŢ 發 今爲 齋。」古之學者, 愛可 而已,義理既明 胸 , 所以發之於文者皆道 恥也矣。 中 傳 文者,專 矣。 · 所 藴 티 : 而何? 今執 ○道者文之根本,文者道 吕大臨字與叔,張 自 觀 ·, 發 游、夏 ·文 謂聖人亦作文 務章 乎人 筆以 而爲言,以 曰:古者學爲 能 成 惟 、驗是非 習研 力行不倦 文耳 務 稱文 句 文以 訶 也。 養 悦 章 , 所謂 ¨, 明 情 華 宣 化成 也? 學何 平米之 程 代 , 則 此 其 耳 其

此心須用敬。譬之養赤子,須時其起居飲食,養之屋室之涵養須用敬,進學則在致知。朱子曰:涵養

兩言如 先? 此 字 敬 下 中 〇二者偏廢不得, 撕警覺,不要放肆 書 先於知 甪 識 在」字,便是皆要齊頭著力,不可 而 一言者,體 功 義 티 : 謹 理。 車 ,也著 顧 兩 涵 守之, 今若説待涵養了,方去致知 輪 涵養 養是合下在先。 用本末,無不該備。 知 如 至 ,致知須 方 鳥兩翼,未有廢 則 到 也 有 敬 著 講 向 愈 習 致 用涵養,涵養 成之期。 分 應接 知。 明。 古人從 時 0 其一 日 無 0 道 便 敬、克己、致知,此三事 事 小 當思 知得 問 而 須 此 時 以敬 也 用 可 正 且 涵 行 致知。 了方始行。 量 無期限。 如 存養 涵 養 義 可 養,漸 配 豆 理。 飛者也。 在 義與 〇下「須」 在 這 ○問: 教之讀 須是 致 裹,提 知 〇此 道 0 兩 之 何 所 中 涵

若以 之意。 己 則 河是功 如 涵 才如 莫説 服 如 養對克己言之,則各作 藥去 善守門户,則與 大者 此 道 病。 説 將 到 能 第 便 純 於敬 是自 拒 等 盗 **亜便是一** 讓 自 棄。 事 I無邪 與 亦 可。 等事,不 别 解 雖 人, 與 何 涵 用 養譬如將 不 消更 且 克己? 做 能 言 第 居 息, 拒 若 1 盗 初 克 雜 分 謂 敬。

廢。

等。 由 義 者差等不 同 ,其自小 世。 言 學 便 以

> 道 爲志 ,言人便 以 聖 爲 志

不活。 學,以敬爲入德之門。 敬,不知集義, 也。 也? 擾 别 義 謂 養 不以集義爲言也。 自行,故程子雖言持敬,而 以自集,故孟子雖言集義,而必先之以持敬。 理否? 養一事,「必有 彼專 【否? 其公私 者 若只守著主一之敬,遇事 「有事」者,集義而 而 問 或非其義。 若熟後 0 朱子曰 所 務 涵 調敬 日 義利之所 集 養須用 必 、義, 敬 日 五色養其目,聲音養其耳 者 有 : 而 便 孟子之學, 有非 然專言主敬, 却 敬,處 事 不 有義,義便有敬。 中 〇問 在 是都 此其言之所以 己。 知 事 焉 理 而 其敬矣。 主 事 焉」, 決取 在 敬 程子之論,每以 須是集義。 於其門人 無 以 「敬是涵 者 當 來,不濟之以義,辨其是 事 集義 事 而不 舍之幾 二, 固 須 用 義 \bigcirc 也 「義莫是中 有 敬 用 爲 知 異 養一事」,敬不足以 有 在 0 馬 就 虚 否 義 也。 養氣之本。 集 0 又問: 敬、 驕 事於敬之問 Ħ 心。 則 ? 敬 義 有事 用 急迫之病 理養其心 義工 然義 亦 有死敬, 間 理 敬非 未 間 目 於敬 念慮起 夫不 免於昏 非 義莫 只 : 如 程 義 敬 孟子之 為言. 知 亦 敬 非 皆 子之 此 而 山 有 則 不 處 是 用 是 萴 説 所 偏 活 是 杰 能 不

推 以

察自家與外

來

底

事。

伊川

言

一涵

養須

用 拒盗

敬

進

學 知則

則

在 是

致 去

嘗

家譬之,敬

是守門户之人,克己則

是

致

以 能

知」,不言克己

一、蓋敬

勝

百

邪,便自

是克,如

誠

則不消

言閑邪

養 涵

理者 却是義在外也。 也。 義 便 有 〇中 揀 擇取舍。 理只是做得 《易 《傳》 事 來中 Ē 理,義 「在物爲理, 則 所以 能 處 物 中

爲義。」

也。 也。 當 是 道,義便知有是有非。• 如 知 且 若只守 問: 何,然後能盡孝道 所 如欲 以爲 敬、 爲孝,不成 孝之道,所 義 簡敬,不 何别? 也。 只守著一 知 以 티 : 順 集 侍奉 理 義 敬只是持己之 而行, 當 箇 却 如 是 孝字。 何, 是 都 爲 温 無 義 凊 須 事

日 與 名 爲 務實一 則 利 學者須是務實,不要近名方是。 爲僞 清 事,觀今日學者不能進步,病痛全在此 也。 濁 雖 大本已失,更學 不 同,然其 利心則一 何 事 也。 ? 處 有 意近 爲 朱子 名

仁者心之德,心不違仁者,無私欲 私 意,有 回 少 也,其心三月不違 私 意便是不仁。 而有其德也 仁, 朱子曰: 只 三月言其 是 無 纖 久。 毫

「仁者先難而後獲」,有爲而作,皆先獲

曰: 先計其效,而後爲其事,則其事雖公,而意則私。也。 古人惟知爲仁而已,今人皆先獲也。朱子

不變 所以 善思,然後 立,立而化之, 也。 求之也。 有求爲聖人之志, 可與權,謂能權輕重使合義 可與適 可 與 則可與 適道 道,知所往 權。 然 思 也。 後 而 朱子 也 미 미 有 與 與 Ē 所 立 共 者 得 町 學 篤 與 "; 志 則 共 固 八學, 學 叮 執 與 丽 知 而

低底爲人,後段是好底爲人。 於成物」云云,何 己也、爲人欲見知於人也」、後又云「古之學者爲己、 夫,非惟是爲那人不得,末後和己也喪了。 後爲人却是真箇要爲 者爲物,其終至於喪己。 古之學者爲己,其終至 也? 人。 朱子曰: 然不曾先去自 前爲人只是欲見知於人而已 問: 此 兩段 伊 於 川云「爲己欲得之於 意 成物; 家 思 身 自 心上 别。 今之學 ,其終至 做 前 得 段 是 Л.

日 新 者必日退,未有不進 君子之學必日新。 日 圃 新 不 者, 退 者 日 進 惟 也 聖人 不

● 「知」,原作「如」,據局本改。

其不已,所以不退。 H 理造乎極,行止乎成 新不已。 蓋有獨 覺 ·則無所 其 進 而人不知 進退。 者, ○永按: 然必無所退 聖人之學,亦 也。 唯

下同。 明道先 ○永按: 生日 智以 静 * 而明 性静者可 ,行以静 而篤 以 爲學。 《外書》。

問: П 以 有規矩言之。 程子謂「弘而 弘 而 不 毅 朱子 不毅 則 無 Ė 列則 無規 規 毅有忍耐 矩, 矩」而難 毅 底意思。 丽 立、恐毅字訓 不 弘 無規矩是説 則 隘 義,非 陋。

目

[今,難立是説後來。

티 : 做將去,若不識得這箇,不知是做甚麼,故曰「先立乎其大者」。 知性善以忠信爲本,須是的然識得這箇物事,然後從忠信 知 性 善以忠信爲本,此先立其大者。 固。朱子曰: 朱子

肆 如 人言語簡 ,其人輕易 重,舉動詳 可 知 輕 最 緩 害 ,則厚 事, 飛 重 揚浮躁 口 知。 言語輕 ,所學安能 率, 舉 蚁 動 固 輕

伊

ĬΙΙ

先生日:

人安重則

學

堅

)葉氏曰: 博學之,審問之,慎思之,明辨之,篤行 躁擾輕浮 '則所知者易忘'所守者易隳。

> 之,以得所疑 序乎? 之」,五者廢 皆必踐其實,而不爲空言矣。此五者之序也 自得,而可 而可以見於行。 反復之,以發其端而 朱子曰:學之博,然後有 以 而 施其辨。 有問。 其 行之篤,則凡所學、 可 辨之明 思。 問之審,然後 非 學 思之謹 則 也。 以 斷 備事 問、思、辨而 而 則 有 問: 不差,故能 精 以 學、 物之理,故 盡 圃 師 不雜,故 問、 友之情 思、 得之者,又 無所疑惑 能 辨 能 故 亦 有 參 所 伍 能 有

也。 所 尹 救之也。 久曰: 稱。 彦明同事 故思叔請問 張思叔 然又謂尹焞 累 伊川先生,思 高 必 請問,其論或太高,伊川 ,常有過高之病。 自 魯、張繹 下。 叔以 俊,俊 張繹字思叔。 高識 者 「累高必自下」,所以 , 彦明以篤行, 俱 他 Ħ 過 \bigcirc 之,魯者)永按: 不答,良 終 爲 思 程 抑 有 叔 血 而 守

準,何 朱子曰: 若循循不已,自有所至矣。 不可之有? 明道先生曰:人之爲學,忌先 忌先立標準,如 若無所指擬。茫然而 孟子所謂 問: 勿 正 爲學若以聖人爲標 去,將 者。 何 學者固 文 所 標 歸 當以 宿? 準。

0 止」。局本作「底」。

近思録卷之二

夫,少間自有所至。 何人,予何人,有爲者亦若是」,也只如此平説。 裹只計較思量 嘆,不於高堅瞻忽處用功 聖人爲標準,然豈 而 ○學者固當以聖人爲師 ·先難後獲」,意亦類此 勿正」 也。 循循不已, 飛機時 可日日比並 得到聖人,便有箇先獲之心。 〇以聖爲志 ,然亦何須先立標準。 自 ,却就博文約禮上進 有所至者,「心勿忘勿助長」也。 而較量之乎? 而 忌立標準者,「必 步,則 觀顔子喟然之 才立標準,心 只恁下著工 顔淵謂 可 有事焉 見矣。 舜

以二 得。 他 此 己 半年後,方見《大學》、《西銘》,不知那半年是做甚麽,想只是 銘》看。 蓋 且 且養他氣質,淘 一處思量 知天地間 教他聽説話。 ,則末後以 一書互相發故? 日 是 彦明見伊川 ,自看平時是不是,未欲便把那書與之讀。 尹焞字彦明 如此。 有箇 此二書併授之,還 問: 道 漢了許多不好底意思。 〇問: 理 曰:他好把 一,恁 號 也 地 此意如何? 是 後,半年方得《大學》、《西 和靖。 開 初 閣。 人門未知次第, 是以尹子已得此 (西銘 〇朱子曰: 〇此 》與學者看,也是要教 티 : 意思 如 也 《學記 尹 也 是教他 驟 好 和靖從伊川 意? 新新 與 也 他 問: 自 謂 有 還 脱切 看 一未 病。 未 是 如

1

禘

不視學,游其志也」之意固好,

然也有病者。

蓋天下有

想當 許多書,若半年間都 格 臨了連格物也看錯了,所以深不信伊川 到,業無由得大,少間措諸事業,便有欠缺, 易 Ĭ 件」之説,是看箇甚麽。 時《大學》未成倫緒 「富 有 之謂 大業」,天下 不 教 難 看 看。 事 字,幾 E : 無不 然。 時 · 當 讀 今日格 理 尹 得 此便是病。 彦 會 天下 者, 明 看《大學》, 件, 才工夫不 許 多 明 問:

心,公而已矣。 只當云無私 有人説 心。 無 心 永按: 伊 川 無心之説,入於空寂。 日 : 無 心 便 不 聖賢之

夫? 大體 何慮」,順理 謝氏説「何思何慮」處,程子道 則 如 教他著下學底工夫。 鍛 ? _對 是 鍊得人,說了又道:「恰好著工夫也。」問 處,只是下學之工夫却欠。 朱子曰:人所患者,不能 有此理,賢却發得太早在。]伊川 謝 顯 日 而行,因物付物者也。 道 「天下 見 伊 〇永按: 川 何 思何 伊 見得大體。 「恰好著工夫」,此是著 程子道 事 Ш .慮?」 謝氏之學未至此,故謂其 物各 日 「恰好著工 有當然之理,「何思 : 謝氏合下便見 伊 川 近 直 日 日 夫」, 事 是 便是 何工 會 是 何 得

如 語。 云讀史成誦亦是玩物喪志,學者若不理會得,聞這説 漢」,真是如此。 上蔡因有發於明 「浴沂 邊 伯淳 倒了一邊。」只 御風」、「何思何 顯 日 道云: :「與賢 (道「玩物喪志」之一言,故其所論每每 〇「扶醉漢」之説,今之學者大抵皆然。 慮一之類,皆是墮於一 昔伯淳教誨,只管著 伯 説 話 人 執 却 著 似 扶 邊。 醉 偏, 漢, 朱子 如 他 話,又 過高。 救 「扶 日 得 言 如 醉

能 内 利 至於「窮神知化」,乃德盛仁熟而自致耳。 而交養互發之機自不能已,自是以上,則亦無所用其力矣。 求」字似有病,便有箇先獲底心。 也。 吾外 强 何 下同。 待於求? 横渠先生日 故崇 也。 窮 〇朱子曰:下學之事,盡 神 「利 德 曰: 知化」,乃養盛自 加 然。 用 :"「精義人神」,事豫吾内,求 外,君子未 安身」, 當 云所以 「精義入神」,自然能利 素利 利吾外也。 力於 或 〇問: 至,非 吾 致 「精義」「利 外, 知 0 求利吾外, 也。 思 致 精熟義 勉 養 用」, ∝ 正 之 吾 理 吾

> 理。 於外,然乃所以致用於外也。 而身得其安,素利乎外,乃所以致養其内 陑 未至而先知其理之謂豫 心,則修其辭,命辭無差,然後斷 人神者,豫而已。」横渠可謂 造於神、事業定乎内,而 ○入神是人至於微妙處,此却似向内做工夫,非是作 乃所以 故嘗謂門人曰: 「精義入神」。〇事豫吾内,事 事,斷事 求利乎外 也。 無失,吾乃 也。 蓋 「吾學既得 内外 通達 沛然 相 其 應之 用 精 於 用

也。 有 性,二氣交運而生,一 然之理,則純粹至善而已,所謂「天地之性」者 曰 : 存焉。 有 是氣質以成形,而其理之在是者則謂之性。 「性善」,程子所謂「性之本」,所謂 生質之性」、「所禀之性」,所謂「才」者,皆謂是也。 "所謂「氣質之性」者也。 陰陽 偏正純駁、昏明厚薄之不齊,故性之在是者,其爲品亦 天地之所以生物者理也,其生物者氣與 〇天地之性,太極本然之妙,萬殊之一 形 Ŧī. 行處,便有氣質之性,於此便有昏 而 故氣質之性, 後 有氣質之性,善反之則天地之性 本而萬殊也。 告子所謂「生之謂性」,程 君子有弗性 「極本窮原之性」,皆謂 〇天地之性是理,才 明厚薄之殊。 然所謂 本也。 、質也。 也。 者 焉 孟 氣質者 氣 人物 子所 然其 子所 、質之 朱 到 此 謂 本 謂 不 得

近

之性 質而 重 德 學以反之,則天地之性存矣。 自氣質上 人只是 ,皆是論反氣質之意。 若工夫至, l',則 自爲 、被氣質有昏濁隔了,「故氣質之性,君子有弗性者焉」。 此 來。 般人,厚於仁 氣質之性又從何 性。 ○氣質之性,只是此 則氣質豈得不聽命於義理? 正周子所謂「各一其性 而 〇若工夫未到 薄於義 處得 **皐** 有, 來 一陶謨 性墮 耶 餘 於禮 則 在氣質之中 》所 者。 〇本 謂 氣質之性不得不 而 原之性無有不 向使元無本然 寬 不足 而 栗 於智, 故隨 等 便 九 氣

於德。 此,但 後面 非 都 性若不勝 德,當云性命皆由於氣 舊答潘恭叔書 不可 性命於德」,前日先生説以性命之命爲聽命之命,適見先生 是 是 元 那 分言「性天德、命天理」,不知如 命字 變 德 德。 地 者, 不勝 頭 那氣禀 窮 |較輕 不渾全,只是氣禀之偏隔著, 兩 理 者相 獨 ,以命與性字只一 氣,性 得 杰 ,則性命只由那 死 些。 爲 性, 勝 生 問: 由於德。 負, 命 則 修 蓋 於 若 性 夭 一其禀受之初便 氣 將 天德,命天理。 而 氣 般,如「言性與 日 性 己。 命作 何? 德 横渠文自如 德勝 性能 ,故窮 問: 兩字看。 朱子曰 勝 如此 其 「性命 理 其 命 氣, 氣 盡 此。 則 也 矣。 性 , 則 於 於氣」, 也 氣之 性 氣於 所以 然 ○德 性 是 則 命 如 善 亦 命 0

問 修天。 命能 氣 氣禀,自然不同。 得 而 性、 能 我。 之德若不能勝其氣 若使不用 命 子,義之於君臣」,「命也有性焉,君子不謂命」,這箇却 天之德,其所以賦予我者皆天之理。 才,則自無不修爲之理。 反之功也。 言。 於 多,小椀盛得 順 ,則我之受其賦予者皆是德。 命如何分? **%德,不** 〇問: 順天理否? 其自然,「 「性命於氣」,是性 命便是水恁地 蓋死生修夭,富貴貧賤,這 修爲之功 能學 所 性天德,命天理」,則 謂 少, 問 性命於德」,是 曰: 勝者, 天非 티 : 然後 潔浄 ,則雖聖人之才,未必成 ,則只是承當得 性是以其 流底,❷性便是將椀 固是。 命都由 莫是 有殊,人自異 :椀盛 性 ○性與氣皆從上 命惟 指 得清 ○問: 氣 性命 人做處 定 故窮理 其 則 者 却還他 無不是元來 氣禀 所賦之氣 汙 皆 而 性不能 禀。 漫椀 性天德, 氣之不可變者 由 言, 否? 耳 盡 德 氣。 有 性 面流下來,❶自 盛 命 盛 性。 學 全其本然,命 則 一,則 日 若 得 是 ,命天理 得 日 問之功 至 至「仁之於父 性 水。 以 I德有 濁。 然有聖人之 我之所受皆 從 能 善之物 其 固 前 全天 大 亡,這 是。 惟 流 以 看 椀 則 須 死 人 行 勝 德 性 性 生 盛 又 生 其 家 者 由

●「皆」、原作「質」、據局本改。

「水」,原作「本」,據局本改。

546

者皆是 變,但大概如 命於德」, ,則多殀亡,是死生修夭亦可變也。 德 意 也 謂 此。 此 日 性 0 然。 由 問 其 德之所命。 0 知 氣 所攝 不 可 養 者 變惟壽夭。 今如 則多壽 故程子以 此 云 1考,肆 則 要之此 火 是 爲 性 其 喻 命二 嗜 亦 與 慾 可

此

説不合,如

何?

日

《正蒙》之言

,恐不能

無偏

者。 ○問: 心 勝 物 善固 虚 則 陰 欲 記 德 如 静 是惡 性 莫非 「莫非 性 陽仁陰義之類 「領惡而 自然清明, 也,然惡亦不可不謂之性」,二者皆出於天也 用 陽 陰 天也」,是兼善惡 「領惡 天 便 全好 濁 也 清 勝 才爲物欲所蔽,復黑暗 明 則 」,鄭氏 陽 而 物 又别 陰便昏濁。 明 欲 全 日 行」,只 是 勝 好 言 則 否? 「領,猶 」者,其必 樣,專 (將自 德 大抵陰 朱子 性 就 理治 家 了。 善 用 意 陽 İ 也。 上 思 育主 一説。 由 陰 體 然。 好 驗 對 學 濁 善 便 待 正 平 勝 見 一所謂 也。」 陽 丽 陽 則 1 人 明 言 是

我。 盡 心 性 爲 故有外之心,不 有外。 ,不以見聞 孟子謂 其 心 盡 世 則 10 人之心,止於見聞之狹。 能 ¹枯其 則 體 ·足以 知 天 心,其視天 性 下之物,物 合天心。 知 天 以以 下無 此。 朱子曰: 有 未 天 體 「大其 大 物 聖 人 無 非 則

外, 問 心理 大。 心 **E**: 横渠此説 到 唤 雖 曰: 之外,猶 聖 盡 天下之物。 來」,是這 如 其 孟子只是説第 理 做做 一,如何 心則 心,而後知性知天也。 人盡 何 至 處,包括不到 則 物 然。 便 親 流行,脉絡 〇大其心則能 便是横渠有時 其視天下 能 體 察。 能 心極其大,知性知天,而 體 心 有 ,且未必 推得? 有 猶 處 樣 天下之物」,「世人之心,止於見聞之狹」, 盡 未體 只是言人心要廣大耳。 我 日 惟聖人盡 體 其 日 不 則 無一 字。 理之至,則 心? 八貫通, 此此 能 聞 體 亦 要之此 ,是心爲有外。 是 當推 群 無外矣。 不 自要恁地説 遍體天下之物 物 又 將 體字是體 兼「大 見底道 臣 無有不到。 非 性,故不以所見所聞梏其心,故 日 自 也。 去否? 我」。 亦是横渠之意,孟子之意則未必 家 問 心自然極其 是置 其 這 故有外之心,不足以 理 伊 心, 察 「孟子謂 身 只 在。 蓋私意間 無有 Ĭij 心 似 之體 日 如如 人 ,體猶仁體 苟 在 云「天 只是 不知未能 那 亦 横渠所 若不知聞 物 外 未 有 否? 做 全 事 之心矣。 盡 中 到 懸空想像 體 理 物 盡 隔 心 究 物 那 而 説 裹 則知 日 見 心 裏 事 無餘, m 未 盡得此心之理 字 面 見之外猶 其 體 亦 丽 物我對 自 説 也 去 須 問 性 合天心。 理 無不 自難下手 故 ,則便 非 而 家 體 認 不 須 知 得。 今未 體 得 是要大 知 天」, 如 認 心 大 不 在, 立 自 格 貼 有 聞 如 有 m 能 否 出 何 則 道 不 到 體

説。 此? 説,是説聖人盡性事。 致知之義。 若便要説「天大無外」,則此心便瞥入虚空裹去了。 外之心」。 物者,要得無外也。 地不相似。 意,便内外扞格,只見得自己,凡物皆不與己相 物無不包,物理所在,一有所遺,則吾心爲有外,便與天 先是於見聞上做工夫到,然後脱然貫通。 如夫子都説得平易,從得夫子之言,便是無外之實。 此説固好,然只管如此説,便無歸著,人於邪道之 ○問: 〇十分事做得七八分,便是有外。 如何得 〇問如何是「有外之心」? 如今人理會學,須是有見聞 「不以見聞梏其心」? 「關,便 所以 日: 日: 〇「天 只 致 贵 張 是「有 有私 大無 知 能 子 格 此 舍 猶

似矣。 學至成德,竭 這四者使學者禁絕而勿爲。 我 也。 也」,與此相 有爲底意思,爲此 學而不思 ,有方也。 意,有思 仲 朱子曰: 尼 則罔」,又言「君子有九思」。 反。 絶 兩端之教」。 四, 日 也; 四 横渠之意,以絶爲禁止之辭,是言聖人將 事,故起此一 [者有 自 絶 四是聖人事,「不思不勉」者也。 必,有待也 始 ○「意有思也」,未安。 學 毋字亦是禁止之意,故曰「自始 一焉,則與天 至 意也。 一成德, , 今横渠言「意有 〇間 固,不 竭 地爲不 兩 意却 端 化 夫子嘗言 之教 也 是 相 思 3 學 笛

者則 言 思不 有限隔也。 可 無 但 不 可 有私意耳。 9 我有 方也」, 方 所 也

葉

氏

日

日: 是如此。 問「不以禮性之」,曰: 性,謂是渾 矣,知禮行處也。 知夜不知畫 晝夜而知」, 故知禮成 知崇矣。知及之,而不以禮性之,非己有 反天理,則所趨 「知崇天也」,言知識高明如天。 知崇天也,形而 上達反天理,下達徇人欲者與! 〇性者我所得於天底 成底性, 通猶兼也,兼陰陽晝夜之道 ,則知皆未盡 性 日以高明; 而 ○問横渠「知 道義出, 知 如 禮 成 堯、舜性之」相 也。 徇 上也。 性」, 人欲 如天 禮成性」之説,日 合「知禮 道 如 義是衆人 ,則所趨日以沉 習 形 地位而 通 與 成性 而知。 似,但 膩 性 畫 上 共 成 二,則 夜 易行。 指此理。 由 他言語 知 之意同 而 畫不 横渠 道 知, 義 知 朱子 説 也 出 夜 其 通 又 成

「人有德慧術 困之進 智者 也,爲 常存 德 辨, 乎 疢疾」,以此。 爲 感 速 孟 子 謂

⁰ 道」,局本從洪本作「遁」。

曰:辨猶子細。感速言我之感發速也。

坐,亦有所存主始得,不然兀 乾」,不可食息間,亦不必終日讀書,或静坐存養亦是。 養,瞬有存。 瞬之頃亦有存,如「造次顛沛必於是」之意。 言有教 朱子 動有法; Ē 横 坐 渠此 晝有爲,宵有得,息有 而已。 語 極好。 〇一息之間亦 君子 但説得太緊。 「終 有 日 雖 養, 静 乾

横

渠先生作《訂

頑》曰:

乾稱父,

坤

稱

母

乾母 也。 塞,吾其體」。 也。 予兹藐焉 得以爲性者也,故曰「天地之帥,吾其性」。 之氣塞乎兩間, 丽 有 禀氣於天,賦形於地,以藐然之身,混合無間而位乎中,子道 而 父母 常之謂 位乎上,父道也。 坤 乾者健 然不曰天地 天地之帥 乎 混然中處」之實可見矣。 萬物者,故指而言之。 ,萬物之所資以生者也。 而 ,乃混然中 乾健坤順,此天地之志爲氣之帥,而人物之所 無息之謂 而 而 人物之所資以爲體 ,吾其性。 日 地,陰也,以 乾坤者。天地其形 ,萬物之所資以始者也。 處。 朱子曰: 至順而位乎下,母道 朱子曰:天,陽也,以至健 是乃天地之所以爲天地, 故天地之塞,吾其 民吾 者 體 中 乾陽坤陰,此天地 同胞,物吾與 也,乾坤 深察乎此,則 故曰 坤 天 其 者順 也。 地 性 人 父 之 情 而

衆事,則大臣 母,而人生其中,凡天下之人皆天地之子矣。 所以長其長; 父母宗子;其大臣,宗子之家相 不同也,故曰「吾與」,則其視之也,亦如己之儕輩矣。 類 也。 統 皆吾兄弟之顛 德,賢其秀也。 也,故凡有形於天地之間者,若動若植,有情無情,莫不 胞也,故以天下爲一家,中國爲一人,如下文所云。 而不若人之貴,然原其性體之所自,是亦本之天地,而 物則得夫形氣之偏,而不能通乎性命之全,故與我不 以其心最靈, 殊,故其於性也,不無明暗之異。 天地之塞,其所得以爲性者,皆天地之帥 育」,然後爲功用之全,而 若其性,遂其宜焉。 理人物,則大君而已,故爲父母之宗子。 而最貴焉 朱子曰 故 '而有以 而已,故爲宗子之家相。 人物並 日 同 慈孤 連 此儒者之道,所以必至於「參天地,贊 通乎性命之全體,於並生之中,又爲同 凡天下 胞 生於天地之間 愐 非 ,弱,所 」,則其視之也,皆如己之兄弟矣。 無 有所强於外 告者 疲 惟 癃 以 人也 也。 殘 幼其幼。 其 天下之老一也,故凡 也。 疾 也。 ,得其形氣之正,是 所資以爲 也 朱子 輔 惸 大君者, 佐 然 E : 體 大君 繼承 獨鰥寡 尊高 聖其合 有 體 乾父坤 惟 偏 天 同 者, 未嘗 惟 有 吾 E 類 地 同

六二

其 也。 翼 乎等夷者也。 皆樂天踐 之事矣; 志,善述人之事者也。 之形,則 凶 親,大逆無道也,故謂之賊。長惡不悛,不可教訓者,世濟其 而 形惟肖者也。 惸獨鰥寡,非吾兄弟無告者而何哉! 弟之合德乎父母者也。 天下之孤弱者,乃所以幼吾之幼。 尊天下之高年者,乃所以長吾之長。 ,增其惡名也 愛他人也,故謂之悖德。 保者,猶其敬親之至也。 也 違 窮神 與天地 通 形之事也。 樂且 悖德,害仁 神明之德 是皆以天地之子言之,則凡天下之疲癃殘疾, 則 相似而不違矣,故謂之肖。 ,故謂之不才。若夫盡人之性,而 不憂,純 善 朱子曰: 繼 ,則所存者無非天地之心矣。 不 聖人知變化之道 賢者才德過於常人,是兄弟之秀出 其志。 愧 日 乎孝 戕滅天理,自 不循天理而徇人欲者,不愛其親 樂天而不憂者,猶其愛親之純 屋 賊 漏 者也。 朱子曰: 聖人與天地合其德,是 濟 爲 天下之幼一也,故凡慈 惡者不才, 于時保之,子之 則 無 絶本根者,賊 朱子曰: 畏天以 所行者無非天地 忝」,存 孝子,善繼人之 知化則 有以 此二者 養述 其 心養 充人 殺 踐 兄 其 不 壽 酒 飲 匪

瞍底豫,其功大矣。故事天者盡事天之道 者廣矣。 得私也。 畏天之事,●而君子所以求踐 其所受乎親者而歸其 曰:父母全而生之,子全而歸之。 亦天之舜也。 子之顧養; 全者,參乎; 而待烹,申生其恭也。 阿面面 備 不貳,而修身以俟之,則亦天之申生也。 '則所以「顧天之養」者至矣。 懈」,故事天者存其心,養其性,則不懈乎事天矣。 亦全而生之也。 不顧父母之養者,不孝也。 故育英才,如潁考叔之及莊公,則所以「永錫 不弛勞而 申生無所逃而待烹,其恭至矣。 育英才,潁封人之錫 勇於從 全也。 故事天者, 底豫 而 況天之所以 夫形者也。 舜 朱子曰: 順 性者萬物之一源 能體其所受於天者 令者,伯 若曾參之啟手啟足,則 故遏人欲,如禹之惡旨 其 舜盡 功 與 惡旨 類。 也 體其受而 我 而 事親之道 奇 者 天心豫 故事天者 朱子曰: 酒 也。 。 非 無 ,崇伯 而全歸 有我之 所 焉 前 爾 朱 類 歸 兆 夭 則 好 之 體 子

性

匪

朱子曰

《孝經

影

《詩

 \mathbb{F}

「無忝爾所生」,

故事天者仰不愧,

·俯不怍,則不忝乎天地矣。❶

又曰

夙

夜

[「]是」,原作「也」,據局本改。「地」,原作「也」,據局本改。

[「]弛」,原作「施」,據局本改。「畏」,原作「事」,據局本改。

無補

也。

又曰

俞訂

頑》立心,便

達得天德。

又曰

游

得

言語之外者也。

〇[本注]楊中立問

日

不 求 酢

及

西銘》讀之,即涣然不逆於心,曰此《中

庸》之理也 《西銘》言體

一,能 加

於

地位已高。

到此地位,自别有見處,不可窮高極遠,恐於道

則安而無

所愧於天也。

頑》之言,極醇無雜,秦漢以來學者所未到。

篇,意極完備,乃仁之體也。

學者其體此意,令有諸己,其

又曰:《訂

頑》

所愧於親也。

日

使吾之爲志也篤。天地之於人,父母之於子,其設心豈 賤憂戚,庸玉女於成也。 奉於我,而使吾之爲善也輕,貧賤憂戚,所以拂亂於我,而 奇之履霜中野,則勇於從而順令也。 之,則亦天之曾子矣。子於父母,東西南北,惟令之從,若伯 孝子之身存,則其事親也,不違其志而已,没則安 故君子之事天也,以周公之富而不至於驕,以顏子之 故張子之銘以是終焉。 仁人之身存,則其事天也,不逆其理而已,没 其事親也,愛之則喜而弗忘,惡之則懼 富貴福澤,將厚吾之生也; 蓋所 存吾順 故事天者,能勇於從 謂 〇[本注]明道先生曰: 朝 朱子曰:富貴福澤,所以大 事 聞 況天之所以命我者,吉 ,没吾寧也。 夕死」,「吾得 而順受其 Œ 朱子 有異 而 而 而 正, 貧 斃 無 無 殊。 稱」, 失仁; 門人。〇朱子曰:《西銘》要句句見理 銘 誠 用,恐其流遂至於「兼愛」, 吾順事,没吾寧也」,句 中間五六句理一分殊。 反謂不及,不亦異乎? 也。子比而同之,過矣。 之流,仁之方也。 所未發,與孟子性善、養氣之論同 》明 有過者,乃在《正蒙》。 「餘詳見《性理大全》。」 便是分殊,逐句渾淪看,便見理一,當中横截看,便見分 理一 無分之罪, 而分殊,墨氏則二本而無分。 無别而迷兼愛,以至於無父之極,義之賊 兼愛而 '句皆是理一分殊。 據某看「乾稱父,坤稱母」,直至「存 ○游酢字定夫,楊時字中立,皆程子 且彼欲使人推而行之,本爲用 《西銘》之書 無義。 何如? 分立 功,豈墨氏之比 伊 刖 ,推理以 mi 先生日 而分殊,今人説 分殊之蔽,私 推理一,以 唤做

哉?

則亦天之伯奇矣。

M

有人欲之私。

存義

擴

前

聖

哉

西

止

私 勝

勝 而

也

横渠立言

貧而

不改其樂,

其心亦一而已矣。

明也。欲人無己疑,不能也。 作於謀也。 又作《砭愚》曰:●戲言出 發於聲,見乎四支,謂 於 過言非心也, 思 非 也, 己 心,不 戲 動

0 又作砭愚曰」以下 一條」,據此計數,另行別 一段,原與上段接排,按本卷「凡

只

「乾稱」「坤

所以 自别。 銘》。 字。 於《西銘》之言反復玩味,而 伊川日: 勇於改過,獨以戲 誠。 然 渦 詞義之所指,氣象之所及,淺深廣狹, 於不知 傲且遂非,不知孰甚焉。 出 《東銘 以 自 於心者,歸 動 開警後學,亦不爲不切 《西銘》開示學者,而 〇朱子《答江仲謀》曰:二銘雖同 不知 非 〇[本注]横渠學堂雙牖, 若《東銘 而爲之者,至戲則皆有心爲之也,其爲害尤甚。」遂作 誣 「是起争端。」 ○問《東銘 誠 也。 戒其出汝者,歸咎其不出汝者。 也。 》則雖 咎爲己戲,失於思者,自誣爲 爲無傷。 欲他人己從, 失於聲,繆迷其 分别 》, 日 改《訂 於《東銘 「長傲」、「遂非」之失於毫釐之間, ,然意味有窮, 有以自得之,則心廣理明,意味 此 一頑》曰《西銘》,《砭愚》曰《東 日 正 右書《訂頑》,左書《砭愚》。 朱子曰:横渠學力絕人,尤 忽曰: 如今法書所謂 》則未之嘗言。 誣人也。 迥然不同。 出 「凡人之過,猶有出 四四 而於下學工夫,蓋 於一時之作,然其 體 是以 蓋學者誠 「故失」兩 或者 謂 己 程門 長 當 謂 己 如

將修己,必先厚重以自持。厚重知學,

日

面

語

哉

有

·未盡者,又安得與《西銘》徹

上徹下、一

以貫之之旨,同

集》。 賢。 德乃 此蓋古注舊說,而張子從之,但文勢若有反戾而不安者。 當曰「重則有威」。且學之爲功,又豈止於不固 曰「不重則不威」,則當曰「不學則固」,若曰「學則不固 下同。 欲勝 進 而不固矣。 〇問: 己者 親, 張子「學則不固」之説如何? 無 忠信進德, 如 改 過之不吝。 惟 尚 而 已哉? 友 朱子 《横 而 渠 日 急 則 蓋 文

設此語 病源 熟,有一 工 去,只是不透徹。 〇朱子曰:今人不能如大寐之得醒,只是捉道理 大固 此。 何在 横渠先 黄直卿曰:張子語似釋氏,③更有窮理工夫在。 自 在, 者,蓋欲學者存意之不忘,庶游心 日脱然如大寐之得 ? 也須相 生謂 巽之請問。 又曰: 存意。❶ 范巽之曰: 正要常存意,便不忘。 間 先生日: 直 ,醒耳。 吾輩 卿 如 何 此 不及古人, 説 范育字巽之。 0 非難 「存意」「不 釋氏 説 也 引説得 只 曰 是

[「]故」,原作「改」,據局本改。

[「]似」,局本從洪本作「比」。「便」,局本從洪本作「使」。

[「]相」。局本從洪本作「用」。

倒此 積 忘 久貫熟 ? 意耳。 日: 面 只是常存不及古人意。 〇横渠之意,正要學者 自得之耳。 〇人於義 1將此 理 日: 須 題 設 如 目 此 所 時 語 謂 時 者 1,只不 省 一脱 察 然 使之 欲放 如 大

寐之得醒」,方始是信得處

主宰

如何

講學?

低下著 之地 於可 無惡 這 敏 時 講 而 人之所以有疑,而 自 何 無惡 亂思 道理之内,如 敏 厭 治 適 以 `欲之善 ,便又惡講 然後 求之。 非 厥 之不精。 未 量,惹得許多疑起。 則 心以 知立心,惡思多之致疑; 若決 所 修 所 則 順 聞 若 以 乃 江 治 今持 此 便 道 也。 來。 急 是 之不精 決 河 不果於爲善者,以 則 理 講 雖 以 無 於 江 ,又却 不逮 治之思,莫非 善 利 勤 朱子曰: 故 可 河 悪 吾 而 又却 既知所立 抖 之雜 往 何 雖 欲者,求 之資 以 擻 矣。 .厭? 仲 利 用 起精 便 未知立 思。 吾往。 尼之才之美, 有 是立 所以 遜 神 ,則是此心已立於善 而欲 :善惡之雜。 此 講 立吾心於不 心,則或善或 敏 志 吾 急於可欲者 治之思 術 既 速以 徐徐 心於不疑之地。 遜此 内 務 知 求之, 時 莫非 所 以 雖 今既有善 敏 志 立 聽 然 勤 則 惡 蓋 在 雖 故 「厥 其 H 務 疑 惡 而 急 我 而 是

有 修乃來 多之致疑」,此説甚好,便見有次序 主,每泛然理 矣。 下 會不得。 面云云只 若是 是説 に思慮 敏字。 處。 紛 然 事固 〇「未 趨 向 一當考 未定, 知立 ,然心 未 惡 有 思

視 玩 忽視之,安於固陋,不能擴充也。 之則 明 善爲本, 小,在人能 固 弘之而 執 之乃 己。 立, 擴充之則大,易 永 按: 「易視之」,

亡,改 求 年 義 度,逐日似 前言往 理,編書 安安 於問 亦 是 今且只將 得 得 學者有所背否,於 行, 博 須 少不善 不 文 此 理 長 此 約 會 三年, ? 問 「尊德性 禮,下 有 一,此 學 每 所 庶 上 德 日 歸 幾 學 益 性 須 著, 而 有 上 也 求 上 德 道 進 勿 達。 0 一之益 多 問 性 徒 勿 少 學」爲 有 寫 使 以 爲 ; 所 過 有 讀 此 益 懈 心, 警 俄 書 又 否 策 名 求 日 頃 知 自 識 所 閒 義 此

學,爲萬 爲天地 世 開 立 太平。 心,爲 朱子 生 民 日 文 此 道 道 爲 自孟 去 子 没千 聖 有 絶

六六

絶學」, 澤垂於萬世。 地立心 地以生生爲心、聖人參贊化育、使萬物各正其 則 歲,若天不欲 存至公而不苟 必有復明之理。 謂 也。 纘 述道 建明義理 此道 於近 學者以此 統。 復明 此皆先生以道自任之意。 用 開 ,扶植綱常,此「爲生民立 ,則不使今人有知者 立志 太平」,謂 ,則所任至大而不安於小成,所 有 王 者 起 既 性命 必 ○葉氏曰: 使人有 道 來取 也。 此 法,利 「爲 知 者, 天 天

葉氏 之物 便 除 便自 曰:學禮則可以消除習俗之累,又有所據依而自守。 去了 載 解 所 l 然 脱 縳 世 以 繞 使學者先學禮者,只爲學 俗 灑 即 也。 上 副 去。 當 又學禮 習 荷 熟 能 一則可 纏 除 繞 去了 以守得定。 譬之延 副 禮 當 蔓 世 則

德 也」,豈淺心可 性 自 須 放 廣 心寬快,公平以 大。 得? ^ 易 横渠《易説》。 日 「窮 求之,乃可 神 〇葉氏曰: 知 化 見道、況 德之盛 偏狹固

又爲人以道義先覺處之,不可復謂有所不 人多以老成則不肯下問,故終身不知。

滯,不足以見道

妄人我,寧終身不知。横渠《論語説》。知,故亦不肯下問。從不肯問,遂生百端,欺

道,而 心通乎 未嘗知,則窮矣。 不測,則遂窮矣。 待天下之變,則道 徒事乎記問 多聞不足以 道,則能盡 大事 則 見 理之所以 盡天下之故。 横渠《孟子 聞 足 有限, 以 酬 然 呵 其 説 事 ,故應變而 變無 所 嘗 下 涯 苟 同 知 卒 不 以 -然臨 窮。 0 多 葉 若劫之 之以 不 氏日 聞 通 而 所 平

爲 人之弊,卒無 爲學大益,在 所 發 自 領,不 求 變 化 得 見聖人之奥。 氣 質。 不 爾 皆

曰:文不密察,則見理粗疎,心不洪放,則所存狹滯。 文要密察,心要洪放。《語録》。下同。○葉氏

方 初定分作兩段,居敬則執持在此 有 有疑,初做時定 疑,有不行處 不知疑者,只是不 是觸著 是 相 疑 礙, 也。 便 没 才動則便 理 實 朱 會 子 作 處。 日 忘了。 既 如 人須是 居 實 敬 作 窮 做工 則 理 須 始 夫

日: 通是透得那 心大則百 道理 物 處 皆通 病則是窒礙 ·广 小 了。 則 百 〇心 物 狹隘 皆 病 則 朱子 事 有

彼。 横渠是言心之體 又云「心大則百物皆通」,孫思邈云「膽欲大而心欲小」,竊謂 並 心大便能容天下萬物,有這 皆是病。 室礙不行。 行而 向 拘拘拘 〇心小是卑陋 不相悖,並育而不相 如要敬則 爲 如仁 和 便 思 則 一向放肆,仁便煦煦姑息,義便粗暴 狹隘 礙 流於姑息,義則 邈是言心之用否? 和,要仁 事物 害。 物則 .則 來都没奈何,打不去,只見礙, 0 有這 礙 問 義,要 入於殘 理,有 横渠云「心要洪放」, E (剛則 暴,皆見此 那 心自有合要大 物則 礙 柔,爲敬便 有 那理, 、決裂。 不見

所有 苟不 止 心若忘之,則 讀書,接人事無非 者不同耳 忘 ,則 雖 有 雖 功,不 終身由 接 道,即無非學。 人 事 及 之,只是俗事。 **,**即是 於學, 實行與 實 心 亦 行,莫非 不 、俗事,特以心之 宜忘。 永按: 道 學不 也 Ą,

處,有合要小處。

道只是致一公平之理而已。 合内外,平物我,此見道之大端。朱子曰:

害。 既 既 有 學 意 而 小必 先 有 穿 以 製 功 創 業 意, 爲 作 意 起 者,於 事 端 學 也 便 相 德

> 手 未 造,有害於道矣。 也。 成 而 永按: 先 以 學成自能 功業 「代大匠斲」者傷其手,老子語 爲 立功業,若先以此爲志,則穿鑿 事,是代 大匠 斲, 希 不 傷 創

方且創 明者 丽 足,而未果他 窮源,勇於苟 無實。 竊嘗病孔 默養吾誠 覽,如 艾其弊,默 爲 作,持 見 ,則反約窮源 孟 也。 肺 既 養 肝 没 葉氏曰: 不 然,多 吾 諸 逮之資, 之事 誠。 儒囂然,不 不知反約 也 見 顧 其 而 所 不 急 窮 患 知 知 源 日 知 量 後 放浮 力 反約 也 世 不

氏曰: 不可 者,不足以與此 輕議,若驟然 學未至而 變者非常行之道,權宜之事 好 語 語變,則 變者 一,必 知操術 世。 知終 非 有患。 見 已不 理 明、 正。 制 蓋 義 葉 變 精

言無 得之淺深,惟恐人之知其底裏,與頗子之「無所 肯言其道 所 凡事 不 義 、蔽蓋 説 所 0 得 不見底,只是不求益。有人不 永按: 所 至,不得 學者於師友之前,不肯自言其所 見底,又非「於吾 不説 圃 如

者異矣。

外事則自治輕,徒言短長則躬行緩。 肯自治,只言短長,不能反躬者也。永按"好攬自治,只言短長,不能反躬者也。永按"好攬外事者,其實是自惰,不

已學。永按"志小者恒自畫,氣輕者多處夸。足則無由進",氣輕則以未知爲已知,未學爲足則無由進,氣輕則以未知爲已知,未學爲

近思録卷二終

凡七十八條

伊

川先生答門人曰:

孔孟之門,豈皆賢

婺源後學江永集註

子曰:

伊川云不信其師,乃知當時有不信者。

朱子曰:此卷格物窮理。

智 謂 然後 長文之失而告之。 究其是非之實,而此則 古今人物而辨其是非,又即以此爲窮理,意與此異。 輕論古人是非也。 不貴也。 非,猶不持權衡而酌輕重,竭其目力,勞其心 `,雖使時中,亦古人所謂「億則屢中」,君子 知言」是也。 能辨 伊川先生《答朱長文書》曰 《文集》。 是 非, 欲通乎道,窮理而已。 下同。 如持 心不 億度較量 權 通於道,而較古人之是 〇永按: 順側以 理 未明 此言 較 而强辨論 輕 後言窮理者, 心未通道,未可 重,孟子所 心通乎道, 也。 蓋 一彼欲 亦因 或 論

也。不可便放下,更且思之,致知之方也。朱諸君於頤言纔不合,則置不復思,所以終異惟其不敢信己而信其師,是故求而後得。今哲,固多衆人。以衆人觀聖賢,弗識者多矣,

見處。 索至者,如揣料於物,約言髣髴爾,❶能無差乎? 時有之。〔本注〕明所照者,如目所覩,纖微盡識之矣。 心極力之象,而 如以太虚、太和爲道體 渠只是一向苦思,求將向 養思慮,涵泳義理,他曰自當條暢。 照,而考索至此,故意屢 伊川先生答横渠先生曰: 所論大概有苦 如 云「由氣化,有道之名」,説得是好,終是生受辛苦 無寬裕温厚之氣 ,却只是説得形而下者 前去,却欠涵 偏 m 泳 言多室,小 ,以待 非 其 朱子曰: 、義理 明 更 願 出 睿 自形 完 所 横

●「言」,局本從洪本作「見」。

近思録卷之三

自 氣 有 有 有 識玩 處,却 與「不息」者全别,此言略 名 已,欲學之,須熟玩味聖人之氣 不息 上理 與 者 索久之,庶 久而 會, 純 然無間 示 如此 息 斷。 底一 只 幾 是 ○ 永按: 般。 相似 自 講 只是 得。 論 何 文字。 玩 也? F 味聖 學者不 月 朱子 至」者 人氣象, 象, 問 學 至 不 日 一得 若 口 聖 亦窮理 不 月 論 只 人 Ė 全 到 焉 於 則

驗之。 之。 於 學 中禮 難。 無 有之也。 1 ○ 永按: 堯 方 許 行 ? 問: 伊 非固 ĴΠ 得 多 葉氏 先 忠信進 聰 如 有 生日: 子 若 明 者,未嘗 日 不 所 睿 德之事 舌 知 言, 智,怎 守 學者固 真 者 只 是篤 知 勉 故 是 生 固 强 也。 覷 當 堅 信 得 可 持, 却 勉 而 如 勉 未 堯, 强 固 固 他 强 致 有 守之, 學他 知 者從 動 然 然 容 便 致 須 容 行 非 周 欲 是 知 自 誠 得。 旋 知 甚 固

若於事

Ŀ

理

會

則

有

甚

盡

期

?

須

只

完養

今日

雜

信

鬼怪

異説

者,

只

是不

先燭

理

道

思慮心

虚

則 由

憚

勞

者

之辭耳。

惟 若

思

慮

過

苦

者 疾,

當

如 日

E 因

學者致思,當

「勞苦而後得

悦豫

慮其

八致心

而

此

條本欲人致思

慮

但

其自得與

否,心氣上

一亦可

古聖

賢

因

段],

而

致

心

疾

者。

《遺書》。

F

可。

 \bigcirc

永

事也

古

有

虚

實

疾

病之來,聖賢

所

不

免,

然未

聞

人言比

因

學道,思慮

心

虚。

日

人之

血

得,心氣勞耗

者

實

未

得

也

强

揣

度

耳

嘗

得,中心悦豫,沛

然

有裕者,

實

得

也

思

慮

ŝ

思慮

欲知得與不得,於心氣上驗之。

學上

理

會。

永

按

燭

理

明

則

鬼

怪

一之事

皆

可

以

理

斷

有常變,怪者亦不足爲異

也

原

於

思。

似,其意 朱子 焉 味 日 與 0 氣 久 學 象 而 原 迥 於 别 思 不 息」者 思 須潛 所 以 起 所 心 發 默 見 其 知而 子嘗 意,是 此言未致知 後誠 Ξ 躐 爲學 意 等 亦不 不成説物未 次第 也 能 誠 雖 勉 意耳 有 强 先 格 ·, 非 行 後 知 謂

者,安能

持

永

按

然須

用

齊做

去,

如

格

物 故

誠

意功夫有等

待

也

朱

未至,且

未要誠意,

安

有

規

模

雖

略

相

所

謂

日

月

至

聰

明。

七〇

經義 學者當以是爲的而深求之。 將 循 功,進德之實。 自 飢之欲 知 理 徒 ○人果見得分曉,如 有深淺,學者 做 在於解釋文義而 去也。 ,旋安 别。 理 件 與今無 而 食,寒之欲 也 朱子曰 行, 亦 排 朱子曰 除 著 丽 是 説 非 異,然 須 衣,則 程 聖經之旨 燭 順 便 烏 綱 子 是 程子論知之淺深 理 道 理 晚 喙之不可食,水火之不可 意自實矣。 真 思 明 然 事 而 難 知 次序 ,要必玩 今日 ○葉氏 自 也 自 纔 言 本 然樂 如 如 亦 此 知 知 此, 味積久 日 覺得 某年二十 不難, 此 ,從前未有 得 有 非 循 此 是,便 温 多 理 口 意 巧 故 做 見先生致知之 少般數,煞 但 能真知 知新之大者。 味 時, 蹈 性 件 人說到 爲 與 泰 本善 見 少 然 解 餘, 亦 善 此此。 不 時 釋 行 方 不 如

?

聖人

只

大

自

謂

無

今人物

如

應

接

事

物

耐

處

其

當

否

則

是

理

存

於

應

接

子 其 亦 義 j E 多 是 則 是理 端端 物理 非 凡 存 或讀 或 無 物上 於 窮 應 書 故 接 書 有 如 他 事 講 論 説得 物 明 古今人物以别 理, mi 義 來亦自多 處 理 須 其 , 或 是 當 窮 端 論 其 致 古 是 皆 如 其 非 5今人 讀 窮 邪 理 書 理 Œ 以 物, 也 則 講 窮 明 是 别 理 理 道 朱

也不說 皆通 後,自 存於古 何? 然自 物工夫次第也。 大段聰 窮了天下萬物之理,又不道 H 物 萬 事 有 0 愐 \Box 簡貫)程子 三遽責其 物。 事 件 理 格 便 伊 也 明 明 日 然見去。 **|**有貫 皆知? 此語 通 通 盡格 Ш 明 或 日 日 全 嘗 件 衆 處 了。 理 如 問問 格 須 天下物 則 云雖 ,便是真 讀 通 理 會 積累將去。 學問 明 書今日看 0 件,莫太執著否? 爲 處。 0 瀬子 脱 格 事。)問: 日 雖 日 自 問 然質 理後方始通 却 **愛做工** 物 罔 又 顔 「本注 有 亦 積 須 怎得 今日 通 格 漸 子 未 理 習多後 但 如 物 者, 到 段,明 夫 通則 亦 求 無 顏子高明,不 是 ン又日 格 來。 此,天下 物 急 便會貫 粗 知 件 不 窮 一,只 迫之理。 萬 格之,還 曉 至 自 日 件, 得 敢 也 云「積 效 理 日 而 積 1然貫 看 所 不説 驗 世 如 明 通,其 不 習 理 務於 通? 人 段。 期 極 有 通 日 此 過 習既多 便 既 格 日 \bigcirc 貫 致 格 到,只 闡 説 窮 道 只 用 通 理 0 也 多 又如今 件 理 日 如 若 格 間 問: 通 件, ,然後 則 知十, 者 後 何 要 自 不 然 只 便 須 件 便 爲 今日 白 I 循 非 是 解 積 後 是 格 物 自 會 夫 不 理 脱 其 亦 萬 朱 累 道 通 畫 脱 今 而 如 序 是 子 多 格 會 然 瑘 盡

問: 悟。 何要 學之博; 口 脱 耳,若體察當格之物, 方理會得。 來亦如此 事來,也 事已窮得八九,其 不迫,有 然有貫 欲 知 其始 速 切 至若論極 欲 都 涵泳從容之意。 脱然有貫通處,便是約。 疑 知得? 固須用力,及其得之也,又却不假用力。 通 識得他破 速則不達,須是慢慢做將去。 處。 後 來看 盡 乃是零零碎碎凑合將來,不 然理會得已極多,萬 二二雖 處,則聖賢亦未可謂之知 ",只 程子説格物,非謂盡 是貫 日之間儘有之。 未)所謂 窮得 通),便不 不必盡 將 〇程子此言該内外 來湊會,都 知 窮天下之物者 底亦 有 ○積累多後 窮天下之物云云, ○積習既 插生一 至。 知不覺, 通將 自見得。 E| 去。 此箇事 件 多, 差異 自 然。 某舊 寬緩 如 自 便 然 底 如 0 + 是 不 醒 當

著這 須著別 避 思 一,别 也。 亦 事 窮 上思· 不 窮 蓋 思 於此 事 通 事 曰睿」, 事,又或可 也。 郭? 未 處 既 蓋 得 問 理會不得,若專 朱子曰 旦. 人之 思 以因 於窮不得處,正當努力,豈可 慮 别 知識 此 换 久後,睿自然生。 這 而 是言隨 明彼也。 於這 事 一守 思之,不可 人之量 在這 裹蔽 0)問: 裹 非 著 程子 却轉昏 日 遷 遷 若 雖 專 此 延逃 延 了。 説, 於 强 守 逃

> 不得。 話。 與《中 常遇事,一 等 説何如? 容易改换,却致工夫不專一 理 不得便掉了, 弗 會第三件,恁地終身不長進 事,是卒急難曉,只得且放住。 得弗 〇程子之言誠善,然窮 庸 彼謂有甚不通者,不得已 措 一弗 日 件理會未透,又理會第 也不得。 得 這説自有 向思量這箇 弗 措 相 程子爲見學者有恁地 發明 項 也。 少間 一事未透,又便欲 難 否? 一而如 窮 ○問: 便 延平説是 底事 件,第 會擔閣 日 此耳。 伊 如 看 二件]1] 了。 窮 造 來 心底,不 不 化 此 有 理 理會未 可 窮 説 之要。 若 禮樂、 便 與 得 樣 謂 事, 執 (延平之 已説 底。 窮 透,又 此 若平 度數 亦 此 若

已者。 則力量自 至,則如之何? 問 進。 人有志 菓氏 於學,然 日 日 . 真知事 只 是 知 致 理 之當 識 知 敝 然 固 若 則自 力 識 有 量 不 不

日: 此,此合内外之道 不必 問: 觀 如 物 此 察己 説 也 」,還因 物 我 又問 見物 理 致知 反求諸 纔 明 ,先求之四 彼 身 即 否 曉

0

間 皆 問 知其 問: 理 説 比。 以 草 端 言 也 加 處 亦 何 也。 知得 也? 有 麻 而 》説 我之分,不可 至 纔 何 而 亦須有先後緩 通 草木 麥稻 理。 歸 所 萬物之理,但 〇知得事物上是非分明,便是自家心下是非分明 侧明彼 觀物察己 世故 木 忽然懸 如 諸 议 致 朱子曰 當 分。 深,甚)窮理 此 然 知 皆 ○格物之論 也。 即 乃 如 在 ,故志不惑,知其所當 有 悟 何 兀然存心於草木器用之間 者 格物」,蓋 其 曉 日 時 道 理 也 八實只 格? 程子所 此 還 種 欲 近我 這 哉? 急之序,豈 理會得 因 ,須是察。 理是天下公共之理,人人都 一、甚時 知事 是 求之情 見物反求諸 伊川 是 日: ○於這 謂 今爲學 致 般道 物之所以 收,地 多,相次自然豁然有 知 理, 意雖 此 物 便 速以 性 推 我一 理,人又是 在 纔 物 丽 謂 之厚 愐 〔本注〕又曰: 1然,故 格 己」,此説 第得 明 爲 眼 固 不 然, 言 理 物 存 前 彼 窮 之, 一才明 薄 是 中 無非 與其所當然者而已。 行不謬 天 即 心 不 ,此是 雖 切 分之理 理 於 非 曉 同 亦是, 彼 草 般 於 是物,然其 此」。 格之外 明 即曉 足何學問 宜 木 道 自 草木 身。 非 非 人 植 即 理 亦 程子 一身之中, 調 處。 所以 倫 此 般 某物,亦 有 器 將 别 取 我之知 -()所以 然 ? 理 講 用之 格 彼 有 來 初 非 存。 《大 之 0 致 相 無 之 如 聖 之 0 致者也。 此

有序而 問: 大,這 至萬物之理 夫視聽言動,皆所當理 而 ,學者所當深究。 自 望 底 有 不 身以 可 迫 所 以 7得,是: 理 切 至萬物之理,所 者。 如 會得 何 炊 使 曰 0 沙 多,自 那 丽 會。 然。 身之中,是仁 欲 底 當 其 可 至若萬物之榮悴, 到 豁 謂 成成 以 得 然有 由 飯 如 豁 中 也。 何 然 箇 而 處 用 義 覺 外, 〇「自 禮 皆 是非 處」, 自 智 所 近 惻 當 與 此 人力勉 身之中,以 而 隱 夫 理 遠 四 動 段 會。 端 尤 强 秩 植 然 與 丽 小

切

?

.

節節 去否? 皆溷 子 去始得。 清 有 水。 E 渾 推 濁, 問 水, 先 程子説得推字極好。 去。 日: 思 〇此 亦須是濁,漸漸刮 久後 日 然只一 久自明 固是。 如 睿 語道得好。 何是「近思」? 稍 愛字,雖 如 快。 引動 爲子當止於孝, 睿 不 作 朱子日 得 將去,却自清 出 問: 要跳 聖 於孝,畢 清 「以類」 越望遠 者 E : 思索 出 致 · 竟 千 頭 爲臣當 」莫是 來。 ,亦不是縱横 尔如穿 思 以 比 類 如 正 7井,不 萬 這 掘 於忠, 而 緒 簡 思 推 井 皆 意 慮 便 當 自 思 始 初 此 推 朱 得

0 相」, 局 本從洪本作「胸」。

只是 將有捐事棄 序爲近也。 若遠去尋討 會教分曉透徹。 推,不曾先理會得一件,却便理會那一 件推去,只管挨將 近裹著己而已,故「切問而近思」,則「仁在其中矣」。」叔子云 曰:伯子之意,蓋曰 近思「以 近 故二子之説,不可以偏廢也。 一傍那 伯子之言,固得其本旨,然不參以類推之說 類 物,專以反思 曉 則不切於己。 得 而 推 處 〇從已理 去,次第都 挨將 思之以 兩 去。 程 默造爲功, 一會得處推將去,如此便不隔 ○問: 不遠乎己耳。 子 如 能 所 這 理會 謂 程伯子云: 件 「近思」,其 而不自知其陷於異端 得。 件。 理 會 今人不曾以 叔子則以思之有 須是劈初頭 得 「學只要 透了,又 人義似 不 鞭辟 要理 類 因 越。 同 則 這 而

會貫通,都 有疑,又其次節節 學者先要會疑。 無可疑,方始是學。 有疑。 過 朱子曰: 此 番 書始 後 疑 讀 漸 未 漸 知 釋 有疑 以以 其 至 融 次

諭 自 性、知天,學至 姦 兴此 亦 横 非 不待語 源先 知 難 所 語,顧 從 生《答范巽之》 而 於 出 後 知 語 知 則 天 未必信耳。 物 之 則物 諸 當 公所 曰 所 有 論 當 從 孟 所 出, 無 子 訪 但 守之不 莫 當 所 物 不 源 論 怪 心 源 知 神

> 伯有爲厲,別是一種道理,此言其變,如世之妖妄者也 得,且當守此定底。 矣。《文集》。 辨,異端不必攻,不逾 失,不爲異端所劫,進進不已, 無窮,求之不可知,此又溺於茫昧, 守之勿失者。 也」、「敬鬼神而遠之」等語、皆是定底。 游魂爲變」,此是鬼神定説。 物昏,交來 委之無窮,付之以不可知,則學爲 守之不失二一句。 以此爲正,且恁地去,他日當自見也。若委之 下同。 無間,卒無以自 朱子曰: 〇如「精氣爲物,游魂爲變」,此理 ○問: 且 又如孔子説 横渠「物怪 期年,吾道 要守那定底。 存, 不能以 神姦」 而溺 其 「非其 則 常 他變處, 勝 疑 如 書,先生提出 物怪 理爲主者 於怪 矣 鬼 「精氣 撓 而 如 祭之諂 若 妄必 智爲 之常 爲物 不 未曉 欲 須

悟 門學者以仁爲己任,不 聞」,既言「夫子之言」,則 爲 聞 子貢謂「夫子之言性與天道,不可得 因 有是説。 葉氏 以 日 是居 苟 荷 知 知 常語之矣。 者徒聞 爲 得, 其説,了悟 必 7 聖 而

義理之學,亦須深沉方有造,非淺易輕

者

深達其

此語最佳。〇聖人言語,一重又一重,須入深處看方有得,重厚之意。横渠謂義理「深沉方有造,非淺易輕浮所可得」,浮之一可得也。朱子曰:子張謂「執德不弘」,弘字有深沉

若只見皮膚,便有差錯

即爲粗病。 臾 心粗,學者之通病。 過」,説得好。○顔子尚心粗,人有一毫不是,便是心粗。 這不善,便是粗。 未至於聖人處,猶是心粗 有不善未嘗不知,知之未嘗復行」,是他細膩如此 離 ,無毫髮間,則天理常存,人欲消去,其庶矣乎。 學不能推究事理,只是心粗。至如顔子 朱子曰 要在精思明 顔子比之衆人純粹,比之孔子便粗 伊川説「未能不勉而中,不思 顏子未至聖人,猶是心粗。 辨,使理明 義精。 問: 顏子心粗之説 而操存涵養 一而得, 一息不存, 然猶 便是 無須 恐太 0 有 如

亨。 方透 蓋 此説有礙, 《處見得事理透,便處斷無疑,行之又果決,便是《習坎》「心 人經歷險阻 便 凡事皆如此。 是 博學於文」者,只要得《習坎》「心亨」。 如 《習坎》「心亨」。 (彼説又有礙,便是險阻 艱 且 如看文字,見這説好,見那説又好,如 難,然後其心亨通。 〇「博學於文」,又要得 處 到這裏須討 朱子曰: 《習坎 路 去

> 心亨。 「心亨」。 其間須有 通 通 處便是亨也。 且. 如應事接物之類皆是文,但以事 如讀書每思索不 路可通, 只 此便是許多艱 通處,則 翻 來覆 難險阻,習之可 理 去 切 處 磨講究,自是 處 窒寒, 以 求 然

後清者出 意,一是舊有先人之説,雖欲擺脱, 若不濯去舊見,何 也。 中 意 須 意」,仍且只就本文看之。 者不可只管守從前所见,須除了方見新 思 得 有 朱子曰:横渠云「濯去舊見,以來新 差别。 所 朋 義理有疑, 焉。 開,即 友之助, 〇到理會不 須 便劄 處得 日 則濯去舊見,以 新意 日 日 記,不思則還塞之矣。 如 得處,便當 間 來。 此 朋 今學者 講 友論 亦被他自來相尋。 論, 濯 意。 有二 著, 久 去舊 來 意」,此説甚 如去了濁水,然 病,一 則 則 新 見 自 意。 以 是 覺 H 來 ○學 主 當 進 間 更 4 新 私

爲 善 學 致思到説不 也 若告子 則 得 處 到 ,0始 説 不 得 復 處 審 便已, 思 明 辨,乃

● 「人」,局本從洪本作「凡」。

七六

復求。横渠《孟子説》。○葉氏曰:思之其説似窮,然後更

加審思明辨之功,則其窮者通而所得者深。

然後可求其意。未有文義不曉而見意者也。 伊川先生曰"凡看文字,先須曉其文義,

《遺書》。

下同

庭? 此求之否? 曰:然。 此便是讀書之門庭。 伊川教人看《易》,以王輔嗣、胡翼之、王介甫三人《易》解 却歸去依此實下工夫,便是 經,只要從師 之可矣。 且見 ,故教人如此。 日 得路 學者要自得。 是讀書之法。 問: 徑 講問,且識 門庭豈容各立耶? 後,各自立得一 問: 緣當時諸 如 如讀此 得 (詩 六經浩渺, 乍來難盡 如何下工夫,便是立定門庭。● 「歸而求之」。 》是吟咏性 經尚未有成説,學者乍難捉 一書,須知此書當如何讀。 朱子曰: 箇門庭 情, 〇問 讀 《詩 此是説讀 》者便當以 如 歸 何是門 而 曉, 看, 求 六 於晦。

人理甚 周道如砥,其直如矢」,此之謂也。 凡 解文字, 一分明, 如 但 易 條 其 平坦 ۱Ļ, 底 自 道 見 路。 理。 或曰: 理 詩 只 聖 日 是

> 也,而鑿之使深; 子曰:今之談經者往往有四病:本卑也, 人之言近如地。」 頤與改之曰:「聖人之言,其 遠如天,其近如 教深遠得? 自有近處,自 人之言,恐不 有深 可 揚子曰:「聖人之言遠如天,賢 本近也,而推之使遠; 以淺 地。」揚子、揚雄、《法言》中語。 遠 處。 近 看 他。 如近 E : 處怎生强要鑿 而抗之使高; 本明也 聖人之言, 一,而必 使 〇朱 本

徒費心力。 何 井事,孟子只答他大意,人須要 會事君之道如何 事,孟子只取其不背師之意,人須就 文義者,又滯 出 得 學者不泥文義者,又全背却 來, 完廪 泥 又怎生下得來。 不通。 也。 又如 如子 萬 濯 章 孺 問 理 遠去, 若此之學, 子爲 舜 浚 上 完 井如 面 將 理 廪 之 會 浚 理

●「定」,局本從洪本作「得」。

也; 下文意是如何,不可泥著一字。 謂 字 也 美」, 相 到《易》中又將剛來配仁,柔來配義。 此等須是各隨本文意看,便不相礙 梗 凡 不倦,仁也」,到 與《詩》之美不同。 觀 當 書 觀 不 其 可 文 以 命中 勢 相 庸 F 》又謂 類 如揚子「於仁 泥 下 朱子曰: 其義, 之 「成己,仁也, 意 孟子「學不厭,知 凡讀 如一充 不 也柔,於義 爾, 書須看上 成 實 則 物,知 之 字 也

浮泛之言,儱侗説過

也

乾」,未 然是 子曰 者,王通答或人之語。 若 只 以 謂 管 聖,亦只 歸,不可抗之使高 盡 乾 . 問 節 『終日乾乾』可 ,只是理不如 乾是不已,不已又是道 盡 節 瑩中嘗愛《文中子》: 得《易》,據 推 是箇不已。 上 去, 也 〇永按: 可 此 此。 也。」此語 先生日: 知 此言道 句 是 瑩中,程子門人。 ,只做 盡 理 漸漸 「或問 最盡。 各 凡説經義,如 夫「終 有 漸 得 地 學《易 推 九 頭 文王 去,自 子 經 日 義各 使。 É 乾 所 ×,

如 此 子 在 裹 Ш 須 是 上 自 日 . 見得。 逝 者 如 張 斯 繹 夫 日 . 一言道 此 便 之體 是 無

> 窮。 《易》,無窮不可 窮」 道 出不親切,故以爲 便道 先生日 了得 以 : 他? 了「逝者」,皆欲學者親 固 不可。 是 朱子曰 道 〇永按: 無 窮 「無窮」之言固 終 然 切 日 怎 觀 乾 生 乾 書 是 不 毋 箇 以 但 П 高 以 爲 無 渠 谏 盡

對,既 爲]? El : 法。 便不 必 1 IE 以 是讀《詩 有 牆 後來又只是這 政不達,使於四方 讀 日新之功 書之法,但 如 面 面 今人不 讀《詩》後,便 讀 。」須是未讀 牆, 須是未讀《詩》時,不 論 人人而 方是 會讀 反諸 語 \sim 有 箇 己,驗其實得,致其實用,變化氣質 書。 不爲《周 舊 驗。 《詩 達 時 不 如 於 便是 未 能 大 時 政 讀 誦 專 抵 如 南 不 達 是 對 ×,< 能 面 讀 詩 會 於政,不能 這 專 牆 書 雖多 》三百, 讀 召 對 簡 只 也。 南 到 四 此 亦 讀 方, 及 便 其 奚 授 了 葉氏 讀 是 後 猶 始 車 以 之

「會」、《近思録》卷三、《二程遺書》卷十九作「曾」。

0

當思 其 凡 看文字,如七年、一 如 何 作 爲, 乃 有 益 世、百 葉氏 日 年之 治效遲速 事,皆 淺

深,當究其規模之略,施爲之方。

爾。 《外書》。 凡 解 經 下同。 不 同 ○永按: 無害,但 緊要對緩漫者言之,謂有 緊 要 處 不 可 不 同 關

多,如今多忘了。 之學,要約而篤實,蓋終身守此言者 多看而不知其約,書肆耳。頤緣少時讀書貪 爲學,須 心記著,然後力去行之,自有所得。 初到 是讀書。 ,問爲學之方。 須是將 書不必多看, 聖人言語 先生 曰:公要知 要 永按: 知 玩 味, 其 尹子 約。

見要領,惟《大學》是説古人爲學之大方,體統都具。 朱子曰: 語》、《孟》最是聖賢爲人切要處,然《語》、《孟 語 ,知得古人爲學所鄉, 》、《孟 初學人德之門,無如《大學》,其 語》、《孟》皆當讀,但 《遺書》。 讀 下同。 《語》、《孟 〇間: 》便易人,後面 須知緩急。 初學當讀 》隨事答問 他 《大學》、 玩味此 何書? 工夫雖 莫 如

> 語 段分曉了,只在仔細去看。 《大學》,那時未有解説,想也看得鶻突。 先看。 學 貫通浹洽,無可得看後方看,乃佳。 《論語》以立其根本,次讀《孟子》以觀其發越,次讀 尾通貫,熟讀文義自見,不可逐一句一段上 子,卒亦未易看得。 須熟究《大學》作間架,却以他書填補去。 興發人心處。 多,而大體已立矣。 治人底規模。 求古人之微妙處。 部行程歷,皆有節次。 $\overset{>}{+}$ 明 》逐文逐章各是一義,故用 日 肉菜,先後淺深,參差互見。 《論語》 行到何處,方可漸到那田地。 《中庸 》却實,但言語散見,初看亦難。 如 人起屋相似, 《大學》有等級次第, ○《論語 ○某要人先讀☆ 》亦難讀 今人看了,須是行去,今日 ○《論》、《孟》、《中庸》,待 ,看三書後,方宜讀之。 仔細静觀。 》要冷看、《孟子》要熟讀。 須先打箇地盤。 若不把《大學 大學》以定其規 ○《論》、《孟》都是《大 〇伊川舊日教人先 總作 而今著注解,覺大 〇《大學》是修身 理 孟 會 子》 《孟子》有 一處 〇《大學》如 也 泌做 成大段,首 ,易曉,宜 命中 模 箇匡 行到 〇今且 《大學》 ·庸》以 感激 次讀

 \sim 孟 語》、《孟》如丈尺權衡相似,以 自 者先 有 要 須 約 讀 處, \wedge 語 以 \approx 此 ^ 孟 觀 他 此 窮 經 去量 其 得 一度事 語 力。

物,自 語》、《孟》十分透徹,其 然 見 得 長 短 (他書都不費力,觸處便見 輕 重。 朱子 日 : 學者 若 先 讀 得

聞 若能 言 學者,豈非大幸! 甚 問,將聖人 非 生氣 顏子聞得底,子貢未必聞。 常也 於《論 讀《論語》者,但將諸 質 》、《孟 答 朱子曰: 處 但患自家不去用心。 便 学中 作 孔門問答,曾子聞得底,顏子未必 - 深求 今 今却合在 Ė 玩 耳 弟子問處 味, 聞 ○葉氏曰: ~ 論 自 將來 語》一 然 便作己 涵 書,後世 有 甚生猶 養成 得

我實能克己與主敬行恕否。 如「克己復禮」與「出門 之」,切己看時 言語切己,不可只作一場 書切己,終身 凡 看《語》、《孟》,且須熟玩 ,曾時習與否。 儘多 如見大賓 也。 件件如此方有益 句句如此求之,則有益矣。 」等事,須就自家身上 朱子曰 話説。 味,將聖人之 人只看得 且 如「學 丽 體 時 看, 此 0 꽙

中得 了後 不 知手之舞之、足之蹈之者。 兩 語 句 》有 喜者 讀了後全無 1,有讀 了後 事 知好之者, 者,有 朱子曰: 讀了 有讀 後其 有得

自

將 __ 久自解 句喜者,到 這 句 喜 處, 便 是 人頭 處。 如 此

讀

將

去

求。 功夫。 按: 人所以用心,與聖人所以 硬把捉住,如有箇難 才拈得些小,便把己意放裹 最爲親切。 疑,則聖人之意見矣。 得效少。讀書者當觀聖人所以作經之意 語》、《孟子》既 而味之,中夜而 底 未至者,所 此猶前條「以此觀他經甚省力」之意。 問:「易其氣」是如何? 那裏見聖人之意。 學者當以 讀《論語 朱子云: 今人不會讀書是 「《語》、《孟 》、《孟子》 以 治 理會處 ^ 思之,平其 未 論 又舉 得者。 則六經 語 》功夫少,得效多,六經功 面胡 如何? 便要刻畫 EI: 》、《孟 朱子曰:此條程先生説讀 闕 加 亂說 其 不 只是放教寬慢。 可不 句 至聖人,而吾之所 (疑」 只緣不曾求聖人之意 心,易其氣 知 句 子 一百端討 ,故教他就聖人意上 道 句歎美之。 治 而 ***** 其實治六經自 一,所 爲 求之, 晝 而 出 本。 謂 明 來,只說 今人多要 矣。 闕 與 雖 夫多 ^ 名 其 聖 論 永 有

以

亦奚以爲」。

〇朱子曰:《 某始 者 久久自然貫 須是 作 儒 論 錯 此二書文字, 語 論 會 玩 *\ \!\ 》、《孟 處 味,若以 通 孟 却 》須 子 待 是 **>** 熟 與 既 語 只 讀, 整 而 言 剩 理 思 解 讀 過。 之又 記放 著, 著 心下,時 外 意 便 似 書 剩 自 便 不 意 時 只 下 將 足。 足。 同。 有 來

玩

此

學者讀 處。 道 中 有泛説 子答吕晉伯 道 伊 體 미 非 ĬΠ 若不盡見,必定有窒 删 至 間 如 日 者多矣。 底。 書領 : 大,故有 釋氏,一 今要著力緊要底, 逐 問,後來晉伯終身坐此病 固是好 且 將《語》、《孟 去 聖賢言語 説 「理會,使通貫浹洽。 見了便從空寂去。 得 ,然若有得,終不浹洽。 易 礙 處 粗 處 説 説細説 便是揀別。 得 **>** 》緊要 難 處 皆 , 説得孤單, 人禪學去。 ○《論語 説 著理會教 若如 處 得 看 朱子曰 大 此 》有緊要底 處, ,則《孟 、透徹 如 説得 蓋 何 此 子》 吾 ? 蓋 小 程

日 中 耐 「興於《詩》」,是興 歆 動之,有「 於《 詩 》 者,吟 吾與 、起人善意,汪洋浩大,皆是此意。 點 咏 也」之 性 情 氣 涵 象 暢 本 道 注 德 ご又 之 0

> 感發善心 讀 間 朱子曰: 起人善意不得。 感發人底意思。 善惡惡之心,而不能自已者,必於 可 徐徐 抑 ○讀 爲戒,他書皆然。 揚反復 玩味, 《詩 《詩 Ě 》本性 ,其感人又易入。 彷 在於吟咏諷誦,觀其 今且先置《小序》及舊説 今讀之無所感發者, 佛見 情 詩人本意,却從此 古人獨以爲「興 有 邪 有 正,其爲言 故 此而 學 者之初 (委曲 正是被諸儒 (於《詩 得之。 推 折旋之意,自 既 , 只 尋將 易 將 所 ○善 者,《 知 元詩 以 解 興 而 殺 詩 可 起 方 虚 吟 爲法 ſ 足以 咏之 有 便 其 心 感 熟 圃 有

下同。 詁, 有 省 子,不知德行。 遠 IE 不 悟。 有得 一曾章. 也。 ,曷云能 謝 〇朱子曰: 時只 又云: 又曰 顯 解 處 旬 道 轉 來?」思之切矣。 云 釋, 却 瞻 讀《詩》之法,只是熟讀 古 伯淳嘗談《詩》,並 但 不忮不求,何 彼 明道先生善言詩 兩 優 所 日 字,點 游 月 以 玩 貴 悠悠 味 親 掇 ,吟哦上 炙 地 用 終 我 涵泳, 之也 念過, 不臧?」 日 不下 思 自 下, 然和 百 道 便 他 《外書》。 之云 字 教 歸 爾 便 又 氣 使 訓 于 君 渾

意自足。胸中流出,其妙處不可得而言。 不待安排立説,只平讀著,胸中流出,其妙處不可得而言。 不待安排立説,只平讀著,

起人意處只在興。● 會得詩人之興,便有一格長。格,今人讀《詩》何緣會長一格?《詩》之興最不緊要,然興格,今人讀《詩》何緣會長一格價。朱子曰:讀《詩》便使人長一明道先生曰:學者不可以不看《詩》,看

則是以文害辭。
「不以文害辭」,文,文字之文,舉一字則
「不以文害辭」,文,文字之文,舉一字則

足以盡之。 事,然亦是治民事。 事君,是事事做得 朱子曰: 求堯所以 看 此大概説讀書之法而已,若論堯所以治民,舜所以 書須 日:也 治 要見二帝三王之道。 民,舜所以事君。《遺書》。 盡。 大概可 或曰: 《堯典》都是治 見。 若論 堯、舜治民事君,二典亦不 民 以事,≪ 《舜 如二 典 》都 下同。 一典,即 是事 0 君

《中庸》之書,是孔門傳授,成於子思、孟

永按:《中庸》語道,高卑本末皆兼之。 今人語道,多説高便遺却卑,説本便遺却末一子。 其書雖是雜記,便不分精粗一滚説了

可 以制器者尚 人之道四焉:以言者尚其辭,以動者尚其變, 人沿流 矣。予生千載之後,悼斯 以傳言,後學 至矣。去古雖遠,遺經尚存。 順性命之理,通幽 長之理 變易以從道 開物成務」之道也。 以 知 伊川先生《易傳序》曰:易,變易也,隨 進 變、 而 求 象 退存亡之道 .其象,以卜筮者尚其占。」吉凶 也。 源,此傳 級與占 誦言而 其爲 明之故、盡 在 忘味,自 其 所 聖人之憂患後 書也,廣大悉 中 備 以 矣。 於 作 文之湮 辭。 也。 秦而 事 然而前儒 「君子居則觀 物 之情 「《易》有 晦, 推 下 世 備 辭 將 蓋 可可 考卦 俾 將 失意 無 而 消 聖 時 後 謂 傳 示 以

●「只」,局本從洪本作「正」。

者易 中。 其象 也。 易之所以 人以變易從道之方耳。 此 以 對之陰 對 其 者 所 不 水其 也,其 今 且 則 非 而言者,有 顯 也 理 達 不備。 而 意。 隨 知言 存 微 則 其 源 以《乾卦》「潛」「見」「飛 變 陽 玩 謂之道。」易中無 時變易以從道」, 定理之當 乎 也。 易 無 流 意 其 至 問: 轉 者也 人 間 錯綜 固 微 者 辭 故 而 焉。 皆 易 己, 有 者 善 易,變易 理 然者道 而言者。 即 動 矣,未 之當 不 觀 理 道 《文集》。 學 如 則 予 - 説錯 也 也,至著者 者 會 《乾 主 觀 然。 所 也, 一,何 也 掛 |卦爻而言 綜 伊 通 求 有 其 傳 初 故 以 之陰 聖 隨 111 下 以 則 言 變 爻不 不 言 明 時 躍」觀之。 者 X 言 同 行 道 得 丽 潛」、二 必 變 作 陽 「變易以 辭 易, 具 亦 易 其 交互 〇朱子 於 然天理 玩 《易》, 自 象 此 也 日 變易 以 典 辭 其 理 近, 则 其 之理。 從 也 從道 「其 禮 因 由 占。」 所 道 流 也 人事 而 「見」之類 日 象 易 辭 體 行 以 體 能 明 ? 言 只 正 沿 則 而 皆 陰 於 則 得 以 通 用 理 謂 易 説 陽 謂 至 在 E. 流 其 近 得 辭 於 是 教 伊 而 之 此 其 須 得 有 之 無朕 説 説 顯 有 是 地 者 微 理 有 外 而 也 此 做 微 問 顯 舉 這 得 古 則

兼

相 相 者

源

無

意

辭

意

未有 象,是 用在其 是 ,至著者象也 ,所謂 《序》 蓋即 體雖 無間 中 體 此 好 尹 書 即 而 無 和 無 話 有 而 然 萬象昭 間 萬物已具 無 事 事 只 無間 中, 靖 微。 用之理已 派須 是 迹 朝 、爲世 而理之體可 也。 源 字 0 此 伊 物 也。 所 中已 會 是 無 看得 然已具 也。 ĴП 間 謂 而 體 最 體 下 謂 自 人 《易 ,此是體 有 具 此理 體 用 切 用 落 ○自 六 事 理 象 傳 用。 用 ,是所 要 之一 是 7 見,是所以 也。 源 本 而 無 無乎 源 物 處 应 何 理 有 觀 也; 中 源 物 桂 許 處 顯 日 顯 聚 而 以 語無 不在 後 有 則 多變 而 三百 是 爲 者 觀 微 而 微 「顯 用。 自 舉 心切要? 不 象 無間。」 不 無間」 象 爲 微 則 次序。 以 也 以 爲 樣 八 相 口 源 無間 天 無 理 而 十 至 間 離 顯 遺 所 也。 地既 間 爲 言 者 言 微 四 李 蓋 處 0 也 尹 以 理則 之理 理 體 延平 其 者 爻都 自 則 故 顯 言 云 : 立,此 做 爲 日 通 象 理 即 可 中 0 事 以至著之象言 微, 這 計 先 爲 有 而 則 顯 便 謂 延 言 書 慢體 下落 體 理 之 體 用 言 平 耐 至 具 先 而 理 出 亦存 而 用 用 顯 則 源。 微。 象 微 日 而 微 則 來。 後 方 而 沖 中 不 者 理 即 源 源 用 尹 此 天 0 始 漠 0 有 中 能 體 理

0 物 物 局 本 從洪 本 兩

][]

這

般説

話

難

説

蓋

他

把

這

書硬

定做

人事

之書。

他

説

聖

人

미

易

處。 處理會,尋得 處。 傳序》「以行典禮」,曰 也」,此伊川喫緊爲人處 去 上 面 一,則必 所 無 典禮 載 今學者却於辭上看,「觀其會通以行典禮 辭 ,皆「觀會通以行其典禮」之事。 有 謂卦爻之辭。 處。 只是常事。 礙 箇通路行去。 典 觀會通 禮 只是常事, 0 〇欲理會理與象,又須辭上理 如 ,是就事上 「求言必自近,易於近者,非知言者 堯 、舜揖遜 若不尋得一箇通路,只 會是事之合聚交加 看理之所聚,與 湯、 凡於事物,須 武 征伐 也。 ,皆是 其 八葉 難 所當 就 會。 問 分别 地 典 其 八禮 行 聚 辭 行 事 這

字,直是盛得水 象以 有 故 無形也,故因象以 後有象,有象 書云「易之義,本起於數」,則 日 ,自量精力未衰,尚 「《易傳》已成書,但逐旋修補 句不著實。 知數, !其義 則 得 住。 象 ○易得 其 明 加 數 〇晩年 理。 義 在 後 其中 有數。 其 ,則象數 理既見乎辭矣,則可 理 所見甚實,觀 -矣」。 覬 則 象數 有 ,期以七十,其書可 〇朱子 易因 在 少 在中 其 進 八非也。 八中矣。 象以 《易傳 爾 日 固 是 由 伊 い明理 永按: 如 一解以 可 〔本注〕 111 有 此 見 出。」來 晩 理 觀 何嘗 然 年 程子 象。 理 由 而 派 文

> 王輔嗣 流以 見,却只就象上推求道 象,只似譬喻,看來須有箇象如此,只是 方都作道 所務也。朱子曰: 之毫忽,乃尋流 箇了, 康節傳得數甚佳,却輕之不問,似此 無實證 龍 觀,却須先見象數的當 |便須有「潛龍」之象。 伊川皆不信象。 且從象以下說,免得穿鑿。 理説。 則 虚 理 ○《易傳》言 易 逐末, 差 以前解易多只説象數 理,不可爲求象 也 今却不敢 下落,方説 ○伊川《易傳 1理甚 必 術家之所 欲 備,象數 如 窮象 所以 此 處却閒 得 不 説 如今曉他不出。 得 理不走 ,只可 尚 之 却 有 亦有未盡 ,自程 過了。 象 隱 欠。 便 非儒 底 唤 説 微 意思 門以 做 道 不及 伊 處。 無。 者 盡 不 後 不 Ш 之 數 當 如 口 説

○《夬》九二《象》傳。 知 時 識 勢,學《易》之大方也。 《易傳》。 下

同。

勢又足以爲止 俱位乎下,勢弱不能進 五陰柔 易》者所宜深 《大畜》初二,乾 而 能 咋 識 也。 也。 時 畜之時在於止 之 體 葉氏曰: 盛 剛 健 衰, 畜之時不利於進,初二 而 勢 不 四四 之强 足 五 以 位據乎上 弱 進, 學 四

伊

ĴΠ

先生《答張閎中

書》曰:《易傳

潛

時

八四

中 雖 則 當 位 不違於正,正 諸 ,或以不 卦二五 雖不當位,多以中爲美,三 中 不 爲 必 過 中 也 中 常常 天下之理莫善 重於正 也。 蓋 四

子而時· 之斟 日:中 也。 也。 如 其中矣。 不合時宜 蓋正是骨子好了,而所作事有未恰好處,故未必中也。 於中,於九二、六五 夷 責善,正 酌得宜合理 、惠諸 重於正,正不必中,中能度量, 如 中」,則是中無不正。 蓋 ,於理 飢 子,其正與夫子 渴 無 也,父子之間則不中。 飲食 Œ 無所當,則 「處是中,則未有不正者。 則 做 是 正 中 卞 ,若過 雖正而不合乎中。 ,同,而 可 出 若君子有時不中,即正未必中。 來, 見。《震》六五傳。 些子 而單 夫子之中,則 便 〇中須以正爲先,若不 而正在其中。 非中 言 若事雖正,而處之 正 節 則 〇言中則 未必 中 非 節 諸子所及 能 0 〇朱子 處)如「君 中 ○事 乃 Œ 也 中 在

先 生云: 問 胡先 亦 不 生 妨 解 只 九 看 四 如 作太子,恐不是卦義。 何 用 當 儲 漬 則 做

能

先見正

處,又何中之可

言?

如

欲

行賞罰

須是先看

當賞

與不當賞,然後量賞之輕

重。

若不當賞,又何輕重之云乎?

儲

貳

使九

四

近

君

便

作

儲

貢

亦不

害。

但

不

説。 要拘 子 語 四 不是限定底物。 朱子曰:《易》不可恁地看、《易》只是卜筮之書。 字翼之、號安定先生。 百八十四爻云云,其説 只當得三百八十四 得之,也當退 是説人君。 事,則三百八十四爻,乃止三百八十四事。 説,則古人未立太子者,不成是虚却此一爻。 君位,然亦有不可專主君位言者。 三百八 「般用。 ,以至 到他 亦是拘了。 〇問:《程易》説理太多。 事物 一,若執 解《易》,却又拘了。 + 〇程子解《乾 如 ,莫不皆然 四件 避。 程子笑胡安定以九四爲太子云云,此説極是 潛 伊 「見龍在田」,若是衆人得,亦可用 龍勿用」,若是庶人得之,自當不用,人 事。 Ĵη 事, 事 、亦自説一爻當一事,則三百八十四 也好,似 ○問: 便 》九三云「在下之人」,「君德已著」,此 説得自好,不知如何到他解,却 休 則 要之此是通上下而言,●君臣 三百 10 티 : 胡安定將《乾 他解 若只將《乾》九四爲儲 《遺 伊川求之太深。 八十四爻,只 時,依舊只作三百八十 書 〇六爻不必限定 光 下同。 如一爻只主 四 如 爲 嘗説 〇胡 事。 五 作 儲 恁 雖 爻 君 得 易 父 地 君 位 主 瑗

●「之」,局本從洪本作「知」。

衆 有君用 前、審驗箇是非,難 筮,今説《易》者乃是硬去安排。 謂 辭皆是隨時取義,然非聖人見識卓絕,盡得義理之正,則 載物」,人君安可不用? 有用處否? 先生曰: 用,無所不通。 人 隨時取義,安得不差? `賢人之卦,更有分作守令之卦者,古何嘗有此? 人用,學者自有學者用,君 自有聖人用,賢 看《易》且要知時。 ,臣有臣用」,説得好。 爲如此安排下也。 因問:《坤卦》是臣之事,人君 人自 朱子曰: 及到逐卦解釋,却分作聖人之 是何無 I有賢 凡六爻人人有用,聖 問: 聖人隨時 古人作《易》,只是爲 讀 ○伊川有一段云「君 有君 人用,衆人自 用? 《易》貴知時,今觀爻 取義,只事到 用,臣 如 厚德 有 臣 有 面 所 他。

陽 畫 易是互相轉易之義。 陽之道,一進一退,一長一消,反復往來上下,於此見之。 子言「《易》中只是言反復往來上下」,這只是一箇道 陽。 畫 皆 是 東本是陽,西本是陰,東邊陰畫皆是自西邊來,西 易》中只是言反復往來上下。 自 東邊 來。 觀《先天圖》,東邊 輔 廣 Š 程 子所謂 一畫陰,便對西邊 《易 》中只説 朱子曰 理。 反 復 0 邊 陰 程

《易》,程子多理會他底不得。 往來上下」者,是指 《无妄》之類。上下,如《咸》、《恒》之類。 〇葉氏曰: 反復,如《復》、《姤》之類。 此 否? 티 : 蓋 看來程子之意又別。 他只據理 皆陰陽變易之道 一説, 往 來,如《賁》 都不曾去問 邵 子

無不合者。理之根極,本一原也。 () 葉氏曰:《易》無不該物,無不合。《外書》。下同。 () 葉氏曰:《易》無不該

作《易》,自天地

幽明,

至於昆

蟲草木微

子,若減一隻脚,亦不知是少,若添一隻,亦不 體此意,使於卦象辭義,皆的然見其不可易,而後爲得也 覺多,就上減一 知是多。 就上穿鑿。 今時人看《易》,皆不識得《易》是 若識則自添 若念得不熟,與就 德亦不覺少。 減 不得也。 譬如 上 葉氏曰: 添 不 何物。 識 德 學者當 此 亦 只 兀

曰: 者,朱子不答,云: 賢是疑了問,是 游定夫問 ❶不要如此看文字。 ·伊川「陰陽不測之謂神」,伊川 揀 難 底 問 游定夫問 ? 有問 「陰陽不測 盡 性至命

● 「云」上,局本從洪本有「少頃」二字。

之謂 之深思,特以此 聖賢言語次第看得分曉,自 心,欲使反己而致思也 神」,伊川云云,後來人便 語 艱 深 而 率 然知得。 ·爾請 过道游 問。 將 〇葉氏 難底問。 故伊川 日 不答,直 大意 游 氏 且 或 要將 一攻其 未

未備 理無窮 後 人更須自 伊 ĬΙ 可 以《易傳》示門人,曰: 以言盡。 l體究。 故朱子又有《本義》,以補《程傳》之所 永按: 此 程子不自足之意。 只説 得七分, 然義

作,順 建正 有出 道之悖 私 立 道 之 政。 而 意 E 成,地道平。 妄 既 生養遂,教之而倫理明,然後 伊 ,忠質文之更尚,人道備矣,天運 類之才 乎風氣之宜,不先天以開 ,川先生《春秋傳序》曰 暨乎三王迭興,三重既 爲 不復作,有天下者雖欲做古之迹,亦 ,漢專以 而 起而 己。 二帝而上,聖賢世 智力持世。 君長之。 事之繆,秦至以 治之 豈復知先王之道 : 天之生民 備 而 人,各因 建 子 出 人 争 亥爲 道立 隨 奪 丑 周 息 寅之 時 時 īF. 矣。 ,必 天 而 有 導

子説。 攢 人而 天 應時 也? 輅,服周之冕,樂則《韶 善者爲法、《春秋》是以不善者爲戒 樂,只是百王不易之大法。● 其作《春秋》,善者則取之,惡 秋》大法,何也? 經世之大法, 後世以史視《 道 經世之大法、《春秋 者則誅之,意亦只是如此,故引以爲據耳。 不易之大法。 也, 地 辭。」辭不待贊也,言 之治不復 不惑」者也。 加 蓋三代制作極備矣,孔子更不可復作,故告以四 夫子當周之末,以聖人不復作也, 惟顔子嘗聞之矣,「行夏之時,乘 不悖,質諸鬼神 春 則 朱子曰 》之書 所謂「考諸 有也,於是作《春秋》,爲 不 秋 先儒之傳 》,謂 知 亦經世之大法,然四代之禮 此不是孔子將《春 也。 褒善 而 問: 不能 舞」,此其 無 \equiv 日 王 貶 伊 疑,百世以 與 ĬΙΙ 春秋》大義數 惡 而 〇四代之禮樂是 「游、夏不 謂 於斯 不繆, 而 顔 秋》大法 準的 已,至 F 耳 嘗聞 樂是以 殷之 俟 建 白 順 代禮 'n 也 能 諸 於 斯 聖 王 天 顔

^{● 「}百」上,局本從洪本有「集」字。

非

時

措

從

宜

日 :

是。

又曰

觀其予五

一霸,其

中

· 便

有

箇

謂

書

禮中又失禮 年之事,故取史文寫在這裏,何嘗云某事用某法,某事用 未必如先儒所言字字有義也。 其可見者,誅亂臣,討賊子,内中國,外夷狄,貴王賤伯而已, 事之權衡,揆道之模範也。朱子曰:《春秋》大旨, 隱義,時 契,始可 亂」、「宋災故」之類,乃是聖人直著誅貶,自是分明。 書仲遂卒「猶繹」,是不必繹而猶繹 郊禘,大意不過見魯僭禮耳。 之安,文質之中,寬猛之宜,是非之公,乃制 或與或奪,或 」處,却恐未必如此。 ,其義雖大,炳 〇程子謂「《春秋》大義數十」,「 「晉侯」,爲 義 措從宜 断他所書之旨,不然則 且如書會盟侵伐,大意不過見諸侯擅興自肆耳。 ,時 也。 措 一者,爲難知耳。 「以常情待晉襄」,書「秦人」,爲 如不郊「猶三望」,是不必望而 進 從宜 或退,或微 如日星 須是己之心果與聖人之心,神交心 者 爲 如三卜四卜,牛傷牛死,是失 想孔子當時只是要備二百 〇問: 未易言也。 ,乃易見也。 難 或 也。 知 「炳如日星」者,如 顯,而得乎義 孔子有取乎五 也 如 此等義,却 程子所謂 或 了以王 猶望 抑 惟其微 或縱 如胡 也。 事 霸 微 自 責 成 理 贵 書 辭 秦 氏 宋 分 如 某 餘 《詩》 於後世 之用 是傳 優游 然後 其門而人矣。《文集》。 而 三代之治。 王知《春秋》之義,則雖德 求 涵 也

例耶?

奪底意思。 心,非 知作室之用 泳, 夫觀 默 上智不 識 百物然後識化工之神、聚衆 心 0 能 通 於一 也。 然 事一 後能造 故學《 義 春 其 而 秋 微 欲 也。 》者,必 窺聖 後 材

非

禹、湯,尚

可以

法

辭

隱

自秦而下,其學不傳。 法三代之治」,如是則無本者亦可 ·其義,得其 也,雖未 故 朱子曰:《春秋序 作傳 能 意 極聖人之蕴奧,庶幾學者得 ൬ 以 法其 明之,俾後之人通其 予悼夫聖人之志不 ž 用 以 「雖德 ,則三代可復 措之治乎? 非馬、 湯, 語 亦 有 也。 可 欠 明 文

之用,全在此 書》如藥方、《春秋》 詩》《書》載道之文、《春秋》聖人 書,所 謂 不不 如 如 載之行事深 用 藥 治 病。 八之用。 切著 聖 人

0 室」原作「事」據局本改

八八

下同 明」者 但一 蓋 欲 字 成 也 有 書 異 有 勢 或 須 重 上下文 疊 如 言 此。 者 異 不 如 了, 則 可 征 事 義 伐 事 須 各 盟 别 求 會 異 之 遺 書》。 類 義

用 律 也 **\$** 唯 五 經之有《 言 其 法, 春 至 秋 於 \leq 斷 猶 例 法 律 則 之 始 有 見 斷 其 例 法 也 之

理? 於此。 便 中 無 箇 孟 如中 不 ,若以手 義 子》, 是 理 故 但 一方可 庸。 中。 此 他 春 更 窮 亦 足 理 經 秋 讀 欲 若當手 窮 胼 看《 論 爲 知 亦 其義 理 要。 脈、 經 中 春 善, 之要, 閉 秋 足 庸 然 、《春秋》因其 嘗 户 × 胼 後 語 無 句 不 然 \sim 看《 胝 學 如權。 是 春 出二 他 者且 春 則 秋 經 事 於 秋 者之間 》以 贵 先 須是 此 ×0 行事,是 讀《 不 是 何 爲 口 非 時 先 爲 中 論 取 識 以 便 進 而 語 中 ? 非 當 爲 得 窮 見

寬者以 知是 朱子 審。 之意,非伊 川 情 事之大意。 看 别傳之真偽」,如 考經之事 某年二十 爲權,義是也? 到 義 無 得 事 義 也 **灬此言**。 Ė 聖人果有 須 ,勢。 公爲可 部 是他平日涵養本原 春秋 義 只 迹 時看《春秋》,黄 何 左傳 JII 0 如 以 問 恕 此 以 之言 伊 物 看 兩句 褒貶 讀 ,概之以義 E 》首尾 JII 經別傳 史樣 傳 何? 朱子 爲 **左** 而 更 論 即 否 爲 權 何 傳 難 看。 意思貫 日 案, 以 春 日 之真 ? 》法 説 肾 傳考 秋 日 警 問: 如 此 便 在 經 》傳 偽。」○問: 隅 通 人 義 未是 也 是 心虚明純 經之事 程 問 犯 爲 爲案,經 方能 亦有 也 見 人 子「以 某 也 合宜 斷 不 自 罪 只 如 不可 得。 時 略 迹 何 是平 看 傳 性 見 此 爲 本 也 以 看 考 春 自 聖 0 考 剛 如 斷 則 處。 經 心 經 秋 某答 注〕程 者以 人 看 全 何 别傳 之事 筆 看 只 尹 當 權 在 春 日 那 爲可 削 日 是 和 秋 如 量 權 子 問 之真 事 迹 看精密 靖 與 其 何 又 量 理、 説 誅 一之精 當 間 以 謂 Ħ. 以 看 何 云 僞 得 性 事 伊 時 須 不 經 傳 物

危 興 廢 凡 存亡之理。 讀 史不 徒 要 記 且 如 事 讀 迹 高 須 帝 要 紀 識 其 便 治 須 亂 識 安

閉

户不

出

則

於此

爲

中。

權

之

爲

言

秤

錘

之

夢,則 觀其 葉氏曰 得 漢 入關除秦苛 知諸 家 觀高 四 侯 白 王以 祖 年終 法,則知 寬大長者 次 而 叛。 始 漢所以 治 觀 能 亂 繁蕭 用 當 立四 三傑 相國獄 如 百年 則 何 知 ,則知漢之大臣多 基 漢 業。 是 所以得天下。 亦 觀 學 偽 也。 遊 雲

面

項

者煞有是底 多有 成敗 爲是,敗者便以 幸而成,不幸 ,然後却 先 生 每 讀 看 史 爲 到 有 非,不知成者煞有不是,敗 前 不 敗。 半,便 合 處 今人只見成者 又更 掩 卷 精 思 思。 量 便 其 料 以 間 其

出 處 進 讀 退,便是格物 史須見聖 一 賢 所 存 治 亂之機 ,賢人 君 子

然多照管不及,評 惟 唐 印行《唐鑑 鑑》。 以後, 元 〇問范太史文字,朱子曰 祐 中, 無 此 客 論 一部。 有見 議 總意不 論。 伊 盡。 先生日 《外書》。 ĬII 只是文字本體 者,几案間 如《唐 : 近方見此 〇范祖禹字淳夫,著 鑑 》雖是好文字, 好, 無 他 然無精 書, 書,

> 神,所以 説 《讀 史管見》方是議論。 有照管不到 事,末又説别處去。 處,無氣力 《唐鑑 到 》議論弱,又有不相應 後 面 便 多脱 了。 0 處,前 胡 致

斧可 《易》? 不可。 爲非聖人之蕴。 觀 極生兩儀」,自 藴,事事夾雜都有在裏面。 藴 序卦》非聖人之藴 聖人之書 横渠先 知哉? 周子分「精」與「蘊」字甚分明。 今欲安 其間 一箇生出來以至無窮,便是精。 置 生日 某以爲非聖人之精則 横渠《易説》。 須 雖 ,韓康伯 遍 無 物 :《序卦》不可 布 極 問: 説 至 細 猶 密 精 求 〇朱子曰:《序卦》,先儒 如何謂《易 如 義 審 是。 《序卦》却正 處 可,謂 大 概皆有意思 》之精? 謂 況 大匠豈以 非《易 非 聖 〇永按: 聖 是《易》之 人之於 》之藴 曰:「太 人之 謂 則 以

天 規 若畀之一錢,則必亂矣。 湊合此心如是之大,必不能 地 模至大,若不得此 可 天官之職,須襟 謂至大,然不嘗爲大, 心,欲 懷 洪大,方 又曰:太宰之職 事 得 事 也 則爲事 上 看得。 致 釋氏 曲 不得 窮究 錙銖 蓋 難 其

録》。

下同。

〇朱子曰:

天官之識,是總五官者,

,若其

看

方

可。

其 他

五

官

便

易

看

止

職

混

混天下之事,當

如

捕

龍

蛇,搏虎豹,用

看

,蓋無許大心

胸

區處應副

事

到

面

前

便

處不下。 「記得此

況於先事措

置 氏

思患

若不是大其心者,

官庶事,自大至小,自本至末,千頭萬緒。

大,如何包得許多事?

且

冢宰内自王之飲食衣服,外

至五 心不

知

便

2須事

事

物物物

理

會過。

今文字在

面前

尚

且看

不得

況

下將心頓在無用處,

才動步便疎脱。❶

所以吾儒貴窮

理

豫防,是著多少精神?

所 且

以 區

復忘彼」。

佛

只

合 致

包羅、記得此、復忘彼。 也。 心 其 力 語 追迎之意,是將自家意思去等候詩人之志來,等得 合。 來,自家便迎接將來。 此是教人讀書之法,自家虚 今人讀書都是去捉他,不是逆志 心在這 裏,看 他 道 來自 理 然 如 何 相

九〇

雍, 箇大底心胸,如何看得? 大。 何只説《尚書》? 欲 箇三百六十五度四分度之一 解 展開是大小大,分命羲和 如《堯典》自 義, 尚 **| 書 | 難 |** 則無 「克明俊 朱子曰: 難 看 也。 蓋 德, 問: 他書却有次第、《尚 難 底天,方見得 「定四 以 得 他 親 書 胸 時成歲」,便是心中 九 亦 臆 族」, 須 如 大心 恁地。 至 此之大。 黎 書》只合下便 胸方讀 若不得 民 於 得, 包 變 只 時 如

딛: ○人常讀 則 持此心, 此 張子 心 讀書 書 説得「維 常常 一時 少,則無由考校得義精。 庶幾可以 在, 放 不 持 一字好。 下, 讀 管攝此心 書 則一 則 蓋 終 ,使之常 不讀書, 時 看 德 義 性 存 則 理 有 此 不 心 懈。 蓋 見。 便 書 無 以 讀 用 朱子 書 維

書 須 成 誦 精 思 多 在 夜 中, 或 静 坐 得 見詩人之志? 之。今以艱險求《詩》,則 志」也。 許多事在 古人能知《詩》者惟孟 面前,如何奈得他? 夫詩人之志 [本注]詩人之性情温厚,平易老成。 至 須襟懷大底人始得。 平易,不 已喪其本心, 子,爲 - 必爲 其「以 艱 何 意 險 由 求 逆 本

去 0 「步」,原作「少」,據局本改

詩道

其志。

〇朱子曰:

「以意逆志」,此句最

好。

逆是

前 故

以

由見得。

詩人之情本樂易,只爲時事拂著他樂易之性

平地上道著言語

,今須以

/崎嶇

求之,先

其

心已狹隘

7

則

無

易記。 之。不記 每見每 所 知 新 以 則 觀 思 益 不 書者釋己之疑,明 則學進矣。於不疑 起,但 通 貫 得 大 原 己之未達 後,書 處 有 疑, 亦

説讀書須是成誦,今人所以不如古人處,只争這些子。 記不得,説不去,心下若存若亡,皆是不精 方是進矣。朱子曰:讀 ,故曉得,今人鹵莽,記不得,故曉不得。 書須是成誦方精熟。 不熟之患。 緊要處慢處皆 今人所以 横渠 古人

處,不至走作。 説 須成誦 記不起處,方可別换 ,最爲徑捷。 ,自然曉得也。 然亦須 蓋未論 一書,乃爲有益。 足專 看得義理如何,且 〇近與學者講論,尤覺横渠成誦之 精研,使 若但輪流通 是收得此 書通 透爛 念而 心 熟, 有 歸著 都 無

記得

到這裏方是長進。 習,乃爲佳耳。 ○讀 書無 疑 者 [須教 (有疑, 有 疑 者 却 要 無 疑。 不精

",則亦未免枉費工夫也。

須是都

通

透後,又却

如

此

温

長 得一格,則又見得 别

六經須循環理會,義

理

儘

無

窮。

待自家

其言互相發明。 朱子曰: 如《中庸》文字輩,直 横渠謂 須 旬 讀 中 句 理 庸 影如 一會過, 此,今讀 使

近思録卷之二

《大學》亦然。 十遍。 某年十 七八時讀《中庸》、《大學》, 每早起

須誦

遠矣。 上。 儒未及此而治之,故其説多鑿。問"先生於《春 惟孟子能知之。非理明義精,殆未可學。 且存,取 大法」,得其旨矣。 明義精」「而治之,故其説多鑿」是 秋》未有説。 後世諸儒學未至,而各以己意猜揣,正 《春秋》之書,在古無有, 胡文定本子, 朱子曰: 然其間 與後來 《春秋》是當時 極有無定當、 看 縱未能 也。 唯伊 實 乃仲尼 難 事,孔子書 盡得之,然不中不 處置處。 ĴΗ 横渠所 以 所自 爲 謂 經經 今不若 在 非 世 册 作, 理 子

近 思録卷之三終

近思録卷之四

凡七十條

婺源 後 學江 水集註

也。

《頤

*****卦》傳

朱子 Ė. 此卷存養。

有要乎? 或 問 曰 : 聖 可學 有。 乎 請 ? 問 焉, 濂 日 溪 8 先 一爲要。 生日 可。

者無欲 平 則 通 ; 通 動 也, 書》。 直則公,公則溥。 無 〇朱子曰:此章之旨最 欲 則 静 虚 動直。 明 爲要切,然其 通公溥, 静 虚 則 (明,明 庶矣 解 義

真,兩儀 四象之本,皆不外乎此心,而 日 用 間 自 無 别 用 力

處矣。

明

白,

不

煩

訓

解。

學

者能深

玩

而

力

行

之,則

有

以

知

無

極

之

長。 故《復》之《象》曰:「先王以至日閉 伊 ĴIJ 先 生 日: 陽始 生甚微,安 静 而 關。 後能

> 能盛大。 動,故當安静以養微陽。 《易傳》。 下同。 0 朱子 日 如 人善端方萌, 陽 初 復, 陽 正欲静以養之,方 氣甚 微, 不

形也 ; 動息節宣,●以養 威儀行義 以 養德也 生也; į 飲食衣服, 推己及物,以

以

養

養

食也。 體。 事之至近而 慎言語」以養其德、「節飲食」以 《頤·象》傳。 所繫至大者,莫過於言語飲 〇朱子曰:二者養德養身之切務。 養其

.

則 敬盡於祀事,則雖震而 而 震 威震不足以動之矣。 不自失者,惟誠 彖》傳。 震驚百里,不 ○葉氏曰: 不爲驚。 敬 喪匕 匕所 丽 以載 已。 鬯。」臨大震懼,能安 君子當大恐懼,中有所 鼎 此 實。 處 鬯, 震之道也。 秬 酒 也。 È 誠

牽於前而求其止,不可得 人之所以不能 安其 (止者) 也。 動於欲也。 故艮之道,當 欲

0 「息」,原作「静」,據局本改。

九二

可

勞

傳 分曉

》説

「艮其背」是

「止於所不見

日

伊川之意,如説

閑 易 得

「艮其

背」,又

自

有

異,

想

是

照

顧

不

到。

問

是此意,伊川説却

不

同。

他解

「艮其

一上,止其所也一,又説

惟背不能

動,止

於背是

止

得

其所。

明

道《答定性書》舉

其

語

不見人。

無己無人,但見此道理各止其所也。

〇人之一身.

所即至善之地。

「不獲其身」是無與於己,「不見其

人」是亦

處,下句止字是解艮字,所字是解背字,蓋云止於所當止也

曉,「艮其止

Ŀ,

其

所

也」。

上句

`止字便是背字,

止

是當

止

之

艮其背」爲「止於所不見」,竊恐未然。

據《彖辭》自解

得分

乃安。 其 至 無 見 艮其背」,所見者在前,而 我則 也。 近 庭 不 不見其人」,庭除之間 如 「不獲其身」,不見其身也,謂 見,謂不交於物也。 止於所不見,則 止矣。不能無我,無可止之道。「行 是而止,乃得止之道,於止爲无 無 欲 背 至近 外 以 乃背之,是 物不接, 亂 也 一,在背 其 心, 忘我 内 則 耐 所 也 咎 欲 雖 止 不 《遺

不留 思。 物 邪存誠」"如所謂 外既無非禮之視聽言動,則內自不見有私已之欲矣。 疑,外物豈 不接 聰明 ○問:外物無有 ,内欲不萌」,伊川之説,只是 二,此意亦自好,但 能不接? 「制之於外,以安其内」,如 但當於非禮勿視 絶 而不接之理? 《易》之本意未必 非禮勿 聽言動 日 所 是如 視 此 四四 謂 聽 [者用 此。 言 段 動 力。 亦 一亂色, 〇「外 有 底 可 意

明 道先 生日 : 若不能 存養, 只是説

放心 是要收放心。 講學讀書 賢千言萬語只是收放心」。 只是知求,則心便在此,便是反復入身來。 何會收得轉來? 服膺而勿失也。 此孟子開示切要之言。 上達」也。 約之使反復人身來, 聖賢千言萬 事。 ,所以致知力行,以至習禮習樂,事親從兄,無 程先生説是如此 朱子曰:「學問之道無他,求其放心而已矣」, ○學問之道 〇明道只是大概説 只是莫令此心 語 程子又發明之,曲 ,皆所以 ,自能 曰: 只 〇看 是欲人將已放之心, 講學讀 逐物去,則 尋向 求放心,不是學問 「自能尋向上去,下學而 如此。 香固 上去,「下學而 盡 0 此 若已放之心,如 是,然要知 其 問 心便在 行指。 明 學者宜 只 道 這 有 非 所 聖 只

非能

爲物

作則

也,惟

止之各於其所而已,此説甚當。

至謂

也。《艮・彖》傳。

〇朱子曰:《易傳》云「能使天下順

治

書》。下同。

上達」二句,必不至空守此心,無所用也。

養心 戒 無 動 直内」,是涵 事 目 耳。 時 息 之於禮、左右 如何 籲 皆有所養。 但 問 存 存 養意。 養得熟? 此 每 常 涵 遇 起 養 籲字端伯 今皆 居,盤 意, 事 曰 : 廢 即 久 ,程子門人。 能 則 此 盂 古之人,耳之於 自 知操存之意 几杖,有銘 獨 熟 有 矣。 理 義 敬 之 有

之水 器 則外物不能 外 主,便已是實了,卻似多了 面 面 此 入水 又一 患 空 Œ 疎 不 中 如 吕 能 水水 小水自 盗 人至矣,左右前後驅 與 破 叔 屋 入,自 何 固 嘗言患 中 ○永按: 能 然 易 - 禦寇 然 人。 人 無 來 與 思 東東 無緣作 事。 ? 若以一器 後條 實字。 慮多 蓋 面 朱子曰: 有 看 中 7,不 主 得主定。 逐 來 人來 有 則 八這箇 不 能 實之以 有 主 暇。 主則 驅 未 則 實字謂中 除。 逐 實 實 又如 蓋 水, 得 既 實 其 日: 有主 言有 則 置 虚 四 西

邢和叔言吾曹常須愛養精力,精力稍不

言尚 足 則 倦 可 見,況 所 臨 臨 事 大 皆 事 勉 乎 强 ? 而 邢 無 恕字 誠 意 和 0 叔 接 賓 客 語

此 心在這裏,若事物之來,且隨 雖 盡 心 到得細密 也。 心,只是全得此心,不爲 ,若事物之來,不 不中不遠矣。 明 此等當以 道 的 當,止於至善 先生 意會 曰: 朱子曰 .處。 學 可 私 自家力量應之,更須下工夫,方 欲汩没,非是更有一心 不 者 此 此 ·應,但 全體 亦且是爲 亦是 言其 此 隨 初學言。 心。 大概 分限應之, 且 學 能 存 雖 體 得 未 此 此

下 語。 居處恭, 聖人元 無 執 事 敬, 語 與 朱子曰: 人忠」,此 告樊遲 是 三語 徹 L 便 徹

得。 以自得矣。 朱子曰: 迫,當栽培深厚, 己,是謂 顔淵、仲弓都無異,故云「此是徹 但急迫 伊 「栽培深厚 栽,只如 川先生日 苟急迫求之,則此 求 種得 之, 如此 只 涵 學 物 泳於 是 而 在 者 心已自 優游 此 私 須 但 己,終不足 其間,然後 上徹 涵 敬 1躁迫 涵 泳 守此心,不 養持守之功 下語 於其 紛 亂 間 則 只 以 미 是 浹 繼 達 私 治 以 口 繼不 道 己 偂 自 而 有

積慮 已,終不能 他 只 (是私 緩 優 意而已,安足以入道? 將 游 去,自 涵 泳以 然透 達 於道。 熟。 若 ○道 急 迫 運本 求之, 自廣大,只 則 是起 意 是 去 潛 趕 心

則

是正心 古人以黑白豆記起念善惡 敬 不 二句 -敬」亦兼正容言之。 E 循 明 誠 意。 也。 道 而 行 先 0 朱子 之,安 生日)永按: İ "「思無邪」,「毋不敬 思 得 「思無邪」是心正意誠。 未 ,久之而黑者漸少漸無是 有差? 能 無 邪 者, 有差者,皆 亦 當 勉 强 禁止。 也。 毋 不 由 只 敬 此 毋 不 如

端 私爲之恭」,言恭只是人爲,「禮 理 禮,是自 勞」也。 生, 加 何 ",言語: 故 只 亦是太以敬來 今學者敬 是天 不 朱子曰: 恭者 必 自 然底道 理 E 在 者, 私 也, 「只是心生」,言只是 而 理 如 非 爲恭之恭也。 不 須 做 此 也 是 是 自 事 道 本 得, 只恭而 得重,此「恭而 者 恭 獨 無 非 又不 而 善其身, 私 體 安」。 意, 敬 之禮」,言只是禮,無 不爲 禮者 安者 心 只 不熟也。 自 是 要人 今 簡 容 然 非 無 只 道 貌 是 「恭者 循 底 體 禮 之 道 則 理 如 必 心

收

미 捉 摸。 故人爲之恭,必 ?循自 然底 道 理 則 自 在 也

原。 患。 焉」 孤。 且恁去, 爲外物侵奪。 理,所以不可 持,不可 恁去,其説 存,舍之則亡」,然而持之太甚,便 礙,左右 病 斂 IE 耳。 今亦當且就 然程子嘗曰 丽 一德 則 是 今志於義 ,猶愈於不能執捉者。 説 正之也。 入於著力,從容游 剩 道 蓋曰雖是 逢 不 靠,易爲外物侵奪。 持之太甚 ○助長固 孤 其 整頓收斂處著力 箇 亦 原 理 須且 必 必 也 亦須 助 有 ,便放下了。 而 是不好 有事焉而勿 自 之長」。 泳 心 朱子 鄰 此 H 又墮 ○《答吕伯恭 不 去,到 一恁去, 然合下 日 安 若是處多,不是 到 但不可 於悠悠」, Œ, 德 德盛後 Œ, 樂 德 雖 孤 未能 如 預 只 亦 者 盛 則 用意安排 》 日 : 是 須 期 此 到 後, 自 心 是 此 單 且 也 何 從容 者 正學者 然左右 T 恁 一必 承 也 處少,便 自 只 操 有 地 0 喻 處 ? 把 亦 這 無 是 之 有 之通 逢 亦 此 捉 須 德 室 則 此 事 即 其 頓 道 且 須

中。 敬 敬 而 不 無 可 失, 謂 便 中 是 但 敬 喜 而 怒 無 哀 失 樂 未 即 所 發 以 謂 之 中

成

心耳 也。 在中,而 做工夫,此理方著。 此 0 失,便不偏不倚, 時,敬以持之,使此氣象常存而不失,則 而 敬 如公不是仁,然公而無私則仁。 無失則不偏不倚 故程子於此,每以 而無失,本不是中,只是 朱子曰: 無所偏倚。 未 只 發之中,本 ,斯能 此便是中。 〇此 子夏之言本不如此,程子取其有會於吾 敬 启持敬 中 而 矣。 體 無失」爲言。 敬 自然, 而 〇只是常敬,敬即 曰:説得漫了。❶ 而 又曰: 無 無 間 失 术 斷 ,便見得 自 須 中是本來底,須是 〇吴伯 此 窮 則喜怒哀樂渾 加 索。 發 中 者 只敬 豐説: 但 所 底 必中 當 氣象。 以 而 此 中。 敬 之 伙 無 節

便忘是馳也。 也。 天台之赤城, 嘗著論八篇, 言清浄無爲, 坐忘遺照之道。 朱子曰: 司 馬 子微嘗作《坐忘論》,是 ○葉氏 他只管要恁地虚 E 司 馬 承 静都 貞字子 無事,但 微,唐天寶中 所 只管要得忘 謂 坐 馳 隱 居

心 意數之,己尚不 把捉,越不定。 聲言數之,乃與 伯淳昔在長安倉中間 疑。 朱子曰 初 再數之不合,不免 數者無差。 "人心至靈,主宰萬變,而 坐,見長廊 則 知 柱 令人 越著 一,以 非

> 物所 便不直矣」之云也 指示學者操存之道 所以每言「坐忘即是坐馳」,又因 能 宰。 故纔有執持之意,即 ,則必 日 敬 以 默數倉柱 是 直 此 内」,而 心 先 又有 ,發明 自 動 其説。 了。 「以敬 此 直 而其 程 子

君 心 牀 此 欲爲不善,又若有羞惡之心者。 摇 渠先生之弟。 大可驗。 中常若有兩人焉,欲爲善,如 爲「中」所繫縛,且「中」亦何形象? 有 生奈何? 張天祺昔嘗言自約 來制 便不 正交戰之驗也。 實自謂吾得術矣,只管念箇 無須臾停,所感萬端。 人心作主不 得思量事。 縛,亦須寄 要之聖賢必不害心疾。 可馬温 定,正 公字君實。 寓 不思 持其志,使氣 在 如 量 箇 〇朱子 若不 事 形 有惡 箇 後, 象,皆非 「中」字。 數年, 做 翻 日 須强 張戩字天祺, 本 以 不能 車 天棋雖 爲之間; 無二人 箇 自 把 流 亂,此 自然。 人胸 此又 他 E 轉 是 這 著 怎 動 硬

❶ 「漫」,原作「慢」,據局本改。

裏面 死守 更生 捉,且 理 出 旋旋去尋討 把定得一 會。 頭緒多。 譬如 箇 物 事 在 他所以 人有箇家,不自作主,却倩别人來作主。 箇 中。 説終夜睡不得,天祺是硬截,温公是 這 伊 ĬII 裹。 則日 温 公又管念箇「中」字,❶又 「持其志 二,所以 教人且 0 就

程子 意不誠,3分明是吾之賊。 謂一 心之中 如有 兩人,正 我 、要上 是言意不誠、 他 |牽下來,我要前 心 不實 處。 他 大凡 拖

後。

此最學者所宜察。

意也 之間。 好, 作意令好,則愈不好,是助 只此是學。 明 朱子曰: 道 先生 若如此説 日 : 問: 作字悤悤,則 某寫字 則 也。 (只是要字好矣,非明道先生之 以 此知 時 甚 持敬者,正 不成字,是忘也。 敬 非是要字 勿忘 勿 或 助 少

此。 皆出於養之不完固。朱子曰: 今人忘事 常人記事忘事,只是著意之故 伊 ĴΠ ,以其記 先生日 : 事。 聖 人不記 不 能記 聖人之心虚明 事 事 所 處 以 常 事 故 不 記 能 精 得 如

È

博 求 之民 明 道 先 間 生 後 在 因 澶 出 州 日, 人,見林木之佳者,必 修 橋 少 長 梁, 曾

近

思録卷之四

子曰 有 事 起 0 計 條梁,不知今人有幾條梁在肚 . 問: 度 事 如何 之心。 凡事須思而 不思? 因 但 後 語 事 通 一、安可 以 過 則 戒 不 謂「心不 學 裹 留 者, 於 心 可 心 可 也 有 不 可 明 事 道 ? 有 肚 朱 裹

敬者」,蓋敬則胸 著意,不著意如 何緣見得 敬者」。 下 不 是如此 心存,心存則理具於此,而得失可驗,故曰「未有致 面 -0 間 無 可 不 都 制。 在敬者。 成 一物是合少得者,不 伊川先生曰: ○「未有致知 〇問 ,然亦須格物,不使一毫私欲得以爲之蔽,然後胸 無 道 、理會。 理? 不是事累心,乃是 「未有致知而不在敬者」,曰 何理 次 如理 須是理會這事了, 今人主心不定, 虚 而 一會得 明 不在敬者」,此是 會 ,然後能 7分曉? 入道莫如敬,未有 這 件事未了,又要 格 可惡也。 ○問:「未 物 心 而 方去理會那 大綱説 累 視 判 其 心若走作不 事 心 有 朱子 是 (去理 要 如 致 非。 知 當 能 窮 事 知 寇 日 會 而 理 而 \Box 賊 致 知 那 須是 敬 不 須 不 定 事 天 知 在 則 而 次

又」,局本從洪本作「只」。

0 大」,原作「太」,據局本改。

九七

之心。 應則 方得 不如此者。 格物致知爲始。 純熟,固已久矣。 程子曰:「人道莫如敬,未有能 然後敬有所施。 由 向 「但存此久之,則 小學進於大學,其於灑 來謂必先致知,然後有以 反 虚 案 明。 事 ○葉氏 ○《答胡 耳。 天 則未知以 今人未嘗一日從事於小學,而曰必先致知, 0 是以大學之序,特因小學已成之功,而以)永按: 日 理 廣 明 仲 事 帰應 ¥ 至當應, 何爲主, 天下事 推 用力於此。 對進 而 致知 敬之一字,真聖學始 L 皆 之,古昔聖賢之言 退之間,持守堅定,涵養 初 面 而不在敬者。」又論 何爲 不 格物以 可 疑若未安。 累? 少,不可 致 其 顧 知 心 也。 終之要。 有 蓋古人 無主 亦莫 厭 敬 故 事 云 是

人也!
人只有一箇天理,却不能存得,更做甚

從而 定。 他事 於仁」之類。 不能: 誅之,舜 要作得 人多思 使物各付物。 心主定,惟是止於事,「爲人君 慮,不能自 如舜之誅 何 與焉? 四凶, 寧,只是做 人不 物各付物, 止 四 一於事 凶已作惡,舜 他心 ', 則 主 是役 是 攬 止 不

> 物。 迹。 也。 則」,須 而 不止其所當止,是以己之私 是則役物而 物各付物者,物來而 爲 是 物 止 所 一於事 不爲物所役 役, 則 以上 應,不 是 智攬 役 並 過 伊 於物。 其則 他 JII 事,而 語 物 0 往 不 能 葉 有 ൬ 物 氏 化,不 物 各付 日 必 應事 滯 物者 有 其

(無誠處。 不能動人,只是誠不至。於事厭倦,皆

聖賢 賢如 此 而言 静後見 ,吾人胸次豈可不見此境界? 否? 潛 萬 室陳氏 物自 日 然皆 觀 物 有春意。 會心,静 静却不分聖賢 者 問: 能 之, 此 還 固 是 是 指

平。 容周 育, 聖人「修己以敬」,「以安百姓」,「篤恭而天下 承 達順」之道 大祭」。 氣 旋 孔子言仁,只 惟上下一 無 中 不 禮」自 看其 和 一、聰明 於恭 四 然。 氣象,便須 説 靈 睿 敬,則天 何 惟 知 出 有 皆 慎 門 由 不 獨 如見大賓,使 心 至 此 地 便 ? 出 是守之之法 廣 自 [位,萬: 體 此 以 胖」,「動 此 事 物自 民 信 天 如

之所以不聰

不明

,只緣身

心惰

慢

便昏

塞

了。

敬則

虚

静

自

者,皆 敬則 此發 是無 致中底意思,「達順」是致和底意思。 之天下而 詩可見。 明 之人有以感發興起之。 是常能存得此心,便能如此。 民 中禮」,是平日功夫方能如此,②非 得箇意思,●方謹獨以守之。 也。 不有自然勉强之異? 地,不是獨修於九重,而天下之人侮慢自若也。 上之人、下之人也,「同 睿智皆由此出,這是自誠 如承大祭」,便能如此。 出 能 這般處要寬看,識得他意,不可迫切求之。 一毫之僞, 由 ,所謂和 「體信」「達順」。 何「皆 敬 〇「體信 無所不通 出 由 「以 者「天下之達道」。 此出出 達順」是 一是實體此道於身,「達 也。 此事 ? 朱子曰: 「體信」是忠,「達 寅協恭」? 大饗 〇信是實理,順 ○「體信 發 日 티 : 而明。 而皆中 帝」, 〇問: ○惟上下一於恭敬,這却是上 且看敬則 自這裏做去,方能如此。 程子之言,舉敬之極 是 此 ○問: 節, 0 日 「心廣體胖」、「動容周旋 盡這 則 此《禮記》中 旦 「聰明睿 無 敬 是和氣。 出 如何不會聰 順」是發 至誠 聖人之敬,熏天炙 「上下一於恭敬」, 順」是恕。 也。 物不得其所。 門如見大賓,使 智皆 0 道 如《漢廣》之 〇亦須先見 問 理 語 「體信」是 而中節,推 1由是 言 「體信 順 明。 致 聰 I能恭 即 而 出 顣 只 明 自 人 言 問: 0 子 之效。 慮 辭

何以爲明? 然通達。 ?,雜進 而 得其宜? 而不察,何以爲聰? 0 且 睿智皆出於心,心既無主,則應事接物,何 以一 所以此心常要肅然虚明,然後物不能 國之君看之,此心才不專静 亂色諛説之容,交蔽而 , 則 姦 莫辨 以 聲 思 佞

問:

孔子告仲弓,方是持敬底事。

程子如此

説,豈

敬中有誠立明通道理? 曰:然。

不愧屋漏,則心安而體舒。葉氏曰:此存養熟後,泰然行將去,便有進。

獨

却否? 則 在此,則心合在此。 在這裏? 裏,若慮事應物時,心當如何? 裏? 此 心亦不管著? 心要在腔子裏。 朱子曰:得之。〇人心終日放在那 日 孟子所以只管教人求放心。 敬便在 腔子裏 曰: 日 然則 固是要如此。 問: 方其應 日: 心要在腔子裏,莫只是不放 接 思 〇問 慮應 時 〇問 則 心在 接不可廢,但 裹去? 4 如何得 心 事 要 在 得 在 事 腔 幾 腔 去 身 子 時

只外面有些隙罅,便走了。問:外面有些隙

「先」,原無,據局本補。

② 「功夫」。局本從洪本作「用功」。

00

罅便走了,莫是功夫間断便外馳否? 朱子曰:此心才向

係也。 隅。 不死之謂。 問:心如何是活? 〇活是生活之活,對著死説。 人心常要活, 〇人心活則周 則 朱子曰: 流,無偏係即 周 流 心無私 無窮,而 天理存則活,人欲用 活。 便可推行。 憂患樂好 不滯 於一 ,皆偏 活者 則

死。

周流無窮,活便能

如此

敬。 造化。 是息也。 見得心之實處流行不息。 説,敬則這 人難曉。 來説己意。 中」,只是敬也。 「子在川上」章,也 但 天理只是直上去,更 一明道 明 聖人本意只説自然造化 就天地之間言之,是實理,就人身言之,惟敬 〇天地也似有箇主宰,方始恁地變易,便是天地 道先生日 一説得 道理 〇問: 寬。 流行,不敬便間斷了。 是這 不知易何以言敬? 敬則 :「天地設位,而易行乎 一念不存,也是間 意思? 無四 敬才間斷,是不誠,不誠便無物。 無 流行。 邊滲漏,更無走作。 間 日 斷 固 程子是將來就 **E** 前輩引經文,多是借 是。 朱子曰: 易是自 斷 程子説得 天地與 事 有差,也 聖人一 ○問: 人 闊 然後 八身上 ,使 其 底 然

毋不敬」,可以對越上帝。

敬勝百邪。朱子曰:學者常提醒此心,如日之升

群邪自息。

直也。 直内, 看。 一。 티 : 義以 程子是移將去敬字上説,非《孟子》本意。 勿正,二程多主於敬? 二字,從上説下來方順,「以敬」則不順矣。 但從一 亦是仁也。 ○問: 方外」,則無 則便不直矣。「必有事焉,而 敬以直内,義以方外」,仁也。 問 以敬直内則不直 路人,做到極處,皆是仁。 「敬以直内、義以方外」,如何便謂 若能 毫私意,而仁自在其中爾。 到 日 私欲浄盡、天理 :《孟子》本 何也? EI: 〇此 無敬 流行處,皆可 此是 〇問: 亦言 字, 解 之仁? 勿正」,則 這 只 敬 必有 一般處 若以 「直」、「方 有 以 直 事而 要寬 謂之 内 敬

涵養吾一。葉氏曰:心存則不二。

夜。』」自漢以 之心,「純亦不已」也。 有天德便可 子在川 語王道,其要只在慎 來儒 Ł 曰 者皆不識此義。 『逝者 純純 如 亦不已」,天德 斯 夫 獨。 此 間 見 不 含書 程子 也

是間斷

蓋道 是耳。 後人多無天德,便做王道不成。 有天德則便是天理,便做得王道, 聖人之意本如此也,亦曰非其心之如是,則 程子所謂 之心也。 息之體 見川流之不息,嘆逝者之如斯,原其所以然,乃天命流行不 有這物事,韓退之雖知有這物事,又説得太關疎了。 氏 謂 純亦不已」之心。 自 . 却略窺得上面些影子。 無 獨,便去隱微處間斷了,如何得與天地相似 漢以來儒者皆不識此義」。 朱子曰: 其日 時 謹獨所以爲不已,學者之事也。 惟聖人之心默契乎此 而不然,惟 「純亦不已」者,果聖人之本意乎? 「其要只在慎獨」者,言人欲體 〇川流不息,天運也。 慎獨則可以 自漢以來儒者,如 無所間 ,故有感焉。 ○謹獨與 無天德則是私意,是計較。 斷, 「純亦不已」,聖人 這裏何 〇問: 是不曾識 而 無以見天理之如 此 仲舒 日 於此可見聖人 不 道當如此也。 一虧真 相 川上之歎, 程子非以 語只約 關? 〇聖人 體。 得。 若 \bigcirc 佛 度 頭

事 今人平日講究所以 後,自能了當得天下萬物。 了,猶爲 「不有 後二句又是復解此意,在乎以立己爲先,應事爲後 化物。 躬, 治國平天下之道,而自家身已全未曾理 無 不得 攸利。」不立己後, 以 天 下萬 朱子曰: 物 撓 此程子解《易》 己, 雖 己立 向 好

雖向好事,亦只是見那事物好,隨那事物去,便是爲物所化。在這裏了,「新民」只見成推將去。○己不立則在我無主宰,會得。若能理會自家身己,雖與外事若不相接,●然「明德」

伊

川先生曰:

學者患心慮

紛

亂,不能

盛

著,可以用功。 址。求此心正爲要立基址,得此心有箇存主處,爲學便有歸頭儘有商量。朱子曰:學者不先立箇心,便似作室無基預、此則天下公病。學者只要立箇心,此上

去妄則 是主 但 邪則誠自存。 善來存著,如 誠 存著。今人外面役役於不善,於不 便存。 惟 一也。 是動 閉邪則誠自存,不是外面捉一 無妄矣。 永按:人性本善,故人心本誠。 容 主 貌,整思 故 此則豈有入善之理? 故孟子言性善皆由内 誠 非外 則 既 鑠。 慮 不之東,又不之西,如 閑 則 邪 自 更 然 著 其有邪者妄也 生 一敬。 甚 善中 箇 出 工 只 誠 敬 夫? 是 尋 將 只 只 爲 閑 來 笛

●「與」,原作「無」,據局本改。

是内。 説 者,最 齊純 有甚 之類 底道 主 主 問 敬時,其心收 敬有甚形影? 以 是則只是中; 靖 人神 亦 此 直 事 動 是。 理 只以收斂身心言之。 ,皆是敬之目 今人做 朱子曰: ○聖人言語 是敬之一 内」涵 ,不恁地 如 而 祠云云,最 也。 須 無二三之雜者, 然程子論主一却不然,又要有用,豈是守塊然之主 存此 只 還 主 這 他 日 如畏字相 斂,更著不得毫髮事, 做 養此意 字 逐 只收斂身心,便是主一。 萬 則自然天 放縱, 事 這 兼 報切 有力。 幾 既不之此,又不之彼,如是則 到程子始關聚說出 當 動 未了,又要做那 件 事,且 初未曾關 須要並 静 便 似。 理 直 而言 Ė 是敬。 會。 ○敬 今人若能 ○這心都不 做一 此 不 内 理 應。 〇問: 字只 是塊 聚, 事 也。 是本。 一明。 〇程 日 日: 如説 專 著 然 -非 或 做了這一 静 事,心下千頭 先生 是。 主 兀 學者須是 著 人專守 ൬ 此 畏 坐 簡敬來教人。 且如人到 [本注]尹 見」「寳」「承」「祭 日 無邪妄之念者,亦 心 字形 所以有功於後 〇或謂 ៣ 只 物 萬 何? 幾, 、收斂身 主 事,却 便 便收 容 收斂緊 也 主 萬緒。 神 彦明 亦 〇問 將 得。 祠 斂 無 做 心 然敬 不 並 那 中 0 日 密, 主 敬 只 雕 整 應 是 0 致 他 故 主

無此子 路。 只是説静時氣象否? 〇心主這 空 罅。 若這 事 ,不爲他事 事 思 日 量 然 一未了,又走 所 亂 便 作 是 不 那 容 邊 去, 物。 1 便 問 成 此 兩

他,只 熟味 了。 明。 尊瞻視」,此等數語 非僻之干。 有 子又有 天理,但常常整頓 肅,此心便存,便 自 意異 有賊,今夜須防他。 以 既 「整齊嚴 朱子曰: 閑 然不費 ,故不録 一則邪自不能人,更不消説又去閑 是整 條: 爲 邪 難見, 則 肅 主 安排 齊嚴肅, 只是覺見 固 能惺 此意但 「嚴威 起 似 而 而 不可下 思 惺。 則便惺了,不須更説 矣,然 身 「持其 實 嚴格 慮自 邪 心 加功 則 ○才整 涵 肅 在 志」,閑邪 心便 然 這 養久之, 工夫 馬 主 動 裹,要去閑 表 〇持敬之説,不必多言, 頓 容貌 則 裹 起 ___ 如如 所 似 則 如 處 謂 整思慮 「無暴 不 何 便是 邪。 則 矣。 防 直 他 消 賊 ? 内 天 則 其氣」。」 天理。 則 恰 0 一元正 言 理 自 0 如 這 永 所 閑 整 知 心 自 是 者 謂 衣 邪。 無 齊 得 便 冠 然 無 無 主 伯 别 外

有言:未感時,知何所寓? 曰:「操則

所寓? 所以 内 存 待自見得。 也。 ,舍則亡,出 道只有操而已,只操便是主宰在這裏 朱子曰 只是有操 若未應 時,❶又更 這 無 處難説 而 時, 己。 操 ,只争這些子,只是看 莫知 這 操之之道 所 其 寓, 鄉」, 便 是 一,「敬 有 更怎 兩 笛 來看 以 生 物 去, 事。 尋 直

物畢 能 患 他 來 有 此 見 日: (只管求静,遂與事物不交涉,却説箇敬,云「敬 奪 主則 其 知 事 不 周子説主静 惟 之。 更不 交感萬 照,是鑑 紛 思 學者先務,固在心志, 是 則 虚 亂, 心有 則 虚 能人者、事爲之主也。 大凡人心不可二用, 自 是 則 虚 物, 謂 ,正是要人静定其 之常, 須 主。 静,不 絶 邪 坐禪 難 聖棄智」。 不能 如 爲 難 人定。 可把虚 何 使之不思慮。 爲使之不 人 爲 心, 無主 然有 主 ,自作主 如 有 静 ? 明 用 欲 唤 列 照。 謂 於 敬 事爲之主, 鑑 屏 幸。 實 做 欲 則自 而 在此, 事 去 敬。 人心 若欲免 屏 程子 實謂 已矣。 思 虚 去 静」。 又恐 朱子 慮 物 不 萬 則 聞

> 不可 實而 實」? 矣。 得 主字上。 得。 則實」,此實字是好字,指理而言。「無主 乎 尚 却人來實其中,安得不謂之實? 好字,指私欲而言。 中,義理甚實,便是實。 鶩走作之意。 語須力行之,方見得真實意味。 皆是敬之事 適之謂一。 而 ? 無 何? 泥看,須看大意各有不同始得。 奸之也。 〇「有主則實」者,自家心裹有主,外患所 至於不 思慮 朱子曰: 所謂敬者, 「有主則虚」,重在敬字上,言敬則自 「無主則實」者 紛 持守得 〇程子既言 也。 且欲涵泳主一之義,不一則二三 敢欺,不敢慢,「尚不愧 有 擾之患 主於中,外 以 問: 定而不馳 理爲主,則 主一之謂 〇心虚則 一、若主 ,自家心裏既無以爲之主 程子謂 「有主則實」,又言 邪 驚 0 理實 不能 「有主則虚」、又謂 〇中 此心 走作,即 一於敬 無適只是持守得定,不馳 敬 〇主 虚明,一毫私意著不 人,便是 3 有 心實則 則實」,此實字是不 所 是主 :主則 又焉 一」「無適」,此等 謂 虚静, 不能入,此非 於 理 實」, 虚。 È 虚 崱虚 屋 有 者, 「有主 則 有 È 故 此 漏, 此 外邪 邪不 有 主 重 無 患 即 此 在 則 主 於

● 「應」,局本從洪本作「感」。

問 復有一 思此 心便存,心 件,亦無雜然而應之理。 是敬,只是 主 而不滯於一隅」。 有敬也。 伊川言「主 者,何嘗滯於一 問: 事 事 却是滯於 至,則 ,又别 思其所當 存則 敬主於 當如 物 思 一」「無適」 相 或疑主一 來 隅。 思 事? 件 何? 順 如 ,做這件事,更不做别事。 非無適之外別有主一,主一 事,便不可。 應 何? 但甚不得已,則權其輕重可也。 曰: 不主一,則 何 則滯,不能周 又謂「人心常要活 日: 有 也須是做一件了,又理 乎 却不妨 滯? 問 方理會此 티 : 流。 方應此 但 不可 固 竊謂 ,則周 事 是。 無適是 事未畢,而 之外又別 '胡思。 主 而 流 然 心 無 留於 則此 會 不走 所 窮, 謂 0 如

永按:嚴威儼恪,外面勉强把捉而已,然致敬却須自此始。嚴威儼恪,非敬之道,但致敬須自此入。

舜孳孳

爲

善」,若未接物,如

何爲善?

論,尤能發明言外之意,學者所當深念。○主於敬,是存養之道,不是但嘿然無言。朱子曰:程子「未接物」之只是主於敬,便是爲善也。以此觀之,聖人

問:人之燕居,形體怠惰,心不慢者,可

此心在這裏,照管勿差失。

令拘 然危 六月 否 ? 然舒適。 瞻視爲先,又言未有 忽,未必真能存得耶。 此心,自然中理,至於容貌詞氣,往往全不加功,又況 合下欠却持敬工夫,所以事事滅裂。 心無不敬 迫, 坐, 中來緱氏 E : 著意安排 ,則四體自然收斂,不待十分著 拘 可 安有箕踞而心不慢者? 迫則 謂 敦 ,則難久而生病矣。 難 「箕踞而心不慢者」,如此乃是至論。 篤 閒 程子言敬,必須整齊嚴肅,正衣冠,尊 矣。 居 中某嘗窺之,必 朱子曰:近世學者之病,只是 學 者 其言敬者,又只説 須 恭 意安排 敬, 昔吕 見 但 而 四 心慮 其 與 體 能 儼 可 叔 自

是也。 且 如 在宗 思 慮 如發不以 廟 雖 則 多 ,果出 主敬 時,紛然無度,雖 朝廷 於 Ī, 主莊 亦 無 軍 害 IF. 旅 否? 亦 È 邪 嚴 此

又問: 否? 求之,又却是思也。 喜怒哀樂 蘇 티 : 吕學 季 般 明問 不 士言當求於喜怒哀樂未發之前 可。 纔 發 喜 既 便 怒哀樂未發之前 思 謂 既 之和 思即是已發,「本注」思 於喜怒哀樂未發之前 不 可 謂 求中 之 中 口

止

其

所

也。」人多不能止

蓋

之類是也

易》之《艮》言止

之

便言止。

如「爲人君止於仁、爲

:若言存養於喜怒哀 喜怒哀樂發自 釋氏多言定, 莫是 一始得。 謂 人臣 人萬 時 義 ? 於動 怎 只 發 樂未 至 然 中 畫 日 日 之 静 生言 賢 平 自 固 : 節 日 止 物皆備 H 便 能 日 當 前 且 雖 發之前 有 於敬」 艮 聖 求 是 説 勉 見 静 知 耳 涵 於 則 日 其 人 喜 静 天 强 動 覺 静 ? 無 養 不 之前 中 此 然亦有病,若不得其道,則 於喜怒哀樂之前 到未發界至十分 待喜怒哀樂之發,但有 日: 能 何 思 以 H. 自 得 遇 前,下動字,下静字? 修記 0 慮 須有 專 事 ? 用 先 不 這 「才思即是已發」 爲 蘇 出 時, 不定,或思 功 理 事 得 如 曰: : 昞字季 來 ? 會 物 何, 重 極 時 各 好。 也 得敬 始 此 便 不 曰 : 因 便 一明,張、 説又似 得。 **建**頭 好。 可, 涵養於喜怒哀樂未 ,却是已發。 其 有 或 能 莫若 一事未了 心之所 不 這 此不誠之本 日 這 所思,即 程門人。 句, 不 與 敬 事 : 可以 流於空。 裹 季 拘 主 則 能發明子 先生 出 明 便 延平先生 曰: 思 有 知 同 重 是已發。 日學 加 他 是 慮 此 一於喜怒哀樂未發之 若 者 故程 發之前 矣。 謂之静 日 難 季 思 與 矣。 能 士 事 更 也 謂驗 言外 處 明 子云今只道 0 但 此 應 與與 如 物 互 問 欲 意已極精 日 只是「戒慎乎 或 事 之意。 喜怒哀樂未 叔 各 加 麻 須 則 學 伊 也。 日 出 是 又生 付 其 可,然静 皆 者 JII 昞 如 習 蓋言 0 敬。 云 莫 嘗 此 敬 纔 朱 耳。 求 求 習 患 如 何 便 見 其 發 子 中

便是。

涵

養久,則

當中之時,耳

無聞,目無見否?

裁抑

,於未發之前,當如

何

用

功

怒哀樂未發之前,更怎

生

求

可。

又問:

學者於喜怒哀

樂

發

則

可

求

中

於

喜

怒

哀

樂

未

如

何

日

處。

日:

既

有

知

八覺,却

是動

也

時

如

何。

日

謂之無

物

則

不

미

.

否?

日

固是,然最

難。

地之心。

非

也。

復之卦

面

人説「復

其見天地之心」,皆以

也,安得

謂

之静?

或

日

: 下 聞

目

無見,然見聞之理在

曰 不

〇六

在焉而 見, 問 只 見 底 中 瞌 執 所 有 寂 其目之有見,耳之有聞,則 參之,其誤必矣。 0 又不是 當中時 (是這 然而 復卦。 -要静。 請 持 聞上去。 睡底静 不 ,以其 「耳無聞,目 一静 然須是常有箇主宰執持底在 睹 未發之前 問 在 無 遂廢耳 静 記 這 恐懼 静 可見 而 耳 録 0 復卦 向空寂了。 裹 底。 還 動 所以説得愈多, 但 無 者之罪。 是静 有 間 到 平 丽 便是 聞 目之用哉? 操 無見」之答,以下文「若無事時 當 常自 謂之有耳。 謹 其 一,不 目 存 一戒謹 謂 蓋 中 所不聞」。 獨 得在 之無 -有動 未發 無見」 是 處 有箇主宰執持。 下面 箇 恐懼 0 無 便 問 大翻 時, 意? 好,但 是 物 説復卦 以 當愈益精 方其 愈見支離紛冗,都 但 提 則 ○子思只説喜 發 小 且 轉 其 心 見聞之理 了。 撕警覺 不 **E**: 間喜怒哀樂 院良 未 未 本 爲未有喜怒哀樂之偏 介静 這裏始得。 可, 有 動 形 便 時 當中 不是静-而 物 明 卦 後又説艮卦,又是説 是説 無 動 箇 不可不可 則 艮 謂 物 在 不 時 元理只 動 之無 」始得。 静中 怒哀樂,今却 亦 人卦便是 恐 審 中 綻, 自 是 須見須聞」之説 雖 不 當 未發之前 有 無交涉。 亂, 有 耳 知 是 大 有 作 :動意。 在。 非 及 綱 覺, -動 無 有 豈若心 兩 因 箇 動 术 向 聞 且 m 物。 伊 動 箇 耳, 時 則 放 約 翻 伊 JII 而 周 全 此 輔 是 B 在。 住, 倒 是 若 JH 0 义 謂 後 子 程 向 不 輔 動 如 無

> 能 動

覺須是 説,亦 只是 未可。 覺也。 言静 須是 物乃鏡中之光明? 有。 有物 動,然未發生 天地之心」, 説得 知得 爲比 -是瞑 知 無 常 猶 覺 知覺便 陽 時 動 ,莫是含喜怒哀樂之理否? 不可曉。 醒 以爲坤 然不 在 寒 鏡中之影,鏡未照物,安得 故以爲静中 既 動 ,●不害其爲未 則 到 便 有知 覺得煖。 未可 圃 何 動 是知覺 是。 省。 處 萬物,便是喜怒哀樂未發否? 喜 妨 · 卦純 覺 也。 蓋當至静之時, 却是復。 怒哀樂却 其 伊 好。 若 , 豈可 爲 便是 陰 有 川 知覺須 順 E : 〇問 静 云 而 物 動。 復 然 言 則可 知 不 才知覺便 此 不 只 未發否? 静? 覺 爲 不 是 省 却説得 陽 若喜怒哀 静 、將十二卦 無陽則 動 成 生, 中 愐 箇 但 則 静 便 丽 有 ,何以謂· 物事, 豈 道 是 有 知覺? 有 引 坐 近 以 能 影? 미 動, 心似。 不 理 纔思 日 樂 便 排 喜怒哀樂乃是 復 知 是 何 今未曾知覺甚 是 之未 是。 此 m 便 則 覺 以 在 所 動 瞌 即 便 恐 曰 : 見。 日 見 又 者, 謂 是已發爲 發? 睡 以 説 别 日 天地之心」爲 下 静中 復之一 問 得 然 此 而未有 成 也 面 則 是。 太 問 是 甚 0 E 有 過 静 感 坤 大 問 問 物 比 陽已 復 0 陽 本? 中 物 静 中 所 知 ·, 但 某 若 有 不 則 其 雖 見 知 覺 中 知 而

0 須」, 局 本 從洪 本 作 野 下 同

謂

既

有知覺却

是動」,

何

也

E

未

發之前

須常

恁

底

醒

有 云

别。 習。 作事 間 問: 非 時 不欲 多 方 無 **泺事時** 莫是氣質薄否? 好。 不 È 能 固 蓋 主 ,然竟不能。 專 是 ___ 敬 ,有事時 則 日 有 2 事 日 只 B : 無 敬 是心不定。 事 然, 便 這 皆是如 在 亦須涵 箇須是習。 事 Ŀ 此。 人須是定其 養 所以 本原, 程子答或 程子也 程子 則 説 自 教 八心。 人 到 然 人

問

,末梢這一句

是緊

が要處

耳。 深。 可 朱子曰: 所以多變也。 出 取者。 夢 來。 善學者既謹其言動 神不定,則所夢雜亂, 如夢寐 人於 若心神安定,夢寐亦不至顛倒。 魂與魄交而 胡氏曰:「心爲萬物之至靈,人之所以 夢 然聖人誠存,賢人存誠,則夢治。 顛 寐 倒 間 成寐,心在其間,依舊能思慮,所以 ,而又必驗諸夢寐之間。 即是心志不定,操存不固。 亦 或正或邪,亦與旦晝之所爲等 可 以 ト自 〇胡氏説夢,亦 家 所學之淺 若夫思慮紛 有夢,夢之 有 做

朕兆入夢 要定,使 不害否? 問: 他 人心所繫著之事果善,夜夢見之,莫 者却 曰 : 思 時 無害,捨此 雖是善事,心亦是動。 方 思乃 是。 皆是妄動。 今人都由 凡事有 人心 心。 須

病。 也。 自由 却 説自作主宰耳。 主,而人心聽命也。 存這事,便夢這事,常人便胡夢了。 朱子曰: 曰:心誰使之? 心字是道心,下心字是人心。 似 其意只要此心 思亦是心之動處,但 有兩箇,子細看來只是這一 ,便放去也。 心本是箇動物,怎教他 ○問: 有所主 日 曰 : 問: 「以心 亦是 無邪思可矣。 宰。 孔子夢周公,恐涉於心 如此。 以 以心使心,則是道心爲一身之 〇只 使心」, 箇心。 不動? 心使心則可。 〇問: 是 然觀程 此 夢 句 箇 夜之夢,猶 得其正 心,被 有 「以心使心」,上 先生之意 病 否? 何 他 害? 晝之思 説 動 只 否? 日 得 ر اناء 是 來 無

子曰: 氣,氣壹則動志」觀之,則見內外交相養之理矣。 者各致其功,而無所偏 正,其於存養之功,且將無一 持志,所以 持其志,無暴其 直其内也。 廢焉, 氣」,内外交相 息之不存 則志正 無暴其氣 而氣自 矣。 所以 〇以 完,氣完 防於外 養 志 也 壹 而 也 則 志 動 益 兩 朱

慎言語不妄發,此却可著力。 否? 問: 日 : 出出 須是養乎中,自然言 辭 氣一, 莫是於言語 語 順 上用 理 若 I. 夫 是

薄,而厚爲保生邪? 四 是利,伊川説出來,純是天理。 生徇欲爲深恥。 ,於盛年無損也。 十五十而 先 生謂 後完。 釋日: 南軒張氏曰: 吾受氣甚薄,三十而浸 今生七十二年矣,校其筋 繹曰:先生豈以受氣之 夫子默然,曰:吾以 若他人養生要康强 盛 只 志

把捉不定,故謂之「不仁」。 問:心之本體湛然虚 不定則爲私欲所亂,是心外馳,而其德亡矣。 奪之,而動静紛擾矣。 〇朱子曰: 大率把捉不定,皆是不仁。《外書》。 人心湛然虚定者,仁之本體。 明, 然則把捉得定,其惟篤於持敬乎。 無一 今此但曰「皆是不仁」,乃是言惟 毫私欲之累,則 把捉不定者,私 曰:如此 心德存。 下同。 則是 把捉 0 欲

欲寡則無紛擾之雜而 養之,則所見益明,所得益固。 寡欲二二字。)問: 伊川先生曰: 養知莫過於寡欲」,是既知後便如此養否? 朱子日 知益明 致知 致知者必先有以養其 矣, 在所養,養知莫 欲養其知者,惟寡欲而已。 無 變遷之患 而 得 知。 益 티 : 過 固 有以 矣。 於 此

其不仁,所以致把捉不定也。

得。若一向靠着寡欲,又不得。 於寡欲」,此句最緊切? 曰:便是這話難説,又須是格物方為其道則交相爲養,失其道則交相爲害。○問:「養知莫過得其道則交相爲養,失其道則交相爲害。○問:「養知莫過不分先後。未知之前若不養之,此知如何發得? 既知之後

之驗也。 心定者,其言重以舒,不定者,其言輕以心定者,其言重以舒,不定者,其言輕以

説,謂人身爲四大之合,各有百一 能爲,心則操之在我而已。 家,則是心 明道先生曰: 須教由 自 人有 家。 四百 病也。 永按 四 氣體之病,非人所 四 病,皆不 百 四 病 佛 由 家之 自

伊川 티 : 静坐,如何? 口 不 爾輩在此相從,只是學顯言語,故其 謝顯 每 相應, 盍若行之? 見 道從 人静坐, 便嘆 朱子曰: 明 道 亦是他見人要多慮,且教人收拾此 先生於扶 其 請問焉,日 、善學。 溝,一 問: 程子嘗教人 且 日 静坐。 謂 之

坐做 來,也 心耳。 何 静 外事,故教之如此。 方能收斂。 教人静坐。 要收斂歸 静坐便 便嘆其善學? ,則於二者之間,自無間 有箇著落。 件工夫,則是釋子坐禪矣。 初學亦當 來,也無箇著身處也。 養得 〇明道教人静坐,蓋爲是時 蓋精神不定,則道 本 如 原稍 티 : 若不曾存養得本原,茫茫然逐物在外, 此。 今若無事,固是只得静 定, 這却是 0 雖 斷處。 明道云無可 是 一箇總要處 理無湊泊處。 不 〇明道教人静坐,李先生亦 免逐物,及自 〇問: 但只著 行 諸人相從學中,無甚 伊 時, 坐。 Ĵη 又云須是静坐, 且去静 敬字,通貫動 見人静坐,如 覺 若特地 而 收 坐。 心將静 斂 便 蓋 歸

勉循循 違 者 終是在内不安,才人即便出。 内 間或有出 日多,即是爲客。 〇朱子日 ,所以爲主。 」與「日 日 横渠先生曰:始學之要,當知「三月不 至此 時,然終是在外不穩便,才出 加 内外賓主之辨,在内之日多,即是爲主,在外之 月 不能已,過 ,月至者 「日月至焉」者,心常在外,雖間 至焉」,内外賓主之辨,使心意 ○以屋喻之,「三月不違」者,心常在内,雖 月 此幾非 至此,「不違一者心常存,「日月 蓋心安於外,所以爲賓。 在 即便人。 我者。《文集》。 或 有入時 蓋心安於 日 然 勉 至

> 意思。 日 他自長進去。 者 於見得透,則 「「不違」者,仁在内而我爲主,「日月至焉」者,仁在外 了, 滋味,方自不能已,要住不得。 仁者,是心在仁内否? 心常在内,常爲主,心常在外,常爲客。 至」者有 客」,蓋朱子未定之説 ,猶言過此以往,未之或知。 如推車相似,才推動了,自然不停。 月至焉」者,是仁常在外,常爲賓否? ○「勉勉循循」之説 時 而 存。 1 〇問:「三月不違」者,是仁常在内,常爲主 意勉 此 無 勉循循,自不能已矣。 他, 티 : ,猶是真箇 知 不可言心 有至未至,意有 過 言過此則自家著力不得,待 此幾 到那 在仁 非 問: ○永按: 田 在我」,言不 内 日 地 如 過 誠 略 此 此 未 1 實知 此 《或問 幾 則心 誠。 略 倒 是 非 偂 説 我 得 不 故 由 恁 在 》謂 了 違 貴 那 地 我

是。 聰, 日 心少也,習俗之心未去,而實心未完也。 客慮是泛泛底思慮。 四體不待羈 如此何也? 心清時少,亂 束, 蓋用心未熟,客 時 習俗之心是從來習染偏勝之心 而 常 自然 多。 恭 其清 謹 慮 時 其 多 蜀 視 而 時 明 朱子 常 反 聽

■「猶」,局本從洪本作「須」。

敢。 子、子思、孟子,都是如 朱子曰: 實心是義理之心。 怒者,則又要得 又要得剛,太柔則入於不立。 載則比他人自是勇處 看來這道 〇横渠大段用工夫來,說得更精切。 理 剛 須是剛硬立得脚住,方能 此剛果決烈 ,剛則守得定不回 多。 ,方能傳這 亦有人生無 《語録》。 道理。 有所 下同。 進 若慈善 成。 道 喜 勇 人 曾

柔弱底,終不濟事。

亦是持 可緩也。 謔之害事 以害於心術者尤深。 害於義理 致得臨事 家有此玩侮之意以爲之根, 而 狎侮者,尤易犯此病,當深戒之。 戲 謔 ○ 永按: 不覺出來。 氣之 ,故不復更加防遏 ,納侮啟 不 惟 釁 張子作《東銘》,亦以戲言、戲動 端。 害事 又自以 招 昔横渠先生當言之矣。 尤致 朱子《答劉子澄 志 而日 ,以至於此。 爲情信辭巧,主於愛人,可 你悔是 亦 用間 爲 也 流轉 氣 人之有 所 **∀** ∃ : 蓋不唯害 運用 流 此當 戲 オ 機 龍亦 爲戒。 不 多機 事, 痛 械 戲 改,不 活 而所 是自 以 熟, 謔 智 戲 無

則 知 所 正 懼 心之始,當 如 此 一二年,守得牢 以己心 爲 嚴 師 固 凡 所 則 動 自 作 然

心正矣。葉氏曰:視心如嚴師,則知所敬畏,而邪僻之念

不作。

《大學》「定」而至於 莊子所謂「泰宇定而天光發」是也。 則明。凡人胸次煩擾,則愈見昏昧,中 光明。《易説》。下同。 ൬ 光明? 流水不可鑑,亦此理 定然後始有光明。 《易》大抵以艮 也 ○問: 能 爲止,止 若常移易不定, 慮 艮何以光明? ○葉氏 有定止,則自然 人心 乃光明。 日 多 朱子曰: 止水 則 何求 無 可 光 明。 鑑 故 由 定

彖》傳。 擾,非 動 之久,不見 冥悠悠,以是終身,謂之「光明」 其動静,則其 因 [循廢學,終何光明之有。 關 動静 ○葉氏曰:動静各有其 己事, 進 不失其時,其道 道乃不蔽 長, 而所 IE 修 以 亦 莫 昧 時,然學者多失於不當 廢。 識 而 光明。」 動 明 由 静。 白。 聖 可乎? 學觀之,冥 學者必 見 今人從 他 人 動 擾 學 肼

厚也 ; 敦 無 篤 所 虚 繋関 静 者,仁之本。 香 塞, 則是 虚 不 静 輕 也。 妄, 此 則 難 是 以 敦

輕悟。 苟知之,須久於道實體之,方知其味。 大仁亦在乎熟之而已。《孟子説》。○朱子曰:張子書篇,是為一之。○李孝述問:仁爲動之始,禮爲動之本,而仁禮之所由智爲静之極。智無所作爲,又所以爲動之本,而仁禮之所由智爲静之極。智無所作爲,又所以爲動之本,而仁禮之所由智爲,之極。智無所作爲,又所以爲動之本,而仁禮之所由智爲,亦也。智無所作爲,以所以爲動之本,而仁禮之所由智爲,之極,殺人於道實體之,亦此意。○葉氏曰: 青動輕妄而不純篤, 即此心外馳,非仁也。有所繫閡臣塞而不虚静,則此心罔覺,非仁也。然必存心之久,實體於己,然後能深知其味。

近思録卷之四終

「純」,局本從洪本作「敦」。

0

近思録卷之五

凡 四十 條

後學江永集註

婺源

朱子曰: 此卷改過遷善,克己復禮

濂溪先生曰:

君子「乾乾」「不息」於誠,

深哉! 字亦是「莫」字。 用 已,動可不慎 思誠之方。 然必「懲忿窒慾」、「遷善改過」而後至。 用,其善是,損、益之大,莫是過。 無以行,無用則體無所措,故以三卦合而言之。 朱子曰:此以《乾卦》爻辭、《損》、《益》大象、發明 蓋乾乾不息者體也,去惡進善者用也。 乎! 「吉凶悔吝生乎動。」噫,吉 **《通** 書》。 〇朱子曰: 聖人之旨 四者 或曰 乾之 無體則 善 其 而 而

孟子曰: 「養心莫善於寡 三惡,故人之所值,福常少而禍常多,不可不謹

濂溪先生曰:

如何? 聖也。 至於無 之類。 爲便得了,故言不止於寡欲而已,必至於無而後 以 〇立字輕,如二三十而立」之立。 如「二十而立」之立,通則「不惑」、「知命」而鄉乎「耳順」矣。 是合當如此者。 欲字如何? 底工夫,則由於能寡,欲到無欲,非聖人不能也。 有相發之功焉。 而不要其至,則或恐其安於小成也。 於無者也。 寡欲,如今且要得寡,漸至於無。 事,只是眼前底事,纔多欲,便將本心俱 欲。」予謂養心不止於寡 上之事。 若是飢而 E 《遺文》。 ("無則 語其 語其所至,則固然矣,然未有不由 曰:不同。 欲食 ○濂溪言寡欲「以至於無」,蓋恐人以 (所至而 〇誠立謂實體安固。 誠立明通。 〇朱子曰: 渴而 此寡欲則是合不當如此 不由其序,則無自而 欲飲 欲未便説到那邪僻不好底物 明字就見處説,如 ○問: 而存耳。 則 誠 此欲 是以周子之説,於 明通 周子言「不止 紛離了。 亦豈 賢 則實 進 也 能 蓋寡焉 事欲 (用流 п∫ 者,如 無? 耳。 語 日 「知天命 明 而 孟 行。 由 一於寡 寡欲 此爲 但 能 然 子 私 然 其 通 以 立 説 序 亦 欲 則 無 至

0 離」。局 本從洪本作「雜」。

問: 己工 朱子 勿 術 耳 這 於外 子 亦 色,若過目便過了,自 工 T. \bigcirc 勝 者,禁止 夫從内 夫處。 有以禦之,如云 也 將 由 則 動 Ė 明 夫。 乎中 Ė 過了,自家不 如 動 人者, 顔淵 所 伊 知 容周 何 之辭。 其 「非 四 〇上 以 四 做 而 111 制於外 不當視 筬 應乎 去,反 旋 養 者 先 日 禮 請 精 句 宜 無不中禮 是人心之所以 其 身之 是説 生 勿 外,是勢之自 確 事 所以 中 可 視 服 「姦聲亂色,不留 説 而 縝 日 視 有要 與 斯 白接 家 視 密 噟 制 也。 養其 用 非 看 不可 聽言 語 而 聽之之心。 於 顔 無 見 乎 而 也 」, 所 外 朱子 自 中」,這 禮 纖 勿 有要 不 淵 動 H 然。 爲主,而 茶之可 同 皆 用 勿 失 如 由 間 明 Ė 以進 之間 自 視之之心。 何 聰 聽 知 聽 制於外所 平 也 克 其 此 明 然這 與 非禮者、己之私 , 非 旬 勝私 疑 中 夏非 己 心 不 聞 於 日 好 當]復禮 淫 形 因 而 禮 般 不 : 看。 復禮 ^ 至人。 見 以 樂慝禮,不接心 聽 天理之流 箴 同。 視 處 制 應 勿言 非 養其 面 下 却 之機 也 0 之目, 以 乎 箴 禮之聲,人 自 難。 如 問 句 在 月接乎耳, 中 外 **>** 自 非 内。 即 也。 也。 後之 非 行 曰 古人 克己 警 禮之 是克 是做 矣。 制 禮 夫 0 私 勿 0 本 後 禮 視 爲 其

:

覺,知 心 矣」。 前。 以説 則。 日 : 克己工夫,其 開 也。 外 便 最 切,所以先言視, 乎 内 眼便錯」,視所以就心上 面盲 心? 在 方有非禮而 兮本 《樂記 私 0 蔽 天 先, 如 止 意漸 問 性。 語 交於前, 是功夫無間 克己復 聽 爲操心之準 有 虚, 來誘 制 何以 漸 初 定。 外安 「人生 消 如何便 知 視 化,聽 應 磨 説 而 禮 誘 内, 去矣。 故 閑 物 性? 斷 其 《視箴 而 會 物 所 却 邪 制之於外 則。 静 無 久 中 自 則 以 與 化 説。 朱 存 ,天之性 》之説 ^ 然也 迹。 而 久 則 「克 就 此 0 子 聽 誠 而 誠 理 遷 道 兩 伐怨 日 自 箴 ? 遂亡 上 句 矣。」 操 尤重 理 非 -從 以 也 説。 **>** 須 未 本 欲 互 Ě 容不勉 安其 之 禮 制 著 感於 一於聽。 自 是 换説 其 不 朱子 有 禁制 之於 勿 行 不 好 (内) 問 正 物 在 要, 聽 好 也 人 E 底 始 故 而 這 0 得。 知 則 至 裏,却 有 相 得 視聽言 動 視 克己 誘 卓 四 問 似。 「久 「蔽 秉 然 者 性 物 到 以 彼 爲 化 交於 視 養熟 ൬ 惟 因 諺 而 日 先 動 安 之 視 雜 Ś 何 誠 復

誘」 原 作「餧」,據局 本改

四

始不好去。 這 反躬 物 至 是自 知 天 知 然 理)視是 然 「滅矣。」人莫不有知 加 後好好 此 將 這 悪 到 裹 得 形 底引 焉。 好 悪 出 好 無節 去 物 悪 故 於 至則 無 内 節 云 於内 知 「安其 o 足以 知誘於外,方 内 知 知之而 誘於外, 聽是 有 行, 動 箴

好惡

也。

不

能

緊要處 妄, 違」,是當謹 一条辱 曰:《言 《辱,惟 物 内 件, 惟 須 斯 箴 是 其 出 其 静 於接物間。 所 不 》説許多,是人口上有許多病 悖 所 專。 躁 召 妄, 來 召。 是是 違。 方 矧 就 都説 始 傷 是 身 静 非 易 樞 得 上 專。 法 周 謹 則 機 備。 不道 才不 誕, 傷 興 〇上四 静 易 傷 戎 專,自 欽 痛 則 煩 出 哉 誕 句 從頭 至至 則 好。 家心 是就身 訓 支。 起 辭。」 出 自 吉 至 E 做 悖 一古 己 凶 最 朱 主 來

M 子 肆

不

如

何

去接

物?

是

樞

四

句,

是

説

謹

底

道

理。

是 成

説

四

病

誕

傷

煩 機

則

支,

己

肆

則

物

作 言

出

悖

則

之於思 説多 惟 ○《動 見得。 遲了。 可 調專 守於爲 之於身。 人只於 不誠 處動,思處亦動 克念,戰 也。 危 底 在 守之於爲。 ,爲於外不可 〇朱子曰: 句 箴 思 此覺 底,却 外 而 雖 0 有 都)問: 0 那 是 量 面 不誠於思 日 是。 説 競 有遲 思是 旬 間 功夫,須是 有 少 覺得速,守之於爲者,及其形 哲人、志士是兩般人否? 是 便 這是生 兩 自 底 緊 速,不可道 思是動於內,爲是 動之微 樣, 不守。 見得合做與不 誠之於思,是 持 哲 要? 多 亦不 大 底 順 人 死 誠之於思,守之於爲 減 抵 路頭 然專 爲 習 或 知 理 可。 都 不 有兩般,却 是動之著 \overline{Z} 與 幾,誠 則 得 是 誠 〇視 順 動之於心。 性 裕,從 順 一合做。 少 於 理 理 底 思 成, 四 聽言 動 則 之於 箴 便 添 而 於外。 ,這是該 裕 兩脚做工夫去。 不守 意 安 志士便於做 聖 不 動 欲 曰 : 於事 得 思 裕 賢 思 惟 該貫 守之於爲 都 於 日 非 内 蓋 動 從 ,爲,早 〇其 同 該 爲,不 危。 外交致 也。 思於 之精 (内外, 欲 括 更 歸 志 得 連 便 出 目 内 是 只 可 粗 °」《文 造 + 危 了,方 制 盡 從 見 是 其 不 不 是 險 次 厲 欲 得 誠 功 口 專 口 爲

《言箴

日

人

心

之

動

为 因

言

以

言

發

禁

躁

概説 聽得外

不

知

可

改

聽

字作

《視箴》否?

曰

視 處

泌説

又較

面

底

來,故

云

開

邪

存

誠

_

問

聽

箴

前

面

亦大

切,視

最

在先,

開

服

便

是

所

以

説

得

切

至

聽

却 箴

較

輕

也。

妄

内

斯

静

專

是

也

内 順 則 矧

外 理

表

裹,

照

管

無少空闕

始 夫,

得

相

應。 禁躁

心 項

氣

和

則 傷

言 易

亦

須

就

言

E

一做工

發

⁰ 於 内 原 無 灬 據局 本

專,則吾心之德於此具得之矣。● 學者深體而力行之,其庶閑邪而禁躁妄,則克己復禮之事也。 曰安内、存誠而内静

形而 過,夫子謂 吉。」傳曰: 朱子曰:《易傳》云「惟其知不善,則速改以從善而已」,這 知不善,則速改以從 悔,乃「不遠復」也。 善,未嘗不知,既知,未嘗不遽改。 不踰矩,是有過也。 則不至於悔,大善而吉也。 有復,不失則何復之有? 惟失之不遠而復 初,復之最先者也,是不遠而 改,何悔之有? 復》之初 其 陽,君子之道,故復爲反 庶幾,乃「无 九日 善善 : 然其明 既未 學問之道 不不 圃 己。《易傳》。 祗 能 遠 (悔)也 而 不 復,无 顔 復也。 無 剛,故一有 勉 子無 他 而 故不 0 祗悔,元 中,所 也, 善之義。 失 形顯 過 下同。 而後 至 既 惟 於 不 之 其 欲 未 0 般

《晉》之上九:「晉其角,維用伐邑,厲吉,

説話好簡當

固,進 伐邑,内自治也 道,而於自治則有功也。 則 无咎,貞吝。」傳曰:人之自治,剛 中和之德,❷故於貞正之道爲可吝也。 雖傷於厲 極則遷 而吉且无咎 善 愈 速。 如 也。 上九 雖 自治有功,然非 嚴厲非安和之 者,以之自治 極則守道愈 葉氏曰

制其本者,天理 者,皆本於奉養,其流之遠,則爲害矣。先王 於刑罰; 於宫室, 天下之害,無 損之義,損人欲以 夫人心正意誠,乃能極中正之道,而 損者,損過而 酒池肉林,本於飲食; 窮兵黷武,本於征討。 不 也; 由末之勝 復天理而已。 就中,損浮 後人流 也 於末者,人欲也。 末而 淫酷 《損·彖》傳。 峻 凡人欲之過 宇 就 本 雕 殘忍,本 實 牆 本 也 充

□「具」,局本從《四書或問》作「其」。

❷ 「德」,原作「道」,據局本改。

道矣。 實光 昵,未必能正。 係吝,此意不誠之本也。 於此,示人之意深矣。 咎。」而《象》曰:「中行无咎,中未光也。」夫子 中 雖 行於外,不失其中正之義,可 道未得爲光大也。 輝。 故《夬》之九五曰:「莧陸夬夬,中 若心 特以義不可,而勉勉決去之,意亦未必誠也。 有所比, ○葉氏曰: 蓋人心一 朱子曰 以 義之不可 九五與上六比,心有所 事雖 以 有 ιĒ 所 无 一而意 咎 欲 而決之, 1,然於 潛 行 則 有所 无 離

不得 티 : 是節之義也 ,故有止節 一説 以 行險」,伊 之義。 ĬП 説 0)葉氏 是。 説 日 則 説則 欲進 易 而 流 有 方 險 説 在 前 而 能 進去 止

方説

而

止,節之義

也。

《節。

彖》傳。

〇朱子

節 節 如如 如嗇節於用,懦節於行是也 懲 節》之九二,不正之節 忿窒欲,損 過 抑 有 餘 也。 是 也 以 剛 不 中 正 正 之 爲

能 制 其 情 而 無克伐 不行焉 怨欲 斯 亦難 惟 仁者能 能 也 謂之仁 之。 有 則未 之 而

> 之大言 可也。 深矣。 以及此。 不行不足以言之也。 朱子曰:克好勝,伐自矜,怨忿恨,欲貪欲。 不 留於心念之間 而 不平之意,乃日關進於胸中 行,日力亦不給矣。 也。 亦制其末而不行於外耳。 制之使不得行,可 未發之旨,孰能測之? 憲不能再問,使 不能以自存矣。 知其 譬之木焉,不去其根,則萌蘗之生自不能 愐 (爲仁。 然以爲學者,苟不能深省 此原憲之問,夫子答以 己。 ,則於仁也其庶幾乎。 故雖發之,而 憲也 消難矣。 必 此聖人 且 而 〇間: 也 雖或 再問 絶其萌芽 然以程子之意而言,則四者之不行 若其本,則固 能制 仁則天理渾 **,則夫所謂仁者,亦且** , 夫子告之宜 開示之深 程子以爲聖人開示之深, 亦有所不 之終身不見於外 ,蹙其根本,不使少有毫髮 而力行之,則亦徒爲 非程子之學之至,何足 著之於心 敢 然 奈 知 也 盡 自 何? 有 其 其 是四 無四 **《**經 己。 言 爲 殫 曰: 而不能 而 者, 殘 者 者之累 説 難 制 其 被害 ,而原 聖人 其 無當 而 , 而 丽 旨 0 不 去 能

消長 漸 多 分數 明道 則 自 多 先生 然 少 知 一,爲 曰 : 得 君 客氣消散得 義 子小人之別 理 與 客 氣 漸 常 少 相 義 勝 消 理 盡 所 只 者 得 看

類 然,客氣者形氣之使然。 是大賢。 ,皆客氣也 《遺 書》。 下 同。 〇永按: 0) 葉氏 如 克、 日 伐、怨、 義 理 欲 者 性 驕、 命 之本

於暴厲。 永按:不能持 或謂 曰 : 人莫不知和柔寬緩, 志, 則客氣用 只是志不勝 事 故 多暴 氣 、厲。 氣 然 反 能 臨 動 持 事 其 其 則 志 心 反至 則 也 沄

玉也。

是心 氣。 有係吝,故無浩然正大之氣 永按: 人不能祛 思慮者心多計 思 慮,只是吝。 較,私意小 智 吝故 也。 不能祛者,只 無 浩 然之 爲氣所勝,而臨事自然從容

作矣; 則 明 不能自立,故治之皆難。 理 治怒 可 物理既明 以 治懼。 爲 難, ,則非理之懼有所不動矣。 治懼 葉氏 日 然己 亦 怒氣 難。 私 既 克,則 盛 克 則 己 不 能 可 朝 自遏 之忿有 以 治 懼 所 氣怯 怒, 不

得 潤之物,若將 、處,爲 他 箇 堯 粗 夫 小人侵陵 礪 解 底物, 一他 兩 塊 Ш 方磨 之石 玉 則 來 修 得 相 可 省畏 出 磨 以 必磨不成, 攻 避 譬 玉 如 動心 : 君子 玉 忍性 與 須 者 小 是 温

> 堯夫。 增 而 與之處 益 豫 ○永按: 防 善 修 如 己者 君子與 此 便 正資之以 小人,不 道 理 出 並立 爲 來。 進 者 德 邵 也。 之 康 助助 節 然 先生 如 或 粗 有 石 時 不 能 幸 磨

際,心 妄怕。 是危 尖物。 室 捉去捉不著,遂不見獅子了。 病,常見獅子,伊川教他見獅子則捉來,其人一面 妄,而不復畏矣。 室中率置尖物,使見之熟,而 病,只管見尖物來刺 何 中 畏之有? 底, 亦不動否? 率 問: 目 티: 只 置 畏 教 那箇本不能害人,心下要恁地懼! 習在危堦上行底,亦是此 尖物。 尖 習得 物 朱子曰 ○疑 不 曰 人耳。 須 怕 此 是如 病 著。 以 :人有目畏尖物者,明道先 事 每 理 伊 此 問 如 不 ○問: 知尖之不 ĬΙΙ 此 勝 得 又 習 他, 尖物 得 放 一處説此 前 意否? 不 尖 輩説 渦 刺 怕 原 必 人 不 治懼 便 少 且習 稍 不 也 日 曾 間 詳。 與 刺 刺 室中率 去捉,捉 到 那 教 則 人, 克 有 知 生 人 危 箇 不 分明 教以 疑 如 人眼 他 畏 也 下。 之 此 眼 置 來 者

明道先生曰:責上責下,而中自恕己,豈

● 「雍」上,局本從洪本有「名」字。

職分者也。横渠先生曰:「以責人之心責己,則盡道。」可任職分? 永按:專務責人而不知責己,必不能盡其

有, 朱子曰: 無適也 雖 痛舍之,猶懼守己者固 ,無莫也,義之與比。」曰「痛舍之」,則大段費力矣。 舍己從人」,最 此程子爲學者言之,若聖人分上, 爲 難 事。 耐 從人者輕也。 己 ,則不 者 我之所 如此 也。

廉隅 乎 則 隨。 則 須兩件合將來方成一德,凡十八種。 至 立,愿而恭,亂 一於暴。 文。 林愿 剛不至於虐。 ,則寬不至於弛。 勁 〇朱子曰: 則 直 而不徒尚乎質。 九 簡不至於疎。 二而温 學問之道,在唐虞時論者已如是之密矣。 恭著於外 德 而敬,擾而 ,則直不至於計。 强力者或徇血氣之勇,今有勇而義 最 九德分得細密。 好。 和 敬 剛果者或傷於刻薄,今塞實而篤厚。 柔而 守於中 亂,治 毅, 卓 直 陶 也, V. 也 一而温 簡易者或規矩之不立,今有 謨》「九德」: 亂 則 〇九德只是好 馴擾 而敬, 和 簡 ○葉氏曰: 不至於懦。 而 而 廉 則整治 毅 寬 剛 則 而 而塞 底氣質, 寬弘 漫不 而不徒恃 栗, 愿 則 而 强不 柔 至於 而 强 恭, 然 莊 丽 而

便是廢天職。問:飢食渴飲,冬裘夏葛,何以謂之「天」飢食渴飲,冬裘夏葛,若著些私吝心在,

桀 職 ? 他。 廢天職」,須看「著些私吝心」字。 爲理也。 此是天職 教我窮口腹之欲? 紂亦會手持足履,如 窮口 朱子曰: 明道云「夏萬冬裘,飢 0 腹之欲便 「率性之謂道」,望只循此自然之理。 這是天教我 不是。 〇或謂: 手之不可履 何便唤做道? 蓋天只教我飢 如此,飢 食渴飲 便食, 若著此 若便以 則 ,猶足之不 食 渴 為道 便 私 渴 各心 飲 티 : 則 是認 飲 只 不然。 μJ 便 何 得 持 是 欲 順

易也? 日: 不忘,在我者當益加操守方是,不可以此自恕 覺有喜心。 生年十六七時 矣。」後十二年因見,果知未 人當以 獵 ,自謂 但此 此自 ○問: 好田 點 今無 心潛隱 明道先生三十年猶不忘遊獵之心。 檢 獵,十二年暮歸, 此 須見得 好。 未 發, 明 周茂 道 在田 氣質如 也。 日 叔 野 萌 [本注]云明道 日 此 間 動,復 見 年 田 至三 何言之 獵 者,不 如 朱子 前 先

理, 宜其與 伊 Щ 先 道 生日 難 0 大抵 朱 F E 人 有身,便 不 ·待接事 有 方流人於 私

- 「職」,原作「賦」,據局本改。
- ② 「謂」,原作「道」,據局本改。

利害。 氏 抉此心,教他分明 私欲,只未接物時,此 不忠」,只是爲别人做事 所 謂 伊川云: 「流注想」, 「人才有 如水 ,少間接事,便不至於流 心已自 流 ,自不著意 形,便有彼己,所以 注 下去,才 1流了。 ,這箇病根 有此 須是未 形 0 接 便 難與道 物物 尤)如「爲 有 時, 深於 此 事。 合。」 人謀 也 計 常 釋 其 剔 較 愐

端甚

微

須用

省察。

何 ? 愧怍,應酬之間,反爲繫累。 悔 錯又休,不成説話。 爲悔,又不可不悔。 而 躬不可無」云 爲 ,便須懲戒,不可 ,但不可留 能 悔 不 日 留 問: 耶? 己 自是無可 一責 滯。 Z 程子曰「自訟不置,能無改乎」? 朱子曰: 躬 既 今有學者幸知自訟矣,心胸之悔,又若 不 再做錯 問: 救 做錯 若只説 了。 可 改了便無悔。 如何是著中底道 此 無 了。 0 不悔 事)悔字難説,既不可常存胸 然 他 〇葉氏日 ,則今番做錯且 時 亦 更 不 又問: 遇 可 : 此 理? 已往之失,長留 長 事,或與 已往之失却 留 又曰「罪己責 日 休 在 * 明 此 不 心 · 得 事 中 番 胸 相 不 做 以 如 何

字,見壁間有 日 只 、是纔 所 欲不必沈溺,只有所向 有意在 神軸 E 便 (須要 面 便 看别是非 是欲 便 好好 自 動 畫 自 便是欲。 見 家 心。 掛 畫 0 便 須要 朱子 好 識 寫

美惡。這都是欲,皆足以爲心病。

告之以有過則喜。〇朱子曰:喜其得聞而改之,其勇於自明道先生曰:子路亦百世之師。〔本注〕人

修如此。

氣質變,方是有功。 當習,習到自然緩時,便是氣質變也。學至出,對語言緊急,莫是氣不定否? 曰:此亦

是理 被説 日: 來時便見是好,惡物來 怒之,聖人之心本 四 怒甲不移乙之説,是否? X 過得粗 若此則甚易,何待顔子而 一會得 問:「不遷怒,不貳過」,何 舜 何 因 了,諸君便道 與 何不 焉 ? 遷 無 怒。 蓋 怒 因 易。 時 也 如 是 便見是惡,鏡 舜之誅 伊 人 譬 此莫是 後能]1] 有可 如 也 先 明鏡,好 ? 四 ? 生 怒之 最 M 日 語 曰: 難, 何 事 怒 録 只 物 須 而 在 有

● 上「自」字,局本從洪本作「是」。

道,那 甚 煞 能 好 役於物者 顏子不遷怒,便尚 者雖欲遷於乙,亦不可得遷也。 怒之事,自家著一分陪奉他,此 Ħ. 有 太高,渾淪是個無怒了。 7作惡。 難。 如怒 知 好 怒 有無 義 悪 人而 如 理。 逐 君子役物,小人役於物。 也? 一人,對 怒底聖人? 止水。 物而 若聖 不怒别 世之人 往。 在夾界處。 那人 朱子曰: 人因物 聖人之心,常湛然如 只是聖人分上,著「不遷」字不得。 人 ハ説 固有怒於室 喜怒哀樂發皆中節,天下之達 者, ○葉氏曰:役物者,我常定, 話 顔子見得道理透,故怒於甲 ○問: 而未嘗 能 能 忍 無 「不遷怒」,伊川説得 怒 得 有怒,此 今見可喜 亦勞矣。 止水,無一毫作 色 圃 如 此, 否? 色於市, 莫是 已是 聖 可 有 按 時

有息則 錯 一,則 了。 人之視最先,非 心 餒矣。 次 廣 聽 體 次 胖, 《外 言 書》。 仰 次 動 不愧,俯 下同。 禮 有 而 先 視, 〇朱子曰:「人能克己」, 後之 不作,其 則 所 序。 謂 樂可 開 人 能 目 知 克 便

此數語極

有味

`懲惡禁非,而責己之意恒多也 此感彼應。常理也。 聖人責己感也處多, 有不應焉 責人 反 求諸己 應 也 顺 己。 處 少。 雖 亦 永

_

當 得來,病痛盡 夸耀人之類爲矜, 善、無施勞」、亦去、矜」字之病也。 後來矜依舊在 所以病痛在此。 方 去簡『矜』字。」曰: 日 日 隨 有 時省察。 此 「相别 向 謝子與伊 進 人爲學, 處。 説 年,做 朱子曰 在這 而説理之好張大處,猶有未及覺者。 道理愛揚 ĬI 伊 切 先 川 裏。 問 得 生别 「何故?」曰:「子 此説 點 甚 近 揚 地。 是。 頭 思者也。」 若按伏得這箇罪 工 夫?」謝 謝子語胡文定公,以飲食 年,往見之。 因 ○謝氏謂去得 〇永按: 語 在 問 日 顏子「願無伐 坐 上蔡才高 同 細 「矜」字, 也 志者 檢 伊 學者 過 只 點 Ш

以此言自省 性 -?.」思 思 叔 叔 詬 慚 署 謝。 僕 大,伊 **永按** jij 今人好詬詈下賤 日 何 不 者多矣,當 動 小 忍

見賢」 便「 思 齊」,有爲者 亦若 是。 見

己」,謂反躬自省,人之不善,己皆有之也。 加 [内自省」,蓋莫不在己。 永按:「莫不在

知 色,耳之欲聲,便是氣之欲。 害大,末喪本 口 一,是未感物之時,湛然純 德者屬 腹 横渠先生曰:湛一氣之本,攻取氣之欲。 於飲食,鼻舌於臭味,皆攻取之性也。 厭 而已,不以嗜欲累其心,不以小 焉 爾。《正蒙》。 一,此是氣之本。 問: 攻取」是攻取那物否? 下同。 攻取,如目之欲 〇朱子曰: 湛

惡爲無傷,是誠不可。 善必 不得放過,德乃可進。 去氣禀物欲之私,以成其性 粗矣。 纖 悪必 問:張子言「纖惡必除二云云,學者須是毫髮 除,善斯 朱子曰: 若能如此, 善莫大焉。 ○横渠言「成性」,猶孟子言「踐形」, 成性矣。 察惡 未盡,雖 以小

是説

惡 盡 盡 義 仁義之道。 不仁,則習不察,行不著。 ,徒是未 惡不仁,故不善未嘗不知。 必 葉氏曰 盡 所習或未之察,所行或未之明 好仁而惡不仁,然 是故徒善未 徒好仁而 後 必 不

> 雖有好仁之心,卒陷於不仁而莫之覺矣。 不仁」爲一人。若《論語》則是言兩種人也 皆「好仁而不惡不仁」者也。 乃 能盡善。 徒知向善而不知惡惡,徒爲其是而不務去其 此張子自爲一 説 ○永按:去不善 以 「好仁」「惡

非,故不敢尤人,而惟務盡己。 至於「不尤人」,學之至也。 責己者當知無天下國家皆非之理,故 永按: 在人者未必皆

朋友之來。 下無工夫。 奈何得。 也。 在於此。 氣,是如何? 舊習耳。 自 然心定。 舊習纏繞,未能脱灑,畢竟無益,但 有潛心於道,忽忽焉他慮引去者,●此 如重擔擔不去,只爲力量不足,心之不定,只是 且「持其志、無暴其氣」可也。若我不放縱此氣 問: 古人欲得朋友,與琴瑟簡編,常使心 惟聖人知朋 朱子曰:人誰不要此心定? 横渠 爲他慮 《論語説》。 所引 友之取益 必必 ○ 永按: 是意不誠,心不定,却 朋來而樂,程子言 爲多 到不定時,也 放故 樂於 樂得 以 氣

0 「焉」,局本從洪本作「爲」。

之切矣。此謂樂其「取益」,亦張子自爲一説。

思疎闊 病,必去其病,此便是療之之藥。 矯 便加 細 密 ,覺得輕浮淺易,便須深沈重厚。 語 録 下 如 同。 覺言語多,便用 〇朱子 日 所謂 簡 知 默 有 意 「矯 此

輕警情」,蓋如此。

之上下。 下則 以欲下 者先須去其 矜高之病。 至於瞻 堂堂乎 心柔。 君子不 其視 視亦 張也, 且試之,己之敬傲,必見於視。 蓋目者人之所常用,且心常託之,視 故視國 有 必避 者,欲柔 客 節 難 氣 與 ,視有上下,視 他 並爲 其爲 君者,不離紳帶之中。 人之言, 其 心 仁矣。」永按: 人 也。 剛 以 行,終不肯 爲 柔 高 其 太 則 剛暴者常有 (心,則 柔太 氣高 弱。 進。 學 所 視 聽

> 之多。 《詩》 柔。 者, 佐 者 居 之際、欲其 執袂以爲 其仁。 於位也,與 日 日相親與,得效最速。 則 日 與之親,亦得相觀之益。 學 今之朋友,擇其善柔以 氣合,一言不合,怒氣 者 ,相下不倦,故於朋友之間, 温 先 先 温 生並 須 恭 人,維 温 行也,非求益者, 柔, 仲尼嘗曰:「吾見其 德之基。」 温 永按: 柔 則 敬則相下,而非 相加 可 相 蓋 以 與, 其所 主 欲 進 朋友 其 拍 速 成 益 敬

對,在 益 官 已有物 而 長,爲 長,至死只依舊。 X 狠。 世學 朋 我,不肯屈 宰 友 不 只 相 則 爲 講,男女從 則 不 未嘗爲子弟之事 不能下天下之賢。 能 下。 下 爲子弟則不能 朋友, 病 幼 根常在 便 有 驕 官 惰 長 又 則 壞 甚 則 安 T 於 隨 則 灑 不 其 至於 能 所 到 埽 親 下 應 居

言敬且信。

人之有朋友,不爲燕安,所

以

輔

近思録卷之五終

近思録卷之六

凡二十二條

婺源後學江永集註

朱子曰:此卷齊家之道。

不修其職而學文,非爲己之學也。《經解》。〇永伊川先生曰:弟子之職,力有餘則學文。

習爲浮華妍巧之詞乎!

按:不修其職而學文,雖《詩》《書》六藝,猶爲務外爲人,況

爲也。《易傳》。下同。〇《師》六二傳。〇朱子曰:程子之孝爲有餘也。蓋子之身所能爲者,皆所當孟子曰「事親若曾子可也」,未嘗以曾子

巽輔導之,使得於義。 不順而致敗蠱,則子一「幹母之蠱,不可貞。」子之於母,當以柔

論曾子事,先儒所不到。

弊也。 入乎? 弱之君,若孟子於齊宣王,諸葛孔明於蜀後主是也。 人柔暗,有難以遽曉,尤當以柔順行之,比之事父有間矣。 某本不喜他如此,然細檢點來,段段皆是日用切近功夫,而 事治 之罪也。 但爲矯拂而反害其所治之事,則子之過也。 不可闕者,於學者甚有益。」〇葉氏曰:幹,治也。蠱,事之 近。《蠱》九二傳。 陽之道,遽然矯拂則傷恩,所害大矣,亦安 「《易傳》自是成書,伯恭都摭來作閫範,今亦載在《近思録》。 「公事母,可檢『幹母之蠱』看,便自見得那 丽 人子事親,皆當以承順爲主,使事得於理而已。 己。 在乎屈己下意, 巽順 從容將順,豈 剛陽之臣 ○陳芝拜辭,朱子贈以《近思録》,曰: 事 無道乎? 柔弱之君,義亦相 相承,使之身正 剛陽之臣 道理。」因 若伸 己 事柔 言 能 剛

悔,已非善事親 也,故小有悔。 親之本也。 《蠱》之九三,以 又居 然在 也 得正,故无大咎。 異體,不 陽 處 剛 而 爲 不中, 無 順 然有 剛之過 順,事 小

正倫理,篤恩義,家人之道也。《家人·象

倫理 傳。 不失倫理方可。 〇問: 如何? 今欲 朱子曰 Ē 倫理)葉氏 一,則 須 日 是 有傷恩義、欲篤恩義、又有乖 於 Œ 倫理 E 倫 則尊卑之分明, 理處篤恩義 7,篤 篤恩 恩 義 義 於 丽

則上下之情合。

鳴而占」,上九之「威如終**占」,皆以剛爲善**。 家,勿恤吉」,剛而得中,尤善之至也。 愛失其正理,故《家 勝禮,以恩奪義。● 人》六二傳。〇永按: 人之處家,在骨肉父子之間,大率以情 初九之「閑有家而悔亡」,九三之「鳴 人》卦大要以 惟剛立之人,則 剛 九五之「王假有 爲善。 能 不 以 《家 私

於正 弛,則家人自 於己,則人怨 夫子又復戒云當先 《家人》上九爻辭, 然有所嚴憚 而 不 服。 嚴 而 不 其 葉氏 謂 敢 身 治家 踰 日: 也。 越, 持身謹嚴,無少 當 有 威 所觀 有 嚴 威 感感 不 嚴, 뻬 先 卒 行 而 假 歸

之道。 不知乃常久之道 歸妹》九二,守其幽貞,未失夫婦常正 世人以 媒狎爲常, 也。 葉氏 日 故 貞 以 静 貞 乃相處可久之道 静 爲 變常

媟狎則玩侮乖離所自生。

之也。 久,而後議婚 擇之也。今擇之之法,宜就知其性行者,審於諏問,遲 下同。 女吉」、「勿用取女」諸辭,或遇他辭不言取女者,亦可以意斷 易見,婦難知,所繫甚 世 〇永按:古人納采之後,加諸卜而 人多慎於擇壻,而 ,如問不能詳審 ,則以筮決之。 重,豈可 忽於 忽 擇 後納吉,是以 婦。 哉 《易》中元 其實 《遺 書》。 1 壻 取

禮待於人也。 否? 己言,則非其所宜,而爲父母待親朋,則 無父母,生日當倍悲 張樂以爲樂? 太碩人生朝,與向日賀高倅詞,不審又何 1 處 然恐爲此,則是人子以禮律身,而以非 人無父母,生日當倍悲痛, ,然亦或有不得已者,其情各不同 其義如何? 高。」如 若具慶者可矣。 朱子曰 先生舊時,亦嘗有 此等事 其情又有不容 也 也? 問: 更安忍置 ·禮事其 是 力量 壽 程子云:「人 豈在人子 母 生朝 親 一不足,放 己 酒 自 及

問:《行狀》云伊川所作《明道行狀》。「盡性

❶「奪」,原作「篤」,據局本改。

言之。 其所以 别 有精 對與 性至 命也? 不 人,如舜之孝,王季之友,便 性命、孝弟,只是一統 至命,必本於孝弟」,不識 命者,由之而 能擴而充之,以至於極。 作 盡 命。 粗 然者 然今時 般 一,永按: 性 曰:後人便將性命別作一般事 即 朱子曰: 高 至命,亦是一 精也,本也。 遠 程子當言 不 非 説 知 盡 無 性至命,必從孝弟做起。 也。 故 孝弟之人,而不能 『灑埽 是 舉 底 却 葉氏 統 盡性至命事。 孝弟,是於人切近者 事,就孝弟 被 應對是其然,必 底事,無 孝弟何 日: 後來· 行不著,習不 人言性 以 有本末,無 如 中 能 有所以然。 盡 灑 〇若是聖 便 盡 説 命 性至 性至 埽 ·察,故 미 了。 者 盡 應

寢,只 五 是公,才著些 同,自謂 間 或問倫曰:「公有私乎?」對曰:「吾兄子嘗病,一 起 之私 第五 與 心 + 倫視其子之疾,與兄子之疾不 如 做,便是 ·起,便 何 ? 自 日 私 私 : 也。 不待 也 [本注]《後漢 父子之愛本 安寢 與 不 第 安

是者豈 何? 言父子天性。 哉? 安排。 間然?❶ 有間 於兄弟之子,甚不是也。 以兄弟爲手足。 其本所由來故爾。 類,亦豈不是天性? 之衆子,皆期服。 夜十起,退而安寢; 曰:「父子之道,天性也。」此只就孝上説,故 也」,是欲視之猶子也。 著意安排,即是私矣。 否? 是同出於父者也。只爲兄弟異形,故 父子之愛天性,今子疾不視,而十起於兄子,豈人情 可 謂 無私乎?」〇葉氏日 曰: 只爲今人以 曰: 又問:天性 若君 聖人立法,日 吾子有疾,雖不 人多以 己之子與兄之子,所争 臣、兄弟、賓主、 只爲 又問: 永按:《喪服》兄弟之子與己 異形 又問: 自 事 今人 省視, 私心看了。 物 有 故, 「兄弟之子猶子 各 視己子與兄子 輕 小 有 而 孔子以公冶 親己之子 自然之理,不 重,疑 看 竟夕不眠。 却 朋 不 孔 友 推 之 幾 有 若

● 「疑」,原作「宜」,據局本改。

人也。 可 若孔子事,或是 子美,必擇其才美者爲之配,豈更避 兄之子不甚美,必 公,何更避 妻公冶長, 長 知。 不 及 凡人避 以 南 孔 容, **嫌**? 何也? 子 故 嫌 爲 年 以 凡 者,皆内不足也。 避 亦 擇 兄之子 嫁 曰:此亦以己之私 嫌 相 其 女各 若, 相 則 妻 稱 或 量 大 南 者爲之配,己之 其 時 不 容, 才 有先後, 是。 前 以 聖人自 求 如 嫌 己之子 心 ,配,或 避 皆 看 耶 ? 聖 嫌 至 不 察了。 避 是 個 心

先嫁 處? 内 是 都 幼 日 事 内之治恩掩義,門外之治 何好 不足」,實是 是好人可託,或先見公冶長,遂將女妻他 時之先後,正 賢者不爲。 聖人正大,道理合做處 ,兄之女少後嫁,亦未可 日: 人,又把兄之女妻之。 固 [是主恩,亦須 如 自今觀之,閨門中安知 是解 此 或 0 問 人之説 義 程 是 斷 便做,何 知。 子 看 當 ·恩」,恐閨門中 ,未必 避 理方可。 來文勢,恐是孔子之女年長 程子所謂 嫌之説。 用 當 避 無合避 時 嫌? 程 如 **E**: ,後來見南容 主 子所 「凡人避嫌 此。 恩,亦 問: 嫌 合當 處? 謂 大抵二人 古 年 有 |委曲 [人] 門 然者皆 之長 朱子 避 亦 嫌

者,這不 夫,正: 便是道 戚,也合當避 版做正 嫌。 怕 在,克不去。 人道 並怕到這 只 道理了,大是害事。 理 可 如 當當 是 以 何,這 如 他 爲避 處。 嫌。 此, 見 今人這樣甚 ,且如 得 却 嫌。 〇問 第 是私 這 五 意 日 倫之 避 若是 意。 思, 嫌 自 多,只 所 事 亦 已 如十 是 有 以 不 非 是 道 古 能 是 不 大 起 理 項 無。 人 徇 見 與不 合 段 合委 於 情 得 如 做 正 如 恁 起便是 如 此 曲 心 通 I 地去,少 此 面 誠 判 夫, 如 與 不 意 自 私 避 大 可 太 1 是 這 嫌 段 以 更 間 常 守是 者 會 便 直 做 將 有 省 是 却 遂 這 親 Τ. 這

説 然。 再 己 失 嫁 然 節 凡 問 否 餓 ? 取 . 也 以 孀 死 曰 : 事 配 又 婦 極 問 身 只是 於 小 . 也 理 `, 或 似 後世 有 若 節 不 孤 取 事 口 怕 孀 失 極 取 寒餓 節 貧 大。 窮 者 如 死 無 以 何 故故 託 配 ? 身, 日 是 是 可

事 親 者 病 亦 团 不 在 可不知 牀 委 之庸 醫。 《外 醫,比之不 書》。 下同 慈 不

叔 似以告。 程子 先 葬 父,使 生 日 : 周 勿 陷 恭 人於惡。 叔 主 客。 周 客 行 己字恭叔 欲 酒 赤恭 事

(者且不爲,況聖人

乎?

問:

伊

加

言

避

嫌

之

元

若不幸致誤其子,害孰大焉? 則 然食己 及 一子乳 不爲 人之幼」,其慮之周 買 乳 害,又不爲己子殺人之子,但 食 子 而 三子,足備 婢多不得已, 殺人之子,非 如 此 他 或不能 虞。 道 或 自乳, 葉氏 必 乳 不 母 日 得 病 必使 有 「幼吾幼 己, 所 且 費。 人。 死 用

子曰: 己 公奉 得俸錢 也 幼 問:取甥女 寡,公懼 歸 子,以均 賤 爲 ,教養其子,均於子姪。 養甚 處 義 左 大綱恁 先公太中 右 諸父子 人歸嫁 女兄 分贍 惟 使令之人,無 至。 地 恐 以 有 但人亦有 親 爲 段,與 之悲思, 諱 其 孫。 傷 戚 難 女之夫死,公迎 珦,字伯 其 之貧 前孤孀不可 意,至 不能盡者。 嫁遺孤 公 又 慈 者。 取 不 恕 既 於 温。 女, 再嫁 察其 甥 伯 犯 而 時 加 女 母 義 剛 必盡 小 前後 相 女兄之女又 以 飢 反,何 劉 理 斷 官 從 歸 飽 氏 禄 其 女兄 五. 平 則 寒燠。 也? 嫁之。 薄 力, 寡 得 居 不 居 所 以 任 假 與 克 朱

日

呵責 調 常 嘗 也。」夫人男子六人,所存 子 仁 人 求 爲之寬 如 夫人存視 待 娶侯氏。 圃 至矣,然於教之之道,不少 不 和 稱 置 不 或 謙 如 是大時,能爲此事否?」先公凡有所怒,必 喜笞扑 恕寬厚,撫愛諸 之所 也。 踣 (), 必 之 闻 欲 賓 順 坐側。 「家人 客。 責 解 絮,摛慮 自 長 戒之日 以 侯夫 奴 ,常均己子。 日 牧, 當 唯 不 旗,視 先 切。 走前扶 如 諸 肖 雖 人 嘗 「汝若安徐 公 0.8 何 兒 者 賴 事 小 嘗食與絮羹二 食 「貴 ? 庶 小 有 事 舅 絮羹,皆 其 臧 由 抱, 過 賤 姑 永 不異己出。 未 内 治家 母 獲 按 以 雖 助 嘗 恐其 寧 則 如 蔽 惟二, 假 孝謹 殊, · 禮 專 絮 事 不 有 叱 兒 其 羹嫌 也。 至 ,皆求詳於 驚 法,不 人則 止之, 女。 掩 敬 必 過 一踣乎 稱 其 啼 尤 味 也 禀 從叔 纔 薄 慈 而 諸 與先 至。 數歲, 嚴 而 曰 愛 也 味。 夫 父 常 子 復 後 . 幼 而 以 人 不 飲 미 或 公相 日 而 一幼 他 厚 姑 食 未 謂 知 汝 加 夫 本 味

章,見世之婦 或欲 不能 言駡 以 誦 不 H 八争忿 能 「常食絮羹即 古 爲 暮 之。 非。《文集》。 惡 詩曰:「女子不夜出,夜出秉明燭。」自是 延 則 伸。」及稍長,常使從善師 言駡人,非 客 ,雖直不右,曰:「患其不能屈,不患其 不 故 復 ,則喜而 頤 出 女以 止之」者非。 兄弟平生 一房閣。 文 爲之具。夫人七八 性 章筆 然也,教之使 既 於飲食 雖 長 札 使令輩,不得 好 傳 友遊,雖 文, 於人者, 衣服 而 然 無 不 也。 歲 居 所 爲 則深 以 時, 貧 擇, 與 辭 惡

之? 横渠先生嘗曰 《行狀》。 ○葉氏日 : 使人代爲,孝敬之心安在 事 親 奉祭,豈 可 使 人 爲

順之。 其 矯拂也。 情。 心。 舜之事 葉氏 若中 凡於父 親之故 日 人之性 親 事 母 有不 舊 親 賓客之奉,必 所 以 順爲主,非甚 悦者,爲 喜 ,其愛惡 1者,須 略 極 父 不得已者,不 極 力 無 頑 力 招 害 母 1理,姑 , 麗, 不 營辦,亦 致, 可 以 輕 近 悦 必 爲

不計 《記説》。〇葉氏曰:所謂 勞苦,苟使見其 家之有 無。 爲 然爲 而 「養志 不易, 養, 二者也 又須 則 亦 使 不 不 安矣。 知 其 勉 强

叱

恭? 能終。 也。 要相學不好處。 相猶 則善矣。 恭其兄,兄乃不友其弟,爲弟者豈可亦學兄之不友而遂 弟之不恭而遂亦不友? 爲兄者但當 ○問:「兄弟宜相好,不要相學」,指何事而言? 相 圖 謀説 爲弟者但當知盡其恭而已。 人情大抵患在施之不見報 矣。」言兄弟 斯 不要相學,己施之而 或日 干》詩言: 「猶」當作「尤」。 且如兄去友弟,弟却不能恭其兄,兄豈 宜 「兄及弟矣,式 相 好,不 〇此於本義或未必然, 然《詩》之本意,猶字當作 己。 盡其友可 要 相 則 輟 學。 詩 相 也。 説 朱子曰: 放恩 好 矣, 猶 爲弟 下 忘其 可 同。 不 似 無 不

向 從此始。 立。」常深思此 前 推 「人不爲《 不 朱子曰:《周南》、《召南》所言皆修身齊家之事。 去。 言 周 蓋 南》、《召 誠是,不 至 親 至 近,莫 從 南 》,其 此 行 其 猶 於 甚 正 此 隔 牆 故 著 面 事 須 而

「正牆面而立」,言即其至近之地,而一物無所見,一步不

可行。

推送的威嚴之謂也。

如僕始至者,本懷勉勉敬心,若到所提與人人。故代者人治朝則德日進,人亂朝則德日進,人亂朝則德日進,人亂朝則德日進,人亂朝則德日進,人亂朝則德日進,人亂朝則德日進,人亂朝則德日進,

近思録卷之六終

退以待時,而終至於失常者,其身雖退,而志則

動

也

婺原後學江永

婺源後學江永集註

朱子曰:此卷出處進退辭受之義。

動 恬然若將終身焉 者,不能安其常也。 君子之需時也,安静自守,志雖有須,而 ,乃能 《需 用 常也。 》初九傳。 雖 〇葉氏曰: 不 進 加 志 静

《比》「吉、原筮、元永貞、无咎」、傳曰:人相親比、必有其道、苟非其道、則有悔咎。故如推原占決其可比者而比之、所比得元永貞、則无咎。元謂有君長之道、永謂可以常之從上、必求此三者、則无咎也。永按:朱子《本之從上、必求此三者,則无咎也。永按:朱子《本義》謂筮得此卦者、「當爲人所親輔、然必再筮以自審、有元義、正固之德、然後可以當衆之歸而无咎」。與《程傳》意義、傳專以君臣相比言之。

心交戰於中,豈能安履其素乎? 進,則有爲 其素,其處也樂,其進 躁而動,求去乎貧賤耳,非欲有爲 夫人不能自安於貧賤之素,則 其進,驕溢必矣,故往則 《履》之初九曰:「素履,往无咎。」 뻾 無 不善。 若欲貴之心與行 也將有 有咎。賢者則 爲也,故 其 葉氏日 進也 也。 傳曰 一,乃食 : 欲貴 道之 得 安 既 其 履 得

近思録卷之七

之心勝,則必不能安行乎素位,而亦卒無可行之道矣。

否亨。」不以道而身亨,乃道否也。《否》六二傳。人之群類,身雖否而道之亨也。故曰:「大人大人於否之時,守其正節,不雜亂於小

也。葉氏曰:《隨》六二與九五爲正應,然下比初九,荷隨故《象》曰「弗兼與也」,所以戒人從正當專一兩從之理。《隨》之六二,苟係初則失五矣,無人之所隨,得正則遠邪,從非則失是,無

車,而安於徒步。

○永按:世俗以勢位爲榮,君子以道義爲貴,故寧舍非道之賤。故曰:「賁其趾,舍車而徒。」《賁》初九傳。賤。故曰:「賁其趾,舍車而徒。」《賁》初九傳。君子所貴,世俗所羞;世俗所貴,君子所

私昵,必失正應

而 象》曰 高 高 潔 尚, 蠱》之上九曰: 自守者,有知止足之道,退 亦非 「不事 王侯,志可 道。 有 「不事王 '懷抱 則 道 也。」傳 侯,高尚 德 不不 E 脯 偶 其事。」 : 自 於 士之 保 時

> 是也。 也。 量能度分是不能做底。 得失小大之殊,皆自高尚其事者也。 守,不屑天下之事 者; 道」與「量能度分」者何以别? 謂「志可則」者,進退合道 知止足之道、張良、疏廣是也。 有量能度分,安於不 清介自守、嚴光、周 ○葉氏日 獨 黨是也。 潔其 朱子曰: 求 者 懷抱道 量 身者。 知者 也。 能 度 知 德,伊 分、徐穉 止足 問: ; 所 有 是能 尹 知 《象》所 處 清 、太公是 、中屠 止 雖 介 足之 底 有 自

爲? 伊川説 苟得爲之,孔 去之時,事勢已有不容正之者。 漢、晉是也。 廢,豈肯坐視其 「小利貞」之教。 未極之間,强此之衰,艱彼之進,圖其暫安。 而聖人之意,未 所説王允、謝安之於漢、晉,恐也不然。 王允是算殺了 遯者,陰之始長。 「小利貞」,云尚可以有 朱子曰:「小利貞」,小指陰小之小,況當遯 孟之所 亂 便遽 聖賢之於天下,雖 而 屑 不救? 已也,故有 君子知微,固當深戒 爲 爲。 程説 也 陰 雖善,而 , 王允、謝安之於 已浸長 必 品 「與 有 品 知 如 不通 時 何 致 道 可 之將 力於 行、 以 0

則可以去,大臣與君存亡,如何去? ○葉氏曰:强此之衰,時也。兼他是大臣,亦如何去? 此爲在下位有爲之兆者,董卓,謝安是乘王敦之老病,皆是他衰微時節,不是浸長之

扶君子之道未盡消,

,艱彼之進,抑小人之道未驟長。

之明 猶未顯,而曰「君子於行,三日不食」,蓋知幾而去之速 公受胥靡之辱,至是欲去而不得矣。 子不以世俗之見怪 去,楚人將鉗我於市。」當時雖申公之賢,猶以爲過。 人盡識 不能 而不疑也。 明夷》初九, ,則傷已及而 也 楚王戊不設醴酒,而穆生去之,曰:「不 如 是 事 一, 而 則 不能去已。 葉氏曰: 未 世 遲疑其行也。 顯 一俗孰 而 處 不 甚艱,非 疑 怪 ? 若俟衆 其後申 初九傷 然君 見 ,處人 幾 端也。

非汲 寬裕,無急於求上之信也。 信於上? 苟上未見信, 人又恐後之人不達寬裕之義,居位者廢 曰:「晉如 汲以失其守,則悻悻以傷 晉》之初六,在 摧 如,貞吉,罔孚,裕,无咎。」然聖 下而 則當安中自守,雍容 始 苟欲信之心切, 進,豈 於義矣。 遽能 職 深見 故 失

> 守以 退。 失其職, 兆,事之端。 唯時,亦容有爲之兆者。永按: 裕者不急進,亦不 未受命當職任 孟子所謂 爲裕,故特云「初六裕則无咎」者, 一日不可居也。 爲之兆,謂若孔子之不去魯,示以道有可行之 「無官守言責,則吾進退綽綽然有餘裕」者 故也。 若有官守,不信於 然事 非一 概,久 始 上 速 而 進 遽

荷合也 者知 者,●隨時之宜,無心遇合也。 道,自無 幾 不正而合,未有久而不離者也。 而 終睽之理。 固守。《睽》六三傳。 故 知幾固守者,知事之微,不求 賢 者 順 永 理 按:順 而 合以正 理 安

之當然 得免,則命也,當推 而 己。 君子當困窮之時,既 苟不知 也,則窮 命 塞禍 則 致 恐懼於險 患 其 不 命, 盡 以 其防慮之道 以 動 遂 難,隕 其 其 心,行 志 穫於窮 吾義 而不 知 命

● 「者」,原無,據局本補。

然《論語》中「致命」字都是委致之致。○永按:隕穫,謂爲象》傳。○朱子曰:「致命」,伊川解作推致其命,雖説得通,戹,所守 亡矣,安能 遂其爲善之志乎?《困・

故辭曰

「征吉,无咎」。

九四傳。
苟擇勢而從,則惡之大者,不容於世矣。《困》
寒士之妻,弱國之臣,各安其正而已。

窮戹所壓,而顛墜消落

中,故切於施爲,異乎「用之則行,舍之則藏」智而不見用,以不得行爲憂惻也。蓋剛而不《井》之九三,渫治而不見食,乃人有才

可爲之時,爲有咎也。 德,當進行其道, 矣,位得矣,才足矣,處革之至善者也。 上下之信,故「已日乃革之」也。 理,應上則得權勢 《革》之六二,中正 則吉而无咎也。 體體 葉氏曰 則 順 無 則 偏蔽,文明 「已日乃革之」,謹之 無 違 不進 如二之才 悖。 則失 則 必待 時 可 盡

至也。革固不可遽,然當其時,處其位,有其才,豈容自已?

「鼎有實,慎所之也。」《鼎》九二傳。〇葉氏曰:有才所趨向,不慎所往,則亦陷於非義。故曰:

者急於有爲,不暇謹持所向,如荀彧之類是也

可坐視其失,在下位則有職所不及、力所不能 六二傳。○永按:拯者救其弊,隨者隨其失也。 則有當拯,有當隨,有拯之不 士之處高位, 則有 拯 而 無 得 隨。 而 者矣。 後 在下 隨 高 位, 位

「君子思不出其位」,位者所處之分也。 「君子思不出其位」,位者所處之分也。 「君子思不出其位」,位者所處之分也。

失於終,事或廢於久,人之所同患也。《艮》人之止,難於久終,故節或移於晚,守或

「敦艮吉。」

中無私係。苟志有所係,則好惡成於中,是非變於外。是變動,虞之不得其正矣。葉氏曰:未有所從,則度所信,則得其正,是以吉也。志有所從,則度所信,則得其正,是以吉也。志有所從,而虞未變也。」傳曰:當信之始,志未有所從,而虞未變也。」傳曰:當信之始,志未有所從,而虞

鍾 説,有功於學者,亦前聖所未發之一端。○君子之所急當先 以 實 而 爲」,此只説義。若不恤義,惟命是恃,則命可以有得,雖萬 義,語義則命在其中。 必言命。《遺書》。下同。〇朱子曰:程子言義不言命之 下,乃以命處義。 命,是求無益於得」。 、顯於事物之後。 有 有不辨禮義而受之矣。 不求。 不得 賢者惟知義 則 若賢者則求之以道,得之以義,不 當歸之命爾。 義雖因事物而有,實著於應酬之時。 如「行一不義,殺一不辜,而得天下不 而已,命在其中。 如言「求之有道,得之有 義有可取,如爲養親,於義合取, 〇葉氏 知命之不可求,故自處 E: 命雖定於事物之先 中人以 如

乎? 故君子求之道義而已,命不必言也。

去就辭受,要決於義,而後命從之以顯。

苟欲以命決之,可

故,曰:「蔡人尠習《戴記》,決科之利也。」先 之『不受命』。有志於道者,要當去此心而後 乃留情於其間,多見其不信道 豐約之間,不能無留 夫子貢之高識,曷嘗規 生曰:「汝之是心,已不可入於堯舜之道矣。 可語也。」 門人有居太學 而欲歸 情 耳。 規於貨 應 且貧 鄉舉者, 也 利哉? ,故聖人謂 富 有 命,彼 特於 問 其

● 「上九」,原倒,據局本乙正。

近思録卷之七

亦非 見得 那 能 肯 實理,人須見得確定,若不實見 有漏落。 處,云「實見得是,實見得 不會放過? **簀與不易簣,只論他平日是聞** 易寶、當時若差 所言之志 子引易簣之事,蓋以道之重於生,明正之安於死,言有夫子 事物當然之理,苟得聞之,則生 本以人心見處而言,惟實見是非之理 人不能若此者,只爲 一時 萬 以 是,實見 日 聞 如曾子易簣,須 人苟有「朝 理自是 照 道 安於所不 丽 、管不 一而得 後能 日 了這 到,也 理,見自是見。 Œ 得 那 有曾子所處之事耳。 者 時 非。 聞 無奈 是 著,唤 便 安也。 道,夕 非, Œ 無 要 朱子 何。 餘事 不 終大事 做 道與不聞 恐是記者之誤。 如 見實 順 得,又都 問: 聞 ○實理與實見不同: 日 而 死 此 何 死安,無復遺恨矣。 道 山 ,既見得,自 乃安。 可矣」之志, 若果已聞 不聞 ıĿ ,然後爲實理。 伊 以 理。 道。 非以聞道便爲得正,]1 開了。 死 道? 説 也。 平日已是聞 日,須 朱子曰 實 實理者, 道 ○葉氏 「見」字 〇間: 理 日 然不放 到 有 蓋理 不可 那 不 則 蓋 臾 論 曾子 0 F 時 道 有 日 過。 道 實 不 不 者 也 程 曉 無 那 必

不實

"但見有未實耳。

○永按:

葉氏説

亦可

通

凡

實

理

是「不勉而中」,「從容中道」,只是見得通透 强。 也。 五分。 此。 畏,終不似曾經 善如探湯」之心,則自 就富 所不肯爲,及至他 見得,必不肯安於 得之於心自别,若耳聞 實見得也。 者,他人語虎,則 水火,則 執卷者,莫不知説禮義,又如王公大人,皆 之使爲穿窬,必不爲, 言軒冕外物,及其臨 程子虎傷之譬甚好。 虎傷事亦 然學 貴。 **臂諸穿** 人皆避之,是實見得。 者 如此者只 然。 窬 朱子曰: 則 稍 須 得 傷 是 勉强。 之於心,是 個 雖三 者 致知便要窮究徹底,真見得決定 事 所不安。人之一身,儘 是説 人便不肯做,蓋 〇今人行到 利害, 神 又不然。 尺 然别。 其他事 色 朱子曰 口道者,心實不見, 得,不 (童子, 懾 則不知就 懼 謂 Ŧī. 昔曾 未必 ·實見。 若 這 分 有 須是有「見 至 真 皆知 做得 土者, 不 知穿 便 德 誠 然。 經 待 是 不不 義 畏之,是 順 虎之 傷 窬 及 他只 勉强」,不 便, 理 之不 雖 於 其 至 如 知 口 虎 不 能 蹈 如 有 勉 却 殺 所 得

「樂循 得 則 理 鳥 底 意思。 能 如 此 古人有 ? 須 捐軀隕命者 是 實 見 得 生 二,若 不 重 不 於 實

見

謂

就 話 説「生不安於死」。 命之理? 身者所以全性命之理。 義 生不 ,非是其人殺身時有此意 一個是 只爲死便是, 安於死 一而已。 至於全其性命之理, 也,故 朱子曰 生 人當殺 便不是,不過 也 有「殺身成仁」,只 り身時 曾見人解「殺身成仁」,言殺 何 乃 一就 暇 是旁 更思 個 八人看 是。 量 我是 故 他 是 伊川 説底 全性 成

亦當 當 間 之者義也,有所 較 那 只 而 計 是 爲 避 ? 者 如是 便 害,聖人則 個公與私 ,謂相去不甚遠,所 較 孟子辨 利 是 害 便 命 者,天下之常 是 爲 舜、 在 而爲之者利 爲 也。 其 跖之分,只 更不 有 中 利 纔出 也。 論利害,惟 害 也。 義 争 情 南 若無 ○葉氏 毫末 在 軒 也。 便 張 義 以 氏 利 日 爾。 日 看 利 利之間 害, 皆 義 義 言 無 義 如 當當 知 何 也 所 是 與 爲 爲 趨 用 則 利, M 不 利 計 只 言 爲 命

大凡儒者,未敢望深造於道,且只得所

漸好。 存正,分別善惡,識廉恥。如此等人多,

亦

須

然那 之? 君得 明 利? 則 不 而 當 自 如 面 皆本於利 欲 和 却 然而然便安否? 家穩便處,皆利心一,如此則善利之間 已 ,其不反以利爲善者鮮矣。 以 作 無生 加何解 和。 其爲君,臣得爲其臣,父得其爲父,子得其爲子,何利 生於不義 是 此利字即《易 義 趙 日: 「賊義」之大者。 事 景 爲 ,惡物欲亂 截然不可犯似不和,分别後萬物各得其 得不似 故 须须 利, 不獨 平問: ,義則 ,此語 便不是。 義 尋 》所謂 心 和 財 曰 : 自 安 圃 却親切,正 則 「子罕言利」, 利之利,凡有利 處 家 無 是 「利 絶 不 穩 也。 便 滅 者義之和」,利便 朱子曰: 利 〇問: 人倫。 爲 便 矣。 只 好去解那句。 利。 處 萬物各得其 「義安處便爲利」,只是 ○葉氏 心。皆 推 程子謂「作一 相去毫髮, 其本 如 所 利 日 釋 心 心 謂 是義之和處 心 義初似 氏 便不 分便是利 釋 所便是和 利 惟欲 也。 荷辨之不 :氏惡 之學, 事 者 不和 ,須尋 利 미 死 何 如

問:邢七久從先生,想都無知識,後來極

附章惇爲惡。 狼 理 不 狽 能 勝 先 生 利欲之心,便至如此 〇朱子曰: E : 謂之全無 此言以責人言之則恕,以教人言 知 則 也。 不 可, 邢七,邢 只是義 恕也

之則切。

其母 求爲 湜 日 日 ·怒而弗許,曰:『吾女非可試者也。』今爾 人師 謝 爾將 「何 湜 自蜀之京師, 何之?」日 如?」子曰: 而試之,必爲此 「吾嘗買婢,欲試之, 過洛而見程子。 將試教官。」子弗答。 媪 笑也。」是遂 子

歷。 當「廪人繼粟,庖 官時,用下狀 部,問不支俸錢。 某起自草萊,無 先 又不爲妻求 生在 出 講筵,不曾 給 人繼 料錢歷。 前任 肉」也。 封。 户 部索前任 先生不請 歷子。」〔本注〕舊例,初入京 范純 請請 遂令户 俸。 甫 其 歷子,先生云: 問 (意謂 部 諸公遂 其 自爲 朝廷起 故, 牒 先 出 我 户 便 生 券

雖

科舉法都改變了,乃是正耳。 陳請 待陳乞? 然。 先生所以難言之也,但云「其説甚長」, 此自今常人言之,如此可 如此名義却正。 先生曰:「此事 生曰:「只爲而今士大夫道得個乞字慣,却 例,義當然否? 今日乃爲妻求封之理?」問:「今人陳 朝廷合行之禮,當令有司檢舉行下,亦不必 思之,後來人只是投家狀, 不動又是乞也。」因問:「 其説甚長,待别時説。」朱子曰: 陳乞封 古者人有才德即舉用。 則乞封贈,程先生亦不爲之矣。 蔭亦 程先生之意恐然也。 可。 〇間: 티: 體 人皆以爲本分,不爲害。」 本以 若是應舉得官,便只當以 又别。」再 也,然朝廷待士却不當如此。 便是陳乞了,以 應舉 當時這般封贈,朝 觀後來郊恩 陳乞封父祖 得官 則是其意以爲要當從 三請益 則 〇問:封父母,此自 某因「説甚長」之意 當只以 俟陳乞也。 至人任,事 ,都不曾爲太 廷自 一,但云 常 常 如 調 調 行之,何 何? 乞 自 自 伊 事 EI: 先 恩 處 處 動 III

猶强起之乃就對。 漢策賢良,猶 是人舉之。 至如後世賢良,乃自求舉 如公孫 弘 者

目

某當

[時起自草萊,三辭然後受命,豈有

事」, 縱 爾 ,失志則 則 若 果 亦 有 미 便 曰「我 尚 放 己。 曠 與 心只 悲愁 若志 望 而 富 廷 己。 貴, 對, 則 欲 得 直 言 志 天下 便 驕

道 某 望 可 及第 何 以 ,是惑也 嘗 及 伊 JII ,却是責天理 第 不 先 教 即 生 人習舉 己, 日 若更去上面 人多説 業 而不修人事。 也。 某不教人習 人若 盡 力 不 求 習舉 但舉 必 屋業, 得之 業既 業 而

爲 禄仕 定 動 君 不 不 累 命,若合死於水火,死於刀兵 小何修 得 親 勝 子。」人苟不 ,見利必趨,其 ,然「得之不得爲有命」。 問: ,其如命何? 奈何? 氣,若志勝,自 可以免此? 家貧親 티 : 知 老,應舉求仕,不免有得 何 爲己爲親,也只是一事。 命, 孔子曰:「不知命,無 以 無 見 伊 爲 此 患 看 川先生日 君 累。 難 如何逃 子? 必 家 日: 避, 不得。 朱子 貧 在 遇 親 此 E 己 此 老 得 只 固 説 死 是志 失之 喪 須 以 生有 雖 可 若 必 爲 用 甚

見害便避,如何得成君子?粗,然所謂知命者不過如此。若這裏信不及,才見利便

趨

害爲學。 使孔子復生,也不免應舉, 累科舉。 舉爲爲親,而 生有言,不恐妨功,惟恐奪志。 惟 文字意思都别了。 之,得失利害置之度外,雖 不 亦 不志此,必志於彼。 月之中,十日爲 知曾妨 有二十日修學。 患奪志。《外書》。 或 然今人把心不定,所以爲害。 若高見遠識之士 謂 飲食否? 科 不爲爲己之學,只是 舉事業奪 若被 只是無志也。 舉業,餘 他 ○問: 然豈 日日日 移 讀聖賢書,據吾所見而爲文以應 故 了志 人之功,是不 科 應舉, 若 科舉之妨功。 能累孔子耶? 日 無 舉之事,不患 ○非 則 月之間 志。 足 亦不累也。 更 是 才以得失爲心,理會 無醫 可爲學。 以 科舉累人, 自是人 ,著十日 畢業爲妨實學 處矣。 朱子曰: 然。 〇科舉亦不 居今之世 妨功 事 0 然人 且 舉)以科 程先

人後者,所宜樂職勸功,以 功 尊有德,愛之厚之,示恩遇之不 横渠先生曰:世禄之榮,王者所 服 勤 事 任,長 窮 以 也 廉 録 遠 爲 有

比 利,以似述世 反羞循理爲無能; 布衣,工聲病,售有 風。 而近代公卿子孫,方且 不知蔭襲爲榮, 司。 不知求仕非義 加 反 以 下 虚 而 人非笑者哉?

子説》。 不藉其力而利其所有,則己自重而彼自輕。 不資其力而利其有,則能忘人之勢。 ○葉氏曰:人之歆動乎勢位者,皆有待於彼也。 **《孟** 惟

名爲善繼。

誠何心哉

《文集》。

之之心。 下同。 須是 才短 是本分,求著便是罪過。 誠 不 人多言安於貧賤,其實只是計 〇朱子曰: 知 能 義 誉 畫耳。 理之樂 人須是讀書洞見此理,知得不求富貴,只 不惟不可有求之之迹,亦不可 若 於利欲也, 稍動得, 乃能。 恐未肯安之。 窮力 語 有求 録》。 屈

則 富 食 貴, 生,當死 粗 衣惡,居貧賤,皆恐人非笑。 天下事大患只是畏人非笑。不養車 明 日 則 飢 死。 餓,亦不 今日 即,一 萬鍾 惟義所在」。 ,明日棄之,今日 不知當 葉氏 馬 生

> 日: 義之所在,死生去就,有所不 顧。 豈有 懷龌 齪之見,畏

近 思 録

卷之七 終

凡二十五條

志。

少女、離中女也。陰柔之性、外和悦而内猜嫌、故同居

而

異

吾

堯所以釐降二女于嬀汭,舜可禪乎?

後學江永集註

婺源

朱子曰:此卷治國平天下之道

濂溪先生曰:治天下有本,身之謂也;

婦人,故《睽》次《家人》,以「二女同居」,而 易,家親而天下疎 不誠則身不可正,親不和則家不可齊。 爲法者,猶俗言則例、則樣也。 治天下有則,家之謂也。朱子曰"則,謂物之可視以 已矣,則必善,善則,和親而已矣。朱子曰:心 「志不同行」也。朱子曰:《睽》次《家人》,《易》卦之序。 然不先其難,亦未有能其易者。 也。 朱子曰:親者難處,疎者易 本必端,端本,誠心而 家人離,必起於 家難而天下

也。 實矣。不善之動,妄也,妄復則无妄矣,无妄 書》。○朱子曰:《无妄》次《復》,亦《易》之序。❶「先王」以 則誠矣。程子曰: 无妄之謂誠。故《无妄》次《復》, 矣。朱子曰:不善之動息於外,則善心之生於內者,無不 端,心誠之謂也,誠心,復其不善之動而已 兹試矣。朱子曰:釐,理也。降,下也。妈,水名,汭,水 而贊其旨之深也。 下,❷引《无妄卦·大象》,以明「對時育物」,惟至誠者能之, 而曰「先王以茂對時,育萬物」。深哉!《通 北,舜所居也。 堯理治下嫁二女於舜,將以試舜而授之天下 是治天下觀於家,治家觀身而已矣。身

極人倫之至者,堯舜之道也。 明道先生嘗言於神宗曰: 得天理之正 用其私心,依

- 「易」,局本從洪本作「卦」。
- 「二女」以下、《睽・彖》傳文。二女,謂《睽卦》兑下離上,兑 「王」,原作「生」,據局本改。

霸矣。 海 堯 審 所謂「差者毫釐,繆以千里」者,其初不可不 舜之道。 仁義之偏 王霸,元不識王霸,只是以寬慈唤做 霸者崎 人情,出乎禮 E 舜之道 也 霸,至明道先生此劄,無餘蘊矣。 則 萬世幸甚。 惟陛 二者其道不 嶇 故誠 反 備於己,反身而誠之,推之以及 者,霸者之事也。 側 下 義,若履大路 於 稽 心 而 曲 先聖之言,察人事之理,知 《文集》。 同,在審其 王 徑之中,而卒不可與 則 下同。 王矣;假之而 E 而 王道 行,無 嚴 〇朱子曰 初而已。《易》 融唤做 如 復回 砥,本乎 霸。 調,則 宣帝 入堯 自古 <u>щ</u> 四 雜

乎? 乎? 下乎? 嘉 謀 伊 君 君 日 陳 川先 相 欲用之,非 此三 善算, 立志 協 生 者本也, 心,非賢 ,二曰責任,三曰 非君 **E** 責任宰輔 當世之務,所尤 志先 者 制於事 任 立,其 職 ",其 0 者 求 能 用 其 執 賢。 能 聽 也 承 先 施 今雖 加 丽 者 \equiv 於天 用 行 者 之 之 納 有

> 必期致 立志篤實而遠大,則不膠於淺近,不惑於流俗 今說與學者,也只得教他依聖人言語恁地做去,待他就 聖人之説爲可必信,何也? 治爲可必行,不狃滯於近規,不遷 心,以道自任,以聖人之訓 之中,復以立志爲本。 做工夫有見處,便自知得聖人底是確然恁地。 天下如三代之世也。 朱子曰: 所謂 爲 問: 也 미 立志者, 不得 程先生進説,只以 必信 惑 不 恁 0 於衆 ,先王之 至 集 地 説。 氏 誠 裹 血 如

而已。 心自 實之意以待物,推愛己之心以及人,發政施仁,公平正大,群 也。 禽。」傳曰:人君比天下之道,當顯 下之比 然豫附。 使天下蒙其惠澤,是人君親比天下 如是,天下 比》之九五曰:「顯 如誠 其道 若乃暴其小仁,違道干譽,欲 意 以 孰 亦 待物,恕己以及 不 已狹矣,其能得天下之比 親 比於上? 比, 王用三 人,發 葉氏 明 驅 其 日 ·之道 政 比 失前 積 求 施 渞

0

莫不皆然,「三

驅,失前禽」之義

也。

《易

傳

朱子曰 者撫 乎? 驅,禽之去 王道之大,所以 之, :田獵之禮,置旃以爲門,刈草以爲長圍,田獵者自 E 者 固 者 顯 不 從 明 煦 其 其 而 晌 比道,天 民 不 然 - 追,來 皡 求 皞 比 加 於 下 者 莫知爲之者也。 ·自然 物。 則 取 之也。 若 來 田之三 比。 此 來

其門, 記録有小差,讀者得其大意可 表之御法 前禽」比去者不追,●獲者譬來則取之。 御 也。 而 逐 過之,歡擊則不得 獸 别 設驅逆之車,非 也。 人。 非 以驅 此 惟人君比 未 車 田 之前 入門爲 習 天下 驅 過 默。 君

門驅而

人,禽獸向我

而出

者皆免,惟被驅

而人者皆獲。

故以

〇永按: 樹旌以表

也。 其比己也。在朋友亦然,修身誠意以待之, 言之,竭其忠誠 用之與否,在君而已,不可阿 ,致其才力,乃顯其比) 諛逢 君之道 迎,求

之道如此,大率人之相比莫不

然。

以

臣

於君

而

合,以求人之比己也。 親己與否,在人而 已,不可巧言令色,曲從苟 於鄉黨親戚,於衆人,

下 同

己也。 生也。 民者日 之。士修其學,學至 公卿,日志於尊榮,農工商賈,日志於富侈 日:《履·象》曰「君子以辨上下定民志」。上之人不度其 億兆之心交騖於利,天下 有定志,而天下之心可一。 身居之,得其分也。 制爵 也? 古之時,公卿大夫而下,位 志 位,則爲士者日志於尊榮; 農工商 於富侈。 欲其不亂 [賈,勤 貴 賤 難矣! 競 位未 其 而 趨, 事 君 而 求之。 不明其分而立品節,則 而 紛然, 心 稱 《履• 後世 所 德,則 欲 無 享 各稱其德,終 窮, 象》傳。 皆 如之何 自庶士至 有 君 限。 非 此 亂 舉 有 ○葉 之所 其 故 預 而 於 皆 進 於 可 爲 德

節。 人情 《泰》之九二曰:「包荒 治之之道,必有包含荒 安肆,則政 舒緩 mi 法 度 用 穢之量 廢 馮 弛 河。 則 庶 傳 其 事 施 無

0 者」,原無,據局本補。

容不至 荒也。 之患。 氏曰:有含容之量,則剛果不至於躁迫,有剛果之用 河。 神宗用王安石更 以含容之量,施 之輔,不能挺特奮發以 狃習安逸,因 弘之度,有忿疾之心,則無深遠之慮,有暴 爲,寬裕詳密,弊革事 用 馮 於委靡。 或疑 河一, 深弊未去,而 自古泰治之世,必 上云「包荒」,則是包含寬容,此 則 新法 循 是 者相資 剛果之用,乃聖賢之爲 奮 而 ,而宋室以否,有馮河之果而無包含之 然。 發改革,似相反也。 ,而治泰之道 近 ,理,而人安之。 革其弊也,故曰 自非 患 漸 已 剛 至於衰替 生矣,故 可 斷 成 之君, 也。 若無 0 也。 在 用 蓋 永按 英烈 不 ,則含 知 云 馮 由 包 擾 含 葉 過了。

之初 莫不盡其孚誠,顒然瞻仰之矣。 子居上,爲天下之表儀,必 勿 觀 ***** 使 誠 盥 心 而 小 不 散 薦,有孚顒若。」 9 如 既 極 薦 其 之後, 莊 朱子 敬 傳 Ė 則 如 Ħ 祭祀無 天下 始 盤 君

量故

也。

常持 不薦者,此是假設來說。 得這 誠敬如盥之意常在 薦是用事了, 盤是未用事之初。 ,若薦則是用 出 用 出 則 纔 畢 古 便

其間隔 不 則氣不通而生化莫遂。 嗑,合也。 治天下之大用也。 間,有離 合者,皆爲有間 天地之生,萬 和合者,皆由 物有總攝,事 《大畜》之六五 凡天下至於一 而合之,則 物有間者,齧 貮 怨隙 物之成,皆合 也。 有間 者, 有 人倫有間 而 無 《噬嗑》傳。 國 曰 : 機 蓋 合之也。 若君臣 也 不 會。 讒 和 家,至 邪 無 ,則情不通而 豶豕之牙,吉。」 且 聖人 間 ○葉氏 父子 而 間 洽矣。 〇朱子日 於 後 則 於 操 能 合矣。 其 親 日 萬 得 遂。 間 戚 噬 事 其 義 天 险, 齧 朋 也。 (要,則 日 地 嗑 凡未 睽。 友之 以 所 有 也 傳 間 至 以 夫

視 日 億 : 兆 之心 猶 心。 道 之斯 行, 止 之則戢

⁰ 含」局本從洪本作「荒

⁰ 心」,局本從《遺書》、《易傳》作「意」。

知廉 惡自 之物 其 者,察其機要,治其本原,而人自服。 之道,不尚威刑而修政教,使之有農桑之業, 能 動 機,持其要,塞 去其 故 豕」之義,知天下之惡 (要害以御人之謂 荷 勝 不勞而 億兆 止也。 ① 恥之道,「雖賞之不竊」矣。 ,若强制 不 知 則 利欲之心乎? 治,其用若「 教,而 牙 其 雖 且 也 絶 牙 存 如 其 迫 而 本 則 止 於 剛 原,故不假刑法嚴 不 用 豶豕之牙」也。 盗 饑 躁 미 力 寒,雖 聖人則知所以止之 民 勞 以 自 非若後世權謀之術 有 而 止。 力制 欲 刑 不能 葉氏 心, 殺 君 也 日 日 子 止,若 見 **豕剛躁** 則 施,其 法 制强暴 利 峻 察 執 其 則 而 豶 豶

易。 以 往 也 夙 煩 當天下之難 既 苛 吉。」傳曰: 解 嚴 解 急 利 其 難 治 西 之,當 南 而 方解 安平 西 無 南 濟 所 人 ·無事 坤 以 往 寬 始 方 其 矣,是「无所 坤 離 大 來 簡 艱 之體 苦,不 復吉, 易 乃 廣 其 口 大 有 往 攸 復 平 宜 亦晚矣。

也。 身,講 定 古 代 葉氏曰: 事 則 乃吉也。 人主還有理會正心誠意否? 正合修明治道 治 有攸往,夙吉」,謂尚 之復生者,不早 聖 明 不復有爲,姑隨 ,蓋不知「來 則爲可久 明義 王 王 則當修復治道,正 張柬之等不殺 之治,是「來復」也 救 理,以此應天下之務,用天下之才,方見次第 當 難 ,求復三代之規模,却只便休了。 解 定 可繼之治。 而 復」之義 亂,其始 未 武三思,及其 爲 時 盡 則 維 者,不 有當解之事 須得 將 紀綱,明法度,進復先 也。 持 未 自 漸 人主如 , 而 暇 謂 漢 大 卓 勢復盛,乃 已,故 朱 遽 故 反 以 去 陋巷之士 子 爲 下 Œ 則 日 ,則早爲之 夙 不 · 亂 也 理 將 欲除之,則 則吉也。 兩 禍亂 能 復 也 漢以 既除 ,治心 成善 既 盛 既 安 自

夫「有物必有則」,父止於慈,子止於孝,

- 「而」,原作「則」,據局本改。
- ❷ 「來復」,原倒,據局本乙正

其所 於其 能 君 ,止其所也」,最解得分明。 使 ıĿ 分所而 得 天下 於仁,臣 其 順 所 則 止 一於敬。 非 安,失其所則悖。 能 彖》傳。 爲 「艮其背」,恐當只 物 萬 〇朱子 物 作 庶 則 Ĭ: 事 也 莫 伊 聖人 惟 (如此 川 不 止 於 説 之各 所 各 「艮其 以 有

説 之道,其説 之譽」者,苟説之道,違道不順天,干譽 説道之至正 人,荷取一時之説耳,非君子之正道。 服 無斁。 兑説 而 於民 朱子曰: 至善者也。 能 貞 如 是以 説若不「剛中」,便是違道干譽。 天 地 上順天 若夫 之施,感之於 「違 理 下 道以干 應人 <u>را،</u> 君 非 百 Ľ, 而 子 應 姓

知

雖

用

而

之終不 其道 濟 爲 故 乃 能 有 衰亂之所 已 通 天下之事,不 其 窮 進 而 變 無 極 而 由生。 亂 於 也 止 未 矣, 聖 聖人通變於未窮,故 窮,不使至於極 進 無 濟 人 》傳。 常 則 至 退,無 止 此 ○葉氏曰: 奈 也 何 一定之理。 衰 ? 有終 堯 亂至矣, 常人苟安於既 曰 加 舜 無 唯 是 亂 聖 也 人 蓋 濟 堯

後

舜 通其變,使民不倦 是 也。

以尊 愛其 宫、《毛詩 義者,如《 力,乃所當用也。 復古興廢之大事 宫,復閟宫,非不 之大而不書者,爲教之意深矣。 〈隱七年》「夏城中丘」之類。 二之類。 輕 此 時 民 風 事祖 力。 力 俗美,故爲政 重 義 且 爲 《莊元年》「築王姬之館」之類。 河則 必 民 先,一者皆爲國之先務 矣。 義 》以 書不義者,如《莊二十三年》「丹桓宫楹」之類。 書,其 必 爲先妣姜嫄之廟。 民力足則 立 知慎 《經説 書, 君 所 見 所 重於用民 用 ,爲國之先務,如 勞 興 以 以 生 下 民 作 民 民力爲 君 養遂, 養 同。 力也,然而 書 不 爲 之也。 知 泮宫所以教育賢 時 力矣。 0 時 重 者,如 此 葉 害 生 事 重 義 氏 泮宫,諸侯之學。 也。 養遂 也 義 ~ 桓 日 養 知 然有 不 僖公 民 十六年》「冬城 固 **奉** 書 爲 是 書 後 則教化 不時 爲 才 政 用 而 之人君 1秋》凡 道 閟 罪 修 之先 民 用 官 也 民 者 泮 力 閟 如

治 身齊家以至平天下者,治之道 也。 建

制 立 立 治 綱,分 度, 盡 IE. 天 下 百 之 職, 事 順 者, 天 治 時 之 以 法 制 也 事 聖 至 人 於 治 創

蔽

天下之道

,唯此二端而已。

先王治天下,以仁義爲主,法固 世 天下, 一只是以 明道 而法亦非先王之法矣。 法把持天下。 先生曰: 先王之世以道治 在 《遺書》。 其 中。 後 下同。 世 惟 恃法令以控 〇葉氏日 天下,後

審量 能 此 其 法、 公私之間 而 親,然後能 以 不獨親 義 (含諸?) 便 舉之?」子 平價 得 讀 ,則一心可 爲 其 法、平價之類耳。 其親 政 所不知 ご護 爾。 須 不 ? 也。 要有紀綱文章,先 權 見 獨 日 朱子曰 **E**: 以喪 仲 量 親 0)於此可 此 其親 皆 弓與聖人用心之大小。 舉 〇問: 所以 (邦,一心可 所謂 阚 不 `見聖賢用心之大小。 明 所 미 「文章」者,便是文飾那 何以言「人各親其 仲弓曰: 夫人必 知。 闕 也。 各舉其 爾 有 以興邦,只在 司、 所 「焉知賢 不知 所 各 鄉官 親 知 仲弓只 親 然後 然後 謹 推 才 其 讀 權

> 理。 「公私」者,豈非仲弓必欲人才皆由己舉,聖人則 緣見識未極其開 詳 其義耳。 者見程子説興邦喪邦,説得甚險,多疑於此。 舉之否? 未見其爲私意。 不爲難矣。 市 玩 恩之意而至於喪邦,但一蔽於小,則其害有時 錮之極 凡事微有過差,才有安頓不著處,便是惡。 〇程子此章之説,廣大精微,無 ,則可 日: 故極言之,以警學者用心之私也。 仲弓只 以喪邦矣。 然其心淺狹,欠闕處多,其流弊便有喪邦 闢 故如 是 見不 此。 0 程子之意 到 人之心 纔 見 量 不 。 固 本自 所不備 到 非 便 謂 然 大,緣私 〇仲弓之問 ※程子 陷 使人各得 0 仲弓有 學者 而 於 問: 至此,亦 亦 私 故 固 所 E 所 推

害矣。 本而 廷,正朝廷以正百官」。 小 已,若須救之,必 輕於改作,或變之不得其道 益。 言,惟 治道亦 永按:此謂事 是「格君心之非」,「正 有從本而 須變, 有積弊,不可不變革者,須變乃有 言,亦有 ,則不唯 大變 若從事 則 無益, 從 大 而言,不 事 益 而已有煩擾之 心 而 小 以 言。 救 變 正 則 則 朝 從

唐有 天下, 雖 號治平,然亦有 夷狄之風。 足以 永王 若租庸 漢 豎 習相傳 有 亂 臣 也 \equiv 杰 擅 ·
虧,閨門之間又有慚德,三綱皆已不正。 舉。 大 維持天下。 璘 專 綱 葉氏曰: 故 故 不 使江 調 於内, ,綱常陵蔑而不可 葉氏曰: Œ 藩 其 īE. ,若省· 南 一,唐 鎮 後 馴 則 無 太宗以智力刼持取天下,其於君臣父子之義 府。 不賓 世子弟皆不可使,君不君, 反。 致 萬 大綱謂 君臣父子夫婦, 五季之極亂也。 其 日舉,本 君臣之道 權 品 啃 畫 綱 常。 臣 法 明皇使肅宗至靈武則自立,使 制 不 跋 朝 唐之治目 Ė 略做 扈 大綱 遂使藩鎮割據於外、閹 漢之治過 一,陵 先 其原始於 王之遺意,❶故 ,若世業,若府兵, 正,萬目亦未 是以後世子孫 夷 有 Ŧ 於 代之 太宗 臣 唐。 不 亦 氣 可 後

敬 讓 教 而 争自 人者 養其 息。 《外書》。 善 心 丽 下 惡 同 自 消 治民者導之

然後 席之微 趾》之意了,只是要得誠意素孚否? 口 明 ,積累到 道 以 先 行《周官》之法度。 熏 生日: 烝洋溢,天下無 必有《關 朱子 雎 民 間 一》、《麟 Ė: 物 必必 不被其 須 有《關雎 趾》之意, 是自 化 閨 . 》、《麟 門 然後 衽

> 不能以自行 讀法平價。 後世論 「可以行《周官》之法度」,正謂 以行《周官》之法度,不然則爲王莽 治,皆欠此一意。 行。 ,皆不可闕」,而又曰 程子嘗言「爲政須要有綱紀文章,謹 ○孟子云「徒善不足以爲政 「必有《關 此 也 矣。 雎》、《麟趾》之意, 揚 雄 不 曾 權 説 審 到 量 此 法

子曰:「我先攻其邪心。」心既 事 昔者孟 其心」,必「害於其政」,豈 亂 朱子曰:大人者,大德之人,正己而物正 事之失,救 者能更之,直者 格 可從 ,繫乎人君仁不仁耳。 其非 君仁莫不仁, 子三見 而 心」,使 理 而 也。 Œ 齊 能 之,後之失者, 無 夫 王 諫之。 不正,非 政事之失,用 君義莫 而 不 ·言事 待乎 然非 離 大人其 不義」,天下 是 正 門 者也 作之於外哉 而 將 心 ,然後天下之 非,則「生於 存 人疑 人之非, 不 孰 焉 勝 能之? 則一 之,孟 救矣。 之治 知

横渠先生曰:「道千乘之國」,不及禮樂

而 政 如是則法行 刑 已,未及爲政 政 制 而 數 云 丽 也。 不不 節 荷 用 能 無是 《正蒙》。 而 如 愛人,使 心,則 是 則 雖 〇楊氏曰: 法不 有 政不行 民 徒行。 以 此特 時 ___ 禮 論其所存 言 樂 刑 能

티 : 佞 人」,蓋二者蕩心之原,敗法亂紀之要也 人,能使爲 夫子既告顏子以四 法 立 而 能 邦者 守 則 喪 代之禮樂, 其 德 所 可 守,故放遠之。 久 闸 業可 必 欲 「放鄭聲, 大。 鄭 葉氏 遠 聲、 佞

可乎? 得,即 將以 學、政術爲二事,此正 爲 謂 一不以 海之民如己之子。● 孔 王 政術 所學之道。 道 其 孟 横渠先生《答范巽之書》曰: 不不 所不 可 非吾所事」,非 所謂父母之心,非徒見於言 作, 能 爲 所不 推 將 而 父母之心於 推 强 爲 是。 其 謂 施 所 之於天 非其平日所學 自古之可 大都 設使四海之内皆爲 得 圃 君 白 下 施 相 1姓,謂 敷? 憂 諸 以 者 朝廷 者。 天 父 也。 必必 之 母 永 下 葉氏 按: 巽之 以 須 王 天 邪 己 道 道 視 下 ? 謂 所

> 集》。 道不必改 適,政不足與間」,能使吾君愛天下之人如 爲五伯之假名。 之子,則講 日之政術,即平日之學問 子,則治德必 ○葉氏曰: 途 治之術,必不爲秦漢之少恩,必不 圃 帝王之道 日新,人之進者必良士,帝王 成,學與政不殊 巽之爲朝廷言,「人不 ,非有一心也。 ,即今日之政 心 事 下, 非有 面 得矣。《文 :兩途。 足 赤 與 今

近思録卷之八終

■「如」,原作「子」,據局本改。

近思録卷之九

凡二十七條

婺源後學江水集註

朱子曰:此卷制度。

也。 也。 綱正 綱,網上大繩也。 疇,類也。 乃作樂以宣八風之氣,以平天下之情。 ,九疇敘, 濂溪先生曰: 九疇見《洪範》。若,順也。此所謂理 三綱者,夫爲妻綱,父爲子綱,君爲 百 姓 古聖 大和 王制禮法,修教化,三 萬萬 物 咸 若,朱子 而後 臣 Į. 朱 和 綱

平所以節其和之流。 子曰:八音以宣八方之風,見《國語》。 平,和則躁 其耳,感其 心 釋。 心,莫不淡 故樂聲淡而不傷,和而不流 朱子曰:淡者禮之發 且 和 宣所以達其理之分, 焉。 ,和者樂之爲。 淡 則 欲心

先淡後和,亦主静之意也。

然古聖賢之論樂,曰和而已。

此

遠哉 父。 中 中, 不和而已。 宣化,今以長怨。朱子曰:古今之異,淡與不淡,和與 所謂淡,蓋以今樂形之,然後見其本於莊敬齊 敗度,故其聲不淡而妖淫。 君棄父,輕生敗 聲,妖淫愁怨,導欲增悲,不能自 敗度,下民困苦。 是謂道配天地,古之極也。 優柔平中,德之盛也,天下化中,治之至也。 妖淫故導欲,而至於輕生敗倫。 |當作「化成」。 躁心釋,故優柔。 嗚呼 1 《通書》。 1 不復古禮,不變今樂,而欲致治者, 樂者古以平心,今以助欲, 後世禮法不修,政刑苛紊,縱欲 〇朱子曰: 倫,不 言聖人作樂功化之盛如此。 謂古樂不足聽也,代變新 政苛民困,故其聲不和而 可禁者矣。 復古禮,然後可以變今樂。 愁怨故增悲,而 朱子曰: 止 朱子曰: 欲心平,故平 至於賊君棄 肅之意耳 故 或云「化 古以 愁怨。 有 廢 賊

儒及百執事,悉心推訪有德業充備、足爲師得賢才爲本。永按"此句綱領。宜先禮命近侍賢明道先生言於朝曰"治天下,以正風俗、

下。 學業、曉達治道者。《文集》。 皆 旋 遣,萃於京 先王之舊,❷而善今日之俗 士之法。 皆以性行端潔 教之,歲論 下之學。 H 於是者爲 教自小學灑 上求賢講學。 表者,其次 士入學,縣升之州 其 受 有節序。 禮 其 學 樂。 自 鄉 〇朱子曰: 業。 明德尊者,爲太學之師,次 永按:此言教成使爲學官,推教法於天下。 成 人 其 師 有 其 其 德。 而 其 埽 水 所 俾朝 へ 賢 篤志好學、材 道 按 口 要 應對以 以 學校選舉之法 居家孝悌,有 者 在 必本於人倫, 取 至於聖人之道,其學行皆中 誘 以 能 於擇 by 州 材 上言 掖 則 者 相 往 賓 識 激 必 於 教學之法, 與 興 明 善修身, ,●修其 如 勵 講 朝 明 於 達 下 良 必 道先生熙寧之議 漸 明 同。 太 可 行 一欲乘 廉 明乎物 修者, 凡 摩成就之道 正 學,太學聚 、孝弟忠信,周 進於善者,使 恥 ○永按: 小大體 至於化成天 、時 學。 選士之法, 禮 改制 以 遜 分教 理。 延 永按: 用 此言選 以 通 聘 具 漸 備。 擇 明 而 天 其 敦 然 復 以

後 可 以 大正其本,而 盡 革 其 (末流 之弊

於庶人,必須師友以成就其德業。 受禄公上,而 貢 聯屬統治,故民相 黨,占者政教始乎鄉黨 不可不正,井地不可不均。 之治所以未至。 之官,歷二帝三 義未著,所以尊德樂善之風未成。 民不養於學校,而 ,鄉射亡而 益繁,而 餓殍而莫之恤,幸民雖多而衣食不足者,蓋無紀極。 士 一,庠序 明 道 不爲之制 先 禮義 所 兵農未始判也。 以 王未之或改。 生論 三日 不興。 安 人材多廢。 明 而 人 則 + 親 倫, 經界,制民常産,使之厚生 貢 其法始於比 事 衣 睦 化 今富者跨州縣而莫之止,貧 F 食 刑 成 六日 不本於鄉 今官秩滑 日 今驕兵耗匱國 天 罰 .蹙,轉 鮮 下。 今師傅之職不修,友臣 曰 二日 兵役,占者府史胥徒 間族 犯 師 死 今師 里 廉 亂,職業廢弛,太 傅,古者自天子 公黨 州鄉 六官,天地 Ħ 恥 而 多。 學 力,禁衛之外 易格。 行 廢 實不 鄭 而 兀 (遂,以 則 道 五 曰 生 者 四 德 經 鄉 日 族 流 Ψ. 達 不 相

日 離

0 教」,原作 道」,據局本改。

0 王」,原作「生」,據局本改。

别 祭、車 物,山 不漸 改。 之業以救之。 給。 其 康 争亂之道也。 養之,則有 不修,六府不治,用之無節,取之不時。 從古制 飭人情,名數不足以旌别貴賤 曰 今天下耕之者少,食之者衆,地力不盡,人功不勤。 制 莫 此 四 今京師浮民數 無治 歸之農 後 敢 虞澤衡,各有常禁,故萬物阜豐, 則未免大 服 民,古者四民各有常職, 歷代 ,均田務農,公私交爲儲粟之法,以爲凶歲之備。 **松**瑜 器 # 僭 用 變通長久之勢。 亂 ,則將 等差。 ① 能 故 彰 〇以上十條並 九日 害。 如 盡 財 灼 貽 逾 用 生民 其 深慮。 著 Щ 易給 七 百 〇古者冠 道 1萬, 明 澤、「本注」修 日 之理 之效 則大 而 此 民 府史胥徒之役,毒徧天下,不更 節録 + ,奸詐攘奪,人人求厭其欲,此 民 在酌古變今,均多恤 食,古者民 而農者十居八九,故衣食易 有 日 婚 有常心。 本文。 也。 治, 分數。 喪祭,車 窮, 而財用不乏。 虞衡之職。 惟修虞衡之職,使長 或 荷 則聖 其言 今禮 用 必 或 服器用,等 [本注]冠婚喪 有 其 王 徒 . 三 制 九年之食 偏 0 之 不 知 寡,漸爲 足以 今五官 聖 固 泥 則 法 無 差分 人理 宜漸 古 古 口 小 檢

平矣。 氏曰: 義; 進 保身體者,在乎適 爲 道 不 師、 趣 人 則 復古,有真儒不用,而用剛愎拂戾之人,則生民之不幸 而 矣。 知正 未 傅 ,固已疎矣,保身體之法 便 之情皆已異於古, 陋 傅、保之官。 保、保其身體。 足 目 儒 非禮之事不接於耳目,嗜好之私不溺乎心術 德義者,在 伊川先生上疏 外 今既 適起居之宜 以 前,不務高遠,則 之見,何 君 濟當 不 知 設保傅之官,則 規 今之極 乎 足以 内 過 師, 起 防 存畏謹之念、 而 曰:三代之時,人君 後 見 居之宜,存畏慎之心。 道 先 論 弊 不 世 聞之非,節 之 王之 治 也 亦 知 作 教 道 恐 復 事 養 此責 永 迹 哉 訓 則 非 德 無 按 無 心 不 大 本, 聞 神 化皆 傅, 嗜 神宗亦欲變法 有 미 傅 莊 然 焉 知 好 在 爲之 復於今, 肅 德 傅 爣 求 之過 則 經 之 必 臣 義 治 謂 徳義 論 筵 體 有 以 之 德 今 而 葉 和

而

不

能

施之於今,姑欲

的徇

名

而

遂

廢

其

實

此

^{■ 「}差」,原作「事」,據局本改。

之,有 少,所以涵養氣質,熏陶德性。 欲令人主於一日之中,親賢士大夫之時多,親宦官宫人之時 則 欲乞皇帝在宫中,言 翦 諫止。《文集》。 桐之戲, 則隨 〇〔本注〕《遺書》云: 動 事 服 箴 食,皆使 規 違持養之方 經 某嘗進説 筵 官知

骨 學 在 士 之師法也。 可矜式者,待賓,謂行能可賓敬者, 齋,立檢察士人行檢等法。 尊賢堂,以 未 使之争, 試 至, 州 風 肉 解 補 之愛,往來道 郡 額至五百人,來者奔 H 伊川先生《看詳三學條制》云: 蓋 則 解 薄。 學 殊 無 又云:自元豐後設利誘之法,增國 額 延天下道德之士,及置待賓 官 非 虚 管處。 今欲 召 教 月。 養 加 量留 路, 之道。 學校禮 教之, 更不考定 自 然士人各安鄉土,養其 旅 百 寓 凑, 捨父母之養, 忘 義 請 人,餘 吏師,通於治道 葉氏曰: 他 改 相 土,人心 試 先之地 四 爲 尊 高 舊制 課, 百 "賢,謂 下。 人,分 日 ,可爲吏 使師 公私 有 而 偷, 道 所 制 月 德

行矣。 繆,而 百姓 乎? 或曰 詳密,可循 下, 生君子蓋有憂之,故程夫子兄弟皆嘗建言,欲以漸變流 成就,尚何能望其 於聖賢之域者,亦往往反爲俗學頹風驅誘破壞, 之者,又適所以作其躁競無恥之心。 此意,所以教之者,不過趨時干禄之技,而其所 知 行,未聞立不 達乎下,長官守法 之事,非庠序育材掄秀之道。 厚。又云: 孝愛之心, 教育之道,徒守虚 親睦,風俗淳厚,而聖賢 而 復於先王之意。 長貳得 後之君子,有能 朱子曰"先王之學,以明人倫爲本,是以當是之時 下得 守 息 三舍升補 以 人則善矣,或非 能 也。 得人之法 其 制 致 奔 顧皆 其 深考其説 化 殊不知先 趨 而不得有 民 上 屈 成 文密 之法,皆案文責 流 出 於俗 俗之效,如 此 焉。 也 浪之志, 而 後 儒之陋説 申明 法,果足以 後世學 雖 苟長 世 爲, 王 其 有良材 之, 蓋朝廷授 制 所 先王之時 人,不若防 風 是以事 其亦 校雖 以不 貢 法,待人 而 美質 俗 以勸勉 (非人, 丽 不 存, 跡, 庶幾矣乎。 不得 成 得 亦 治 哉 面 叫 成 有 人材 法 當 有 俗之 與 程 不 也 所 有 不 閑 於 而 必 稍 司 復 所

法。 伊 成 古,亦不過從 本末,次序甚 能 謂 先王所以明 源,效勵名檢之志。 〇今日學制 高,不復根據經之本義。 然計較得失於毫釐間。 舉而 《熟,則 ĬΠ 其 迁 然使便用 程夫子 由科舉 行之。 澗,❶無 自然丕變矣。 在 倫善俗 ,近出崇、觀 明。 一而出 此規模以漸 〇間: 明道 朝,與 所 施 ,豈能 伊川立 賓興之請 ,成就 行。 修學制 大抵所以破壞其心術者,不 後世人材不振,士風不美,在於科舉之 遽變而至道? ,專以月書季考爲陞黜 而近世之俗,又專務以文字新 今其 以故學者益鶩於華靡,無復探 爲之。 法 人材之意,埽 ,獨有意乎深革 ,姑以爲之兆耳。 ,伊川看詳之制,則今之任學校 書具在,意者後之君子 其初不能不費力矯揉,久之 地 曰 : 盡 -其弊, 矣。 明道所言,始終 然欲變今而從 ,使學 惟元祐 一而足,蓋 ,而當 者. ", 時 索根 奇 屑 間, 有 或 相 屑 而

容。 所 保,使之力役相 以事父兄,出 令,民以 行旅 凡孤 明 事 道先生行 出 煢 至 於其塗者 殘 所 邑者,必告之以孝悌忠信 廢 以 助, 者 事長上。 狀》云: 患 責 疾病皆有 之 難 相 親 先生 度鄉 恤 戚 鄉 而 爲 村 所 黨 姦 澤 遠 養 僞 近 州 使 無 無 晉 諸 爲 所 鄉 失 所 伍 城

> 書,親 皆有校,暇時親至,召父老與之語, 條,旌别善惡,使 弟之秀者,聚 爲 正 旬 讀 而 教之。 ,教者不 有勸有 鄉 恥 · 善 民 則 爲 爲 社會, 易 兒 置 爲 童 立 擇子 所 科 讀

至也。 敬; 德耳。 廟。 合人心、總攝衆志之道非 可 鬼神之不可度也, 故王者萃天下之道至於有 《萃》:「王假有廟。」傳 一其歸仰; 故豺獺能祭,其性然也。 祭祀之報,本於人心,聖 人心莫知 而能致其來格。 一,其至大莫過 其 日 鄉 : 也 《易傳》。 人 廟 群生至衆 制 而 則萃 禮 能 以 天下萃 致 於宗 成 道 其 也 其 誠

者皆 又 年 明 夏 代者 年 在 古者戍役,再 仲 疆 春 粛 至 遣 一,復 乃今之防 次 留 戍 期 者。 備 而還。今年春 秋 秋 每 至 秋與 也 過 + 《經説》。 冬 初 暮 月 兩 行, 面 〇葉氏 歸。 戍 明

用 曰 ,●故秋冬易爲侵暴,每 此 論《采薇》遺戍役也。 留成以防之。 北狄畏暑耐 寒,又秋氣弓弩可

人無一事不 順天時,故至 日 閉 嗣。 《遺

下同

韓信多多益辦,只是分數明。 永按: 分數明

,管轄有法 品 畫分明,能以 簡馭煩也。

伊

ĬΠ

先生

曰 :

管

轄

人亦須有

法,徒

嚴

不

數之法。嘗謂軍中夜驚,亞夫堅卧不起。 喫,只如此者亦能有幾人? 葉氏曰: 濟 善矣,然猶夜驚何也? 事 今帥 千 人,能 使千人 亦是未盡善。 依 時 及 法謂區 節 永按: 舉 不起 得 畫分 飯

此

事

,以明管轄有法之難。

子孫 三月。 忘本,須是明譜系,收世族,立宗子法。 [本注 年有一年工夫。 百世皆宗之,所謂大宗也。 ·,其餘庶子不得禰其先君,因各自立爲本派之始 管攝天下人心,收宗族,厚風俗,使人不 大宗之庶子,又别爲小宗。 〇葉氏曰:古者諸侯之適子適孫,繼 族 人雖 而小宗有 五世外,皆爲之齊衰 四 其 (繼高 祖 世 祖 其

持久。 之適長子,則與三從兄弟爲宗, 嘗言「大宗立不得,亦當立小宗」云。 子,則與親兄弟爲宗。 雖不行 貧困絶嗣 矣。今世間有推大宗子主祭者,然無法以維之。 官職蔭襲者可 永按:後世不行封建,則所謂别子爲祖 兄弟爲宗,繼祖之適長子,則與同堂兄弟爲宗, 唯立祠堂,明譜系,使人知尊祖敬宗而收族,則 ,庶乎猶有統紀,不至於涣散 ,或流寓四方,或身爲敗類,不足爲族人宗,則 行。 若士庶之家,傳世既久,恐有窒礙難 一身凡事四宗,與大宗爲五宗也。 繼曾祖之適長子,則 THIS 風 ,繼别爲宗者 俗 可 厚也。 繼禰 其宗 之適 與 唯 子或 行 再 從

方,往往親未絕,不相識。 廟院,仍不得分割了祖業,使一人主之。 之家行之,其術要得拘守得,須是且如 宗子法壞,則人不自知 今且試 來 處, 以 以 至 唐 流 巨 時 轉 文 四

花樹 韋家宗會 凡人家法,須月爲一會以合族。 法,可 取 也。 每有族人遠來, 古人有

0 弩」。原作「努」。 據局

一五六

見 使骨肉之意嘗相 亦一爲之。吉凶嫁娶之類, ,情不相接爾 通。 骨 肉 日 更須 疎 者,只 相 與 爲 爲 不 禮 , O 相

竅處 無害。 曾祖 伊 略家 祭已是别人,大不便。 主式見《文集》。 人但以室爲之。 祭自高祖 此古禮所 數不同耳。 得立家廟 養 豺獺皆知報 ĬI 而 制士 ,皆有陰陽之數存焉。 而 必 薄 冠 古之所謂 下,伊川 庶不用主,只用牌子。 無 有廟,「本注」庶人立影堂。 婚 ,始疑其過。 於 伊川 ○祭祖 創 先 喪祭,禮之大者,今人都不理 自 以高祖 又云:今人以影祭, 謂 袓 廟者,其 本,今士大夫家多忽此,厚於奉 廟必有主、「本注」高祖以上,即當 伊 自 無貴賤,皆祭自高祖而下,但祭有豐殺疏 ·, 甚 ĬI 「高祖 〇朱子曰: 伊川木主制度 要之既 有服所當祭,今見於《遺書》者甚詳。 ,所以使 (體面 不 而 信乎其有制禮作樂之具 可 下,當如伊 甚 無廟,又於禮煞缺,祭四代亦 人盡孝敬追遠之義。 也。 看來牌子當如主制 一大,皆 或一 有門 某嘗修六禮 〇朱子曰:古者命七 Ш 髭髮不相 所 堂 論。 一寢室, ,其剡 温公祭自 似 ,只不消 ○伊川 也 非 桃也。 如今 大大 刻開 會。 則 0 所

不曾對 否? 曰 : 食。 何? 做二 ○問: 數太遠,似有僭上之意。 但 中 無 客位西邊爲上,高祖第 祖,立春祭先祖,季秋祭禰,此三祭 慮有不虔。 是卜日,今聞却用二至二分祭,如何? 無後者,祭之別位。 人主祭而我爲祭者,各以昭穆論 有新即 换了? 却 片 〇朱子曰: EI: 曰 不思量到。 時 相 排 ,曾祖 薦於廟。 祭用仲月清明之類,或是 合,及竅其 用亦不妨。 當埋之於墓。 若是士人只用主,亦 温公亦云止用分至亦可。 祖 諸 古人所以貴 父皆 家禮皆云 時 ○問: 一旁以 祭用 且如今人未仕,只用 然。 又問: ,高祖母次之,只是正 月朔 舊嘗收得先生一本祭儀 通 其中 仲 中。 薦 於 禰祭如何? 月,「本注」止 新 無大利 必 有 ト日 0 如 用 先世 薦 伯 問: 何? 如 朔。 問: 也。 袝 叔 朱子曰 新 害。 忌 祭伯 士 朔 伯 ~/本 E 如此則冬至祭始 日 牌子,到 0 티 : 新 問 庶 叔 , 則 排 叔 排 於高祖 母 如 家 覺 注 祖 ١ 此却不妨 看 得此 祧 亦 則袝於曾 如之何? 何 兄 先時 Ħ Ē 時 薦 主 仕 得 可 弟嫂 無 面, 箇 旁親 當 合? 後 後 用 以以 定 褿 方 如 不 主

- 「更」,原作「或」,據局本改。
- ❷ 「看」,原作「著」,據局本改。

若是

始

日

基之祖,莫亦只存得

墓

祭。 氏

0

問

冬至

祭始祖

何

祖

日

或謂

受姓之祖

如

蔡

則

一蔡叔

之類

或

謂

厥 是

初

大功 不敢

, 則

祭。

上

庶

亦

子曰

無主,於廟中正位設二位,合考妣享之。 合葬,夫必當居左,則祭位可知矣。 在堂,宜以最尊者居中 蓋今人習於東上,若以尊者居西 古無此,伊 有始基之祖 先生亦云,人必祭高祖,❶只是有 室祭之,似得伊川 請於天子,得 邊,在位 古者諸侯只得祭始封之君,以 注〕冬至 袝於 如今祭四代已爲僭。 在堂, 起也。 然古人袷祭,尸 祖母之傍。 ĴΠ 牌 則以 ,莫亦止 以 〇永按: 西 ,陽之始 祭其高祖 邊 義 南 起。 安, 南 先生「祭之別位」之意。 向 一祭得四 向,餘則左右對排, 伯 也。 爲尊,亦 朱子 伊 某當初 在室,則以 ,然亦 叔 ĬII ,排祖 母 古者官師 代,但四 始 云曾 則 止得 祖 ,反若不安也。 也 左 旁親無後者,今人或 袝 先位 祖 祭,後 上不敢祭。 昭 疏數耳。 0 厥初生 東向 曾 祭 兄弟 代以 問始祖之祭。 顺 亦只得祭二代。 以 祖 右 來覺 番,常 爲尊,南 母 西 似 無主者 上則 穆。 民之祖也。 東邊 爲 理 冬至祭 又問: 得僭 上 大夫有 得 時 今人 可 又 安,兄 不祭 不 如 亦 向 蓋 而 遂 朱 今 敢 夫 1 祭 昭 謂 不 行。 50 生 當更祭也。 先儒之説通祭高祖 其可知者,無 設兩位分享考妣。 物之始也。 始封於程 子慈孫之心。 故有此説。 之,而不用主。 説,伊川禮更略。 」, 則 遠

别設

祖

安。

皆 丽

婦

神道

尚

,只是以義

変婦

則

北

向

.豫,尸 右也。 祖

之傍

二位,若古人給祭,須是逐位祭。 其太荒遠者,亦不祭矣。 疑亦指受氏者言之,如周之后稷也。 或以改姓,或以有大功德,或以始遷,家自爲禮,亦各 民之祖」,如 ○伊川時祭止於高祖 古者大夫以下,極於三廟,而于給可以 先祖,始祖而 ○永按: 〇始祖、先祖之祭,伊川方有 然嘗疑其禮 喬伯爲程氏之始祖。 盤 近多少,須當盡祭之。」疑 此説是也。 古之類。 伊 ○問: ,已爲過矣。 川 程子主於追遠 所定不是成書,温公《儀 下,高祖以上,非一人也。 先生祭禮,立 立 近於稀 ,高祖而上,則於立春設二位 〇永按: 却又云: 春祭先祖,「本注」立 其 祫 朱子 上世 ,朱子主於限制 今人祭始祖 本 非 「祖又豈 程 注 臣 春祭高祖 İ 人遠 子 是 此說,固 民 嘗 厥 及其高祖。 所 初 某 自 言 初 時 可 得 只 ,或以 「我祖 生 用,遂 未曾 厭 合遷毀,不 》却 是 而 足以 民之祖 多? 學者 亦 上 是 依 一,只 春,生 [有義 一受姓 討 喬伯 無 今用 盡 統 做 伊 不 主 敢 老 荷 Ш 設 成

祭」,原作「有」,據局本改

2 可不」,原作「不可」,據局本乙

Ŧî. 八

等 焉。 凡 古 季秋,成物之時也。 是使人不忘其祖 無忌祭,近日諸 事 事 今人祀 數 死 之禮 件,雖幼 祖 即 一當厚 一,亦可 從始 先生方考及此。 者 忌日遷主,祭於 以 祖 可 於 勵 祭之,其 使 奉生者。 薄 俗云。 漸 知禮 禮 0 簡 季 忌 略 義 人家 正寢。 秋 日 似 祭 祭 亦 只設 能 禰 無 害。 存 朱子曰: ,(本 得 位。 O 又因 注 此

生力 厝 以 道路,避村落。 奪,不爲耕犁所 不 神 忌 土 之用 爲道路,不 奉 者 色之光潤 靈 破俗 先 惑 安,其子孫 心也。 其 以 説 爲 (宅兆,ト其 然 計 擇地之方位 遠 亦 ,草木之茂盛 井、 爲 自 而 惟 言須 窑。 及。 城郭,不 無空 專 盛。 五 以 是 患 0 〔本注〕一 地之美惡 利後 風 間 然則 者 處 ,②決日之吉凶,甚者 風 順 爲 不 乃 水之説。 地 得 溝池 爲 厚 本 曷 乃 之處 用 不 慮,尤非 所 謂 其 也。 也。 慎 謂 不不 乃 朱 地 驗 五患 子 可 之 爲 須 也 地 不 日 者 孝子 美 用 然 貴 使 美 某 則 伊 勢 異 者 則 而 溝 Ш 川 亦 渠, 所 安 ? 其 日 不 拘 某 先 須

不得 可。 書,但 又一 子之論如此 今謹守,但卜地未能免俗! 若是不知此理,亦不是,若是知 不及,而必爲高論者,似亦過之也。 達之計耳。 安寧之慮,而率意爲之乎? 欲掩藏其祖父,安處其子孫者, IE 水之説耳。 云揀草木茂盛處,便不是不擇。 論,然恐 條因説 ,其成聚落有宅舍處 〇《答程允夫書》曰: 道路 所 妣 此等事自有酌 ○《答孫 ,今之溺於俗説與過爲 易 經 明之故有 耳 睽 目所 卦 敬 所未盡 甫 》及之,見十卷 接 便 ,然亦只 熹家中自 書 中恰好 ,有數里 但 須山 Ĕ 故 有 亦 不當極 伯恭却 求 此 豈可 不 處 水環 陰 無 高 道理 敢 先人以來,不用 0 陽 便 人 論 平.)因説 從。 意過 家 都 合,略成氣 只胡亂 烟 者 是 ,故意不理 穩 説 不 處 正 今 處。 地 2求,必 可 揀 前 理。 亦 有 日 平 擇 知 畫 不 欲 所 地 爲 以 所 程 世 住 須 永 折 浮屠 會 上 富貴 先 深 者 俗 爲 言 衷 便 尤不 久遠 然則 生 考 固 亦 固 法 葬 朱 其 亦 利 爲 住 爲

有 一二人家化之。 正 叔 云 某家 問: 治 喪,不 治 喪不 用 用 浮 浮 屠 圖 或 親 在 意 洛 欲 亦 用

稍

有

形勢

· 拱揖

環

抱

闕

可

但

0

感」。原作「或」。據局 設」,局 本從洪本作一 本改。

之,不 何? 回 有 所不忍,這事須仔 則 知 又 當如 不 便 可 是 何 咈 難 處? 親 處 意 細 朱子 也。 商 日 量 0 也 曰 間 : 미 且 以 以 親 不 委 死 用 曲 否? 遺 開 囑 釋 教 日 爲 用 先,如 僧 人子之心 道 不 則 叮 如

書與 不知本 法,則 從 時 云。 亦必有分派處,自然之勢 立宗子法,亦 命 相 自 而 節 尊。 榦,亦必 加 爲 如 而 更做事 朱子曰: 從之。 榦者,故 不亂 沛父老,其父兄 使 今無宗子,故 人知尊祖 也。 古者子弟從 蜀 木 也。 ,亦遺書責父老,然後子弟皆 得。 有 只 有 今要立宗,亦只在人,有甚難 且 旁枝 是 曰「古者天 如伊 若 如 天 重 漢 無 本 加 理 , 箇尊卑上下之分,然後 朝 高 父 當 法 又 便能率子弟從之。 祖欲 時 人 廷 兄 以 如 譬 要 既 無 ,今父兄 子 聯屬之,安可? 勿 也 水 如 下沛時,只是 重 世 封 建 雖 木 本 孔 臣。 或 遠 必 然又有旁枝達 氏 則 處? 必必 有從根 諸 從子弟, 要 若立宗 朝 将 侯奪 有正 朝 只是而 廷之 廷 直 聽 又 以 宗 所 源 勢 子 1 其 如 帛 由 且 順 賜 今 其子私祭之。

知 田 叮 親 處 如 Ŧi. 置 何。 百 盡 者。 頃, 則 請 大宗法既立 祭祀須 處 出 今世 高祖 給 作 是 禮全亂了。 就 一「奉聖 用 伯叔 不得, 宗子 位 法, 鄉一, 亦當立小宗法。 服 方不 未盡 而 吕 亂 者祭之, 原 明 不然 便 以 嫂 祭 前 爲 則 自 面 不 别 高 必 ·可,不 祖 有 使 以 不

知。 易 若先生可 皆造其 度文爲,下至行 者,先生固 帝 邊 王之治 其 邢 鄙 吏 和 極。 防 謂 事 叔《 已 所 戍、 通 叙述 操 外 默 以 儒 決 城 之 明 師 而 博 全才矣。 文 道先 寨 夷 用 識 大 法簿 斥 狄 兵戰 之。 悠遠,上下 生 候 情 事 書 《附 陣之法, 狀 控 至 **※**云: 帶之要, 於興 又 Ш 皆 Ш 與 堯、舜、三 造 無 道 天 禮 密 所 靡 路 地 樂 不 之 不 同 講 險 究 代 制 流

律不 即 是 是歷代所 問: 律 也。 説 介甫言律 介 偶 今世 有 甫 有 ,傳襲下 言 此條 却不用律,只用 律 一條何意? 遂謾載之。 是 來 周 八分書, 世宗命實儀注 朱子 敕令。 〇律 日 是 是 大概敕令之法 他 刑 伯 解 恭以凡 見 統》,此 過,名曰 得 事 書 于皆具, 八刑 皆 甚 外 一好,疑 重 統 書 於 惟

少年喜談兵,所謂「素求預備,不敢忽忘」者 有任天下之志,有憂天下之心,故兵事亦留意焉。 爲謀,酷暴以爲律,斯其爲遠者大者。 以律」,雖聖人用師,無謀必敗,無律必亂。 敢忽忘。《文集》。 仁人,❶爲能識其遠者大者,素求預備。 用之,其術見三王方策、歷代 横渠先生曰: 下同。 兵謀 〇葉氏曰: 師律, 〇永按:志士仁人, 簡 聖人不 「好謀而成」,「 非若後世譎詐以 書。 惟 得 横渠先生 志 已 而不 師出 士 而

宫也。 過。 死」爲句,「過此」爲句,未安。 又按: 失道而民散久,不幸入於死罪,所當念也。 句。 肉辟於今世死刑中取之,亦足寬民之死 張子欲以此代死刑之情輕者,亦足寬其死過。 此當念其散之之久。 今世 永按: 死刑情輕者, 葉氏讀 肉辟,墨劓剕 「寬民之 ,但於 蓋上

吕與叔撰《横渠先生行狀》云:先生慨然

流徒減等,終不忍用肉辟,尤善。

爲急。 行。 欲行之,須有機會。 千難行處,莫道 立斂法,廣儲蓄,興學校,成禮俗,救 不失公家之賦役,退以其 言曰:「縱不能行之天下,猶可驗之一鄉。」方 之行,悦之者衆,苟處之有術 與學者議古之法,共買田一方,畫爲數井,上 刑一人而可復。」所病者特上之人未 行者,未始不以亟奪富人之田 朱子曰:這箇事某皆不曾敢深考。 敦本抑末,足以推先王之遺法,明當今之可 教養無法,雖欲言治,皆苟而已。 有意三代之治,論治人先務,未始不以 此皆有志 嘗曰:「仁政必自經界始。 便要奪他 未就 經大亂之後,天下無人,田 田 ,他豈 問: 音? 横渠復井田之法如 私 而今只是差役, 正 講學時 日爲辭。 經界,分宅 期 以 貧富 世之病難 盡歸官 且 數年, 行耳 菑 恁地 然兹法 恤 不均 尚有萬 何? 經界 里, 患

[「]士」,原作「人」,據局本改。

❷ 「法」"局本從洪本作「説」。

若平世 井田 之法。 曰:都 給與民。 是胡説。 則 若不能行,則且如今之俗。 雖舉於今, ,乘此機 誠 如 唐 難 行 П 作 分、世 ,一年淡 方做得。 事初 問: 業,是從 東 如霹靂,三五年便放緩了。 荀悦 坡破 年,便寢矣。 此論,只 《漢紀》一段,正説此意甚好 ,魏晉積亂之極,至元魏及北 那限田只是戲論 行限田 若欲行之,須是行 之法如 況限田 何?

民 俗 庭,親爲 爲先。 疾苦,及告所 横渠先生爲雲巖令,政事大抵 勸酬,使人知養老事長之義。 每以月吉具酒食,召鄉 以 訓 戒子弟之意。《行狀》。 人 高 以 年 敦 因 會 本 間 善 縣

得 則 相 服 南 宫,有叔父、伯父,則爲子者 家,自是飲食衣服 不 伸 疎 》傳 宫,有北宫,異宫而 ,成爲 其 文。 其 横渠先生曰: 私,所以「 實 此 子。 如 禮 此乃 亦 古之人曲 可 避子之私 難爲得一。 能久相 行。 古者「有東宫,有西宫, 同財」,永按: 古人 親。 盡 也,子不私其父, (慮遠, 何 人情。 又異宫乃容子 蓋數十 以 此《儀 獨 目 必 厚 百 下 禮 於其 也 口之 雖 同 有 似 喪

> 父? 位,非 命士以 人多了,又却不齊整,又不如異爨。 宫、北宫,便是不分財,也須異爨。 如 爲父者又烏得 上,愈貴則 異 居 也。 《樂説》。 愈嚴 而當之? 〇朱子曰:古者宗法有 故異宫猶今世 今若同爨固好,只是少 父子異宫,爲 有 逐 間 南

是均平。《語録》。下同。治天下不由井地,終無由得平。周道只

可 封 以爲不然。 爲先王治天下之大法也。 者,文多不能盡載。 書多,歷事久,當自見之也。 生弊病,反不如 皆易得致弊。 行。 建,到晚年又說難行。 井田 ○永按: 但在今日恐難下手,設使强做得成,亦恐意外別 一卒歸於封建乃定。 〇封建、井田,乃聖王之制,公天下之法,豈 前 朱子之論至矣。 則 凡井田 難收拾耳。 想是他經 學者當考朱子平日之言爲斷 、封建、朱子姑採先儒之説,以其 〇程先生幼年屢説須要井 此等事未 語 歷世故之多 録中 朱子曰: 有 須 極言封 深論 ,見得事勢不 封 建 他 建之弊 . 井田 日 田 敢

近思録卷之九終

近思録卷之十

凡六十四條

婺源後學江永集註

朱子曰:此卷處事之方。

淺 於上心。 至上前,然後善其辭 進講,未嘗敢不 如是,古人所以 悲而擊之則哀,誠意之感而入也。 乎 ? 伊川先生上疏 《文集》。 若使營營於職事,紛 下 齋 宿齋預戒 同。 戒而 日 説,徒以 〇間 告君 夫鐘 潛 伊 也。 ,怒而擊之則武, 思 頰 j۱۱ 紛其 未進 舌 存 臣 感人,不亦 誠 告於人亦 前後 講 思 覬 溡 慮 有 兩 感 間斷 冷,待 得 動

伊川《答人示奏藁書》云:觀公之意,專

否?

朱子曰:

尋常未嘗

不誠,臨見

君

時又加意

爾

如孔

子

沐

浴

而告哀公是也

財 覬其 飢 以 隱愛民之心,愈增其聚財自守之慮矣。 爲守國之道,以愛民爲迂緩之事。 民有所不足畏, 財 之以利 不 民則得天下。 者能 惟告君之體當如是,事勢亦 且 畏亂爲主。 以活人,祈之以仁愛,則當 有不忍之心而 死,丐朝廷哀憐,因 害,則 守、保民者爲迂。 以財養兵,謂財有所不 將恃財 後世以兵 頤欲公以愛民爲先,力言百姓 己。 以自保。 葉氏曰: 制民,以 懼 荷 惟 將 徒懼 當 輕 爲寇亂,可也 可 宜 財 後世以 古之時,得 以 之以禍亂 闕。 爾。 財聚衆, 而 誠 於是以 重民; 意 兵制民, 公方求 感動 則 聚 無 丘 懼 財 謂

何嫌乎? 謂 之狂,則大駭矣。 政者遠矣。 拘者,然爲之未嘗大戾於法,衆 之得 明道爲邑,及民之事,多衆人所 伸其志則 葉氏曰: 人雖異之,不至指爲狂也。 先生道德之盛,從容裁處,故不大戾 不可,求小補,則過今之爲 盡誠 爲之,不容而 亦 不 後 謂 ·甚駭 去,又 至謂 法所

惻之心,❶豈若悻悻小丈夫之爲哉! ○永按:先生爲邑,正區處有方也。「盡誠爲之,不容而後去」,又可見先生忠厚懇當時之法,而有補於民,人亦不至於駭者,亦其存心寬平而

於人必有所濟。葉氏曰: 苟存愛物之心,必有及物明道先生曰: 一命之士,苟存心於愛物,

熙寧行新法之時

令有所不受是也。 衛青不敢專誅,歸諸天子使自裁是也。 之道,不專則無 師之道,威和並 九二剛中,故有威和交濟之象。 師》之九二,爲師之主,恃專則失爲下 至 而不和 成功之理,故得中爲吉。 則 吉也。 ,則懼 间 葉氏曰: 離 專者,如將在軍,君 和而少威,則 不恃專者,如 玩 凡 mi

> 爲也。 公能爲人臣不能爲之功,則 臣事君猶子事親,皆無過分之事。 位,則爲周公之事,由其位而能爲者,皆所當 之禮樂。 世 周公乃盡其職耳。 儒 是不知人臣之道也。夫居 有論魯祀周公以天子禮樂,以 《師》九二傳。 可用 人臣 周 ○永按 不 公之 得 爲 用 周

《大有》之九三曰:「公用亨于天子,小人弗克。」傳曰:三當大有之時,居諸侯之位,有其富盛,必用亨通於天子,謂以其有爲天子之有也,乃人臣之常義也。若小人處之,則專其富有以爲私,不知公己奉上之道,故曰下小人弗克也」。朱子曰:古人於「亨」字,作「亨」、「烹」字,通用。「公用亨於天子」,分明是「享」字,作「亨」、「烹」是。○葉氏曰:如朝覲供貢之儀,凡所以奉上之道,皆不敢是。○葉氏曰:如朝覲供貢之儀,凡所以奉上之道,皆不敢自有其有。

■「見」,原作「是」,據局本改。

六三

言, 日 以 愛之則 故《隨》之初 親 出門而交,則無所係累,而所從者有功 雖失 愛而 心 見 M 所從,多 隨 其 名 九 之, 是, 從,所憎之言, 出出 則 惡之則見 門 所親 是 而 私 交,則「有 愛者 情 所 其 雖善爲 與,豈 也。 非。 功 常人之情, 故 合 悪也 也 妻孥之 ĪĒ. 理 葉氏 ? 荷

蓋 也 心 |。| 傳日: 所説隨,則 隨》九五之《象》曰 隨 以 不知 得中爲善 其過矣。 ,隨之所防者過 「孚于嘉吉, 位 正 也 中

牖 爾 中 則 之,求信 蔽,有所 於君心,必自其 所以通明 雖 雖 終无咎。」傳 艱 力 坎》之六四 險之時,終得 詆 也 則 通 其荒樂之非,如其不 易 且 通 也 如 者 日 所 日 故 君 明 明 : 心蔽於荒樂 「无咎」也。 日 此言人臣 處 處 樽 「納 乃 也 酒簋 一,當 能 約 入 自 就 貢 以 也。 省何? 作,唯其 牖 葉氏曰 用 其 忠 _ 缶 明 人 信 處 心 善 能 蔽 納 牖 必於 而 有 道 也 者 約 如 故 室 告 結 是 所 自

> 之所 古能 行。 爲教者亦然。 直 所 餘,孟子所謂「成德」、「達 温厚者其氣和 牖」,又是一 强 不 朱子 明 勁 諫 蔽之事,推 也。 者 其 日 等。 「、率多 君者,未 ,明辨者其理著。 從 事 ○葉氏曰: 君 其 夫 取 匡 而 心 教 救 件 有 及 之所 必 其 不因 之, 許 思, 就 而 直 明 温 人 是 非 財 萴 則 其 之 無委曲 而 Æ 厚 唯 所 能 是 理。 所 明 人 告 明 悟 也 然 長 辨 於 伊 者也 其 强 者, 君者 川 勁 後 所 心 説 則 其 矣。 推 長 納 乏 如 説 故 及 和 約 此 順 自 自

常 皆「浚恒」者也。 初之志,異乎常矣。 兀 浚恒之凶, 爲正 而 不 恒》之 應。 知 變 始求 也 初 四 六 以 朱子曰 世 深 日 剛 之責 居高, 也 圃 引。」傳 浚恒 「浚恒 初 望 乃 又爲二三 故 日 」是欲深以常理求人。 貞 求 素 凶。」《 初六 望之深, 而 至 所 居 悔 象 帰 咎者 F ***** 日 知 應 而

吉。」傳曰:係戀之私恩,懷小人女子之道也

遯》之九三曰:

係遯

有

疾

厲

之待小人亦不 如 故 若臣妾是終日在自家身邊,若無以懷之,則望望然去矣。 者失其正耳。 但可畜臣妾耳。 必不有悔吝,而此以爲吉何耶? 是 以 也 畜 養臣 問: ○問: 如是」,如何? 妾則吉。 小人、女子,近之則不遜,專以私恩懷之,未 御下而有以懷之,未爲失正,但恐所以懷之 「畜臣妾吉」,傳曰:待臣妾之道,「君子 然君子之待小人,亦不 日 朱子曰:此爻不可大事, 君子小 人更不可相接。

好。 異處,如「周而不比」、「群而 人也。 世 也 俗專以求富貴爲事,惑亂此心,則異矣。 亂常拂理之人也 日 一,不曲學以阿世 俗俗 〇又如今之言地理者,必欲擇地之吉, 聖賢之處世,在人理之常,莫不大同,於 所同者 睽》之《象》曰 要在 同 則 則 而 、異矣。 有時 ; 能 不能獨 異 : 事事推去,斯得 不黨」是也。 耳。 而獨異。 君子以 朱子曰: 君子有同 異者 如士人應科 不能大同者, ,隨俗習非之 此處伊 其旨 同 是 同 而 也 Щ 異。」傳 説 舉則同 不 1.處,有 得甚 似 世

然小人乖異者至衆,若棄絶之,不幾盡天下《睽》之初九,當睽之時,雖同德者相與,

以仇 姦凶爲善良,革仇敵爲臣民者,由 「見惡人」則「无咎」也。 之道也,又安能 君子乎? 如 化不善 此 則 失含 古之聖王 而 使之合乎? 宏之義, 一 弗絶 一,所以 致 也 能化 故 M 必

《象》曰: 蔽 感動之,盡力以扶持之,明理義以 在下,竭 遇」非枉道逢迎也,「巷」非 害 《睽》之九二,當睽之時,君心未合, 以 誠 力盡 「遇主於巷、未失道 其 意, 誠,期使之信合而已。 如是 宛 轉 邪 也 以 僻 由 求 致其知,杜 徑 其 至 也。 合 誠 賢 也。 故 臣 以

自損 其 者,有雖 不 剛 知「弗損益之」之義也。 其剛 貞 《損》之九二曰:「弗損益之。」傳曰 而 無 用柔 貞, 邪 心,而 則能益 説 適足以 惟 其 知 上,乃益之也 竭 損之而 葉氏曰: 力順上爲忠者,蓋 已。 剛正不撓,乃能 世之愚 若失 : 不

●「害」,局本從洪本作「惑」。

一六六

知損己以奉上,而不知臣道之少貶,未有能致益其君者。有益於君。九二剛中,非有邪心者,但當損下益上之時,惟

也。 云: 'n 而後无咎,若所作不盡善,未免有咎也。 皆有咎也。 者任之爲知人,己當之爲勝任,不然則上下 事 日: 咎。」《象》曰:「元吉,无咎,下不厚事也。」傳 也。 編 未能 而 「既云 在下者本不當處 近 致元吉,乃爲无咎。 以 益》之初九曰:「利用爲大作,元吉,无 蓋在下之人不當重事,若在下之人爲在上之人作 思 盡善,自應有咎。 爲 非 録》, 常有 在上所任 朱子 説與 則有 · 日 : 伯 時 恭, 初九 而 又云:不惟己不安,而亦累於上。 , 所以當 此 有 厚事。 上爲四所任 ,豈可不書以爲戒?」後思之 段非 能致元吉,則 大事 常有,不必 厚 故釋之曰「下不厚 而作 事,重大之事 大事,必 必 能 在 濟 伯恭 盡 大 Ŀ 善 爲惡。

所 以 革 愐 改 無 作 甚 也。 益 猶 口 悔 彖 也, 》傳。 況反害乎 〇葉氏曰: ? 苟 非有 古

大益,無後患,君子不輕改作。

己而 順道相保,禦止 之與小人比也,自守以 已乎? 《漸》之九三曰:「 亦使 其 悪 小人 也。 八得不 Ē 利禦寇。」 葉氏曰: 豈惟 陷 於 小人近正,亦不 傳曰: 非 君子自完其 義 是以 君 子

傳 教人處旅困之道,當略細故,存大體,斯免悔咎 不至,乃其所以致悔 日 《旅》之初六曰:「 志卑之人,既 處 辱 旅瑣瑣,斯其所取 ,取災咎也。 旅 困 鄙 猥 瑣 葉氏 細 曰:此 旅》九 災。 無所

二傳。 不親附。 在旅 ○葉氏 加 日 過 過 剛 剛則 自高 暴 致困 戾而 乏和 「災之道 順,自 高 也。 則 矯 亢 间

人

有光也 有 心不已,而 也。」傳曰: 光 輝 《兑》之上六 既 極 事 説既極矣,又引而長之,雖説之之 而 理 强引之長,其無意味甚矣,豈 已過,實無所 日 引兑。』《象》曰 説。 事之盛 未光 一則

赤舄,冕服之舄

也。

几几,安重貌。

公遭流言之變,而

其安

傳 極 其 曰: 君子之於議獄,盡 惻 中孚》之《象》曰 加 天下之事 : 「君子以議 無無 其忠而已; 所 不 盡其忠,而 獄 於決 緩 死。 死

議 緩 死 ,最其大者也。

過 也? 過於大,可以小過而不可甚過。 爲 〇朱子曰: 順乎宜也。 事 如過 有 時 一恭過 三者之過,皆 而 當過, 哀過 能順 ()儉,大 乎宜 所 小 以 者之過。 從 過 ,所以大吉。《小過 宜 則不可,所 一,然豈 可 過於小 可 而 甚 以 不可 小 调 職之大者也

葉氏曰: 防小人之道,正己爲先。《小過 ,則彼雖奸詐,無間之可乘矣。 》九三 傳。 0

己正

《經説》,下同。 失其 蕩 其處己也,夔夔然存恭畏之心,其存誠 (聖也。 無 周 顧 公至公不私,進 慮之意。 〇朱子 《詩》曰 Ė 所以2 :「公孫 孫,讓 退 雖在危疑之地 也。 以道,無利欲之蔽。 碩 碩,大也。 膚,赤舄 膚, 几 也,蕩 美也。 几 而 不

> 所以 肆自得乃如此。 忿戾而改常,亦不疑懼而失守。 遭大變而 不失其常也。 蓋其 八道隆 [德盛,而安土樂天,有不足言者。 0 莱氏 日 當危疑之地

馳載 其不及,而盡其職也。 驅,周爰咨諏」。 採察求訪,使臣之大務。 使臣自以每懷靡及,故 〇葉氏日 採察民隱,求訪賢 朱子 İ 廣詢 博 詩 訪 ** 分, 以 使 補

果能 我之説箴之,而介甫終不能改也。 是。 師 遺 書》。 禮 如 E 明道先生與吴師禮談介甫之學錯 明 下同。 有 辯, 爲我 説 不有益 〇永按:介甫惟自以爲是,先生以 願 盡 往復。 達諸 於 介甫 介甫 此天下公理,無 我 則 亦未 必 有 敢自以 益 處,謂 於 彼 虚 公無 我 我。

之復 德 見其 量大,則不爲喜怒所遷 人 天祺 如初,略不 盗 在 筍皮,遂治之無 司竹、常愛用一卒長、及將代,自 介意。 其德 少貸。 量 如 此。 罪 已 葉氏 正,待 日

大 論 口口 將言而 囁 嚅 二云: 若合開 口 時

要他 謂「合開口」者,亦曰理之所當言耳。 (史記 頭也 蓋取其事之難言而猶言之,非以爲理之當言也 刺客傳》。 須開 須是「 口。 [本注]如荆 聽其言 樊於期事,非理之所當 也厲 軻 於樊於期。 朱子 ○事 日 見 所

學?:」葉氏曰:「振民育德」,修己治人之事。 所 應事接物之際,不知所以用力,其學之間斷多矣。 而後行之至,無非學也。 ,固以讀 知 須是就 後, 書窮理爲先務,然不就事 方 能 事 上 如 學。 此。 豈但讀書而後謂之學哉? 蠱, 何 而學,則捨簡册之外,凡 振民 必 讀 書 育德。」然 然必知之至, 然 與子路之 程子之 後 爲 有

之必有節,未聞可以急遽苟且而處之者。似賢急迫?」葉氏曰:事雖多,爲之必有序,事雖急,應幾處人事。」曰:「某非不欲問旋人事者,曷嘗先生見一學者忙迫,問其故,曰:「欲了

爲政 明 體適用 也何有? 安定之門人,往往 ,故其門人皆知以稽古愛民爲事。 葉氏曰 胡安定教學者以 知 稽古愛民矣,則於 通 稽古則 經術 治時 爲 政

之法,愛則爲政之本。

日: 止」矣。 非謂言 不足」,謂誠至而不爲煩數也。 人有益,而在我者無自辱矣。 又曰:責善之道,要使誠 之交通,在於未言之前,則言出 則於心有所不安,告之而人不受,則 與之處而不告其過,非忠也。 門人有曰:吾與人居,視其有過 不 미 盡。 如 是 而 人猶不受,則夫子 其進言之時,自當 有餘 永按: 而言 ൬ 亦 不足, 要使誠 一誠 人信 謂 而 宛 有餘 奈何? 示不 轉 不告, 則於 開 而言 可 意 則

規避,自私用智之人也。 職事不可以巧免。 葉氏曰:職所當爲,而巧圖

是推之,今時郡縣官員長短得失, 若非居是邦,或爲是邦之先大夫,則議 按:夫子答「練而杖」之問,指其人則言「不知」,不指其人則 言 非禮」是也。 居 是邦,不 事見《家語》。 非 其 蓋居是邦,當存敬上之心 大夫」, ,亦非 君子 論固有及之者矣。 此 所 理 宜言。 最 好。 永

謹 「慰者能之、亦惟才大者能不忽於小。

欲當大任,須是篤 實。 葉氏 日 篤 、實則 力 量深

厚,而 謀慮審固 ,●斯可以任大事。

永按: 爲人言者,從容以理譬喻之,則人易曉而言易人矣。 凡爲人言者, 理勝則 事明,氣忿則招怫。

論 逃責之事,而亦不病其拘礙者,今之法度内處得其當也。 ○永按: 則 内 何義 處 爲治,不爲則已,如復爲之,須於今之法度 得 居今之時,不安今之法令, 明道先生爲邑,當法令繁密之際,未嘗從衆爲應文 之有? 其當,方爲合義。 朱子曰:不安今之法令,謂在下位者。 若須更改而後爲, 非義 也。 若

於不聽,擇其甚者去一二,使足以警衆可也。 治,有所 伺察,州縣 今之監 不 速, 專 司,多不與 欲 可教者教之,可督者督之,至 掩 蔽。 州 不若 縣 推 體,監 誠 心 與 司 之共 專 欲

事 雖 多 伊 ĬII 盡 先生曰:人惡多事,或人憫之。 是人事。 人事不教人做, 更責 世 誰

> 所當爲,則 雖 多 而不厭 矣。

做

?

永按:

有厭事之心,則有怠惰苟且之病。

知其爲人

再三,或汩於利害,❷却悔了,此所以爲難。 是從容就義? 感慨 殺身者易,從容就 朱子曰: 從容謂徐徐。 義 但 者 義 理不 難 精 問 則

思之

如

何

不妄悦人,即是盡禮 有加 見責以盡禮,而責之以 也 人或勸先生以 ? 葉氏 日 與 加禮 孟子不與 加禮? 近貴,先生曰: 右 師 言 禮 意同。 盡 則已,豈 0)永按 何 不

司 和,只是争私意。 兄之道事之,過則歸己,善則唯恐不歸於令, 積此誠意 從,奈何? 條,上之使下,下之事上,皆以誠爲本。 或問: 党,豈 簿,佐令者也。 曰 立有不 . 當以誠意動之。 動 令是邑之長,若能以 得 人? 簿所欲爲,令或不 永按: 今令與簿不 此 條合之「監 事父

- 審」,原作「深」,據局本改。
- 汨」,原作「泊」,據局本改

七〇

得 娲 資之量 量 斛 未 量 氣 謝 處 欲 故其量亦無涯。 是即量之狹 人之量,道 地之量則無滿。 性 之量 强 玄 得 不 至 隨 亦大矣,然有 不平否? 滿不 也。 破 問: 甚 識 識 終 符堅 一好,及 須有限, 長, 不 有 量 也。 葉氏 人於議 . 得 可 鍾 不 亦有 也。 一,對客 故識 日 티 : 大抵六尺之軀,力量只 得 也。 因 鼎 可 葉氏曰:聖人之心純乎道,道本無 也。 涯,有 强。 見識 人 下 常人之有量者 長則量亦長。 論多欲直己,無含容之氣, 之量,有江 故聖人者,天地之量 固 韋 更 蜀 識 是氣 陋 [棋,報 如 如 今人有斗筲之量, 有 高 則 涯 鄧艾位三公,年七十, 人 功 而 亦 人己得失之間,皆爲之動, 不平,亦是量狹。 大 便 量不長者,是 至不喜,及歸 大凡别事,人都 有 河之量。 醉 動 時 天 後 了。 而 益 資 滿。 恭 如 謝 江 也。 也 此, 謹 安聞 惟 河 有 識 折 者 外, 雖 之 釜 人 是 屐 天 聖 天 實 强

也。 只卑 按 所 酒 無他,亦是識量不足也 然惟知道者,量自然宏大,不待勉强 人與道如一。更不必言知道。 動 所 此 謙 所謂 動 有意於其間 也。 便 「量隨識長」也。 也。 是 葉氏曰: 動 ,雖驕肆謙恭之不同,要皆爲彼 又如貴公子位益高, 了,雖與驕傲 居之如 然此亦謂大賢以 常 今人有所見卑下者, 而不爲異者,量足以勝 者不同 下之人,若聖 其 益卑 而 所 成 爲位 動 謙 也 永 之

足 嫌, 明道薦才事。 選,其子弟係磨勘 而 何嫌之避? 得,自是無 人多言古時用直,不 也」。 不 雖公亦私。 得矣。 人纔 内 不 有意 足 亦何時 ○永按:不 人, 則 苟能以大公之心行之,當遷 上 豈是 於爲公,便是 不 頄 不可 見 皆 信於君 無 爲理磨 行? 避 時 不爲 ? 嫌 程子謂 下 勘 本 得。 不 者,避 理, 私 足信於友 ·注)因 心 元 此 私 後世用 則遷 人避 乃是 嫌 一言少 昔 也。 嫌者 當 欲不避 有 師 黜 私 有 此不 人典 内 典 則 意 舉 黜 不

君實嘗問先生云:「欲除一人給事中,誰

只

益

恭謹

便是動

1

雖

與

放

肆

者

不同

·; 其

爲

是失。 言。 今既 義之方也 預。 可爲者?」先 出於公口,入於光耳,又何害?」先生終不 如兩人有公事在官,爲守令者來問,自不當答。 問。伊川不答温公給事中如何? 如 曰: ○永按: 此 此莫是避嫌否? 頭頭 問者爲失言,言之則爲出位。 生 雖 有 日 其 一:「初若泛論人才, 人,何可言?」君實 曰: 不然。 朱子曰: 自是不容 本原已不是,與 當默而默 却 問 日 者已 可 制 避

之,遂致人如 叟云:「只爲正叔太執。求薦章,常事也。」頤 却不求人,乃使 急切公事,乃 將 頤 云:「不然。只爲曾有不求者不與,來求者與 去,有一 與持國、范夷叟泛舟於潁昌西湖。 先生云:韓持國服義,最不可得。 〇葉氏曰: 官員 此。」持 是 求知者失己,使之求知者失士。 求 上書謁見大資。 人倒來求己,是甚道理?」夷 知 國 己。 便服。 頣 云 韓 維字 「大資居 頤將 持國 謂 須臾客 汽泡 有 位, 純 日 甚 禮

> 深,事之大小,裁酌其宜,難執 跂及,學者只當以此爲法,則庶乎寡過矣。 也。 之「獵較爲兆」,而伊川之一一理會,乃孟子之「不見諸 監 狀》乃獨不載其事。 德各異。 從前 底不 〇程子所論西監 禮樂不 須 者未至而輕議之,恐失所守。 合行申狀,豈有臺省倒申外司之理? 子監自係臺省,臺省係朝 大,規模廣闊。 看 狀,計 此亦何害其爲同耶? 得。 聖人欲正 人只計較利害,不計 先生因言: 故明道嘗爲條例司官,不以爲浼, 興,是自然住不得。 較如此。 吏人押 伊川氣質剛方,文理密察。 申狀之事,尤足以驗聖言於日用之間 名處,見得道名不 此可謂 明道猶謂青苗可且 今日 申 轉 但 不同矣。 供 運 伊川所處雖高,然實中人皆可 明道所處,是大賢以上事,學 一意。此君子所以貴窮理也 職,只第一 司 較 廷官。 狀 然明道之放過,乃孔子 朱子曰: 事體,直 頭頭 放過,而伊川乃於西 然又當觀用之淺 而伊 其 不 Ė 外司有 件 道 -曾簽。 明道 時 川 得 雖 便 同 所作《行 恁地 只爲 德性 便 做 而 侯 至 或 他 寬 浩

學者不可不通世務。天下事譬如一家,

○葉氏曰: 非 我 爲 則 君子存心正大如此,其所以講明世 彼 爲, 非 甲 爲 則 乙爲。 已上 務者,亦非分 並 遺 書》。

!

公方怒言者,厲色待之。

先生徐曰:「天下之

攻之甚力。

明道·

先生嘗

被旨赴

中

堂

議

事

荆

而近患可免矣。
《外書》。下同。○永按:思慮在事外,則圖之早,防之周,《外書》。下同。○永按:思慮在事外,則圖之早,防之周,一人無遠慮,必有近憂」,思慮當在事外。

聖人之責人也常緩,便見只欲事正,無

顯人過惡之意。

者能爲之。 人不爲耳。永按"法度中有可爲之事,惟有愛人之實心人不爲耳。永按"法度中有可爲之事,惟有愛人之實心一事不得爲,其他在法度中,甚有可爲者,患一伊川先生云"今之守令,惟「制民之産」

四字,常曰「顥常愧此四字」。明道先生作縣,凡坐處皆書「視民如傷」

取他長處」。永按:前輩之短,非所當議。舍短取長,則伊川每見人論前輩之短,則曰「汝輩且

劉安禮云:王荆公執政,議法改令,言者

有進德之益,而

無浮薄之失

愧屈。 事,非 見,消其忿厲之氣。 荆公,安石。 《附録》。 一家私 〇葉氏 議,願公平 下同。 日 從容 〇劉立之字安禮,程子門人。王 一言之間,有以 - 氣以 聽。」荆公爲之 破其私己 得 之

不徒恃乎苛察嚴威也。 民各得輸其情 輸其情。 劉安禮問 問御吏,曰: 惟平易聰達者能之。 臨 民,明道先 正己以格物。 生日: ○永按: 正己以 使 葉氏 民 日:使 各 格

大抵 能知其僞。 然不 文集》。 能爲 使 横渠先生曰 〇永按: 人常在其前,己嘗爲之,則 下, 亦 己嘗事人,則使人之際,能 : 未 凡人爲上則易, 能 使下, 不 盡 其 爲 盡 能 情 其 下 情, 使 僞 則 也。 難 而 亦

功也」。 險,苟處之心 《坎》「維 今水臨萬仞之山,要下即下,無復凝 亨不 心 亨一, 疑 故 則 「行 雖 難 有 必 :尚」。 濟 而 外 往 雖 有 積

日

姤

初

羸

豕孚

蹢

『躅」、一

豕

方

羸

時

力

於義 五以剛 所 滯之在前。 以心 理, 居中,其 荷 通。 能 信之篤、行之決、如水之就 《易説》。 心自亨通,心亨 惟 知 有 下同。 義 理 而 ○葉氏 而 無 三,則 疑 日 則 下 可 《坎》爲重 復 則 以 何 何 出 往 險 回 而不 矣。 險,二 避? 人 1

節之士 事 怪。 必怪。 按 之非笑,所趨義 其 概者莫能,況吾於 則 異 心大而志立 舉重明輕,所以激昂柔懦之士。 Œ 永按: 惰與羞縮 俗 長,不消 以 永按: 所以 冒冒 者 在 死 己 雖 難 不 ,故無羞縮與惰之病。 以]者義 易 能 則 能 有 異俗之事,義 理耳,視天下 而 病 之病,常與義理 行己者,於其所 義 爲,於義 理 羞 常在, 理已明 不勝,惰 縮。 意 理所當爲,故人亦終不之 惟 未 ,何爲不爲? 在相爲消 思 莫能移其道。 心 必 與 然爲之,人亦未 齷 宏,則 中,然: 羞 長。 齪 難 縮 者 之病,消 不 無 非 在 則 顧 古 由 有 葉氏 惰 志 氣 作 永 人 手,而德裕逐矣。

李德 未能 若無能爲,而 唐武宗時,德裕爲相,君臣契合,莫能間之。 志 不 動,然 忘逞,照 裕 處 不知其 置閹宦,徒 至 察 誠 志在求逞也。 少 在 不至,則 於 知 蹢 躅,得 其 繼嗣 失 帖 其 息 重 伸 幾 威 事 則 ,卒定於宦者之 宦官帖息畏伏 也 伏 伸 矣。 葉 而 代氏日 忽於 如

幾微之間

,所當深

察

善取四 益 童者,或多出 冠,尊瞻視,三益也。 數多也。 爲憂,則 也。 益 人教小 授人數數,上「數」如字,下「數 己亦了此文義,二益也。 不 人,授 敢 童 惰 各草草 一, 亦 四 率 叮 ·, 惰 益 取 常以 也。 慢 益 無 《語録 威 因己 儀,不 絆 己 對之必 而壞人之才 一音朔 顧壞人才,是不 不 0 永 出 ,謂授書遍 按 E 教小 衣

近 思 録卷之十終

ステムのイン言語

近思録卷之十一

凡二十一條

婺源後學江永集註

朱子曰:此卷教學之道。

聖人之事 也。 和爲中,與《中庸》不合,蓋就已發無過不及者而言之,如 以爲善惡之分焉。惡者固爲非正,而善者亦未必皆得乎中 邪佞。朱子曰: 嚴毅,爲幹固,惡,爲猛,爲隘,爲强梁。 善,爲慈,爲順,爲巽,惡,爲懦弱,爲無斷 書》所謂 惟中也者,和也,中節也,天下之達道也, 濂溪先生曰:剛善,爲義,爲直,爲斷 「允執厥中」者也 也。 剛柔固陰陽之大分,而其中又各有陰陽, 朱子曰: 此以德性之正而言也。 故 聖人立 教,俾人自易 然其以 爲 爲 柔

> 惡,則剛柔皆善, 不及之偏矣 至其中 則 其或爲嚴毅 有嚴毅慈順之德,而無强 或或 爲慈順 也。 又皆 一中節 梁懦 弱之病矣。 而 無 太過

之。 鑠於外,欲其純完,不可得也。《^{文集》}。 不豫,及乎稍長,私意偏好生於内,衆 固有之,雖以他説惑之,不能入也。若爲之 有知,●且當熏聒,使盈耳充腹,久自安習,若 未有所主,便當以 大學之法,以 伊川先生曰:古人生子,能食能言 豫 格言至論 爲先。人之幼 日 陳於前 也, 辯言 雖 面 知 未 思 教

《象》曰:「觀其生,志未平也。」傳曰: 君子 而化之矣。 省,觀其所生,常不失於 不在位,然以人觀其德,用 《觀》之上九曰:「觀其生,君子无咎。」 不可以不在於位故,安然放意 君子,則 爲 儀法,故當自 人不 失 所 無 望 慎 雖

●「有」,局本從洪本作「曉」。

其惡,自至其中而

止矣。《通書》。

〇朱子曰:易其

七四

所事也。《易傳》。○永按:人所觀瞻,而自修之志稍懈,

則不足爲人望矣

若不 也。 意精矣,但失不以「何有於我」,爲聖人之謙辭耳。 者,亦不敢易乎近矣。 者,不獨使夫資之下者,勉思企及,而才之高 之常行,不困於酒,尤其近也。 教,常俯 可以 門人弟子既親炙,而後益 聖人之道如天然,與衆人之識甚殊邈 而就之。 及,則 趨 事上臨喪,不敢不勉,君子 望之心怠矣。 《經說》。 〇朱子日 知其高 而 故聖 以己 遠 程子之 處之 人 之 既

玩 日輕俊之害,不可 弟輕俊者,●不以爲憂而以爲喜,且早教之作文以干進,他 作文字,則得以用其才,而長其輕俊矣。 **惲於檢束,而樂於馳騁。** 經學念書,不得令作文字。 好皆奪 明道先生曰:憂子弟之輕俊者,只教以 志。 勝言。 至於書札,於儒者事最近, 使之習經念書,則心平氣定。 此由父兄之無識。 葉氏曰: 〇永按:常人於子 子弟凡 志輕才俊者 若令 然 百

> 喪志,其他玩好可知。 妨 生精力一用於此,非 爲 向 處 好 ,足知喪志也。 人則有之,曾見 好著,亦 自 喪 故書札惟欲楷正,不必求工。 志 《遺書》。 惟 有善 如 徒 王、 廢 書 下同。 時 者 虞、顔 知道 日,於道便有 ○永按: 柳 否 輩 書札 Ψ. 誠

興水利有功。 數之類。 明治道者,講之於中,如治民、治兵、水利、算 而於張無垢《中庸解 味,無德者惑於輕揚。 而不惑。 德者惑。 如戰陣部伍之法。 九章》之類。〇永按:安定又有「經義齊」,專講明經義 凡立言,欲涵蓄意思,不使知德者 胡安定在湖州,置「治道齋」,學者有欲 〇永按: 葉氏曰: 嘗言劉彝善治水利,後累 葉氏曰: 水利,如江河渠堰之利。 輕於立言,無涵蓄意思, 知德者玩其 朱子嘗謂尹氏 粗暴淺露 治民,如政教施設之方。 (理而 舉 論 不厭,無 程子此 語説 知德者 算數,如律 》「句 語譏之,可 徳者 爲政,皆 句 厭 守 有 厭 治兵 味 其 其 曆 無 知 無 説

■「常」,局本從洪本作「今」。

立言之方矣。

節 曉 日 雎》之類,正家之始,故用之鄉人,用之邦國 舞,如古《詩》三百篇,皆古人作之。 ,令朝夕歌之,似當有助。 使人聞之。 ,别欲作詩,略言教童子 教人未見意 此等詩,其言簡奧,今人未 趣,必 不樂學。 灑 埽 欲且 應 對 事 教之歌 如《關 長之 易

何? 守。 有一 矩之中。 事却停當方可遵守,初學者或未曾識禮,恐無下手處。 念之肅,使己改容更貌,不費安排,事事上見得此意,如 問 朱子曰:古者自幼入小學,便教以禮,及長自然在規 子厚以禮教學者最善,使學 横渠却是用官法教人。 横渠之教,以禮爲先。 恐謂之禮 禮也易學,今人乍見,往 者先有 則有品節 所 敬則 每 據 往 遇

將有得 ,反將理低 語學者以所見 而 後 語 之,否則 看了。 不 未 永按: 惟 到之理,不 不能深 未見到之理,必俟其 曉, 丽 ·惟所 亦 以 淺 聞 易 不 深 輕 深 視 造

以爲

不俟改塗而聖可至耳。 中。 遂可直以聖人自居 由是可以至於彼。 上,便可到聖人事。 古之教人,莫非 舞 射 便 見 人誠。 也哉 苟「習焉而察」, 豈 日 使之成 朱子曰: 永按: 灑埽 而 舞 此亦言其理之在是,而 己。 又 射 應對之不失其節, 「勉焉以造其 必 自 誠 灑 乃 埽 可 極」, 應 應 節 對 則 命

事。永按"小學皆是教之以誠,誠即聖人事也。自「幼子常視毋誑」以上,便是教以聖人

發明理無大小,自是一義 子夏正謂教人小大有 不可躐, 精義入神,事有大小,理無大小。 以近小,而後不教以遠大也。 以小者近者,而後教以大者遠者,非 先傳」、「後倦」, 理無大小,故隨其所處而皆不可不盡。 别。 前段 君子教 程子之説 事有大小,故 朱子 人有 却 i E 就 序。 灑 〇葉氏 教人有 灑埽 埽 是 應對 先 先 應 序 對 傳 傳 而

學者 今一日説 伊川 須 是 先生日: 盡,只是教得薄。 潛 心 積 慮, 説書必非 優 游 涵 古意 至 養, 如 轉 使 漢 時説 之 使 自 人 得。 薄。

耳之傳,末矣 帷 講 誦 一,猶 未 必 説 書。 葉氏曰: 理貴玩索,至於口

子,既 志定。 其出 業 以 而 未知何所 人。〔本注〕人有養, 何 德 無 養,若士大夫之子,則不 可 養之也。 L 學,至 由 利 ,既人學則 教者聚之,不肖者復之農 也 後 得 口 古者八 則 其 據。 之人,自 趨 只 向 亦有 四 學 夫既 來學也 誉 善 古者教士,其 則 + 則 時 歲 給之以 衣 所 方 亦 不治農,然後士農 春 有時 入小學,十五 食 志 仕 童 秋耕 便 故 必 却 百畝之田 定 中 雅 可 古 ,既受學,則 有 耘 志於學。 無 、比間之學, 知, 人 間 養。 間 餘 害 必 己 須 自 時 矣,又給之以學糧,亦 慮 使 有 肄 古之士 退 去 有 惟 〇朱子 畝。 業。 無 而 四 汲 趨 人大學, 則 利 習 養, 鄉 + + 汲 善 未聞上之人復有 禄 於其家。 判 蓋 老坐於門。 Ė 者, 趨利之意, 而 ,便自此成 五年學, 之 雖 士農 程子之言, 仕 誘 自 擇 在 庶 及 最 然 + 人 學 不 其 (其升 安得 而 之 害 後 又 五 之 易 才 察

> 許多糧給之耶? 足以 奪 志。 若 誘 ○葉氏曰: 於 利 禄 則 「營衣食」者 所 學 皆 非 爲 求於力分之内, 己 而 根 本

撥矣。

未

《詩》上也。 尚不能 曉其 今人歌 不 材 脈,今皆無之,是不 成 養其性情,聲音以養其 無法度,是不得「立於禮」也。 得 也易,今之成材 於樂」,如今人怎生會得。 義, 天下 有 曉 曲 所 故 其 成 一般, 有 古禮既廢,人倫 能 義 就。 多 興 少才, ,怎生責得學者, 雖 起 且古者 也 於《詩 間 得「成 難 只爲道 巷童稚 耳 興 **%** 於 目 不明, 於《詩 《樂」也 不 後 ,皆習聞其説 古人於《詩 古人 舞 世 明 是不 蹈 以 老 於 **※**, 以 有 至 得 天 師 養 歌 治 古之成 於禮 F 宿 其 詠 興 》,如 家 以 於 mi 故 血

不 則 沛然矣。 待 憤 孔子教人,「不憤不啟,不 悱 圃 發,則 學者須 知之不 是深思之,思之不 固 待 悱 憤 不 悱 發」。 而 得, 後 然 蓋

之道。 問 問之心也。 思,其受之也必淺。 了雨,忽然得些雨來,生 **悱者**,口欲言而未能之貌。 之餘,則思深力窮而倏然有得,必沛然而通達矣。 物,人力隨分已加,但正 後 須是且爲他説,不然,非獨 爲 如何是沛然? 他 説 便好。 已上並《遺書》。 既 日 無所得,其聽之也若忘。啟發於憤悱 朱子曰: 當那 意豈可禦也! 此 正所 啟謂 時節, 謂 憤者,心求通而未得之意。 〇葉氏曰: 開 ,欲發生未發生之際,却欠 其 他 「時雨之化」。 意。 不曉,亦 〇葉氏曰: 發謂達 此又誘進 如 止 其 初 未嘗深 種 解。 人好好 學者 初學 植之 0

禮」,則 此張子言以禮教人,當自勉也。 從倡,道無從弘,教無從成 仁之至也,愛道之極也。 横渠先生曰:「恭敬樽節退讓以明禮 能 率 人使成材, 是仁之至,能宏道以教人,是愛 教者能 己不勉明, 矣。 恭敬撙節退讓以 《正蒙》。 則 永 人無 按 道 明

誠,教人不盡其材。」人未安之,又進之,未喻《學記》曰:「進而不顧其安,使人不由其

屏

氣。

安詳則不躁率、恭敬則不誕

慢,此忠信之本也

孟子曰:

「人不足與適

也,政不足

與間

之,而無誠意, 嘗見横渠簡與人,謂 不由於誠,則不盡 安,不由誠,皆是施之妄也。 之,又告之,徒使人生此節目。 躐等陵節之弊也。 誠與材。 則豈有由誠 餘地、無全牛矣。人之才足以 聖人之明,直若庖丁之解 人之材,乃不誤人。觀 ○永按: 既 哉 無誠 不顧學者之能受而强進之,人雖 其子日來誦 意 横渠 其才。 ,則亦不能盡其才質。 《禮記説》。 可 書不熟, 牛,皆 若 及 日 教人至 處, 下同。 宜教他 勉 有 知 不盡 然 率 爲,但 其 一者相 一難,必 後告之。 〇朱子日 隙, 材, 而爲之, 誦 一勉强 不 以其 刃投 因 盡其 盡 顧

敬。 不敬 則 兩 葉氏曰: 事,便不忠信。 手奉長者之手,問 古之小兒,便能 奉手,習扶持尊者。 敬事。 故 教 之, 小小兒, 掩口 掩 長者與之提攜 口 而 且 而 對 習其 先 對。 安 蓋 恭 稍

一七九

近思録卷之十二

凡三十三條

介如

石,其去之速,不俟終日,故貞

正而吉

如二可

也。

處豫不可安且久也,久則溺矣。

戀

不能已也。《豫》之六二,以中正自守,其

婺源後學江永集註

謂

「見幾而作」者也。

蓋

中正,故其守堅,而

朱子曰:此卷改過及人心疵病。

身而無悟也。噫!《通書》。今人有過,不喜人規,如護疾而忌醫,寧滅其今人有過,不喜人規,如護疾而忌醫,寧滅其

其德,薄且不能勝,況於隆盛乎? 德踰於禄 不失道而 ○葉氏曰: 伊 ĬII 先生日: 喪敗者也。《易傳》。 則雖盛 德勝於禄, 而 德善日 則所享者雖厚 非滿。 隆盛之喪敗,必自無德者 積,則 自古 下同。 而 隆 福 不爲 〇《泰》九三 盛、未有 禄 過。 日臻。 禄過

人之於豫樂,心悦之,故遲遲,遂至於耽

致之。

能辨之早,去之速也。

人君致危亡之道非一,而以豫爲多。

六五傳。

忘禍亂則釁孽萌,是以浸淫不知亂之至也。知戒,故狃安富則驕侈生,樂舒肆則綱紀壞,聖人爲戒,必於方盛之時。方其盛而不

數而 咎」。 《臨·彖》傳。 危,屢復何咎? 遷善之道, 安於復也。 不能 《復》之六三,以陰躁 不可 固者也。 與其 以 復善而 頫 復 失 過在失而不在復也。 而 而 屢失,危之道也。 復貴安固,頻 戒 危其屢失,故云「厲无 其 處動之極,復之頻 復 也。 復 頻 頻失,不 失 聖人開 [本注]劉 則 爲

質夫曰: 頻復不已,遂至迷復。 頻復頻失而不止,久則玩 ○劉 溺而 不能復,必至上六

○葉氏曰:

之迷復矣

睽極 則 佛戾 而難合, 剛 極 一則躁 暴 而 不

也。 詳,明極 三之正 如 人雖 一應,實 則 過 有 察 不孤 親 而 黨 多 丽 而 疑。 多 其 自 才 《睽》之上九,有六 疑 性 猜,妄生乖 如 此,自 睽 離 孤

雖 上九居《離》之終,是明極 處 骨肉親黨之間 也。 而 常 多自疑猜 孤 獨也。 ·過明之患,妄生乖 葉氏曰: 《睽

剛好睽之致也。

之,則是化爲君子矣。 正則 質卑下,本非 吝。」傳曰:小人而竊盛位,雖勉爲正 如 解》之六三曰:「負且乘,致寇至,貞 何? 曰 : 在 上之物,終可 大正 非陰柔所 吝也。 能 也,若能 若能 事 一, 大 氣

日 理者天下之至公,利者衆人所同 益》之上九曰:「莫益之,或擊之。」 欲。 荷 傳

|絢字質夫,程子門人。| 公其心,不失其正 人,人亦欲與之。 之,而有擊奪之者矣。 自益以損於人,則人亦 若切 一理,則 與之力争。 於好利,蔽 與 衆 同 利,無 於自私,求 故莫肯益 侵於

之理? 也。 葉氏曰: 莫與宜者,則 物睽絶,其危 時,而定於一,其堅强如 心。」傳曰:夫止道貴乎得宜。 三居内卦之上,實内外之分,故取象皆爲限止之義。 《艮》之九三曰:「艮其限, 限,界分也。 「厲熏心」,謂不安之勢熏爍其中也。 艱蹇忿畏,焚撓 甚矣。 列,絶也。 人之固 此,則 夤,膂肉,亦 止 其 處 列其夤,厲 中,豈有安裕 行止不能 隅 世 身上下之限 乖 而 戾, 舉 世 與 以 熏

況從欲而忘返耶? ○葉氏曰:《歸 大率以説 妹 》兑悦,震 而 動,安有不失正 動。 心有所好樂,則 者。《歸 不得 其 正

常理也。 男女有尊 若徇情肆欲,唯 卑之序,夫 説 婦 是 有 倡 動 ,男牽欲 隨 之 理,此 而

同上。 失其剛,婦狃説而忘其順,則凶而無所利矣。

易人而可懼也如此。《兑》六五傳。雖舜之聖,且畏巧言令色。説之惑人,

人心離矣,是其惡益顯 敘,故其自任益强 成,然其所治, 能舍己從人,盡天下之議,則 「方命圮族」者所 下同 治水,天下之大任也。 固非他人所及也。 能乎? , 咈戾圮類益甚, 公議 而功卒不可成 鯀 非 不能 雖 具至公之心, 九 成 惟 年 其 其 而 也。 、功,豈 功 功 隔 **《**經 有 弗 而

如何? 害直則大。 君子二 當有便道有,無便道無。 敬 朱子曰:易得之物,尚委曲 以 直 内」, 微 才枉其小,便害其大。 生 高 所 如此,若臨 枉 雖 小 大事 而

有此 慾與剛正 被他 有慾 相反。 牽引去,此中便無所主,焉得剛 則 若耳之欲聲,目之欲色之類 無 剛 剛 則 不 屈 於慾。 ,皆是慾也。 朱子 Ė 才

朱子曰:『厚與愛畢竟是仁上發來,其苗脈可見。小人常失於薄。君子過於愛,小人傷於忍。人之過也,各於其類。君子常失於厚,

不進矣。 人,害亦不細。《遺書》。下同。○葉氏曰:君子之學,爲己而已。學問驕人,非特其學爲務外,而傲惰敗德,學亦爲己而已。學問驕,也不善,學問驕

况未必皆中乎。 去也。永按"喜料事則逆億之心熟,雖中猶爲私意小智,人以料事爲明,便駸駸入逆詐、億不信

曰:所謂「小害大」、「賤害貴」者也。
却不知道自家身與心,却已先不好了也。葉氏一箇身與心,却不要好。苟得外面物好時,一筋身與心,却不要好。苟得外面物好時,人於外物奉身者,事事要好,只有自家

永按:天機,天理發動之機也。子言「其嗜欲深者,其天機淺」,此言却最是。人於天理昏者,是只爲嗜欲亂著他。莊

伊川先生曰: 閱機事之久,機心必生。

氏曰:《莊子》云:「有機械者必有機事,有機事者必有蓋方其閱時,心必喜,既喜則如種下種子。 葉

機心。」

日:周羅事,猶言兜攬事。 周羅事者,先有周事之端在心。皆病也。葉氏周羅事者,先有周事之端在心。皆病也。葉氏

至枉尺直尋。其末流之弊,有不可勝言矣。 屈,義雖微害,亦有冒而爲之者。原其初心,止於權大小,遂曰:事無大小,惟理是視。或者有苟成急就之意,則道雖小曰。 較事大小,其弊爲枉尺直尋之病。 葉氏

雖公天下事,若用私意爲之,便是私。 葉氏曰:性無不善,而局於氣質、汩於利欲者,自小之耳。 小人、小丈夫,不合小了他,本不是惡。

ılti 所謂奪志也。 區處之意,浸浸遂人於隨 有 此 愚意以爲不特言此 做官奪 病,又何以救之? 不知程子意出於此否? 人志 ,但才仕宦,則爲事窒礙處,有隨 問: 時 朱子曰: 徇俗之域 仕宦奪人志,或言爲富貴 所 論奪志之説是也。 ,與初間 又不知人未免仕 立心各别 宦, 若 宜 此 所

著精彩也。

欲救此,但當隨事省察,而審其輕重耳。然幾微之間,大須

有歉: 縮在内似吝。 熱,攻注上則 吝是一般病,驕是放出底吝,吝是不放出底驕。 驕而不吝、吝而不驕者也。 驕者吝之枝葉,吝者驕之本根。 於責人,則暗於恕己,同 何却説 學者來問:「驕是氣盈,吝是氣歉」,歉則不盈,盈則不歉,如 虚者,所以必歉於實, 故驕而不吝,無以保其驕,吝而不驕,無所 上亦不足,於事上亦不足,凡百事皆不足,必 **吝則無以爲驕。** 義,吝惜不肯與人說 人處,歉是存於己者。 歉之色也。 驕是氣盈, 吝是氣歉。 「使驕且吝」? 頭 目 ○驕吝雖有盈歉之殊,然其勢常相因。 痛 ,攻注下則腰腹痛 ,便是要去驕人。 而歉於實者,所以必 朱子曰: 吝之所有,乃驕之所恃也 粗喻之,如勇於爲非 試商 是 箇 ○問: 量看。 「病根。 故嘗論之,天下之人,未有 氣之盈歉如何? 吴伯豐 人若吝時,於 ,熱發出 先生日: 非驕無所用其吝,非 對 盈於虚 用其吝。 ,則怯於遷善,明 \(\frac{1}{2}\) 外似 如 如 人曉些 盈 也。 騙,寒包 日: 人病 是 此盈於 加 驕 財 寒 蓋 文 於

未知道者如醉人,方其醉時,無所不至,

八四

懼矣。 以爲 及其 無 醒 缺,及既知學,反思前 也,莫不愧 恥。 人之未知學者, 日所爲 則 自 駭 且 視

曰: 之説錯了,可見不曾用功。 可哀也哉! 般話, 「無可説,便不得不説?」 邢七云: 明道責之。 「一日三檢點。」明道 其餘時理會甚事?」蓋 邢 日 又多逐 無 可 説。 先 人 面 倣 生 明道 上 \equiv 日 説 省 *

則

燕遊之樂爾。《正蒙》。 無 所 猷爲,與下民一致,所事不踰 横渠先生曰:學者捨禮義,則飽 衣食之間 食終日

故孔 始惑 惰之意,從而致驕淫之心。 能 不 子曰 爲物所移耳。 人 鄭、衛之音悲哀,令人意思留連,又生怠 也,亦 必放之,亦是聖 不 如 横渠《禮樂説 是 切,從 人 而 雖 經 生 珍 歷 無 玩 過 一,但 限 奇貨,其 嗜 聖 好。

孟 子言「反經」, 特於「鄉 原」之後者,以

> 順 惟務悦人,以是終身,乃亂常之尤者。 日 鄉 是 原大者不先立,心中初無主,●惟是左右 人情不欲違,一生如 鄉 北非昭 原浮沈俯仰,無 然。 愐 鄉原偽言僞行,不得以惑之矣 所可 否。 此。 蓋 其 横渠《孟子説》。 君子反經 義理不立,中 ,復其常道 無所 主

近 思 録卷之十二終

「主」,原作「件」,據局本改。

0

婺源後學江永集註

朱子曰:

此卷異端之學。

義,墨氏「兼愛」疑於仁,申、韓則淺陋易見。佛、老之害,甚於楊、墨。楊氏「爲我」疑於明道先生曰:楊、墨之害,甚於申、韓,

也。 其言近 故孟子只闢楊、墨,爲其惑世之甚也。 《遺書》。 楊、墨之害,亦經孟子闢之,所以 理,又非楊、墨之比,此所 下同。 〇朱子曰: 楊朱學爲義者也,而偏 以 其慈 佛、老 廓 如 尤 於

以孟子推言其禍,以爲無父無君,而陷於禽獸,辭而闢之,不哉?皆以善而爲之耳。特於本原之際,微有毫釐之差,是爲我,墨翟學爲仁者也,而流於兼愛。本其設心,豈有邪爲我,墨翟學爲仁者也,而流於兼愛。本其設心,豈有邪

中國。 不害,鄭人,以刑名干韓昭侯。 聃弟子。 界限齊整,不相侵越,微似義耳,然終不似也。 箇逍遥物外,僅足其身,不屑世務之人。只是他自愛其身, 名狙詐之術,其禍幾近而易見也。❷ 其賊天理、害人心於幾微之間,使人陷溺而不自知,非若刑 少假借。 術之學。佛本西域之胡,爲寂滅之學,自漢以來,其説始 以疑於義? 如是之力。 老聃,周柱下史,其書論清浄無爲之道 孟子闢楊、墨,則老、莊在其中矣。 孟子亦豈不原其 ○問: 曰:楊朱看來不似義,他全是老子之學,只 墨氏兼愛疑於仁,此易見,楊氏爲我,何 (情, 而過爲是刻核之論哉? 韓非,韓之諸公子,喜刑名法 是以拔本塞源,不得 0 0 葉氏日 楊朱即 誠 申 老 是 以

是不及些,然而厚則 不及」,於聖人中道,師 其始甚微,其終則不可救。 至於爲我。 伊川先生曰:儒者潛心正道,不容有差, 其過不及同 漸 只 至 出 一於兼 是過 於儒者,其末遂 如「師 愛,不及 於 厚 也 些,商 過,商也 則 至 便 只

■「其惑」,局本從洪本、《遺書》作「爲害」。

❷ 「幾」,局本從洪本作「淺」。

思録卷之十三

近

爲出 時。 義,故 師 至於是也。 於 正 楊 道,不容有 流,考之有未精者。 無 商 墨。 墨 於二子,則其考之不詳甚矣。 無君。 父 ,信乎? 翟 無 又在楊朱之前 胡 氏日: 君、孟 墨子愛無 差」,則 朱子曰: 朱子曰 楊 皆 子 朱即 若曰佛氏之害甚於楊、墨, 差等,而視其至親無異衆人,故無父。 至論 ,宗師大禹。 楊朱但知愛身,而不復知有致身之 胡氏論之當矣。 推之便至於此,蓋其 莊 也。 周 所 至 謂 〇或問: 如 而晏嬰,學之者也。 楊 楊、 子居 〇程子論楊、 墨, 二者 楊、 「儒者潛心 亦 墨學出 與 老 (差必 未 墨之 聃 至 於 以 同

是 與 故 爲「四大」,謂 者,其外於道也遠矣。 在 不可 比。 長 所 天 「君子之於天下也,無適 幼, 親 地之間 明道先生曰: 須 若有適有莫,則於道爲 臾 即 爲 「四大」幻假 君 離 朋 無適 臣 也。 友, 面 無 君 而 道之外無物,物之外無道 而 然 所 臣 非 成人身,寂 葉氏曰: 則 道 爲 在 毁 也。 所 而 也 嚴 人 非 釋氏以 滅幻 以以 即父子而父子 倫、 道 有間 無 一,此 根, 莫 至爲夫婦 去「四大」 地、 非 也,義之 斷 道 水、火、風 除 所以 天地 切。

此心收斂虚静, 外相,始見真性 察,可 不是。 枯槁 氏本與吾儒同 以方外」則未也」,恐未安。 處得是。 於《易》備言之。〔本注〕又云: 也。 之全也。 可,惟義之從。 是邪」? 不是了。 處 以「敬以直内」矣,然無「義以方外」。 矣,「義以 人,故盡欲掃去。 《近思録 ,前者記傳不完也。 以 疏 吾道 〇問: 》有云「佛 「敬以直内」,然與吾儒亦不同。 程子謂釋氏 〇問: 亦是此意。 通者歸 方外」則未之有也。 彼釋氏之學,於 則 佛家如何有「敬以直内」? 釋氏寂滅無爲,不可以 只 亦若「敬以直内」。 ,非天地本然全體之性 不 有 是其末 《遺書》云「釋氏於「敬以 吾儒便有是有,無是無 然, 於恣 ○葉氏 「唯務上 只 箇「覺」之理」云云,這是當時 無 率 異。 曰: 「義以方外」, 性 肆, 日 達而 某與言 前日章畫 而 此佛 君子之於天下,無 無下學,則 敬 已。 然有 佛有一 其直内者,要之其 正是 以直· 矣。 察理 之教 故 則連 他本是箇 體 朱子曰: ,於應事接物 卿 直 斯 大本不同 滯 釋 應 箇「覺」之理 愐 内」則 Œ 理 内 其 「敬以 無 事,必 氏 論此,以爲釋 所 固 E 也 用, 習 以 他有 者 則 達 有之,「義 不 定 直 何 一處豈 記 欲 可 耐 聖 爲 入於 有之 内 只 有 欲 斷 無 得 因 箇 本 煩 隘 也 學 亦 於 得 除 不 有 全 檢 底

惺惺法」,若可「敬以直 體 而 至於肆。 實則 用本末備言之矣。 隘 器以 陋。 聖人贊《易》,所謂 爲道 吾儒率 ,故或拘 十性之道 ○覺者心無 内」矣。 或 知幾存義,直内方外 肆,皆爲之病,名爲「大自在」, 動 然無制事之義,則 静各正,既 倚著,靈 覺不昧 不病於 ,時止時行, 所謂 所謂 拘 亦不 覺 「常

者

,猶無寸之尺,無星之雨

,其「直内」之本亦非矣

〇明 是也? 티 : 意。 論直内方外,而 0 性 釋氏求不生不滅之理,可 見性」是也,若存心養性 下學非上達,不連屬 程子論釋氏有盡 語 釋氏恍惚之間,略見得心性影子,都不見裏面許 亦 《道論釋氏下學上達 就使有存養之功,亦只存養得他所見影子,終不分明 唯 不 「盡其心者,知其性 務 完。 氏本怖死生爲利, 豈是公道? 元不相 上達 二先生 日 既無方外 而 心知性 連 無 語 而 屬, 處 有間 中 下學, 免輪迴之苦,此本出於利己之私 而 亦 '則所謂直内者,「其本亦不是」, 則無滲漏 但 無存養之功者,正承上文譏其 断之病 間 有 有 然則 也。」彼所 如 間 段 此 ,非真以是許之也。 矣。 斷 事 處,必是記者之失。 其 1;非 其下文説盡 則無矣。 上 達 謂 道 處豈 一識 也 葉氏曰: 心知 多道 朱子 心 孟 有 其

> 令爲 豈有立 葉氏 意 羅等十王者耶? 國之前 公曰:天堂地獄,若果有之,當與天地俱 日 亦如此。 : 日 釋氏 善。 , ●人死而生者亦有之矣, 何故無一人誤 僞 道 先生 地獄之類,皆是爲下根之人設此,怖 本人倫,今日 彼 教 固 而 不學者固不足與言 日 日 人 出 可 家獨 至誠貫天地,人尚 化 出 乎? 家, 善 則 於道 以上明道 便於道 演讀 生。 體 書知古者,亦 虧 自佛家未入 語。 體自不 欠大矣。 人地 有 〇司 不 獄 . 足。 口 見 馬 化 或 以 中 温

孔子既告之以二帝三王之事,而 之,不爾則駸駸 使人移,故危也。 人者,是他一邊佞耳,然而於己則危,只是 鄭聲,遠佞人」,曰:「鄭聲淫,佞人殆。」彼 學者於釋氏之説,直須如 然入其 至於禹之言曰:「何畏 、中矣。 淫 顔 聲美色以 復 淵 戒 間 以 爲 乎巧 邦, 放 能 遠 佞

❶ 「家」,局本從洪本作「法」。

少悟矣。

一八八八

此戒慎 言令色!」巧言令色,直 戒 ,到自家自信後,便不能 猶 恐 不 · 免。 釋 氏 消 之學,更不 亂 言畏,只是須 得 消 言 著 常 如

要得 按 萬物 都 他物 此 那 幻 死 頭 日 去他身上起 心心亦 灰。 理。 在 法爲「六 起 裹 釋氏以耳、 大小大快活,猶云許多快活也。 來。 萬 意 去 不 所 滅。 體 然 物中一例看,大小大快活。 故 與 以 人 杰 之理,不爲私己之見,自然與物各 塵」。 釋氏 没 有 則 「生生之謂易」, 謂 根 看 目、口、鼻、 意 此 也 能 萬 塵 其説 1得道 思 其實是愛身,放不 理 一,爲 推 物 ,奈何那身不得,故却 謂 ,要有此 物 心 理 幻 只 體 身、意爲「六根」,以色、聲、香、 塵 源 小了 則 爲 者, 滅 氣 不 自 故 理,除 他 皆 定,故 生 香 私,將自家驅殼 幻 1有此 」則 釋氏 底。 推 根 不 亦 是 要 得, 滅 理,只 放這 I 得 得 時 以 葉氏曰: 死 得 其 不 生,皆完 幻 也。 故 不 如 所。 根 身來 知 厭 説 枯木 爲從 滅,故 미 葉氏 ○永 惡 此 人知 味、 許 道 Ŀ

多。 放 在 身。 下 譬如 石頭 又 惟 負 如 版之蟲,已 抱 嫌 石 重 投 也 河 載 以 其 不 起, 重 愈 猶 沉 自 終 更 不 取 道 物

乎? 命也。 謂 養生,順理窒慾而已。 氏指爲輪回,爲幻妄,則其所談性命,亦異乎聖人矣 節 形 嗜欲, 佛氏 人有 而 陰陽畫夜死生古今,乃天命之流行,一氣之屈 티 : E 者 定心 不 吾嘗「夏葛 語 識 與 導 聖 氣」, 陰 氣者, 豈若偏曲之士,爲長生久視之術哉 人 陽、晝夜、 同 如 問 乎? 而冬裘,飢 斯 先生 而 已矣。 葉氏 死生、古今,安 日 日 食 葉氏 君 形 愐 愐 亦 渴 日 上 伸。 飲 有 者, 聖 得 紨 性 釋 督

説 也,吾告汝者心也。 「心迹之判 其心不取 之,其設教 未能 釋氏 窮,固 之説,若欲 其 如 迹, 是,則 已化 便 心迹之判久矣。」故不若且 是 有 而 亂 是 其 爲 説。 窮 心 心 佛 其 則 果 文中子云: 矣。 説 有 如 而 是 何。 只 去 迹 且 取 汝 占 於 之, 所 王 難 迹 於迹上 問 通 爲 上 則 者 考 取 其 洂

易。 有, 斷定不與聖人 有不 永按:毁棄人倫,是其迹之大異者。 合者, 合, 固 所 其言有 不 取。 合處 如 是 然則其心皆無父 則 立 吾 定, 道 却 固 省 己

無君也。尚何取於彼哉?

子言 昇之 口,白日 玄命秘, 之機,安能 等事否? 易 年 過 益 詎 朱子《感興詩》曰: .) 類 ,置之密室則難 間 「聖人不 壽,則有之。 能安? 生 竊當生死關。 則 羽翰。 神 無,若言居 日: 延 仙 我 年? 師 之説 此是天 欲往 仙 金鼎 譬 從之,脱屣諒非難。 「飄飖學 有 使聖人 過 厥 蟠 如 Ш 諸 龍 地 桁 ,有此理也。 林 虎 ? 間 異 仙 鑪火, 間 八肯爲 侣 也, 티 : 年 保 賊,若 遺 -養神 形鍊 世在雲 若説白 周、孔 聖 置之風 丹。 但 人 非 又問 氣 |恐逆天道 能 刀 Щ 竊 圭 中 爲 造 爲 以 日 盗 之 化 人 此 揚 則 延 飛 啟 世 不 小, 可 加 流 盡

生。 先 謝 生 顯 日 道 : 歷 恁 舉 地 佛 同 説 處 與吾 雖 多 儒 一,只 同 是本 處 間 領不是 伊 川 先

> 劈 儒見得都是實,他底從頭到尾都是空。 初頭便錯 齊 差 却。 T 如 外 書》。 「天命之謂性 0 問: 佛 一,他 氏 所 把 以 做 差? 空 虚 説 朱 7. 子 Ė 0

> > 吾

從

其蔽 小,輾轉流 日 滅,無有實相,天地日月,等爲幻妄。 圍之用,反以「六根」之微,因緣 不能推; 乎? 一, 則 知 遁失中。 佛説 明 溺 窮 横渠先生 於 其 不 誣 調虚 理 小 遁 塵芥六合, 樂虚空之大,則溺 志 能 天 也, ,皆失其中。 空無窮,天地 於虚 而 地 究 葉氏曰: 謂之盡 其 日 夢幻 曰: 所 空之大。 月爲幻妄,蔽 佛氏謂「六根」悉本天地,「六根」起 從 謂 釋氏妄意天性 人 其 有窮,人世起 天地 性 也 世。 過 其志而不能 可 於 此 爲有 乎? 謂 正 大也,塵 厭此身之小,則 所 蒙 之 其用於一身之 滅,皆爲幻妄,莫知 窮 以 天地, 反。 窮 謂 也, 下 前 語 之 理 同 故其語 芥六合; 大語 無 明 夢 可 不 蔽 幻 不 乎 知 不) 葉氏 大語 其 ? 能 知 範 用

●「虚」,原作「處」,據局本改。

其所從來也。

是動 者。」諸子之言之陋如 云 戒夫作爲也。 子嘗云: 言有無 有無爲 也 理,有此理則有矣。 也 者,有無也者,有未始有無也 無,便錯了。 「萬物皆生於有,有生於無。」莊子又推言之曰:「有有也 |静之理,未嘗爲一偏之説。]此「《易》不言無」也。 問:「言有無,諸子之陋。」朱子曰: ,謂不言無也。 大易》不言 「聖人作《易》,未嘗言無,惟「無思也,無爲也」,此 老氏之言有無,以有無爲二。 然下即 ○周子云 老氏乃云「物生於有,有生於無」, 此 日「寂然不 《易》謂 有 「無極而 無。 「易有太極」,是只言有耳。 者,有未始有夫未始 動,感而 太極」,周子之言有 言 有 無 遂通,天下之故」, 無者無物,却 〇永按:《易》不 諸 子 有 ,之陋 無,以 無也 老子 有此 和 程 理

爲 乎 謂 厭 ? 苦 變 知 求 人乎? 天人一物,輒 浮 爲 孔 免,可 圖 孟 輪 明 所 迴,未之思 鬼, 謂 謂 天,彼 知 謂 鬼乎 有 識 也。 所 ? 之 謂 死, 受生循 永按 以 生 道 取 人生爲妄見, 舍,可謂 惑者指 孔子答宰我鬼神 環 遊 知天 遂 可 魂

____ 生流 知死生之説,何 安,何所厭苦? 知聖 之問云: 臧獲,人人著信。 者未容窺聖學門牆,已爲引取,淪胥其 也,指爲輪迴、惑矣。 **煮蒿悽愴,此百物之精也,神之著也。」是即** 志,已謂不必事其文。 故未識聖人心 驅,因謂聖人可不修 恬習之事,長則 爲大道。 悟則有義有命 ○葉氏曰: 轉,非得道不 「骨肉斃於下,陰爲野 知 乃其俗達之天下,致善惡知 ,均死生,一天人,推知晝夜, 鬼 所謂輪迴? 當生而生,當死而 天人一致,何所取舍? 神。 已謂 師 大學當先知天德,知天德 免,謂之悟 世 使英才間 今浮 不 而 一儒崇尚之言,遂冥然 自其 至,大道可不學而 必求其迹; 此 圖 土,其氣發揚於上, 人人倫 劇 死,是有義有命 説 氣, 道 論 熾,傳 知書 所以不察,庶 可 要 生 「遊魂爲變」之説 通 乎 歸 一夜,通 陰陽, 未見君 則 ? 中 溺 愚 必 爲 間 或 陰 本 生 體之無 耳 男 謂 陽 昭 指 知 死 注 明。 子 被 目 女 死 則 則 均

● 「死」,原作「鬼」,據局本改

捷徑一 愚。 計得失哉! 有大過人之才,何以正立其間,與之較是非, 門者千五百年。 古詖淫邪遁之辭,翕然並興,一 耳,上無禮以防其僞,下無學 物所以不明,治所以忽,德所 三聖,爲我焚其書。」 流傳世代久,梯接凌空虚。 以開,靡然世争趨。 朱子《感興詩》曰: 向非獨立不懼,精一自信 號空不踐實,躓彼荆榛塗。 顧盼指心性,名言超 「西方論緣業,卑卑喻群 以 以 出於佛氏之 稽其 亂。 弊。 異言滿 有 誰哉 無。 自

近思録卷之十三終

九一

生

近思録卷之十四

婺源後學江永集註

朱子曰:此卷聖賢氣象。

人也。 益去加 事,以禮制心」等語。 壞,不假修爲,聖之至也。 湯、武修身體道,以 如 武 堯、舜,禹之德 《遺書》。 而 近便别 [知之,湯、武是學而能之。文王之德則似 此 一説,只孟子分别出來,便知得堯、舜 〇以 明 功。 下同。 道 先生 如武王大故疎,其數紂之罪 《書》觀之,湯畢竟反之之功極細密,如 孟 子言「性之」、「反之」,自古無人 〇朱子曰: 日 復其性。 則 又自謂「有慚德」,覺多不是,往往自此 似 堯與舜 反之者修爲以 湯、武,要之皆是聖人。 又 曰 : 堯、舜天性渾全,不假修習。 更無優劣,及至湯、 性者得全於天,無所污 ,辭氣暴厲, 復其性 ,而至 以 如 是 一於聖 湯 義 生 制 便

事 知之性 都 不 也 如 仲尼元氣 也。 此。 禹「克勤」「克儉」,「不矜」「不伐」,蓋亦學能 〇葉氏曰: 也,顏子春生也,孟子并 文王「不識 不知,順 帝之則」,蓋 亦

也。 也, 明 子儘豈弟,孟子儘雄辯。 盡 已」,或曰「非常如此,蓋 無迹,只 之「微有迹 秋殺,都發出來,露其才,如所謂「英氣」,是發用 殺盡見」。朱子曰:仲尼無不包。 微有迹,孟子其迹著。 孟子則露其 之學於後世,有自然之和氣,不言而化者 無伐善,無施勞 道下二句便是解 見。 顔子和 觀其言,皆可見之矣。 是人捉 仲尼 處。 風 摸不 (才,蓋 無所不包。顏子示「不違如 E 」是也,使此更不露,便是孔子。 慶雲也,孟子 上 著。 如 句, 時出之耳」, 願 亦時焉 0 獨 無伐善, 問 一時 孔子儘 問「顔子春生」,「孟子并秋 孟 馬 顔子方露出春生之意, 子「露 無施 泰山 而 而 仲 或日 已」難 틴 勞」皆是。 尼 是 其 巌 戰 明 曉。 無迹,顔 才上,「 仲 嚴之 或 快 處都 之習 孟子 尼 人, 顔 時 若 問 氣 天 秋 見 孔子 愚 俗 顔 便 也 焉 也 不 象 地 殺 如 如 如 丽

快。 習否? 只是習俗之説 左傳》所載春秋人物又是一 樣 0 顔子「有若無,實若虚)葉氏 氣象不同。 Î 日 世 日 亦 豆衰道 較 是戦 穏 夫子 一微,孟子不得已耳」,三者孰是? ○問: 國之習。 大抵自堯、舜以 「清明 一時 犯而不校」,故極其豈弟。 在 般氣象, 焉 如 躬」,猶 而已」,豈 代 來至於本朝, 戰國人物又是 人物自 青天白 孟子亦 是 日 故 有戦 般 極 代各自 티: 氣 國之 般氣 Ŧ 其 象 子 明 恐 見矣。

氏曰: 後 其不至聖人? 歸 文字,只看 (於正,夫豈一時之所能勉强哉 難有好言 曾子易實之言,自非樂善不倦,安行天理,一息尚存, 曾子傳聖人學,其德後來 他 語 如言「吾得 只 氣 象 被被 極 氣象卑,終不 好, 正 被 而 不可 他 斃 所 **」**, 且 測, 類 見 道。 處 休 安 大。 理 知 葉

息邪説

,距詖行,放淫辭」,故極其雄辯

非

矣。 差。 厲不由也。」末二句 道何嘗息,只是人不由之。 聖人之學,若 傳 經 爲 難 如 聖人之後 非 董仲舒對 子 思、 孟 策 纔 語 子, 百 道 年, 〇葉氏曰 則 非亡 傳之已 幾 乎 也 息 群

> 輔 賴曾子之門有傳 經定於夫子之手,至 ĪĒ. 以 垂萬世。 子 如 思、孟子之徒相 孟子時 《論語》、《大學》、《中庸》、《孟子》之書 纔百 年 間 繼 微微 纘 述 言絶 而 綱 大義 挈 領 乖, 邪 猶

禄卿。 語》,皆模擬前聖之遺言,其過少。 葉氏曰: ,其過多。 荀子才高, 荀卿才高,敢爲異 荀子名況字卿,爲楚蘭陵令。 揚 雄 才 短 其 如 過 (論,如以人性爲惡,以子思、孟子爲 作 多 《太玄》擬 • 揚雄 揚雄字子雲,爲 易 才 短 《法言 其 過 漢 少。

不容修,修是揠苗。 性,便說惡,揚子見半善半惡 揚 皆是就分金秤上説 雄 日 極偏駁」、「雖少過 言 子雖少 荀 「學者所以修性」,故 荀子 、揚諸 過 極 人論性,其實只説得氣。),然已 偏 駁 下來,若不曾看《荀子》、《揚子》、 一等語,亦見不得 〇「荀子極偏駁」,「揚子雖少過 , 只 一 自不 伊川謂 底 句「性 識 人,便說善惡 揚雄 性 爲 荀子只見得不 一惡」, 更説 「不識 混 甚 大本已 性 道 0 則 問 好 曰 所 人底 朱子 失。 謂 性 揚

不計 其功。」此董子 董仲 舒 正 所以 |其義,不謀 度越 諸 其利 子。 朱子 明 其 白 道 漢

利之類。 易王 要明。❶ 儒惟董 利 正 無名,事 又是儒者語。 關 其 醇 誼 云「仁人正 不 儒」, 透耳。 一仲舒 然亦 故不成 功 ○仲舒 極是。 利自 非 一篇説 ○誼必 ○仲舒資質純良,摸索 他真見得這 其 明 是所 所 至於天下國家事業 誼 得 V. 其 不謀其 7稍親 (爲賊 不 正 甚 論,仁人於此有 高。 非 切,終是不脱 道理。 是有意要 利 敵乃可服 後世所 明 其 0 道)仲舒 以 、恐施 道 īE 」,此便是有 得數句 不 不能 不 漢儒氣 本領 如古人者 道 計 展 必明 自 其 人未必 已者。 (功」,方 味 純 如 正 只 得 意 非 īE 班 道 文 是 對 誼 無 有 名 師 固 不謀 義 江 病, 以 所 功 出 意 都

成」。 不知 見道 制 道 父子親,父子親 考之《詩傳》,其緊要處 一不分明 度不節」等 何 毛萇治《詩 要之亦不多見,只是 不 者人之欲」,「命非聖 所主 漢 甚 處? 儒 而 分 語 如 取 則 明。 似 日 毛 之? 》,爲河間 君 i 長、 不識性 見 臣 下 一敬, 朱子 得 有 董仲舒,最 鶻 數 此 善模樣。 人不行」, 其氣象大概好。 君 獻 突,如 處, 日 臣 即 E . 敬 如 博 至 程 則 ±. 關 子 揚 命 又云「明 朝 性非教化不成 不 者 雎 〇問 廷 雄 得 知 天之令,)所 Œ 聖 何 ,規模又窄 0 於天性 謂 賢之意,然 朝 所 問: 伊川於毛公, 「夫婦 廷 見 性 E 董 mj 一仲舒 知 者 則 有 然。 情 生 自 别 Ŧ 狹 嘗 貴 非 之 見 化 則

> 真是一 老,如 於 何會理得别事? 節 然《太玄》亦是 物,知 是説得騎 ,然後安處善,安處善 云「惟 腐 自貴於物,然後 儒 牆,不 清 到 惟静 拙 急處 底功夫,道 分明端的。 惟 只 是投黄老。❷ 寂惟 知仁 ,然後樂循理」,又似見得 寞」之類。 理 義 〇揚子 不是如 知仁 自 ·爲人 義, 此。 某當 [身命 然 深 其 謂 後 也 沉 (學似 揚 重 奈 何 雄 會 性 禮 本 最 去 節 不 善 於 思 無 模 重 用 黄 禮

終

何 曰 他 辭 著 禄隱謂 丽 書 林希謂 可 浮沉 便須 揚 下位 要 雄 依依 做 爲 禄 他 禄 而 是, 隱。 隱。 怎生 雄 揚 失身仕 雄 做 得 後 .莽,以 是? 只 是 爲 禄 葉 隱 見 氏

地 劉 明 可 之 爲 氏 必 無私 可 也 求 孔 明 也 有 0 心 若劉 有王佐之心, 成 朱子曰: 焉,行一不 而 表子 取 劉 程子謂 琮將 璋 道 義 聖 爲 「孔明 則 而 人 曹 得 未 有 蠸 公所 盡 天下不爲。孔 王佐之心 無 并 成 王 耳 者 取 道 此 如 而 則 天 興 未

0

「黄老」,原作「閣」,據局本改。

⁰ 非 」,原作 「必」,據局 本

間矣。 問: 歸曹氏, 明大綱却好 可 盡」,其論極當。 事 不成。 取 處此合如 以 只爲後世事欲荷 ,只爲如此 興 漢, 問: 何? 何 殺 負 便 劉 日 於 有 璋 表? 班駁 事 成,功欲苟 亦 須有 何 處。 如? 較 别 之取 、箇道 〇葉氏曰 就,便 日 劉 理 璋, 有許多事。 ,若似如 這只是不是。 則 琮 曲 降 此 直 則 **亚** 孔 有 地

象」如 言」,有大臣格君之業。 以公誠待人,至於 成敗利鈍,非所逆睹」 ○葉氏曰: 何? 葛武侯有儒 朱子曰: 孔明輔 一親 孔明學 賢臣, 數言,尤近儒者氣象。 漢討 ○永按:「鞠躬盡力,母死 者氣象。 賊, 遠 不甚 小人」,「諮 以信義爲主,以 正,但 問: 資 諏 質 「武侯有 好, 善 道 節 有 而後已」, 制 察 儒 正 行 者氣 納 大 師, 氣 雅 論

樂其 人心豫附,名正言順,禮樂其庶幾乎! 興禮樂,也是粗禮樂。 不見得孔明是禮樂中人,也只是粗底禮樂。 (有興乎!」○問: 孔 明庶幾禮樂。 「孔明庶幾禮樂」如 ○葉氏曰: 文中子曰: 亮之治國,政刑修舉, 「使孔 何? 〇孔明也粗 明而 朱子 無 日 死,禮 ,若 m 也

論,附會成書。其間極有格言,荀、揚道不到文中子本是一隱君子,世人往往得其議

○伊 其間 此。 觀。 第, 精 處 王通,隋末不仕,教授 逸諸公增益張大,復 但 有 不合有許 好 0 增益爲書,名曰《中説》。 都 故於世變興亡,人情物 處,非 直 有見處,也即是老氏。 若更曉得高處一著,那裏得來。 只可惜不曾向上 曉得,識得箇仁義禮樂都有用處,若用於世, 朱子曰: ,謂文中子有些格言,被後人添入壞了。 特荀 多事全似孔子,其 王通 揚 道 極 借 不到, 河汾。 透 開 顯 所爽,説 者 態,更革 著, 雖 又其間被人夾雜,今也難分别 以 其 爲 韓 間 於大體 得廣闊。 弟王凝、子福 重 退之也道 論 沿 耳。 文史及時 只 襲, 處 細看他書, 緣他於事上 0 有 施)葉氏 不到。 所欠闕。 爲 時等, 事 作 看來必 日 世 用 0 便見 變煞好 文中子 收其 必 先 文中子 所 講 是阮 他極 有 究得 以 後 如 可 次

求者 又 語 日 雖 ,才見此人。 有 韓 「荀與 病,然自孟子而後,能 愈亦近 人揚擇 世豪傑之士。 焉 至如 而 不精 斷 Ħ . 語 如《原 將 焉 孟 許 而 子 大見 醇 不 道 詳。」若 乎 一 醇。 識 尋

- ●「殺」,局本從洪本作「取」。
- ②「力」,局本作「瘁」。

揚則 굸 如 則 也。 破氣字,方有去著,此退之所以不易及。 見得 韓子之學華,華則涉 真簡如 道 精 明 不 若是會說底,說那一邊,亦自湊著這 程子謂 言性論之,則揚子善惡混之説,所見僅足以比告子。 其 何 愈近世豪傑,揚子雲豈得如愈。 》庶幾近之,却説見大體。 是 1 然皆實,大綱 韓子 見 稱 非 到 荀 無孔子,不當在弟子之列」。 他 得 孟子 韓子 問: 此。 處,却甚峻 也。 朱子曰: 説 見 韓 韓子 爲「大醇」。 荀 「醇乎醇」,亦只是説得到,未必真見得到。 竊 稱孟子甚善,非見得孟子意, 他資才甚高 子 得, 謂韓子 稱 揚 稱 韓 是。 荀、 絶,性分三品,正是説氣質之性,至 豈 「大醇」, 孟 退之却有些 道 揚 既 千餘 子 ○自古罕有 淺。二説取予似相抵牾? 韓子只説得 以 「大醇 然那時 醇 「失大本」、「不識性 是泛説 乎醇」,「荀 年 程子謂 處 本 更 後 人説 第六卷則曰 領。 〇問: 無 那 與 便 便 能 邊 人 申 是 如《原 能 與 制 作許大見識尋求」, 得 邊 亦道不到 而第二説 就 不 揚 《遺書》第一 端 服他 斷 害 論 湊 大醇 的 性 」者爲「大 道》 不著這 得 揚子之學實, 韓 ,便做大了, 惟 處 非 **其** 未得 如 ",其論 而 曰: 説? 退 若退之 (言雖 之徒 小 程 之《原 此 卷言 醇」, 疵」。 門説 只以 티. 其 邊。 荀、 分 較 又 實 木

下,而 世何 何? 予奪乃有大不同 子《韓文考異》云: 非見得真實,不能出 文、 用之周於萬事,而 爲得其大端,而王氏之言亦自不 然考諸臨川 學了,因學文日求所未至,遂有所 上細密做工夫,只從粗處去,不見得原 雖有心學問,但於利禄之意甚重。 文字,第二義才去窮究道理,所以看得不親 不知言所傳者何 人,又非鑿空撰得出,必有 軻之死,不得其傳。」似此言語, 、飲酒、 他於外 人識道 未知其本之當先於吾之一身也。 先生笑曰: 學本是修 博 真。 王氏之書,則其詩 戲爲事。 面皮殼上都見得 力去陳言誇末俗 者,故嘗折其衷而 屏 未知其體之具於吾之一 沙德,有 諸賢之論,惟程 Ш 此 〇問 事。 只 語 、要説 德 而 朱子 「軻之死不得 ,只是不曾 釋 屏 有 然後 爲 山以 子 i E 日 無理。 可 道 論之。 티 : :所見。 子 有言。 爲 憐 流 韓文公第 紛 此 頭來 向 是以 他也 無 皆 孤 紛易 條 裏省 心,知其可 蓋韓公於道 聖 竊 補 得 其 切。 爲 處,平 非 得 費 道 (傳」, 是 若 其言常詳於外 謂程子之意 其 能 盡 一察,不 是 退 不曾 精神。」其 傳 〇問: 一義是 百年 極 絶 無 耳。 Ħ 程 蹈 之 後 其 如 去做 所 · 曾 子 只 學, 却 ·身, 深 襲 日 0 以 以 韓公 去學 知 處。 就 見 前 倒 其 固 朱 如

文與 韓公所 但 位 取 而 舍。 Ŧ 慕 略 一氏雖 道 於 禄 深眡 之私 雖 有 内 内外 能 知汲汲以 Į 言此, 則 (志常極於遠大,而 淺 此 是楚 深之殊 其見於文字之中,信 而 行道 雖 其所謂 失而 濟時 而 終未 齊亦 「道真」者,實乃 抑 其行 邪祟 未爲得 能 審 未必 E 其 有 耳 爲 緩 能 如 事 急 謹於 老、 王 重輕之序 而或未免乎 氏 佛 細 之所 之餘 微 波,正 譏 以 雖 者。 貪 決 知

精 遠之意,若有 道 所 作詩序。 者氣象。 密 附 嚴 周 録 茂 恕, 〇朱子 叔 所謂灑落者 務 毫 胸 私吝心,何 盡 日 中 道 灑 延平先· 理。 落 ,只是形 '處更 見 生每 如 潘 光 有 容 延 誦 此等氣象。 風 一之所 此言 箇 霽 不 门以以 撰 一疑所 月。 墓 爲 誌。 行 見黄 其 善 形 清 爲 ○《通 明高 容 庭堅 政 有

温 悌 禀 玉 , 寬 既 通 徹 聽其言,其 異 於 伊 而 ĬII 神 無 有 而 先生撰《 明。 間 充 制 養有 視 和 人 測 而 人 其 明 道 其 色, 不 道 也 藴 純 流 先生行狀》曰: 如 其 粹 則 時 忠 接 如 浩 雨 誠 精 物 乎 之 貫 金 若 也 浬 於 如 滄 温 金 先 春 溟 胸 潤 石 陽 之 懷 生 如 無 之 資 良 洞 孝

見周 之。 然有 日 者 於 道 軍 風 敬 際 濂 六經,然後得之」者 生 人於老、釋者幾 六時,聞汝南周茂叔論 濂 也。 時 溪,不可 舉 弄月以 節、言資禀之粹、充養之厚 尤多自 溪者 以上一節,言行己之本末也。 居 茂 似後學, 而 極 朱子曰: 程 求 叔 因 廣 其 公珦 行之以恕, 後 ,雖得其大意,然其博求精察 與爲友,且 歸」,皆當 道之志。 誣 得 居 德 吟 也。 攝 之功 亦不將作第 二程之於濂 而 風 通 美 守 行 0 弄 特特 時 言 使其一 月以 事 葉氏日 大道 千 明 П 丁,視其 見善若 蓋 未 語 傳 於 夫功 歸 年, 一子受學焉。 不 一義看。 知 心 言 溪 有 庶 氣 受、 足 也。 如如 其 按濂溪 用 道 返 貌 物 「吾與 出 的 有 以 非常 之大全耳。 要, 日 遂 求 然則《行 先 當 先 諸 物 形 一仲 察 先生 點 諸 人,與 親 泛 生行 己, 、益充 厭 生 m 容 众於人 而 尼、 也」之意 切 六 濫 爲 《程 科 一爲南 動 狀 處。 顔 不 ,所聞, 語 經 氏遺 學,自 於 舉之業, 己 至 葉 有 子 所 倫 欲 安 其 後 氏 知 諸 所樂」,「 常。 謂 以 來二 而 書 軍 弗 内 其 人 日 一反 明 處 爲 司 抵 後 + 主 知 施 葉 於 學 求 以 理 程 道 則 盡 於 得 出 慨 五 於 成 Æ 再 知 參 先 上 自

是也。 之也。 明。 未 端 弟便可至命? 性至命,必本於孝弟; 無 昔之惑人也乘 起 若是聖人,如舜之孝,王季之友,便是盡性至命事。 弟「爲仁之本」,不成孝弟便是仁了? 此、若是做時。 弟中便可 兩句説用。 人事,然必從孝弟做起 斯文爲己任。 謂 有 似 不周遍 朱子曰:《明道 之窮 葉氏日 臻斯 是之非,開 昔之害 '盡性至命,看來孝弟上面更有幾多事,如何只是孝 近,故迷暗者爲所惑。 神 理 ,實則外)問: ,須是從孝弟上推將去,方始知得性命。 昔 日 知化, 也 之害 八其迷 近 盡 知得孝弟之理,便是盡性至命。 行 百代未明之惑,秦、漢 其言曰:「道之不明,異端 謂孟 性至命,必本於孝弟」,盡性至命是聖 否? mj 楊、 於倫理, 狀》說孝弟禮樂處,上兩 而 易知,今之害深而 暗,今之人人也因 不 墨、申、韓是也。 日: 子没而聖學不 足以 窮神 深遠,故高明者反蹈其 固是。 窮深極微,而 開 知化,由 但是爲仁自孝弟 又問: 物 成 今之害,佛 務 伊川 傳, 一句説 通於禮 難 而 也只如 説 辯 言爲 其 心,下 不可 以 如孝 辨。 下, 就 中。 始。 高 害 興 異 老

所以 序。 必入於此。 以人堯、舜之道。天下之學,非淺 道之不同。 非久於玩索者不能識其味。 好,所以賢愚皆獲其益。 河,各充其量。 生之言,平易易知 異端、正人心之大略也。 者之所傳耳。 世,皆未及也。 道。」先生進將 正路之蓁蕪,聖門之蔽塞,闢之而後 明智,膠於見聞,醉生夢 起,塗生民之耳目,溺 於平天下,灑埽 輕自大而卒無得 病世之學者 先生教人,自致知 自道之不明也,邪誕 葉氏曰:以上一節,言學道本末,與其關 覺斯人,退將 朱子曰: 其辨析精微, 應對 捨 賢 伊川之言,乍見未好,久看方好,故 先生之門,學者多矣。 近 也。 至於窮 此其自任 愚皆獲其益, 天下 明 而 死,不 道之言, 趨 葉氏日 至於知 於 遠 明之書,不 理 ,所以有 稍見於世者 自覺 污 盡 處 濁 見便好, 妖異之説 以 性 下 止,誠 哂 Ê 成 也 如群飲 循 固 而 口 雖 節,言教 窺 久看 滯 幸早 以 是皆 高 意 學 高 於 有 先 競 才 則 愈

間 人之道。 其 ",莱氏 心 而 人易從,怒人而人不怨,賢 ,本末備 日 狡 僞 是 具 者獻 非 雖 丽 循序漸 明 其 而 誠 亦 進 不絶之。 也。 暴 慢 先 者 生 感 致 (愚善) 接 而 其 物,辨 能 恭 悪 通 聞 咸 而 風 得 教 不 故

不可 斥。 顧 生 於 誣 然當時 爲 利 者。 害 君子也。 〇以上一 用事者,亦曰伯淳忠信人也。 時 見 排 葉氏 節,言接物之道。 斥,退 日 先 而 生以 省 議 其 先 新法不合,遂遭排 則其言行之懿,有 私 生爲政,治 未 有不以

者

誠

服

覿德

者

心

醉。

雖

小

人以

趨

向

之

異

也。

《文集》。

〇葉氏曰:

以上一

節,言爲政之道

嘗 先 沛 生 從 然 衆 處之綽 葉氏 爲 應 日 然 文 法令峻 逃 衆憂以 責 公密,而 (之事 爲 先生 甚難, 人皆 一未嘗 爲荷 病 而 於拘 且 先生爲 應命 礙 之事。 之 而 葉氏曰:

得其要領,且

順

乎

理。

當

法

令繁

密之際,未

惡

以

寬

葉氏

日

開

其自

新之路

改

而

止。

處

煩

而

裕

然而 當 監 倉 司 處之有 卒,不 競 爲 道, 嚴急之時,其待 動 故 聲色。 不 見其 礙 葉氏 為爲 日 之有要, 先 玾 生 素明 故 率 不 而 皆 見 志 寬 素定。 其 難。 厚 設 方 雖

> 不 施之際,有 能不徇 可 求 效 物 時好 面 而 爲 物 ,而得 所 應 也。 賴 遂其所 焉 未 至其 施 爲。 集 信 道 氏 加 之而 先 日 民 生 忠 信, 所 從, 信 爲 懇 則 惻, 動 緇 人不 之 足 條 以 愐 法 미 感 和 度 人。 及

邪? 般。 與 驢 得 注〕子厚觀驢鳴,亦謂 之,云「與自家意 如謂草與自家意 般。 自家呼唤一 鳴 那 E : 田 是天機自 抑 明 地,自 0 於生物中欲觀天理 他 道先)問: 也 理 般 只是偶 周子言 一會得。 動意思? 生 馬 般,木葉便不與 曰: 鳴便不與 然見與 一窗前 如此 須 思 看自家意思。 周 日: 草不除 流 自家意思 茂 〇間: 般一。 八自家 行處 固 叔 是,但 去 自家意 邪? 周子 窗 **②**遺 般乎? 即即 相 前 也是 與 是 取其 朱子 契。 書 、那草 草不除 謂 偶 般 生 又問 生生自 日 下 然見 乎 底 意 意 與 此 去, 如如 他 横 自 得 如 不 如 (渠觀 之意 騙 家 要 何 此 間 是

不美。 同 休戚」,陸子壽曰 張 吴必大日 子 厚 聞 皇 「此主張題 「子厚聞皇子生」云云,正淳嘗云「與 子 生 一,喜甚 目 耳 先生曾 見 餓莩者 問 致思否 食 便

也。 之同休戚。 티 : 不相管,人則 是「主張題目」,實不曾識得。 皆 ○葉氏曰: 是 均 曰 : 氣 元有此心,故至公無私,便都管攝之,無間斷 同 固 此即《西銘》之意,亦其養德之厚,故隨 體 是如此 惟 在 遏,初無擬議作意而爲之也 我者 ,然亦只説得一 今土木何嘗 至公無 私, 截。 故 有 能 私 如 無 間 是説 然與 斷 時 所 他 而 真 感 與 物

遇

蹶

然動於中

而不可

原明 則 曰 渾 曰:此處氣象,自有合得如此等人,説此等話道理 不知 是 謝 伯淳嘗 顯 道云: 事 舊 與子 和 日 氣。 曾 明 厚 有 《外書》。 道先生 其 在 人於 興 國 坐 下 此 寺 同。 如 處 講 泥塑人, 〇葉氏 講 論 此 終 事 日 日 ? 」 昌 接 所謂 人 而

伊 公掞,皆程子門人。 出 日 目 望之儼然,即之也温 ĬI 門 賢輩 侯 光庭 伊 門 師 ĴΠ 外之雪深一 聖云:朱公掞 在 尚 瞑 春 在 目 ○葉氏曰: 風 此乎? 而 中 坐,二子俟立。 ·坐了 尺。 明道 見 日 侯仲良字 既 明 箇 接人和 道 晚,且休矣。」及 月。」游、 於 粹,伊 師 既覺, 汝, 聖, 朱光 Щ 楊 歸 師 顧 初 謂 道尊 庭字 謂 見 人

> 嚴 ~,皆盛 德所形,但 氣質成就 有 不 同 耳。 明 道 似 顔 子 伊 川

似

孟子。

者乎! 弟如 氏曰: 先生質之美,養之厚,德之全,故其晬然發見,從容豈 先生三十年,未嘗見其忿厲之容。 氣,盎於面背,樂易多恕 此。 劉安禮云: 百世之下聞之者,鄙夫寬,薄夫敦, 明道先生德性充完, ,終日 1.怡悦。 《附 而 況於親 録》。 粹和之 立 之從 ○葉

其造 察倫明 於聲 復起 足。 從容不迫,然誠 而 立之才,知大學之要, 不 於約 其致於一也,異端並 吕 窮,雖天下之理 容,然望之崇深,不 而 物,極 不與 與叔撰《明道先生哀詞》云: 先生負特 也, 易。 雖 其 心懇惻,弗之措也。 事 所 其 止,涣 變之感不一, 養之成 至衆,知 博 미 然 文 立而 慢 强 也 心 也 釋, 反之吾身 識 和 不 躬 知 能移, 遇 氣 洞 應 充 見 行力究 事 其自任 以 浹,見 道 優 聖 而 是 體 自 心

己功。其自信之篤也,吾志可行,不苟潔其寧以一物不被澤爲己病,不欲以一時之利爲之重也,寧學聖人而未至,不欲以一善成名,

去就

,

吾義

所安,雖

小官有所不屑

0

於京 庸》。 易》,聽從甚衆。 得,反而求之六經。 是又訪諸釋、老之書,累年盡究其 文正公。公知其遠器,欲成就之,乃責之曰 時,先生年十八,慨然以功名自許,上書謁 如也。〔本注〕尹彦明云:横渠昔在京師,坐虎皮,説《周 易 吾道自足,何事旁求!」於是 儒者自有名教, ②道 日 師,共語道學之要。 吕 先生讀其書,雖愛之,猶以 吾 與叔撰《横渠先生行狀》云: 「吾平日 所弗及,●汝輩 夕二 爲諸公説 |程先生至,論《易》。 何 可師之。」〇朱子曰:《行狀 嘉祐初見程 事於兵?」因 者皆亂 先生涣然自信 道, 有二 盡 八説,知 伯 爲 次 棄 程 康定 勸 日 淳、正 異 未足, 近到,深 横 學, 讀 渠 用兵 無 日 》有 ^ 撤 於 范 淳 叔 所 中 : 明 去 兩

> 本, 告以 之。 爲勝。 子曰:横渠教人,道夜間自不合睡,只爲 寫了,方放下睡,不然放不下,無安著處。 是恁地勇,方做得。 思,有得則識 渠,終日 意。 而後已,聞 睡了,己不得不睡。 志道精思,未始須臾息,亦未嘗須臾忘 吾學既得於心,則修其辭; 非大公至明,孰能如是? ○葉氏曰:此可見横渠先生勇於從善,無 云「盡棄其學而學焉」, 知 ○横渠之學實 禮 危 成性、變化 者莫不動 坐 之,或中夜起坐,取 ○横渠作《正蒙》時,中 他做《正蒙》時,或夜裏默 室,左右 (亦自 成 心 氣質之道,學必 有進。 云「盡棄異學,淳 晚自崇文移疾 家,但 簡 編,俯 其 命 嘗 源 無可 辭 學者有問,多 則 謂 夜有得, 燭 無 而 坐 自 應 門 以 徹 差 如 接,他 讀 毫 如 曉。 人日 書 西 程 也」,後本 一、然後 也。 亦 繁吝之 先 聖人 仰 歸 人 須 他 生 其 横 皆 朱 而 起 首

斷 事 , 斷事無失, 吾乃沛然。 『精義人神』者,

早,故横渠每説「豫」字。 然他 便筆之於紙,只要有下落。 分,只争些子,故周先生只管説簡「幾」字。 看 謂須先説得分明,然後行處分明。 豫而已矣。」朱子曰:横渠言「吾學既得於心」云云,他意 儱侗,如何到得行處分明。 來理會道理須是説得出, 地位却要如此,高明 ○葉氏曰: 底却不必如此。 横渠如此,若論道理,他却未熟。 〇横渠言「吾學既得於心」云云, 一字不穩,便無下落。 今人見得不明,故説得自 人於義理,其初得於 然辨之又不可不 〇天理、人欲之 所以中夜 心

親。

其治家接物,大要正己以感人。

皆窮理致知之功素立,而非勉强擬議於應事之時也。

生氣質剛毅,德盛貌嚴,然與人居,久而

差,則所見已審,以

是應酬事物,知明理精

妙

用無方矣。

是

者,了然無疑,及宣之於口,筆之於牘

,則或有差。

故

命

辭

無

無悔。

故識與不

識,聞

風 而

畏,非

其義也,不

信,反躬自治,不以語

人,雖有

未諭,

安行

而

人未之

日

先

敢以一毫及之。葉氏曰: 德貌嚴毅

而中誠

懇惻,故

與

人久而益親。

躬自厚

而

薄

責於人,故人心

服

mi

不

敢

加

以

非義。

進、《定性書》二十二三時作。 欲學聖人。《語録》。 明道十四 横渠先 五時便學聖人,二十及第,出去做官,一向長 生 曰 : 〇朱子曰: 二程從 + 伊川《好學 四 \overline{h} 時, 論》十八時 便鋭 然

作。

思 録 卷 之十 四 终

近

101

其訛 正學以迪後進之盛心,於兹刻蓋三致意云。 師不及見,未得 矣。」端受書退,因與鋭 其深入宋儒 之發揮漢學,著述等身,考據家莫不宗仰, 朱之學。 心不淺。 行,必將有讀之而興起者,用裨益於世道 書,至爲 本,語端 舛,請 前 秋 日 精 夫人必能體程朱之心,然後能 謁 躬行實 正于師,醵資授梓。 切。 江 相 奥 突,研悦 或 一序言爲可惜 先 雖 (踐, 豈 石 非 生 君師,出《近 時 輯 齋汪君 朱子之語以 儒所好, 在 丽 多言? 羽翼之,則知者 也。 互相校讐, 今梓成,不幸 思 然使¹ 録 然其 以江 注 集註 朱子 是 表章 先 爲 書 訂 鮮 之 至 生 程 人 得 抄

端謹識。

儒 藏》精華編惠蒙善助,共襄斯文, 謹列如左,用伸謝忱。

本焕法 師

智海企業集團董事長 馮 建 新先生

NE • TIGER 時裝有限 公 司董 事長 張 志峰 先生

張貞書女士

付 剛先生

京天創盛 世 數 碼 科 技 有 限 公司董事長 周

> 洲 先

生

文北 哲先生

北

京華房美泰建築裝飾 工 程 有 限公司董事長

葉騰

飛

先生

壹佰 壹佰 壹佰 壹佰 萬元 萬元 萬元 萬 元

拾萬元 伍拾萬 元

拾萬元 伍 萬元

京大學《儒藏》編纂與研究中

北

本册責任編委 谷建 本册 審稿 人王國軒高海波

王秀梅

孫通海

